




BIBL. NAZ.
Vitt. Emanuele III

3
B
51
NAPOLI






IN
EPISTOLAM
D. PAULI APOSTOLI

AD TITVM COMMENTA-
RIVS, CVM ALIQVOT DIGRES-
sionibus, seu totidem locis communibus, bona
ex parte ad hodiernas in Religione controuer-
sias pertinentibus,

Collectore CLAUDIO ESPENCÆO
Parisiensi Theologo.

Digressionum præcipuarum index proximè
sequitur argumentum Epistolæ.

Accessit & index alter rerum in toto commentario
memorabilium.



PARISIIS, 50

Apud Nicolaum Chesneau, via Iacobæa, sub
scuto Frobeniano, & Quercu viridi.

1567.

CVM PRIVILEGIO REGIS.

PRIVILEGII SENTENTIA.

C A V T U M est autoritate Caroli, IX. Francorum Regis Christianissimi, ne quisquā alius, ante nouennium ab impressione singulorum librorum, Opera vlla Claudij Espençei, Theologi Parisiensis, excudat, néve vendat, præter eum Typographum, cui excudenda autor ipse dederit. Qui secus fecerit, libris, & pœna in sanctione æstimata multabitur. Privilegium Parisiis irrogatum, V. Nouembris, Anno M. D. L X V I.

Per Regem, ad relationem D. Cancellarij.

C A M V S.



IN EPISTOLAM D. PAV-
LI APOSTOLI AD TITVM,
Collectore Claud. Espenc. Pa-
risiensi Theologo,

ARGVMENTVM.



PRI MV M quidem ex Hie- Apostolicas
ronymo discendum, non de- Epistolas v
fuisse olim iam, qui Apostolo- heretici tra-
rum epistolas, non Apostolo- clarant.
rum Christi fecerunt esse, sed
proprias: verum adeò fide in-
dignos, ut mirum sit, quo sibi
modo Christianorum nomen auderèt vindicare: Mar-
tionem loquor & Basilidem, qui & de ceteris episto-
lis nihil non suo dogmati contrarium eraserunt, &
non nullas integras repudiauērunt, ad Timotheum
vtramq; & quam nunc conamur exponere, ad Titū.
Nec vlla quidem causa reddita, cur eas Pauli esse non
putauerint, sed haeretica scilicet autoritate pronuncia-
tes, illa eius est, hac non est, sed eadem autoritate pro
veritate refellendi, qua nō erubescunt falsa simulare.
Et meritò miratur Tertullianus ad finem librorum
aduersus horum priorem, cum hic, literas ad vnum ho

minem. 1. Philemonem factas receperit, quid has de statu Ecclesiastico compositas recusarit, affectasse scilicet etiam epistolarum numerum interpolare, Quin hanc eorum eisque hac in parte consentientium assertionem parvipendens Tatianus Eucratica, aliquot licet alias repudiet, hanc vel maximè Apostoli esse pronunciat. Scribit ergo Apostolus ad Titum discipulum suum in Christo filium, Creta ad Ecclesias instruendas relictū, è Nicopoli in Aëtiaco litore sita, & precipit ut eò ad ipsum venturus, è duobus in Cretam appulsis, alterū, vel Arseman vel Tychicum ibidem relinquat. Et Titi quidem cum alijs & apud alios commemorat, tum in posteriore ad Corinthios multis eum ornavit laudibus, ca. 2. Non habui, ait, requirere spiritui meo, quod non inuenerim Titum Fratrem meū. 7. sed qui consolatur humiles, consolatus est nos Deus in aduentu Titi: Consolati quidem sumus, in consolatione autem nostra abundantius gauisi super gaudio Titi, quia receptus est spiritus eius ab omnibus vobis, & si quid apud eum de vobis gloriatus sum, non sum confusus, sed sicut omnia vobis in veritate locuti sumus, sic gloriatio, quæ fuit ad Titum, nostra, veritas facta est. 8. Sic ut rogaremus Titum, ut quo cepit modo, ita perficiat gratiam quoque in vobis, istam. Et gratias ago Deo, qui dedit eandem pro vobis sollicitudinem in corde Titi: quoniam exhortationem quidem suscepit, sed cum sollicitior esset, sua voluntate profectus est ad vos. Et, pro Tito, qui est socius meus, & in vobis adiutor, & 12. Rogavi Titum, Num Titus vos circumuenit? Nonne eodem spiritu ambulauimus? nonne iisdem vestigijs? Et in vnijs iisdemque literis

Titi in Epistola Pauli laus & mentio.

de uno eodēque filiolo nescit desinere! Et. 2. ad Tim 4. in multis se relinquentibus hypocritis. Hunc non connumerat, sed sua eum volūtate atque missione abiisse in Dalmatiam innuit. Quod autem scribit ad Gal. 2.

Ascendi Hierosolymam assumpto simul etiam Tito. Titus cur à Paulo non
Nec Titus qui mecum erat (comes meus) cum gentilis fuit circum-
esset, compulsus est circumcidi, nec quidem propter sub- cismus. De hac
introducitos (subreptitios, obiter ingressos, emissarios) Pauli dispen-
fratres, qui subintroierant (obrepserant, sese insinua- satione con-
uerant) explorare (perscrutari ad speculandum) no- uenit Lati-
stram, quam in Christo Iesu habemus, libertatem, niū & Gra-
ut nos ad seruitutem redigerent, aut adigerent. Qui- tius, nomina-
bus neque ad horam (nec ad tempus aut momentum tim Chryso-
quidem) subiectione (parendo) cessimus, ut veritas stomo, eo loco
Euangelij apud nos permaneret. Cum è contrario Ti-
motheum alterum discipulum secum etiam assump- Timotheus
tum circumciderit, propter Iudeos, qui eum utique cur à Paulo
sciebant matre quidem Iudaea fidei, sed patre gen- circumcissus.
tili genitum, Act. 16. Huius partim discriminis oc-
casione mota lis est inter nobile par illud amicorum, Legalia post
sed hic acerrimorum antagonistarum, inter, Hiero- Christi mor-
nymum dico, & Augustinum, ob legalia in Christi tē quatenus
morte mortua, sepulta, abrogata, & Pauli tamen seruata, nec
exemplo in Timotheo quidem ea obseruantis, seruanda tamen ser-
da aut seruatu licita videri, in Tito autem eadem mi- uanda.
nimè seruantis, nec obseruanda, nec obseruatu lici-
ta. Et hoc quidem sui loci esset atque indigeret, hic tan-
tū adnotabimus, quæ è re sunt huius in Paulo erga
discipulos discriminis atque dispensationis. Exclamat
itaque Hieronymus, Epistola inter Augustinianas, Petr⁹ à Pau-
X I. O Beate Paule, qui in Petro simulationem repre- lo reprehē-
sus.

ARGVMENTVM IN EPISTOLAM

henderas, qua se subtraxisset à Gentibus, Iudaorum qui à Iacobo venerant, metu, Cur Timotheum patris Gentilis filium, utique gentilem (nec enim Iudæus erat, qui circumcissus non erat) contra sententiam tuam circumcidi cœgisti? Respondebis: propter eorum locorum Iudæos, Qui igitur tibi ignoscis in circumcissione discipuli venientis ex Gentibus, ignosce & Petro praeessori tuo, quod aliqua fecerit metu fidelium Iudaorum. Respondet Augustinus, Epistola XIX. Paulum legitima illa celebrantem, cum aliàs, tum vel quando Timotheum circumcidit, non ad hoc id egisse,

Sacramentis
veteribus sa-
luti post mor-
tem Christi
non datur.

ut putari videretur per ea etiam sacramenta Christi-
anæ salutem dari, sed ne quæ prioribus, ut con-
gruebat, temporibus in umbris rerum futurarum Deus
fieri iusserat, tanquam Idololatriam Gentilium dam-
nare crederetur. Hunc igitur circumcidit, ne Iudæis,
maximè cognationi eius materna, sic viderentur qui
ex Gentibus in Christum crediderant, detestari circum-

Circumcisio
à Deo olim
præcepta.

cisionem, sicut Idololatriam: cum illam Deus fieri
præceperit, hanc Satanas persuaserit. At Titum pro-
pterea non circumcidit, ne occasionem eis daret, qui
sine circumcissione dicebant credentes saluos esse non
posse, idque Paulum etiam sentire, ad Gentium dece-
ptionem iactarent. Quod satis Galatis significat, ubi
apparet quid eos captare intellexerit, ut non faceret in
Tito, quod in Timotheo fecerat; & quod ea libertate
facere poterat, qua illa sacramenta ostenderat, nec
tanquam necessaria appetenda, nec tanquam sacri-
lega damnanda. Meminit alterius contra Faustum
libr. 19. cap. 17. sic, Prioris populi sacramenta per Ie-
sum impleta, ideoque sublata & mutata, primos

Sacramenta
vetera per Ie-

Christianos, ex Iudeis, donec contra tam diuturnam consuetudinem paulatim persuaderentur, & ad intellectum perfectum perducerentur, & quia sic natos & institutos, fuerunt Apostoli patrio ritu traditioneque seruare, & quibus hoc opus erat, ut congruerent eorum caritati moribusque, monuerunt, Inde Timotheum Iudaea matre, Graeco patre natum, propter eos ad quos tales cum eo venerat, circumcidit Apostolus, & inter eos morem huiusmodi custodiuit, non simulatione fallaci, sed consilio prudenti; nec enim ita natis & institutis noxia erant, quamuis iam significandis futuris non necessaria, &c. ut si his qui ex circumcisione venerant, talibusque sacramentis adhuc dediti erant, ultro vellet, sicut Timotheus, conferre congruentiam, non prohiberentur: sin in huiusmodi legis operibus putarent suam spem salutemque contineri, ut a certa perniciē verarentur, sic nimirum circumcisis, ut volebant à quibusdam deprauatis persuasi, quod sine his salui esse non possent, Christo nihil profuturo. Gal. 5. Vtriusque ad Consensum de mendacio cap. 5. sic idem meminit. Non ut quidam putant, simulatione Paulus Timotheum circumcidit, aut alia ritu Iudaico sacramenta celebravit, sed ex illa libertate sententiae suae, qua praedicauit circumcisionem nec Gentibus prodesse, nec Iudeis obesse. Vnde nec illos ad horum consuetudinem astringendos, nec hos à paterna deterrendos: potestatem autem haberent in sua quisque manendi, non necessitatem, nec Iudaeus, si vellet, ubi nullum perturbaret, recedere à Iudaicis obseruationibus, ab Apostolo

sum implita
& sublata.

Legalia post
Christū ali-
quando non
noxia, si d
nunquam ut
essentia.

Legalia Pan-
lus liberè ser-
uauit, non si-
mulatoriē.

Legalium ser-
uandorum alia
Iudaeis, alia
Graecis ratio

ARGVMENTVM IN EPISTOLAM

prohiberetur, qui consilium in eis permanendi ad hoc dedit, ne superfluis perturbati, ad alia salutis necessaria non venirent. Nec magis ab eo prohiberetur, si quisquam vellet gentilium ideo circumcidi, ut sic ostenderet non id se detestari, quasi noxium, sed indifferenter se habere, tanquam signaculum, cuius utilitas cum tempore praterisset. Non enim si salus iam ex eo nulla, etiam exitium inde metuendum. Ideoque Timotheus in præputio quidem vocatus, quia matre tamen Iudæa ortus, & ostendere cognatis suis debebat ad eos lucrificandos, non hoc in disciplina Christiana didicisse, veteris legis abominari sacramenta, circumcisis est ab Apostolo, ut hoc modo Iudæis demonstraret, non ideo ea Gentes, quia mala, & perniciosè à patribus observata, non suscipere, sed quia post aduentum tanti sacramenti, quod per tam longa tempora tota illa vetus scriptura propheticiis figurationibus parturiuerat, salutis iam non necessaria. Nam & Titum item circumcideret, cum hoc vrgerent Iudæi, nisi hoc subintroducti falsi fratres ideo fieri vellent, ut haberent quod de ipso disseminarent, tanquam eorum cessisset veritati, qui spem salutis Euangelica in circumcisione carnis & eiusmodi observationibus esse prædicarent, & sine his nemini Christum prodesse contenderent, cum nihil contra eis prodesset, qui eo animo circumciderentur, ut ibi esse salutem putarent. Ex hac ergo libertate, Paulus paternas observationes, cum alias, tum circumcisionem, in Timotheo seruauit, in Tito omisit, hoc unum cauens & prædicans, ne sine his (vel cum his) salus Christiana nulla putaretur,

D. PAVLI AD TITVM.

qui cum earum hostis ideo putaretur, quod eas Gen-
tibus nollet imponere, easdem contra non asperna-
tus more patrio celebrare, satis ostendit, hoc in eis Chri-
sto adueniente remansisse, ut haec nec Gentibus essent Legalia In-
necessaria, nec Iudaeis perniciofa, nec iam cuiquam dannō noxia
homini saluta- res. Atque hac occasione eorū qua Pau-
lus de Tito & Timotheo dissimiliter scripserat. Titum Gracū nō ne-
ergo discipulum, comitem, coadiutorem suum, fratris cessaria, ne-
filiique loco habitum, Paulus insula nobilissima & mini saluta-
cent vrbia, ob eximias animi dotes praefecerat, Nam Creta centyr-
Creta Iouis magni medio iacet insula Ponto, bia.
Centū habitāt vrbes magnas, ditissima regna.

3. Aeneid.

Medio autem ponto, non tantum quia longè à conti-
nenti, citante illic Salustium Servio, sed poeta ibidem
altius intuēte, quod cum apud Cosmographos legimus Insula qua
qua in quo mari insula sit, de hac dubitens in quo sit, in quo mari.
quod parte Lybicum, parte Ionium, parte Aegyptiū,
parte Achaicum respicit. In medio ergo ponto, ac si di-
ci posset, in medio pontorum, quod latinitas non reci-
pit, &c. Illinc igitur abiens Apostolus Titum Ar-
chiepiscopum consecravit. Atque hoc sit eorum quae
hic facundi facundique Graci praesantur. I. nēpè quod I.
virum eximium, & inter eos qui cum Apostolo ver-
sabantur, probatissimum, Insula illi maris Mediter-
ranei (Sicilia excepta) maxima praefecerat, & ordi-
nauerat, quā multos illic necesse futurum erat, infe-
riores Episcopos ordinaturum, eis praefuturum, cōsque
sibi à suffragiis, siue quos vocant Suffraganeos, habi- Suffraganei
turum. Hoc enim esse opinor quod iudicaturum Theo- qui olim, qui
phylactum dicit, Non verò ut tantò post, non in maxi- post.

ARGVMENTVM IN EPISTOLAM

in rebus abusu, in seriis lusu, ac etiam risu nullo, praeesse dicuntur prouincia quidā, quae vel nulla prorsus extat, vel geri certè obtinerique omnino nequeat. Reliquerat ergo Titum Paulus, quae ibi pietatis iecerat fundamenta, confirmaturum, quaeque apud Cretenses coeperat, absoluturum, & si qua forte deerant, suppleturum: reliquum enim quod erat superadificandum, ei credidisse, de quibuscunque opportunum vide-

II retur, eos instructuro. II. quod ex hoc primo sequitur, non solum iis qui in continenti, sed etiam qui in insulis habitabat, diuinum Apostolum diuinam & salutarem doctrinam attulisse, & insulanos diuina cognitionis luce illuminasse. O virum plus quouis *Ulyssè* polytropum. Et, Qui mores hominum multorum vidit & vrbes. Ter, aiebat, naufragium feci, nocte & die in profundo maris fui. In itineribus saepe, periculis fluminum, & latronum, ex genere, ex gentibus, in ciuitate, in solitudine, in mari. 2. Cor. II. & in falsis etiam fratribus, de quibus hic quoque notan-

III dum, III. Illuc, hoc est, ad Cretenses à Paulo conuersos etiam tum penetrauisse pseudapostolos, qui ex Iudaeis crediderant, sed salutarem prädicationem corrumpere, Iudaismum scilicet suum omnibus ingerentes, legisque pretextu populum seducere, & legales caeremonias in Christianismum reducere conabantur, quos ut fortiter reiciat ac refutet, Titum adeò animat. Quos conuenit, inquiens, abarcere, infranare, & ut *Pacianus* epistola 2. contra *Novatianum*, nouè dixit indentari, pro, in quos oportet dentem infringi aut insigi.

IIII. Sumpta ex iis Iudaeizantibus occasione, inuehitur in Iudaeos, quorum genus uniuersum, quod uti con-

Paulus in insulis, nedum in continenti euangelizat.

Pseudapostoli Iudaeizantes.

Pauli zelus in Iudaeos.

D. PAULI AD TITVM.

humilia dignum respuit ac propè detestatur, nihil mi-
rum: nec enim ut procax aut maledicus eos improbat,
sed immenso Dei amore ac Zelo id facit, perinde atque
Christus tam multa indignabundus Scribis atque Pha-
risæis exprobrabat, Matth. 23. Marc. 12. Luc. 11. 20. nō
suo nomine, nec illorū adeò gratia, sed quòd alios per-
derent. Malos enim plerunque increpandos, non tam
quia speremus hinc meliores fore, quàm quia multos
corrumpunt, & inquinant. V. apparet, rebus aliis
tranquillioribus scripsisse, cum animo quietior esset, ac
otio velut abundaret, priusquam in vinculis tenere-
tur, & cum adhuc extra metum consisteret, ac in li-
bertate esset, nulla enim persecutionum aut afflictio-
num hīc mentio, unde & hanc apparet prius fuisse
conscripam, eis quas ad Timotheum dedit, posteriore
præsertim, quam proximè finem suum scripsit, alioqui
illarum prioris hæc videri posset, epitome, ac velut re-
petitio, tam multa utrique communia. VI. quanquam
vel ex huius breuitate, Titi quoque virtutem & præ-
stantiam discamus licet, quòd huiusmodi vir ver-
bis minimè multis opus habuerit, sed quadam velu-
ti admonitione, siue ut paucis moneretur. VII.
Hic, ut ubique, fidem in Christum predicat, non
ut rem recentem & nuperam, sed à seculo para-
tam, & à Deo olim iam promissam ac annuncia-
tam, Sic enim præfatur. VIII. Et, quæ primarium
fidei est obiectum, gratiam, quæ saluti nobis fuit,
frequenter inculcat, satis eam ratus ad consola-
tionem fore, & ad studium bonorum operum
valuturam. Qui enim apud sese reputauerit,
quis & qualis antea fuerit, quibus & qualibus

V
Epistola hæc
prius eis qua
ad Timo-
theum scri-
pta.

VI
Breuitas.

VII
Fides res non
recentis.

VIII
Gratia Dei
præcipuum
fidei obiectū.
Operum bo-
norum stu-
dium.

ARGVMENTVM IN EPISTOLAM

postea donatus beneficiis, quanta gratia, quàmque immeritis, dignatus, dabit operam omnino ne malis atque ingratis operibus benefactorem tam de se bene meritò ad iram prouocet, unde & in bonorum operum disciplinam hanc, ut & Timotheanam concludit. IX. prae-

IX. Ecclesia sta- plina hanc, ut & Timotheanam concludit. IX. prae-
tus quales es scriptis Tito, ut Timotheo, personarum, etatù, & con-
se conuenit. ditionum officis, breuiter, qualem Christianum oport-

seat esse Clerum ac populum, quales Ecclesiasticos, ut loquimur, & laicos, episcopos atque presbyteros, utri-

X. usque sexus senes & iuuenes. X. addit, ne quisquam
Principum Christiana religionis prae-textu, seruus hero, famulus
& magistra Domino, aut alius cuius principibus resistat aut ma-
gistratibus, quamuis essent à Christi tum fide alieni,
suum auctori quin potius eos leniter ferendos, si quãdo fortè, Deo vo-
lente, & ij resipiscant. Suo ergo. i. publico eis fungen-

tibus officio, ad aras usque parendum. XI. in Baptismo

XI. Baptismi vis Sacramentorum ianua, mysteriorum nostrorum vim,
& sacramen- fructum, & efficaciam tradit, salutarem, spirituale,
eorum noua ac planè diuinam. Sunt enim diuina Sacramenta, sed
legis, noua maxime legis, non signa tantum vana, vacua,

euanida, & veritatis rerum signatarum expertia: sed diuini verbi velut appēdices, diuina gratiae sigilla aut signacula, Dei erga nos donorum organa, instrumenta, & veluti vehicula, eadem quae significant & figu- rant, praesenter (ut ita loquar) habentia, & ad ea venientibus offerentia, exhibentia, communicantia. Verbi gratia: Baptismū (de quo hīc Paulus) accipis, Qua- re? ut corpus laues? Eadem opera, ac minori etiam nego- tio, ad thermas proficisceris aut Sequanam. Ad ba- ptismum igitur accedis, ut spiritu renoueris, quod hīc ait Apostolus, & regenereris. Est ergo baptismus sa-

erum mysterium, spiritualis renouationis & regenerationis non solum significatorium, sed etiam exhibitatorium, applicatorium, & suo etiam modo effectoriū, idque non quā aqua, aut quia aqua sit, sed quia Domini Dei verbo, cui annexa est, suo nos renouantis & regenerantis, aqua. Atque hic schola nostra Theologica cum sacris scripturis & scriptoribus probè conuenire, clare, opinor, contra modernos nouatores, obtinui in ea, qua hac de re est, Digressione. XII. hereticos semel & iterum monitos, atque iterum correptos, incorrigibiles, prorsus euitandos. Quin etiam hinc eos vel semel monitos, nec saepe monendos, quod Christiani minūs sint, praescribit Tertullianus: Si enim, ait, haeretici sunt Christiani, Christiani esse non possunt, non à Christo habendo, quod de sua electione sectati haeticorum nomine admittunt, ita non Christiani, &c. Quos ideò Cham medius Noë filius, tanquam se ab utroque discernens, & inter utrumque remanens, significauit, quasi sic nec in primitiis Israelitarum, nec in plenitudine Gentium, Augustino de Ciuitate lib. 16. cap. 2. Et à seipsis damnatos Cyprianus ad Magnum lib. 1. Epist. 6. sic exponit, Quisquis de collectis foras eiecerit. i. Si quisquam in Ecclesia gratiam cōsecutus, recesserit, & ab Ecclesia exierit, reum sibi futurum. i. ipsum sibi, quod pereat, imputaturū, quod Apostolus explanat, docens & praecipiens haeticum vitandum esse, ut peruersum & peccatorem, & à semetipso damnatum, hic est enim, qui reus sibi erit, non ab Episcopo eiectus, sed sponte de Ecclesia profugus, & haetica presumptione à semetipso damnatus. Augustinus Cresconiū grammaticum ridet, haesim & schisma his diffini-

XII.

Haeretici incorrigibiles vitandi.

Haeretici non sunt Christiani.

Cham haeticorum typus.

Hæresis & schismati diffinitio & distinctio.

tionibus discernentem, quòd illa quidem diuersa sequentium secta sit: hoc vero eadem sequentium separatio, & errare ait eum, qui quod schisma est, hæresim vocaret. Lib. 2. cap. 3. & 7. magis eam distinctionem apprebatur, qua dicitur schisma, esse recens congregationis ex aliqua sententiarum diuersitate dissensio. Nec enim scissio vel schisma fieri potest, nisi diuersum aliquid sequantur, qui faciunt: Hæresis autem, schisma inueteratum. Et 8. Proinde hæreticos esse, qui in schismate remanerent, qui de Ecclesia, qua Christi corpus est, diuersum sequuntur, &c. ut hæreticus ab antiquo, eligo dicatur, quia sequi mauult quod suo ipse sensu elegit, quàm quod per scripturas ECCLESIA tradidit. Schismaticus, à 2. cor. 1. secundo, qui inter bene coniunctos, vnius quippè corporis membra, discordiam serit. Hactenus Erasmus non malè, lib. 2. Ecclesiast. Reliqua videro in litera & hæreseologia.

Hæreticus quis dicatur.

Schismaticus quis dicatur.

XIII

Episcopalis dignitas ut contra malos gerenda.

XIII. quòd eis quidem quod malè agerent, & uti desisterent, denunciabat, sed quòd eos à cæptis semel non cessantes humiliter nimis pateretur, non pontificali iure & imperio coerceret atque expelleret, & ita pontificale officium nimis simpliciter, nec prout pontificia dignitas exigit, exerceret, ac proinde discipulo ex nimia cum simplicitate, tum humilitate quàm par erat, patientiori, præceptor scribebat atque præscribebat de officio Pontificio imperiose & potestatiue gerendo, quòdque simplicem quidem esse bonum sit, nimia verò Episcopi humilitas Ecclesie regimini mala atque incommoda, magis ideo cum imperio & potestate doceat, arguat, exhortetur, & inemendabiles ab Ecclesia depellat, ut vel sic huius exemplo Episcopos

plus a quo simplices avimosiores reddat : Quae sunt
 glossae interlinearis undecunque sumptae, & Bru-
 nonus eam, opinor, secuti, vera quidem, sed vereor,
 ut ne ad sui magis quam Apostolici temporis Epi-
 scopos hi respexerint, praeterquam quod de hac ni-
 mia discipuli tum humilitate, id est, animi deiectione,
 tum simplicitate, id est, insipientia, tum in ha-
 reticis neque coercendis, neque abarcendis patientia,
 id est, cessatione ac neglectu, nulla in tota epistola
 praeceptoris, tot alias eum locis commendantis, men-
 tio, nedum querimonia. Et agnoscimus interim E-
 piscopo non minus necessariam paternam severita-
 tem, quam maternam pietatem, ut sit & asper su-
 perbis, & suavis modestis, & nec timoris angus-
 tum, nec elationis habeat supercilium. Vrat ignis
 instar, & luceat, hoc est, praedicationis gladio,
 ceu ignito eloquio, increpatione mordaci, & com-
 minatione metuenda vrat, & blandis, fouendo,
 & suavia, sed aeterna promittendo alluceat. Et
 pontificis enim baculus ab inferiori punit, & in Pontificatus
 summo ad anteriora extenditur in se rediens, quia
 Ecclesia doctor debet & pungere. i. peccantes aspe-
 re redarguere, & correctos ad superiora dirigere.
 Sic tamen ut ad propriam conscientiam sui consi-
 deratione reuertatur, si forte in se habeat quae aliis
 annunciat, ne cum aliis praedicauerit, reprobis
 fiat. i. ad Corinth. 9. Verum praefari ac etiam con-
 cionari desino. Porro de Tito nostro, ad quem
 hac scribitur Epistola, hac colligit aut etiam con-
 uicit Theophilus Lebeus in Onomastico Theologico,
 ex superioribus nimirum Pauli testimoniis.

Episcopo ne
 cessaria cum
 severitate la-
 nitas.

Pontificatus
 baculus.

Titi vita &
 obitus.

ARGVMENTVM IN EPISTOLAM

Natus parentibus ethnicis, ideoque non circumcissus, amplexus Euangelium Christi, comes fuit profectio-
num Apostoli, & omnium ministerij eius, quicum
& Barnaba interfuisse Concilio Apostolorum, Act.
15. credere est. Post à Paulo in Creta relictus, Ecclesias
& Pastores oppidatim istic instituit, istinc euocatus
ab Apostolo, ut ad se veniret Nicopolim, non Macedo-
nia sed Epiri urbem (sunt enim eius nominis plures)
in quam peragrata Macedonia statuerat Apostolus
desistere, atque istic hybernare, sed mutato, ut verifi-
mile est, consilio, eidem mādasse, ut ad se Troadem ve-
niret, quem ubi non inuenisset, in Macedoniam tran-
sisse, sua interim sponte Corinthum Titus nauigaue-
rat, ubi explorato eius Ecclesia in Paulum animo, pro-
fectus est in Macedoniam. Cuius aduētus Paulus tum
ibi versans, mirificè recreatus est. Eo tempore 11. ad
Corinthios scripsit, eamque per Titum & Lucam Co-
rinthum misit, ut quidē habet eius Epistola ad Cori-
nthios: postea Paulo Romæ captiuo aliquandiu adfuit.
Inde in Dalmatiam profectus, à Paulo utique eò mis-
sus, & ibi finaliter eum fuisse Episcopum dicit Aquis-
natus, sed testem eius neminem laudat. Constantius est
in historiis, & Sanctorum, (ut vocant) Legendis, quem
in Cretam rediisse, ibique mortuum. Et nihil admodū
præterea de viro tam licet eximio. Sic Eusebius lib. 3.
cap. 4. histor. Ecclesiastica, quem Nicephorus sequitur
lib. 3. cap. 1. Qui primi Apostolorum fuerint successo-
res. Titus, ait, ordinādis apud Cretam Ecclesiis à Pau-
lo præficitur, siue primus Cretensium Ecclesiarum epi-
scopatum sortitus scribitur, & præterea nihil. Doro-
thei de LXX. discipulis Synopsis, Creta ipsi & circum-
iacen-

Titus Dal-
matia episco-
pus.

Titus pri-
mus Creten-
sium episco-
pus.

D. PAULI AD TITVM.

iacentibus insulis Euangelium pradicauiſſe, ibi mortuum & cum gloria ſepultum. Nec aliud in vita ſcriptorum Eccleſiaſticorum ſiue Hieronymus, ſiue Sophronius, de vita item & morte ſanctorum, qui Deo placuerunt; Iſidorus cap. 88. Titus Pauli diſcipulus, & in baptiſmo filius, natione Græcus, & ex gentibus ſolus ab eo poſt Euangelium circumciſus (id autē antea negatum eſt) quem ad inſtruendas Crete Eccleſias reliquit, ibi in pace deſunctus eſt & ſepultus. In Martyrologio Bedæ, Iſuardi, &c. Pridie nonas Ianuary. Natale B. Titi Apoſtolorū diſcipuli, qui ordinatus à Paulo Cretenſium Epiſcopus, cui etiam ſcripſit idem Epiſtolam, omni Dei Eccleſia utiliſſimam, poſt predicationis demum officium fideliffimè conſummatum, beatum finem adeptus, ſepultus eſt in Eccleſia, ubi fuerat dignus atque diuinitus miniſter conſtitutus. His non contentus Petrus de Natalibus Equilinus Epiſcopus, plura addens, quem ſequatur non addidit, ex Zena (ſi Deo placet) legiſſerito, cuius in hac mentio. cap. 3. qui noſtri huius vitam ſcripſerit: Ea utinam extaret. locus eſt VII. Calend. Septemb. ſiue lib. 7. cap. 108. Catalogi Sanctorum. Meminit alterius Titi iuſti hominis religioſi & Deum colentis, Lucas, Act. 18. in cuius domum Synagoga coniuncta Corinthi Paulus diuerterit. Floruerunt aliquantò poſt & alij cognomines, Hieronymo & aliis ſcriptoribus, Titus Boſtrinus Epiſcopus ſub Iuliano & Iouiano principibus. Quartus item Titus Nicephoro Byzanti Epicoſcopus, ordine XX. Nec illud omiſerimus ex Volaterrano, lib. 20. & aliis, Titus quando prænomen, T. tantum litera notabatur, quando nomen, totū ſcribitur, ut Titus princeps. Sequitur digreſſionum Index.

Titi plures.

Chriſoſtom⁹
eundem for-
taſſe fuiſſe ar-
bitratur.

INDEX DIGRESS- SIONVM.

I.	Vt Episcopi numero non vilescant.	
	pag. 33.	
II.	Turpilucti.	65.
III.	Varij variarum gentium mores.	156.
IIII.	De senectute.	226.
V.	Sacra lectio quibus licita.	250.
VI.	Officium matrisfamilias.	265.
VII.	De gratibus humanis.	350.
VIII.	De officio seruorum.	404.
IX.	De abrenunciatione in baptismo.	431.
X.	De autoritate principum.	510.
XI.	De sacramento Baptismi.	564.
XII.	De Iustificatione.	616.
XIII.	Hærescologia.	654.
XIII.	Appendix ad Hærescologiam.	720.

RERVM AC VERBORVM IN SV-
 perioribus commentariis & digressionibus
 D. Claudij Esp̃ec̃ai ad Sancti Pauli Apostoli
 ad Titum epistolam, memorabilium, sylla-
 bus, per M. Guidonem Gausarum eius Ama-
 nuensem collectus.

A



Bilius propheta		Adulter vxoris nimius amator	332
pag.	3.93	Aegineta Cretensibus nihil melio-	
Abisac	235	res	145
Abnegare semetip-		Aegypti opprobria ei enſerre	444
sum quid ſit	426	Aegyptiorum ſtultitia	552
Abominabiles	192	Aeneas Syluius	94
Abraham primus dictus ſenex in		Aetatis fabula quid ſit	355
ſacris ſcripturis	31	Aetates aurea	353
Abſenti	666.684	Aetates Patriarcharum	359
Abſtinentia	455	Aetates quatuor	353.574
Abuſus Eccleſiaſticorum	132	Aetatum diſcrimen triplex	224
Accipere aliquid pro Eccleſiaſticis		Aeternum, id eſt, antiquum	14
functionibus an liceat	120	Aeternum ſupplicium quale intel-	
Accuſus iuris ſtudioſorum Pytha-		gendum	11
goras	166	Aeterna priora, & antiqua	15
Achaz genuit decennis	377	Aethiopis eunuſti ſtudiu ſacta ſeri-	
Acquiſiſſe nos vt dicatur Chri-		ptura	252
ſtus, aut redemiſſe	486	Aethiopes & Aegyptij, Reges ſuos	
Actio eadem pro radicis diuerſitate		Deos arbitrari	574
diuerſimodè iudicata	479	Affectus rectus & corruptus	352
Ada duo	573	Agnitio veritatis duplex	6
Adiutorium non adiutoria	325	ai & geneſis	65
Adoleſcentes	355	Albicus epiſcopus au. mat	94
Adoptio plena	583	Alexandra regina	183
Adrianus Traiectenſis	69.253	Alexandro Macedoni Pamphilici	
Aduentum ſuum cur diſſeruat Chri-		mare peruiſum	521
ſtus	456	Amare	269.326
Aduentus dno	457	Amor ex fide qui ſit	725
Adulatoris	75	Amor ineptus & ſtultus	279
		Amplexus amoris eſt	59

INDEX.

Anabaptismus	713	Apostolica sedis auctoritas	74
Ananias sacrilegus	395	Apostolici cuiusdam viri dictum	
Anastasis Rom. episcopi de Origenis sententia	755	687	
Anathema gravius excommunicatione	686	Apostolorum Christi auctoritas	4
Anathematis formula	693	Apparitio non de Patre	461
Anathemati subiaci, à deo separari	692	Apum mellificia	167
Anathematizati quidam post mortem	692	Aqua, purificatio, in lege	567
Ancilla ius	324	Aqua rerum principium	572
Andromache Hectoris	342	Aqua spiritui coniuncta	599
ἀνδράποδοι, qui sint	44	Aqua amaritudo in dulcedinem per lignum conversa allegoria	448
Angelica curia	453	Aqua nomen solum positum in scripturis sanctis, baptismum indicat	566
Anglorum episcopi	38	Aqua vis ad purificandum animam	609
Anglorum fastus in famulatio & saturitate	414	Aqua vis regenerativa	601
Anima nihil diuinius	491	Aqua Christum non abluerunt, sed per eum abluta sunt	604
Animi mors quadam & renascentia	575	Aquarum ablutio mystica	590
Anna	282	Aquis omnibus benedictio data per Christum, in Jordanis aluam descendentem	602
Anni apud veteres non pro mensibus supputabantur	360	Argantonij longauitas	369
Anni primigeniorum solares fuerunt	364	Arelatense concilium	593
Anno terminatio alia aliis	360	Aristoteles dialecticorum princeps	7.234.340.383.549.644.
Antichristus	126.556.670	Arius & Ariani	465.591.675.
D. Antonij odium aduersus Schismaticos	674	679	
ἀντιπρότατοι	113	Artaxerxes Rex	519
Anus libidinosus	244	Artemas	716
Apocrypha leguntur & cauuntur	758	Artium disciplina ut distinguatur nationibus	161
Apollinarij ingenium, & fatuum in plerisque dogma	741	Artium professores, prestare quae debeant	638
Apollos	720	ἀσώτια	51
Apostata vocabulum odiosum	436	Assentatores	535
Apostolatus dignitas	4.27	Astrologia & Geometria quomodo inueniuntur	362
Apostolica epistola cur scripta	115	Aisrebatensium obstinatio	511.

I N D E X.

<i>Ananias idololatria</i> 94.95. 280.	571	<i>Baptismus non repetendus</i> 498
352		<i>Baptismus num apud hereticos</i> 590
<i>Audire & suscipere differant</i> 734		<i>Baptismus repræsentat & efficit</i> 588
<i>Augustinus cum Adeodato filio baptizatus</i> 376		<i>Baptismus ubique sanctus, & per quascunque</i> 587
<i>Augustinus Donatistis literas scribebat</i> 732		<i>Baptismi aqua mundat, purgat, sanctificat</i> 589
<i>Augustinus non nimis Græce doctus</i> 739		<i>Baptismi catholici ritus laudabilis in abrenuntiatione Satana</i> 431
<i>Augustini candor erga Pelagium</i> 711		<i>Baptismi caeremonia unde</i> 447
<i>Augustini & Hieronymi testimonium de Origene</i> 740		<i>Baptismi effectus</i> 379
<i>Augustini laus</i> 23		<i>Baptismi figura & species</i> 567
<i>Augustini locus suspectus</i> 578		<i>Baptismi fons</i> 609
<i>Augustini modestia erga infideles</i> 732		<i>Baptismi in aqua, rationes</i> 568
<i>Augustini, puerilia, iuuenilia, senilia</i> 377		<i>Baptismi iteratio fieri an possit</i> 593
<i>Augustini zelus pro hereticis</i> 709		<i>Baptismi necessitas & efficacia</i> 563
<i>Aves immunda</i> 196		<i>Baptismi virtus unde</i> 587
<i>Aulica vita</i> 217.237		<i>Baptizati ab hereticis ad Ecclesiã redeuntes, quomodo recipiendi</i> 593
<i>Aurea, argentea, Aerea, in scripturis quid significant</i> 736		<i>Basilius etiam mala legebat</i> 732
<i>Aures ad quæ claudende</i> 734		<i>Basilius de vitandis hereticis</i> 675
<i>Aurium apertio</i> 734		<i>Batillorũ Choro & sociorum servatorum mysterium</i> 735
<i>Autoritatis pontificia contemptus</i> 503		<i>Beneficium</i> 43
		<i>Beneficia testamentaria & hereditaria</i> 73
B		<i>Berzellai senex noluit esse aulicus</i> 216.237
<i>Balthazarus Rex à Daniele, de Deo doctus</i> 520		<i>Bernardus</i> 86.539
<i>Baptisma quemvis etiam corporalẽ morbum depellere posse</i> 570		<i>Berosus</i> 145
<i>Baptisma vnum</i> 599		<i>Bibliorum lectio quibus licita</i> 250.
<i>Baptismata rasorum</i> 645		259
<i>Baptismalis aqua vis & gratia</i> 564		<i>Bibliotheca veteres regia</i> 525
<i>Baptismalis penitentia</i> 585		<i>Bilis & rixa à cõubio exules</i> 341
<i>Baptismus cui in aqua consecratus</i>		<i>Blasphemia</i> 528. 529
		<i>Bonsianus</i> 592

INDEX.

Bonus quomodo intelligendus Deus 561

Bonum à malo nunquam in totum corrumpitur 196

Bono malum miscens bonus non est 671

Bona deteriorum comparatione, magis elucescunt 737

Bruta longaniora hominibus 363

C

Cabala 182.358

Celibatus 49.326.305.

Cali vis in formandis gentibus 161

Caretanus notatus 463

Cambysis Cyri filij factum memorabile aduersus Aegyptios 551

Camera Apostolica 69

Candiani hodi. rui literas non dis-
cunt 152

Capitis situs 319

Capularis 354

Cardinalium gradus 686

Caroli ix. in concilio Tridētino po-
stulata 112.542

Castitatis mentio 97.206.284

Catharyges 592

Catechismi hodierni 108

Catholica fides 22. mater non dese-
renda 654

Cato maior 233

Carponarum interdictio 94

Caute si non caste 298

Censoria virgula 742.747

Centenarius numerus 355

CXX. anni longissima hominis æ-
tas 356

Ceremonia & umbra veteris legis

8

Ceretani 133

Cerinthus hereticus 667

Cerurus Ἰλαπος unde dictus 197

Character episcopi, docendi munus 108

Characteres falsorum doctorum 112

Charitas cur tam inter homines re-
frigeris 255

Charitas dei dupliciter intelligitur 618

Charitas erga uxorem 320

Charitas fidei vita & anima 625

Charitas plenitudo legis 625

Charitas primus fructus spiritus 723

Charitatis sanitas 225

Chore typus hereticorum 700.376

Chrysmatis usus in baptismo 606

Chrysostomus in exiliū actus, quod
Origenis damnationi subscribere
noluit 757

Chrysostomus nimis lentus 690

Chrysostomus Origeni aquus 751.
752

Chrysostomi locus 688.692

Christus à quāto multis traditus 466

Christus cur non se miraculo aluit
& suos 724

Christus Deus, non homo diuinus 458

Christus in quibus imitandus 598

Christus inculpabilis, sed non incul-
patus 46

Christus nō solū quā Deus in moriē
se tradidit, sed & quā homo 473

Christus Patri datus in sacrificiū 478

Christus quare spiritum sanctum ac-

INDEX.

ceperit baptizatus	591	Concubitus cum propria uxore ca-	
Christus quomodo principi huius se-		stitas	293
culi traditus	476 & oblatas	Concubitus quis, & quando licitus	
474		291	
Christi Apostolus & servus, idē &		Concubitus sua esse tempora	334
Dei Apostolus & servus	3	Concupiscentia manducandi & bi-	
Christi regeneratio nostra fidei est		bendi	200
confirmatio	601	Condescensio, omnium humanissi-	
Christi mors spontanea	467	ma	559
Christi venditio & traditio, nostra		Confessio Dei quā multiplex	
redemptio	469	190	
Christi verbum, vado & venio		Confessio fidei à principibus fieri	
472		solita	448
Christum plures tradiderunt	479	Coniugalit amoris exempla	269
Christianismi, Gētilismi & Iudai-		Coniugale bonum, officium, reme-	
mi commissio	180	dium, societas	279.332
Christicida	664.670	Coniuges quomodo convenire de-	
Claues Ecclesie quā efficaces		beant	268
680		Coniugum inter se consensus, do-	
Clerici laicis prestare debent	505	mesticorum bonorum caput	
Clerici ne secularibus se immisceant		265	
543		Coniugia propter prolem copulan-	
Ciborum discrimen	185.196.645	da	275
Circuncelliones, quintum monacho-		Coniugiorum auspicia quā debeant	
rum genus	125	esse	327
Coadiutores	73	Conniuentia patrisfamilias in deli-	
Cocus	412.415	ctis suorum	306
Cognitionis Dei promotio	16	Consentientium eadem quā commic-	
Coitus, minor epilepsia	332	tentium poena	683.700
Conimembra	660	Consiliarij veri iudicis	452
Commentariorum ad sacram scri-		Consilium perfectionis	451
pturam utilitas	749	Consilia Evangelica & precepta	
Comœdiarum Gallicarum argumē-		20	
ta frequentissima	397	Constantinopolitanum Concilium	
Concilium Africanum	690	692	
Concilium vniuersale, plenarium		Consuetudines quatenus seruanda	
661		121	
Concordia coniugalis	283	Contentionis funis	745
Concubinatus clericorum	67	Contractus fidei	449
Concubini connubij adiutores	268	†† iij	

INDEX.

Deus saepe ministerio malorum usus 166	Deum veritate 744	Doctores pessimi in errore suo au- permittendi 650
Deus solus naturaliter verax 10	Doctrina operi postponenda 202	Doctrina peruersa cancro compara- ta 678
Dei & diaboli vt simus 485	Doctrina praecipuum episcopi mu- nus 203	Doctrina vt placida fiat & decora 399
Dei seueritas & bonitas 482	Doctrina Christiana finis 209	Doech Saulis emissarius reprehen- sus 390
Dei vera notitia ex gratia est 7	Doech Saulis emissarius reprehen- sus 390	Domestica cura 338
Deo similes & dissimiles 584	Domini & domina coniuges 311	Domestica vita 217
Dij dicuntur & iudices & magi- stratus 530	Dominum vel appellare Caesarem nec morte compelli potuere Iudai 511	Domestici catus pro Ecclesiastico 667
Dij nec nominandi, nec maledicen- di 531	Dominari quibus promissum est ho- mini 405	Domini assidua sint mulieres 307
Dix, per 579	Dominatio viri in uxorem 339	Domini & domina coniuges 311
Didymi laus 740	Donatista 193	Dominum vel appellare Caesarem nec morte compelli potuere Iudai 511
Digami & polygami sacerdotio in- digni 50	Donatista 193	Dominum vel appellare Caesarem nec morte compelli potuere Iudai 511
Dilemma contra Anathema 689	Donatista 193	Dominum vel appellare Caesarem nec morte compelli potuere Iudai 511
Dilemma de vitandis haeticis 676	Donatista 193	Dominum vel appellare Caesarem nec morte compelli potuere Iudai 511
Diligere 269	Donatista 193	Dominum vel appellare Caesarem nec morte compelli potuere Iudai 511
Diluvij inundatio vnde 146	Donatista 193	Dominum vel appellare Caesarem nec morte compelli potuere Iudai 511
Diogenes 397	Donatista 193	Dominum vel appellare Caesarem nec morte compelli potuere Iudai 511
Dionysius episcopus Alexandrinus 730.	Donatista 193	Dominum vel appellare Caesarem nec morte compelli potuere Iudai 511
Diprycha sacra 693	Donatista 193	Dominum vel appellare Caesarem nec morte compelli potuere Iudai 511
Discipuli honesta conuersatio, or- namentum doctoris 398	Donatista 193	Dominum vel appellare Caesarem nec morte compelli potuere Iudai 511
Discretio spirituum 734	Donatista 193	Dominum vel appellare Caesarem nec morte compelli potuere Iudai 511
Dispensatio pecuniaria 65	Donatista 193	Dominum vel appellare Caesarem nec morte compelli potuere Iudai 511
Dispensationum ratio 123	Donatista 193	Dominum vel appellare Caesarem nec morte compelli potuere Iudai 511
Dissimile 308.409	Donatista 193	Dominum vel appellare Caesarem nec morte compelli potuere Iudai 511
Diu nihil, quod habet extremum 365	Donatista 193	Dominum vel appellare Caesarem nec morte compelli potuere Iudai 511
Diuerentium verba 281	Donatista 193	Dominum vel appellare Caesarem nec morte compelli potuere Iudai 511
Divinita spirituales & corporales 487	Donatista 193	Dominum vel appellare Caesarem nec morte compelli potuere Iudai 511
Divitiis vt renuntiandum 451	Donatista 193	Dominum vel appellare Caesarem nec morte compelli potuere Iudai 511
Diuturnitas temporis peccata au- get, non minuit 120	Donatista 193	Dominum vel appellare Caesarem nec morte compelli potuere Iudai 511
Doctissimos viros errasse in dogma- tum veritate 744	Donatista 193	Dominum vel appellare Caesarem nec morte compelli potuere Iudai 511

E

Ebion 668	Ecclesia nulli claudenda 702
Ebrietas, hoc est in senibus, quod in adolescentibus libido 244	Ecclesia pro principibus oratio 533
Ebrietas parentibus futuris quam cauenda 301	Ecclesia precum efficacia 696
Cum Ecclesia esse, non in Ecclesia. 659.689.ex non in.	Ecclesia Rom. disciplina 754

INDEX.

Egenorum inopia praeuenienda	203	Episcopi ne plures sint in una ciuitate	54
637		Episcopi non ubique constituendi	
Ego non sum, penitentis responsum		37	
-427		Episcopi olim componendis litibus vacabant	536
Eleazaris seditio	511	Episcopi quomodo amandandi	109
Electorum diuersitas	6	Episcopi ubi constituendi	34
Eleemosyna ut facienda	195	Episcoporum & doctorum onus	24
Eleemosyna utilitas	725	Episcoporum indigna promotio	43
Eleemosynarum quaestores	130	Episcoporum primae partes in Ecclesia quae	542
Eligendi & electi Episcopi integritas	46	Episcoporum olim reuerentia	122
Elia & pseudopropheta	125	Episcopalis seueritas ubi exercenda	501
Emere & redimere	484	Episcopales carceres	172
Emmaus vicus	719	Episcopographia	43
Enochi raptus, non mortuus	474	Episcopus quid	115
Enochi liber Apocryphus	156	Erasmus Cyprianizans	435
Epimenides	140.153	Erasmus taxatus	286.462
Epiphania	495	Errata proximorum qualiter toleranda	548
Epiphania nomen in nouo testamento non nisi filio tribuitur	459	Error consensus non habet	295
Epiphanius Origenis libros damnat	751	Errorem suum defendens, non continuo haereticus est	657
Epiphanius vir simplex à Theophilo circumuentus	751	Errores redarguere, pro errantibus orare	690
Episcopi plures ut retineantur	73	Eua unde formata	315
Episcopus ad tria constituitur	51	Euangelicorum nomine tenus scripta, maledicentium plena	529
Episcopus Apostolicus qualis esse debeat	99	Euangelium, quid	3
Episcopus docere debet	100	Excommunicare, quasi ex oculare	686
Episcopus & Presbyter differunt	54	Excommunicatio aliud quam Anathema	685
Episcopus quorum peritus esse debeat	102	Excommunicatio, grauissima Ecclesiae poena	172. medicinalis
Episcopus rei bellica ineptus Episcopatu summotus	63		
Episcopi imperium, uita autoritas	502		
Episcopi munus praecipuum, praedicare	20		
Episcopi uita qualis esse debeat			

I N D E X.

<i>attamen</i>	680	<i>Fides radix , opera fructus</i>	
<i>Excommunicationis vsus in Ecclesia</i>	694		623
<i>Excommunicatus, non protinus desperatus</i>	695	<i>Fides sine operibus ad salutem non sufficit</i>	637
<i>Excommunicati non facillè recipiendi</i>	684	<i>Fides sine operibus mortua , sterilis, arida</i>	623
<i>Excommunicati, quando tandem vitandi</i>	659	<i>Fides sola non sufficit ad salutem</i>	622. 637
<i>Exempla quàm moueant</i>	211	<i>Fides vacua esse non debet.</i>	624
<i>Expectatiua gratia</i>	68	<i>Fidei commendatio</i>	221
<i>Expiratio Christi , Dei beneficium</i>	471	<i>Fidei professio sine operibus vana</i>	430
<i>Extraordinarij Ministri</i>	606	<i>Fidem opera sequuntur, si non precedunt merita</i>	623
F		<i>Fidei quomodo iustificatus Abraham</i>	623
<i>Fabula Iudaica , quæ intelliguntur</i>	173	<i>Fideicida qui, Bernardo</i>	625
<i>Fabulas sectari , eos qui veritatem auersantur</i>	184	<i>Fidelis</i>	99
<i>Factores legis vt Paulo iustificari dicantur</i>	622	<i>Fidelis mox postquàm credidit, sine operibus decedens</i>	624
<i>Fama matronalis</i>	307	<i>Fidelium societas non deferenda</i>	653
<i>Fama thesaurus</i>	308	<i>Figmentum , quod intelligatur</i>	621
<i>Famuli probi imago</i>	411	<i>Filius à seipso traditus & datus, & à Patre item , & à Spiritu sancto</i>	466
<i>Famulorum numerus</i>	415	<i>Filius Dei magnus est Deus sicut Pater</i>	462
<i>Famulitium supernaculum aula eicellum</i>	415	<i>Filius non ideo minor , quia traditus</i>	472
<i>Fatalis hominis ætas quo termino claudatur</i>	354	<i>Filius rebellis domi manens</i>	660
<i>Fides à quibus, & quibus præstada</i>	398	<i>Filij Dei 582. Seculi & carnis</i>	582. 584
<i>Fides Christiana iam tum à principio hæresis dicta</i>	655	<i>Filij patribus correptantes</i>	379
<i>Fides fundamentum , opera superædificatio</i>	623	<i>Fily quare appellati pignora & obfides</i>	280
<i>Fides multiplex</i>	5	<i>Filiorum cura quanta habenda</i>	51
<i>Fides , prior quàm notitia</i>	7		

INDEX.

Filios diligere cur nusquam prae- ptum parentibus	281	Generandi tempus	374. 372
Fines bonorum & malorum	454	Generatio duplex	576. 574
Fines humana vita diversi	662	Generatio naturalis & spiritualis	23
Famina quam nias audior	385	Generationes ante diluvium, quo- modo, & quare commemorata	375
Famina viro pulchrior cōdita	311	Generationes Cain, Seth	374
Famina martyres	239	Genitalium ius mutuum	324
Faminis faminas docere permissum	347. 247	Gentes	685
Fontis baptismalis cōsecratio	597	Germani neoplyti	38
Fornicatio semper illicita	296	Gignendi finis qui sit	381
Fornicationis merces	299	Gladius malignus, militis lancea	473
Fragilitatis propria cogitatio quā- vtilis	547	γῆσιος rix Latine exprimitur	21
Fratrem ut nemo redimere possit	491	Graci eloquentia studiosi, non item virtutis	249
Frates Christi quomodo simus	493	Gracorum poeta aliquid veritatis inest	168
Frates inter se Christiani	22	Gratia abusiva, operum neglectus	423
Frates & sorores qui Paulo	713	Gratia Dei boni sumus, nedum su- mus	620
Frates qui sint, quicumque dicunt Pater noster	712. 714	Gratia Dei Patri viuens & subsi- stens Christus	420
Furti crimen	397	Gratia Dei nos fecit & refecit	620
Furandi non danda servus occasio	395	Gratiam Dei extollere	562
		Gratia eadem Christianus, qua Christus	421
		Gratia non nisi gratuita	619. 620
		Gratia omnium donorum spiritua- lium principium	23
		Gratia prima nō cadit sub merito	420
		Gratia, vita beata astra	726
		Grati vox quid Paulo	621
		Graue duplex	205
		Gregorius Turonensis	127

G

Galenus de Mose, Christo, anima	369
Galenus seniu 368. valetudo, aetas	369
Gallia calamitas	89
Gallorum famuli, quales	415
Gallorum ingenium	162
Gaudium pium non sine timore	632
Genealogia Deorum poetica	642
Genealogia Domini	641
Genealogia Iudaorum	640. 642

I N D E X.

<i>Gula tarditas</i>	144	<i>Hæretici qualiter revocandi</i>	688
<i>H.</i>		<i>Hæretici quibus ferè similes</i>	671
<i>Habitus Christianorum</i>	240	<i>Hæretici respiscentes recipiendi</i>	684.708.
<i>Habuiffe, miserum verbum, & possumum</i>	224	<i>Hæretici seipsos, episcopi alios ab Ecclesia eiiciunt</i>	652
<i>Hac dona, Hac munera, &c. enarratum</i>	480	<i>Hæretici se segregant</i>	654
<i>Hæresis quid, & quis hæreticus</i>	684	<i>Hæretici subvertentes reiiciendi, revertentes recipiendi</i>	681
<i>Hæresis ab electione</i>	655. 663	<i>Hæretici vitædi & corrigendi</i>	711
<i>Hæresis & error, non idem</i>	662	<i>Hæreticorum Catholicis mentio</i>	740
<i>Hæresis & Schisma quid differant</i>	656. 710	<i>Hæreticorum oratoria, convivia, consuetudo, colloquia vitanda</i>	647. 667. 669. 672. 699. 702. 703. 704
<i>Hæreses vnde</i>	252	<i>Hæreticorum & Iudea par iudicium & supplicium</i>	652
<i>Hæreses & schismata, vnde</i>	357	<i>Hæreticorum & malorum Catholicorum differentia</i>	656
<i>Hæreses cur in Ecclesia necessaria</i>	737	<i>Hæreticorum libros habere qui possint</i>	756. 758
<i>Hæresiarcha</i>	661	<i>Hæreticorum prima in Ecclesia pœna, vitatio</i>	679
<i>Hæresiarchis non parcendum</i>	684	<i>Hæreticorum sermo, cancer & pestis</i>	701. 682
<i>Hæreticus quis</i>	647. 662. 657	<i>Hæreticorum stulta, callida, fabulosa</i>	639
<i>Hæretici ad altare non nominandi</i>	693	<i>Hæreticis communicare, quasi hæreses defendere</i>	709
<i>Hæretici, Bestia, hominum figuram habentes</i>	669. 701	<i>Hæreticis scribere, num liceat</i>	710
<i>Hæretici dissimulantes, duplices hæretici</i>	658		711
<i>Hæretici ieiuni licet, casti, mirifici, & propheta, lupi tamen sunt</i>	669	<i>Cum Hæreticis non contendendum</i>	646
<i>Hæretici, lupi</i>	666. 683. 701	<i>Hæreticis non insultandum, sed pro eis potius orandum</i>	712
<i>Hæretici canes</i>	666. 670	<i>Hæreticos non recipere, nisi penitentes</i>	703
<i>Hæretici vulpes</i>	665. 666	<i>Hæreticis ut resistere aut cedere debeamus</i>	647
<i>Hæretici coloribus suis depicti</i>	670		
<i>Hæretici nomine tenus Christiani</i>	704		
<i>Hæretici non celandi, sed prodendi</i>	707		
<i>Hæretici qualiter denigandi</i>	699		

INDEX

Hæreticos persequi aut percutere privati non est	669	Hospitalium quaestores	130
Hæreticos vitare, non accusare	652	Hospitalitas quibus maximè exhi- benda	91
Hæreticos ut corripere & fugere de beatius	650	Hospitalitatis merces	93
Hatto episcopus avarus	95	Humana ætatis tempus	15
Hebræorum superbia	640	Humana salutis causa	557
Heli lenitas reprehensa	170	Humanum genus totum quodammodo duo homines	574
Helotes qui fuerint	404	Humanitas	559
Henrici II. Regis Christianum stu- dium & edictum	758	Hydropisia intermissa perniciēs	302
Herodis senis dictum	224	Hyperbole	322
Hieronymus	459.741.289.334. 591.755	Hypostases tres simul semper exi- sunt	594
Hilarius	103.114	I	
Himerobij	364	Iacobus Apostolus Paulum malè in- tellecturos corrigit	623
Hircanus pontifex & Rex	183	Idacius Clarus	463
Hispani episcopi	74	Idipsum incommutabile	10
Hispani iuveni discunt mechanica	414	Idolothytis non vescendum	198
Hispanorū sustus in famulatio	413	Ieiunium magnum & generale	455
Homerus	341	Iesus Christus, vocabula assumpti hominis	459
Homo lapsus nec redemptus, diabolo & carni resistere nequit	483	Ignatij martyris zelus adversus hæ- reticos	668
Homo malus decies millies peior ma- la bestia	143	Imago Dei unum ab Adam perditæ	586
Homo novus & vetus, interior & exterior	580	Immundū nihil præter peccatū	136
Homo redit ad Deum per tria	192	Impatentia vel iracundia semen minimè decet	223
Homo vetus deponendus	580	Imperij genus in muliere viro obse- qui	354
Hominis duplicis duplex purgatio	194	Impij recti quomodo non sunt	427
Hominis etiam defuncti exemplum quā efficax	212	Impostura insignis narratio	127
Hominem exui veterem, & indui novum, quid	583	Impostura sub monachorum specie designata	126
Hominū bonorum tria genera	297	Impudicarum matrum impudica si- lia	299
Hominum mandata	177.179	Incarnationis dominice scopus	424
ictos	97	Incorrigibiles ut sibi relinquenti-	650
Hospitis magni excipiendi exemplū	343		

INDEX.

Incredibilia in Scripturis multa, vera tamen	378	Iudai praeiſi	712
Increpationis adhibenda cautio	170	Iudeorum ambitio	115. iactantia
Indulgentia ad pietatem, non ad quaestum	136		641
Infantum baptiſmus, & pro eis ſponſores	451	Iudeorum error & rebellio	513
Infideles ut primitiua vitauerit lic- cleſia	664	Iudeorum ſapientes ubi	182
Infirmiſſime virtutem perfici	236	Iudeorum ſtudium	640
Infirmiſſima fidei & charitati	223	Iudeorum vltimum exitium	551
Infructuofi auditores qui ſunt	723	Iudaica doctriſina	117
Ingenui qui dicantur	299	Iudaismus non leuis aggritudo	174
Inobediencia malum	112	Iudas	660. 693. 681. diabo- lus
Inſtrumentum ſive organum, quid 611		Inde Galilai dogma pernicioſum	
Integritas non raro calumnia obno- xia	44	Iudais	510
Integritas praelatorum triplex	204	Iudicia Dei à noſtris multum di- uerſa	735
Intellectus dupliciter percipit, aut deſicit	550	Iudicibus animaduertenda moniti- o	516
Intentio rem diuerſificat	468	Iulia Auguſti filia impudicitia	287
Interiora velaminis	635	Iulianus Apoſtata Baptiſmum irri- debat	569
Inueſtitio ut fiat	610	Iuliani Apoſtata milites Chriſtia- ni	509
Inuidia	553	Iulius II.	84
Ioannis de temporibus ſenium	370	Iuli vermes	416
Iob Moysi contemporaneus	359	Iupiter Cretenſium vernaculus	270
Iob ſine crimine	45		151
Iobi & Tobie patientia in moroſis uxoribus	346	Iupiter immortalis contenditur	153
Ioſeph fides erga Dominum Aegy- ptium	395	Ioni aſcripta quae Dei ſunt, Deo a- ſcribenda	167
Ioſue ſeneſtus quae	33	Iones tres	152
Iracundus	59. 60. 302	Iuris canonici ſtudium quò utile 105	
Irreprehenſibile, quid dicatur	207	Iuriſperiti generis humani quaſi pro- pili patroni	452
Iſaaci ſanguis & vltima	478	Iuſtè fieri quid dicatur	429
Italica nationis poteſtas	42	Iuſtificare, quid	617
Iudai	685	Iuſtificari ſine operibus legis quid ſit	622
Iudai de Abraham ſe iactant	189	Iuſtificatio in hac vita, ſecundum ſcra conſertur	577
Iudai murmuratores	514		

INDEX.

Iustificatio per deputationem	617	Legis impletio per Christum quæ in	
Iustificationis finis	626	intelligatur	174
Iustificationis partes	625	Legis Mesi danda mora	182
Iustificationis termini	618	Legis Papiæ fibula	274
Iustificationem opera præcedunt, sed		Legis sensus carnalis an spiritualis	
diminuitur in nobis præparata	622		645
Iustificati iidem qui & renouati &		Legitimitas Spuriarum	66
regenerati	618	Leo X	82
Iustitia non eadem episcopi & lai-		Leprosa vxoris amantior maritus	
ci	97		320
Iustus	97	Lia nōstem mariti redemit	324
Iustus per comparisonem vt intelli-		Liberi presbyterorum quales sint	50
gatur quis	738	Liberorum educatio & elocatio v-	
Iuuenis citò mori potest, senex diu		trius parentis	310
vivere non potest	225	Liberis quandò opera danda	383
Iuvenes	351	Liberos procreandi causa, prima hu-	
		mani generis societas	291

L

Laborandum vt manducemus	149	Liberum arbitrium	21.23256
Lacana	286.417	Libido in nullis atatibus tua	238
Lacana heræ eur dicta	312	Libidinis dominium	237
Lacunarum insolentia	318	Licita & iusta debent esse domi-	
Lacunarum potus	302	rum imperia servis	389
Lacedæmoniorū τειχογία, 224.150		Lingua officium duplex	189
deambulationes		Littera communicatoria & priuata	
Lacones	301		711.732
Lactanti error in substantia Spiri-		Litteræ principem docent	525
tus sancti	742	Litigiosi	535
Laici verbum Dei vt habeant	256	Litium componendarum molestia	
Laicis quatenus discenda sacra	254		536
Lectionis sacra assiduitas quàm v-		Lituania matrona nobiles	268
tilis	253	Longæui homines, & populi	361
Lectoris catholici prepositum	744	Linia Augusti coniugis prudentia	
officium	646		345
Lectus	188.304.332	Luciani locus correctus	246
Legalium abolitio	175	Lucrum honestum	118
Legatorum fiscalitates	68	Ludonicus Vines	366
Legenda omnia, sed bona retinenda		Lupanar	434
	742	Lutheri paradoxon	607.194 so-
		phisma	
		Luxuria in vino quæ intelligatur	
			51.300

I N D E X.

51. 300		phetiffa	125
Lycurgi immanitas	385	Masilia superstitionem portis suis exclulebat	136
. M		Matthia constantia	186
Macare & Macaronofes Creta		Matthia pontificis calamitas	171
163		Mathufalem	644
Machabaeorum fortitudo	180. 271	Matvi D. Augustini pro ipso solici- ta prudenter responsum	731
Macrobyj	361. 364	Matres filiorum quam par est, aman- tiores	270
μακρολόγος	243	Matrum exempla filia, patrum se- quuntur filij	298
Magistratus omnis anima subiecta		Matrimonium Christianum, con- iunctionis Christi & Ecclesia	
512		myster. uni	49
Magistratibus maledicere, secta		Matrimonium cur magis quam Pa- trimonium coniugium	272
nota	527	Matrimonium verum	278
Magistratibus parendum Christi		Matrimony fines, primus & secun- darius	274
exemplo	512	Matrimonij magna esse debet cau- tio	296
Maior si iactare, nec imitari	642	Matrimonij reverentia apud Ethni- cos	340
Maledicentia	62. 528. 530. 532	Matrimonio fraudem facientes à quo puniendi	295
Matefica recula	128	Matrona regnum	309
Malitia certa	553	Matronae Christianae quales esse debeant	239
Maluaticum vinum	164	Medicus misericors	684
Mancipia vnde dicta	409	Medici	733 742
Mandata domini inorum qualiter exe- quenda seruis	394	Meletiani	675
Manichei	581. 675	Membrum infructuosum differt à praeviso	658
Manfuetudo	545	Membru mortuū, non defectum	660
Manuani querimonia	76	Memoria senum, quae	224
Manus impositio	446	Menstruata consuetudo prohibita	290. 333. 335
Manuum labor	536	Mentiri, sive negotiationi anne- xum	119
Marcella viduae Apophtegma	225		
Marci orthodoxus	667		
Margarita una, plures	26		
Maria ancilla Domini	2. 603. ca- ssitas		
Mariti gravidis vxoribus abstineāt			
333			
Mariti nomine tenuis	278		
Mariti nimium vxorij	320		
Marsupium	721		
Martyrum fides qua fuerit	631		
Mariys & Marthana pseudopro-			

I N D E X.

<i>Mercatoris cuiusdam mira pietas</i>	<i>Mors homini obstetrici ad alteram</i>
272	<i>vitam</i> 367
<i>Mercenarij qui, non pastores</i>	<i>Mors nostra carnalis, quasi somnus</i>
683	<i>est</i> 629
<i>Mercurius iuxta Venetem</i>	<i>Morto digni, haereticis impœnitenti-</i>
341	<i>tilus illicita communicatione se</i>
<i>Meretrices concipere nolunt</i>	<i>miscens</i> 673
276	<i>Mortui quidã anathematizãdi</i> 691
<i>Merita bona gratiam unum prae-</i>	<i>Moses servus Dei</i> 2
<i>dum?</i> 619.624	<i>Mosis ætas</i> 356
<i>Meritis redditum, merces est, non</i>	<i>Mosis dissidentia punita</i> 492
<i>gratia</i> 620	<i>Mosis sepultura cur abscondita</i> 645
<i>Macrobij</i> 364	<i>Mosi addicti</i> 174
<i>Multibus observanda</i> 508	<i>Mulier à decenni puero imprægnata</i>
<i>Minax non est Deus & fallax, sed</i>	378
<i>verax</i> 11	<i>Mulier nihil sine viro sibi permittat</i>
<i>Ministra Ecclesiæ</i> 241.264	344
<i>Ministri extraordinarij</i> 107.117	<i>Mulier viro seruiat</i> 313
606	<i>Mulieres Cretenses quàm noxia</i>
<i>Miserandus magis quàm contem-</i>	<i>dentibus & ungulibus</i> 163
<i>nendus proximus delinquens</i> 548	<i>Mulieres impudica</i> 287
<i>Misereri qui discamus</i> 637	<i>Mulieres incalcata</i> 309
<i>Misericordia & humanitatis utili-</i>	<i>Mulieres maxime hæreticos denitit</i>
<i>tas præsentissima</i> 638	706
<i>Modestia quid</i> 544	<i>Mulieres pares, superiores</i> 312.345
<i>Modestia Episcopi</i> 61	<i>Mulierum castitas</i> 263
<i>Monachismus secundus baptisimus</i>	<i>Mulierum subiectio</i> 342
438.440	<i>Mulieres doceant, sed sexum suum</i>
<i>Monachus laico superior, Sacerdote</i>	264.247
<i>inferior</i> 442	<i>Mundantia quæ sunt</i> 498
<i>Monachorum philosophia & præ-</i>	<i>Mundati antequam nati</i> 602
<i>stantia</i> 441	<i>Mundities aut immundities ciborũ</i>
<i>Monachi quaestuarij</i> 124	186
<i>Monachi religiosi</i> 82	<i>Mundum & immundum nos faci-</i>
<i>Monarchas & Reges à Deo institui</i>	<i>mus</i> 188
522	<i>Mundus & seculum, idem</i> 442
<i>Monica D. Augustini mater</i> 274	<i>Mundus factus, non æternus</i> 12
<i>Monothelita</i> 694	<i>Mundi sapientum fatuitas</i> 385
<i>Mores viri, lex vitæ suæ coniugis</i>	<i>Murmurationis malum</i> 392
340	<i>Mustela sanguis</i> 645
<i>Mori mundo</i> 449	
<i>Mors Christi non violenta, aut in-</i>	
<i>voluntaria</i> 470	

INDEX.

Mustum cuncta temperatum, hereticorum doctrina 670
Mysteria ridet non initiati 570

N

Nabuchodonosor Christi servus 518
Nasci denno quid sit 571.573.578
Nasci desuper ex aqua & Spiritu sancto 599
Natiatorum Siloe typus 595
Natiuitates due 574
Natura in Christo utraque dat Spiritum sanctum 614
Nazanzenus Romana lingua express 447.732
Necessaria verbi predicatoribus suppeditabantur a fidelibus auditoribus 721.723
Negotatio quam periculosa 118
Nestor Trifeclesienex 370
Nestorius, Constantinopolitanus Episcopus 59
Nicena Synodus 692
Nicodemo proposita de baptismo similitudo 600
Nicomedia 717
Noctes etiam Deorum sunt 288
Nocturnus pudor 287
Nomina monosyllaba & dissyllaba serui conuenire, polysyllaba dominum 394
Non putabam, sapientibus turpe dictum 634
Notariorum salarium 123
Nouemviri Roma 88.135.
Nonitas hominis qua sit 580
Numa erga mulieres seueritas 318
Nobilis etas 380

Numinis interuentus in Tragadiis 418
Nuptia noua institutio 330
Nuptiale epulam 329. 330. Immolestia
Nuptialia bona, proles, fides, sacramentum 279
Nuptia quare instituta 276
Nuptia secunda, cauillis ebnoxia 47
Nuptiarum adulterinarum velamen, & mala 279
Nuptiarum pretextus quam validus 291
de nuptiis & innuptis locus 293

O

Obicem non ponere 607
Obscuritas in iure 326
Occidi, non vinci 703
Oculus, manus, pes. 1. Charissimus 709
Oculi vocis, compassio & commiscratio inuuitur 687
Oculorum apertio 733.734
Odibiles & odiosi 554
Ody perfecti in aciem 266
ὄρεσις ποτὲν 307
Onia commendatio 544
Opera bona credentibus necessaria 621
Opera bona fidei non de futura 620
Opera bona, Dei simul & nostra sunt 497
Opera etiam mundant, neque fides 499
Opera ut requirit Paulus 624
Opera extenuare 562
Opera gratia & iustitia non meritoria 623

INDEX.

Opera qua iustitiam sequantur, nō precedant	nō 622	Paulus Græca lingua peritus	168
Opera legis	561	Pamphilus A. pologetici pro Orige- ne auctor	749
Opera sermoni iungenda	112	Panceltium Aurelianense	122
Opem bonorum necessitas	496	Pauis & calix in Ecclesia mensa sanctificatur	605
Orare pro hæreticis 669. 704. 708		Pauis in oratione dominica	496
Orandum pro omnibus	698	Paranympus	331
Ordinum in Ecclesia gradus	505	Parentum cura pro filiis quantum momenti habeat	52
Origenes cur hæreticorum dogmata legerit	738	Parentum erga liberos indulgentia 270 affectus	27
Origenes multarum hærescon ra- dix	708	Parentum pietas in filios	282
Origenes ut legendus	745	P. ventum ora libri sunt filiis	249
Origenis ardor in scripturis	743	Parricida casus à filio	298
Origenis commentarij per marty- res in Latinum versi	739. 746	Partem unam libri probans, nō con- tinuò totum librum probat	155
Origenis doctrina, nō dogmata lau- data	741	Partus sequitur ventrem	299
Origenis elogium	214. 739. 743	Parvulis baptizandis redemptio ne- cessaria	489
Origenis lectores accusati	750	Passio Christi spontanea non inui- ta	472
Origenis libri similes præto omni- genis florib. ornato	732	Pastores hominum	405
Origenis opuscula quadam retenta 753		Pater Deus magnus & primus	40
Origenem citant Catholici	739	Pater dedit & tradidit Filium	481
Origenista reprehensi	11	Pater etiam salvator dictus	559
Oris graueolentia in maritis, à cōiun- gibus dissimulata	344	Pater ut dereliquit Filium, & non dereliquit	481
Oris putor	187	Pater ut Filium percussit, &c.	482
Osulo etiam delibatur puellæ vir- ginitas	344	Patres familias quales esse deceat, domi doctores	248
Oty mala 148. 149 ratio reddenda		Patres familias virile dicti	407
		Patriarchatum originis prerogati- ua	641
		Patientia senibus congruit vel ma- ximè	223. 225
Passio nuptialis ultra biennium di- lata, irritanda	386	Pauliani	592
Patium cum diabolo inire	443	S. Paulinus Nolanus	400
Padia	422	Paulus Apostolus a calumnia de- sensu	155
Pallium, honoris plenitudo	41		

INDEX.

Paulus Hebraicam linguam à Ga mal. èle didicit 168	Percussor 62
Paulus Iudais Iudæus, cum Genti- libus agit ex ipsorum doctoribus 166	Peregrinationes mulieribus pericu- losa 308
Paulus quomodò se inter criminosos numeret 554	Peregrini vt excipiendi 92
Paulus Samosatenus 58	Pericles à Comicis taxatus 318
Paulus LXX. disciplinam notat 167	perisotice 494
Paulus III 71	Pernicies à falsis doctoribus 117
Pauli epistolis coapostolorum episto- la non contraria 624	Persæ Græcis prudentiores 551
Pauli filij differunt 21	Personarum D. attributa 25 distin- ctio 627
B. Pauli lenitas 688	Perversi ac refractarij duriter ar- guendi: mites ac mansueti leniter 170
Pauli persecutio aduersus Christia- nos 555	Petrus de Aliaco 133
Pauli prædicatio quã efficax 102	Petrus dictus Satanas 681
Pauli vita autè conversionem quàm laudabilis 555	Photiniani 392
Pauli III. propensio in autorem 91	Philanthropia 558
Pauper importunè petens non exa- spectandus 546	φιλόξενοε 91
Peccare vt non possimus, & pecca- tum non habere 584	Pharisei Iudæorum peritissimi 103
Peccatum ad mortem 697 sine pec- cato, quis 45	Piscis immundus 196
Peccatum omne, non continuò cri- men 45	Pius V 78
Peccata alia aliter tractanda 501	Placere homini quatenus liceat 392
Peccata in quo consistant 425	Plato 7. 380. 384. 102. 296. 547. 549
Peccata quotidiana quomodò mu- danda 499	Pœnitentia tempus 357
Pecorũ nutritores, Patriarcha 408	Polybij de Cretensum improbitate testimonium 144
Peculiaris populus 495	Polycarpus 232. 667. 668
Pecunia regnum 65	Polygamia dissuadenda 48
Pelagiani casti, pauperes 712	Pompa diaboli, quæ 433. 453
Pelias recoctus 368	Pompilius tyrannus 95
Per omnia quid 322	Pontificum & principum in sacris expressio vel suppressio 534
	Porcus quare immundus 197
	Portio congrua & canonica 122
	Potestas corporis muliebris penes virum 323
	Præceptor discipuli operam non de- dignans 29
	Præptore furioso nihil fædius 59

INDEX.

Præcepta Iudaorum quàm numero- sa	181	Quadragesima	455
Præcepta non bona vnde dicta	175	Quæstiones interminabiles vitanda	379
Prædicatio de loco in locum tran- sponenda	28	Quæstionum diuersitas, Iudaicarum hæreticarum, philosophicarum	639
Prædicatores bellatores	106	Quæstores fabricarum Ecclesiasti- carum	131
Prædicatores quæstuarij	131	Quæstuarij predicatorum	132.135
Præstare, magis proficere	636	R	
Pregnantium consuetudo non ha- benda	336	Rachel	282
Præparat nos Deus, nõ ipsi nos	621	Raphanophagi	413
Propositionum vis & energia	503	Rebaptizatio	419
Presbyteri sensu, non auro	238	Redemptio sufficiens, vt necessaria	490
Presbyteri vnde dicti	31	Redemptio nostra à quo sit	483
Principis Christiani institutio	523	Reformandi spes ablata	75
Principes licet reprehendere, nõ ma- ledicere	521	Reformatores noui	497.499.527
Principum curare sacra, nedum pro- fana	523.626	Rei concessa excessus, aut etiam a- busus	292
Principibus & Pontificibus vt con- uenire possit	514	Regeneratio alterius vita initium	598
Procuraciones officialium	67	Regeneratio lauacri, & regenera- tio resurrectionis	577
Prohibitio duplex	199	Regeneratio nouissima, Resurrectio	575
Promittere Dei, quid sit	14	Regeneratio spiritalis	572
Propheta ironice	140	Regenerationes due	575
Prophetia meretrice	332	Regionum diuersitas, diuersa gignit ingenia	160
Prostitueret	289	Regnant etiam mali à Domino	516
Pueritas nudatione corporum non conferenda	386	Regressus	72
Puerilia absurdè senibus præcipi- tur	218	Religio longanos facit	362
Pueri	351	Religiosi qui sint intelligendi	442
Puella	382	Relinquendi omnia lex & condi- ditio	451
Puerorum delicta qualiter excipien- tia parentibus	306	Reliquia sanctorum supposititia	127.
Puerorum disciplina quàm seuera esse habenda	53	129 vanales	
Pueri legis	644	Remaledicendum non est	544
Pueria Augusta commendatio	34	Remissio culpæ non sine infusione gratiæ	618
		Remissio peccatorum, propriè spiri-	

INDEX.

tuffandū est	605	Sacerdotum corruptela	89
Renaſcentia noſtra neceſſitas	579	Sacerdotalis dignitas nō imminuen-	
Renaſci, regenerari, & baptizari		da	36
idem	572	Sacra ne peregrina aut occulta	323
Renouari de die in diem	583	Sacramenta cauſa ſine qua nō	610
Renouari in ſpe & re	584	Sacramenta cōficiunt, cōſecrant, ex-	
Renouatio anima peccato deforma-		hibent	607
ta, nō vno momēto fit, ſed paulatim		Sacramēta corporalia viſibilia ver-	
581		ba	62
Renouatio in ſpe & re, in animo &		Sacramenta cum hæreticis non com-	
corpore	582	municanda	709
Renouatio mentis & carnis	586	Sacramenta fraternitatis Chriſtia-	
Renouatio triplex	585	na ſunt teſſera	612
Renunciant mūdo continentiam vo-		Sacramenta neceſſaria in voto ſal-	
uentes	437	tem & afflictu	612
Renunciare ſeculo	434	Sacramenta ſigna nuda nō eſſe	610
ſacilis	435.449.451	Sacramenta ſignāt & exhibēt	610
Renunciatio monachica	441	Sacramentorum contemptus impius	
Renunciatio quarum rerum facien-		612	
da ſit	452	Sacramentorum negotiatio	74
Reſignationes	72	Sacramentorum veteris teſtamenti	
Reſponſare	392	& nouæ legiſ differentia	608
Reſurrecturos nos cur ſperare de-		Sacramētōrū viſ inenarrabilis	612
beamus	629	Sacramentorum viſ, verbi proſeclūſ	
Rex Catholicus	512	fidei	587
Reges à Deo conſtituti	515	Sacramentorum viſ, virtus, effica-	
Reges Francia vt Iſraelis, elemen-		cia, ex Domini paſſione	614
tes	758	Sacramentis gratia aſſiſtens, an in	
Reges prima & maxima populi ca-		hærens	608
pita	507	Sacramentis inter nos vnimur	613
Regum honor & timor	533	Sacrarium regenerationis	448
Regum dignitas	522	Saducæi	183
Rixoſæ mulieres	305	Salomon	305.377.515.644.645
Roman, notātur 69. 181 laudantur		Saluator dictus etiam Pater	627
Romana aures	747	Saluator parentibus ſubiectus, &	
Romanorum laus	181	Patri ſubiiciendus	391
Ruffinus Origenis interpres	748	Salus in ſpe & re	562. 583. 576
S		Salutis noſtræ vera ratio, Dei miſe-	
Sabinarum honos Roma	312	ratio	562
Sacerdos quaſi medicus	685		
Sacerdotes primi caſtigandi	70	††† iiij	

INDEX.

Samarita Schismaticorum typus	700	Semel, pro prorsus & omnino	434
Sancti peculiare morbu curandus		Semina omnia humida sunt	572
propositi	134	σῆμα, vocabulum medium	205
Sanctorum pedes lavare	264	Senatus Parisiensis audit. riu inau-	
Sanctitas	97	rati lecti	516
Sanguinis Christi pretium inasti-		Senecta bona	237
mabile	492	Senectus eximium Dei donum	230
Sanguinis & suffocati abstinentia		Senectutu honor apud Lacedæmo-	
	199	nios	229
Sanguinis curata	335	Senectus in gloria	231
Sanitas charitatu	222	Senectus ipsa morbus	219
Sanitas fidei & doctrina	203 173	Senectutis mala	237
Sapientia senum	234	Senectutis vitia	217
Sara, piarum omnium matronarum		Senex plenus dierum de peccatori-	
parens	314	bus non dicatur	32
Sara obedientia	314	Senex sine religione	220
Sara sponse oratio	329	Senis impudici & imperiti probum	
Satana an sit traditus Christus			220
	479	Senes minus agrotare quam iuvenes	
Saul Rex vnctus à Deo	515		233
Schismatici, qui	657	Senes quam mulieres cur citius ine-	
Schismaticorum vitiorum duplex		briuntur	246
c. usa	677	Senes sani malis ebriorum laborans	
Schismatici se non miscere contra			246
sacerdotes	674	Senes, seniores & presbyteri, vt acci-	
Scholastici defenduntur	625	pianur	226
Scholastici defensi	607	Senes suspiciosi	242
Scientia vera pietatis, qua	8	Senum apud Barbaros irreuerentia	
Scripturarum contrarietas qualiter			229
excipienda	645	Senum contemptus	224
Scriptura pro Deo posita	139	Senum exempla iunioribus	232
Scriptura qua sit intelligenda	138	Senum granitas	217
Sectarius	648	Senum incredulitas	222
Secundandum non esse iratis inter se		Senum insatiatio ex duobus	220
coniugibus	304	Senum loquacitas	242
Seculare 425 carmen, luli 15 Se-		Senum repuerascentia	219
cularia	13	Senum reuerentia	229
Seculum	15.355.446	Senum zelotypia	242
Secula omnia suos semper habue-		Senibus vini usus quam commodus	
runt Doctores	542		350

I N D E X.

Senum spes	224	315.355.416.171.187.367.424
Seniores	226	429. 431. 579. 581. 611. 612
Seniores clerici & laici	228	613. 678. 684. 687. 733. 737
Seniores & presbyteri unde dicti		756
31		Similitudo filiorum cum patre aut
Seniorum officium in Ecclesia veteri		matre 281
228		Similitudinibus profanorum & si
Seniorum traditiones	179	sancti 679
Separati ab Ecclesia quanto opere fu		Simoniacorum pœna 686
giendi	674	Simoniam in Pont. Rom. non eade-
Septuaginti anni observatio	352	re. fons abusuum 71
Septuaginta vana u	74	Siphridus, Episcopus percussor 63
Seruire ad oculum	411	Sitarcia 721
Servitus dilectionis, nobilis	2	Sixtus IIII. 78
Servitus filialis	2	Sobrietati frantum iuuenibus 348
Servitus mulieri viro	339	Sobrietas castitati cum primis neces
Servitus mutua	2	saria 300
Servitus mutua coniugum	340	Societas cum infidelibus non incûda
Servitus unde manavit	405	666
Servus ne vincatur	413	Socrates 397. 346. 504
Servus qualis diligendus	411	Sodoma exitium unde 148
Servus qui fiat homo hominis	409	Solertia mulieris 283
Servi bonus & ancilla bona imago		Somni visum mirabile 521
416		Sophocli responsum 234
Servi boni pictura graphica	412	Sophoniam cum Paulo locus collatus
Servi servientes	404	430
Servi unde dicti	406	σωφρων 96
Servorum neglectus ferè improbos		Spes anima velut ancora 635
eos reddit	403	Spes, quæ, qualis, cuius rei, & quan-
Servorum numerus nimius	413	dum 628
Servorum vitia	403	Spes & res 627
Si, pro non	10	Spes Israël propria 631
Sibylla senium	370	Spei certitudo non sine aliquo mor-
Sigilli vocabulum	611	is metu 632
Silicernum	354	Spiritus Dei, autor primarius in ba-
Simeon Hierosolymorum episcopus		ptismo, pœnitentia, & resurre-
martyr	232	ctione 613
Simeonis Christi patruelis senium		Spiritum tradere, emittere, commen-
368		dare 470. 474
Similia 220. 244. 267. 303. 310		Spiritus sanctus Deus 459

<i>Spiritus sanctus homini per baptis-</i>	
<i> mum proximus efficitur</i>	444
<i>Spiritus sanctum etiamnum, licet</i>	
<i> non ut tum visibiliter, baptizati</i>	
<i> accipimus</i>	616
<i>Sponsa corrupta cōperta pœna</i>	294
<i>Stationary</i>	134
<i>Sterilium & effectorum matrimo-</i>	
<i> nia</i>	273
<i>Stoici</i>	504
<i>Strabonũ testimonium de Cretensi-</i>	
<i> bus</i>	147
<i>Stultitia opponitur sapientia</i>	636
<i>Stultus, dupliciter accipitur</i>	197
<i>Stulta dicenda omnia quæ vera non</i>	
<i> sunt</i>	639
<i>Subiectio inter se creaturarum om-</i>	
<i> nium</i>	402
<i>Subiectio mulieribus & servis con-</i>	
<i> uenit</i>	389
<i>Subiectio quatenus præstanda</i>	507
<i>Sunamitis</i>	235
<i>Superbia, hæresis mater</i>	663
<i>Superbus quis intelligendus</i>	57
<i>Superioribus quatenus obediendum</i>	
<i> 508</i>	
<i>Superstitiosi</i>	270
<i>Susceptorum in baptismo sponsio</i>	
<i> pro parvulo</i>	432
<i>Suspenſi longa morte moriuntur</i>	
<i> 467</i>	
<i>Sustinere eorum est, qui promissum</i>	
<i> nondum acceperunt</i>	628
<i>Syllogismus mentiens</i>	147
<i>Synagoga Christo commortua &</i>	
<i> conſeſpulta</i>	8

T

<i>Tabula matrimoniales</i>	275
-----------------------------	-----

<i>Tacere non posse, vitium seruilis</i>	
<i> 392</i>	
<i>Talmut Iudæorum</i>	177
<i>Taxa camera Apostolica</i>	67
<i>Tempus non erat, quādo Deus non-</i>	
<i> dum aliquid fecerat</i>	13
<i>Temperantia manducandi & bi-</i>	
<i> bendi</i>	200
<i>Tempus, opportunitas</i>	16
<i>Ternaria monitio in excommuni-</i>	
<i> cationibus</i>	649
<i>Tertulliani laus & ingenium</i>	
<i> 741</i>	
<i>Testes tres in terra, aqua, sanguis,</i>	
<i> spiritus</i>	595
<i>Testimonio infidelis nonnunquam</i>	
<i> utendum fidei</i>	165
<i>Testudini insists Venus, quid</i>	
<i> symboli habeat</i>	309
<i>Thalamus officina modestiæ</i>	288
<i>Themistocle dictum egregium</i>	234
<i>Theologicum studium abhorrentes,</i>	
<i> ne hæretici fiant</i>	105
<i>Theophil. Alexandr. Episcopus, D.</i>	
<i> Chrysostomi amulus</i>	750
<i>Theophilus Episcopus, Origeni ini-</i>	
<i> quirit</i>	757
<i>Timotheus austerus</i>	171
<i>Titus lenis</i>	170
<i>Titus lenis ac mitis natura</i>	503
<i>Tobie historia</i>	327
<i>Tobie iunioris castitas</i>	272
<i>Tobie iunioris sponsi oratio</i>	329
<i>Tobie senioris pietas in filium</i>	272
<i>Toletana Synodus XII.</i>	37
<i>Tolosa Archiepiscopatus</i>	39
<i>Tonsor</i>	415. 412
<i>Traditio Iudæ, Patris & Filij,</i>	
<i> quā differat</i>	468
<i>Traditiones Iudæorum</i>	176

INDEX.

Trapexitis comparati sacrarum li- terarum studiosi	750	Vinum immundum	197
Tridentinum conciliū 20. 42. 73.		Vinum passum	164
88. 135. 527. 723		Vinum porcinum, simia, leonis	61
Trinitas tota Christum tradidit		Vinum vt venenum	301
480		Vini copia immodica quàm noxia	301
Trinitas tota redemit, vt tradidit		Vini vsus iuuenibus quando & qua- tenus permittendus	349
484		Vini utilitas senibus	245
Troexeniorum oraculum	382	Vinolentia vitium in mulieribus & senibus	243
Turpe lucrum	63 118. 119. 124	Vinolentus	60
Tychonij regularum liber	731	Vinolenti magi sopor grauis	129
Tychicus	716	Vir caput vxoris	323
V		Vir & vxor, vna caro & anima	267
Vagitus infantium	367	Vir & vxor vnum	317
Vaniloquis vt obstruendum os	116	Vir externa, vxor, domestica cures	310
Vas suum in honore possidere quid		Vir vxori opes sue, & mundus, & thesaurus	344
334		Viri officium	321
Venenorum natura medicis cur per- seruanda	733	Viri autoritas	319
Veneti Creta domini	163	Virum mulier ne vitet aut prouocet	286
Venia non nisi se corrigentibus dan- da	708	Viri 239 Domini	314
Venter insatiabilis	146	Virago	140
Venter interpellator molstus	119	Viripotentes	385. 387
Ventris probum	151	Virgines & corrupti opponuntur	204
Ventres qui dicantur	144	Virgines professa	437
Ventriloqui	145	Virtus sine colluctante non elucescit	738
Verbum Dei qualiter predicandum	19	Virtute sua nemini gloriandū	549
Verbum Dei quando maximè au- diendum	251	Visio diuinitus oblata super hereti- corum libris	730
Veritas etiam quadam non in pie- tate posita	7	Visitatores	34
Vertigo capitis	187	Vita exemplum plus monet, quàm doctrina	203
Vetule genitura modum faciunt, uo libidinis	277	Vitiata pro virg. ducta an redhiberi	
Vidua Ecclesiastica stipe ne viuât, nisi viuere	47		
Vindicta, seu iustitia publica	544		
Vinum Creticum	164		

INDEX.

possit	294	propriū	323
Vlixes, Nausicaa	341	Vxoris erga virum dilectio et co-	
Vnus, id est, primus	648	gnoscat	266
Vocatio tota Deo ascribenda	6	Vxores non ancilla	314
Voces noua vana	683	Vxores suas filiis cedentes maritis	
Voluntas Dei bona saepe per voluntatem hominis malam impletur	469	270	
Voluptates domare iuuenibus perdifficile	348	Vxores tunc episcoporum	47
Votum baptismi	444	Vxores virorum cohæredes	316
Votum commune, & solenne	431	Vxorum vitia aut ferenda aut tollenda	346
Vota falsa	433	Vxorius quidam maritus notatus	
Vota singularia	438	317	
Vsq̃ue in æternum, quid sit	631	X	
Vsus contra naturam	292	Ξυβδόχος	91
VVildersolus episcopus	95	Xantippe Socratis	306
Vxor à Deo petenda	341	Xenophon	341-344
Vxor bona à Deo datur	284	Z	
Vxor dignitatis nomen	288	Zaratens	133
Vxor mala	284	Zenas	719
Vxor eadem amica	304	Zelus in bonis operibus requisitus	
Vxor μετ' ἑαυτὴν	305	497	
Vxor se marito conformet	303	Zenobia Palmyraeorum Regina pu-	
Vxor num viro serua	319	dicitia	286
Vxor socia, filia	315	Zizaniorum parabola hæreticis ac commoda	656
Vxor viri amans quàm frugi	337		
Vxoris amici marito communes, nō			

FINIS.

*DECASTICHON IN DIGRES-
siones D. Claudij Espencei in commentariis
suis ad epistolam B. Pauli ad Titum.*

Offendet fortassè alios digressio crebra,
Qua scripta adspergis, condecorásque tua:
At me tam recreat, quàm verno tempore campos
Seminibus grauidos dulce liquens pluuia:
Nec minus est scripti variantis grata venustas
Discendi cupidis auribus atque animis.
Quàm iam longa viro ingratis ieiunia passo,
Quæ struitur variis mensa onerata cibis.
Ergo quicquid adhuc scripturus es, optime Claudi,
Ne parcas variis : nam magis illa iuuant.

L. Cyaneus faciebat.

Errata sic repono,

- Pag. 33. pralaturis, praelecturis
40. tunc, nunc
48. seruari, seruatis.
69. libertatem, liberalitatem.
71. corrigere, colligere.
132. Emineat, enumerat.
141. nationalis, rationalis.
167. abbenta, ascribenda.
229. vxoribus, deest, viri.
244. canes, cauos.
306. exhibe, colibe.
318. quale caput, deest, viro.
321. difficilibus, adde, parendum.
345. fruenda, fouenda.
374 mulieribus, muliebribus,
379. belluis, bellis.
423. salutem, salutarem.
424. nostra faceret, missa faceret.
459. (ait) alde, Hieronymus.
471. vinctum quoque ad, quoque sed
Ead. pag. docuerat, deuenerat.
498. superueniet, supereminet.
529. paucis, pauci.
537. epistola. 47. 147.
517. eisque, eique.
531. macedo in, macedoni.
627. porro te, &.
632. Quid quod est hoc? quid est hoc?
645. baptisma, baptismata.
650. alibi dictum, adde, corripiendos.
661. aliquatum, eliquatam.
667. mart. marcioni.
684. negari, non negari.
709. communicanda, deest, sacramenta.
721. vt priusquam, tolle, vt.
744. Theodocium, Theodorum.
748. exit habuit, exitus habuit.





D. PAVLI APOSTOLI
EPISTOLA AD TITVM.

CAPVT PRIMVM.

*P A V L V S S E R V V S D E I ,
Apostolus autem Iesu Christi , secundum
fidem electorum Dei , & agnitionem Ve-
ritatis , quæ secundum pietatem est , in spem
vitæ æternæ , quam promisit , qui non men-
titur Deus , ante tempora secularia : mani-
festauit autem temporibus suis Verbum in
predicatione , quæ credita est mihi secun-
dum præceptum Saluatoris nostri Dei , Tito
dilecto filio secundum communem fidem ,
gratia & pax à Deo patre , & Christo Ie-
su Salvatore nostro .*

In D. Pauli Apostoli ad Titum episto-
lam Commētarius , collectore Clau-
dio Espencæo , Theologo Parisiensi.



*B*REVIS quidem epistola , sed
nihilò fructuosa minus , diuidi-
tur in tres partes . Salutationē ,
epistolarem narrationem siue
prosecutionem , & conclusio-
nem , suo quaque loco adnotandas . Salutan-
tem autem personam tripliciter autor notifi-

cat, nomine, conditione siue religione, & auctoritate. Suo ergo more sic incipit, *Paulus*, cuius nominis rationem, vel rationes potius, initio prioris ad Timotheum reddidimus. Secunda nota est, *Servus Dei*, non misera peccati seruitute, sic enim Dei servus non esset: ne veteris quidem legis, sic enim Christi in Evangelio non esset minister. Hæc autem Pauli seruitus nobilis est, & dilectionis, ex amore, quæ Dei sequitur filiationem, non timoris, siue ex timore, quæ contra eam condiuiditur, Ioan. 14. Rom. 8. Gal. 4. 2. Tim. 1. 1. Ioan. 4. Hac autem filiali seruitute non Deo tantum seruiamus, & ei clamamus Abba Pater, sed & nobis inuicem seruire præcipimur, Gal. 5. Per charitatem seruite inuicem. quaque noster hic, cum esset liber ex omnibus, omnium se servum fecit, 1. Cor. 9. Et alibi, Vester (ait) servus propter Christum, siue, nos servos vestros per Iesum, 2. Cor. 4. Hanc seruitutem habuerunt & veteres, Ego (inquit David) ô Domine, servus tuus, Psal. 115. Moyses toties Dei famulus appellatus, & in omni Dei domo fidelissimus. famulus, Numer. 12. Heb. 3. Deut. 34. mortuus est famulus Dei, Ios. 1. Famulus meus Moyses: & Beata ad Angelum, Ecce Ancilla Domini, Luc. 1. quam cum superioribus absit, ut spiritum seruitutis in timore, non in charitate habuisse credamus. Neque verò mirum sanctos quanlibet homines, Dei tamē servos nobiliter appellari, cum Pater loquatur ad Filium, magnū est tibi vocari te *παῖς μου*, Esa. 49. Licet enim Græca

Servitus dilectionis, nobilis.

Servitus filialis.

Servitus nostra.

Moyses servus Dei.

Maria ancilla Domini.

vox seruum significet & puerum, at in He-
breo quæsiuit horū obseruator Hieronymus,
& inuenit seruū esse scriptum, non עבד pue-
rum, id est, *Abds*. Vnde Abdias Propheta, ser-
uus Domini interpretatur, nomen ex famula-
tu Dei adeptus. Si quem ergo mouet vniuersi
Dominum, Dei dici seruum, non mouebitur
ab eo Apostolis dici, Qui voluerit inter vos es-
se maior, seruus sit omniū, Matt. 20. Marc. 10.
Forma igitur serui assumpta, Phil. 2. quæ serui
sunt, fecit, ministrare venit, & paternæ volūta-
ti cū seruis ipse suis seruiuit. Sed me lōgius eue-
hit horū obseruator Hierony. Sequitur officij
in Paulo dignitas, *Apostolus autē Iesu Christi*, Ob-
seruat idē cum Græcis Paulū se indifferenter &
nullo discrimine, interdum quidem Dei ser-
uum, & Christi Apostolum inscribere, aliàs
Christi seruum, Rom. 1. Phil. 1. & eiusdem pas-
sim Apostolum, commune nimirum Patris &
Filij dominium agnoscentem, & nullum inter
eos discriminē. Si enim Pater & Filius vnū sunt,
Io. 10. & qui credit in Filiū, credit in patrē, 14.
Pauli quoq; & nostra omniū seruitus, indisci-
minatim vel ad Patrē, vel ad Filiū referēda est.
Nec enim sic Dei seruus & Christi Apostolus,
quin & Apostolus sit Dei, & seruus Christi, sed
vt innuat quod per Christum Deus Pater in mi-
nisterium Apostolatus Paulum direxerit. Sed
quod idem alicubi tribuit imperitiæ sermonis
Græci: quod autem hīc subiūgitur, cū non præ-
cesserit *quidem*, quasi sic nusquam apud Græcos

*Abdias pro-
pheta vnūq;
dicitur.*

*Christi apo-
stolus & ser-
uus, idem &
Dei Aposto-
lus & seruus.*

reperiatur, apud eos contra ex Grammaticis
 Erasmus annotat *et* frequenter pro copulatiua
 coniunctione *et* poni, quod hoc loco factum
 apparet. Tale autem hoc ei videtur, quale si quis
 dicat, Præfectus prætorio Augusti Cæsaris, ma-
 gister exercitus Tiberij Imperatoris: ut enim
 seculi iudices, quod nobiliores videantur, ex regi-
 bus quib⁹ seruiunt, & dignitate qua intumescunt,
 vocabula sorriuntur, sic Paulus grandem inter
 Apostolorum Christianos sibi dignitatem vindicans, Aposto-
 lorum se Christi titulo prænotat, ut ex ipsa nomi-
 nis autoritate lecturos terreat, indicans omnes
 qui Christo credunt, debere sibi Christi legato
 esse subiectos. nec ab hoc abluat Bruno, Pau-
 lum more suo salutationem præmittentem,
 dum se serui instar simplicem humilemque ag-
 noscit, bonam quidem esse simplicitatem in-
 nuere, ita tamen ut qui Apostolicę sublimitatis
 imperium exigit, agat & singulos coërceat: Tu
 quoque exemplo meo sic esto simplex, ut pon-
 tificale officium nimia ne impediât humilitas.
 Discreuit merito sanè Apostolatium à seruitu-
 te Christiana: nec enim omnis qui Dei seruus,
 hoc est, fidelis Christianus, idem statim Apo-
 stolus. Nam Christus super omnes fideles ex
 discipulis suis selectos duodecim Apostolos no-
 minauit, Matth. 10. Marc. 3. Luc. 6. & primæ in
 Ecclesia sua dignitatis Apostolos, Eph. 4. pri-
 mum quidē Apostolos. Et nos (in sua opinor,
 & Apostolorum persona inquit alibi) primitias
 spiritus habemus, Rom. 8. Describitur ergo

*Apostolorum
 Christi au-
 toritas.*

*Apostola-
 tus dignitas.*

Apostolus ab autore, à quo electus sit: Non ab hominibus (ait) neque per hominem, sed per Iesum Christum; Gal. 1. Quémque solum & scire se agnoscebat; 1. Cor. 2. & annuntiabat, 2. Cor. 4. cuius & legatione fungebatur, 2. Cor. 5. Eph. 6. & autoritate nitebatur, in eiusdem Domini virtute Satanæ tradens, 1. Cor. 5. sed & in persona Christi donans, 2. Cor. 2. id est, ut vicarius, & eius vice cōdonans. Sequitur, *Secundū fidem electorum Dei*: Nec hīc videt Erasmus cur rursus impingat inscitiam Græcanicā Hieronymus, quasi Paulus hebræus ex hebræis profundos sensus græco sermone nō explicet, in verba vix promat, nisi fortè quia electos dei, ut antea seruum Dei. Erat Paulus Dei seruus: ad hæc enim superiora refert, quod intulit, nō iuxta Mosaicam legem, sed iuxta fidē eorum, qui *Fides multi-* non tantū vocati sunt, sed & electi, vel *plex.* secundum fidem, qua credentes electi sunt, quam infundit Deus, qua credētes facit, quos & in pręscientia elegit. Ego (inquit) elegi vos, nō vos me, Ioan. 15. Sequor ego (ait Paulus) & prædico fidem, quam tenuerunt, quaque seruati sunt electi, quique Dei: Sic Latini. Nec minus multipliciter Græci, ut dicat se Paulus factum Christi esse Apostolum, non ob sua merita; nec ex recte factis, nec ex laboribus ac sudoribus hāc cepisse dignitatem & autoritatem; sed totum eius, qui ei hāc crediderit, beneficij esse, ac gratiæ munus: q. d. Non quòd dignus essem, ut electos docerem, utque ij crederent, hanc accepi

dignitatem. Philosophatur Aquinas, ut sua sunt aliis scientiis principia, sic in hac articuli fidei, eiusdem fundamenta, & substantia sperandarum rerum, Hebr. 11. innotescunt cuilibet fidei secundum lumen infusum: Et hoc pertinet ad quenlibet. Quæ autem sequitur, ad pastores & doctores, doctrinæ nimirum perfectio, & *agnitionem veritatis*: hæc verò duplex, perfecta in patria, cum videbimus facie ad faciem, 1. Cor. 13. 1. Ioan. 3. & imperfecta, per fidem, non per speciem ambulantes, 2. Cor. 5. de qua Ioan. 8. Si permanseritis in Verbo meo, cognoscetis veritatem, & veritas liberabit vos. quod Euangelista testatur dictum esse credentibus quidem, sed veritatem nescientibus, quam consequi possent, si in sermone Domini permanentes, liberi effecti, serui esse desinerent: Vnde hinc electorum magnam esse colligit diuersitatem Hieronymus, pro ratione sensuum, operum, sermonum, ut non statim qui electus est, vel iuxta electionem, fidem possideat, vel iuxta fidem, habeat veritatis scientiam. Factus itaque sum apostolus, ut electi & crederent, & veritatem diuinam agnoscerent: quasi totum hoc illis illorumque saluti acceptum ferat, non meritis verò suis. Quod etiam alibi dicit, Omnia vestra sunt, siue Paulus, siue Apollo, siue Cephas, 1. Cor. 3. Nam qui secus enarrant, quasi non totam Deo ascribat sui vocationem, nec utcumque hoc sibi contigisse ac cōcreditum esse munus, quia crediderit & veritatem agnouerit: ideoque nec hoc aliis Deus

Agnitio veritatis duplex.

Electorum diuersitas.

crediderit, Græci statim corrigunt, & veram de Deo notitiam, Dei, prout est, gratiæ esse, non verò nostram agnoscunt. Cognoscam (ait non-ster) sicut cognitus sum, 1. Cor. 13. Et alibi, Si quomodo apprehendam, in quo & apprehensus sum à Christo, Phil. 3. Prius ergò agniti, sic agnouimus, & vocati, tunc demum obediui-
 mus. Obserua primo loco fidem occurrere, ab hac deinde veritatis notitiam, non à ratiunculis emergere, Nisi credideritis, non intelligetis, Esa. 7. Et nos credimus, & cognouimus quòd tu es Christus, Ioan. 6. Cur autem ad anteriora iungit, *quæ secundum pietatem est*, quasi verò sit aliqua veritas non in pietate posita, ad cuius distinctionem hoc inferatur: Est planè, qualem magno hîc consensu Græci, Latinique exponunt, artium liberalium & illiberalium peritiâ. Nam non rationem modò colendi agri, & rei rusticæ notitiam, aut ædium struendarum, sed & humaniores disciplinas adeò in sua quaque scientia veritatem habere, vt Grammatica rectè loquendi, Dialectica inter vera & falsa diiudicandi rationem profiteantur. Est & in philosophia seculari multiplex multarum veritatum cognitio, sed non iuxta pietatem seu Christianam religionem, & verum Dei cultû, vt non dicâ in scientiis humanitus inuentis tã multas esse falsitates admixtas. Quàm enim multa in Platone & Aristotele, verius licet aliis scripserint, falsa, absurda, impia? Est autè veræ pietatis & piæ veritatis scientia, nosse Dei legē,

Dei vera
 notitia, ex
 gratia est.

Fides prior
 quâ notitia.

Veritas etiâ
 quædam non
 in pietate
 posita.

Plato &
 Aristoteles
 non semper
 veridici.

Scientia vera pietatis, qua.

*Cæremonia
Œmbra
veteris legis.*

*Synagoga
Christo com-
morta &
conſeputa.*

*Evangelica
quid.*

intelligere Prophetas, Euāgelio credere, Apo-
stolos non ignorare, quam multi habent, sed
non statim & aliarum, de quibus meminimus,
artium veritatem, aut notitiam. Iuxta veritatis
ergò, sed Euangelicę, non verò vel philosophi-
cę, ac ne Moſaicę quidem, notionem. Paulus
creatus est Apostolus. Ad discrimen enim Iu-
daicarū cæremoniarum dixit veritatem, quòd
cæ veritas ipsa nec olim quidem essent, nec ta-
men mendacium, sed typi & vmbra. Vmbra
enim habebat lex futurorum bonorum, non
ipsam rerum imaginem, Heb. 10. quibus etiam
cæremoniis pietatem opposuit, vt quę cū
nunquam potuerint, ne sub lege quidem, iuxta
conscientiam perfectos facere accedentes, at-
que ſeruiantes, Hebr. 9. 10. multò minus sub
Euāgelio satis supérque præſertim vbique pro-
mulgato, pios imò non nisi impios, sui enim fi-
ducia maximè & necessitatis opinione, imò
potius errore, obſervatores, quales Iudæi mor-
dicus eis hodiè que adhærentes, facere poſſunt.
Sunt enim poſt Chriſti mortem, & Synagogā
illi comortuam, atque cum honore cōſepul-
tam legalia, vt egregiè inter præſtantiffimos
doctores, Hieronymum & Auguſtinum diſpu-
tatum eſt, non ſolū mortua, ſed etiam mori-
fera. Evangelica ergò, ſiue religio, ſiue pietas ver-
tatur, ipſa eſt, inquit Iob, 28. Sapientia, cultus
Deo tam vt creatori, quàm vt patri debitus, &
deſcribitur ex fine. *In ſpem*, ſiue cū vel ſub ſpe,
parum enim refert: *viſa aterna*, hæc (ait) veritas,

cuius cognitio iuxta pietatem est, ei qui se cognouerit, premium tribuit immortalitatis. Per fidem enim acceptam, & agnitam veritatem, speramus nos æterna consequi: veritatis autem absque pietate notitia delectat ad præsens, sed æternitatem non habet præmiorum. Satis quidem in se erat, ac vice mille retributionum, veritatem cognoscere, ab erroris laqueis liberari, hæc, inquam, nobis erant magnæ beneficentiæ loco: verum non contentus enumeratis præsentis vitæ beneficiis, quibus nos Deus ornauit, addit & quæ in posterum bona daturus est, non Iudaïca illa, siue terrena. pergit enim in ea quam cepit, legis & gratiæ distantia, & collatione. Illi (aiebat) tunc electi Dei, nunc nos: hanc enim gratiam amiserunt, nos accepimus. Illi præsentia. Qui enim ea fecerit, inquit, viuet in eis, Leuit. 18. Ezech. 20. & repetit Paulus, Rom. 10. Gal. 3. Nos sempiternā mercedem expectamus, nec frustra, quia *quam promisit, qui nō mētur, o & fides* Hieronymo & Augustino, locis paulò post citandis non mendax, Ambrosio verax *Deus*, non quia mentiri possit, & nolit in falsitatis verba prorumpere, sed quia pater sit veritatis, adeoque ipsa veritas, nedū verax, nullum in se mendacium habens, iuxta illud, Fiat Deus verax ut & immortalis. Omnis autē homo mēdax, Rom. 3. Psal. 115. non quod non quidam alij sint & veritatis amatores, ut & immortales, sed & veritatem & immortalitatem diuina largitione consecuti. Solus autem Deus

*Deus solus
naturaliter
verax.*

Si pro non.

*Id ipsum, in
incommutabi-
le.*

naturaliter vt immortalis, ita verus. Aliud autē hæc vel esse, vel per semetipsum habere, aliud in potestate donantis quod habeas esse. Sic obiter Hieronymus. Si ergo verax est, & mentiri nequit, vt quem impossibile mētiri sit, Heb. 6. vtique complebit quæ promissit, nec aliud exhibebit, iustis scilicet & iniustis, quālibet hoc hominibus durum videatur: Non est enim Deus quasi homo vt mētatur, Numer. 23. & Psal. 88. Semel iuraui in sancto meo, si, id est, nequaquā Dauid mentiar: sic enim loqui scriptura solet, interprete Augustino de Ciuitate lib. 17. cap. 9. Iudicia Domini vera, Psal. 18. iustificata in semetipsa, siue in idipsum, id est, Augustino ibi interprete, incommutabiliter: nec enim is vel minatus vel pollicitus, quēquam fallit, aut quifquam eius vel impiis supplicium, vel piis præmium potest eripere. Omnino ergo faciet quæ præordinauit, dabit quæ spondit, vel post ipsam mortem, nec est cur ambigere, aut de promissione dubitare debeamus, etiam si non ante obitum promissis fruamur, hæc enim firma indubiè sunt, ex parte promittētis & diuino proposito, vt quanto certiora sunt, tātō nos minus tepidi, securiorēsque effecti, solliciti quoque magis ad ea quæ prædicta promissaque sūt, vt omnino ventura, consequenda præparemur. Prolixa est, nec minus necessaria & fructuosa disputatio Augustini lib. contra Priscillianistas cap. 6. & 21. De Ciuitate à cap. 17. ad finem vsque libri, & Gregorij Moralium lib. 34. cap. 16.

aduersus Origenistas præposterè misericordes, qui Deum minacem magis faciunt, quàm veracem, & dum satagunt perhibere misericordem, non verentur prædicare fallacem. Sed si verum non est quod minatur, nec id verum erit quod pollicetur: Si falsa minatus est, ut ab iniustitia corrigeret, falsa quoque pollicitus est, ut ad iustitiam prouocaret. Nā quale est, quāque absurdum, æternum supplicium pro diuturno existimare, & vitam æternam credere sine fine, cū Christus eodem loco, vna eadēque sententiā vtrunque complexus, æternum dixerit? Matth. 25. Profectò vtrunque aut cum fine diuturnum, aut sine fine perpetuum debet intelligi. Si terroris tantū causa (inquit Chrysostomus lib. 2. de compūctione, & Homil. 25. ad Rom.) nec pro veritate supplicia promittuntur, consequens erit, ut & bonorum promissiones, adhortandi tantū, non etiam veritatis gratia proponantur. Sic stabit cum Nerone Paulus, imò etiam contra Paulum consistet diabolus. Si sic de vtraque parte sentiamus, resoluta sunt omnia religionis nostrę dogmata, si nihil aliud in omnib⁹ mādatis diuinis datis agi dicitur, nisi ut homines & vana bonorū spes, & inanis pœnarū terror astringat. Sed nos his suborto occasionis articulo, breuiter dictis ad intermissū exponēdi ordinē recurram⁹. Implebit igitur certò Deus quod pollicitus est non tantū patribus ante aliquot annorū cētenarios aut millenarios, sed & ante tēpora secularia. Sic,

*Origenista
reprehensi.
Minax non
est Deus &
fallax, sed
verax.*

*Æternum
supplicium
quale intellō
gendum.*

*Aeterna
priora &
antiqua.*

*Mundus fa-
ctus, non æ-
ternus.*

2^a Tim. i. Πρὸ τῶν χρόνων αἰώνιον, de quibus vocabu-
lis nos ibi, quæ tūc occurrerūt. Hic secula Hie-
ron. ætēpora æterna legit, vbi suprā cōtra Pui-
cillianistas & de Genesi cōtra Manich. cap. 2,
Augusti. & de Ciuit. lib. 12. c. 16. ex quo loco in
hāc literā Beda & Anselmus. æterna autē (quod
mirandum est, præterita Paulo dicta, priora ex-
ponunt & antiqua, vt quæ cū retrorsum à cō-
stitutione mundi habere videantur initiū, quo-
modo sunt aut dicuntur æterna, nisi quia ante
se non habent vllum tempus? Alioqui æterna
tempora quid ante se habere potuerunt? non
enim hæc Deo cōæua dicimus. Cum ergō mū-
dus factus sit, & per vices dierum ac noctium,
mensium pariter & annorum tempora consti-
tuta sint, in hoc mundi curriculo atque rota la-
bantur ac veniant, futura sint, aut fuerint, ante
hæc mundi tempora, æternitatem quandam
seculorum fuisse credendum est, & vt ita dicam,
vnum dei tempus, imò innumerabilia tempo-
ra, cū infinitus sit, & ante tempora omne tē-
pus excedat, quibus semper cum Filio & Spiri-
tu sancto Pater fuerit. Ante omnia itaque tem-
pora, quæ nec sermo eloqui, nec mens compre-
hendere, nec cogitatio tacita audet attingere, cū
nulli essent homines vel angeli, quibus Deus
promitteret, cui, nisi Sapientiæ suæ promissit: vt
quæ semper cū eo erat, antequam orbis iāceret
fundamēta, maria diffunderet, montes statueret,
cælum suspenderet, terram directa mole soli-
daret, & cum eodem lataretur orbe perfecto,

& gauderet super filiis hominū, Prou. 8. Quid autem spondit Verbo suo Deus, nisi vitā iis, qui credituri, venturam, & quidem sempiternā? Ante omnia enim tempora, & apud se proposuit per eundem saluare credentes Patris æternitati, & Verbo eidem coeterno, quod suo tempore futurū erat, ante omne tempus iam prædestinatione fixum erat. Nec enim possumus dicere tempus aliquod fuisse quādo Deus nondum aliquid fecerat. Adeo non recens est promissio, nec in tempore promissit, sed vt promittentis, vt sic dicam, diligentia, vt rei promissæ certitudo in Deo consideretur, is sic, hoc est, electis suis daturum se gratiam & gloriam ordinauit & prædestinauit, ante tēpora, quæ voluntur per secula, seu multis ab initio mundi cyclis reuoluuntur. Sunt enim quæ non sunt secularia, nec seculis, sed momentis constant, vt horulæ, diceulæ. Postremum hoc Scholion Sedulij est, reliqua Latinorum aliorum sunt, Hieronymi potissimum. Aquinas secularia exponit iuxta diuersas successiones distincta, q. d. Antequā successuum tempus inciperet, quod quia cū mundo esse cēpit, idē dicit ante mūdi principiū siue constitutionē, Eph. 1. Mat. 25. & veluti iacta fundamēta. Addit pro sua diligētia aliam lītērā habere, eterna, vel secundum imaginationem, non secundū veritatem. nec enim tempora Deo coeterna sunt: cū sit autē promittere, Verbo suam de dando volūtatē nunciare, Deus ab æterno protulit Verbū suum, in

Tempus non
erat, quando
Deus nondū
aliquid fece-
rat.

Secularia,
quæ sunt.

Promittere
Dei, quid sit

quo erat, vt sancti & electi haberent vitā æter-
 nam. Vel æterna, id est, antiqua, sic enim acci-
 pit aliquando æternum, *ἀϊένιον*, agnoscit vbi
 suprā Augustinus, & sub vtroque intellectu in
 scripturis poni solitum, sine fine, & cum fine,
 nisi fortè græcus aliquis codex habuit *αἰώνια*, vt
 Act. 15. ab ætaribus, seu temporibus antiquis.
 Vnde hinc Græci diuinæ prædictionis antiqui-
 tatē, ac proinde nostrā dignitatē nobilitatēq;
 colligūt, sed iuxta priorem æternitatis sensum,
 quo nos non nuper, sed olim, & ab initio, imò
 ante omne iniriū dilexit, quod & pluribus alibi
 locis posuit, quos præsciuit, hos prædestinauit,
 Rom. 8. Segregatus in Euangeliū dei, quod an-
 teā per Prophetas promiserat, Luc. 1. Sicut lo-
 cutus est per os sanctorū, qui à seculo sunt, Pro-
 phetarū suorū. Sed & decreti diuini constantiā
 hinc & immobilitatē iidē arguunt, quasi Deū
 eorū pœnitere non possit, quæ nō ex posteriori
 volūtate definierit, sed ante omnia ei secula sic
 visa sint atque destinata. Grauit̃r simul atque
 prolixè Hilarius lib. 12. de Trinit. Cū in Dei re-
 bus, id est, in Dei natiuitate, nihil nō ante tem-
 pus æternum sit, non cadit in id vt antequam
 natus est, cuiquam ante tempora æterna pro-
 missum æternum sit, secundū præsens B. Apo-
 dictum, in spē vitæ æternæ, quā promissit Deus
 ante tempora æterna, aliquando non fuisse di-
 catur, quia intelligi non potest cepisse post ali-
 quid, qui esse sit ante tempora æterna cōfite-
 dus: æternum enim est, quicquid tempus exce-

dit, &c. Porro quod sic alicubi loquitur Augu-
stinus, tanquam si *κτῆριον*, Latine dici posse du-
bitet *seculare*, mirū si non legerit Horatij car-
men *seculare*, quem eò loci allegat cap. 31. quæ-
stionum super Genesim. *Seculares* autem lu-
dos etiam irrisit de Ciuit. lib. 3. cap. 18. centesi-
mo quòque anno celebratos & ad eos fugien-
dos atque cōtemnendos etiamnum inuitabat
in Psal. 81. Propius rem nostram est quod de
Genesi ad literā lib. 5. ca. 17. Ante secula inquit,
Deus, A seculo ea dicimus, ex quo cepit seculū,
in seculo, vt ea quæ nascuntur in mūdo. Hicro-
nymus ad Ezech. 26. 27. *κτῆρ*, seculum aiunt,
humanæ tempus ætatis septuaginta annorum
supputari, Latini nonnulli pauciorum annorū
esse seculum putant, vt ad id 8. Æneid.

*Seculare ear-
men Horatij*

*Seculares
ludi.*

*Ante secula
In seculo.
A seculo.*

*Humana ætas
sic tempus.*

Seculisque effæta senectus.

Seruius notat dicta secula in vno homine, iux-
ta eos qui dicunt seculum xxx. annorum esse,
alij cx. alij Mille, vt Plautus in Milite. Varroni
autē li. 5. de lingua Latina, spatiū est annorū c. à
sene dictum, quod longissimum senescendorū
homīnum id putarūt, vt in Vergilij de ætatibus
carmine.

Ter binos deciesque nouem superexit in annos,

Iusta senescentum quos implet vita virorum.

Sed de lōgzuitate videro in caput huius 2.
Confirmatur autem hæc nostra de iis spes ex
re & effectū promissionis, vt sequitur, *manife-
stauit autem*, nec hīc præcessit, *μὴν*, cui respon-
det *ὁ δὲ, temporibus suis, ἰδὲ οὖν*, vt ad rem referatur,

Tempus, oportunitas.

*Cognitionis
Dei promotio.*

unaquæque res suum tēpus habet, Eccl. 3. & nō suo vel alieno tēpore fieri dicitur, quod intēpestiue fit. Cōgruis igitur temporibus, cōpotentibus, debitis, cōueniētibz, q.d. Et quæ huius dilationis ratio? cur ve tandiu dare & exhibere distulit, quod tandiu antè destinarat? Prouidentia (ait) gratia, vt omnia tempestiue & opportunè fierent, & tempus enim scriptura opportunitatē interdum appellat, vt Psal. 118. tempus faciendi Domine, vel Domino, Sic Græci. Malunt Latini ad Deum referre, *suis* exponentes, ab eo dispositis & ordinatis, quod (aiunt) promiserat, compleuit, quando se facturū præscierat, & vbi venit plenitudo temporis, Gal. 4. quo nondum omnem à iustitia declinantē ad fidem adduceret. Opportunè sanè, Cū homo de superbia primū, & de ignorātia, idololatria, reliquisque contra naturam vitiis ante legem, sub lege de infirmitate & malitia conuictus, vt à medico ægrotus, congruentius inuiseretur & sanaretur. Vidit Abel inde aliquid perfectius. Noë, Abraham, &c. & sic paulatim Prophetæ, quò magis appropinquabāt redemptio, hoc eam amplius cognouerūt, & his omnibus plus Ioannes, digito demonstrans, omnium verò maximè tempore gratiæ conspiciū fecit Deus, *Verbum suum* , vel promissionis sermonē, Euangelium, vt quod omnia complectatur, præsentia, siue nobis in præsentia data, fidem, veritatem, pietatem, & futura, & quæ nobis cūenient, vitam æternam, vel certè Filiū ipsū,

ipsum, τὸν λόγον, Verbū incarnatum, vt ex lectio-
nis ordine diligēter attendamus, quòd cūm re-
rū consecutio sic requireret, vt diceret, manife-
stauit eam, de qua prædixerat, vitā, non ita in-
tulit, sed, manifestauit verbum, & ex textu in-
quam, attendamus vitā cēlitus à Deo ab ater-
no promissam, non absque Dei verbo, imò nō
aliū quā ipsum esse Verbū, quod in principio
erat apud Patrē, quòdque caro factū, in nobis
habitauit, Ioā. 1. & 14. Ego (ait) sum vita, vita ve-
rò nō brevis, neque tēporibus circūscripta, sed
perpetua, nouissimis seculis perspicua facta, *in*
predicatione, palā, manifestè, per publicā Chri-
stimet, Apostolorūmq;, & Pauli in primis, om-
ni creaturæ, ac per omnes gētes Euangelij pro-
mulgationē, Marc. 16. Prædicate, Mat, 28. doc-
te, &c. *que credita est mihi*, siue cōmissa, Paulo gē-
tium doctōri ac magistro, vt annūciaretur mū-
do, vt hominib⁹ nota fieret. Manifestauit ergo
deus sermonē suū in prædicatione mea, inquit,
dās per hoc intelligere, sermonē prædicationis
sux, Dei esse, non suū. Sic enim & Saluator di-
cebat, Sermonē quē audistis, non est meus, sed
ei⁹ qui misit me, Patris, Ioā. 14. *secundū præceptū*,
Hieronymo imperiū, & Sedulio, Aliis delega-
tionē, iniunctionē. Sentit enim sibi manus hoc
prædicandi delegatū; sic vt recusare nō liceat, vt
potē mādātū *saluatoris nostri Dei*, qui nos saluos
esse voluit, id quod pollicitus fuerat implendo,
speciatim quando me probauit, & dominicæ
incarnationis æcononiam iniunxit, cū me &

*Paulus segre-
gatus ad euā-
gelizandum
gentibus.*

Barnabā segregauit, Act. 13. vt gentibus prædi-
carem⁹, qui me segregauit ex vtero matris meę,
vt euangelizare Filiū suum, Gal. 1. de quo etiā
mandatum hoc intelligas licet, ipse enim saluū
fecit populum suum à peccatis eius, Matth. 1. &
Paulum vocauit ac elegit, vt portaret nomen
suum coram gentibus, Act. 9. Cū igitur deus
ac Dominus nos seruare volēs, hæc iniunxerit,
digna omnino prædicatio, cui fides adhibeatur,
& quomodo non ad salutiferum hoc opus ei
inferuirem? Hic obseruanda cum Græcis tria.
Primū quān hoc exordium beneficii diuinis
refertū sit, totāq; prorsus eiusmodi est epistola.
Sic Titum suum, & qui ab eo docerētur, ad la-
bores pro fide ac pietate subeundos magis ex-
citāt, sic Episcopum cum discipulis animat, vt
benefactori placeant, nihil enim ferē ita nobis
utile est, vt Dei beneficiorū iugiter meminisse,
siue quæ communiter omnibus, siue quæ seor-
sum singulis tribuit. Vel intueri cū ex amico
vel munusculum sumimus, vel verbū aliquod
gratū placidūque audimus, quā in amorē
exardescimus, quanto magis cū meminimus
quantis nos Deus & periculis eruit, & muneribus
affecit, quanto ad obediendum promptio-
res fuerimus? Alterū, Præconis instar omnibus
in theatro ita prædicantis, vt veraciter sibi cō-
missa omnia prosequatur, nec aliquid addat,
immutet, auferat, ea nobis ratione prædicandū,
vt ea tantū quæ audiuius prædicemus, nihil
vel addētes, vel adimētes, Deut. 4. 12. Apoc. 21.

*Verbū Dei
qualiter præ-
dicandum.*

(Quod intellectū velim sine præiudicio cōtro-
 uersæ hodie adeò concertatæ, de Verbo Dei
 scripto & tradito) Et quidem cū magna tum fi-
 ducia, tum libertate ac constantia, alioqui nul-
 la fuerit prædicationis virtus. Dicite, ait Domi-
 nus, in lumine, non in auribus, prædicate super
 tecta, non in cubiculis, Mat. 10. Luc. 12. Sic tum
 ex dicendi modo, tum ex prædicationis loco,
 apertam eam, publicam, liberamque esse com-
 mendans. Postremò inter agenda hîc prisci di-
 stinguunt, & quædam quidem permitti modò & *Cōsilia E-
 uāgelica,* & consuli, & proinde in nostro esse arbitrio, & *præcepta,*
 sub ius nostrum cadere, Vade, & vende omnia,
 & da pauperibus, Mat. 19. auditorē huius exe-
 quendi ceu Dominū (si vis, ait, &c.) constituēs,
 velint hoc nolint moderni: Quædam autē im-
 perari, & proinde non in nostra esse potestate,
 vt fratri reconciliari, nec ei conuiuari, Matt. 5.
 hæc omittere minimè tutum fuerit, sed neces-
 sariò facienda, nempe supplicio ea non facien-
 tibus imminente. Tale ait hic & alibi passim
 Paulus docendi prædicandique præceptum si-
 bi factum, vt vel inuitus id facere cogatur, nec
 sibi creditum vel dissimulare, vel iniquè ferre
 possit, non ambitionis hoc, non regnandi cu-
 piditatis, siue voluntatis, sed necessitatis qui-
 dem est, hæc enim mihi incumbit, & vā mi-
 hi si non euangelizauero, 1. Corinth. 9. vt nec
 huius rei sim Dominus, sed minister, & qui-
 dem propè inuitus, nam dispensatio mihi
 credita, vis apertius eloquar, quid hoc

*Prædicandi
necessitas cui
incumbat.*

*Episcopi mu-
nus.*

sibi velit, ut omnibus euidens fiat? cui creditus est Ecclesiæ principatus, quique episcopatus dignitate ornatus est, nisi populo quæ agēda sunt docet, nō erit innoxius, Laicus nulla huiusmodi necessitate constringitur. Hic cum Paulo, Paulique interprete Chrysostomo, non mecū litigent Pastores, iidem nō doctores, & si possunt, hoc se iure diuino scripto solutos probēt, vel aliquā huius necessitatis dispensationē, aut excusationem afferant. Videbimus in posterū, ut nostrates episcopi in Gallia facturi sunt, quod in Tridentina Synodo sanxerunt. Prædicationis nimirū munus episcopi esse præcipuū, & aut in sua quisque ecclesia ipsi per se prædicent, aut legitima huius per se prædicationis impedimenta fingant ac refingant. Canon est 4. decretorum, de reformatione generali, Sessione 8. habita 11. Nouēb. anno 1563. latus, & huius proinde canonis latores, nisi iidē factores, ex ore proprio iudicandi, & omnino inexcusabiles, qui quæ in tanta senatus orbis Christiani luce decreuerūt, minus ipsi præstēt: aut enim prædicare non norunt, & à Domino audiunt, quia tu, sacerdos, scientiam repulisti, ego quoq; te abobeūdo mihi sacerdotio repellā, Oīc. 4. aut nouerunt (nec enim datur mediū) nec tamen prædicāt, & hoc pluribus plagis vapulaturi serui sunt, quanto magis heri voluntatem cognouerunt. Sed legitimè impediti sunt. Ecquibus quæso, impedimentis? aulicis, bellicis, ciuicis, profanis, publicis, veris sanè impedi-

mentis, sed quæ, quid aliud quàm sunt excusationes in peccatis? Talis igitur ac tātus Apostolus, & tātæ salutis annūciator, scribit *Tito*, personæ salutatæ nomen est, *dilecto Filio*, Ambrosius germanum legit, & verum exponit, Hieronymus charissimo, quòd Græcè dicitur *γυναικα*, *γυναικα* *vin* *latinè expri-*
& Latinè vix explicari potest, sonat enim cùm *mitur.*
quis fidelis, proprius, legitimus, siue germanus absque comparatione alterius appellatur. Sermo quippe & sapientia, & doctrina, qua Titus Christi instruebat ecclesias, efficiebāt eū Apostoli filium, egregium, ingenuum, speciali quodam modo dilectum, aliis meliorē, & germaniorem, non *vóto*, non adulterinum, non à patre degenerem: vt vel hinc intelligamus fuisse *Pauli Filij.*
& in Pauli filiis differentia plurimum, quasi alios haberet genuinos, quasi de libera procreatos, alios velut ex ancilla, &c. Gal. 4. Quod Hieronymi scholion sic Græci exponunt, esse quidem & filios, sed non eiusmodi, qui germani charique dici mereātur, vt si Christianus fornicetur, filius quidem est, quatenus ex baptismo renatus, sed non continuò genuinus aut dilectus, qui à patris dignitate degenerans, ad alterum patrem, vel potius tyrannū, sponte deuoluatur, & parente vero indigna cōmittat. Et in naturalibus quidē filiis charum facit vtriusque parentis affectus. Hic non item, sed id munus ex suo quisque proposito assequitur: hinc & subinde mutantur, nec enim sub naturæ hæc necessitate cōclusa sunt, sed ex arbitrij depēdēt

libertate, operāte vtiq; gratia, vt & ex charissimo nō in hui⁹ dignitatis prerogatiua permaneat, & virtutis cōtrā merito charissimus fiat, qui antē non erat. Sic Paulus Onesimū ex dilecto inutilē, & rursus ex inutili charissimū, imō viscera sua vocat, ad Philem. Filio ergo non iuxta carnem, siue naturam, sed *secundum communem fidem*, Tito in primis & Paulo, qui Titū in Christo per Euangelium genuerat, 1. Cor. 4. sed & omnibus credentibus, quia sicut vnum baptisma, sic vna seruientiū fides, Eph. 4. quam ideo Græci Catholicam, Latini vniuersalem vocāt, iuxta quā, non iuxta priuatā sectam aut hæresim, Titus erat Pauli spiritualis filius, non carnalis, eoque magis, quod quā ab Apostolo Catholicam Orthodoxāque virtutē didicerat, catholicē & rectē docebat. Cū ergo Paulus Titum filiū nouisset, Patris assumpto ordine, hanc velut minuit ac cōtrahit dignitatem, ac si apertē diceret, Equidem secūdum fidem, nihil amplius quā tu, habeo, nullo te maior sum, communis enim est, & per eandem ego tūque regeneriti sumus, ac proinde fratres eaten⁹. *Qua* igitur ratione filium vocat? affectu certē paternō, quod eo superior in prædicatione præcēsserat, quod eū baptizauerat, quod per eū Titus fidei lumen ac veritatis acceperat. Hinc eosdē nō renuit & fratres vocare, quia eadē ex fide renatos, & filios, quia per suū ministeriū regeneratos, vt cōmunis fidei, fraternitatis signet affectum: ministerium, paternitatis. Est & alius

*Catholica
vnde dicta
fides.*

*Filius Pauli
cur dictus
Titus.*

*Fratres inter
se Christiani.*

Theodorito sensus proprius, ex dissimili generationis naturalis & spiritualis, Illa nō opus habet assensu eius qui generatur, at fidei partus, eius qui regeneratur, assensum requirit. Et si enim verè quis prædicet, nisi qui audit, quæ discit, cū fide excipiat, nequit eius qui prædicat, vocari filius, In mente enim ac animi sententia, talis versatur cognatio, quæ hīc Titi virtutem inuinit, qui quoddam cum Apostolo fidei societatem coiisset, cum Patrem habere dignus est habitus. Hoc græcanicū dissimile, nè vt paulò superius Chrysostomi Scholion minus humano arbitrio putemus proprium. Audiamus Augustinum, quo nemo dei gratiæ fauit impensius, Sic totum (inquit) ex Deo, vt nō tamen quasi dormientes nec conemur, nec velimus, Sine voluntate tua nō erit in te Dei iustitia: Voluntas quidem non est nisi tua, iustitia nō est nisi Dei. Esse potest Dei iustitia sine voluntate tua, sed in te esse non potest, nisi per voluntatem tuam. Et paulò pōst, hominem te sine te fecit Deus, nec enim consensum adhibuisti vt te faceret Deus, quī consentiebas, qui non eras? Quia ergo fecit te sine te, non te iustificat sine te, fecit nescientem, & iustificat volentem, De verbis Apostoli sermon. 15. Sequuntur quæ operat bona, & à quibus obtinenda, & pro more illi solito coniuncta, *Gratia*, omnium vtrique spiritualiū donorum principiū, iuxta peccatorum remissionē, magis autē iuxta pōtificale officii, quæ cōsecret omnia sacerdotij eius opera,

*Augustini
latu.*

Gratia, omnium donorum spiritualium principium.

& Pax, eorundem Dei donorum finis, Qui posuit (ait) fines tuos pacem, Psal. 147. Illa in presenti, hæc in futuro, aut hæc nunc quoque, sed quanta hîc animi tranquillitas haberi potest, quæ Titum repressis hostibus & vitiis, requiescere faciat, semperque cū deo & sanctis Angelis concordē manere, nam sola alioqui beatitudo hominē prorsus quietū reddit, non aliter, neque prius quieturum. Hæc vtiq; tibi sint ab iis qui & volunt & possunt, à Deo Patre, & Christo Iesu Salvatore nostro, cuius humanitas eorundem nobis donorum instrumentum est diuinitati coniunctū, & melius vtrunque ab utroque datum intelligitur, quàm ad Patrem illa, hæc ad filiū referri debeat. Græci Patris nomine superiorem fraternitatem innui exponunt, Quia (aiunt) dixerat filiū, pulchrè intulit à quo patre, excitariq; Titi animū, & ad deitatis velut celsitudinem erigi, vt discat, aut magis recordetur, cuius sit Filius, népe Dei, vnus enim nobis Pater deus, vna omnium nostrum baptismalis (vt ita loquar) piscina. Interferūt iidem misericordiā magno à Latinis consensu hîc omiſſam, quibuscum reſclamat Origenes ad Roman. annotans, & distinguens salutationum formas, quibus Paulus vsus in singulis epistolis hoc modo, ad Timotheū vtraq; Gratia, misericordia, pax. Ad Titum, Gratia & pax, &c. Legūt tamen & exponūt Græci, Intuere (aiūt) & animaduerte, quàm magna multaq; cū discipulis aliis, tum episcopo in primis imprecatur: Talia profectò

que videntur doctoribus non tantum vt vulgò Christiano conuenire, sed prorsus necessaria esse, quippe qui precibus omnium maximè indigeant, nempe quibus & inimicitiarum difficultatūque, & diuinæ offensionis periculorum plus immineat, vt sit ea dignitas quāto celsior, tanto periculosior, magis ergo pastor indiget & *Dei gratia*, qui tam multis oneribus prematur, & *miser cordia*, tam innumeris malis obnoxius, & *pax*, tot bellis, turbis, & tumultibus subiectus. Absque his tribus diuinis velut gubernaculis, Ecclesiæ nauim, quisquis eius & gubernator, hoc est, Episcopus, subuerteris. Secutus est Græcos Faber, & tria quidem hæc totidem diuinæ naturæ personis communiter conuenire, peculiatiter tamē tribui Patri misericordiā, est enim pater misericordiarum, 2. Cor. 1. Filio pacem, Ipse est pax nostra, Eph. 2. Gratiā Spiritui sancto, vt Act. 10. Et in nationes effusa est gratia Spiritus sancti. Quò minus absque scrupulo transeundum notat Hieronymus, quod quibusdā hæc multiplicari imprecatur alicubi, Dan. 3. 6. Babylonij reges, scribētes suis. Pax, adiūt, vobis multiplicetur, & 1. Petr. 1. Hæc ad Titum sine multiplicatione posita sint, Respondet sicubi in persona sanctorum gratia posita est, ferè inueniri gratiam eos vnā inuenisse, non plures gratias. Noë, Gene. 6. Moyses, Exod. 33. Perfectorum quippe est vnius margaritæ thesaurum pretiosum, margaritis omnibus & totius substantiæ cōmercio cōmerari ac emere,

Miser cordia
dia patri pa
culiaris, filio
pax, spiritui
sancto gra
tia.

Gratia vna
non plures.

*Margarita
vna plures.*

Matt. 13. Incipientium, & adhuc in itinere positorum, plures habere margaritas, non vnā illam pretiosā, Dei nimirum gratiam. Ad extremum ergo, Epistolæ huius præfatio, & præfationis salutatio Apostoli ad Titum, tali fine completur. Sequitur narratio.

Huius rei gratia reliqui te Cretæ, ut ea quæ desunt corrigas, & constituas per ciuitates presbyteros, sicut & ego disposui, Si quis sine crimine est, vnius vxoris vir, filios habēs fideles, non in accusatione luxuriæ, aut nō subditos. Oportet enim Episcopum sine crimine esse, sicut Dei dispensatorem, non superbū, non iracundū, non vinolentū, non percussorem, non turpis lucricupidū, sed hospitalem, benignū, sobriū, iustū, sanctū, continentem, amplectentem eum qui secundum doctrinam est, fidelem sermonem, ut potens sit exhortari in doctrina sana, & eos qui contradicunt arguere.

Rosequitur epistolam, ad narrationē accedit. De ordinatione primū Ecclesiæ, tum de plebis informatione, quarum vtranque intendit contra hæreticos munire, quibus per quos & quomodo resistendum, per Episcopos nimirū & presbyteros, quorū alios quod & cur sub aliorum no-

mine intelligat, plenius in priorem ad Timotheum diximus, & hîc subintellectum, etsi non repetitum, volumus. Quia ergo Paulus Ecclesiæ præsertim gērium vniuersalis commissionem, Omnium (ait) Ecclesiarum curam & sollicitudine, & quidem quotidianam, 2. Cor. 11. nec solus poterat per se omnia exequi, Titum instituerat Cretensem Archiepisc. ad quē pertineret tota eius provinciæ ordinatio, Ideo dicit, *Huius rei gratia*, propter Catholicæ fidei prædicationem, pro eo, quod siquidem feceris, gratū mihi erit. *Reliqui te Creta*, in Creta insula, cum inde recederem, & aliò prædicandi causa concederē, mei loco Cretensium ecclesiæ pastore te primariū ordinavi. Apostolicæ quippe dignitatis est, Ecclesiarū iacere fundamenta, quæ nemo potest ponere, nisi architectus. Super hæc inferiores artifices ædes construunt. Paulus ergo ut sapiens architectus, 1. Cor. 3. & omni labore cōtendēs, ne in præparatis gloriaretur, sed vbi necdū fuerat Christus annūciatus, Rom. 15. Cū secūdū datam sibi gratiam fundamentū poneret, postquā dura Cretensium corda ad fidē Christi mollierat, & tā sermone quā signis edomuerat, docens eos non in vernaculū Iouem, sed in Deum Patrē & Christū credere, discipulū ibi reliquerat, ut rudimēta nascentis Ecclesiæ cōfirmaret, Ipse interea ad alias nationes pergēs, Christi in eis fundamentū rursus iaceret. Sic ut vna in domino ministrorū ali' aliud agēdū curat, Apostoli tanquam vnā familiā, orbē totū inter se partiti,

*Apostolica
dignitas,
9^{na}.*

*Iupiter, Cre
tensium ver-
naculus.*

*Prædicatio
de loco in lo-
cum transpo-
nenda.*

alius aliam partem sortiti, sua quisque perage-
bant officia, omnium qui ubique terrarum erant,
curam gerentes. Adeo non Apostolorum tan-
tum, sed eorum quoque qui eis fideles in Eccle-
siae ministerium successerunt, vita omnis erat
operosa, tota illis in labore atque certamine
posita, præsentem vitam viatorum peregrino-
rumque ritu percurrentibus. nec in terra ciuitatē
habentibus, Heb. 13. quod & hinc indicat, Tito
in Creta relicto, aliud se prædicaturum migras-
se, Domini utique sui exemplo, qui & ad eos
aiebat, Eamus & in proximos vicos, & aliis e-
nim Euangelizare me oportet, Marc. 1. Luc. 4.
ut hinc iure cum Chrysostomo nobis dolendū,
nos contra veterum morem, quasi ideo condi-
ti simus ut edamus, bibamus, in deliciis viuamus,
ita nullam spiritualium rerum habere rationem,
sed omne tempus per ignauiam ducere, hoc inquam
nobis magis dolendum, quantum hæc tempora
Chrysostomianis, quàm Chrysostomiana
Apostolicis, deteriora, mox fortè datura,
ut ille ait, progeniem vitiosiores. Sed quid
dicit? *Ut ea quæ desunt corrigas*, Itane? an verò
magis suppleas? ut quæ in malis moribus
superfuerint, reformes, quæ in bonis desunt,
addas, ut alibi, Impleamus ea quæ desunt
fidei vestræ, 1. Thes. 3. imò ut non corrigas
tantum, sed etiam *super-* corrigas, hoc est,
ut sic dicam, supercorrigeres, Sic enim
vertit Hieronymus, præpositionis adiectæ
notans emphasim, cum Græcis, q. d. Quicquid
corrigitur imperfectum est, & quædam

quidem prius à me correcta, necdum tamē ad plenam veri lineam redacta sunt. Quæ igitur ad perfectionem desunt, ea recto tenore corrigere pergas, vt æqualitatis normam accipiant. Et hic vide, vt eum discipulo scribere non pudeat, vt à se relictæ aut prætermittæ reformet in melius: sic vbique fidelium saluti, non priuato honori consulens, & vtilitatem publicam curans, siue id per se, siue per alium fieret, nihil ei⁹ intererat. Hoc scilicet vnum respiciebat, vt cōmune lucrum procuraret, nullo proprii respectu, Irā prorsus, ita pastorem affici necesse est. Intuere rursū animam omni inuidia liberam. Ea in quibus difficultatis erat plurimum, præsens peragebat, per se ipse corripiebat, quæ autem honoris plulculum forsā habebāt quā laboris, Episcoporū vtique & Presbyterorum electiones, discipulo permittebat, de quibus sequitur, *constituas per ciuitates.* κατὰ πόλιν, in ciuitate, id est, in singulis ciuitatibus, siue oppidatim, hæc enim insula quondam dicta est *ἑκατόμωλις*, quod centum habuerit oppida, quod alicubi totidem verbis dixit Mantuanus,

*Præceptor
discipuli ope
ram non de
dignans.*

Creta, ἑκατόμωλις.

Vrbibus incluta centum.

Creta ideo dicta à Graiis Hecatompolis olim.

Et alter, 3. Aeneid.

Centum vrbes habitant magnas, ditissimā regna.

Et Horat. lib. 3. carm. ode 27.

Quæ simul centum tetigit potentem

Oppidis Creten.

Idem in Epodo 9.

Aut ille centum nobilem Cretam vrbibus

Ventis iturus non suis.

Ovidius passim. 7. Metamorph.

Dicta refert rector populorum talia centum,

Minos scilicet. 13.

*Teucris Cretam tenuère, centumque relictis
Vrbibus, &c.* Sic Ariadne Theseo,

Non ego te Crete centum digesta per vrbes

Aspiciam. Ad idem Seneca in Troade,

Vrbibus centum spatiosa Crete. Alicubi quoque

Lucanus, Statius, &c. Nec poëta modò, sed &

Geographi, Ptolemæus, li. 3. cap. 17. Plinius lib.

4. cap. 12. Centum vrbiū clara fama. Mela, li. 2.

cap. 7. Solin. cap. 16. constipata cētum vrbibus,

sicut perhibent, qui prodigè lingua locuti, aut

etiam largiti sunt, sed magnis & ambitiosis op-

pidis: quasi sentiat Græcos centum vrbes Cre-

tensibus prodigè largitos, Secuti omnes, Ho-

merum, lib. 19. Odysseæ canentem,

Nongenas habitant diuersis vocibus vrbes. cū Iliad. 2.

Cētū vrbibus & populis frequētē dixisset, quas

bona ex parte ibidē numerat, hāc diuersitatem

Strabo, lib. 10. Troianis quidē tēporibus Vlyssē

teste, xc. fuisse eius insulæ vrbes, Post quæ x. cō-

ditis sua tū ætate, tū persona poëtā, Centurbiā,

vt ita dicā, vocasse. Quū ergo populosæ insulæ

regimini solus sufficere non poterat Titus, eam

vni totā noluit Paulus cōmissam, Sic vt nō sin-

gulæ ciuitates suū vnaquæque pastorē haberēt,

sed propriū vnicuique indicit. Ita enim fore vt

leuiorē laborē, & curā exactiorē, subditosque

tū facilius, tū diligētius gubernandos, si doctor

vni tātū Ecclesię regēdā, ceu glebā, ascriptus,
 nō multarū sollicitudine distrahatur. *Presbyteros*
 quos hīc Grāci latinīque intelligi, vt aliās sē-
 pe, volūt, Episcopos, senes nimirū moribus, ne-
 dū annis. Etsi verò de Presbyteris & senioribus
 multa nobis tū dicta, 1. Tim. 3. 5. tum dicenda
 huius, cap. 2. hīc tamen obiter non omiserō e-
 ius tum ætatis, tum etiam dignitatis mysteriū,
 ex Origenis Homil. 16. ad id Iosue 13. *Iesus erat*
presbyter, vel senior, & prouectus dierum, & Homil.
 4. in Psal. 36. Et ante nos (ait) quidā obseruan-
 tes in scripturis notauerunt, Presbyteros & se-
 niores non ex eo appellari, quòd longæuam
 duxerint ætatem, sed pro maturitate sensus, &
 grauitate vitæ, veneranda hac appellatione de-
 corari, maximè cū additur, *Plenus dierum*, Si
 enim xui prolixitate sic quis appellādus, quem
 magis oportebat alium hoc nomine censerī,
 quā Adam, vel Matusalem, vel Noë, qui plu-
 ribus quā cæteri annis in hoc mundo vixisse
 creduntur? Nunc videamus eorum neminem
 sic vocari, sed longè breuioris xui Abraham
 primus in Scriptura sic appellatus est, cū an-
 te eum plurimi annos 900. 600. 500. vt mini-
 mū, 300. vixissent, eorum nemo, presbyter,
 senior, dierum plenus dictus est, nisi Abraham,
 presbyter nutritus in senectute bona, Gene. 15.
 vt intelligentes interioris hominis maturitate,
 non corporis ætate sic designatum, optemus
 pro eodē interni hominis perfectō sensu, gra-
 uitate, constantia, non pro vel corporea ætate,

*Presbyteri
 vnde dicti
 Seniores*

*Abraham
 primus dictus
 senex in sa-
 script.*

*Senex plenus
dierum, de
peccatoribus
non dicatur.*

vel presbyterij officio, presbyteri vel seniores
vocari. Dictum est etiam ad Moysen à Domi-
no, Elige tibi ab omni populo presbyteros,
quos tu nosti, quòd presbyteri sunt, Numer. 11.
Obserua in omni scriptura, sicubi inuenire po-
tes nomē hoc *Senex plenus dierum*, super aliquo
peccatore positū, quod utique dici nequit, nec
enim peccator dierum prouectus est, ut qui se
non ad ea quæ antè sunt, extendat, eorum quæ
retrosum sunt, obliuiscens, Phil. 3. sed semper
retro conuertitur, ad vomitum redit, &c. qui
autem ad priora extēditur, & ad perfectionem
fertur, hic prouectus est in diebus suis, quod
nō sine magno aliquo testimonio ita filio Na-
ue diuinitus dato dictum est, alioqui quod de
senili eius ætate dicebat Dominus, omnes no-
uerant. Quæ sunt ergo tam magna Dei respō-
sa, quæ hominibus deferuntur, ut dicant Seni
homini, *Senex es*, &c. quod omnes videbāt. Ego
diuinum hīc mysterium arbitror, quòd ut cæli
sol dies mundanos, sic Iustitiæ sol spiritales fa-
cit, qui fulgore veritatis, & lampade sapientiæ
illustrentur. Si quis ergo in Dei præceptis vitā
hanc præsentem transegerit, immaculatum se
ab hoc seculo custodierit, Iac. 1. hostes suos spi-
ritales subegerit, ab istis, quos paucos & malos
Iacob dicebat, Genes. 47. diebus prouchitur at-
que promouetur ad illos æternos & bonos, æ-
terni solis luce signatos. Tali ergo quodam or-
dine Abrahā & Iosue viri sancti senes & dierū
presbyteri pleni prouectique ex diuinis oracu-
lis

lis pronūciantur. Et quoniam quę de Iesu Naue dicuntur, ad D. Iesum referuntur, quis ita Presbyter, senior, dierum plenus intelligitur, *Iosue sene- etus, quia.* vt ipse qui principium est & primogenitus omnis creaturę? Ideo fortassis solus verē & integrē talis, ante quem nemo. Igitur sint licet in scripturis qui Presbyteri vel seniores, vel pontifices dicantur, at D. Iesus vt in pontificibus, pontificum princeps est: ita & in Presbyteris vel senioribus, Presbyterorum vel seniorum: & in episcopis, episcoporum, & omne quodcunque honorabile nomen est, primum in hoc & principem esse credendum est Saluatore, quia & omnium caput, Eph. 1. 4. 5. Col. 2. ante Abrahamum, Ioan. 8. ante lunam, Psal. 71. & luciferum, 109. ante omnes, Col. 1. & omnia: Hęc Origenica parum licet ad literam Paulinam faciant, huc non indigna duximus quę assuerentur, tum quia vel ex nominis saltem etymo admonent, quales esse debeant Ecclesię Presbyteri, tum quia Domini in omnibus & super omnia pręstantiā elucidant, & verò concionaturis etiam, non pręlaturis tantum scribimus. Et oppidatim, non vicatim constituentes, In ciuitatibus (obseruat Aquinas) non in villis, vt in Republica Reges in urbibus, sic in regimine spiritali Episcopos. Regale quippe sacerdotium, 1. Petr. 2. Neu multitudine vilescerent, quod olim iam de Presbyteris Hieronymo ad Euagrium doluit, In Can. legimus.

Digressio prima.

C

*Episcopi ubi
constituendi*

Quòd ex hoc loco monuimus Episcopos oppidatim, non pagatim aut vikatim collocandos, Petrus quoque, siquidem Clementi I. Epist. 1. credimus, in singulis ciuitatibus singulos, non binos, ternos, pluresvè cōstitui præcepit, qui Episcoporum potirentur vocabulo: hoc tamen prouidit, ne in villis, castellis, modicisvè ciuitatibus instituerentur, ne nomen eorum villefieret. Quòd totidem penè verbis repetit Anacletus, Epist. 3. addēs, per castella, villas, & ciuitatulas Presbyteros sic ab episcopis ordinandos, vt singuli per singulos sint titulos suos. Illos ergò ad honorabilem tātum urbem uitulandos, vel denominādos, ne ville scat nomen, hos ad qualemcunque, vel certè quēcunque locum, vel Ecclesiā in eo cōstitutam præfecti fuerint, in eadem vitæ suę diebus duraturos. Citatur in Can. Episcopi. Dist. 80. & Ca. Audiuius, 3. q. 2. ex Euaristi epistola 2. alibi episcopi constitui non possunt, nisi in ciuitatibus non minimis. & Can. Non debere. 57. Laodicens, Quòd nō oporteat in villis, vicis, aut agris episcopos ordinari, sed visitatores, qui circumueant, Si qui antea fuerint ordinati, præter conscientiam episcopi ciuitatis nihil faciant. Et hoc prior Sardicensis, Can. 6. siue 5. iuxta aliam editionem, Licentia ne sit episcopos passim ordinandi, aut in vico, aut in ciuitate modica, cui satis vnus esse possit Presbyter, nec enim necesse est ibi episcopum fieri, vt episcopi ville scat nomen, & honoris summi autoritas.

Alia ergo ex prouincia inuitati episcopi, episcopum ne faciant, nisi in ciuitatibus quæ episcopos non habeant, nisi si qua tam populosa ciuitas sit aut locus, ut episcopum habere mereatur. Quod & innouauit, & exposuit Carthagen. 2. Ca. 5. ut diœceses quæ episcopos nunquam habuerunt, non habeant, nisi accedente tempore, crescente fide, multiplicatus Dei populus desiderauerit proprium habere rectorem, eius uidelicet voluntate, in cuius potestate diœcesis est constituta, episcopum habeat. Cuius fragmentum habetur, 16. q. 1. Ca. Fœlix. & seq. ex Carthagen. 3. Can. 42. Multis in Conciliis statutum à cœtu sacerdotali, ut plebes quæ in diœcesibus ab episcopis retinentur, si episcopos non habuerunt, nisi cum eius, à quo tenentur, episcopi voluntate, proprios accipiant rectores, id est, episcopos. Quem dominatum quidam adepti, cum in quadam velut arce tyrannidem sibi vendicarent, & Presbyteri ceruices aduersus episcopos erigerent, plebes quique suas conuiuuiis, vel alio suasu aut fauore illicientes, ut sibi rectores eos collocarent, ibidem confirmatum est, ne quis rector eam plebem acciperet, quæ in diœcesi semper subiacuit, nec peculiarem unquam Episcopum haberet. Et ad hos indubiè canones respiciens Leo I. Epistola octuagesima septima ad Episcopos Africanos per Mauritaniæ Casariensem constitutos. cap. 2. in Can. Illud sanè quod ad sacerdotalem

pertinet dignitatē, inter omnia volumus Canonum statuta seruari, vt nō in quibuscumque locis, aut castellis, nec vbi antea non fuerūt, Episcopi consecrentur, cū vbi minores sunt plebes & conuentus, Presbyterorum cura sufficiat. Episcopalia autem gubernacula non nisi maioribus populis, & frequentioribus ciuitatibus oporteat præsidere, ne quod Sanctorum Patrum decreta diuinitus inspirata vetere, viculis, possessionibus, vel obscuris & solitariis municipiis tribuatur sacerdotale fastigium, & honor, cui debeāt excellentiora committi, sui numerositate vilescent, quę postrema pars cap. primum est tituli de priuilegiis. Extra. Quod nunc in sua diocesi restitutus Episcopus factū causatus, rationabiliter postulauit, vt si locorū Episcopi, in quibus non debuerāt ordinari, humana cōditione decesserint, loca ad eius antistitis ius redigantur, cuius antea fuerant. Nam inutile est, vt sacerdotalis dignitas, inconsiderata ordinantis facilitate, superflua multiplicatione minuatur. Cū ergo aliquantō post Stephanus Emeritensis in Hispania Episcopus, principali violentia impulsus, in monasterio villulæ cuiusdam nouam Episcopalis honoris ordinationem effecisset, & indiscreto faciliq̃ assensu iniustis Bābæ principis iussionibus parens, iniustam illic sedis pontificalis prælectionem induxisset, vbi Canonica institutio id fieri omnimoda ratione refelleret, isque princeps solito leuitatis agens consilio in aliis quoque

*Sacerdotalis
dignitas non
imminuēda.*

vicis & villulis similiter facere obstinatè pergeret, Toletana Synodus xii. Can. 4. superioribus partim canonibus in medium prolatis & perlectis, in primis hoc Pauli ad Titum loco, communiter definiuit, vt prædicta villula deinceps nec sedes Episcopalis remaneret, nec Episcopus illic vltra cōstitueretur. Locus item sub monastica deinceps institutione māsurus, sub abbatis (vt hucusque) regimine modis omnibus manciparetur, non verò Episcopali vltra priuilegio frueretur, Connildo contra maiorū illic decreta constituto Episcopo, quia de principis impulsione, non de illius ambitione constabat, in remedium humilitatis, ad aliam decedentis cuiusvis Episcopi sedē transferri permisso. Generali quoque decaterò edicto posito, vt si quis contra hæc venire conatus, in locis se illis episcopū fieri eligeret, vbi Episcopus nunquam fuit, in conspectu Dei anathema esset, & insuper tam ordinator quàm ordinat⁹ ordinis sui gradum perderet, vt nō solū antiquorum Patrū decreta, sed & Apostolica ausus conuellere instituta. Nec ita post Bonifacio Germaniæ Episcopo scribēti se novos tres Episcopos per totidem loca ordinauisse, qui populo per eius prædicationem ad Christum recēs aggregato, præessent & prædicarēt, Zacharias Papa respōdens, monito prius, vt maturè pertractaret, subtilitèrque discerneret, nū expediret, & an loca, vel populorum turbæ tales essent, quæ Episcopos habere mererētur, memor quòd in

Toletana synodus xij.

Episcopi non ubique constitucendi.

sacris canonibus præcipitur, vt minimè in villulis vel modicis ciuitatibus ordinètur episcopi, ne vilesceat nomen episcopi, Synceris tamè eius literis prouocatus, superiora concessit, & sedes illic episcopales, quæ per successionem episcopos mererentur, statuit & confirmauit, Merseburgensem, Bamburgensem, Erphordiensem, præpotentes hodiè in Germania episcopatus. Sed præterquam quòd tū neophyti erant Germani, in eis quoque erigendis locum habuit ratio, quam Gregorius I. antea spectauerat, ad Augustinum Anglorum episcopum, cap. 8. in Can. Fraternitatem. vt qui tum solus adhuc in Anglica ecclesia foret episcopus, ita in Anglia episcopos ordinaret, vt longo ipsi sibi interuallo minimè disiungerentur, vel ob hoc, ne qua necessitate in alicuius episcopi ordinatione minùs conuenire possent. Nec verò dubium quin superexcrecente messe, & attendita còtrà operariorum raritate, liceat, aut etiam necesse sit, iuxta propheticum verbum, custodiam augere, opportunos operarios, & custodes idoneos adiicere, & cultores in Domini vineam, vel potius vineas, destinare, si quando tanta populorum multitudine ciuitates sæcundarit altissimus, vt pastor vnicus singulorum vultus nequirit inspicere, aut alias boni pastoris partes implere: & perdifficile durumque fuerit per latas adèò ac diffusas diœceses, ad vnum modò pastorem, ab ecclesiasticis & laicis omnibus recursum haberi.

*Germani
neophyti.*

*Anglorum
Episcopi.*

Quibus primum inductus Clemens v. proposuit, mox eius successor Ioannes xxi. Auenione tum uterque sedens, compleuit, & Tolosanam ecclesiam immensis tunc redditibus abundantem, ne dicam luxuriantem (nam causam hanc ut minus honorificam indicare malo ex capite Saluator, & sequenti, Extratragantium communium, lib. 3. titul. 2. quam hic ascribere) Tolosam igitur tunc Narbonensis ecclesie suffraganeam, ex filia, *Tolosa Archiepiscopatus.* ut sic dicam, matrem, siue Metropolim, ex episcopatu fecit Archiepiscopatum, & in sex episcopatus diuisit. Montis Albani, Sancti Papuli, Lombariacensem, Riensem, Vaurensem, Mirapicensem. Hos enim duos postremos, quorum nulla ubi supra mentio, lego in appendice Martini Poloni supputationibus adiecta ad annum Domini 1317. omnes quidem diocesis antè Tolosanæ, præter primum, qui ad Caturcensem pertinebat, adiicit eadem, Extratragans Appamiatum ciuitatem, Narbonensis prius prouinciæ, in qua duos item episcopatus crexit: priorem in Lymose, post in Abbatiam de Elcon translata, posteriorem in abbatiam Sancti Pontij. Albienensem episcopatum in duos diuisit, erecto ibi Castrensi. In Agenensi episcopum Codomensem crexit, in Lemouicensi episcopatum in Abbatia Tutellensi. In Petragoricensi vnum in villa de Sarlato, in Claromontensi constituit in villa Sancti Flori. In Ruthenensi in

villa de Vabrio : in Pictauiensi duos , Maleacensem, & in villa Lucionensi nouam ciuitatem fecit , diœcesibus limitatis, olim alias quidem abbatias , alias autem villas , nunc verò sedes omnes Episcopales, & quidem opulentas. In multis item villis de Tolosano, Carcaseio, Albigeſio, constituit collegiales Ecclesias canonicarum secularium, cum dignitatibus & præbendis, congruis redditibus per Ecclesias singulas assignatis, in domo Grandimontis totius eius ordinis capite, per priorem antea regi solita, abbatem statuit. Hæc omnia circiter annum Domini 1317. In Archiepiscopatu Tarracomenſi Cæsaranguſtanam sedem Episcopalem in Archiepiscopalem extulit, subtrahitis illi quinque suffraganeis, qui vndecim habebat, & huic subiectis, per eundem, opinor, Clemētem Carolus 1111. Imp. separari obtinuit Episcopos tunc Moraniæ & Bohemiæ, Moguntinensis olim Metropolis suffraganeos, & exinde prouinciam in suo patrimonio fieri singularem, nouo tunc Archiepiscopo Pragensi factò, vt habet Theodoricus Niemus in nemo. vnionis, Tractatu 6. quem Labyrinthum inscripsit. Succurrit R. Gaguini Annaliū li. 6. Tornacum, quod sub Nouiomensi ecclesia annis ferè sexcētis fuerat, in Episcopatum erectum Eugenio 111. Rom. Pontifice, & Ludouico iuniorē apud nos regnante. Nec verò dubium quin huius rei exempla plura quærenti occurrerent, si per otium quærere liceret.

Plenitudo siquidem potestatis super vniuersas orbis Ecclesias singulari prerogatiua Apostolicæ sedi donata est, qua potest, liquidẽ utile iudicauerit, nouos ordinare Episcopat⁹, vbi hæc nus nō fuerūt, Eorūmq; qui sūt, alios deprimere, alios sublimare, prout ei ratio dictarit, ita vt de Episcopis creare Archiepiscopos liceat, & è cōuerso, si necesse visum fuerit, quod rescriptū est B. Bernardi Epist. 131. ad Mediolanenses, cū quorū ecclesia per hanc E. R. potestatē, auctoritatē, seueritatē, gloria & honore suffraganeorū suorum pro veteri sua rebellionē, & male sua male sua adque recalcitratione, præque aliis excessibus, diu priuata, & antiquis suis ac præclaris ornamentis nudata, quasiq; membris mutilata suis, truncata, confusa, iacente, tum benignius, quàm potentius actum est, reddito ei ad complementum Pallio, id est, honoris plenitudine. Ita bis est eiusdem Rom. potestatis plenitudinem, & auctoritatis integritatem experta. *Pallium, secundum honoris plenitudinem.*

Hæc, inquam, omnia, aliâque plura & maiora per nos R. P. liceant, sed ad ædificationem, nō ad destructionem, omnia pro veritate, nihil cōtra veritatem, 2. Cor. 10. 13. & vbi ratio dictat, nō libido, vbi necessitas vel utilitas vrget, vbi nō quod libet, licet, sed quod licet, ac expedit, libet. Nā vt idẽ vir pi⁹ ibidẽ addit illicitū, nec nisi pro magna quidẽ necessitate sacri canones iudicāt, Episcopo in Archiepiscopi translationem concessam esse. De cuiusmodi promotionibus, deiectionibus, & mutationibus pensata Ecclesia-

rum vtilitate, præ qua maiores interim mino-
rare fas sit, & minores maiores facere, Extra.
lib. 1. titul. 7. Verùm hæc siue potestas, siue præ-
rogatiua & priuilegium, cùm vt reliquæ maio-
res ecclesiastî causæ, penes R. S. hæctenus fue-
rint, factû est posteriorib⁹ seculis, vt quod me-
ritò in Cōcilio Basiliensi Ludouicus Arelaten-
sis querebatur, in Cōciliis id demùm fiat, & neces-
sariò fiat quod nationi placeat Italicæ, vt quæ
sola Episcoporû, qui & ipsi soli vocē illic deci-
suâ habent, numero nationes alias æquet aut
superet, sicut scripsit li. 1. de gestis eius cōcilij
Æneas Sylui⁹ nondû Pius. Hæc illa est Helena,
quæ nuper Tridēti obtinuit. Ergo cōstituas siue
episcopos per diœceses, siue presbyteros per
paræcias, vt pastoralis curæ onus facilius sustē-
tetur, si per multos diuidatur, *Sicut & ego tibi di-*
sposui, vel cū apud te essem, de consecratione tū
Episcoporû, tū Presbyterorû te instruxi, quales
tibi designaui, nō quales fortè vel animus car-
naliter vellet, vel carnales persuaderent, breui-
ter, vel quales tibi præsentî mādauî, vel in for-
ma quam in præsentî mādo, quæ sequitur, q. d.
iuxta formā Ecclesiæ, Quam dū recolit, sicut ei
disposuerat, monet exequi. Audiant igitur Epi-
scopi, qui per vrbes episcopos, per pagos Pre-
sbyteros ordinādi potestatē habēt, sub quali le-
ge ecclesiasticæ constitutionis ordo teneatur,
nec putēt Apostoli verba esse, sed Christi ad di-
scipulos dicentis, Qui vos vel audit, vel spernit,
& me, & eū qui misit me, vel audit vel spernit,

*Italica na-
tionis pote-
stat.*

*Helena
Tridenti.*

LUC. 10. Qui Pauli ergò lege contempta, ecclesiasticum gradū alicui gratia, non meritò detulerint, manifestè aduersus Christū faciunt, qui qualis in ecclesia tum episcopus, tū Presbyter sit constituendus, per Apostolū suū in sequentibus executus est. Et hīc quæque cū Hieronymo gemamus, quando aliud nō possumus, nūc, ut tūc, imò tātò magis quàm tunc, quātò secula profecerunt, ac etiānum in peius proficiunt, tā multos hanc rem beneficiū, quod vocant, facere, ut non eos quærāt qui ecclesiæ plus prodesse possint, & in ea colūnas erigere, sed vel quos amant, vel quorum sunt obsequiis deliniti, vel pro quibus maiorum quispiā rogauerit, ut deteriora taceam, qui ut clerici fierent, muneribus impetrarunt, 8. q. 1. ca. Moyses. Videamus ergò qualis seu Presbyter, seu episcopus ordinandus sit, *Si quis sine crimine est*, Cū in 1. ad Timotheum meditaremur, principi & antistiti, cui permultum debemus, vel prælecturi, vel prædicaturi, nihil in hanc nos vnquam scripturos cogitantes, contulimus quæ illic describitur, cum hac quæ sequitur, episcopographiam, proinde si hic fuerimus vel minuti & iciuni, quasi eorum quæ illic colligimus securi, lector ad ea recurrat, & ex illis hac supplicat: vel superflui, ac eadem interim iteremus, hæc & illa non tam vicina, quàm eadē esse consideret. Quæ igitur sequuntur dotes & conditiones, in omnibus quidem ecclesiæ ministris requiruntur, sed in episcopo quàm in Presbytero, & in

*Episcoporum
indigna pro-
motio.*

ἀνεκλήτοι
ᾗσιν.

Integritas
non ratio ca-
lumnia ob
noxia.

Crimine ca-
vere.

hoc quàm in diacono excellentius esse debet. Prima ergò cleri dos & conditio, ἀνεκλήτος, qua voce de diaconis utitur, 1. Tim. 3. ministrēt (ait) ἀνεκλήτοι, de omnibus item Christianis, 1. Cor. 1. confirmavit vos Dominus ἀνεκλήτους, & Coloss. 1. ut exhiberet vos ἀνεκλήτους, coram ipso, quorum ultimo loco Latinus interpres irreprehensibiles vertit, quos hoc & superioribus sine crimine verterat, alij inculpatos. Verùm Græca vox non ita sonat, quasi dicas omni vel crimine vel culpa vacantes, sed, quod plus, què nemo possit accusare vel criminari, seu in ius aliquod ob crimē vocare, quod plus est quàm culpa vacare vel crimine, quia integritas nō ratio calumniæ sit obnoxia, ob speciem probabilem culpæ. At Paulus nè hoc quidē fert in Episcopo, Sit, aiunt hic Græci, talis, cuius nemo mores suggillare possit aut carpere, vitam ducat ab accusatione liberā, nullam det occasiōē repræhensionis, modò iustæ, nec eo tantum tempore quo ordinādus est, talis sit, aut qui præteritas maculas noua conuersatione diluerit, sed ex quo tempore in Christo renatus est, nulla criminis conscientia mordeatur. Quo enim modo Ecclesiæ præses malum de medio eius auferat, qui tacitus sibi respondeat, eadem se quæ corripit admisisse? Conuenit ergò eum crimine carere, integra tum fama, tum fide esse, alicuius (ut ita dicam) criminalis infamia non laborare, tum libera fronte aliorum sic arguere crimina, ut nemo valeat obiicere sua. Nō quòd

qui post baptismum mortaliter peccauerit, eligi non possit, vt hîc obseruat Aquinas, sed qui magis graui & accusatione damnationeque dignissimo peccato infamis sit, quale peccatum crimen vocant. Et hinc Augustinus ad Bonifacium, li. i. cap. 14. colligit, neminem in Ecclesia rectè ordinari posse, si vel hîc dixisset Apostolus, Si quis sine peccato, vel illic, ministrēt nullū peccatū habētes, multi quippe fideles sunt sine crimine, sine peccato in hac vita nemo. Et de perfectione iustitię cōtra Cēlestiū, cap. 2. 11. 12. Cūm Apostolus ministros eligeret ordinādos non ait, Si quis sine peccato, quod inuenire nō posset, sed, sine crimine, quod vtiq̃ue posset. Legitur sanè homo sine crimine, Iob. i. sine querela, Luc. i. non legitur sine peccato, nisi vnus hominis idēque Dei Filius vnicus: quia non ideo sine vllō peccato aliquis est, si non habet maculam criminis, si ingreditur sine macula, Psal. 14. ambulat sine querela. Nec enim vt idē in Enchiridio, cap. 64. quia peccatum est omne crimen, ideo crimen est etiam omne peccatum, sanctorum quippe hominum vitam, quādiu in hac morte viuitur, inueniri posse dicim⁹ sine crimine: Peccatum autem si dixerimus quod nō habemus, nos ipsos seducimus, 1. Ioā. 1. Eadem de causa Gregorius Moralium lib. 31. cap. 9. Virum ait gratia sacerdotali dignūm, sine crimine, non sine peccato hîc descriptum. Sic sanè Latini distinguentes, humanę hinc infirmitatis, illinc maledicentię rationem quā

Iob sine crimine.

Sine peccato, vnus Dei filius.

Peccatū omne non cōtinuū crimen.

*Christus in-
culpabilis,
sed nō incul-
patus.*

*Eligendi &
electi Episco-
pi integritas*

Græci plus habuerūt, nisi quòd inter hos Theodoretus, non cuius, sed iustæ modo reprehensionis affinem hic exponit, hoc est, non qui nūquam sit culpatus, à maleuolis præsertim & inimicis, sed qui iure culpari nequeat. Alioqui ne Christum quidem inculpatum vocaueris, licet inculpabilem omnium rectissimè. Sicut ergò episcopum irreprehensibilem, non irreprehensum, alibi vertit vetus interpret, sic moderni hic inculpabilem quàm inculpatum rectius vertissent. Et hæc rectè integritas requiritur ante electionem, ut cùm in ecclesia post baptismum, tum etiam inter extraneos sic vixerit, ut bonum ab eis testimoniū referat, 1. Tim. 3. electo verò duplex necessaria integritas, ut inculpate tum viuat, tum ministret. Nam bene docentes & malè viuentes, meritò reprehenduntur, Mat. 23. bene in speciem viuētes, & malè docētes, nihilo magis sunt inculpabiles, imò prioribus peiores: Quid malè viuentes, & peius docētes? Sit igitur utrobique minister, tum in vita, tum ministerio inculpatus. Sed quæ crimina hominem vel promouendū impedian, vel promotū deiiciant, nos abundè lib. 3. Digress. ca. 9. & 11. dictum est in genere, Presbyterū oportere inculpatum esse, Descendit ad species quæ in eo requiruntur, ut talis sit, *unius uxoris vir*, De hoc sacrorum ministrorum charactère nobis fuit, vbi suprà, triplex expositio, Orientaliū, ut noster hic, non habeat duas simul uxores, quæ quorundam est consuetudo. Sed hoc Aquinas

negat Paulo dictu fuisse necessarium, quòd secundum leges, Romanis, quibus Apostolus scribebat, ne id quidem ante Christianam fidem liceret, hoc nunc non excutio, fortius est quod obiicit, 1. Tim. 5. totidem verbis, hoc est, nisi *Vxores Epi- scoporum.* vnus nempe viri vxorem viduam, in stipē Ecclesiasticam non recipi: Certum autem est vni mulieri nunquam plures simul viros habere licuisse. Pergunt tamē hinc Græci hæreticis matrimonium criminantibus ora obstruere, & silentium imponere, quòd res tam sancta sit & honorabilis, Hebr. 13. cum qua quis tum potuerit Ecclesiæ præesse. Quibuscum idē argumentum tractans, hoc est, nuptias defendens autor quæstionum mixtim Augustini titulo, ad finē opēris, hinc (ait) Apostolus, eum qui vxorem habeat, si in cæteris mandata seruet, sacerdotē fieri posse ostendit, quod si foret illicitum, nō poterat vtique peccatorem dicere debere fieri sacerdotem. et quid tam apertum? Verū hāc miscellaneorum farraginē nullius minus quā Augustini puto. Nec tamē minus hinc arcent iidem Græci lasciuos atque petulcos, quā Paulus maritum quidem hic Presbyterum admittit, sed vnus tantū legitimæ: et alteræ enim *Nuptia secūda cauillis obnoxia.* nuptiæ, cōcessæ licet & humanis legib⁹ permixtæ, multis tamē cauillis & conuitiis sunt obnoxia: non vult autem præsules subditis sui vel irridendi, vel contemnendi aut etiā minoris æstimandi causam dare, quasi minus bene Ecclesiæ præfuturus sit, qui vxori vel vnicæ,

*Polygamia
distinguenda.*

vel præmortuæ beneuolentiam non seruari. Verùm hîc Græci, vel eorum magis interpretes non conueniunt iis quæ ad Timotheû cōmēti clarissimè sunt de polygamia vera ac propria, hoc est, plurium coniunctim vxorum ductione, de qua eadem nisi hic sentiunt, vix etiā sibi constant: An non enim secundæ nuptiæ nō mundanis tantum, sed Christianis quoque legibus, Rom. 7. 1. Cor. 7. 1. Tim. 5. adeò licent, vt qui illicitas senserunt, atro hæreseos carbone, & quidem meritò, notati sint? Secutus est Græcos ex Latinis hic & ad Oceanū Hieronymus. Reliqui magno consensu Monogamum intellexerunt, qui vnā tantum & legitimā vxorem nouisset, Et hinc notant sacris hominibus quædam aliis licita prohiberi, quò nimirū possint & alios ad continentiam hortari (non enim nullum sunt incontinentiæ signum alteræ nuptiæ, verùm multò magis concubitus vagus & meretricius, &c.) Huic igitur malo Hieronymi nodo cuneum apposuerunt post Augustinum, Anselmus, Aquinas, &c. non absurdè visum esse eum, qui singularem vxorum numerum excessit, peccatum licet non admiserit, quandam tamen sacramenti normā amisisset, non quidem ad bonæ vitæ meritum, sed ad ordinationis ecclesiasticæ signaculum necessariam. Plures enim antiquorum patrum vxores significabant futuras ex omnibus gentibus ecclesias, vni Christo cōiungendas, non iam tum coniunctas, noster autem antistes significat ex
iisdem

iisdem gentibus vnitatem vni iam Christo cōiunctam. Isque cū sacramentorū dispensator sit, nullus in eo debet eorundem esse defectus, est autem matrimoniū Christianum coniunctionis Christi & ecclesiæ significatiuū mysterium, Eph. 5. Nè ergò signū signato non respondeat, vt vn⁹ vnus ecclesiæ Christus est, sic sacerdos vnus vxoris sit marit⁹, defecturus alioqui, si plures habuerit. Hæc ratio tanti semper fuit, vt omnis retro ecclesia eum qui quouis modo plures vnquā duxisset, siue ante, siue post baptismū, arcuerit à sacerdotio, baptismo enim peccata tolli: nō sacramēta. Et ita quidē res habet. Ecclesia nō primitiua tantū, sed & multis post Apostolos annorū centenariis, defectu tā multorū cēlibū, præsertim seniorū, quā multi erāt ministri necessarij, sacerdotes habuit maritos. Græca quidē hodiēq; matrimonio ante ordines suscepto vtentes, Latina autē olim tam post susceptum ordinem continētes, vt maritis quidē licuerit esse sacerdotes, sacerdotes fieri maritos vix ac nè vix quidē vnquam. Tandem etiam ex vnus vxoris viris, nullius vxoris viros, siue ex monogamis agamos, aded vt qui vnus vxoris vir Paulo vocabatur irreprehēibilis, Nicolao I. ad consulta Bulgarorū, dictus sit, & valde quidem, reprehēibilis, Dist. 28. Can. Consulendū. Aded alia ætas aliam vitam affert, alios mōres postulat. Postremò notandum Paulo nec alibi simpliciter dictum, episcopum oportere esse maritum, nec hic Presbyterū eligendū, qui

*Matrimoniu
christianum,
coniunctio-
nis Christi
& Ecclesiæ
mysterium.*

*Calibatus
sacerdotum.*

fit vxoratus, quasi neuter, nisi talis, eligendus, ac proinde agami, cælibes, innupti, spadones, vel ab hominibus, vel à seipsis ob Dei regnū castrati, Mat. 19. futuri sic nō fuerint digni ac idonei Ecclesiarū ministri: sed utrobique dixit, vnus vxoris maritum, significans nō eligendum digamum, aut polygamum, id est, plurium vxorū maritum, vt ridiculi sint qui sic argutantur, Si vnus vxoris esse maritum, ministrum constituit inculpabilem, ergo nullius vxoris esse maritū, culpabilem reddit & indignum: Sic enim ne Christus quidē satis prudēter dixisset Eunuchis suis, vbi paulò antè, Qui potest capere capiat, rectius ita dicturus, Nemo vestrū à coniugio absteineat, nè fortè sitis ad ministerium meū idonei. Non ergo Paulus necessariò maritum requirit. Sed siquidem maritum eligi contingeret, vna modo vxore contentum requirit. Quod & tanto post Paulum legitur inter Syluestri I, constitutiones apud Platinam, Gradus eum in ordinibus Ecclesiasticis constituisse, vt vnusquisque vno tantū ordine sit contentus, & vnus solū vxoris vir. Quam conditionem ne existimaremus sufficere, nec referre quàm parum honestam habeat familiā, addit & hanc cautionem, Nè quis eligatur, vnus licet vxoris vir, nisi *filios habens fideles*, Eodem quo suprà sensu, non quòd oporteat Presbyterum patrē esse, aut ordinari nequeat, qui orbus sit aut illi-

Digami & polygami sacerdotis indigni.

Liberi Presbyterorum quales sint.

beris, sed siquidem pater est, & liberos habet, ij sanæ sint fidei oportet, in qua suus eos pater

sanè instruxerit, qui enim ad aliquid instituitur, in eo debet esse versatus, aliàs minus ad id prudèter institueretur. Episcopus autem ad tria *Episcopus ad tria constituitur.* constituitur, primùm vt fidem doceat, Docere omnes gentes, Mat. 28. & iidè in ecclesia sunt, aut certè esse debent pastores & doctores, Eph. 4. & episcopum oportet esse doctorem, 1. Tim. 3. 4. attède doctrinæ. & hic paulò infrà, amplecti doctrinam, &c. præsumitur autè benè docendo exercitatus, si bene alios, præsertim suos docuerit: è contrario, qui filiorum quos ab initio secum habuit, doctor non fuit, quomodo alios docere posse putadus sit? Filij tibi sunt? erudi illos, Eccl. 7. Secundò requiritur, vt populum & virtutibus imbuat, & à vitiis repurget. Sequitur ergò, *non in accusatione luxuria, avarias,* *Luxuria, avarias.* *luxus,* ne quis hic cum Lyranò luxuriam pro libidine, vel pro lascivia cum Aquinate, quanquam magna est horum vitiorum affinitas, accipiat. Sentit autè de luxu infames, vel potius infamatos nedùm suspectos, nec simpliciter intemperantes, sed quos de intemperantia vel alius accusarit, vel malus etiam rumor hoc crimine asperserit, helluones, prodigos, comessatores, dato ita exemplo, qui filios suos perueriti ac luxu diffluere permiserit, minus ecclesiæ filios benè formaturum, aut correcturum. Et hoc *Filiorum curam quanta habenda.* enim tertiùm necessariùm est, vt & inquietos & inordinatos castiget ac corripiat, 1. Thess. 5. vnde sequitur, *aut non subditos,* rebelles, contumaces, intractabiles, nò obediètes, nec in patria (quod

aiunt) potestate: Equus indomitus euadit durus, sternax & desultorius, filius remissus, & disciplina solutus, fiet præceps & temerarius, Eccl. 30. Qui in coercendis ergo filiis remissus fuerit, satis ostendit quàm non sufficienter coerciturus sit creditam sibi ecclesiam. Nam si quorum ei per naturæ leges & scripturæ omnis indulta erat potestas tum vitæ, tum necis, regere moderarique non potuit, vel magis neglexit, quomodo alienos, in officio continebit? Non enim temerè fit, vt qui magna diligentia summoque studio ab initio sit educatus, malus euadat, quòd non sint adeò nobis innata naturaliaque peccata, vt parentum curam, quanta præsertim esse debet, exuperent. Et hic nobis cum Chrysostomo dolendum, parentes hodiernos pecunia, imò pecorū, maiore quàm filiorū habere curam, & opibus plerunque congerendis quàm liberis liberaliter instituendis, plus adhibere studij. Magnū sanè, si hoc nequeunt, desidii stultitiæque indicium: si nolunt, duritiæ crimen & impietatis. In his ergo rebus, in quibus adeò naturalis vrget affectus, hoc est, in educandis filiis negligentes, sacerdotio qui admoueantur, idigni, digni interdū, qui admoti sint, remoueri. Ecquo enim iure tales ad episcopale thronum promoueantur, aut tantum subeant regiminis onus? Vult ergo Paulus futurę in Presbytero doctrinæ experimentū de priore domus eius disciplina nasci, atque etiam nosci, cauens ne quis eligatur, de quo nō sit expressum in fa-

*Parentum
cura pro filiis
quantum mo-
menti habeat.*

milia ipsius argumentum, quòd còpetenter curabit ac reget alienam, hoc est, Dei domũ ecclesiam. Porro quàm dura sit hæc parentũ conditio ex tam multis bonorum patrum malis liberis, vt hic prolixè commonet Hieronymus, omnino huc spectabat, si non, vbi antea, collegissemus. Extat canon 14. Concilij Carthaginensis 3. Vt episcopi vel clerici filios suos à sua potestate per emancipationẽ exire nõ sināt, nisi de morib⁹ eorũ ac ætate securi, vtpossint ad eos iam propria pertinere peccata, iuxta id nimirũ,

Blanda patrum segnes facit indulgentia natos.

Puerorũ disciplina quã seuerã sit habenda.

Nota sunt illa, Qui parcit virgã, odit filium: qui diligit, instãter erudit, Prover. 13. 23. Noli subtrahere à puero disciplinã, si castigaueris eũ, nõ morietur, animã eius de inferno liberabis, & 3. Quis enim filium non corripit pater? Hebr. 12. Eccl. 30. Qui amat filiũ, assiduatur ei, seu crebra admouet flagella, vt lætetur in nouissimo, nec ostia proximorum palpet. Curua ceruicẽ eius, dum infans est, tũde latera, ne fortè induretur, nec credat tibi, & erit dolor animæ tuæ, &c. Spectabat & huc de honore & iure parentum admonere, sed ante aliquot annos excidit nobis hac de re cõcio vernacula bene lōga, Legat cui tantum est orij. Illud propius literam, & magis monitu dignũ, malos habentẽ filios, à sacerdotio nõ mirũ arceri, cũ propter tales ab aliis legitimis actibus patres arceantur. Testes, inquit Adrianus Papa, sine aliqua sint infamia, vxores & filios habentes, Christum omnino prædi-

cantes, 6. q. 1. ca. Qui crimen. *Oportet enim Episcopum*, hic dicit Episcopum, quem superius Presbyterum nominauit, alioqui in vna ciuitate, vnum Episcopum non plures, multos autē mos est esse Presbyteros, iuxta Cabilon. ca. 4. vt duo in vna ciuitate penitus vno tempore, nec ordinentur, nec habeantur Episcopi. Et non tulerunt Toletani, vbi paulò antè, Episcopum à principe Bamba in suburbio Toletano in ecclesia prætoriensis ordinatum. Hoc quoque loco abutitur lib. 1. quæstionum mixtim, Augustino falsò (ni fallor) ascriptus, cap. 101. Presbyterum Paulo intelligi Episcopum hinc probans, quòd quem ordinauit Presbyterum, instruit qualem debeat creare Episcopum: *Quid enim est Episcopus, nisi primus Presbyter*, hoc est, summus sacerdos? Denique nō aliter quàm compresbyteros hic vocat & consacerdotes suos, & in Alexādia, & per totam Ægyptum, si desit Episcopus, consecrat Presbyter. *Quia* ergò hic & aliquoties alibi indifferenter vtitur Episcopi & Presbyteri nomine, sumpta hinc occasione, Aërius Episcopatum quem ambiebat non adeptus, se ab Ecclesia diuisit, & docuit Episcopum in nullo à Presbytero differre, ideo inter veteres hæresiarchas relatus. De quo & contra quem, Digressionum nostrarum lib. & cap. 1. ampliter. Repetit ergò tum Episcopum, tum Presbyterum, vndique exactum esse debere atque inculpatum, extra criminis (quod capitale vocant canones) actum

*Episcopi ne
plures sint
in vna ciui-
tate.*

*Episcopus &
Presbyter
differunt.*

& suspicionem. Sed vt habet Aruernensis canon. 15. tam sancta conscientia resplendere, vt actuum probitate maledicorum effugiant obloquia. Sunt enim crimina quædam tam horrenda, vt his implicitos, si hi fortè subreperint, tam qui antè peccauerunt, detectos repelli, quàm sacræ professionis oblitos, sanctumque propositum præuarcatos, submoueri, veneranda maiorum instituta oportere pronuncient, vt est in Gelasij I. Decreto. 20. Conuenit autè talenti *sine crimine esse*, sicut antea cum elegit vel Presbyteros, vel diaconos, vel quencunque ad Ecclesiæ præposituram ordinandum, non ait *sine peccato*, hoc enim si dixisset, omnis homo reprobaretur, nullus ordinaretur, sed *sine crimine*, quale est homicidium, adulterium, fornicatio, furtum, fraus, sacrilegium, &c. Sic Augustinus in Ioan. tractatu 41. Crimen, vt suprà, exponens peccatum graue, & accusatione dignissimū, sine quo quidē nunc satis bene viuitur, ait idem in Ciuitate li. 14. cap. 9. Sine peccato autem qui se viuere existimat, non id agit vt peccatum non habeat, sed vt veniam non accipiat. Sed secus obiter Chrysostomus, Homil. 2. de Patientia, conferens hunc locum cum Iob. 1. Erat vir irreprehensibilis. quod verbū sic examinat, Aliud crimen, aliud reprehensio: illud in peccatis grauissimis. hæc in leuioribus: ab utrisque longè fuit iustus hic, quis enim magna ei obiecisset, vbi nec locum minoribus esse videbat? Quem de adulterio & homicidio accusare non habes, is sine crimine

*Crimina
horrenda.*

*Criminum
species.*

est, In quo autē non iniuria reprehendas detractiōem, maledicta, ebrietatem, is crimine vacuus non sine reprehensione viuit. Et à paruis ergò ac minimis quibusque culpis procul fuisse virum hunc ostendit, sicut & alicubi Deus Abraham irreprehensibilem dicit. Hoc autem pro modi excellentia suscipitur, Paulus enim ubi ad gentes proficiscitur, summū eis virtutis pondus non imposuit, In orbe autē adulteriis fornicationibūsq; pleno pastores constituturus, quia raræ virtutes inuenirentur, episcopos ordinans, Tito dixit, *sine crimine*. Porro *irreprehensibile*, tunc locum non habuit, quia pietatis vigor deficiebat. Magnū irreprehensibile esse: medium sine crimine esse, at florente pietatis verbo electio melior, cū irreprehensibilis, &c. eligatur. Sit huius distinctionis fides penes Latinū Chrysostomi interpretem. Alioqui Paulus non tantū sine crimine, sed & (quoad eius fieri potest) irreprehensibiles esse vult cū omnes Christianos, Col. 1. tū viduas præsertim, 1. Tim. 5. omniū verò maximè episcopū, vita, & verbo, & mandato. 1. Tim. 3. 6. Tit. 2. *Sicut Dei dispensatorem*, qui utique sine peccato est, ut Domini sui puritatem, quoad eius fieri poterit, imitetur, quādo nō sua sunt, sed Dei atque Domini sui, quæ dispēsat. Magna nimirū dignitas, non diuina modò, sed Deū ipsum tum verbi, tū sacramentorū ministerio dispēsatī magna op^o habet custodia. Sicut boni dispēsatōres mysteriorū, & multiformis gratiæ Dei, 1. Pet. 4. 1. Cor,

4. Si enim humanarū legū dispensatores pro-
 bi quærentur & iusti, quales esse debent, qui
 diuina iura, imò Deum, vt dixi, dispensant? ma-
 ior enim requiritur in spiritaliū, quàm in tem-
 poralium dispensatione diligentia: Quæritur
 ergo inter dispensatores, vt fidelis atque pru-
 dens quis inueniatur, Luc. 12. non cum ebriosis
 comedens & bibens, non seruos percutiens,
 sed conseruis in tempore cibaria tribuēs. Hæc
 enim sola inter villicum & familiam est distā-
 tia, quòd conseruus conseruis præpositus est.
 Sciat ergò episcopus & Presbyter, populū sibi
 conseruum esse, non seruum. Horū criminum
 à quibus immunem esse vult episcopandum,
 primum est, *Non superbum*, Ambrosio & Hiero *Superbus*
 nymo proteruum, modernis aliis præfractum, *quis intelli-*
 aliis audacem, durum, inflexibilem, sui sensus *gendus.*
 nimium tenacem, qui de sua sententia discede-
 re nequeat. Durities sanè, & ingenij intracta-
 bilitas incōmoda valde est, qui se moribus eo-
 rum accommodare debet, quibus præest, & fie-
 ri omnib⁹ omnia, 1. Cor. 9. in causis præsertim
 indifferentibus, in quibus aliorum sententiis
 non impiis possit cedere, aut locum dare, sic vt
 suo vnusquisque sensu abundet atque fruatur,
 Rom. 14. propter retinēdam pacem, Nam vbi
 fidei doctrina periclitatur, ibi duritiavirtus est,
 & constantia episcopo non modò digna, sed
 necessaria. Non sibi placentem, vel tumentem
 quòd episcopus sit, sed tanquam bonum villi-
 cum, requirentem quòd pluribus profit, non

aliis se superponi cupiētem, aut eos suppeditā-
tem, contra illud Eccl. 32. Rectorem te posue-
runt? noli extolli. Et mundi quidem huius prin-
cipes etiam inuitis dominantur arbitrato suo,
& contra subditorum plerunque sententiam
atque voluntatem moliuntur, Episcopus verò,
cūm volentibus præsit & eligentibus, si suo o-
mnia arbitrato vel libidine potius, trāsigit, qua
si nulli rationem redditurus, tyrannicè magis
quàm populariter, imò Christianè, episcopatū
exercet. Qualem monstrosè superbum depin-
xerunt Eusebius, lib. 7. cap. 30. Nicephorus, lib.
6. cap. 28. 29. 30. Paulum Samosatenum Antio-
chiæ episcopum, qui vsurpatis mundi dignita-
tibus, ducenarius quàm episcopus vocari ma-
luit (Notat autem Lāgus Nicephori interpre-
s, ducenarios videri fuissē, qui nunc apud Reges
& principes sunt Cancellarij) cum satellitio
publicitus egrediens, magno numero his præ-
cedentibus, illis sequentibus, thronū in eccle-
sia sublimiorem, non vt Christi discipulus, sed
more principum seculariū , separatim habēs,
subinde manu femur pulsans, & pedibus sug-
gestum quatiens, in defunctos pastores & do-
ctores impudenter inuehi, & debacchari soli-
tus, Psalmis de Christi gloria, tanquam recen-
rioribus, abrogatis, subornatisque mulierculis,
quæ in medio templo magno die paschæ de il-
lo psallerent, Episcopis item & presbyteris a-
dulatores summissis, qui ad populum de hoc
impio, vt magistro cælitus misso, & quodam

*Paulus Sa-
mosatenus.*

*Ducenarij
qui fuerint.*

quasi angelo concionarētur. Et hic igitur blasphemus episcopatu pulsus est à coëpiscopis, & cum cedere noller, communione priuatus, inuocato (quod aiunt) seculi brachio, Aureliano Imp. Eadem fuit Nestorij Constantinopolitani episcopi insolentia & ferocia, prima statim ad Theodosium minorem concione, Da mihi (aiētis) Imperator, terram ab hæreticis liberam, ac repurgatam, & vicissim cælum tibi reddam, Tu mihi hæreticos extirpa, disperde, Ego tibi Persis delendis adero. Quò ergo euasit superba hæc magniloquentia? Audiit non modò ab hæreticis, sed suis quoque domesticis cū vocantibus Fidei incendium, siue incendiarium, hæresim fecit sui nominis, episcopatu in exiliū mutato miserè periit. Socrates, lib. 7. cap. 29.

*Nestorius
Constanti-
nopolitanus
episcopus.*

Nicephor. lib. 14. cap. 31. Tripartit. lib. 12. ca. 4.

Sequitur in textu, *Non iracundum*, & arrogantiam enim comes sequitur iracundia, nam superbi perfacile irascuntur. Est autem iracūdus, non qui aliquando, sed qui semper, aut certe crebrò hoc animi impetu laborat, & hac passione superatur, qui ad leuem responsionis auram, quasi à vento foliū mouetur. Et reuera nihil præceptore furioso fœdus, qui māsuetus esse debeat, humilis, patiens ad omnes, etiā contrauenientes, non rixosus, non litigiosus, 2. fœdus.

*Iracundus
quis dicatur.*

Tim. 2. toruo contrà vultu, tremētibus labiis, rugata fronte, effrenatis conuitiis, facie inter pallorem ruborēque variata, clamore perstrepat, errantes non tam ad bonum retrahat,

*Præceptore
furioso nihil
fœdus.*

quàm ad malum sæuitia præcipiter. Hinc illa, Ira perdit etiam sapiētes, operatur superbiam, Prou. 21. non iustitiam, Iac. 1. Ab hoc animi morbo cū Christianos omnes, tum episcopum in primis abesse conuenit, vt cui etiam si modestissim⁹ fuerit, plurimas hīc ecclesiæ primatus iracundiæ occasiones, nè dicam necessitates, & molestias quotidianas, suggerat. Ad hunc ergò, nisi hæc antea longè præmeditatus venerit, permulta quæ sunt sui muneris, perueret atque corrumpet, peruersis peruersus, molestis sibi aliis vicissim ipse molestus & ingratus: qua enim ratione alios regat, castiget, & vt ab hoc affectu caueant, obtineat, qui animum non prius suum rexit, domuerit, & castigauerit? Theodoretus iracūdum hīc exponit, qui meminit acceptæ iniuriæ. Et verò ita in scripturis pro vltione tū Dei, tum hominis, sæpe accipitur, Locos indicant Benedictinæ Cōcordantiæ. Est autem *ὀργίλιος*, irritabilis, ad irascendum procliuus, vitium sanè noxium, & muneris episcopali admodum inconueniens. Sit ergò cū Christianus omnis ad iram tardus, Iac. 2. tum episcopus, ingenio miti, placido, humano præditus. Sequitur, *Non vinolentum*, Ambrosius vino deditum, multo præfertim, vt de diaconis dixit, nec enim requirit abstemium, neque dicit, Vinum non bibentem, sed vino, vt ita loquar, assidentem, siue assiduum, & hoc quoque iræ incentiuum est, imò insanix, pocula in tela vertentis, scyphum in conuiuæ faciem iacien-

Iracundus.

Vinolentus.

tis, in aliena vulnera proruentis, clamantis, aut
 contrà dormientis, bibentis vt vomat, vomentis
 vt bibat, quod nos porcinum vinum vocamus,
 aut etiam cantillantis, cachinnantis, quod
 Simiæ, sicut superius illud leonis digestio ven-
 tris, & guttur vno occupantur officio, vt hîc &
 alibi Hieronymus, lib. 2. in Iouinianum, guttur
 suum meditatorium efficiunt latrinarum. Qui
 ita comparatus est, parum muneri huic aptus
 est, Sobrietatem, vigilantiam, grauitatem, mo-
 destiam, mititatémque requirit sensus vt sim-
 plicior, sic verior, Quamquam Græci non tam
 non ebriosum, aut non vinolentum exponunt
 quàm non iniurium, non cõtumeliosum, non
 debacchantem, sæuum, ferocem, Quid enim
 conuitiis aut iniuria opus est, ac nõ potius Ge-
 hennæ comminatione, & iudicij supremi ter-
 rore peccantes emendare? Nam cui contume-
 lia infertur, plerunque fit audacior & impudẽ-
 tior, & ad eum qui se ita affecerit, contemnen-
 dum magis inducitur, vt iniuriosum, minúsque
 proinde venerabilem, ac reuerendum. Magna
 necesse est modestia & patientia loquatur epi-
 scopus, sitque omnis eius sermo discretionis
 sale conditus, Col. 4. Si zelum (ait) amarũ ha-
 betis, non est hæc defursũ sapientia, Iac. 3. quo-
 rum os maledictione & amaritudine plenum
 est, Rom. 3. ex Psal. 13. Omnis ergò amaritudo,
 ira, indignatio, clamor, & maledicentia tolla-
 tur, cum ab omni Christiano, Eph. 4. tum ab
 episcopo, quẽ tamen si fuerint qui prohibeant

*Vinum por-
 cinũ, Simia,
 Leonis.*

*Modestia epi-
 scopi.*

quæ sui sunt muneris exequi, magna is nō auctoritate modò, sed & austeritate rem tractet. De clerico vinolento, nos Digressionum, li. 2. cap. 14. In vtrunque etiam sensum enarrant quod sequitur, *Non percussorem*, neque pugno; neque carnalibus armis. Habet enim arma spiritus, neque debet percutere discipul⁹ eius, qui percussus non repercutiebat, Ioan. 18. Et hoc quoque vitium tum iræ, tum ebrietatis sequela est, & ex vtraque frequenter oritur. Sed nec acerba lingua, aut verbis amarulentis, percussorem, hoc est, maledicum, vt eius nihilominus vicarium, qui cum malediceretur, non remale dicebat, cum pateretur, non comminabatur, 1. Petr. 2. Corripiat ergò, non percutiat, animarū vtique medicus, medic⁹ autem vulnera curat, non infert, nec ægrotum ferit, sed si hic fortè percusserit, eum sanat. Corripiat autem cū omni lenitate, futurus alioqui, qua non oportet reprehensione vtens, percussor, & omnis enim animaduersio & castigatio contumelia vacare debet, 1. Officiorum. Breuiter, nè aliter quàm oporteat, loquendo aut conuersando, auditorum & fratrum infirmas præsertim consciētias percutiat, vt alibi Paulus loquitur, 1. Cor. 8. De percussore item clerico nos Digress. li. 2. cap. 3. & sequētibus. Didici postmodum exemplum, quod lectorem latere nolui, In Chronico Magunt. Christianus Magūtix Archiepisc. elect⁹, bellicis rebus non assuetus, non diu pōst apud Papam accusatus, quasi prorsus ecclesiæ inuti-

lis, quòd euocatus ad expeditiones regis inui-
tus veniret, dicens nequaquam decere incēdia
vinearum, & segetum vastitates, sacerdotē, sed
quicquid deberet, per gladium spiritus, quod
est verbum Dei, seruiturū, monitus prædeces-
sorū sequi vestigia, respondit, Scriptum est,
Mitte gladium in vaginā. Ob hoc Regi odio- *Episcopus*
sus & multis laicis, ab episcopatu, id eis apud *rei bellica*
papam obtinentibus, submotus est. Non adco- *ineptus episc-*
fanē mirum, si eidem historiē credere dignum *copatu sum-*
est, huius prædecessorem Siphridum mirificē *motus.*
Pontifici placuisse, & fratrem venerabilem ap-
pellatum, quòd orphanos & viduas faceret, vil *Siphridus e-*
las combureret, ciuitates destrueret, homines *piscopus per-*
voraret, ferro & flamma terras in solitudinem *cussor.*
& desertum deducet et ac depauperaret. O per-
cussorem episcopum! Sequitur, *Non turpis lucri*
cupidum, Hieronymo turpis lucri appetitorem
siue quod idem est, Ambrosio turpia lucra ap-
petentem, quasi dicas turpilucrum, aut turpilu-
cripetam, qualis esse solet qui inops est, sed vt
prē se ferat magnū pecuniarū cōtemptū, quasi
quēst⁹ omnis, etiā si iust⁹ videatur, turpis sit epi-
scopo, quale est terrena per adulationē sectari,
qui cælestia promittit & diuina, præsētibus nō
esse cōtētū, plus quā necesse est, de crastino co-
gitare, de altario dītescere, non tantum viuere.

Et turpe quidē lucrū glossa interlinearis & *Turpe lucrū.*
Lyra seculare, Bruno, secularibus negotiis im-
plicari, quale est mercari, & alia quæ Ecclesiæ
ministros dedecent, exponunt, quasi aliud ge-

nus sit quæst⁹ ecclesiastici, spirituale nimirū ac honestū, Testamenta scilicet captare, res malè partas ad se auertere, facultates alienas sub religionis prætextu inuolare, inescare sacerdotia, deliras aniculas emūgere, crassos negotiatores compilare, quæstus olim iam pseudoclericis & pseudomonachis vberimus. Quales Augustinus (ne quis hæc cleri & monachismi odio Erasimum annotauisse dicat) ad Ediciam, epist. 199. iam tum notabat, non Dei seruos, sed tuæ (inquiens) domus penetratores (2. Tim. 3.) & tuos captiuatores & deprædatores, vt quibus ea transeuntibus, omnia, vel penè omnia quæ habebat, cum tamen puerum ex marito haberet, tanquam pauperibus eroganda donauerat. Cuius & illud celebre est, nolle se quempiam exhæredatis liberis hæredem facere ecclesiā, 3. q. 2. Ca. Si quis irascitur, 17. q. 4. ca. Quicunque, & Hieronymi aduersus tales querimoniā, cum reliquis canonibus ecclesiasticis talium olim iam correctoribus allegaui Digressionū, lib. 2. cap. 15. 16. de clerico turpilucro & industrio. Quibus adiicio quod idem ad Nepotianum de vita clericorum sic scribit, quæ partim citantur, 12. q. 2. Ca. Gloria episcopi est, pauperum opib⁹ prouidere, ignominia sacerdotum omniū, propriis studere diuitiis. Natus in paupere domo, & tugurio rusticano, qui vix milio & cibario pane rugientem ventrem saturabā, nunc simlam & mella fastidio, noui piscium genera, nomina, littora, saporibus auiū discerno

Deliciae clericorum.

no prouincias, ciborum raritas, ac nouissimè
damna delectant. hæc ille in clericos iam tum
ex pauperibus delicatulos, nedum diuites, ac
proinde turpilucros. Nam qui ditari festinat,
non erit innocens, Prou. 18. nec impunè feret,
vñ quidam vertunt, Substantia enim festinata
minuetur, Prou. 13. Atque vtinā nulli essemus,
de quibus merito illud dici posset, Sap. 15. Exi-
stimauerūt ludicram, imò lucrosam esse vitam
nostram, conuersationem ad lucrum compo-
sitam, & quæstum vndecunque etiam ex ma-
la re faciendum.

Digressio secunda.

Sed an non ἀποκρίδια est clarissima, quod tā
multa positiuo tantum iure præcepta vel pro-
hibita, cōsque ligāt homines, donec pecunia
sibi harum constitutionum gratiam impetrēt?
ita vt regina rerum pecunia diuitibus licitum
faciat, quod pauperibus illicitum est, quā diui-
tias, hoc est, spinas (sic enim eas vocat Domi-
nus, Matt. 13. Marc. 4. Luc. 8. & interpretatur)
non habent. Hæc enim ita demum procedunt,
si gratis ea facere quis intendat. Quod si dolosi
spes refulserit nummi, iam quod prius erat in-
terdictum, liberè fit ac impunè, Tam diuersa
est in his relaxandis diuitis atque pauperis cō-
ditio: vix enim quicquam prohibetur, quā vt
nè quis gratis contraueniat, & quod vetatur;
numerata statim pecunia dispēlatur, quasi nul-
lum sit peccatū maius, quam nummis carere, vt
quidam apud Horatium, Serm. 2. Satyr. 3.

ἀποκρίδια
δια.

Pecunia re-
gnum.

Dispensatio
pecuniaria.

Credidit ingens

Pauperiem vitium.

Et quod alter lib. 3. eleg. 7. *Nunc sit barbaries grā
dis habere nihil.* In casibus enim quātumvis pro
tempore honestis aut necessariis, nihil vnquā
nisi numeretur, dispēsat, vt si nihil attuleris,
aut numeraueris, indispensatus perpetuò ma-
neas. Turpius quòd Patrum canonibus impo-
sitam manifestis & scandalosis peccatis disci-
plinam, in pecuniariam redemptionem dispē-
sationis titulo toties iidem commutāt, & quasi
cōtrā quā illi, ouium hi lanam & pecuniam,
quā pœnitentiam & salutem malint, Eccle-
siastici rigoris in inferendis pœnitentiis & sa-
tisfactionibus immunitatē pecunia venditant.
Legitimat Quid quod liberos vulgò conceptos, & ex dā-
Spuriorum. nato coitu, inconcessisq; Hymenæis, contra
Dei, Ecclesiæ, legūque statuta editos, eiusdem
pecuniæ vi legitimant, ad omnium statuum &
dignitatum capacitatem idoneos reddunt, ille-
gitimos ad parem cum legitimis successionem
habiles interim reddunt & admittunt? Et vt
quod quidam ait,

Æ boue maiori discit arare minor,

Minores non tantum episcopi, sed & archidia-
coni, eorūque malè officiosi (absit verbo in-
uidia, nam de malis loquor, quæ plurima turba
est, non de bonis, quorum vtinam maior esset
multitudo) eorum, inquam, officiales & vica-
rii, plerunque dum diœceses & paræcias obe-
quitant, nō tam facinorosos & criminum reos

pœnis & correctionibus à vitiis deterrent, quo
 sine peregrinationes huiusmodi olim iam fue-
 runt iure canonico ordinatæ, quàm pecunia
 præfenti & numerata titulo procurationis, nè
 dicam fictitiæ iurisdictionis, emungunt, & co-
 xugunt tum clericos, tum laicos. Turpissimum
 quod & hos cum cōcubinis, pellicibus, & me-
 retriculis cohabitare, liberósque procreare si-
 nunt, accepto ab eis, atque adeò alicubi à con-
 tinentibus, certo quotânis censu. habeat (aiūt)
 si velit. & quoties enim quisque talis, cū ta-
 les tamen tam multi sint, hodie aliter punitur?
 Quæ scandala ex Grauaminibus Germanicis
 passim collecta, 1. 2. 5. 8. 67. 74. 75. 84. 91. 95.
 Hæc, inquam, lucra turpia, odio pōtificis Ro-
 mani ficta sint, si non, quod ait & conqueritur
 ille, velut

*Procuratio-
 nes officialiū*

*Concubina-
 tum clericorū*

*Prostat, & in quæstu pro meretrice sedet, liber palā
 ac publicè hic impressus & hodièque, vt olim
 vānalis, Taxa Cameræ seu Cancellariæ Apo-
 stolicæ, inscriptus, in quo plus scelerum discas
 licet, quàm in omnibus omnium vitiorū Sum-
 mistis & Summariis, & plurimis quidē licētia,
 omnibus autē absolutio emptoriētibus propo-
 sita, parco nominib⁹, nā, quod ait nescio quis,
 Nomina sunt ipso penè timenda sono.*

*Taxa cam-
 eræ apostolicæ*

Mirum hoc tempore, hoc seclismate, non sup-
 pressum tot tāmque fœdorum, tāmque horren-
 dorum scelerum velut indicē adeò infamem,
 vt non putē in Germania, Heluetia, & vbiun-
 que à Romana sede defectū est, opus prostare

*Legatorum
facultates.*

maiore huius scandalo, & adeò tamen nõ sup-
primitur ab Ecclesiæ Romanæ fauissoribus, vt
tantorum ac talium facinorum licentiæ ac im-
punitates, in facultatibus legatorum illinc huc
venientium, bona ex parte innoventur atque
confirmantur, aduersus (si Deo placet) quæcũ-
que fatalia restituendi, ac etiã quoscũque Spu-
rios, Manseros, Bastardos, ex quocunq; illicito
coitu, &c. cum his qui se per adulteriũ pol-
luerint, vt cõnubere possint, periuros, simonia-
cos, falsarios item, raptos, vsurarios, schisma-
ticos, hæreticos, sed ad cor reuersos, non absol-
uendi tantum, sed & ad ordines, honores, di-
gnitates, & beneficia quæcunq; quocunq;
qualiacunq; dispensandi, homicidas quoque,
sed casuales, seu inuoluntarios, nam nec volun-
tarios quidẽ excepit Taxa superior, presbyteri-
cidas, parricidas, matricidas, fratricidas, sorori-
cidas, vxoricidas, infanticidas, veneficas, incan-
tatrices, cõcubenarios, adulteros, incestos, cum
affinibus aut consanguineis, denique cõtra na-
turam, cum brutis, &c. Habeat iam Roma pu-
dorem, & tam nullius frõtis criminum omne
genus catalogũ prostituere desinat. Iã vt omit-
tã Annatas, quocũque colore vel prætextu exi-
gantur, in Basiliensi Concilio, Sessione 21. de Si-
monia dãnatas: qua subtilitate ab *indignis* excu-
sari possunt, quæ vocãtur. Expectatiue gra-
tiæ, reservationes in pectore, beneficiorum pri-
mo currẽti collationes, plurium curionatuum
ad vnum facellum vel canonicatũ, aut simplex

Annata.

*Expectatiua
gratia.*

alioqui beneficium vnio seu vnio, nè scilicet obftet pluralitas, mandata, præuentiones, popi nã, minuta, seu cõmunia seruitia, regressus, omnium fructuum pensionis loco retentiones, & infinita id genus, primùm quidem Ecclesiã tãdiu inaudita, nec à rediuiuis Petro ac Paulo intelligẽda, vt id nihil hactenus fuerit, quã quod prior prædixerat, fictis verbis in auaritia de nobis negotiari, 2. Petr. 2. Deinde tanta & talia, vt nè sui quidem glossographi ea nõ incusent? Sic enim Innocentij VIII. Regularum scholasticos, modò cameram Apostolicam pecuniarũ inatrem appellat, modò venalia Romã omnia ex Iugurtha Sallustiano agnoscit, modò multa statui cõcedique pecuniã indirectè extorquẽdã causa nõ dissimulat, iuxta notata per Ioan. Andr. in cap. Sedes. In Rescriptis. & magnam scilicet S. A. libertatem, plumbum dantis, aurũ exigentis, Regul. 8. 47. 66. Sed & hoc vel pueris notum est, quibus impunè legitur ex Mantuani Egloga 5. & 9.

Camera Apostolica infamis.

Roma probra.

Si quid Roma dabit, nugas dabit, accipit aurum.

Verba dat, heu Roma nunc sola pecunia regnat.

Hoc est Roma viris auibus quod noctua. i. captatrix.

Idque adẽ in cõfessio est, vt viuẽ vocis S. S. A. oraculo sit nõ ita pridem palam recognitũ.

Sic enim Adrianus VI. ex maximo theologo pontifex maximus nuntium suum ad comitia Imperialia, anno 1522. instruebat, Dices nos ingenuè fateri, quod Deus hanc (Lutherismi) persecutionem ecclesiã suã inferri permittit,

Adriani VI. pontificis oraculum.

*Sacerdotes
primi casti-
gandi.*

propter hominum peccata, sacerdotum maximè ac prælatorum, à quorum peccatis, populi peccata deriuari scripturæ clamant. Ideoque Saluator (interprete Chrysostomo additionis secundæ in Matth. 21. Homil. 38.) curaturus infirmam ciuitate Hierusalem, prius templū ingressus est, vt sacerdotum peccata (ementiū in primis & vendentium) primò castigarer, instar boni medici, morbum à radice curātis. Scimus in S. S. aliquot iā annis multa *abominanda* fuisse, *abusus* in spiritualibus, excessus in *mandatis*, omnia denique in peruersum mutata, nec mirum si ægritudo à capite in membra, à summis pontificibus in alios descenderit. Omnes nos (id est, prælati Ecclesiastici) declinauim⁹, vnusquisque in vias suas, nec fuit iādiu qui bonum faceret, vnde necesse est vt omnes demus gloriam Deo, humiliemus ei animas nostras, videamus vnusquisque vnde ceciderit, & se poti⁹ quisque iudicet, quàm à Deo in virga furoris iudicari velit. Qua in re quod ad nos attinet, polliceberis nos omnem operam adhibituros, vt hæc primū curia, vnde fortè malum hoc omne processit, reformetur, vt sicut in omnes inde corruptio emanauit, sic ab eadem etiam sede sanitas, & omnium emanet reformatio. Ad quod procurandum nos tanto arctius obligatos reputamus, quanto mundum vniuersum huiusmodi reformationem auidius desiderare videmus. Cū hic ergò Pontifex suæ sedis & curiæ deformationem non minus verè quàm

ingentè agnosceret, reformationem proinde necessariam promitteret, & ad hæc breui futura magnificè Christianèque se offerret, omniū Imperij principū ordinūque vna vox fuit & communis responsio, nullū cōmodius, efficacius, & opportunius remediū nè cogitari quidem posse, quàm vt nec vltra vni⁹ anni spatiū, siquidem possibile foret, differretur liberi & christiani Concilij à papa, accedente principū cōsensu, Indictio, verū quod non ita pōst morte sublati Adrianus præstare nō potuit, successor eius fortè noluit, vt quo superstite nūquam coiturū sperabatur. Tot annis omniū votis expectatum Paulus III. indixit, delectis primū IX. viris doctissimis atq; grauissimis, qui ab eo iussi ecclesiastica scandala corrigere: qui primū quidem non celauerunt eius sanctitatē, hodie norum malorū inde principiū fuisse, quod prædecessores eius nōnulli prurientes auribus, coaceruauerunt sibi magistros ad desideria sua, nō vt à quibus discerent quid facere deberent, sed quorum calliditate inueniretur ratio, qua liceret quod liberet. Hinc effectum vt prodirent adulescentes potius quā doctores, qui docerent, Papā beneficiorū omniū esse dominū, ac ideò cū Dominus iure vendat id quod suum est, necessariò sequi in eum non cadere simoniam: Ex hoc fonte tot in Dei Ecclesiam abusus, & grauissimos morbos irrupisse, quibus ad salutis ea desperationem ferè laboret, & quorum fama ad infideles vsque dimanet, hanc præci-

Paul. III.

Adulatores
pontificij.Simoniam in
pont. Ro. nō
cadere, fons
abusum.

puè ob causam Christianismum deridentes atque blasphemantes. Non licere ergo nec Christi vicario in usu clauium, siue potestatis ab eo illi collatę lucrum aliquod comparare, hoc est, gratis datum non gratis dare. Cuius tamen respectu pleraque omnia, quę paulò antè diximus, in Ecclesia fieri iidem ibidem non dissimularunt. Huic autem nouemuirali concilio adeò Paulus non acquieuit, vt cùm Tridentini Sessione 7. Decreto & Canone 2. de reformatione, cauissent neminē plures ecclesias cathedrales in posterum recipere, & simul retinere: qui autem plures tum haberent, vna, quā malent, retenta, reliquas missas facerēt, præfati tamen hæc se statuere, salua semper in omnibus S. A. autoritate: Is, inquam, Paul⁹ in decreto canonis huius interprete, hæc addiderit, Sic autē

*Resignatio-
nes.*

Regressus.

vt fructus omnes sibi reseruare possit, tantum, vt aliquid assignet resignatario, pro sua dignitate vtcunque tuenda. Regressum etiam retinere, vt si accideret resignatarium cedere vel decedere, ecclesia ad resignantem regrediatur, eandem de nouo alteri eadem conditione cessurum, & sic in infinitum. Atqui Nouemiri argumento planè insolubili probauerant magnum abusum esse, sic omnia resignanti reseruari, & resignatario adimi, Officio enim beneficium, id est, redditus sic annexos esse, vt corpus animæ, Ideo sua natura ad eum qui beneficium habet, pertinere, quibus honestè pto suo ordine viuatur, cultum diuinum su-

stentet, sacras ædes reparet, reliqua in pios
 vsus erogaturus. Sic autem reservationes fru-
 ctuum, & administrationes beneficiorum cu-
 mulari, &c. vt hoc pacto iura plerunque omnia
 Episcopalia ei competant, qui amplius non est
 Episcopus, fiat autem Episcopus, qui nullum
 Episcopiius habeat. Regressus autem pretextu
 & coadiutorum nomine, qui plerunque dātur
 minus idoneis, quàm ipsi sint resignātes, ea nō
 tam industria, quàm illusione, liquidò nisi clau-
 damus oculos, tum beneficia testamento lega-
 ri, tum hæredes institui, Vtrunque sacris cano-
 nibus valde vetitum, quorum præcæteris Ro-
 manum Episcopum custodem esse conuenit, vt
 ad Orientales olim scripsit Iulius I. Et hac tamē
 Paulini decreti praxi, Tridentini canonis mira
 fraude, sic qui plures habebat Episcopos, vnam
 videlicet retinuit, vt non ita nuper ex nostrati-
 bus Cardinalibus quidā obierit, quinque Epi-
 scopatum, præter abbatias totidem, fructus
 percipiens, assignato quatuor resignatariis pro
 sua cuique scilicet, dignitate vix ac nē vix qui-
 dem tuenda, nisi quod totidem vultures vni illi
 cadaueri inhiantes, spem interim pretio emē-
 bant. Concilium interim Bononiam translātū,
 paulò pōst suspensum, & mortuo Paulo inter-
 missum, successor Iulius III. redauspicatus est,
 Bononiæ antea Sessione XI. palām professus
 in sacramentorum Ecclesiæ ministerium innu-
 merabiles abusus irrepsisse, Quorum indubiē
 non minimus est, quod multis in locis minus

*Coadiutores**Beneficia te-
stamentaria**Episcopa plu-
res vt dissol-
uātur nostris
moribus.*

*Sacramento
vum negotia
tio.*

*Sepultura
vanalis.*

*Hispani Epi
scopi.*

*Apostolica
sedis autori-
tas inassta
etiam in illi-
citis.*

gratuita est eorum ministratio, in aliquibus etiam adeò vœnalis, vt etiam cū sepultura pauperulis ea nō semel denegata sint. Redassumptum ergò Tridenti, & aliquousque continuatum Sessione vi. ad biennium secundò suspensum, Protestantibus interim & suspensionis decreto contradicentibus, grauibus aliquot Episcopis, Hispanis maximè, quibus erat cordi necessaria, vt nihil magis, morum & abusuum reformatio, & causantibus nec vni quidem, nedum huic, ex causis propter quas conuocatum erat Concilium, plenè adhuc satisfactum esse. Integro igitur decennio interruptum, tot votis optatum, tandem etiam à Pio IIII. obtentū, rursus Tridenti resumptum, & tertio congregatum, patribus licet integra re à Pōtifice permissa, adeò tamen Romanam curiam repurgare sibi non permisit, vt etiam quæcunque de morum reformatione & disciplina Ecclesiastica inferioribus præscripsit, in his saluam semper S. A. auctoritatem & esse & intelligi declararit, Sessionis 9. & vltimæ can. 21. die 1. vt non minus gratè quàm piè Pius idem magnā gratiam patribus Tridētinis publica oratione Romæ in frequentissimo R. Cardinalium confessu & consistorio habuerit, quòd in Ecclesiastica emendatione tantam auctoritatis illius rationem habuerint, tantæque in cum moderatione sint vsi, vt si is seipsè suæque reformare voluisset, longè seuerior in se futurus fuerit. Quid igitur superest, nisi vt quod eodē scripto

pollicetur, & concilij reformatis auctoritatem non declinet, & si quæ patres aliqua vel ratione omiserunt, vel circa ea mitiores fuerunt, eorum occurrens modestiæ, ea tanquam iudicio eius relicta suppleat: Si enim non minus verè quàm liberè D. Adrianus hodiernæ morum vastitatis tabem à capite in reliquū Ecclesiæ corpus serpsisse dixit, percutiat sanctuarium suum Pius eius successor oportet, & à domo sua incipiat, Ezech. 9, 1. Pet. 4. Certè videt propter aliquot eius præcessorum, sua, non quæ Iesu Christi sunt, quærentium *ἐπισκοπεύειν*, & auaritiam (vt ex scriptoribus, ei licet sedi additissimis, probare possumus) in quem statum adducta sit S.S.A. imò tota Christi Ecclesia, quàm multa non multis ab hinc annis facta sit ab ea discessio, metuendum nè maior fiat, ni vel aliquando tandem remedium adhibeat, si tantis, quibus obruitur Ecclesia, malis medendis allata mora fuerit, hoc futura damnosior, quo longior. Et tam diuturnorum motuum non alia causa maior, quàm quòd tot annis nihil immutatur, nihil emendatur, & omnis reformati

*Reformati
spes ablata.*

di spes inde abrupta, species ablata, quòd reliquum Ecclesiæ corpus reformatum velint, qui tam multis annorum centenariis urbem, in qua merum atque mixtum habent imperium, deformatissimam adhuc reliquerunt. Quid enim vel excusare vel excogitare verum aut verisimile possunt, quibus non vel Rex vel Cæsar,

non populus, non clerus, nō generalis Synod⁹,
 non tota denique ecclesia dicere potest, Cur ita
 facis? quid, inquam, prætexere possunt, quod eis
 sibi suisque reformandis moram vel remoram
 tandiu fecerit? Et vbi tamen sub sole maior ma-
 lorum omnium licentia, clamor, impunitas, nè
 dicam infamia & impudentia? talis sanè ac tan-
 ta, vt nemo credat, nisi qui viderit, neget nemo,
 nisi qui non viderit. Missam faciam omnium
 temporum ab Hieronymi vsque seculo queri-
 moniam, & quidem perpetuam. Eccuius quæso
 distichon hoc est?

Viueret qui cupitis sanctè, discedite Roma:

Omnia cum liceant, non licet esse bonum.

certè non poëtæ tantum, sed & Philosophi &
 Theologi, & Monachi, & quidē Itali Mantua-
 ni, à Clenardo itidem Theologo, linguæ sanctę
 professore Louanij, Lutetię, & in Lusitania, &c.
 in epistolis non semel citatum. Et ausus est ho-
 mo nihil minus quàm Lutheranus, idem altero
 disticho comprehendere sic,

*Quisquis opes sacras nūmo reperire prophano
 Quærit, eat Romā, sacra sunt vanalia Romæ.*

Quin apud eundem Mantuanum in Alfonso
 lib. 6. sic quidam loquitur,

*Ipse quoque vnū oro, cum cali intrāritis arcē,
 Petrum orate, suum Latīū custodiat, Urbem
 Pontificum, magnique caput ne deserat orbis.
 Nanque meas pridē obscen⁹ peruenit ad aures
 Rumor, & horribilis scelerat & infamia Romæ*

Et quanta Stygis alluie incestata, nitorem
Polluerit Romana fides, quo verberare ditis
Spes hominũ luxata cadat: quàm debilis æstu
Frigeat extincto pietas: quæ grandia cete
Piscari, prædæque hominũ grauis ire solebat,
Syrtibus in Stygiis hæret sine remige cymba.
Hec scelus infandũ: plures in puppe magistri
De clauo certamen habent: marcore palustri
Sordet inops: Limo infixã, turpique latentem
Gurgite cæci onerant omni farragine nautæ,
Pastores odere pecus: nec pascere curant,
Sed tondere greges, pecorique illudere tonso.
Et de calamitatib⁹ temporũ li. 2. Neptunia Doris
Per noctẽ ad nautas ita circũ littora clamat,
Tẽpora, Martigenæ, quid idonea perditis: ite,
Ite, Lares Italos, & fundamenta malorum,
Romuleas arces, & pontificalia tecta,
Colluuiem scelerum temerate fauẽtibus auris:
Ite citi, quãdo astra vocãt, quãdo oĩa mādant
Numina.

Suspiciate: & quã fata vocãt, cõuertite proras
Æthereæ mentes, quibus est tutela Latina
Gentis, ab occulto bella hæc immissa vidẽtes
Imperio Patris, & longa clade esse litandum.
Imbelles hærent, atque in sua regna furorem
Ire sinunt: Romæque aliò fugẽre relicta.
Cade noua veteres culpas abolere necesse est.

Et lib. 3. *Petrique domus polluta fluenti
 Marcescit luxu, nulla hîc arcana reuelo,
 Non ignota loquor, liceat vulgata referre.
 Sic Vrbes populique ferunt, ea fama per omnē
 Iam vetus Europā mores extirpat honestos.
 Sanctus ager scurrus, venerabilis ara Cynædis
 Seruit, honorādæ Diuūm Ganimedibus ædes.
 Et cū alia vendant alij, Vanalia nobis
 Tempia, sacerdotes, altaria, sacra, coronæ,
 Ignes, thura, preces, calū est vānale, Deūsq̃.*

Audiat igitur, & vtinam tandem exaudiat
 S. D. N. Pius v. quod nullo ibi medio subiectū,
 nescio audiuerit necne, certē minus exaudiuit
 SIXTUS IIII.

*Sancte pater, fidei custos, ouiumque magister,
 Quas bonus effuso moriens in sanguine pastor
 Abluit, ætatis damnosa licentia nostræ,
 Quam veterū semper crescens incuria patrū,
 Et sceleri pandens aditum, morēsque seueros
 Auersata parit, tua sentiat arma coërce
 Hæc vitæ: ancipiti ramos preme falce vagātes
 Næque feros fructū, & tristē frugibus vmbra
 Fert inculta: iacēs Cererē necat, occupat agrū.
 Mille sub his latebræ foliis: & mille rapaces
 Hac habitāt sub frōde fera, vulpēsq; lupiq;,
 Mitiāque inuadūt laniāntq; animalia passim.
 Sic cicurū genus omne perit, per ouilia regnāt
 Saues aper, tigres rapidæ, truculēta Leonum*

*Semina, multicolor pard⁹, griphs narib⁹ vncis;
Et variæ pãthera cutis, grauis vnguib⁹ vrsa.
In gen⁹ hoc, pater, arma moue. sua pascua redde
Fœcundis ouibus: stent ad præsepia tauri,
Qui signata iugis, longóque attrita labore
Colla gerunt: postquam rerũ te Roma potentẽ
Fecit, & obscuro inbar hoc resplenduit orbi,
Exanimis virtus scelerum sub mole sepulta
Respirare parum visa est, & tollere frontem.
Et nisi tot vitiis hæc secula nostra fuissent
Depravata, boni poterant rectoris habena
Errantes frenare rotas: Sed tantus equorum
Impetus aurigã superat, frustra que retractã
Lora gubernator, sine lege per inuia fertur.
Propterea sortem doleo, mitissime patrum
Sixte, tuam, fueras annis melioribus aptus.
Est tibi quæ tanto satis est in principe, virtus;
Sed velut obscuris Phœbi sub nubibus ardor
Læquet, & vmbra diẽ piceæ caliginis auffert:
Sic tua corrupti vitio clementia secli
Obscuratur, eunt pessum pietasque fidẽsque.
Lerna pal⁹ terræ est, vitiorũ exercit⁹ Hydra.
Alcides nusquam est: ardentẽ sæua Chimera
Mōstra tenet, nec adest Glauci castissima proles.
Cãdida Gorgonci capitis coma fluxit in angues,
Et neq; Mercurij profunt, nec Palladis arma.
Dedaleis inclusa viis Minoia monstra*

*Passim habitāt, crebris vterum quæ cadibus
augent,*

*Nec potis est multa ingluviē saturare rapina.
Nec superat Thesæa man⁹: per tecta, per aulas
Harpyiæ funesta lues, fluxūque famēque
Infestæ volitant: Boreæ genus omne recessit.
Syrenes redeunt, & Phœbi filia Circe,
Quæ placidos hominū furiali carmine vultus
Vertit in immites formas, & in ora ferarum.
Plurima sunt nobis sancti vestigia seclī,
Et gentis monumenta piæ: sunt ardua templa,
Sūt sacris cōgesta patrū sancta ossa sepulcris.
Est fidei caput, est veri latria Tonantis
Ista sed Hesperidum velut aurea mala dra-
cones*

*Cerulei seruant: Res detestanda, nec vllis
Flenda satis lacrymis. Nec me cōuitia quisquā
Texere causetur, mordāxque excudere carmē.
Hæc sunt pro sanctis gemitus, lamēta, dolores
Moribus, & superūm pro maiestate querelæ.
Ista mouent superos, vocat hoc scelus æthere
ab alto*

*Bella, famē, & diri genus insuperabile morbi
Heu sortē gregis aduersam, fidūsque malignū
Quum custode caret, cū fracto vimine sepes
Nocturnos aditu fures admittit aperto.*

Præsertim cū dura fames ieiuna Luporum

Intestina

*Intestina premit, rapidique mapalia lustrant,
Præda sumus, fracto ferimur temone per altum.*

Et Paulò post,

*Summe pater, cæli saltem cui regia paret,
Singultus audi insontes, fletuque piorum
Flectere: crudeles gladij saturandaque cæde
Spicula, primores populi: frontesque superbas
Oraque blasphemo feriant inflata tumore:
Parce rudi populo maiorum exempla sequenti:
Imbellèmq; manum serua, qui cætera seruas.
Quid meruere greges? pastorum incuria damno
est.*

*Cerne laborantem freta per salientia cymbam:
Et miseris fer opem nautis, pontumque furentem
Sterne. Atqui hoc poëta, me puero, nescio
an alter famosior, aut in puerorum scholis
frequentior, Adde quòd & nemo S. R. E.
addictior.*

Pergit ita, nec ita post,

Mens humana parenti

*Iustitiam, sanctos mores, & laudis honorem
Perpetuum debet: sunt hæc gratissima calo
Orgia, & infestis obstare potentia fati.
Sed postquam liquit terras Astræa nocentes,
Fugit & ipse, hominum leges qui condidit, ordo:
Temporeque ex illo summi reuerentia patris,
Sanctæque diuini ruit obseruantia cultus.*

Monachi
Religio-
si.

*Hi quoque qui nomen de religione superbum
Usurpant, quanquam sanctis à patribus ortos
Se iactant, ouium molli sub Vellere fraudes
Mente Lycaonias seruant, & crimine sordent,
Quod speciem virtutis habens, scelus omne colo-
rat.*

*Nec tamen his maculis sordet pecus omne: magi-
ster,*

*Ne pereat, quædam sibi seruat ouilia semen.
Qui prece sollicitat superos, multoque per omnes
Thure litant aras, veniam pacemque precantes.
Inuisi superis, fœdæque libidine olentes,
Heu frustra incestis iterant sacra orgia dextris.
Polluti circum quoties altaria Vultus
Conueniunt, celebrantque choros, & carmine
mixto*

*Sancta Deum Vanis penetralia Vocibus implent:
Irritant, irasque mouent, non numina flectunt.
Hac prece nil opus est, nil adiutoribus istis
Auxilij sperate: nouis date templa ministris:
Sacrilegum genus ex adytis templisque Deorum
Pellite, nec longos scelera hæc vertantur in Vsus.*

Et ad Leonem x. Fast. lib. 4.

*Romana graui maculata Veneno
Curia: qua spargit terras contagia in omnes:
Postremum est oppressa fides, exposita rapinis
Vndique, & in prædam populis projecta crucis.*

*Ista tuis animose Leo, seruata diebus,
 A te subsidium magnis clamoribus orant.
 Sancte pater succurre Leo: Respublica Christi
 Labitur, egrotatque fides iam proxima morti.
 Et lib. 5. de S. Urbano.*

*Nunc mores periere boni, regnatque libido
 Improbæ, & exclusos inopes consumit egestas.
 Omnia sacratus nostra sibi vendicat ordo
 Tempestate, sinuntque patres pessum omnia labi.
 Templà ruunt, passim sordent altaria, cultus
 Paulatim diuinus abit: Resipiscite sancti
 Vaticana, patres, qui templà excelsa tenetis,
 Ne subito forsàn Deus excandescat: & istud
 Tam deforme nefas odio vlciscatur acerbo.*

Et ad finem lib. 7. De SS. Petro & Paulo.

*O Diuinæ animæ, quorum sanctissima Romæ
 Ossa cubant, seruare fidem, prohibete ruinam,
 Atque reformandi curam studiûmque senatus
 Vsurpate: Vetus iam disciplina fatiscit,
 Consenuit probitas, & morti proxima languet.*

Et in Nicolao Tolent. lib. 2.

*Roma ipsa Lupanar
 Reddita, fœmineo Petri domus oblita fluxu
 Ad Strygios olet vsque Lares, incestat Olym-
 pum
 Nidore hoc, facta est toto execrabilis orbe.*

O Utinam pater omnipotens tibi proroget annos,
 Ut valeas olim post hæc certamina, Romæ
 Ad male compositos animum conuvertere mores.
 Sicut enim tua Regna rapax lacerauerat hostis
 Improbilas, sic & sanctos Acherontigenarum
 Laruarum impietas, & perniciofa libido
 Corruptit mores: quibus illa antiqua parentum
 Semideorum ætas totum condiuerat orbem.
 Hæc morum iactura magis deflenda videtur,
 Quam Regni prior illa tui. Nam dissipat omne
 Imperium Christi: toto iam cognita mundo
 Mendacem facit esse Deum, qui dixit Auernum
 Imperiis non posse suis inferre ruinam.
 Ecce ruunt, Charitas friget, spes pallida lan-
 guet,

Ægra fides fragili vix sustentata bacillo
 Ex procerum tectis fugit, & gurgustia quærit.
 His tribus incumbit, tanquam tribus acta colum-
 nis

Tecta domus Christi: tribus his labentibus ergò
 Est opus ut ruat hæc moles vastissima quondam,
 Nunc senio morboque tremēs, rimisque dehiscens.
 Nec te, magne pater, latet hoc, prudentia pectus
 Tanta tuum vegetat. Sed idonea tempora quæris,
 Expectasque diem quæ det fœliciter isti
 Principium Diuino operi: Stat ad ostia Christus

*Cum grege Cælituum, tecum Venturus in istam
 Militiam: tua magne pater, præcordia pulsent
 Anteferenda aliis hæc sancta negotia curis:
 Hæc animo res digna tuo, qua sanctior esse
 Nulla potest, nulla vtilior mortalibus. Esto
 Qui decus hoc habeat, quem gloria tanta coronet.
 Ad Romam conuerte oculos luxumque fluentem
 Aspice, & indignos Christi propagine mores.
 Tota in capreolos it vinea, tota comantem
 Effluit in syluam foliis spargentibus umbram
 Pestiferam segeti, dulces neque parturit vuas.
 Hoc steriles ramos, nemus istud inutile trunca.
 Erue mortiferas taxos, aconita, cicutas,
 Et fere vitales herbas, vt cinnama, nardos,
 Balsama, thura, crocos. Veterum reminiscere pa-
 trum.*

*Gregorium pone ante oculos, magnumque Leo-
 nem,
 Syluestrum, & reliquos, quorum est imitabilis
 alto*

*Vita animo, regnoque humeros suppone labanti.
 Qui te cunque colunt, optant hoc cernere, & istud
 Expectant ardenter opus. Et adhuc expectamus.
 Et ante auditum Lutherum Raphaëlem Volateranus, hoc
 est Ital⁹, idque Romæ, Vrbano^{rū} nimirum cōmen-
 tatorum lib. 30. cap. De seruis, scribebat sacerdotia
 tribui mercedis loco, spiritualémque thesaurum*

quæstui haberi ac negotiationi. Bone Deus, si sic à domesticis fidei audimus, quid non ab aduersariis audiemus? Atqui præstat hæc audire ab illis cum obedientia monentibus, quàm ab his perduellibus. Quid quod & D. Adrianus ille Traiectensis mihi sæpe vocatus, profitebatur colla summæ se subiecisse dignitati, ad deformatam Dei sponsam Ecclesiã reformandã: deformatã autẽ non nouis tantũ erratis & abusibus, sed & veteribus! Inueteratus, *aiebat*, nimiũ morbus est, nec simplex, sed varius & multiplex. An non hic idem penè dicit, quod ante annos quadringentos ita deplorauerat beatiss. Bernardus? Intestina & insanabilis est Ecclesię plaga. Facere non possum, quin addã reliqua, si præter promissionẽ proximã, at non præter præsentem *τῆς αἰσχροπνευστίας* materiã. Subdit igitur, vox plágētis in tẽpore isto, filios enutriui & exaltaui, ipsi autem spreuertunt me, Esa. i. Spreuerũt me, & maculauerũt, à turpi vita, turpi quæstu, turpi commercio. pro huiusmodi volũt esse, & sunt ecclesiarum præpositi, decani, archidiaconi, Episcopi, Archiepiscopi, nec enim hæc merito cedũt, sed negotio perambulãti in tenebris. Ipsa quippe dignitatis Ecclesiasticę officia, in turpẽ quẽstum, & tenebrarum negotium transierunt, nec in eis salus animarum, sed luxus quæritur diuitiarum. propter hoc tũdentur, propter hoc frequentãt Ecclesias, missas celebrant, psalmos decantãt. Pro Episcopatib⁹ & Archiepiscopatibus impudenter hodie certatur, vt Ecclesiarũ redditus in superfluitatis vsus dissipẽtur. propter hoc

Bernardus

nō est hoc tēpore ornare spōsam, sed spoliare, nō custodire, sed perdere, nō defendere, sed exponere, nō instituere, sed prostituere, nō gregē pascere, sed mactare, comedere, deuorare, ex lo. 10. Ose. 4. Psal. 52. peccatorum pretia exigunt, & peccantibus debitam sollicitudinē non impēdunt. Quē dabis mihi de numero prapōsitorū, qui non plus inuigilet subditorū vacuādis marsupiiis, quā extirpandis vitiis? Nunc enim dati sunt sacri gradus in occasionem turpis lucri, & quāstum aestimant pietatē, copiosissimæ quidē pietatis in accipienda animarum cura, sed hæc apud eos cura minor, & nouissima de illarū salute cogitatio. Hæc in Psal. 90. Serm. 6. in Cantica. serm. 33. 77. in conuersione S. Pauli serm. 1. Sed ad quos ille hæc? Egressa est (ait) iniquitas à senioribus iudicibus (Dan. 13.) tuis Christe, vicariis, qui videntur regere populum tuū: Heu heu domine deus, quia in persecutione tua primi sunt, qui vidētur in Ecclesia tua primatū dirigere, & principatū gerere. Arcē Sion occupauerūt, apprehenderūt munitiones, & vniuersam deinceps liberè & potestatiuè tradūt incendio ciuitatem, misera eorum cōuersatio, miserabilis est plebis tuæ subuersio. Sed & eiusdem est ad eisdem grandis sermo & peculiaris, in opere, quod de Consideratione inscribitur. Sed nos cum Bernardo relinquamus istos sponsē magis veditores, quā inuētores, & iumentorum eius, hoc est, Apostolorū ministerij locum sortitos, non zelum, Successores omnes

esse cupientes, imitatores per paucos, tam utinā ad curam vigiles, quā alacriter ad cathedram (si modò ad cathedram) currentes, perdentes nos, non seruantes, nec suis, nec sibi quidē parcentes, atque ita perimentes pariter ac pereuntes. Quam querimoniam si iustam omnino, nec ad vllam iustius quā ad suam ætatē referendam ille concionabatur, quantò ea nostra ætate dignior, ad quā post Bernardi seculū omnia in peius profecerunt? Sed veteres missos faciamus, & ad nostri tēporis nō schismaticorū famosos, sed Catholicorū libellos ea de re cōmonitorios veniamus. Nūquid antea citati ex viri, Cardinaliū & prælatorū tūc doctissimi, nō idem cognouerunt, ferè nimirū collapsam esse Ecclesiam, abusibus & morbis grauissimis pridem laborātem, & præsertim Romanam curiā, sic ut eis paulatim ac sensim ingrauescentibus, magnam hanc, quam videmus, ruinam traxerit. Et maculas illi quidem ostenderunt tantū, non etiam abstulerunt, adeò plures esse, quā quas tum attigerunt, non dissimulantes, ut Christi nomen à nobis clericis, nedum à gētibus oblitum, ad Concilij finem disertè dicerent, & in nostris cordibus restitutum iri à Paulo consultore plus optarent, quā sperarent. Quin A.S. legati R. Tridentinam Synodum incuntes, ad patres ibi collectos initio statim agnouerunt de nobis meritò dici, quod propheta ī persona Dei veterē populū accusans dicebat, Duo mala fecit populus hic, me dereliquerunt fontem

aquæ viuæ, & foderunt sibi cisternas non valentes continere aquas, Hier. 2. malorū quibus oppressa est Ecclesia, & ad quæ corrigēda vocabātur, non parua ex parte pastores causā dedisse, adeoque autores fuisse, vt præter seipso alium ne nominare quidem autorem possent, idque non minus verè quàm acriter dictū fassi sunt, nostram (inquentes) nimirum ambitionem, auaritiā, cupiditatem, populum Dei malis omnibus affecisse. Quæ de corruptela morum *Sacerdotum corruptela.* cum omnium ordinum, tum sacerdotum, veteres prophetæ, Ezechiel nominatim, cap. 22. loquebantur, In contemptu legis, pollutione sanctuarij, nulla inter sacrum & profanum distantia, ad perdendas animas, auarè sectanda lucra, &c. non ad illa solum tempora pertinuisse, sed nostri quoque temporis imaginem retulisse. Denique collapsam ferè ecclesiā agnoscebant, ad quam erigendam atque instaurandam conuenerant. Et multa (fateor) correxerūt, vercor vt non pauciora corrigenda Pontifici summo (utinam nè frustra) reliquerint, in nostrate præsertim Gallia, in qua nusquam peius habet ecclesiæ, nusquam iniquior bonorum sacrorum *Gallia ealimitas.* vsus aut dispensatio, quàm in patriis quas vocant, obedientiæ, episcopis earum à Papa, hoc est, à Petri successore, plenitudine potestatis non contentis, Apostolorum successoribus fratribus suis & coëpiscopis nulla, vel certè admodum parua, sollicitudinis parte relicta. tam multis S. A. iuribus summis, hoc est, summis iniuriis,

priuilegiis, hoc est, abusibus, consuetudinibus,
 hoc est, corruptelis, expectatiuis nimirum, re-
 gressibus, mandatis, reseruatiõibus, præuen-
 tionibus, & id genus inuentiunculis granari se-
 quiritatur locorum ordinarij, vt præter pedum
 & mitram nihil eis penè reliquum sit. Nec ve-
 rò est quod speret Põtifex Galliam nostratem
 adeò deformem reformare, adeò nutantē cõ-
 tinere posse, nisi iuxta nomen suū sua primum
 piet ac repurget, iuxta cognomen & generosif-
 simum genus suum, suis primum, quod est in
 prouerbio, medeatur, & taxas illas ἀρχοντείας
 nomine multis meritò maledictis multorū ta-
 xatas, reliquàmque cameræ cancellariæque
 Apostolicæ nihil minus quàm Apostolicam,
 quam Paulinam aut Petreiam negotiationem
 nūdinationemque, quasi quoddam Augiæ sta-
 bulum tandem vel repurget. Super his & id ge-
 nus necessariò purgandis admoneri non ægre-
 ferat à filiolis misellis pater beatus, à peccato-
 ribus sanctissimus, ab ouiculis minimis pastor
 maximus: Nostrum enim, nostrum inquā est,
 etiam quantumuis magnos & maximos admo-
 nere, hortari, efflagitare, qui nos inter tot licet
 infirmitates, sordes, & abusiones, in officio &
 obedientia continemus, non perduellium, aut
 desertorum, quibus cum ea quam reliquerunt,
 ecclesia nihil vel commune, vel negotij esse
 vel potest, vel debet. Dolebat vbi antè, Bernar-
 do, sine causa his vel illis immorari, quia eum
 monachis vtique prædicantem episcopi non

audirent. Sed & si literis (aiebat) forsitan mandantur quę dicimus, aut dedignabuntur legere, aut si fortè legerint, mihi indignabuntur, sibi licet rectius id facturi. Equidem multo minus sperauerim mea lectum ab episcopis iri, in quorum rem scribo, sed si fortè tamen ad eorum vel aures vel manus peruenerint, non diffido vel eorum summum pro sua tum pietate, tum medendis nostris abusibus & erratis voluntate, boni consulturum. Nam & eius sanctitatis præcessor Paulus III. cum horum partim atque priuatim monerem, adedò non est offensus, ut seriò cogitarit de me Romę retinendo, non sine honore quem ea Sedes largiri solet maximum. Laus & gratia Deo ac Domino nostro Iesu Christo, qui quem ei mei promouendi animum dederat vel permiserat, mox abstulit, ne fortassis ambulare in magnis & mirabilibus super me, &c.

Pauli III.
propensio in
anthem.

Haftenus sine quibus debet esse, siue quod non debeat habere, nunc quid habere debeat. Primum vitia damnavit, ut virtutes infereret, iuxta scripturarum consuetudinem, unde sequitur, *sed hospitalem*, bona sua omnibus impertientem, pauperibus præsertim, & peregrinis amplius, maximè verò propter Christum domo pulsus, & in mundo exulibus, nè ab infidelibus abacti, solatij nihil inter fideles inuenientes, concidant, & ad infidelitatem redeant. Amplius, quiddam φιλόξενον esse quàm ξενόδοχον

Hospitalitas
quibus maxi
mè exhibenda

φιλόξενος
ξενόδοχος

*Peregrini vt
excipiendi.*

peregrinorum amātem,quā̄m hospitem. Non enim tam peregrinorum amator quā̄m hospitator,quod obiter , & nescio quo respectu fieri potest. Philoxeniam autē,de qua Ro. 12. Hebr.13. 1.Petr.4. φιλοξενος εἰς ἀλλήλους, nedum xenodochiam , de qua. 1. Tim. 5. ἐξενεδοχίαν, requirit à nobis,vt ab Israēlitis Domin⁹, Amat (inquiens) peregrinum, dat ei victum & vestitum. Et vos ergò amate peregrinos, quia & peregrini fuistis in terra Ægypti, Deut.10. eadem de causa, Exod. 23. peregrino molestus nō eris, quibus etiam in segete spicas remanentes , & in vinea grana decidentia, carpenda dimitti iussit, Leuit. 19. 23. Deut. 24. non exprobrabis ei, sed diliges eum quasi indigenam, quasi tener ipsum, Leuit. 19. Non contristabis eum, nec affliges, Exod. 22. non negabis ei mercedem, nō peruerteres eius iudicium, Deut. 24. 27. Et passim in prophetis indignatur aduenas & peregrinos opprimētibus, calumniantibus, occidētibus, Psal. 93. Hic. & Ezech. 22. Zach. 7. Mal. 3. Sed ad Philoxenum episcopū redeamus, qualem celebrat Ioannes, Epist. 3. Caium, fideliter (inquiēs) facis quicquid operaris inter fratres, & hoc in peregrinos, qui testimonium redderūt charitati tuæ, in cōspectu Ecclesiæ, quos bene facies, deducēs dignè Deo, pro eius enim nomine profecti sunt, nihil accipientes à gentibus. Nos ergò debem⁹ tales suscipere, vt cooperatores simus veritatis, nimirum iuxta verbum Domini, Mat. 10. Qui recipit prophetam

aut iustum hoc nomine, vtriusque mercedem accipiet. Qualem Abdiā Hieronymus eius interpreter scribit prophetalem gratiam accepisse quod in persecutione Iezabelis prophetas in speluncis quinquagenos absconditos pauisset, 3. Reg. 18. quos vt alere clam posset, multum æris alieni contraxerat, quod Elisæus oleo diuinitus aucto dissoluit, & ad eius viduæ liberorumque alimenta superfuit, 4. Reg. 4. & huius enim viduæ maritus fuerat Abdias, Iosepho, li. 9. Antiquit. cap. 1. Nec verò putemus patres in hominibus non angelos modò, sed & Deum ipsum hospitio suscepisse, Gene. 17. 19. Heb. 13. Leo papa 1x. hospitalitate ad eò insignis, vt domus eius pauperibus & peregrinis semper pateret, cum leprosum ante fores suas inuentum diligenter in lecto suo locari iussisset, apertis mane foribus non inuenit, creditum pauperis nomine Christum eo loci iacuisse, Platin. post Sigebertum, anno Domini 1048. His dissimilē Diotrephen taxat vbi antea Ioānes, fratres nō suscipientem, & suscipi prohibentem. Et nos de hospitali clerico Digress. lib. 2. cap. 1. abundè. Petrus apud Clementem, Epist. 1. inter alia sic presbyteros docet, Charitatis recipiendæ & habendæ maximum erit fomentum, si frequenter inter vos communem cibum vestrum mensamque faciatis, & quantum quisque præualer, crebrius panem salēque suum cum fratribus sumat: per hæc dilectio comparatur, & causa boni totius in huiusmodi communione cōsi-

*Abdias vnde
Propheta est
scriptus.*

*Hospitalita-
tis merces.*

*Communionem
inter bonos
celebrando-
rum utilitas.*

stit. Ideo communes facite cibos vestros cum fratribus, secundum Deum, per hæc temporalia officia pacis & charitatis fructibus æterna gaudia merituri. Multò autē sollicitius esurientes reficite, sitientibus potum, nudis vestimentum date, ægrotos visite, vinctos iuuate, peregrinos in domibus vestris suscipite, &c. Et huius inter cōsacerdotes hospitalitatis præceptū, merito secuta est tabernarum & cauponarum interdictio, de quibus nos in vinolento Clerico, lib. 2. Digress. cap. 14. Nec inter clericos tantum, sed omnes omnino Christianos erat tum hospitalitas, nō vltima Ecclesiæ nota olim iandiu magno Christianismi tum damno, tum dedecore omiſsa. Facere contrā non possum, quin vnum & alterum episcopalis auaritiæ & inhospitalitatis exemplum memorabile hic citem, contraria enim iuxta se posita magis elucescūt.

Æneas Syluius. Æneas Syluius in historia Bohemica, cap. 35. & 42. autor est Albicum Posoniensem in Hungaria episcopum, vnicum extremæ auaritiæ balthasaram, qui claues cellæ vinariæ nulli quān sibi crederet, animalia dono accepta mox venderet, quòd sumptuosos esse coquos didicerat, abiectam anum popinæ suæ præfecerat. Interrogatus sonorū omnium quem molestius audiret, maxillarum, inquit, ossa frangētium. Idoneus profecto pontifex, qui surgenti fomentū hæresi daret, cum enim familiam edentem bibentēque ferre non posset, minori contētus officio dignitati cessit, & auaritiæ seruiuit. Al-

*Cauponarū
interdictio.*

Æneas Syluius.

*Auaritia episcopalis ex
empla nobilia.*

rerum nimis quàm sanè horrendum Hattonis ex abbate fuldenſi archiepiſcopi Mogūtini 32. qui anno 914. plurimos pauperes magna fame preſſos, dictitans nihil à muribus diſſerre, frumentum quippe comedentes, & ad nihilũ vtilis, in horreum congregatos concremauit, iuſto Dei iudicio à murib⁹ cateruatim noctu diuque inuaſus, & in media Rheni turri, in quam cōfugerat, deuoratus, ab roſo eius ex parietibus & taperibus nomine. Renarrat Muñſteri Coſmograph. lib. 3. pag. 486. 493. Idem ait cōtigiffe Vvilderolſo Argentinē epiſcopo, anno 997. pag. 458. Tyranno Poloniæ Pompilio, Regine eorūque filiis, pag. 891. lib. 4. quorum in pauperes ſcelus imitatus Heriberti Coloniēſis Archiepiſcopi frater, pœnitens Romā proſectus, & abſolut⁹ eſt monaſterij cōſtruēdi lege, pag. 506. Hæc obiter in avaros, inhumanos, & inhospitales epiſcopos: quales hodie ſi non à muribus, certè ab auibus, canibus, equis, & ſcortis, qui comederentur, vtinam nulli ſint. Sequuntur reliqua quæ pertinent ad conuerſationem vitæ, *Benignum*, vt hoſpites cum benignitate ac beneuolentia, non cum triſtitia ſuſcipiat, Hieronymo bonorum amatorem, φιλάγαθον, vel operum, vel hominũ, propterea quòd boni ſunt eorūque delectetur cōſuetudine ac familiaritate: boni ac virtutis amātem, bonarũ rerum ſtudioſum. Theophylactō, humanum, modèſtum, minimè inuidum, his denique contrariũ, quos 2. Tim. 3. futuros prædixit, ἀφιλάγατοι,

Crudeli avaritia.

σώφρων.

Sobrium.

sine benignitate, bonis inimicos, omnis boni hostes. Et hæc quidem omnia ante episcopatū, inquit Sedulius, multo magis in episcopatu, quod & sensit Bruno, qui pauperes receperit, receptisque pauperibus, & quibuscunque sua largè ministrantem, benignè omnes diligit, & quicquid boni potest, tam spiritaliter, quàm corporaliter impendat. *Sobrium*, σώφρων, Ambrosio prudentem, Hieronymo castum, notanti veterem interpretem, quasi verbi ambiguitate deceptus, pro pudico prudentem verterit. At interpreti patrocinator Erasmus, quòd cum vtrunque vox Græca ambigua significet, nō minus licuerit prudentem, transferre, quàm pudicum: an non enim & prudentia episcopo congruit? *Sobrium* ergò iuxta eiusdem vocis Græcæ proprietatem, & sanæ mentis, nullisque temulentum cupiditatibus, Græcis purum, & ab affectibus liberum, Lyra tenentem in omnibus mensuram, Brunoni frugi in cibo, potu, vestitu, Anselmo, ut corporalis ebrietas ab eo longè sit, nec sensum eius vel mundana cupiditas, vel ira, vel quoduis aliud vitium inebriet, sed acuto sensu diiudicet omnia, ut vir spiritalis, 1. Cor. 2. Indignum tamen Hieronymianum episcopalis castitatis patrocinium, quod hic omitatur, cuius etiam præcedentia in opere de Continentia, lib. 1. cap. 9. cum reliquis eiusdem auctoris testimoniis. Sic autem hoc loco concludit, Quomodo itaque mansuetudo, patientia, sobrietas, moderatio, abstinencia lucris, hospitalitas

talitas & benignitas, præcipuè esse debent in episcopo, & inter laicos eminentia, sic & castitas propria, & (vt ita dixerim) pudicitia sacerdotalis, vt non solum ab opere se immundo absteineat, sed etiam à iactu oculi, & cogitationis errore, mens Christi corpus confectura, sic libera. Sequitur, *Iustum*, vt cum Lyra dicā, formaliter quantum ad seipsum, effectiue quantū ad populum sibi subditum, cui iudicium debet facere, & iustitiam seruare. Theophylacto, in hominum commercio citra personarum delectum conuersantem, qui personam non præferat, nec vllius, in iudicio præsertim, acceptionē habeat, quod toties scriptura præcipit, Leuit. 19. Deut. 1. 16. Prou. 24. Esa. 42. Iac. 2. vt Iustitiā populis quibus præest, exerceat, reddēs vnicuique quod meretur. Inter laici autem & episcopi iustitiam hoc interesse notat post Hieronymum Anselmus, quòd ille iustus apparere potest in paucis, hic in tot eam exercere debet, quot subditos habet. Iustum ergo proximo, *sanctum*, Deo, pium & Dei colentem sui cultorē nihil in diuinis rebus, & ad Deum pertinentibus omittentem. Sic enim ὁσιος, Græcè significat Hieronymo, cū sanctitas mixta est pietate, & ad Deum refertur. Neutrobi sine peccato dixit, quod fieri nequit, sed vt iustitiā requirit, id est, erga peccatores compassionem, animi probitatē, ab omni nequitia & malitia alienam, Ita sanctitatem Anselmo, ab omni inquinamento, quantum à nobis fieri potest, liberā,

*Castitas, sancti
sacerdotū pro-
pria.*

Iustum.

*Iustitia non
eadem episco-
pi & laici.*

ὁσιος

Sanctitas.

Continens.

puram, incontaminatam. Subiicit *εγκρατῆς*, *Continentem*, siue Hieronymo, abstinentem, hoc est, eidem & Græcis, & aliquot etiam Latinis, non solum in cibo, potu, venere temperantem, non tantum, ut quidam putant, à libidine & ab vxoris amplexu, sed & ab omnibus illicitis affectibus coercentem, firmiter cōtra tentationis impetum se tenentem, linguam, manus, & impudicos oculos cohibentem, In talibus enim regendis & moderandis versatur temperantia, nè quis ad iracundiam concitetur, tristitia deiciatur, immoderata lætitia sustollatur, terrore exagitetur. Continētia enim non in carnis solum opere aut concupiscentia, sed in omnibus vbique rebus est necessaria, ne honores indebitos appetamus, auaritia accendamus, neu alia perturbatione superemur. Id si ab omnib⁹ exigitur, quanto magis ab episcopo, qui patiens & mansuetus debet aliorum ferre vitia, consolari pusillanimes, sustentare infirmos, vincere in bono malum, nulli malum pro malo reddere? Mirè id prospexit Paulus, non posse aliis prospicere, qui sit affectibus obnoxius, non liber, nō superior, sed iisdem cum vulgo cupiditatibus feruiat. Scholia Hieronymo & Primasio inscripta obseruant incontinentiam & continentiam Paulo nunquā nisi in causa luxurię, nominari (quasi verò Paulus latinè scripserit) sanctum ergo in opere per continentiam hic dixisse, nè quia vnus vxoris fecerat mentionem, locum incontinentiæ dedisse putetur. Et hinc quidam recē-

tiores clericalis cōtinentiæ ius diuinum vrgēt,
 sed, vt videre est, præter mentē veterū huius lo
 ci interpretū, Græcorū & Latinorū. Illud, vt est
 extra controuersiā, ita propius literā, Requiri
 ab Apostolo episcopū, virū à vita impura & pro
 fana alienū, vitæ puræ, castæ, & sanctæ amantē.
 Duo enim paria virtutum contexuit, quorū pri
 mū ad alios, secūdū ad episcopi personam sese
 extendit. Iam verò sequuntur quæ ad episcopi
 doctrinam pertinent: *Amplexentem*, Hierony
 mo obtinentē, Ambrosio tenacem, propriè ac
 eleganter ἀρτιχόμενον, sic alicui adhærentē ac ve
 lut vnguibus affixum significat, vt se non sinat
 auelli, & qui amplectitur, stringit, fit autem am
 plexus ex amore. Oportet igitur episcopū sciē
 tiæ cum amplexu inhærere, hoc est, cum firma
 animi adhæsiōe, & cordis dilectione. Arripe
 sapientiam, & exaltabit te, glorificaberis ab ea,
 cū eam fueris amplexatus, Prou. 4. præoccu
 pat enim eos qui se concupiscunt, Sap. 6. Dili
 genter ergo tractantem, curantem, & in hoc in
 cumbentem: materiam autem studij sacerdota
 lis, non ait disertas & arte compositas fabulas,
 2. Petr. 1. non philosophiam, Col. 2. nō Sophi
 sticen, Eccl. 37. non sermonis sublimitatem, seu
 eminentiam, nec persuasoria humanæ sapiētiæ
 verba, 1. Cor. 2. non hominum denique ac nē
 angelorum quidem visiones, doctrinas, præce
 pta, Col. 2. sed *fidelem sermonem*, vel fidei in qua
 oportet episcopum institui, vel potius institu
 tum esse, alios vtique instituturum: vel veracē,

*Episcopus
apostolicus
qualis esse de
beat.*

*Amplexus;
amoris est.*

Fidelis.

certum, indubitatum, vt certa, & quæ ipsam veri faciem præ se ferant, respondeat: & quomodo sermo Dei fidelis est, & omni acceptione dignus, 1. Tim. 1. 3. sic episcopus talem se præbeat, vt omne quod loquitur, fide dignum existimetur, & eius verba sint veritatis regula. Diligentem ergo non seculares aut otiosas fabelas, non vanas & inanes quæstiunculas, sed sermonem verum, nec omnem talem, sed *eum qui est secundum doctrinam*, ad prædicationem idoneum: Sūt enim permulta vera, quibus nihil necesse est episcopum intendere, & alii quidem student vt discant, & bene operentur, Episcopo non sufficit, nisi & alios quoque doceat. Attende (ait alibi noster) lectioni & doctrinæ, 1. Tim. 4. amplectatur ergo huiusmodi verbum, quo possint & audientes doceri. Græci secus exponunt, fidei nimirum sermonem, per fidei gratiam traditum, nec verbis disertis aut fastuosis, nec argutis aut acutis conclusiunculis, nec philosophicis demonstrationibus, externa denique sapientia vt non suppeditatum, ita nec indigentem, sed scripturarum peritia, & sententiarum (biblicarum) grauitate, sic enim Dei verbum doctrina melius & fœlicius procedit. Breuiter, diligenter studentem in sacra scriptura, Cuius duplex vsus, prior, *vt potens sit exhortari*, Hieronymo consolari, παρακαλεῖν, fideles non tantum indoctos docere, sed & cessantes cohortari & extimulare, & afflictos, quique seculi turbinibus exagitantur, solari. Attēde, in-

*Episcopus
docere debet.*

quit, exhortationi, 1. Tim. 4. & pro Christo le-
gatione fungimur, tanquam Deo per nos ex-
hortante, 2. Cor. 5. sed quid aliud passim quàm
vtrunque facit, & faciendum præscribit? *in do-
ctrina sana*, pro, per doctrinam sanam, quæ abs-
que ullius erroris mixtione, & nulla falsitate
corrupta, docet tum vera dogmata, tū rectam
vitam, & sic audientes sanat, & rectè viuentes,
rectamque fidem tuentes consolidat, ait Ana-
cletus in Ca. finali. Dist. 45. Quod epitheton
his ad discipulos epistolis Apostolo sæpius re-
currit, 1. Tim. 1. 6. 2. Tim. 1. 4. Tit. 2. ad distin-
ctionem languidæ, infirmæque doctrinæ: qui
non acquiescit sanis sermonibus, languet circa
quæstiones & pugnas verborum, 1. Tim. 6. Po-
sterior scripturæ utilitas, *et eos qui contradicunt,*
arguere, qui fidem impugnant, siue Iudæos, siue
paganos, siue hæreticos, obloquendo, siue pseu-
dochristianos, malè viuendo, efficaciter resisten-
do refellere, non vno enim modo contradici-
tur, nam vt pauci loquendo contradicant (quis *Cōtradictio non vno mo-
do fit.* enim apertissimæ veritati cōtradicere audeat?) do-
vita certè malisq; morib⁹ multi sanæ sanctæ-
que doctrinæ contradicunt, præcipit hæc non
fornicari, fornicantur, non rapere, rapiunt, reli-
quaque mala à quibus prohibentur, faciūt, hos
redarguere magnum opus, grandis sarcina, cli-
uus arduus, hæc pauca ex multis Augustini de
verbis Apostoli, serm. 19. Sed cū Paulus alibi
prohibeat verbis contendere, 2. Tim. 2. qui hic
contrà præcipit contradicentes arguere? hæc

duo quæ apparerent contraria, quam differentiam habeant sic exponit Anticeimenon lib. 3. Quæst. 40. Nō enim illud ideo dictū, vt aduersariis veritatē oppugnantibus nihil nos pro ea respōdeamus. Et vbi erit quod hic in episcopo requirit, vt norit eos redarguere? Verbis autē contēdere, est non curare qui error à veritate vincatur, sed quomodo tua dictio dictioni præferatur alteri? Porro verbis nō cōtēdit, qui siue submissè, siue tēperatè, siue grauiter dicat, id agit verbis, vt veritas pateat, placeat, moueat. Cū ergo contra veritatē cōtēditur, vanitatis est vitii: Cū autē verbi minister iubetur esse potēs doctrina, vt norit cōtradictēs reuincere, spiritalis est doctrinæ magisteriū, quo veritati, nō vanitati seruitur. Ex August. libro de Doctrina Christiana, 4. ca. 28. Sit ergo episcopus scriptura peritus, ad suorū custodiā & hostiū euersio-
 p? esse debeat nē, vt & fidei domesticos cōseruet, & inimicos arceat: qui hāc rectè tenet, simul credētib? vtilē tradit doctrinā, simul aduersarios reuincit. Hic Chrysost. Pauli exēplū proponit, qui tātò plura maioraque perfecit Euāgelica doctrina, quā Plato diserta sapiētia, orbē vniuersū cōuerterit, nō tā signis quā verbis. Nā si Actus Apostolorū euoluas, cōperies eū plus & sēpi? doctrinæ virtute, quā miraculorum vi obtinuisse. Addo, quo tēpore? vtiq; cū Christ?, quē noster prædicabat, recēs adhuc cōtradictionis signū, Luc. 2. qui nō ita dudū talē tātāque sustinuerat ab impiis aduersum se cōtradictionē, Heb. 12,

*Episcopus
 quorum peri-
 p? esse debeat*

*Pauli prædi-
 catio quā
 efficax.*

tota die manibus extēsis ad populū non credē-
 tē, sed cōtradictē, Rom. 10. cuius sectæ doctri-
 næque tū ab omnib⁹ cōtradiceretur, Iudæis at-
 que gētibus, Act. 13. 18. 28. Quid igitur cōtradi-
 ctus iste nostra causa Christus? Dabo vobis os
 & sapiētiā, cui cōtradicare & resistere nō pos-
 sint aduersarij vestri, Luc. 21. cuiusmodi Phari-
 sæi Iudæorū peritissimi Petro & Ioāni illitera-
 tis & idiotis, animaduersa eorū in dicēdo con-
 stātia, nihil poterāt cōtradicare, Act. 4. Sed quo
 magis cōstet nos in vrgēda necessaria pastorib⁹
 doctrina necessariō haecenus fuisse impor-
 tunos, etiānū esse, & propicio Deo, semper fore.
 Audiamus Leonē Romanū maximo Antio-
 cheno episc. quā id sacerdotib⁹ tū necessariū, tū
 etiā propriū propriē sit sic scribētē, epist. 62. Id
 quoq; dilectionē tuā cōuenit prædicare, vt ne-
 mo præter Dñi sacerdotes sibi ius docēdi & præ-
 dicādi audeat vēdicare, siue monachus, siue lai-
 c⁹, sciētię nomine gloriatur. Quod & si oprādū
 est, vt omnes Ecclesiæ filii, quæ recta sunt & sa-
 na, sapiant, non tamen permittendum est, vt
 quisquam extra sacerdotalem ordinem consti-
 tutus, gradum sibi prædicatoris adsumat, cum
 in Ecclesia Dei omnia ordinata esse conue-
 niat. O tempora. Atqui quod tum tantū sacer-
 dotum erat, hodie, si Deo placet, fratercul-
 lorum est. Sed lubet adhuc hunc Apostoli
 locum ex Episcopo Deo dignissimo repetere.
 Is est Hilarius initio lib. 8. de Trinitate. B. in-
 quit, Paulus formam constituendi Episcopi fi-

*Pharisei Iu-
 daeorum peri-
 tissimi.*

Hilarius.

gens, & planè nouum Ecclesiæ hominem præceptis suis condens, hanc veluti summam consummatarum in eo virtutum esse docuit, dicēs, *Obtinentem secundum doctrinam fidei verbum, ut potens sit exhortari ad doctrinam sanam, & contradicētes reuincere*, Ita quæ propria disciplinæ ac morum sunt, ad sacerdotij meritū vtilia esse significat, Si etiam hæc quæ ad docēdæ ac tuendæ fidei scientiam necessaria sunt, inter reliqua non deerunt. Quia non statim boni atque vtilis sacerdotis est, aut tantūmodo innocenter agere, aut tantūmodo scienter prædicare, cū & innocens sibi tantum proficiat, nisi doctus sit, & doct⁹ sine doctrinæ sit autoritate, nisi innocēs sit. Nō enim apostolicus sermo probitatis honestatisque præceptis hominem tātum seculo conformat ad vitā, neque rursus per doctrinæ scientiam scribam Synagogæ instituit ad legē, sed perfectū ecclesiæ principē perfectis maximarū virtutū bonis instruit, ut & vita eius ornetur docēdo, & doctrina viuēdo, hæc ille. Eāt episcopi, & à docēdi per se necessitate, si possint excusēt. Secūddò cū Hiero. tā nō indignari, quā nō obseruare nō possum⁹, cū Paulus post catalogum cōuersationis episcopi (superiora enim quę in huius virtutibus posuit, ad vitā pertiner) sciētiā & doctrinā similiter præceperit (ad vtranque enim hæc posteriora referenda sunt) esse tamen qui inertia se & otio, & somno dātes, penè peccatū putent, scripturas legere, cōsq; qui in lege Domini meditātur die ac nocte,

quasi garrulos inutilésque contemnant. Et meminí Episcopum Italum nobilem, nec verò imperitum, mihi dicere, conterraneos suos à studio Theologico deterreri, & quodammodo abhorrere, nè sic fiant hæretici, quasi verò hæreses ex scripturarum studio, ac nō potius ex neglectu & ignorantia nascantur. Quam igitur artem vestrates(aio) profitentur? Iuris(ait) vtriusque, sed in primis canonici, breue scilicet ad rotam, hinc ad Episcopas, ad galeros, ad amplissimas legationes, ad Dei denique in terris summas vices compendium, nedum ad præbendas & dignitates, theologis nihilo penè prætercurata, quæ vocant, sacerdotia, reliquo factò. Atqui vestrum istud vtrunque ius non studium modò theologicū viris sacris magno serio imponit, Dist. 36. 38. & alibi passim, sed & à legū auscultatione, nedum professione, non sine multarum dirarum comminatione abarcet, alioqui hoc ipso studio sententiam excommunicationis incurfuros. Hunc enim canonē sententiæ latæ in Concilio Turonensi contra monachos conditum Honorius III. ad archidiaconos, decanos, plebanos præpositos, cantores, alios personatus habentes clericos & Presbyteros extendit, Theologiæ ita cupiens studium ampliari, vt dilatato tentorij sui loco, & funiculis factis longioribus, catholica fides esset inexpugnabili bellatorum muro circuncincta, quibus resistere valeret ascendētibz ex aduerso. Extra. Nè cleric. vel monach. ca. Super spe-

*Theologicū
studiū abhor-
rentes, ne hæ-
retici fiant.*

*Iuris canonici
studiū quò
vile.*

*Prædicato-
res, bellato-
res.*

cula. Agnoscis Pauli mentem, si non verba, & bellatores enim glossographus prædicatores exponit, qui hæreticis resistere autoritate diuinæ scripturæ possint, qui etiam ait se credere omnes tales præter pœnam constitutionis huius leges non audire, quòd ubi non distinxerit canonis conditor, multò minus interpretes debeat. Sed licet audire leges, ut ita melius intelligentur canones, ait altera glossa. in ca. Episcopus. Dist. 37. Atqui eadem leges absurdum esse putant & opprobrio clericis, si se velint ostendere forensium disceptationum esse peritos. C. de Episc. L. Repetita. & de Testament. L. Consulta diuina. Sed per me sanè ius utrunq; amplectatur, & ad hoc enim & illud mihi per eos obiter diuertere licet, modò nè diuinum, hoc est, biblicum, omittat, modò & fidei sermonem, quo addocendum instructi sint, hoc est, propheticum & Apostolicum amplectatur. Imò iurium (aiunt isti) bonus interpretes theologia non eget: Cur ita? Quòd in iure omnes disciplinæ includantur, *αὐτὸς ἰφ' α*, Accursius dixit, istorum scilicet, plusquam Pythagoras. in L. Iustitia. D. de Iustitia & Iure. Cùm Iurisprudencia sit diuinarum humanarumque rerum notitia, nunquid (ait) quicumque vult iuris prudens vel consultus esse, debet Theologiam legere? Minimè. nam omnia in corpore iuris inueniuntur. In cuius etiam multis titulis de diuinis traditur. Bellè scilicet, collectum. perinde quasi philosopho aut oratori reliquis artibus nihil opus esse inde cõ-

*Accursius iu-
ris studio seruū
Pythagoras.*

ficias, quod hic, authore Fabio lib. 1. cap. 16. efficiat orbem illum doctrinæ, quem Græci *ἐγκυκλοπαιδείαν* vocant. Illum de sua vi ac sapientia vnum omnia profiteri, disputer apud Tullium Antonius li. 1. de Oratore. Sed ut clericum leges non dedeçant, quàm lites cum minimè deçant, abundè diximus in clerico litigioso, Digest. lib. 2. cap. 8. ad 11. Redeamus ad Theologum clericum. Dum igitur omisso Theologiæ studio, canonicū & ciuile, hoc est, panem (quod aiunt) lucrandum, parui properamus & ampli, quid nobis accidit ex horum Paulini & Honoriani canonum neglectu ac desuetudine? Id nimirum quod hoc loco pergit admonere Hieronymus, Si Episcopi tantū vita sit sancta, sibi potest prodesse sic viuens. imò nec sic quidem sibi prodest, Hieronyme, cum alibi aias, Innocentem sanctamque rusticitatem, quantum vitæ merito ædificare ac prodesse, tantum silentio nocere ac destruere, ad Oceanum & ad Paulinum. Porro si doctrina fuerit & sermone eruditus, potest non solum se suosque instruere ac docere, sed & aduersarios repercutere, qui nisi refutati, facile queunt simplicium corda peruertere. Et vnde quæso, tanta tanquam vetus morū & dogmatū inter Christianos peruersio, nisi ex ignorantia omnium errorum & vitiorum matre? re vel omnium maximè per sacerdotes cuitanda. Distinctione 38. ca. 1. ex Toletan. 4. ca. 24. Sed vn- *Ministri ex-*
de tantum in Gallia nostra ministrorum qui se *traordinarij*

extraordinarios non diffitentur, examen & incrementum, nisi quod ordinarij, Episcopi utique & curiones, qui beneficiū, & proinde docendi in populo Dei officium susceperūt, non iuxta hūc diuinum & Apostolicum canonem, scripturas sanctas sacrosque canones, vel sciunt vel legunt, non eorum opus omne in prædicatione consistit & doctrina, non suos tam fidei scientia, quàm operum disciplina ædificant? Subintrāt ergò ministri noui, & vel cathedras in vicis præsertim desertas atque vacuas, quodam quasi iure occupantium conscendunt, vel absentibus vt plurimum pastoribus, vicarios imperitiores & planè mutos nacti, dum catechismum suum assiduè eandem velut incudem tundentes, inculcant, nemine contra quàm solitum erat dicentes redarguente, quid mirum si fidem olim iam persuasam dissuadentes, persuadent, euertunt, præualent? Necdum verò finis. Serpent enim omnino, & serpere non desinent, nisi ordinarij sibi tandem persuaferint, quod & hic Græci obseruant. Alias quæ hic in Episcopo requiruntur ab Apostolo virtutes, in aliis quidem quàm Episcopis inuentu fortè faciles, hospitalem vt puta esse, sanctum, iustum, sobrium, & id genus. qui autem Episcopum ad viuum exprimit, characterem, docēdi esse munus ac facultatem, nam nisi hoc possit ac præstet, omnia pereunt, pereunt inquam, greges cum pastoribus, nisi enim quis & suos confirmare atque consolari, & aduersus hostes dimi-

*Catechismi
hodie.*

*Character
Episcopi, docēdi
munus*

care, & ad Christi obedientiam intellectum omnem captiuare didicerit, nihil faciet eorum quæ conueniunt, pseudepiscopus est, ait hic Theophylactus, imò Paulus, imò per Paulum Dominus. Qui (inquit) ignorat rectam sanamque doctrinam, vt oportuerit, tradere, & aliter sentientes aut docentes confutare, procul ab Episcopali sede arceatur, Cuius rei nullam ferme tãdiu curam haberi, cum Chrysostomo & videmus & ingemiscimus. Et audit scilicet hæreticus, qui Episcopos nihil horum præstantes, ac nè præstare quidem potentes, Possiaci ad scholas non ita nuper amandabat, quasi verò non eodem tales vel inuitos amandent Concilia, sed ecquónam alio tales? ad ganeas, an ad disciplinas? Sed de necessaria, inexcusabili, indispensable pastoribus tum doctrina, tum etiã prædicatione, nos in Doctore Clerico. Digressionum lib. & cap. 2. hic tantum addimus, qui tum non occurrebat, Gregorij locum, cū Gratiano truncatim: citatum sub finem eiusdem Can. ex Pastoralis parte 2. cap. vlti. Cū spiritale aliquid pastor à subditis inquiritur, ignominiosum valde est, si tunc quærat discere, cū quæstionem debet enodare. quia nimirum necesse est, vt qui ad officium prædicationis excubant, à sacræ lectionis studio non recedant. Idè eiusdem libri cap. 4. & Epistola 24. Registri 1. citans hunc Pauli locum, & aliunde confirmas, Hinc per Prophetam Dominus admonet, Clama, ne cesses, quasi tuba exalta vocem tuam.

Præconis, ait, officium suscipit, quisquis ad sacerdotium ascendit, ut ante aduentum iudicis, qui terribiliter sequitur, clamando scilicet gradiatur, Sacerdos verò si prædicationis est nesci⁹, quam clamoris vocem daturus est præco mutus? hinc pastores primos in linguarum specie Spiritus sanctus insedit, quia nimirum quos repleuerit, de se protinus loquentes facit. Et homil. 11. super Ezechielem, O quàm liber à commissorum sibi sanguine fuerat prædicator egregius, qui dicebat, Mundus sum à sanguine omnium. Non enim subterfugi quominus annunciarè omne cōsiliū Dei, Act. 20. Si enim non annunciasset, mūdus à sanguine non esset: sed quibus omne cōsiliū Dei annunciare studuit, ab eorum sanguine mundus fuit. In qua voce nos sacerdotes conuenimur, cōstringimur, rei ostēdimur, qui super mala, quæ propria habemus, alienas quoque mortes addimus, qui tot occidimus, quot ad mortē ire quotidie tepidi & tacentes videmus. Tacentes se & alios vocat, in hoc opere cessantes, & minus quam conuenit, assiduos. Et de prædicandi debito, sic nunquam ita ab Episcopis soluendo, ut non eius semper debitor maneat. Augustinus, cū aliis ibi per nos loci indicatis, tum tractat. 18. in Io. Debitores (ait concionabūdos) sumus, non nunc, sed semper quandiu viuimus, quia propter vos viuimus. Viderunt hoc quorū tandemcunque cōsilio, Anno 1563. die 3. Ianuarij Legati Regis Galliarū Christianissimi Caroli

IX. qui hæc inter Ecclesiis reformandis necessaria postulauerunt, articulo. 5. Presbyteri, sacrisq; initiati, & cuiusvis Ecclesiæ ministerio addicti, in ea vocatione in qua à Domino vocati sunt, permaneant, nec in alio munere & officio, quàm quod Dei ministerium deceat, versentur. Iuxta hoc postulatū nullos habebit Gallia Episcopos vel Presbyteros, magistratus aulicos vel palatinos. 6. Nullus eligatur Episcopus, qui non & ætatis sit legitimæ, iisque moribus & doctrina præditus, ut & populum docere, & ei vitæ exemplar esse possit, & qui non sit satis iis omnibus instructus, quæ sufficiant ad Episcopi munus rite per se obeundū. Et quotusquisque nostratium Episcoporum, quorū nomine hæc postulata circumferuntur, Tridento redux suos per se docet, nisi fortè semel & iterum vulgò sese ex suggestu ostentare, est tenacem esse doctrinæ. 7. is quoque creetur plebanus, qui & probatæ vitæ sit, & populum in lege Dei instruere possit, Sacrificium rite celebrare, sacramenta, ut par est, administrare, & in illorum vsum & effectum, illos, quibus ea administrat, rectè docere. Sic fiet ut quod hic requirit Apostolus, pastores & gregem pascant, & lupos arceant. Sequitur in
textu.

*Sunt enim multi etiam inobedientes, Vanilo-
qui, & seductores, maximè qui de Circun-
cisione sunt, quos oportet redargui, qui vni-
uersas domos subuertunt, docentes quæ non
oportet turpis lucri gratia. Dixit quidam
ex illis proprius ipsorum propheta, Creten-
ses semper mendaces, malæ bestię, ventres
pigri. Testimonium hoc verum est.*

SUPERIORVM, vltimi præser-
tim dicti, Cur scilicet Episcopus in
promptu habere debet, vt quando
necesse sit, cōtradicientes conuincat,
rationem affert, ex parte tum falsorum docto-
rum, tum malorum auditorū, & illorum qui-
dem primū conditiones describit, postea
remedium indicat. Mores autem, siue chara-
cteres, quibus internoscantur, ostēdit, primū
ex numero, *Sunt enim multi*, q. d. Qui Ecclesiæ
futurus est princeps, docendi dedocendiq; ha-
beat facultatem cum vitę integritate sociatam,
nē opera absque sermone taceant, dicta factis
deficientibus erubescant, maximè cum sint nō
pauci, sed plures, latam viam quę ducit ad per-
ditionem, Mat. 7. ambulantes. imō stultorū in-
finitus est numerus, Eccle. 1. & Episcopis, imō
mandatis diuinis non acquiescentes, sed etiam
inobedientes, quæ est secunda nota, reliquorum
quæ sequuntur, malorum omniū radix, inobe-
dientiæ

*Characteres
falsorum do-
ctorum.*

*Opera ser-
moni iungē-
da.*

*Inobediētia
malum.*

dientia aduersus Deum & suos superiores vitium, ἀνυπότακτοι, Ambrosio, non obedientes, ἀνυπότακτοι Hieronymo, Hilario, & Augustino non subditi, vt paulò antè, filios nō subditos, & 1. Tim. 1. qui non curent illud, Nonnè subiecta est Deo anima mea? Psal. 61. Sonat autem, q. d. qui in ordinem cogi non possunt, intractabiles, refractarij, Regi, inquit, nolūt & subesse, sed præesse, & regere. Et futurū quidem Episcopum, vt aliquando doceat, prius oportet discere, Qui autē inobediens sit & immorigerus, doceri non sustinet, proinde nihil mirum, si sani nihil rectiusque is didicerit. Tales igitur nō Apostolica tātum doctrinæ non obtemperantes, sed & quia prius docentes quàm discentes, *vaniloqui*, ματαιολόγοι, non Theologi, à quo ματαιολογία, vaniloquium, 1. Tim. 1. quod est tertium horū signum cum sequenti. Inania friuolæque, & ad nullum profectum loquentes, vanas sectas prædicantes. Vani sunt omnes homines, in quibus non subest Dei scientia, Sap. 13. & quia qualia didicerunt, talia docent, *seductores*, vt simpliciter transtulit Latinus interpres, Hieronymus, mentium deceptores, φειναπαται, tum se, tum alios decipientes, alios à veritate in errorem post se trahentes, bonam mentium sementem de innata aut infusa Dei notitia, inani persuasione peruerterentes, & multiloquio corda simplicium perturbantes: Et quidem sine scripturarum autoritate garrulitas fidem nō haberet, nisi viderentur peruersam doctrinā etiā diuinis

Hilarium.

testimoniis roborare. Priusquã vltra pergam⁹,
 lubet huius & proximi antè loci cœptã ex Hila-
 rio expositionem prosequi, Pergit autè vbi su-
 prà, lib 8. de Trinit. sic, multi sunt, qui simulan-
 tes fidẽ, non subditi sunt fidei, sibi quẽ fidẽ ipsi
 potius constituunt, quàm accipiunt, sensu ina-
 nitatis humanæ inflati, dũ quæ volunt, sapiũt,
 & nolunt sapere quæ vera sunt, cùm sapientiæ
 veritas sit ea interdũ sapere quẽ nolis. Sequitur
 verò hanc voluntatis sapientiã sermo stultitiæ,
 quia necesse est quod stultè sapitur, stultè &
 prædicetur. Iam verò stulta prædicatio quantũ
 malum est audientiũ, cùm seducũtur in senten-
 tiam stultitiæ sub opinione sapientiæ? Et idcirco
 Apostolus hunc de his ordinem tenuit, dicens,
Sunt enim multi non subditi, vaniloqui, seductores,
 Cõtradicendũ itaque & impietati insolenti, &
 insolentiæ vaniloquæ, & vaniloquio seduceti,
 & cõtradicendũ per doctrinẽ sanitatẽ, per fidei
 veritatẽ, per verborũ synceritatẽ, vt & sanitas ve-
 ritatis sit, & veritas sanitatis. Ac mihi quidẽ (ait)
 & nunc cõmemorandẽ huius sententię Aposto-
 licę fuit causa, quia homines mète peruersi, &
 professione fallaces, & spe inanes, & sermone
 viperini, cõtradicendi nobis necessitatẽ impo-
 nũt, dũ lethales doctrinas, & morbias intelli-
 gẽtias, & corruptas volũtates, simplicitati audiẽ-
 tiũ per speciem religionis insinuant, hæc ille. Qui
 autẽ sunt, qui hãc artẽ & calliditatẽ auditores se-
 ducendi habẽt? *maximè qui de circũcisione sunt*, qui
 quart⁹ est horũ character, ex loco, vel poti⁹ gẽ-

te, Iudæi, vel magis Iudaizantes: Quibus cū Dñs *Iudaicis amb-*
gloriam inanē, Ioā. 5. & præsidiēdi ambitionē, *bitio.*
Mat. 23. exprobrasset, hūc morbū post susceptā
fidē adeo nō reliquerāt, vt suas potius traditio-
nes, quā Dei mādata loquerētur, in Christo re-
nati, neq; puri tamē Christiani, sub nomine Ie-
su Iudaicē docētes, partim legē, partim Euāge-
liū obseruātes, & obseruari volētes. Hi à Iudaif-
mo ad baptisimū veniētes, nascentē tūc tempo-
ris Christi ecclesiā subuertere nitebātur, carna-
les legis obseruātias nō deserentes, & pręcepta
legalia introducētes. De quib⁹ Paulus plenius,
ad Rom. gal. col. 2. Act. 15. Ad eos post ostēsam
episcopi formā, accusandos, orationē cōuertit,
& quod adulterina quēdā & corrupta dogmata
prędicarēt, euāgeliū adulterātes, & cauponātes,
2. cor. 2. 4. bono Christi vino insipidā tū Moſis
aquā admiscētes; Esa. 1. hoc his incōmodis re-
mediū arbitratur, vt nō tolerētur (inquiēs) quos
oportet redargui, *καταμίσγειν*, os ocludere, seu *καταμίσγειν*
obturare, Hieronymus, silentium indici, Au- *quid,*
gustinus contra Cresconium lib. 1. cap. 9. re-
pelli, vbi hinc etiam concludit non obedituris,
sed aliter & cōtrā sensuris & dicturis prędicā-
dum. Hic (ait) si flagitaris vt ostendā vbi Deus
mihi pręceperit id agere quod prohibes, memō
to Apostolicas Epistolas, non iis tantū scri-
ptas, quī quo illarū tēpore scribebātur, audiebāt, *Apostolicas*
sed etiā nobis, nō enim ob aliud in Ecclesia re- *Epistola en-*
citantur. Attēde ergo quod Titū, cūm explica- *scriptas.*
ret qualis esse Episcopus debeat, etiā perseuerā-

tē dixit esse oportere in doctrina, vt possit cō-
tradicientes redarguere. Oportere in doctrina
redargui refellique ab Episcopo vaniloquos,
indubitata præceptione firmavit. Vnde quod
mihi iussū esse cognosco, pro viribus ago, &c.
Talis ergò Ecclesiæ doctor, cui animæ populo-
rum creditæ sunt, scripturarum debet ratione
superare, & silentium eis testimoniorum pon-
dere imponere. Permittendi non sunt, sic enim
corrumperetur populus, & pastoribus imputa-
retur, Non ascendistis ex aduerso, neque vos
murum opposuistis, Ezech. 13. Argue, increpa,
insta opportunè importunè, 2. Tim. 4. Si per-
suadere nequiuieris, obiurgationum vi ac vehementia ora his obstruas, & nec loqui eos
permittas, reprime, suffrena. Et quid inde
lucri? corruptoribus quidem nihil, at aliis
alioqui corrumpendis. Hæc si non possis, ne sis
Episcopus, ait hic Theophylact⁹, nam qui alio-
rum curam & regimen habet, nec aduersarios
refutare nouit, animarū quæ pereunt, & dam-
norum quæ sequuntur, rationem reddet, Hebr.
13. quasi ad se ea attraxerint, per singulos facti
perditionis eorum autores, Nam si quidam ita
rectè monet, ne quæras fieri iudex, nisi valeas
iniustitiā tollere, virtute irrūpere iniquitates, in
iuriis tollēdis esse par. Longè profectò dignius
hoc loco quisque admonebitur, quod ibidem
Ecclī. 7. noli quærerere ab homine vel à domino
ducātū aut principatū, neque à rege cathedrā
honoris, sedē honorificā, noli, inquā, magister

¹ Vaniloqui
vt obstruen-
dum es.

aut Episcopus fieri, si eius rei virtutē à te alienā sentias, sed & si traharis, hinc resilire contende. En vt dominandi, & de quo sequitur, lucri amor, vbiq; causa sit, vt subiici nolint qui *universas domos subvertunt*, describit aduersantium peruersum studium, à damno quod inferunt, à *Pernicies à falsis doctaribus.* quæstu, quē concupiscunt, non vnā domū, aut paucas, sed totas cū dominis & familiis praua doctrina euertunt, vel euertere nituntur, quasi quidam diaboli vectes & dolabræ, Dei domos demoliūtur, Sicut Dominus dicit Iudæorum Scribis atq; Phariseis, Circuitis mare & aridā, vt faciatis vnū profelytū, Mat. 23. Et de similib⁹ Christianorū hypocritis noster alibi, penetrāt domos, vt seducāt, præcipuē mulieres, 2. Tim. 3. At catholica doctrinā publicē proponitur in Ecclesia. Sic noui Ministri, ex nō ita nuper clāculariis & cubicularibus, publici (si Deo placet) reformatores, & dogmatistæ facti sunt, luculēto sanē parēciarū, vtinā non etiā parēcianorū damno. Sequitur, *docentes quæ nō oportet*, vel credere vel docere, vt pote non sana, sed pestifera, vana, & inutilia, superflua Mosis legalia, per *Iudaica doctrina.* Christi nēpe mortē mortua, & post Euangelij promulgationē mortifera. Deciborū Iudaicorū differentiis, Sabbati iam aboliti otio, circumcissionis iuiuria, per quā qui aliū volūt acquirere, concisio (ait noster Phil. 3.) sunt, nō circumcisio, canes mali operarij, fiduciā in carne habētes, & gloriā in confusione, id est, in pudendis circūcisis, quorū quæstus Deus, & aurū idolū, vt se-

quitur, *turpis lucri gratia*, Sic dupliciter peccabāt, & in doctrinę subltātia, & in intētionē docēdi, sub Dei nomine docentes, sed magis vt Iudæis placerēt, hęc agētes, à quibus sumptū sperabāt, vt pecuniā lucri facerent & pręputiū. Hi erant eorū quęstus, vt ad Gal. 6. Quicūque volūt placere in carne, hi cogunt vos circuncidi. Et vanę ergō glorię, & turpis lucri, nō fideiū deuotionis captatores erāt, sub cōsulendi specię, agētes negotiū decipiēdi. Hoc ipsum fidei zelo si facerēt, aliqua ex parte ignosci posset, zelū, inquit, Dei quidem habēt, licet nō secundum sciētiā, Rom. 10. sed ventris gratia volunt facere proprios discipulos, vt quasi magistri à sēctatorib⁹ suis alantur. Sed & aliter interpretatur Hieronymus turpe lucrū, vt putet Apostolū cōmuni verbo vsum, quo solent hęretici, cū peruersa docent, se hominū asserere lucratores, cū lucrū non sit, sed perditio, animas interficere deceptorū. Contrā, qui errantē fratrem corripuerit, si is fuerit cōuersus, lucratus est eū, Mat. 18.

Turpe lucrū

Lucrum honestū.

Quod enim melius lucrū, quid pretiosius, quā animam humanā lucrari? Omnis ergō Ecclesię doctor, qui ad fidem Christi ratione persuadet: Omnis hęreticus, qui pręstigiis quibuscūq; homines fallit, & fallitur, turpis lucri gratia. Obseruādum veteres à turpi lucro sic abhorruisse, vt negotiationem publicē pœnitētib⁹ vix permisserint, nedum clericis. De quo extat de Pœnit. Dist. 5. ca. Qualitas lucri negotiantē aut excusat, aut arguit, quia est quęstus & honestus &

Negotiatio quā periculosa.

turpis. Pœnitenti autē vtilius, etiam dispendia pati, quàm periculis negotiationis obstringi: quia difficile est inter eimentis vendentisq̃ue commercium non interuenire peccatum, ex Leonis 1. Epist. 92. ad Rusticū Narbonē. ca. 9. De sordidis notū est illud Tullij, nihil proficiūt, nisi admodum mentiantur. 1. officio. &c.

*Mētiri ferē
negotiationi
amatum.*

Nihil est quod nō suadeat hic affectus, Nota sunt illa Catonis, venter auribus caret, ex Plutarcho in Apophthegmatis, & de tuēda valetudine, ex Gellio, lib. cap. & Homeri Odyss. 7. 15. 17. 18. Venter interpellator molestus, & male suadus, Et Persij in proœmio, *Venter* *Magister artis, ingenisq̃ue largitor,
Vt si dolosi spes refulserit nummi,
Coruos poetas, & poetidas picas
Cantare credas Pegasæum melos.*

*Venter inter
pellator mo-
lestus.*

Et venter quidē prœcepta non audit, poscit, appellat, non est tamen molestus creditor, ait, Senec. Epist. 21. paruo dimittitur, si modo das illi quod debes, nō quod potes. Quod dum nec inter Christianos locū habet, mirū quā multis multa digna atq; indigna relatu venter cupidus & cupitus quæstus suasit, persuasit, & in Ecclesiæ medium inuexit. Non repetemus quæ olim in turpilucro clerico, & hic paulò antè in turpilucro Episcopo, ex Catholicis priscis & modernis excerpsumus, & reformāda submonuimus, non canones infinitos de gratuita sacrorum dispensatione, vt nihil huius ergo vel exigatur vel accipiat, vt nō vēdat vel pōtifex

manum quā imponit, vel minister vocē, seu lectionem euangelicā, quā inter ordinandos clericos legit, vel notarius calamū, aut Epistolam quam scribit, ex gestis Synodi, habitā à Gregorio 1. lib. 4. Indict. 13. Epist. 44. siue cap. 88. quod est primū caput famosi illius & grandis tituli de Simonia. Extra. nec tamen accipi prohibuit. Si quis ordinat⁹, nec ex placito, nec exactus, nec petitus, post acceptas chartas cuius ex clero gratiā tantū causā dare voluerit, quia dantis oblatio nullā culpæ maculā ingerit, quæ ex accipientis ambitu nō processit. Sed ex hac distinctione, quasi extorquere, nō accipere, vel potius arripere vetent veteres canones, primū eorū cepit rigor frigescere, extinctus autē propemodū est, dū super his Christi fideles ad cōsuetudinē remissi sunt, vt in cap. Ad Apostolicā, eodē titulo. simul & semel, quod aiunt, exactiones prauæ fieri prohibentur, & sacramēta liberè (glossa gratis) conferri iubētur, & piæ laudabilēq; consuetudines obseruari præcipiūtur, laicis, per loci episcopos veritate cognita, ad eas seruādas cōpellēdis. Atqui quod hæc decretalis piū vocat ex deuotione, & ex cōsuetudine laudabile, tot ibidē suprā decretales nō tātū exigī, sed accipi, vt simoniacū vetāt, & puniūt, quouis licet cōsuetudinis aut prælationis obtentu vel prætextu, quia diuturnitas tēporis peccata auget nō diminuit, ca. Nō satis. & seq. ca. Ea quæ. ca. Veniēs. ca. Sicut. ca. Intantū. Quāquā & ibi eleuaria, vina, & huiusmodi pretij modici muny

*Accipere ali
quid pro Ec-
clesiasticis
functionibus
an liceat.*

*Diuturnitas
tēporis pecca-
ta auget, nō
diminuit.*

scula, quę recipiētis voluntatē mouere, allicere, inclinare, multò minus peruertere soleant aut debeāt, sine pacto præsertim aut taxatione gratanter oblata, gratis accipi possint, & neque donantem, neque accipientem inquinent, ca. Et si. Ca. Dilectus. Aliud est si ex pacto, Ca. Veniēs. Ca. Ex tuæ. Tua nos, aut per exactionē, Ca. Audiuius. vbi exacta restitui, & quidem duplicata, iubentur, in eorum vtilitatem, in quorū soluta sint dispendium, fideliter conuertenda. Sed seruentur quidem laudabiles consuetudines, vt pia fidelium deuotione introductæ, cōpescanturque laici eas vel malitiosē, vel ex prauitatis hæreticæ fermēto infringere aut immutare nintententes. Seruetur inquam, hæc Innocētiana, sed erga pauperculos clericos & curiones, in quorū ea fauorem condita, quorum sacerdotiis bonorum temporalium nihil inest, vel certè minus quàm eis alendis satis sit, decimis præsertim & primitiis per canonicos atque monachos, animarum vt plurimum curam non habentes, potiori ex parte accisi. Cum enim iuxta prouerbiū, artem quæuis alat terra, & sua cuique ars pro viatico sit, ars artium, regimen animarum artificem suum nō aleret? his, his inquam, prosit ac succurrat quicquid in toto Iure, non tantum pontificio, sed & diuino traditur de victu ac vestitu pastoribus, sed pascentibus sufficiendo, Matt. Luc. 10. Rom. 15. 1. Cor. 9. Gal. 5. 1. Ti. 5. victitent spiritualibus popularium oblationibus, & id genus deuotionibus minores sacer

*Laudabiles
consuetudi-
nes quatenus
seruanda.*

Portio congrua & canonica.

Panceltij Aurelianēsis

dotes, sed ministrantes, quibus deficiunt temporalia, cuiusmodi plerunque plebani urbani, nihil nè decimarum quidem habentes, nam vicinis & paganis sua solet esse qualiscūque portio, quam congruam vocāt atque canonicam. ut nuper Panceltij Aurelianēsis de statu Ecclesiastico artic. 15. plebis arbitrio ministerij sacri mercedem relinquens, vetus quidem & summum ius sit, sed summa crux, utinam non iniuria: quanquam enim sequēs articulus iubet prælatos curatis vel beneficiorum vnitione, vel decimarum partitione, vel alio vndecūque sacro prouentu providere, sed prouisum prius oportuit, quàm Innocentianam hanc abolere, in tanto præsertim laicorum hodie frigore, odio, & fastidio. Verùm hic desidero maiorum, imò summorum sacerdotum, hoc est, episcoporum æquitatem, eorum præsertim, quibus cum affatim bonorū tēporalium sit, nihilo tamē minus has minutias spirituales pro vsitato more persequuntur, quàm parum decorē ipsi nouerint, aliquot interim Senatusconsultis ab iis sordibus & turpibus lucris coërciti. Et quæ fuit maiorū nostrorum, magnificorum certē heroum, Regum, & principum mens & intentio, cū episcopos baronum, comitum, ducū, aut aliàs dominorum temporalium nomine, dignitate, ac ditione aūgerent ac afficerent, quàm ut sic probè ditati, iuxta Christi verbum, quæ gratis acceperant, gratis darent? Matt. 10. Quā igitur cōtrā indecorē, turpiter, auarē, nè dicam iniquē &

*Episcoporum
reuerentia
olim.*

iniuste sese antea gerebant, ex eorū ipsorū ore, sese in Synodo, præside Spiritu sancto, reformantiū, testimoniū ac confessionē, & vt est in prouerbio, ex malis moribus bonā legē audiamus, Quoniam (aiunt) ab Ecclesiastico ordine omnis auaritiæ suspicio abesse debet, nihil pro collatione quorūvis ordinū, etiā clericalis tonsuræ, pro literis dimissoriis, aut testimonialib⁹, pro sigillo, aut alia quacūque de causa, etiā ipso oblatū, Episcopi, & alij ordinum collatores, aut eorū ministri, quouis prætextu accipiāt. Notarij in his tantū locis, in quibus non viget laudabilis consuetudo nihil accipiendi, & quibus nullū est cōstitutū pro exercēdo officio salariū, pro huiusmodi singulis literis decimā tantū vni⁹ aurei partē capere possint, sic vt ex eorū cōmodis nullū episcopis emolumētū directē vel indirectē proueniat. Tunc enim gratis operā suā eos præstare omnino teneri decernit Synod⁹, contrarias taxas, statuta, cōsuetudines, etiā immemorabiles quorūcūque locorum (quæ potius abusus & corruptelæ, simoniacæ prauitati fauentes nūcupari possunt) penitus cassando & interdicens. Qui secus fecerint, tam dantes quàm capientes, vltra diuinam ultionem, pœnas à Iute inflictas ipso facto incurrant. Canon est primus, Sessione quinta, de Reformatione, Tridenti sub Pio IIII. publicatus, Anno 1562. 16. Iulij, vt veterum ea de re instauratorius, sic vtinam executorius. De dispensationibus item vt necessariis, ita

*Notariorum
salarium.*

*Dispensatio-
num ratio.*

gratuitis, sic canit Sessione 9. Ca. 18. decreti super generali reformatione publicati. Sicut publicè expedit legis vinculum quandoque relaxare, vt plenius euenientibus casibus & necessitatibus pro communi vtilitate satisfiat, sic frequentius legem soluere, exemplòque potius, quàm certo personarum rerùmque delectu petentibus indulgere, nihil aliud est, quàm vnicuique ad leges transgrediendas aditum aperire. Sciant ergo vniuersi sacratissimos canones exactè ab omnibus, quo ad eius fieri poterit, indistinctè obseruandos. Quod si vrgens iustaque ratio, & maior quandoque vtilitas postulauerit cum aliquibus dispensandū, Id cognita causa, summæque maturitate, & Gratis, à quibuscūque, ad quos dispensatio pertinebit, erit prestandum, aliterque facta dispensatio, surreptitia censeatur.

*Turpilucro-
rum genus
aliud.*

Sequitur aliud turpilucrorum genus, quanto inferius, tanto sordidius. fuisse Augustinus suo iam tēpore multos hypocritas sub habitu monachorū, callidissimi hostis insidiis vsquequaque dispersos, circumeūtes prouincias, nulquā missos, fixos, stantes aut sedentes, autor est in libro de opere Monachorū, cap. 28. Quorum alij martyrum (si tamen martyrum) membra venditarent, alij alia facerent, omnes petentes, exigentes, aut sumptus lucrosæ egestatis, aut simulatæ pretium sanctitatis, cum interea vbicūque in malis suis deprehenderentur, vel quouomodo innotescerent, sub generali nomine

monachorum propositum bonū sanctūque blasphemaretur. Dei ergo zelo Dei vir monachos inflammat, ut istorum opera mala bonis operibus persequerentur, eis occasionem turpium nundinarum amputantes, quibus bonorū existimatio lædebatur, & infirmis offendiculum ponebatur, ostenderent hominibus se non otio facilem victum, sed per angustam & arctam propositi monastici viam, regnum Dei quærere. Eandem monachis in pseudomonachos, quæ Apostolo in pseudapostolos, esse ut occasionem amputent, his qui occasionem quærunt, 2. Cor. II. ut qui malorum putoribus præfocabantur, bono bonorum odore reficerentur: hos ita graphicè ab Augustino depictos vagos, peraces, otiosos, Isidorus de officiis Ecclesiasticis, lib. 2. cap. 15. quintum facit monachorum genus, & circuncelliones vocat, vanalem hypocrisim circunferentes, & gloriam ab hominibus captantes. Abusus mirū quàm peritax, & in fraudem promptus, cæca malitia, & vana cæcitas, ut de Offenis & Sampsaïs scripsit Epiphanius non dissimilibus erronibus, contra hæresim 9. & 53. qui miserandarum muliercularum Martyos & Marthana, quas duas venerantur, quod ex benedicto scilicet semine Elzai pseudoprophetae essent, quacūque cæ in publicum exirent, pedum puluerem, oris sputa & saliuam, reliquasque corporis sordes colligerēt cum turbis sequentibus, quibus vterentur in morborum medelis, in præseruatiuis & amu-

Circuncelliones, quintum monachorum genus. Martyos & Marthana mulieres imposturæ pseudoprophetarum subseruiantes.

Elzai pseudopropheta.

*Impostura
sub monacho-
rum specie
designata.*

letis, quorum tamen nihil efficerent. Hos stolidos præstigiatores à Iudæis profectos & oriundos ad Constantij Imperatoris, & suæque tempora peruenisse scriptor idem refert. Augustini discipulus Prosper de Dimidio temporis, cap. 6. de indicibus Antichristi signis agens, testatur partim ex visu, partim ex auditu, fuisse tum alibi terrarum; tum in Italiæ Campania non procul à Neapoli, qui sub specie monachorum infirmis curatione phantastica illuderent, oleo eos nescio cuius (ait) mortui linientes, & martyrum virtutem atque meritum assignantes, Sic ut sibi visum cæci, gressum claudi redditum existimarent. Sed discedentibus seductoribus, in quibus antea tenebantur, infirmis permanerent: proditi ergò seductores aliò fugerent, sed ab Ecclesia retracti tentique, & multa in animarum subuersionem promittere & illicita facere conuicti, coërcerentur, & à prouinciarum limitibus arcerentur. Quæ ex multis pauca Rhegiensis indicasse aiebat, ut posteri agnoscerent, qua cautela Deo iuuante, inimicū per diuersas terras perditionis socios quærentem valerent superare. Aliquantò post Gregorius I. scripsit, lib. 3. Epist. 3. Græcorū monachos Romam ventitantes, nocturno silentio, iuxta Ecclesiam S. Pauli mortuorum corpora in campo iacentia effodisse, & ossa recondidisse, seruantes sibi dum recederent, deprehensos autem, detentos, & cur hoc facerent, diligenter discussos, confessos esse se ossa illa in Græciam

pro Sanctorum reliquiis portaturos, ac etiam,
 vt habet epistolæ summariū, vēdituros. Ser- *Reliquia sã-*
 psit iam cum apud nos istud impostorum ge- *storum sup-*
 nus, Nam Gregorius Turonensis Gregorio Pa- *posititia.*
 pæ contemporaneus, historiæ Francorum, lib. *Gregorius*
 9. cap. 6. testis est fuisse tunc seductorem val- *Turonensis.*
 de magnum, colobio indutum, amictum desu-
 per sindone, crucem ferentem, de qua depen-
 debāt ampullulæ oleum sanctum (vt dicebat)
 habentes, aiebat se de Hispaniis aduētare, cum *Impostura*
 reliquiis martyrum Vincentij & Felicis. Ve- *in signis nar-*
 spere Turonos veniens mandauit, reliquiis *ratio.*
 sanctis occurrere. Gregorius cœnans, quia
 hora iam præterierat, respondit vt beato-
 rum reliquiæ super altarium requiescerent,
 donec mane ad occursum earum procedere-
 tur. Is diluculo confurgens, non expecta-
 to cum suis Gregorio, aduenit cum cruce
 sua in huius cellulam, Rogatus quid sibi
 vellet, respondit superbus & inflata voce,
 Meliorem occursum nobis exhibere debue-
 ras. Hæc ego Regis Chilperici auribus in-
 geram, is vlscetur despectionem meam,
 & ingressus oratorium postposito Episcopo,
 capitellum vnum, alterum atque tertium
 dixit, orationem protulit & consumma-
 uit, eleuatæque iterum cruce abiit. Erat au-
 tem ei sermo rusticus, nec rationabilis, &
 linguæ latitudo turpis & obscœna. Venit
 Parisios, & Raguemodo Episcopo cum po-
 pulo suo publicis ante Domini ascensionem

*Malefica re-
cula.*

Rogationibus loca sancta circumeunte, eadem hic cum cruce sua aduentans, inusitatum populis indumentum exhibens, publicanis (*fortè paganis*) & rusticis mulieribus adiunctus, ut ita chorum suum faceret, cum sua multitudo circum ire tentat. Episcopus misso archidiacono dixit, Si reliquias sanctorum exhibes, pone paululū in Basilica, nobiscum celebra dies sanctos, decursa solennitate viam tuam profecturus: parui pendit hic, & episcopum conuitiis ac maledictis prosequens, seductor proditus, in cellula recluditur. Sacerdos cuncta quæ hic habebat, perscrutatus, inuenit sacculum magnum plenū radicibus diuersarum arborum. Ibi talpæ dentes, murium ossa, vngues & adipēs vrsinos, quibus maleficiis in flumen proiici iussis, cum ablata cruce termino Parisiacæ vrbis exclusit. Cū hic facta cruce altera, quæ gesserat, iterū exerceret, captus ab archidiacono, & catenis vinctus, custodiri iubetur: Erumpit miser de custodia, & cum quibus erat nexus, catenis ad Basilicam B. Iuliani martyris properans, in pavimento ruit, vino & sopore oppressus obdormiuit. Gregorius tum fortè Lutetiam veniens, ibi metatum habebat, ignarus facti media nocte ad cantandas Domino gratias surgēs, dormientem inuenit, sed tanto ab eo egrediente putore, ut cloacarum omnium ac secessuum fetorem vinceret, & præ quo Basilicam ingredi vix valerent. Accedens clericus clausis naribus excitare nititur, nec potest, ita miser ille vino maduerat.

duerat. Tunc clerici quatuor leuatum inter manus in angulum quendam proiecerant, paulo aqua abluto, & odoratis herbulis asperso, cantum expleuerunt, quibus tamen psallentibus excitari non potuit, donec reddito terris die, & sole altius ascendente, excitatus, sacerdoti redditur. Qui tunc Lutetiam conuenerant, episcopi, hæc in conuiuio (vt fit) narrantes, pro castigationis cum gratia adesse præcipiunt, astantem Amelius Berrethanæ (forte Biterrensis) urbis episcopus agnoscens, suum esse famulum sibi perfugam elapsam, sic excusatum, receptumque reduxit in patriam. Multi, ait huius historiae scriptor, sunt, qui has seductiones exercent, populum rusticum in errorem mittere non desistunt, De quibus, opinor, in Euangelio Dominus dixit, surrecturos in nouissimis temporibus pseudochristos & pseudoprophetas, qui dantes signa & prodigia, etiam electos in errorem inducant, Matt. 24. Marc. 13. Bella scilicet & iucunda historia, si auditu pulchrum iucundumve foret, plerum iam tum talibus impostoribus orbem fuisse, Contra quos aliquanto antè legem tulerant Impp. Honorius & Theodosius Augg. C. de Sacrosanctis Ecclesiis, L. Nemo martyres distrahat, nemo mercetur. Sed cum neque deessent, neque desisteret mercatores huiusmodi, quin Sanctorum reliquias passim ostentarent, & vanales exponerent, & ex eo religioni Christianæ sapius detraheretur, contra eorum commercium,

*Vinolenti m. d.
gi sopor gra-
uis.*

*Reliquia s. a.
florum vana-
les.*

*Eleemosyna
rū quæstores.*

*Hospitaliū
quæstores.*

Innocentius III. in Concilio Lateranensi, cap. 63. obuiam ire utcunque visus est, canone latone vanales exponerentur, neu prælati permetterent eos qui ad ecclesias venerationis ergo accederent, vanis figmētis, aut falsis decipi documentis, quod plerisque in locis fieri quæstus occasione consueuerat, Extra, lib. 3. titul. 45. cap. 2. Sed nè sic quidem hæ sordes cessauerūt, exortis eleemosynarum quæstoribus, qui sese alios plerunque mentiendo, abusiones in sua prædicatione proponerent, hos eadem Synodus capite seq. siue 64. admitti prohibuit sine literis Apostolicis, vel diæcesanorum, formula præscripta, iuxta quam episcopi literas suas moderarentur, quæstores autem præter in eis contenta, populo nihil proponerent. Extat de Pœnit. & Remiss. ca. Cum ex eo. Extra. permit tit autem vt ij Christianos ad quos ventitarint, moneant & exhortentur in Domino, vt de bonis à Deo sibi collatis pias eleemosynas, & grata charitatis subsidia erogarent, vt per eorum subuentionem, aliorum inopiæ cōsulatur, quibus ad sustentationem fratrum & egenorum ad hoc vel illud hospitale confluentium, propriæ non suppeterent facultates. Iussi interim qui ad quærendas eleemosynas destinarentur, modesti esse, discreti, non in tabernis, aut locis aliis incongruis hospitari, non inutiles aut sumptuosas expensas facere, omnium minimè falsæ religionis habitum gestare. Sed ne sic quidem ij prædicare & nugas prædicare desie-

runt, vt constat ex Bonifaciana, de hæreticis, *Prædicato-
res quæstio-*
 Cap. Vt officium. §. compescendi prædicator-
 res quæstuarij à prædicationis officio, quod ad
 eos nullo modo pertinet, quorum tatum inter-
 est charitatiuæ subsidia supplices petere. Suc-
 cesserunt hospitalium quæstoribus fabricarum *Quæstores
fabricarum ec-
clesiasticarum*
 ecclesiasticarum quæstores, qui quàm priuile-
 giati fuerint, liquere potest ex altera Boni-
 faciana, sub tit. de Pœnit. & Remiss. ca. 1. quæ-
 storibus fabricæ Rhemēsis ecclesiæ. Rhemen-
 sis archiepiscopus, aut eius officiales citadi suf-
 fraganeorum subditos, quos quæstores sibi
 resistere aut parere nolle dixerint, vt super hoc
 coram ipsis compareant, potestatem nequa-
 quam tribuant, sed super benigna eorum re-
 ceptione, & subuentione fabricæ faciendæ, pos-
 sint eosdem Christi fideles Rhemēsis prouin-
 ciæ charitatiuè monere. Pergunt igitur hi mo-
 re suo abusiones prædicando proponere, sim-
 plices decipere, aurum ab eis subtili vel fallaci
 magis ingenio extorquere, cum animarum pe-
 riculo, & multorum scandalo, quibus viâ præ-
 cludere cupiens Clemens v. in Concilio Vien-
 nensi, Innocentianam repetiuit, & iuxta Late-
 ranense statutum, quæstores nisi literis Apo-
 stolicis, vel diocæsani literis exhibitis, quomo-
 dolibet admitti vetuit, nec in populo prædica-
 re permisit, iuxta Bonifacianam, aut aliud
 quàm quod in eorum literis, diligenter nè quid
 fraudis committatur, examinandis, continebi-
 tur, exponere, in Clementina Abusionibus,

*Abusus eccle-
siasticorum.*

sub eodem titulo, vbi emineat abusus octo ra-
 lium errorum non sine multa temeritatis au-
 dacia, & multiplici animarum deceptione, in-
 dulgentias populo motu proprio concedere,
 super votis dispensare, à periuriis, homicidiis,
 & aliis peccatis sibi confitentès absoluerè, ma-
 lè ablata incerta: data sibi aliqua quantitate, re-
 mittere, tertiam aut quartam partem de iniun-
 ctis pœnitentiis relaxare, animas tres pluresvè
 parentum, aut eis qui eleemosynas illis confe-
 runt, amicorum de purgatorio extrahendas, &
 ad paradisi gaudia perducendas mendaciter as-
 serere, benefactoribus suis remissionem plena-
 riam indulgere, & à pœna (vti loquuntur) &
 culpa absoluerè. hæc & per quæ censura eccle-
 siastica vilesceat, & clauium autoritas in con-
 temptum duceretur, omnino ille abolitur, per
 quæstores fieri attentariuè inhiuit, omnia &
 singula priuilegia locis, ordinibus, vel personis
 quæstorum quomodocunque concessa (nè eo-
 rum prætextu sit eis materia talia præsumendi)
 penitus reuocauit, delinquentibus eis in poste-
 rum & abuti pergentibus per locorum episco-
 pos puniendis, vt à suis ausibus, qui vbique ni-
 mis excreuerant, pœnæ formidine compesce-
 rentur. Eorundè abusu admonuit *Opuscu-
 li tripertiti Conciliorum tomo secundo inserti*
autor part. 3. ca. 8. ita, Circa quæstuarios prædi-
 catores, qui totam ferè Dei ecclesiã vbique ter-
 rarum inficiunt, & sunt scandalo toti mundo,
 sunt tot reprehensibilia, vt non facilè dici pos-

*Quæstuarij
predicatores*

ſt. Sunt enim maxima ex parte perſonæ inhonestæ ac infames, corrumpunt prælatos, officiales, presbyteros, archipresbyteros ſuis adeò ſeruitiis, quòd dimittunt quæcunque volūt, facere & dicere. Breuia relinquunt in ſingulis paræciis tot indulgentias continentia, vt mirentur boni viri, illa de Papæ cōſcientia, aut etiam alicuius boni viri, poſſe procedere. Exponunt tamen ea ſimplicibus malo modo, acquirunt multa, multa perueniūt ad domos pro quibus fiunt, quia multa vltra modum conſumunt, vel modico pretio quæſtus emunt. Multis itē mēdaciis aſſueuerunt, de Reliquiis, Indulgentiis. Et quod malum ſupremum eſt, hæc & alia tam multa eorum mala iam ita in ludum & riſum verſa ſunt, vt vix aliquis ſuper his doleat Chriſti vicem. Admonuit & Petrus Aliacenſis libelli de Reformatione Eccleſiæ 4. cōſideratione, Prouidendum ſuper correctione quæſtuariorū prædicantium, tam religioſorum, quàm ſecularium, quòd mendaciis & immunditiis eccleſiā macularent, & ridiculam redderent, & prædicationis officium maximè honorandum, iam contemptibile efficerent, quod enim ob ſui reuerentiam ad prælatos pertinet, non eſſet tot & talibus villibus homunculis permittēdum. Eos Sūmiſta Sylueſter, Ceretanos, Fumus in armilla Zaratenos vocari produnt in vocabulo Quæſtuarij. At verò quā nec ſic cōpreſſi fuerūt improbi negotiatores, patet ex hodierni Schiſmatis initio & occaſione, de qua quoniam vix

*Petrus de
Aliaco.*

*Ceretani.
Zarateni.*

Stationarij.

*Sancti pecu-
liares morbis
curandis pro
positi.*

licet hiscere, dicam de his turpilucris (si fortè minus inuidiosum fuerit) grauamẽ Germanicum, quod est ordine septimum. Est (aiunt) aliud indulgentiis vendendis addictum hominum genus, Stationarios vulgò vocant, hi rusticorum simplicitate abutentes, dũ omnes vicos, villas, pagos, angiportus, castella & oppidula peragrant, prædicantes Diui cuiuspiã sanctimoniam, quãtum ad rem familiarem addat, si quotannis cum munusculo in horum errorum cõmodum cessuro, demulceas. Inscribũt item domibus Diui numen ac tutelam, promittentes ab hoc vel illo morbi genere immunem futurum, qui eis annuũ censum penderit. Omnia hæc sic excogitata, vt vulgus ad viuum exurgatur, Nam hoc negotium in tam innumera morborum genera diductum est, vt vix supersit morbus, cui nõ isti peculiarem sanctũ, quasi tabernæ proposuerint, eoque mali serpigo processit, vt pauperum sanguinẽ vorent & medullam, dum hi necessariis vnà cum liberis spoliãtur, illi in deliciis ac luxu plusquam Sybaritico degunt. Quæ res præsentem S.A. medicinã in primis postulat, quã interdicatur episcopis eorũque vicariis, nè pro functionis huius admissione quidpiam posthac pretij capiant, ne eã omnino tolerent amplius aut patiãtur. Hic vides nihil tot pontificum decretis profectũ, horum furunculorum episcopis, vel eorum certè vicariis, non solum consciis, sed etiam participibus cum tẽpore factis. Ad hæc Adrianus VI,

breui Apostolico per Laurétium Campegiū
 in Germania legatum iuxta superiora respon-
 dit, §. 16. nè quis quauis autoritate, & literarum
 occasione, vel ad prædicandum, vel ad colligē-
 das eleemosynas se ingerat, vtcunque se iactet
 indulgētiis abundare, nisi prius admissionis &
 approbationis literis ab eo prolati, astrictis
 ordinariis, vt tales admittant, qui probæ vitæ
 testimonium habeant, de prædicatione sua, dū
 opus erit, rationem reddere possint, eleemosy-
 nis piorūque oblationib⁹ ad luxū proprium
 non abufuri, Iurati se nec quorā nec totā col-
 ligendi facultatē certa pecuniæ summa pactos
 esse. Sed quod facili⁹ tutiūque foret, hos quæ-
 stuarios semel omnes submouere, quā ab eis
 impetrare, vt nec modum illis præscriptū præ-
 terirēt, nec superstitiones admiscerēt, hoc est,
 vt quod hic ait Apostolus, non totas domos e-
 uerterent, non docerent quæ non cōuenit, tur-
 pis lucri causa, agnouerūt ix. viri Paulo III. eos
 quod innumeris superstitionibus simplices im-
 plicarent, tollendos censentes. Sub hoc ergò
 Paulo Tridentinum Cōcilium Sessione 5. hos
 eleemosynarios quæstores, cuiuscunque condi-
 tionis existerēt, nullo modo nec per se, nec per
 aliū prædicare permisit, cōtrā facientes ab epi-
 scopis & locorū ordinariis, priuilegiis quibus-
 cūque nō obstatib⁹, opportunis remediis arcē-
 dos. Sed cū hoc hominū genus in iis quæ non
 oportet pro turpi lucro docendis sic indu-
 ruisset, vt frangi magis valeret quā corrigi,

*Quæstuarij
 prædicatores
 tollendi.*

eadem Synodus sub Pio IIII. Sessione 5. can. 9. decreti reformatorii, sic eos suppressit, Cùm multa à diuersis antè Cōciliis aduersus prauos quæstorum abusus remedia tunc adhibita, post reddita fuerint inutilia, potiùsque eorum malitia ita quotidie fideiũ scandalo & querela crescat, vt emédationis nulla spes amplius relictã sit, statuit vt posthac in quibuscũque Christianæ religionis locis eorum nomen & vsus penitus aboleatur, nec ad officium huiusmodi admittatur, non obstantibus privilegiis, ecclesiis, monasteriis, hospitalibus, piis locis, & quibuscumque cuiuscunque gradus, status, & dignitatis personis concessis, aut consuetudinibus immemorabilibus, Indulgentiis, aut alijs gratiis spiritualibus, quibus non ideo Christi fideles priuari decet, deinceps per locorum ordinarios, adhibitis duobus de capitulo, tempore debito populo publicandis, & eleemosynis oblatisque charitatis subsidiis, nulla prorsus mercede accepta, fideliter colligendis, vt hos tandem celestes thesauros ad pietatem, non quæstum, exerceri omnes verè intelligant. Et hic vtinam turpilucricupidorũ finis, & valeat apud nos quod de nostra Massilia testatur Valeri⁹ Max. de Institutis antiquis, omnibus qui per aliquam religionis simulationem alimenta inertix quærent, clausas ea portas habebat, mendacem nimirum & fucosam superstitionem submouendam esse bene arbitrata.

Massilia fucosam omnẽ superstitionẽ portis suis excluderat.

Declarat autem Paulus præcedēs propositũ

per sequens dictū cuiusdam doctoris eius gentis, quod ab aliis ad alios refertur. Aquinas vult eo describi auditores, qui Cretenses erant, ad quos scribit, q.d. Et tales quidem sunt doctores & seductores, sed & discipuli seu auditores sunt similiter seducibiles, iuxta testimonium cuiusdam eorum poetæ: Tales inquam, sunt, quales à suis scriptoribus audiunt. Ergò *dixit quidam ex illis proprius ipsorum propheta*, Verè igitur tales sunt. Qui eos propius nouerat, eorūque vitia subtiliter considerauerat, & si non absolutè, nec verè loquens spiritu Diuino, Dei propheta, sed humano, eorum naturalis & vernaculus propheta tales esse dixit, quia eorum bene naturā aperuit, & mores descripsit, sicut expertus fuerat viuens inter eos, Sic Hieronymi & Primasij Scholia, & cum glossa interlinari Bruno, Lyra: quibuscum exponit Theodoretus, Paulum postquam dixit de iis, qui ei contraria docebant, seu contradicebant, eos quoque qui decipiebātur, increpare. Erant autem ij gentiles, non Iudæi, quod apertè docet qui subiūgitur versiculus, aliis, quātum ad textum sermonis & ad continentiam loci pertinet, quod sequitur, videtur ad eos referri, de quibus suprà loquebatur, maximè qui de Circumcisione sunt, quos oportet refrenari, &c. vt sequatur, *dixit quidam illorum propheta*, quia verò in nullo prophetarum apud Iudæos vaticinatorum sequens hexameter reperitur, Hieronymo dupliciter legendum videtur, vt hoc, *dixit qui-*

dam, cum superioribus copuletur, huius rei gratia relinquitte Crete, & sequatur, dixit quidam illorum, id est, Cretensium propheta. Sed quia propter tam multa in medio, hoc uti absurdum nemo fortè recipiat, ideo vicinioribus aliter aptandum, ut legamus, Sunt multi vaniloqui, &c. quos refrenari conuenit, &c. & id quod ait, dixit quidam ex illis, &c. non specialiter ad Iudæos, sed ad multos illos vaniloquos referatur & deceptores. qui utique quia in Creta erant, Cretenses fuisse credendi sunt. Sed antequam versum attingamus, de versificè nō vsquequaquē constat. Vnus Ambrosius sentit quendam ex Cretensibus per Dominicam disciplinam melioratū, quid sentiendum esset de Cretensibus indoctis expressisse. August. li. 2. contra aduersarium legis & prophetarum cap. 4. non miratur hominem ineruditum hoc de prophetis Iudæorum dictum existimauisse, ignorantem dictum de (vel potius à) quodam Epiménide Cretensi, in cuius libris hoc inuenitur, qui homo inter Dei prophetas non inuenitur, nec ad illa Dei eloquia pertinet, quæ Iudæis dicit credita, Rom. 3. 9. qui non mentitur. Ideo non commemorauit Apostolus nomen eius, sicut aliquando solet commemorare Dei Prophetas, Dauidem, Esaiam, Osee, vel tacitis eorum nominibus dicit, Sicut scriptū est, Et ea scriptura intelligitur, in qua est Dei autoritas, Aut euidenter Deū dicere asserit, cū aliquod de Dei vel lege vel prophetis testimoniū adhibet,

Scriptura
qua sit intel-
ligenda.

Quale illud. 1. Cor. 9. An propter nos Scriptura dicit? & 1. Tim. 5. dicit enim scriptura, ostēdens in ea Deum loqui. Vel illud, Gal. 3. prouidens scriptura, quia ex fide iustificat gentes Deus, prænunciavit Abrahæ dicens, Scripturā *Scriptura, pro Deo posita.* pro Deo posuit, quia Dei est, vel illud, non potest excidere verbum Dei, Rom. 9. In Isaac vocabitur tibi semen. vel illud de Helia, Sed quid dicit diuinum responsum? Rom. 11. his & huiusmodi attestationibus, Dei boni & veri scripturas Apostolica commendat autoritas. Vbi autem etiam aliquid de autoribus gentium dicit, *Dei propheta, qui.* non eos appellat Dei prophetas, nec illarum scripturarum Deum dicit, quamuis ibi aliqua vera reperiat, Sicut de isto Cretensi ait, proprius Cretensium, non Iudæorum propheta, quod utique ad hoc dictum est, ne Dei propheta putaretur. Hæc obiter ex Augustino, de Paulinis in sacram scripturam formulis. Sed siue Epimenidis Cretensis, siue Callimachi Cyrenæi carmen hoc sit, ut hîc Græci Latinique indicant, cum vterque poëta fuerit, cur hic propheta vocatur? Prophetam Paulus vocat poëtam, qui quasi futura præsenferit, ut notat Aquinas prophetam dici, cuius intellectus ad aliqua supra communem notitiam cognoscenda illuminatur, Item qui prophetias eodē quo spiritu traditæ sunt, exponit. Item qui propheticū aliquid profert, etiā si ex quodā interiori instinctu, præter mentem suā, ut Caiphæ per spiritū ad dicendū mor⁹, quod tū esset pōtifex, *Poeta, cur propheta vocetur. Prophetæ. Caiphæ cur prophetasset. dictus.*

*Propheta
ironice.*

*Epimenidis
liber de ora-
culis.*

prophetauit, Ioan. II. non secundum intentio-
nem suam. Qui etiam prophetandi apud eos
modus est, qui primum alicuius verbum pro
omine accipiunt. Vel per Ironiam, & illudens,
hieronymo interprete, prophetā vocauit, quòd
scilicet tales Christiani tales mereantur habere
prophetas, Quo modo Baalis, confusionis, &
offensionum, & quoscunque vitiosos prophe-
tas scriptura cominemat. Prophetæ autem
erāt, aut vocabantur potius, largè, ij præsertim,
qui sicut veri prophetæ vera interim dicerent.
Aut etiam verè, quia de oraculis atque respon-
sis scripserit, quæ futura prænuncient, & euen-
tura multò antè prædicent, Et is enim Epime-
nidis liber, vnde versus hic sumptus est, Oracu-
lorum titulo prænotatur, περί τῶν χρησµῶν, quem
quia videbatur diuinum aliquid repromittere,
Hieronymus arbitratur Paulum inspexisse, vt
videret quid Gentilium diuinitio polliceretur,
& in tempore abusum esse, Cretensium prima-
ti scribentem, vt falsos eorum doctores pro-
prio insulæ doctore conuinceret. Obseruat idē
eos qui putant versum hunc de Callimacho
sumptū, aliqua ex parte nō errare, siquidē in-
ter in Epimenide nō reperitur, Sed eius exor-
dio Callimachus in suo poëmate vsus est, siue
vulgare de Cretensium fallacia prouerbum,
siue furto alieni operis metrū retulerit. De au-
tore ergò satis, de occasione carminis mox vi-
dero. Est autem heroicum à Paulo citatum, &
ob id etiam quodammodo sanctificatū, tale,

Κεῖνται αὖτις ψῦσαι, κατὰ θυρίαν, γαστέρες ἀγροί.

Quem versum Hieronymus ad Esaiæ cap. 50. notat cum aliis à Paulo alibi citatis, & admonet si metrum atque mensuram in translatione non seruant, sciendum pedibus eos currere. Non placet per Fabrum huius versio,
Gnosius vsque loquax, mala bestia, viscera pigra.

Castalio sic reddidit,

Cres semper mendax, mala bestia, venter iners est.

Sumptum à Cretensium moribus, quos plurimis conuitiis incescit antiquitas. vno autè versiculo notantur de tribus, de corruptione nationalis, quòd mendaciis assueti, perdes omnes qui loquuntur mendaciū, Psal. 5. Sap. 1. Os quod mentitur, occidit animam, &c. *Cretenses semper mendaces*, tam multa vtrique mentientes, nec quomodo solet incurri mendacium, sed perpetuò, nunquam loquuntur, nisi etiā mentiantur, vt eorum vanitas in vulgi fabulā & multa prouerbia abierit, Cretensis Cretensem, conatur (supple) circumuenire, quoties improbus cum improbo, aut perfidus agit cum perfido. Cretensis cum Ægineta, in pariter improbos, & mutuis inter se fallaciis agentes, Et Æginetæ enim nihilo melius audierunt. Cretizare cum Cretensi, aduersus mendacem mendaciis vti. Quo Plutarchus vtitur in Lyfandro & Æmilio. & *ἄντιζεν*, pro mentiri, Suidas putat in eos quadrare, qui frustra mendaciis agunt aduersus artificem mentiendi, Sicut dicunt difficillimum apud fures furari, ita mēdaciis imponere

*Cretensium
mores viciosi*

*Ægineta
Cretensibus
nihilo me-
liores.
Cretizare.*

mendacibus, hæc ex Erasmi Chiliadibus. Extrat in vita Annibalis cum Cretenſibus Cretizantis dignum vtriſque exēplum. Et Plutar- chus ſcribit Philopœmenem in Creta non vt Pelopō- nensem aut Arcadem, nec ſimplici quodam & ingenuo bellandi ritu geſſiſſe, ſed Cretenſium mores induentem, illorum verſutias, fraudes, furta, & inſidioſas in eos artes vſurpantem, eos ad belli peritiam inani calliditate contendentes, puellōs demonſtrauiſſe. Vtitur & Polybius lib. 8. Acheus (inquiens) quæ fieri poterant, fecit, id verò ignorauit, Cretizandum eſſe, vt in prouerbio dicitur, cum Cretenſibus, quorū nihil non exploratum Bolis habebat. Eodem reſpiciens Ouidius, l. de Arte,

Nota cano, non hoc qua centum ſuſtinet vrbes,

Quamuis ſit mendax, Creta negare poteſt.

Et 3. Amorum, Elegia 9.

Cretes erunt teſtes, nec fingunt omnia Cretes.

Repetam breuiter ex Georgij Cedrini hiftoriarum compendio, non procul ab initio, Iouē in Italia mortuum, in Creta ſepultum. Ex Athenagoræ pro Chriſtianis legatione, prolixius,

Mendaces ſemper Cretes ſunt: atque ſepulcrum

Creta tuum oſtendit defuncti, Iuppiter, at tu,

Immortalis eras, es, eriſque per omnia ſæcla.

Tu verò, Callimache, genitum cum credas Iouem, non admittis ſepulcrum? Imò, cum veritatem ita te putes obumbraturum, ignorantibus, etiam vt mortuum eſſe non dubiè ſuſpicē-

tur, autor es. Tu cū vides antrum, Rheæ partum animo recolis: loculū verò cernens, mortem eius offuscas: nescis nimirū solum æternum esse Deū, qui & ingenuus est, &c. Sequitur in Paulo, *mala bestia*, *θηρία*, non simpliciter bestias, sed feras, ac veneno noxias significat. Indicat hos titulus Nicandri *θηριακά*, nec ouem rectè dixeris *θηρίον*, Malitia, inquit, pasci volebant, qui cū nihil profunt, nocere gestiūt. Lyra mordaces verbis, glossa interlinearis, sanguine sitientes, Bruno bestialiter viuētes, & quo modo malè meditantur, ita crudeliter operantes. Corruptionem irascibilis vult hic Aquinas, quia homo vt cum iuxta rationem operatur, animantium optimum est, sic cum declinat ad malitiam, pessimum: quòd si ob crudelitatem, nulla bestia tam crudelis, decies certè millies peior malus homo quàm mala bestia. Philosophus in Politicis lib. 1. cap. 2. Magnorum moralium lib. 2. nota 25. cap. 6. & in Socraticarū hecatonomiarum nota 30. Hinc illa homo homini Deus *δαίμωνιον*, homo homini lupo. Et scripturæ tam profanæ quàm sacræ, homines corū animalium nominibus plerunque efferunt, in quorū hi mores & affectus trāsierint. De quo campus vtique latior quàm pro Commentarij lege, vt ad Cretenses redeā, Horū olim rempublicā ab Ephoro, Xenophōte, Callisthene, Platone laudatā, & Lacedæmoniæ assimilatā, Polybi⁹ li. 6. improbat nō sine horū scriptorū suggestionē, Nō inueniet (ait) quispiā priuatos mores

Homomalus
decies millies
peior mala
bestia.

Cretensium
respublica.

*Polybij de
Cretensium
improbitate
testimonium*

subdolos, nec iniustiora pro portione studia, quàm Cretensium, demptis planè paucis. Regionem leges ipsis pro cuiusque viribus nullo sine possidendam permittere ferunt, vt sic inter eos inæqualitas & excellentia (æqualitati Spartanæ contraria) non necessaria modò, sed honestissima quoque putetur possessio. In vniuersum turpis lucris & auaritiæ studium vsque adèò locum apud eos obtinet, vt inter omnes mortales solis Cretensibus nullus quæstus turpis esse videatur, vt propter insitam eis auaritiæ, in publicis seditionibus, bellis, ac cædibus plurimum versentur. Proinde Rempublicam Creticam nec Laconicæ similem, nec aliàs electam esse aut æmulandam, Hæc Polybius. Paulus item de corruptione concupiscibilis dicit, *ventres pigri*, gulosi, ideòque tardi, & minus expediti. Qui enim vèrrem plus æquò plenum habent, luxu atque cibus oneratum, ad omne bonum segnes sunt, quietem, vel magis pigritiam amant. Anima (inquiunt) habes multa bona reposita in annos plurimos, quiesce, comed, bibe, epulare, Luc. 12. Ventres ergò vocat, ventri atque abdomini seruientes & deditos. Vitium ventris & gutturis, id est, gulositas, quã vocant, ait pro Cælio Tullius, item Lucilius, *Vinite lurcones, comedones, vinite ventres*. Plutarchus de discrimine adulatoris & amici, non minus in parasitum, quàm in Cancrũ conuenire putat hunc Iambum, *Est venter omne corpus, undique obtuens*

oculus,

*Gula tardi-
tas.*

*Ventres qui
dicantur.*

Oculus, suisque reptat bestia dentibus.

Pollux lib. 2. autor est, qui linguam habent venalem, loquentes quæ ventri cōducunt, comitorum salibus taxatos esse, dictos voce ridiculè composita, γλωγογόγοις, quales sunt mali aduocati, peiores cōcionatores, assentatores pessimi, quorum omnia quæstū sapiunt, de qualibus Ecclī. 37. Sodalis amico congaudet causā vētris, & Rom. 16. qui domino deo nō seruiūt, sed vētri suo, imò quorum & venter Deus est, Philp. 3. Alioqui nihil vetat bonos viros omne genus artiū lectores & professores, causidicos & Ecclesiastas, iuxta Sapientis paræmiam, de fructu oris quenque sui ventrem suum satiare, & proventu labiorum suorum saturari ac impleri, Prou. 18. At qui nō in disciplinæ beneuolentiæque participatū veniūt, sed vorandi modò vsum, Plutarchus Sympotiac. 3. ventri concænes, γαστρικὸν βίβινος, appellat, citante Cælio Rhodiginō li. 26. cap. 2. Aristoreles 3. Moraliū γαστριμαργός, appellari ostendit, homines qui præter modum ventrē cibo potūque expleant, quasi ventre insanos. Et certè eodem vbi paulò antè teste, homo siquidem fiat à legibus & iudiciis alienus, impurissimum & immanissimū sit animal, sine virtute, & cum ad alia, tum in venerea, libidines, & in gustus voluptates deterrimū. Sic cū alij, tum Berosi quod circūfertur fragmentū, testantur ob infandos venereorum congressus, & ferales cibationes, vteris (horrēdum dictū) matrum resectis ad scelestas

Berosi

Diluvij inundatio unde.

infantulorum epulas, ultore diluvio vniuersum orbem periisse, homo quippe totus caro erat, omnis autem caro corruperat viam suam, Gen. 6. Et Satanæ virtus in vmbilico vëtris, Iob 40.

Venter insatiabilis.

Cuius insatiabilitas passim notatur in scriptura, quasi venter nunquam satis pro sua libidine impleatur, aut etiã saturetur, Iob 20. Ezech. 7. Prou. 13. venter impiõrum insaturabilis, Eccl. 36. omnem escam manducabit venter, 15. aufer à me ventris concupiscentias, Luc. 21. attendite vobis nequando grauentur corda vestra crapula & ebrietate, quia esca ventri, & vëter escis, & hũc autem & illas Deus destruet, 1. Cor. 6. Sed est ad Cretenses redeundum, inter quorum antiquas à Minoë institutiones, commemorat in

Comestationes Cresenses.

Politicis phylosoph^o comestationes, li. 2. cap. 3. lib. 7. cap. 10. Cœlio li. 18. cap. 26. virorũ in Creta conuiuia dicta Andreia Syssitia, id est, viriles sodalitates, puerorum conuentus Agetas, id est greges. In Andriis infimæ sortis homines indiscriminatim cũ honestioris ampliorisque loci viris de publica alimonia parem consequabantur portionem, & indiscretè omnibus alimentis publicitus citra vllam exactionem suggerebantur: quanquã Athenæus li. 4. cap. 5. de Cretensium conuiujs, Lyctios ait singulos decimã fructuum & armentorum partem ad societatem & ciuitatis ingressum conferre, Reliqua ibi videntur. Cretensium alioqui victum fuisse tenuem, id est, *εὐτελὴ καὶ αὐτάρκην*, ex Plutarchi Lycurgo, vt quidam Epimenidis versiculũ

non illepidè ad syllogismum *ἔνδεκα*, id est, *Syllogismus*
 mentientē, quique seipsum refellat, reflectant, *mentiens*.
 Cretensis enim fuit Epimenides. Addit & de
 hac insula à veteribus iactatum, Quicquid vs-
 quam proueniat, id omniū optimè in Creta
 haberi. Fœdum autem & prorsus (vt ita dicam)
 ventrale, quod idem lib. 15. cap. 9. lege lata pas-
 sim illic permissam venerem masculam, nè su-
 perfluam parerent multitudinem, multa alio-
 qui ad cibi temperantiam, vt perutilem, sapien-
 ter atque studiosè constituta, an quodd Cretum
 nemo gustauit vnquam cubans? vt idem lib. 17.
 cap. 8. ex Tullio pro Murena, sed sedentes, vt
 Athenæus vbi paulò antè, & humi sedentes, vt
 vbi paulò post Strabo, villibus recti amiculis,
 iisdemque seu æstate, seu hyeme. Fœda autem
 ista nè quis fingi putet, probat ex Aristotele,
 cuius verba zelo Christianæ (opinor) religionis
 vetus interpres Latina facere neglexerat. Filio-
 rum enim multitudinē prohibebant, potestate
 viris facta, post susceptā æquo numero prolē.
 vxores abdicā di, alio vsu introducto. In quo ex
 sentētia D. Thomæ videtur Aristoteles de ma-
 riūm vsu intellexisse. nec vituperasse. Volatera.
 lib. 36. in Politic. Ex quibus etiam primū in
 Græcos irrepisse puerorū amorē testatur apud
 Athenæum li. 13. cap. 27. Timæus. quos quān-
 immeritò Strabo lib. 10. commendat, qui non *Strabonē it-*
 ignorauit eos puerorū non tantū amatōres, sed *simonē de*
 & raptōres, tā meritò in Moralibus Plutarchus *Cretensibus*.
 execratur. Nec tacer Strabo post ad deteriora

plurimum mutatam delapsamque Cretam, receptis qui maria popularentur piratis & latronibus, à Cilicibus primùm vastatā, dein à Romanis destructā. Locus autem à Cēlio supplementus extat in Politicis li. 2. cap. 8. vnde bona pars prædictorum de Cretensi Republica sumpta est, quam & ibi tradit Philosophus videri ad

*Creta totius
Græciæ prin-
cipis.*

principatum totius Græciæ natam factamque fuisse, vt pote in alto sitam, & cuncto mari imminentem, & omnibus quodammodo Græcis incumbentem, vt qui omnes mari ferè

*Cretensium
vitiis in
signia.*

adiacent. Sed de hoc plus satis. Redeamus ad Pauli de Cretensium vitiis interpretes. Triplex ergò malum in eis coarguitur, falsitas seu fallacitas, ferocia, ingluuies, & huic iuncta pigritudo, Quòd vani siue mendaces essent, & mendacium amantes, quòd mali & voratores noxij, quòd pariter otiosi vellent comedere, ideòque serias & otia libenter admitterent. Quorū postremum vitium nè fortè leue putemus, nèue otio exultemus, nimium vè gestiamus,

Otiij mala.

Orium Reges prius & beatas

Perdidit vrbes.

Sodoma exitium vnde,

ait Catulus. Sic Sodoma, quæ antequā euertetur, vniuersa irrigabatur, sicut paradysus Domini, Gene. 13. & filiabus eius, hoc est, toti pentapoli Syriæ (Sic vocatur Sap. 10. à quinque ciuitatibus, quib⁹ olim fuerat inclyta) exitio fuit cū saturitate, abundātia otij, Ezech. 16. Et multam malitiā docuit otiositas, Eccle. 33. Prou. 12. qui sectatur otium, stultissimus est. 28. replebitur

egestate. mulier è contrario cordata panē otio-
 fa nō comedit. 31. Cui dissimiles, hoc est, otio-
 sas non vult ali ab Ecclesia Paulus, 1. Tim. 5. sed
 omnibus edicit ac denuntiat, vt qui non labo-
 rat, nec manducet, vtque qui nihil agentes cu-
 riosè tamen agunt (præstaret autem vacantes
 esse, quàm ineptis implicari laboribus, ait ad
 Minutium Plinius) præcipit, vt cum quiete ope-
 rantes panē edant, 1. Thess. 4. 2. cap. 3. hoc est,
 iuxta primā primo homini siue legem, siue pœ-
 nam datam, in sudore vultus sui vescantur pane
 suo, Gene. 3. Galba parasitus dictitabat neminē
 otij sui rationē reddere cogēdum, at Cato me-
 lius, nō minus otij quàm negotij clarorum vi-
 rorum rationem extare oportere, nam & de
 omni verbo, nedum factō, otioso reddendam
 in die ludicij rationem dicit Dominus, Mat. 12.
 Oinnino reuocandæ aduersus otiosos leges, si
 non Draconis, qui otij damnatos capite mul-
 tauit, vt habet Plutarchus in Solone Cœlius li.
 10. cap. 6. li. 11. cap. 3. quod prius in more Ægy-
 ptiis fuisse autor est Diodorus, lib. 2. vt cogē-
 retur oēs scripta nomina sua. & quo simul exer-
 citio viuerēt, ad Præsides Regionū deferre, qua
 in re qui mentiretur, aut iniusto quæstu victi-
 raret, in mortis pœnā incidebat, Quā Amasix
 Regis legē facit Herodoti Euterpe. Sed vel Pisi-
 strati, qui, quod est in Euāgelio de otiosis in fo-
 ro diu stātibz ad vineā à patre familias ire ius-
 sis, Matth. 20. ciuibz otiantibus de suo boues
 & semina largiens, ad laborē eos amandabat,

*Laborandū
 vt manduce-
 mus.*

*Orij etiam
 reddenda 14.
 tio.*

vt habet *Æliani* variæ historiæ lib. 9. cap. 25. veritus ne otium insidias pareret, iuxta illud, vacât otio, ideôque clamant & vociferantur, *Exod.* 5. vel *Lacedæmoniorum* eodem autore li. 2. cap. 5. qui aded suis tempus in otio, vel ludicris consumere non permittebant, vt deambulationib⁹ eos vti pomeridianis vetuerint, tâquam ita genio potius indulgerent, quàm corpus exerceant, oportere verò *Lacedæmonios* exercitiis, non deambulationibus bonam valetudinē parare ac tueri. Vel *Sardoa* eidem li. 4. cap. 1. pœnas ignauix constituens, sic vt qui otiose viveret, eum rationem reddere oportebat, & vnde viueret ostendere. Institutum sanequàm illustre, quo peragebantur *ἀγῆας δῖαι*, id est, otij iudicia, quæ subirēt temerē ac citra vitæ propositū agētes, sic enim exprimebatur illis, vt vnde alerentur, magistratibus approbarent. *Cælius* lib. 19. cap. 26. Vel *Atheniensium*, apud quos, eodē autore lib. 10. cap. 3. & illa fuit *Arcopagitarum* functio, vt vnde quis se aleret, accuratē scrutātes, in desidia compertos nō citra multā transmitterent. Quam legē à *Solone*, cū ad *Ægyptios* penetrasset, *Athenas* traductam, autor est vbi antē, *Diodorus*. & *Plutarchus* eū de inertibus ac desidiolis supplicium eū sumpsisse. *Draconis* etiā lege mortem otij damnatis definitam. Vel maiorum nostratium priscorum *Gal-
lorum*, De quibus inter multa peculjaria, quæ huius tēpestatis hominib⁹ haud sanè respōdēt, *Strabo* li. 4. hoc etiam fuisse proprium asserij,

*Deambula-
tiones Lacedæmoniiis
prohibita.*

vt laboribus agitarentur, vt macilentis essent, ventresque minimè propenderent: quisquis autem iuuenis zonæ mensuram excederet, mul-
 tari. At nō ita nuper quidem apud nos Episco-
 pabatur magno omnium risu, sed maiore Chri-
 sti ludibrio, gurgēs & helluo nostratium quos
 hæc vidit ætas ventrosissimus, cui tamen plus
 obfuerit ductæ ab eo viduæ memoria, quàm
 prodigiosæ quanlibet.

Pinguis aquiliculus propenso sesquipede extans,
 cuique, quod de Demade olim dictum fuit, ni-
 hil vt immolatæ victimæ præter linguā & ven-
 trem. Sed ad Paulum tandem redeamus. *Testi-*
moniū hoc verū est, quod poëta de Cretensisibus
 testatus est, nè minus ei crederetur, quia gen-
 tili, id confirmat & commendat Apostolus, ta-
 les eos esse vt plurimum, licet nō omnes, qua-
 les esse testificatus est. In quorum eum causa
 prophetam appellat, quasi tam vera de his lo-
 cutum, quàm prophetam, falli autem prophetā
 impossibile est. Et hic certè nodus vindice di-
 gnus est, in quo enodando non parum negotij
 fuit vindicibus eius ac interpretibus. Crete, in-
 quit Mela li. 2. cap. 7. multis famigerata fabulis,
 tum statione ac morte, maximè tamē sepulcro
 Iouis ibi sepulti penè claro vestigio, cui nomē
 eius insculptū esse accolæ ostendūt. Varro quo-
 que Solino cap. 16. etiā suis tēporibus affirmat
 Iouis sepulcrum ibi visitatum, in oppido Gno-
 so, in quo sepulcro eius inscriptum est anti-
 quis literis Græcis, testante Ennio, ὁ θεὸς
 τῷ Ἰεῶνι. Iuppiter Saturni filius, trium quos

Ventris pro-
 brum.

Iuppiter in
 Crete sepul-
 crum.

Ioues tres.

Theologi Ioues enumerant, tertius Ciceroni, lib. 2. de natura Deorum: quæ non poetæ modò tradunt, sed & antiquarum rerum scriptores, adeò vera, vt Sibyllinis versibus confirmètur, Lactantio, lib. 1. cap. 11.

*Dæmones exanimæ, simulacra cadaveris instar,
Quæ Creta ostentat monumenta misella sepulchris.*

Et Lactantij præceptor Arnobius aduersus Gêtes lib. 4. Apud insulam Cretam Iouem sepulturæ mandatum esse nobis traditur, Theophilus ad Autolyicum quidem, ait, lib. 1. Iuppiter Saturni filius, Cretensium rex in Creta sepultus est. Reliqui Ioues, vt arbitror, nè sepultura quidem digni habiti. Quære (inquit ad Gentes Clemens Alexandrinus) tuum Iouem, nè scruteris cælum, sed terram. Narrabit tibi Cretensis, apud quem est sepultus, Cuius monumentum non paucis notum, in Creta insula, in monte Iasio usque huc ostèdi, hoc est, Suis quoque temporibus, testis fuit in Ancorato Epiphanius.

*Candiani ho-
dierni literas
non discunt.*

Hodiernos verò Candianos literas nò discere, ac proinde natos apud se Iouem, Saturnum, reliquosq; simplices antiquitatis tyrānos ignorare, testis est Petrus Martyr Mediolanensis, legationis Babylonice, lib. 2. Sed quid ad Paulū tā multa de Iouis sepulcro? Ea est versus à Paulo citati occasio, interpretibus hic Græcis & Latinis, & Clemēte vbi suprā, Epiphanio in Martionē, cōfutatione 13. Scholij in 1. ad Cor. Nec fraudabo laude sua Angelū Politianum in Miscellaneis cap. 35. Hic igitur tria Græci quærūt,

*Angeli Po-
litiani locut.*

Cúrnám Paulus ex Græcis testimonium protulerit? Quis hoc dixerit? Cur commendauerit quod non rectè dictum videri possit? Et ad primum quidem de profanis à Paulo citatis postremo loco respondebimus, De autore, quis aut cuius is fuerit, quod secūdo loco quæsitum est, satis antè multa, fuit is Epimenides perue-

*Epimenides
quis fuerit.*

tus Epiphanio philosophus, Mithræ siue solis apud Creten-
ses, ut prædixim⁹, extructum, inscriptum, & frequentatum, colique ab eis Iouem, ut mortaliū
quempiam, zelo accensus pro patrio Deo suo, hoc in eius gratiam carmen cecinit, Cuius integri prima pars est, Creten-
ses esse mendaces, Reliqua per auxesim addita sunt. Cretes ergo
tales atque tales tibi, ô Iuppiter, sepulcrū fabri-
cati sunt, atqui tu non es mortuus, sed semper
es, & in æternum viuis. Idem cū inscriptum re-
perisset apud Euhemerum in sacra historia Cal-
limachus, Iouē in Creta natum sepultūque,
idque pro confesso à Creten-
sibus habitum, testatūque in hymno ad Iouem ex Epimeni-
de idem cecinit, citantibus Epiphanio & Politi-
ano,

*Iuppiter im-
mortalis con-
tenditur.*

*Cres semper mendax, tibi Rex qui magne, sepulcrum
Exerxit, cum non sis mortuus ipse perennis.*

Quos imitatus Statius Thebaidos 1.

Mentitaque manes

Creta tuos. quasi non falsò tantum, sed sacrilegè gloriarentur de hoc Iouis apud se tumulo. hoc est carminis argumentum, hæc ratio & occasio. Quod ergò vltimò propositum est Paulum attestari verum hoc esse poëtæ de Creten sibus testimonium, mentitos esse Creteneses Iouem apud ipsos sepultum esse, ac proinde mortuum, Intuere quantum periculi. Si enim hoc verum est, periclitatur veritas, nā Iuppiter immortalis erit, Respondet Theodoretus, Apostolum non fabulas poëticas confirmare, sed Creten sium mentis inconstantiam arguere, Verisimile autem Iouem alibi mortuum, cõsueque temere illi sepulcrum extruxisse. Sed hoc non temere fictum testimonio non externorum tantum, sed & nostratium euicimus. Reliqui ergò Græci melius, Paulum non huc respicientem, verum esse hoc poëtæ carmen dixisse, sed quòd cùm in multis aliis multa mentiri Cretes soleant, meritò mendaces illos poëta dixerit, nec enim Paulus addidit, & multò minus approbavit, minimè verò sua autoritate confirmavit, quod apud poëtas illos sequitur, Iouem immortalem esse, non mortuum aut sepultum, aut de Iouis sepulcro mentitos esse Creteneses, sed ex generali testimonio coniciendum reliquit Creten sium multa de Ioue aliis, quos falsò Deos existimant, mentiendi consuetudinem. Eadem cum Græcis ita profe-

quitur Hieronymus , Reprehendunt quidam Apostolum, vt imprudēter lapsū, quōd dum falsos doctores arguit, versiculum comprobarit, qui Cretēses ideo fallaces dicat, quōd Iouis sepulcrum inane struxerint. Si enim poētæ eos arguunt, quōd diuina non sentiant, Iouem qui regnet in cælo, in sua insula sepultū fingentes , & poētas verum dixisse comprobatur Apostoli sententia, sequitur Iouem viuū esse, non mortuū. Imperitē igitur idololatrię destructor, dum aduersus peruersos doctores agit , deos quos impugnabat, asseruit. Quibus breuiter respondendum, vt in eo quod alibi alios citauit, non statim totā Menandri comœdiā, aut Arati librū probauisse, sed versiculorū opportunitate abuti, ita hic non totum opus, vel Epimenidis oracula, vel Callimachi hymnos vno versiculo confirmauisse, quasi verē dixerint Iouem Deum esse, & reliqua in carminibus horū cōtēta, sed ingēnita Cretēsibus vitia increpauit, & de proprio eorū autore cōfutauit, mētiedī in primis facilitate expressa , qua tamē quia fallaces sunt, nō statim verū nō aliquādo dixerūt: Nec enim Iuppiter idcirco De⁹ nō esset, si Cretēses vera loquerētur, sed vel illis tacētibus, qui mortu⁹ erat, Dei vocabulū nō haberet. Denique vt sciamus Apostolū nō fortuitō, & vt libet trāsitorie, sed cōsideratē, circūspectē, & omni se ex parte aduersus Cretenses protegētem, locutū, non ait totum carmen, vel vniuersum opus, de quo testimonium sumptum est, verum esse, sed

*Partē vnā
libri probās
non continuo
totum librū
probat.*

*Paul⁹ apost.
à calumnia
defensus.*

*Enochi liber
apocryphus.*

hoc tantum testimonium, hunc versiculū, quo mendaces pro mēdacitate, vt sic loquar, bestię pro crudelitate, vērres pro voracitate, pigri pro otiositate vocantur. Qui autem putant totum librum debere sequi eū qui libri parte vsus sit, videntur & apocryphum Enochi, de quo Iudas Apostolus in epistola testimonium posuit, inter Ecclesię scripturas recipere, aliāque multa, quę Paulus de Reconditis locutus est, hoc etiā argumento, quia apud Atheniēses dixit se Deū ignotum colere, Act. 17. quem illi in ara annotauerāt, dicemus eum & cętera quę ibi scripta erant, secutum esse, & quia cum Atheniēsis in cultura ignoti Dei ex parte consenserat, reliqua quę illi faciebant, hūc fecisse? Absit vt elegantiam Scholasticam in calumniam trahamus. Nemo tam sicuti⁹, parricida, venefic⁹, qui boni aliquid non aliquando fecerit, Ergo si vel vnum illius bonum vidēs probauero, & in cęteris quę mala fuerint, approbandi mihi incūbet necessitas? Si inimicus aduersum nos iurgetur & clamitet, nonne inter verba simultatis & rixę aliquid loquetur veritatis? quod & à nobis, aduersus quos loquitur, non vsquequaque reprehenditur.

Digressio tertia.

*Suzeniſque
nationis pro-
prietates.*

Hic obiter obseruandum ex Hieronymo ad Gal. 3. quo nos hinc remittit, vnāquaque pro uinciam suas habere proprietates, suisque vitiis denotari, Cretenses mēdaciloquos, stultos Galatas noster appellat, vanos Mauros, fero-

ces Dalmatas Latinus pulsat historicus, timidos Phrygas omnes poëta lacerant, Athenis expeditiora nasci ingenia Philosophi gloriantur, Immanes Barbaros, Græcos leues apud Cæsarem suggillat Tulli⁹ pro Flacco, Ingenita (inquit) leuitas, & erudita vanitas. Israëllem graui corde, & dura ceruice omnes scripturæ arguunt. Nec hoc dicimus (ait idem præfans in 2. librum ad eandem epistolam) quòd non vbi-que diuersa nascantur, sed quòd ex magna parte etiam cætera quæ non sunt similia, nuncupentur. Addit idem ad sua vsque tempora, proprietatum quibus vnquanquam regionem denotarat Apostolus, permansisse vestigia, Romanę plebis fidem, facilitatem, superbiam, Corinthi mulieres intecto capite, viros comam nutriendos, indifferenter vescentes in templis, inflatos sapiëntia seculari, hac ex parte (ait) vsque hodie permanere, dubitare nequit qui Achaiã viderit. Macedones in charitate laudat, in hospitalitate ac susceptione fratrum, sed reprehendit vt otiosos, alienum cibum expectantes, & per alienas domos huc & illuc discurrentes, & dum singulis placere desiderant, quid apud singulos agatur, enunciantes, & hæc non magis docentis officio, quàm gentis virtute vel vicio admonebat. Illud ergo inter Pauli laudes meritò eius laudator Chrysostomus non omisit, Homil. 5. Tantum cum virtutum tenorem seruauisse, etiam in alios quæ viderentur iniuriosa dicendo (& iniuriam enim fratri dicere, alio-

qui inter prohibita numeratur, Mat. 5.) sed hac specie, ita opportunè vsum & congruè, vt magis etiam quàm laudans placeret. Sic Galatas vocans insensatos, Gal. 3. Cretes pigros, & hinc prædicatur. Regulas enim nobis exemplo suo statuit, vt neglectores verbi diuini nequaquam cura leniore tractemus, sed sermone paulò rigidiorè percutiamus. Sed longius foret singularum gentium vel virtutes obseruare, vel errores aut vitia. Quæ tamè vitia ex loci natura, aut cæli climate gentibus sic innata sint, vt hæc habeant propria & penè perpetua, nobis hæc commentantibus indicauit in Genialibus Alexāder lib. 4. ca. 13. Ita prorsus, vt vbique aliàs volitaturi, rem (quod aiūt) factā, ac veluti præmā sū cibū habuerim⁹. Sicut ergo quædā regiones acuta & solertia gignūt ingenia, vt quibus est æt purus & tenuis, vt Athenis, aliæ retusa & hebetiora, vt quibus crassus & pinguis, vt Thebis, ita ex cæli rigore vel clemētia, ex syderū statu vel inflexu, virtutes vitiaque gētibus innasce, innata locorū incolas afficere, & corporibus animisque insidere. Itali nobilitate præstant, regali quadā magnificētia lauti & magni sunt, Campani natura superbi, ex agri bonitate, mitissimò cælo, affluenti rerum omniū copia, semper habiti. Argiui, Brutij more insito genti latrones, rapinis gaudent, Rhegini pauidi & formidolosi, Galli super insitam genti vanitatē, mobiles, stolidi, contentiosi, religioni tamè dediti, Hispani iactabundi, duri, parci, abactores

acerrimi, ad inedia laborésque ad mortē vſ-
que parati. Græci ingenioſi, facundi, ſed natio-
nis vitio leues, infideles, aſſētatores. Cappado-
ces, Cilices, Cretenſes ſuoſte ingenio fraudu-
lenti, mendaces, promiſſi fidē fallentes, & per-
iuri. Afri ſubdoli, mēdaces, ex vſu & cōmercio
frequenti mercatorum ad fallēdum ſolertes &
proni. Numidæ leuiſſimæ fidei ingenia, Chij
petulantiffimi, Galatæ miraces, Syri cupidi, a-
uari inquieti, nouarum rerū auidi. Alexandrini
deriſores & dicaces, Indi & Perſæ otioſi, liberi,
vt & Ætoli nullius imperio parentes, Lydī cor-
trā & Phryges Regibus ſeruiunt, negotiis in-
tenti & laborioſi. Emperitani imbelles & bar-
bari, Ætoli & Locrenſes fædifragi, Druidę reli-
gioſi, malefici, ſuperſtitioſi, Germani & Cim-
bri duri, laborioſi, latrociniis & rapinis dediti,
viribus ad impetum validis, ſed momento dila-
buntur. Corſi diri, inmanes, horridi, ore truci,
Scythæ rapidi, feroces, graſſantes, ſuis tamē cō-
tēti, nec alieni appetētes. Aſiani, Iones, Abyde-
ni, Medi, Arabes, Tarētini, Galatæ molles & ef-
fæminati, eneruatis animis, ad iertiā nequitiā-
q; parati, omnibꝰ imbuti delinimētis, in gymnæ-
ſiis illecebris & amoribꝰ ad extingūcūdū animi vi-
gorē exerciti. Siculi vaſtri, & ingenio mōſtrifico,
Aſti ſupra Byzantiū dolofi, Cumani in Ætolia
hebetes, inſulſi. Bæotiis & Thebanis plus viriū
quā ingenii, Syracuſani varię multipliciſq; na-
turæ, aut enim, vt & Atheniēſes, optimi, aut im-
probiſſimi. Hedui iracūdi, temerarij, turbulēti.

*Regionū di-
uersitas, di-
uerſa gignit
ingenia.*

Ligures duri, agrestes, fallaces, montani præsertim ex arido & aspero solo. Longa item obseruatione probatum, regiones cæli clemētia fertiles, homines plerunque sensu hebetes, & obtusa mente gignere, difficiles verò & steriles, singulari ingenio viros educere, ita siue parente natura, siue Deo comparante, vt vbi rerum vbertas & copia, ibi bonarum sæpe artium desint studia. Sensit tamē Aristoteles eos qui Scythiā versus loca deserta incolunt, animo abundare, ingenij non satis habere, at qui mitiorem plagam, ingenio & arte præstare. Nec omiserim quod Maximus Tyrius prodidit, Serm. 19. valere Crotoniatis palæstra & gymnico certamine, Lacedæmonios pedestri, Athenienses nauali, Sybaritas luxu, Thebanos tibiis, Iones choris & cantu, Cretenses venatu, iaculo, cursu. Serm. 7. 13. vbi addit Ægyptios & Assyrios humum colere & seruire, ac formidolosa esse mīcipia, Scythas ac Persas pugnare, liberos esse, ac regnare. Serm. 7. Bæotiæ vniuersæ vernaculam mensam tiliarum modulatione delectari. Athenienses eloquētiam, sic vt vix nihil aliud, exercere, Cretas in montanis itineribus institui, vt suprà, Thessalos equitandi habere peritiam, Cyreneos, agitare currus, Ætolos grassari, Acarnanas iaculari, Thraces in vtendis bene peltis operam ponere, nauigare Insulanos, & si nationum studia ad alias transtuleris, studia labefactaueris. Quid enim Mediterraneo cum nauibus, maritimo cum aratris, musices in-
perito

perto cum tibiis, montanis cum equis? quid plana incolentibus opus circis cursoriis? quid arcū grauis armatura, sagittarius scutum requirat? adeo gentes peculiaribus artibus gaudent, quæ vel vrentium quadrāt ingeniis, vel ab initio ingentæ sunt, aut amore ac studio acquisitæ. Ad notauit idem vulgaribus adagiis notari Medicam mollitiem, delicias Ionicas, Sicalas mēsas, saltationes Sybariticas, Corinthias meretrices, voluptates Assyrias & Syracusanas, Ser. 31. 33.

Artiū quoque disciplinas Menander dixit nationa *Artium discipli-*
 tiua consuetudine distingui nationibus variis, *plina ut di-*
 Mitylenæos cithara delectari, Thebanos tibia, *stinguuntur*
 Alexandrinos Geometria, Athenienses statua- *nationibus.*
 ria & pictura, Crotoniatas Medicina, Æginetas Athletica, quod proximè accedit ad id quod Eustathius prodidit, id forsan ab illis mutuatus, Bæotios palæstra valde probari, reliquæque corporis exercitiis, Lacedæmonios legib⁹, Athenienses nautica, Thessalos equestri, Cyrenæos ephectica sciētia, seu curribus, ut quidem citat Erasmus, in Bæotico ingenio, Cuius & hæc sunt in Chiliadum initio à gentibus sumpta, Pæno perfidior, Scythas asperior, Scythotauris inhospitalior, Cretensi mendacior, Parthis vanior, Thrucibus bibacior, Thessalo perfidior, Care vilior, Sybarita fastuosior, Milesiis effæminator, Arabe ditior, Arcade stolidior.

Quædam (ait Iulius firmicus citante Crinito, *Calvini in*
 lib. 1. cap. 6.) gentes sic à cælo formatæ sunt, ut *formandū*
 propria sint morum vnitare perspicuæ. Scythæ *gentibus.*

immuni feritatis crudelitate grassatur, Itali sunt
 regali semper nobilitate præfulgidi, Galli stolidi,
 auari Syri, acuti Siculi, Luxuriosi semper Asiatici,
 & voluptatibus occupati, Hispani elata iactantia
 animositate præpositi. Opinio non absimilis eorum,
 quos ubi paulò suprà Hieronymus, profundis se
 questionibus inferentes, quasi sub obtentu vitandæ
 hæreseos, quæ diuersas naturas infert, ait dicere,
 Tyrios & Sidonios Moabitas, Ammonitas, Idumæos,
 Babylonios, Ægyptios, omnesque gentes quæ in
 scripturis nominantur, habere quædam idiomata,
 & ex causis præcedentibus, ac operum pristinorum
 merito, nè iustitia Dei veniat in dubium, cum
 vnaquæque gens, vel bonum vel malum asseratur
 habere, quod alia non habeat. Nos istas altitudines
 relinquentes superiora sectemur, & ad Cretenses à
 Paulo regionis suæ proprietate pulsatos, ac de
 genuinis gentis vitiis notatos redeamus, Cornuto
 interim Florentino adeo nobis iniquo, cuius & illa
 sunt lib. 4. cap. 14. Gallos homines esse ingenio
 simplici atque barbaro, lib. 12. cap. 3. Gallicam insolentiam
 ridendo fidem frangere, victis illudere, lib. 8. ca.
 3. quorum commentarij aspiciendi sint, non probandi,
 non hic inquam, deest quod tum pro nobis respondeamus,
 tum in illos regeramus, sed præterquam quod aliud
 agimus, imò de peculiaribus gentium moribus & ingenijs
 non nisi obiter agimus, non magis velim exteros, quam
 nostrates, quod ait Vergilianus Æneas 2. Æneid.

Galorum ingenium.

ctimine ab vno omnes discere. Extât Forciang
quæstiones, quibus varia Italorum ingenia ex-
plicantur, si quis nosse volet.

Cretenses igitur vel tandem absoluamus:

Quæ olim Aëria & à cæli temperie Macare, si-
ue Macaronelos Martiano, lib. 6. in Thracia,
pòst Cureta, & per syncopen Creta dicta, ho-
die à Metropoli vocatur Candia, fortassis à cā-
dore, solis Sicilia & Sardinia in toto Mediter-
raneo minor, Cypro maior, ex vrbibus vel c.
vel xc. quarum circiter xl. Plinij ætas nouerat,
eidem enumeratas, Extant hodièque non pau-
cæ, quarum ad minimum decem suos præfules
habent Religione Romanos, cum populares
Græci sint, si me modò verè Bononiæ docue-
runt Græculi. Noxiis animalibus caret, serpen-
tibus, lupis, vulpibus, aliisque quadrupedibus,
atque noctuis, nec aliundè importata nutrit,
Æliano de animalib. lib. 5. cap. 2. hoc malū ha-
bet, si qua mulier dentibus aut vnguibus homi-
nem læserit, mori aiunt sauciatum. Variis post
heroïca secula tyrannis seruiit, qui optimū gē-
tis statum euerterunt, Barbari, Cilices, Alexan-
dri successores, donec victo Antiocho Roma-
ni eam Metello duce, inde Cretico dicto, deu-
cerunt. Ecclesias habuit celebres, ex episcopis
veteribus clarissimos in historia Eccle. Pinytū
gnosiū, & Philippū gortyneū. Collabente O-
rientis imperio ab Alexi concessam Bonifacio
Mōtisferratēsi, Veneri emptā anno 1194. ditio-
nīq; suæ adiectā iam plus ccc. annis possident.

*Macare &
Macarone-
fos olim, pao
lopost Cure-
ta & mox
Creta dicta.
Cretenses e-
pisc. decem.*

*Mulieres
Cretenses
quam noxia
dentibus &
unguibus.*

*Cretensium
euerfio.*

*Veneri Cre-
ta Dominis.*

*Maluaticū**vinum.**Vinum Cre-*
*ticum.**Vinū passū.**Cretica histo-**ria velut sup-**plementum.*

Hæc Volaterran. lib. 9. Vadianus in insulis Me-
diterraneis, Munsterus in Italia & Græcia. For-
tè ad eorum vètres pertinet vinum optimum,
quod & Maluasium vocant siue Maluaticum,
Munsterò à Malua in Chio insula monte, Sed
Rhodigino, lib. 13. cap. 11. lib. 28. cap. 39. Creti-
cum, aut aliò ex Creta aduectum, quod à vete-
ribus passum dici quidam opinantur. Meminit
& inter Græcorum vina laudatissima, Cretici
Ælian. in varia historia, lib. 12. cap. 31. Petrus
Martyr Anglerius vbi suprà, año circiter 1500.
scribebat non aliud eos quicquam scire aut cu-
rare, quàm vineas, greges, & armenta, ex quib⁹
vini & casei copiā immensam exhaustiant, quo-
rum prouentuum permutatione, cætera sibi iu-
cunda aut necessaria comparant. Sed quoniam
semel res Creticas tractare cœpimus, age, à su-
perioribus omissas suppleamus ex Zonara, &
secutis eum Rerum Constantinopolitanarum
Græcis historicis, nō ita nuper Latinis. Sub im-
perio Michaëlis Balbi Amorrhæi bellis civili-
bus occupato, Agareni Occidentales ex Hispa-
nia locorum angustiis coacti Cretam petierūt
& subegerunt, passo tunc martyrium Cyrillo
Gortynæ episcopo: Ab eo tempore Cretenses
in seruitutem redacti, & Agareni facti, vario e-
uentu à Romanis petiti sunt, victi modò & vi-
ctores, sub Michaële Theophili filio Cycladas
insulas & oram maritimam prædati, Basilium
Macedonem ceciderūt, Ægæi maris oram sub
eo populati, & Peloponnesum vexauerunt, ad

Cenchreę portum cremati tamen sunt & submerſi. Aduerſus eos infœliciter pugnauit Conſtantine Leonis filius, Fœlicius Roman' puer ſubactis eis, Candace Metropoli vaſtata, ducibus captis. Alexius Comnenus eandem inſulã ad Turcos deficientem Romano imperio recuperavit. Nicetas autor eſt, Balduini Flandri imperio Genuẽſes Piratas, homines alioqui abiectiſſimos, per mercaturę ſpeciem in Cretam traicientes, & inſulares hoſtiliter aggreſſos, totius inſulę fuiſſe potitos. Apud Gregorã, lib. 4. cap. vlt. ſub Palæologo Romani cum Cretenſibus dubio Marte pugnantes victi tandẽ ſunt. In fragmentis Pachymerij, lib. 9. Creta, ſub Andronico Palæologo ſeniore, venetę ditionis fit. Volaterrano vbi ſuprà, ſub Hérico duce rebellans per Andreã ducem anno 1343. ſub iugũ miſſa, pro qua motus varios inter Venetos & Genuenſes ſcribit Sabellicus Ennead. 9. lib. 5. 6. Rerum item Venetarum Decad. 1. lib. 9. 10. & Decad. 2. lib. 1. 4. Sed nã ſuper Cretenſibus priſcis & modernis nimio plus quàm pro theologo.

Super eſt poſtremum, primo tamẽ loco propoſitũ. Hęc ita ſanẽ ſint. Sed cur à Græcis producit teſtimonium? aut quis fideli teſtium infidelium ſiue profanorum uſus? quid opus? quod vè commodum? multum per omnem modum. Huius autẽ rationem Græci hęc reddũt, quod homines tum maximè reuincimus & pudefacimus, cùm nequitiz ipſorũ teſtibus propriis ac

*Teſtimonio
infidelis non
nunquam
tendũs fidelis.*

*Deus saepe
ministerio
maiorum usus.*

domesticis utimur, & accusatores constituimus qui apud reos fuerunt admirabiles, facit hoc & Deus, semper & ubique sese ad salutem nostram demittens & condescendens, Balaamum permittit verè, si non bene, dicere ac prophetare, Num. 22. 23. 24. Arcam ab alienigenis captam, captoribus maxima plaga percussis, reduci à bobus seu vaccis sinit, 1. Reg. 6. quod illorum arioli suggererant, & remittendam consuluerant, Sic eos suorum ore corripiens, & à consuetis sibi attrahens, Saulem per pythonissam, quod id genus mulierculis credulus erat, quæ se mala erant deprehensura, audire facit. 1. Reg. 28. 1. Paral. 10. Magos astronomiæ deditos, non angelis, non prophetis, non Apostoli aut Evangelistæ ministerio, sed proprio ac vernaculo illorum signo, stella nimirum, admonet, ducit, ac reducit, Matth. 2. Cum Iudæis contra perpetuò penè ex prophetis agit, nisi quod aliquoties velut exprobrat gentes, quod deos suos non mutet, Hier. 2. publicanos, qui se diligentes diligunt, ethnicos qui se salutantes resalutant, Matth. 5. peccatores denique, qui erga se beneficiis æqualia reddunt, Luc. 6. Quasi pater dignitatis suæ non habens rationem, cum nobis puerulis balbutit, nec diserta quadam locutione, alimenta, pocula, eduliaque appellat. Ita Paulus factus Iudæus, 1. Cor. 9. Iudæis nihil ex Euangelio loquitur, omnia prophetis testimoniis expedit. Quid ergo? num ex iisdem locis cum gentibus ageret? atqui non crederent, sed iis qui sine le-

*Deus cum Iu-
dæis sepe sem-
per ex pro-
phetis agit.*

*Paulus Iu-
dæis Iudæus.
cum gentili-
bus agit ex
ipsorum do-
ctoribus.*

ge erant, quasi sub lege nō esset, quòd iis fidem non haberent, qui fidei domestici erant, testes opponit proprios & domesticos, nec hoc tantum loco, sed & alibi nō semel. Ad Corinthios & ipsos græca facundia expolitos, de menādri comœdia versū sūpsit tragicū lambū, 1. cor. 15. *Colloquia mores praua corrumpunt bonos.* Cum Atheniēsisbus in Areopago ex Arato disserit, sumpto ex eius Phænomenis hemistichio, *Huius enim & genus sumus.* quod à poëta illatum est, cū paulò antèdixisset, *Iouis omnia plena.* De Ioue ab Arato dicta Paulus ad Deum retulit. Et Iustissimè quidē, Nam quæ Dei sunt propria, Ioui peruersè ascripta, Deo vero restituit, Dei enim nomen ipsius tantū est, falsò diis ac Idolis impostū. Hoc autē Paulū rarò facere cū Hieronymo notādū, id loci potius quā ostētationis opportunitate exigēte, in apū morē, quæ mella ex diuersis florib⁹ cōposita fauorū cellulis coaptare solēt. His (ait idē Esa. 50.) qui prophetarū fidē non recipiebāt, autorū suorū loquitur testimoniis. Hoc autem faciebat, quia acceperat linguā (vt ait propheta) eruditā, lxx. disciplinæ, vt sciret quando oportebat loqui verbum, cui addita est auris per gratiā atque disciplinam, quam per naturam non habebat. Vnde autore vbi suprà, in martionem Epiphanio, cōtra quosdam græcorum linguam ad fastū iactantes, & quòd Atticè, Æolicè, Doricè, Ionicè loquerētur, Corinthi turbas cientes agnoscit linguas donum esse spiritus, 1. Cor. 14. sed vel hoc magis quàm

Ioni ad scripta quæ Deo sunt deo ad benta.

Paulus lxx. disciplinam notat.

Paulus Hebraicum linguam a Gamalielē didicit.


Paulus Græca linguæ peritus.

Græcorū poetis aliquid veritatis inest.

iplos linguis loqui, quòd Hebræus ex Hebræis, Hebraicam diuersæ & locutionis, & cum sapientibus variegatam ad pedes Gamalielis didicisset, 2. Cor. 11. Phil. 3. Act. 22. Græcæ etiam appositis poetarum Græcorum testimoniis, peritiam se singularem ostendit habuisse, sed male se interpretando in Ecclesiæ aurem ad ædificationem, quàm sese per vtriusque linguæ, cuius gnarus esset, ostentare magis quàm ædificare. Nam & stilus indicat talem in disciplinis Græcis fuisse, cui non potuerint Stoici, Epicurei, reliquique Athenis philosophi resistere, Act. 17. Et huius exemplo Clemens 1. Stromatum fatetur in Græcorum poetis etiam aliquid inesse veritatis, nec erubescendum nos differētes ad eorum vtilitatem, quorum ipsi curā gesserimus, Græcis vti poematis. Quod & hic ex Glossa repetit Aquinas, licere sacro doctōri, ut & diuinæ licuisse autoritati, veritatis, vndecunque & ubicunque inuenerit, testimonium sumere, quod quidem necessarium fuerit, nec sic tamen omnia ibi scripta confirmantur, aut tota Gentilium doctrina probatur, Sed bonum, quod à quocūque dicitur, à Spiritu sancto est, eligitur, & malum respuitur, Esa. 7. Psal. 33. 1. Thess. 5. Sed de usu, & abusu, profectu, & periculo in Gentilium lectione, præfati sumus hoc quo hæc commentamur, Anno 1564. in sacras

Heroides, reliquum breui daturi, si per
Amannensem, qui mihi nunc
defuit, liceat.

Quam ob causam increpa illos durè, vt sani sint in fide, non intendentes Iudaicis fabulis, & mandatis hominum auersantium se à veritate. Omnia munda mundis, coinquinatis autem & infidelibus nihil est mundum, sed inquinata sunt eorum & mēs & conscientia. Confitentur se nosse Deum, factis autem negant, cum sint abominati, & incredibiles, & ad omne bonum opus reprobi.

 **R**ETENSIVM malos mores graphicè descripsit, sequitur remedium, nimirum reprehensio, & huius finis, in fide sanitas, & debitus ad eum finem perueniendi modus, cum Christianismo Iudaismum non confundere, *Quam ob causam*, quia tales sunt, & talibus assueti vitiis, quia docent quæ non oportet, falsa persuadent, ferarū ritu sanguinem sitiunt deceptorum, impudentes, fraudulentis, subdoli, ad confingenda mendacia, dolosque nectendos prompti, vètri præterea, & inertis otio dediti. *Increpa illos*, nō alienos utique, sed peculiariter tibi creditos Cretenses argue, redargue, velut flagello, camo, & freno indigentes constringe, Psal. 31. & 67. *Increpa feras arundinis*, nec verò molliter vt soles, sed *durè*, seuere, acriter, asperè, opus enim habet vehementi obiurgatione, siue verborum acri-

*Perversi ac
refractarij
duriter ar-
guendi: mi-
tes ac man-
suetileniter.*

*Increpationis
adhibenda
cautio.*

*Heli lenitas
reprehensa.*

Titus lenis.

monia, neque qui talibus moribus præditi sunt, & superstitiones malæque sua alia mordicus tenent, sub imperium faciliè rediguntur, apud eos nihil promoueret lenitas aut mansuetudo, qui mitem atque mansuetum acrius ferit, confundit, ita qui peruerso adulatur, aut eum blandius demulcet, corrumpit, ne se agnoscat, nec sic ad rectum aut meliorem frugem adducit. Discretim, variè, nec pari modo omnibus infligendum reprehensionis vulnus, est vbi altius & profundius infligendum, est vbi minus profundè, est vbi exerendum, & mitius agendum. Dura ergò corda penetret increpatio dura, cum austeritate nimirum, & pontificali imperio, non vt Heli propter familiæ iniquitatem damnatus, aut saltem reprehensus, 1. Reg. 2. quam corripiebat lenitate patris, non auctoritate pontificis. At Sapiens, Via, inquit, vitæ, increpatio, Prouer. 6. Committit hunc locum Theodoretus cum alio 2. Tim. 4. increpa cum omni patientia, & respondet, iis qui nondum crediderunt, placidè ac leniter tradendam esse doctrinam, eos autem qui credere profitentur, & quæ fidei repugnant committunt, medicamentis asperioribus curandos. Respondet & Thomas duplicem esse exhortationis huius rationem, nam siue hanc consideres ex eorum parte qui reprehenduntur, Cretenses vt duros & peruicaces, duriter fuisse reprehendendos, non etiam Ephesios, siue ex eorum parte qui reprehendebant, Titus lenis & mansuetus

inducitur quasi ad cōtrarium, arguere cum imperio, inftā cap. 2. Timotheus vir austerus & rigidus, ad patientiam. Sic antea locos illos composuit Gregorius locis ibi per nos indicatis, vbi de virga cum lenitate pastori in corrigendo grege coniungenda, plura. Extat Gregorij Nysseni oratio aduersus eos qui castigationes egreferunt, in qua inter alia sic distinguit inter Moisaicā & Euangelicā castigationē, vt inter verbera & verba, Illic plagarum (ait) decades quatuor permanent, Deut. 25. hīc non ita, siquidem omnium sermo est misericordia & virga, I. Cor. 4. adhortatio vel plaga, non enim tibi verbera inferimus, vt seruo, sed te castigamus, vt liberū: Tibi ex Sara genus, non ex Agar, Gal. 4. Reueremur te liberē filiū, non dedecoramus, vt ancillæ progeniem. Ob id peccantem te liberis increpationibus tangimus, non corpus pūgentes, sed animum cruciantes. Quod si ab hac re abstinemus, quo te pacto castigabimus? Docēdi ratio est tractatu difficilis ac varia, quę semorib⁹ vt sese offerūt, accōmodet. Est aliquis obediēs, & ad instituendū animo facilis: huic lenis & mitis sermo conuenit: alius durus & indocilis: verberibus eget. Quid igitur faciemus, cū virgæ non conceduntur? eūne nulla cura dignabimur? Non ita sanè, sed cum verbis ad aliā atque aliam formā rei subiectæ accommodam cōcinnatis traducem⁹, vtq; obsonia cōdimētōrū exiguo additamento ad cōtrarias qualitates permutantur, ex acri in dulce, ex dulci in acre,

*Tim ostia
austerus.*

conuerſa, ita ſermo noſter figurarum adiectione ad varios uſus transformandus, ut quod cuiuſque educationi cōgruit, intelligatur. Et paulò antè, Durum & contumacem Dauid emolliens, ait in camo & freno cōſtringendas illius maxillas, Pſal. 31. ueluti oleo adhortationibus mitigans, Incurua (inquit) ceruicem, præcepta ceu iugum ſubi. Quod durum eſt cōfringitur, quòd cedit atque flectitur, rectum efficitur, quod te etiam in plantis docet experientia, nè lupato dentibus compreſſo rapiaris in præcipitium, aut barathrum, ſed accommodata manui ſeſſoris ceruice, ad vitam, quæ te ſeruet, rectà ducaris: Cum increparis, dic animo religioſo, Bonum mihi quòd humiliaueris me, ut diſcam iuſtificationes tuas, Pſal. 118. Nè igitur in angulis de me obloquaris, aſperum nominàs dicendi genus, neu cum tuis participibus communes mei reprehentiones faciens, aſſideas, Epiſcopū cum uanitatſ conſeſſu iudicans. En Epiſcopalem, ut ſic loquar, duritiem, in uerbis tunc, non in uerberibus ſitam. Nam carceres, & huiuſmodi corporum coërcitiones, cum dominiſ temporalibus beneficio & deuotione principum acceſſiſſe puto. Grauiſſima tum erat Eccleſiæ pœna excommunicatio, de qua ibi multa Nyſſes. nec mortalis tamen, ſed medicinalis, ut colligitur ex ca. Corripientur, 23. q. 4. Omnis enim Eccleſiaſtica ſiue lenitatis, ſiue aſperitatis in Chriſtianos finis eſt, ut ſani ſint in fide, de qua fidei ſanitate in utraque ad

*Excommuni-
catio, grauiſ-
ſima Eccle-
ſia pœna.*

Timotheum, hoc item capite paulò antè, & sequenti: ad quam fidei similitudinem, doctrinæ sanitas appellatur, sunt & sermones sanitatis, & sana verba. Insistendum ergò præcipit in reprehensione illorum, ut conuerti possint, rectè credant, & in catholica fide perseuerèt, in fidei tanta puritate, quæ non infirmetur, aut vllò tabescat languore perfidiæ, ut nihil alienum, illegitimum, adulterinū, vel gentilitium, vel Iudaicum inducant, sed quæ iusta sunt, & legi Dei condigna sectentur. Vt homo sanus est, in quo non corruptio, sic in fide sanus, qui eam in nullo corruptam habet, ea vitatur per errores & hæreses. Timeo (aiebat) ne corrumpantur sensus vestri, & excidant à simplicitate quæ est in Christo, 2. Cor. 11. hoc autem verbo frequenter vitur Paulus, quo Græci significant, quicquid probandum, vnde illud *μὴδὲν ὑγιές*, nihil sanum, cū omnia displicent. Hic igitur [ut sani sint] nihil aliud, quàm ut rectè se gerant, ut è contrario *ροσείν*, ægrotare Græcis dicitur, qui non rectè est affectus. Modus autem perueniendi ad sanitatem fidei est, si vitemus errores Iudæorum, non attendentes fabulis Iudaicis, quas hoc loco Græci exponunt, non legem, sed legis peruersam & prauam, quæ afferebatur à Iudæis, interpretationem: Veteris enim legis, reliquæque totius scripturæ libri, qua ratione forent fabulosi, cū Euangelicam inde veritatem doceamur? & legem enim adimplere se dixit Dominus, non soluere, Matth. 5. Implere

*Sanitas fidei
& doctrina.*

*ροσείν qui
dicatur Gra
cis.*

*Fabula Iu
daica quæ in
telliguntur.*

*Legis imple-
tio per Chri-
stum, quæ in-
telligatur.*

autem tum modis aliis, tum à Scribis & Pha-
risæis perperam intellectam & expositam, be-
ne ibidem interpretando, & malè ab eis intel-
lectæ expositæque eos passim insimulando,
Mat. 15. 22. 23. Mar. 7. 12. Luc. 11. 20. Ioan. 5. 7. 8.
quòd legis externā modò, non etiā internā ob-
seruationē vrgerent, cū ea intus vel impleatur,
vel violetur: quòd legis minutias persequeren-
tur, & seria omitterent, quòd se à Mose, Davi-
de, reliquisque prophetis prænunciatum, præ-
sentem interficere quærerent. Iudaica item fa-
bulosa posse dici duplici ratione, & quia eum
etiam in suo vigore forent, futurorum vmbra,
& figura veritatis essent, non corpus, non veri-
tas, 1. Cor. 10. Gal. 4. ἀκρυβυσμένον, Col. 2. Hebr.
10. & quia intempestiuè fiūt, & ipsorum enim
tempus præterit. Et hoc ergò modo Iudaism⁹
non levis egritudo est, res inopportuna, intem-
pestiua, inuilis & noxia, Cuius ritus si fiunt,
cū faciendi non sūt, facti non sūt: iis se
subiicere, ad eos relabi, & legis se seruituti
atque iugo submittere, non est eius qui Chri-
sti fidem & gratiam credat ad iusticiam &
salutem valere ac sufficere, sed infirmi in fide,
Rom. 14. diffidentis & infidelis indicium, imò
certum argumentum. Consentiant & La-
tini, quòd nescientes vim scripturarum, &
interiora verborum legis, colorem sequun-
tur, non saporem. Ideo fabulas dicuntur nat-
rare, non veritatem, putantes nunquam reced-
dendum ab iis quæ Moses tradidit, iudiciis

*Iudaismus
levis aggraua-
do.*

*Mos addi-
li.*

& ceremoniis, de ciborum dierumque discrimine, de diuortiis, de domorum nedum hominum immunditia, cum sciant primores suos patriarchas sine his iustificatos, & Dei amicos appellatos, Et propheta contestetur quod quia legem Dei profanauerant, præcepta eos accepisse non bona, & in quibus iustificari non possent, Ezech. 20. Dominus ad duritiem cordis hæc partim scripta, Matth. 19. Marc. 10. Petrus iugum minoribus atque maioribus importabile, Act. 15. Nam si vtilia fuissent, cum lege tunc in tabulis data fuissent, sed quia post eam æditam, post tot signa & prodigia irreuerentes, diffidentes, & ceruicosi inuenti sunt, talia tantæque mandata acceperunt, in quibus non respirarent, hinc factum, ut & boni laborarent cum malis mercedem accepturi. Hæc ergo in vindictam data, & tempore, quo Dei donum promissum aduenit, per eius misericordiam relaxata, non intelligentes Iudæi, sub iugo permanent, & aliorum per Christum libertatem his volunt vinculis obligare. De talibus autem reducendis quæ ij docent, fabulæ sunt, non rei veritatem habent. Cum enim legalia Moſis per Christi mortem mortua sunt, quicquid post de necessaria eorum obseruatione dicitur, falsum & fabulosum. Si quis ergo post Christi aduentum conciditur, non circunciditur, Philip. 3. Roman. 2. quia circuncisio cordis in spiritu, non litera, Si quis pascha agit, non in azymis synceritatis & veritatis, 1. Cor. 5. ut

*Præcepta nō
bona vnde
dicta.*

*Legalium
abolitio.*

exterminet ex anima sua omne vetus fermentum malitiæ & nequitia, Iudaismo seruit, fabulas attendit, & umbras sequitur veritate neglecta. Multò magis si vel paulisper Iudeis acquiescamus, & sapientium apud eos patienter ineptias audiamus, tunc intelligemusque sunt Iudæorum fabulæ, nulla vel autoritate scripturæ, vel rationis assertione anilia & fabulosa fingentium, de quibus toties alibi Paulus, 1. Tim. 1. 4. 2. cap. 4. Et quibus locis cum quidam legis & prophetarum aduersarius, aduersus eos abuteretur, quasi Apostolus sua eos sententia condemnaret, Augustinus contra eundem blasphemum lib. 2. cap. 1. respondet Iudæos præter scripturas legitimas & propheticas, traditiones quasdam suas ab utrisque alienas habere non scriptas, sed memoriter retentas, & ab altero in alterum loquendo transfusas, quas ipsi *δευτερώσεις*, vocent, Apostolum fabulas aniles & profanas appellauisse catholicus lector intelligit. Idem serm. 20. in Psal. 118. quas *ἀπολογίαι*, alij fabulationes, alij delectationes verterunt, ad easdem Iudæorum *δευτερώσεις*, accommodat, continentes præter diuinarum scripturarum canonem milia fabularum, quasi in sermone cum quadam delectatione exercitationes, seu verbis delectabiles sed non ut lex tua Domine, ut in qua me veritas, non verba delectent. Ad has Iudæorum præter legis doctrinam narrationes, vel potius fabulationes, nè videretur Apostolus cum hæreticis vetus testamentum condemnasse, referendus

hic

*Traditiones
Iudæorum.*

hic cum similibus locus. Tale ferunt esse Talmut, tam Euangelio antèrius, quàm posterius. Addit Aquinas in lege duplicia fuisse documēta, fidei scilicet circa credenda, quādam circa Dei cultum seruanda religionis mandata, vtraque credibilia inquam, & agibilia, diuinitus quidem certè instituta, sed nunc prout à Iudæis intelliguntur, fabulosa, adèò vt quod olim fuit veritas, Verbi gratia, Virgo concipiet, sit prout ab eis hodie creditur, fabula, nimirum vt ab eis dicitur nondum hoc esse impletum. Prophetia ergò ab Esa. 7. prædicta, & à Matth. 1. citata, si vt adhuc implenda dicatur, est fabula. Quo etiā modo intelligas licet quod sequitur, *et mandata hominum*, quia mādata quæ in lege Dei sunt, facta Iudæis sunt, at Iudaizantibus post manifestatam veritatem, iam sunt hominum, non Dei mandata: Nam cum seruarentur in signū futuræ veritatis, Dei vtique mandata erant, postquam verò corpus nostrum legi mortuum est, Rom. 7. iis qui ea seruare volunt, fiunt hominū mādata. Et hæc enim quæ olim sub lege fieri Deus mādarat, vbi aduenit tempus gratiæ, eadem vt non fierent mandauit. Quod si etiam in lege nemo iustificatur apud Deum, quantò minus in mandatis hominū? quicquid enim aduersum veritatem opponitur, humana inuēctio est. Sic alibi Paulus monet, nè post legem māditorū (vtique legalium) in decretis (& ritibus, seu cēremoniis) sitam, à Christo euacuatam, Eph. 2. 4. postquā peruenimus in vnitatē fidei,

Talmut
Iudæorum.

Hominū mā
data quæ sine

in agnitionem filij Dei, in virum perfectū, in Christi mensuram & plenitudinē, iam nē fluctuemus vt paruuli, neu circumferamur omni vento doctrinæ in nequitia hominum, in astutia ad circumuentionem erroris (hoc est, versutia qua nos adoriuntur, vt imponāt nobis) veritatem autem facientes in charitate, crescām⁹ in eo per omnia, qui est caput, Christo. Sic & quidem clarius ad Colocenses secundo, Nemo vos decipiat secundum traditionem hominum, secundum elementa mundi, non secundum Christum, in quo habitat omnis plenitudo, seu perfectio. Et subdit, Nemo vos iudicet in cibo, potu, parte seu respectu aut discrimine dici festi, nouilunij, sabbatorum, quæ sunt umbræ futurorum, corpus autem Christi, Si enim mortui estis cum Christo ab elementis huius mundi, quid adhuc tanquam viuentes in mundo decernitis, aut decretis tenemini, Nē tetigeritis, gustaueritis, attrectaueritis? quæ omnia in interitu sunt, seu pereunt ipso abusu, secundum præcepta & decreta hominum. Si quis ergò, quod paulò pòst ait initio cap. 3. non resurgens cum Christo, nec quærens ea quæ sursum sunt, sed quæ deorsum, hæc adhuc vetera Mosaica dicit, hic sequitur iustitias non bonas, & præcepta non bona, ait, hic cum Hieronymo Ambrosius, & obseruat mandata hominum umbras mordicus retinentium. Vbi autem est veritas & lex spiritualis, Romano. 7. ibi iustifica-

tiones bonæ, præcepta optima, quæ qui fecerit, viuet in eis. Est & altera vt fabularum antè Iudaicarum, sic & humanorum mandatorum hoc loco expositio, de seniorum traditionibus, de quibus Dominus in Euangelio eos redarguit, quòd Dei mandata reiicerent & irritarēt, vt suas traditiones statuerent, qualem improperat quā de parentibus non honorandis impietatem docebant filios suos, Mat. 15. Marc. 7. frustra Deum colentes, docentes doctrinas & mandata hominum, verè hominum, nō nisi humana, carnalia, & terrena sapientium, Phi. 3. de quibus adhuc paulò pòst videro. Qui ergò hāc, de qua toties Apostolus, fidei & doctrinæ, & verborum sanitatem habent, legalibus mosaïcis non amplius addicti sunt, & multò minus Pharisaïcis seruiūt. Empti, ait alibi, estis pretio magno, 1. cor. 6. 7. & nō corruptibilib⁹ auro vel argento, sed pretioso agni immaculati Christi sanguine, de vana vestra conuersatione paternæ traditionis, 1. Petr. 1. hoc est, quam ex patribus veluti per manus acceperatis, nolite ergò fieri serui hominum. Sed nunquid non hominum vllorum mandatis obediendum? non magistratum, non principum, non Episcoporum, non parentum, non pastorum, non herorum, non maritorum, non prophetarum denique & Apostolorum, qui vtique homines sunt? Obediendum sanè, & in omnibus, & per omnia, Sic enim alicubi, nec semel, Paul⁹ loquitur, sed non *auerfantium se à veritate*; seu veritatem

*Seniorum
traditiones.*

*Hominū m.
datis quate-
nus obediendum.*

auerfantium & abhorrentium, quasi terga ob-
uertentium veritati Euangelicę, gratię ac liber-
tati noui testamenti, quin etiam legis veritatē,
hoc est, spiritalem intellectum recipere nolen-
tium. Auerfantibus autem nos à veritate vel
angelis, nedum hominibus, anathema, Gal. 1. &
cum principibus Apostolis respondendum, Si
iustum est in conspectu Dei vos potius audire
quàm Deum, iudicate: obediendum Deo ma-
gis quàm hominibus, Act. 4. 5. & magna voce
cum Mathathia respondendum, Et si om-
nes gentes Regi Antiocho obediant, vt di-
scedant vnusquisque à seruitute legis patrum
suorum, & consentiant mandatis Regiis: ego
& filij mei, & fratres mei obediemus legi pa-
trum nostrorum (haud dubiè Dei, nam sequi-
tur) propitius sit nobis Deus, non est nobis vti-
le relinquere legem & iustitias Dei, non audie-
mus verba regis, neque sacrificabimus, trans-
gredientes legis nostrę mandata, vt eamus al-
tera via, 1. Mach. 2. & 2. cap. 7. Septē fratrum Ma-
chabæorum martyrum quartus, potius est ab
hominibus morti datos spem expectare à deo.
Septimus, idem natu minimus, Non obedio
præcepto Regis, sed præcepto legis, quæ per
Moysem nobis data est. Porro sunt hic obser-
uanda 1. ex Chrysostomi ad hunc locum com-
mentario, fuisse tunc adhuc in Christianismo
non tantum Iudaismi reliquias, sed & gentilismi,
hoc est, Christianorum aliorum cum Iudæis cibos
obseruantium, vna ieiunantium, & simul sabbata

*Mathathia
constantia.*

*Machabæo-
rum fortitudo.*

*Christianis-
mi & Iudaif-
mi & genti-
limi commi-
ssio.*

celebrantiū, aliorū cū pagauis ad loca diis dedicata cōuenientium, vt ad eū qui in Daphne, ad speluncā quæ Matronæ appellatur, ad Saturni in Cilicia, vt infanis huiusmodi corripiedis vehementiori flagello opus fuerit. In Romanis tale nihil Paulū fecisse, quod non iis erāt moribus, sed ingenio lōgè nobiliori; & mente magis pollebant ingenua. II. Quod paulò antè dixim⁹ tot tantāque legis fuisse mādāta, vt Iudæi vix ac nē vix quidē respirare potuerint, quod Ambrosij est ad hanc literā, minus mirabitur qui legerit catalogum vniuersorum Mosis præceptorū, moralium, iudicialiū, cēremonialiū, quæ Iudæi numerāt 613. Tot nimitum negatiua, quot sunt dies in anno 365. Affirmatiua 248. quot scilicet sunt mēbra in homine. Extat is Catalogus Hebraicō latinus Mūstero interprete, cū succincta, nec minus mira, vel potius superstitionosa Rabinorum expositione, quæ aperta Dei mandata friuolis implicant magis quàm explicant commentariis. cūque additione traditionū, quib⁹ & propter quas verè irrita fecerunt Dei mandata, leuissima & minima quæq; maximè curātes, & maxima grauissimāque relinquentes. Quæ deliramenta maioribus eorum à Christo multis verbis ac diris exprobrata, locis paulò antè indicatis, mirū quàm ab illo tēpore multū aucta, non diminuta fuerint. Ferunt enim & affirmāt duplici modo tradita Mōsi à Deo præcepta, ore & calamo, & scripto quidem recepta, plerūque diminuta, obscura, imò aliquando sibi ipsis (in

Romanorū
laus.

Præcepta Iu
daeorum quā
numeroja.

*Legis Mosi
danda mora
qua fuerit.*

Cabala.

*In laqueum sa-
pientes vbi.*

speciē) contraria inueniri, quę minus faciliē cō-
cordari possint, nisi per legē ore tenus à Mose
receptā. Nā cūm is in mōte Sinai 40. diebus &
noctibus esset, non præsumentū aiunt hebrei,
quod propter legē vnā scriptā tantum tēpo-
ris in monte exegerit, cū Deus tabulas in quib⁹
scripta lex fuit, vna illi hora dare potuerit, sed
multo tēpore fuit opus ad verā legis interpre-
tationē ei reseruandā. Hāc Moses primus excep-
pit, & Iesū successorī tradidit. Hi Lxx. seniori-
bus, hi prioribus prophetis, à quibus prophetae
posteriores acceptā tradiderunt Synagogae ma-
gnae, à qua didicerūt sapiētes subsequētes Baby-
lone exules, & Hierosolymā reduces, & sic à
generatione in generationē peruenit genuina
illa legis expositio, quā C A B A L A M vocant,
quasi susceptionē, & sese habere gloriātur He-
breorū sapiētes, iuxta illud scilicet, Nē recesser-
is à verbis sapientiū ad dexterā vel ad sinistrā,
Prou. 4. Aiunt etiam veritam scripto redigi, nē
vertatur, vt lex, in aliam linguā, sed in ore tantū
sapientium adhuc inueniri. Rogati vbinā gen-
tium sint sui sapientes, respondent verpi illi, in
Babylonia, etiamsi non magis quā nos, sciāt
illos esse in Babylone Iudēos. Sic memini Iu-
dæum mihi Venetiā respondisse, cum preme-
retur Messiae tempus olim iam exactū, Regem
quoque suum venisse, breui ē Caspiis portis in
orbem erupturum. De quo laruato Messia, qui
à Iudæis in hunc vsque diem frustra expecta-
tur, extat eodē Mūstero autore dialogus, vtraq;

lingua Christiano cum Iudæo colloquium : In quo portentosas & absurdas gentis excæcatæ de Christo opiniones & fabulas, sed & violentas scripturarum interpretationes videre liceat. Nec verò noua est hæc de Iudaicis traditionibus traditio. Nam Iosephus Iudæorum vernaculus, indicat multas constitutiones à maioribus per manus successionem acceptas Phariseos populo tradidisse, quæ scriptæ non essent inter leges Mosaicæ, quibus ideo Saducei autoritatē abrogarent, dicentes oportere eas tantum seruari, quæ scripto continentur, non quæ à Patribus traditæ fuissent (quod habet Ruffini versio) hinc magnam inter utrosque exortam controuersiam, sequentibus horum partes diuitibus, popularibus illos adiutantibus: ut cū Hyrcanus abrogatis illorum constitutionibus, earum obseruatores punire cœpisset, parum apud multitudinem graciosus cum filiis Rex & pontifex fuerit. Eius contrā nurus Alexandra gratiofa apud populum esse cœperit, adeoque vel ob id maximè regnauerit, quòd si quid rituum socer abrogauerat, quos Pharisei iuxta maiorum traditiones induxerant, id totum ea denuo sanciuerit ac restituerit, Antiquitar. lib. 13. cap. 17. veteris editionis : nouæ 18. & vtriusque vltimo. Has, ut prædiximus, traditiones *δευτεράσις*, quasi secundas aut secundarias, earumq; autores *δευτεράταις*, quasi secundos aut secundarios doctores aut magistros, cū alij, tum Hieronymus passim vocat & flagellat:

Saducei.

Hyrcanus pō
ntifex & RexAlexandra
regnum.

cuius locos quia in concione Gallica ante aliquot iam annos edita partim vertimus, partim indicauimus, nec admodum spes tantum nobis futurum otij, vt eam homiliam liceat Latini nam reddere, hîc lectorem precor, vt contentus sit Hieronymianorum ea de re locorum indicio. Sunt autem in Epistola de Seraphin ad Damasum, Ad Algasiam quæst. 9. & 10. Super prophetas passim, & præsertim ad Esaiæ cap. 3. 5. 8. 29. 59. Ezech. 36. Ose. 3. Abac. 1. Idê argumentum postero. seculis tractauerunt ex Iudæis Christiani magna in primis cum laude Lyranus & Petrus Alphûsus in Dialogis, Rabbi Samuel in veri Messia Parastasi. & nostro tempore Galatinus de arcanis catholicæ veritatis, Capnion in arte Cabalistica. Sed omnium maximè ridicula, fœda, obscœna, putida de iis tradidit hieronymus de sancta fide, Relatione ad mandatû Benedicti Papæ xiiii. anno D. 1412. in Hispania facta, duobus libellis, quorum prior Iudaismum, posterior Talmuthum impugnat. In his inquam, talia quædam sunt, quæ suppressi præstiterit, vel certè nisi à perfectis, non legi, etiâsi libri recitatione ultra quinq; millia Iudæorû ad fidem cõuersa notauerit typographus Tigurin⁹, nusquam certè clarius didici quod hic & alibi Paulus ait, eos qui veritatē auersantur, & à veritate auditû auertunt, ad fabulas cõuerti solitos, 2. Tim. 4. & qui veritatem non recipiunt, credant mendacio, 2. Thess. 2. Extat & concio nostra Gallica de Trad. Ecclî. in qua eas quæ veræ

Fabulas sectari eos qui veritatē auersantur.

modò tales sunt, ab hominum commentis lō-
gè latèque differre ostendimus, vt nihil faciāt,
imò contra Pauli mentem faciant, qui superio-
ribus eius scripturis aduersus Apostolicas tra-
ditiones non scriptas abutūtur. Seruanda enim
Apostolorum & Seniorum dogmata & præ-
cepta, Act. 15. 16. siue ea verbo, siue scripto tra-
diderint, 2. Thess. 2. Quo item sensu Ecclesiæ
maiorumque conciliorum cōstitutiones, aliàs
humanæ, aliàs diuinæ vocentur, & in quibus
quid cauendum, quid obseruandum, in earum
item vsu & abusu, quid omnibus retrò tempo-
ribus optimi quique semper desiderauerūt, nec
tamen adhuc obtinuerint, inodum in primis,
vt nè quid nimis. Sed redeam⁹ ad Paulum. Ait
ergò contra Iudeos & Iudaizātes Christianos,
hæreticos, & omnes temerarios rerum censo-
res castigatior optimus, vt eleganter Bernhar-
dus, Serm. 66. super Cantica, *Omnia munda mū-*
dis. Ostendit in speciali superiorum dictorum
rationem, in pseudapostolos docentes cū le-
gem in omnibus esse seruādā, tum præcipuè
in ciborum discrimine, inter quos putabant es-
se distantiam, vt aliqui mundi, immundi aliqui
esse viderentur: cōtra quos plenius disputat ad
Galatas, ad Rom. 14. 15. Col. 2. hic obiter tantū
ostendit, primò vt se ad bonos cibi habeant, se-
cundò vt & ad malos, & veluti sententiam pro-
fert contra secus sentiētes, cibaria nimirum &
esculenta omnia humanis vsibus esse cōcessa,
non vel natura immunda, quia natura nihil ta-

Ciborum di-
scrimen.

*Immundum
nihil præter
peccatum.*

*Mundities
aut immun-
dities ciborū*

Coinquinati

le, solum nanque peccatum immundum, quod imunda facit omnia, animas penetrans & inquinans: vel adhuc secundum legem, sed mundis, his videlicet qui per baptismum sanctificati sunt, qui in Christo credunt, quique sciunt omnia quæcunque bonus Deus fecit, esse valde bona, Gen. 1. omnem item Dei creaturam bonam esse, & nihil abiiciendum quod cum gratiarum actione percipitur, 1. Tim. 4. nihil extra hominem esse, quod in eum, siue eius os introeat, ipsum coinquinat, Matth. 15. Marc. 7. qui denique norunt qua quædam causa olim interdicta, & qua postea concessa, & ab immunditia legali Domini sic esse aduentu purgata, ut quæ is mundauit & purificauit, ea communicare aut impurare non possimus, Act. 10. 11. qua fide iusti sunt, eadem fide vniuersa quibus uti consuetudo est, sumunt, in munditia & sanctitate percipiunt: hos inquam, mundos esse, & omnia eis munda significat, Omnia quippe Deus ad vsum & sustentationem sibi seruientium condidit, eatenus munda, quatenus ab eo creata, quare munda, pura, sancta, & his digna, qui mundo corde & opere Deo seruiunt. Ergo puris quidè pura sunt omnia, ut moderni quidam rectius vertendum putat, quod his verbis Latini vtantur, de castitate sacrorum agentes. Hinc extat apud Senecam lex, Sacerdos casta castis, puris pura, siue casta è castis, pura è puris sit, Declamatione 2. & lib. 2. Controuersia 2. *coinquinatis autem*, pollutis, & piaculo aliquo

profanatis, q.d. impiatis, non expiatis, vt sint à
 sacris arcendi, Ambrosio, his qui contaminati
 sunt, & *infidelibus*, eidē, sine fide, *nihil est mun-*
dum, Qui vel peccato vastante conscientiam
 impuri sunt, vel Deo non credunt, Dei donis
 digni non sunt. Qui in creatorem non credūt,
 indignum est & iniustum Dei eos creaturis vt:
 Qui superiora non intelligunt, quique legem
 carnaliter accipiunt, & tempus gratiæ à legis
 tempore non discernunt, *nihil*, nullum cibi ge-
 nus eis *mundum*, adeoque quod mundum repu-
 tant, illis mundum non est, qui non credunt iu-
 gum legis Christum donando fidem à collo-
 credentium abstulisse, id est, quæ temporaliter
 in figuram data fuerant, infirmi in fide sunt, ac
 proinde sanum eis nihil, sic morbo ægrotanti-
 bus, & qui affecto sunt stomacho, amara om-
 nia, & insuauia, Sic vertigine capitis laboranti-
 bus, omnia, etiam terra, fixa licet, ac in æternū
 stet, Eccl. i. circumagi & volutari videntur. Is
 est morbi humor, affectus, & opinio, vt qui-
 bus os putet, omnia quæ offeruntur putida, pu-
 tent, oris, non elementi vitio, Ita qui in fide er-
 rant, & contra fidem atque conscientiam come-
 dunt, quod tum natura sua, tū Dei benedictio-
 ne, tum Domini purgatione, mundum purum
 que est, sibi & immundum & impurum faciūt.
 Omnia ergo pro vescentium qualitate munda
 vel immunda, & ex eorum mente qui edunt.
 Quē enim mūdis quæ mūda sunt, immūda repe-
 rirētur? Vt igitur iis qui curiosius non inquirūt,

*Vertigo capi-
tis.*

Oris putor.

*Similitudo
aptissima.*

1. Cor. 10. pura natura omnia, sic his contrà, qui
 superstitiosè quæ munda, quæ immunda sint,
 discutunt, nihil fuerit attrectabile aut escula-
 tum, Sed plerūque impura omnia, Nam nè pa-
 nis quidem Eucharisticus, & calix Dominicus,
 tales, hoc est, infideles atque pollutos iuuerit,
 sed edentes & bibentes indignè, ad iudicium
 edunt & bibunt, 1. Cor. 11. Quorum omniū cau-
 sa subditur, non ciborum ex sua natura impu-
 ritas, sed vtriusque operum humanorum cau-
 sã, hoc est, intellectus, & volūtatis deprauatio,
inquinata sunt eorum & mens, polluta ratio per
 infidelitatem, & conscientia, per peccatum. To-
 tius rei summam in eos contorsit. Nunquid in-
 quinata sunt omnia? Absit, non hoc dixit. Sunt
 opera Dei munda, & immundum ex conditio-
 ne sua nihil, sed ipsi intus mali, & sic immundi
 perperam de cibis sentientes, sua eos suspicio-
 ne, vel potius superstitione, sibi reddunt impu-
 ros & inutiles. In nobis itaque est munda co-
 medere, vel immunda. Si mundi simus, munda
 nobis est creatura: Sin immundi & infideles,
 fiunt nobis vniuersa communia, siue per inha-
 bitantem in cordis arcano hæresim, siue per cō-
 scientiam delictorum, vt ciborum non ex cibis
 sit inquinatio, sed ex vrentiū vel malo peruer-
 sōque intellectu, vel mente sibi malè conscia.
 Propter quod dicit Dominus, nō quod extrin-
 secus per os in hominem intrat, eum coinqui-
 nat, (in aluum enim, non in cor vadit) Sed quæ
 de homine ex ore procedunt, hominem inqui-

*Mundum &
 immundum
 nos facimus.*

nant, ab intus & seu internis, à corde ea prodeunt malæ primum cogitationes, dein omne genus mala opera hominem verè inquinantia, Matt. 15. Mar. 7. Et Sapiēs ait ex corde quatuor rerum genera oriri, bonum & malum, vitam & mortem, quorum assidua gubernatrix, imò dominatrix lingua sit, Eccl. 37. Huius duplex officium, gustare & loqui: de gustu hætenus, nunc de locutione, fortassis enim aliquis diceret, Inquinati ij non sunt, fidem enim Dei & notitiam, non ignorātiā habent, contrā quā de quibusdam alibi ait, 1. Cor. 15. Deum vnum credunt, agnoscunt & profitentur, proinde vera sunt, non vana, quæ loquuntur, hoc excludit, scio quidem, ait, quod *confitentur se nosse Deum*, se Dominum sic, vt nemo melius, nosse dicūt, vt ex lege ac prophetis sibi promissum, sed & Christianos se appellant, sed falsò: & quaecūque quod in eis erat, bonum ostēdit, quod cōfiterentur, sed summis (quod aiunt) & primoribus labiis, *factis autem negant*, eius aduentum, cū se sine lege iustificari non posse putant, quod dictum quanuis ad omnes tum hæreticos, tum pseudochristianos pertinet: hoc tamē de Iudæis intelligitur locutus, qui se Abrahæ Deum solos scire dicunt, & operibus abnegāt, vt Dominus ait, Si filii Abrahæ essetis, Abrahæ opera faceretis, Ioan. 8. Quomodo ergò Abrahæ Deū sciunt, Euangelij opera non sectantes, sed legem factorū in Sabbatis & Normeniis, &c? Et corde quidem creditur ad iustitiam,

Lingua officij duplex.

Iudæi de Abraham se iactantes.

*Deus quam
multipliciter
negetur.*

*Confessio
Dei quam
multiplex.*

Rom. 10. ore autem confessio fit ad salutē, ore
inquam, id est, tota extrā cōuersatione, alioqui
cum Iudæis audiemus, Populus hic labiis me
honorat, cor autem eorum longē est à me, seu
corde procul à me recedit, Esa. 29. & Hier. 12.
prope es tu ori eorum, longē à renibus. Existi-
mant quidam in eo tantum Deum negari, si in
persecutione quis comprehēsus, Christianum
esse se renuat. Sed ecce, respondent post Hiero-
nymum Sedulius & Anselmus, omnibus per-
uersē factis Deum Paulus negari asserit, Deus
charitas est, 1. Ioan. 2. Christus Dei virtus & sa-
pientia, iustitia, 1. Cor. 1. veritas, Ioan. 14. sancti-
tas & fortitudo, & his similia, quæ omnia ne-
gantur per sua contraria, odium, insipientiam,
iniustitiam, mendacium, turpitudinem, pusilla-
nimitatem, quoties vincimur vitiis & pecca-
tis, toties Deum negamus, quem è contrario
confitemur, quoties bene viuimus. Nec pute-
mus in die iudicij eos tantum à Dei filio dene-
gandos, qui cum in martyrio denegarunt, sed
per omnia opera, sermones, cogitationes, Chri-
stus vel negat negatus, vel cōfiteretur confessus,
Matt. 10. Marc. 8. Luc. 12. vt in omnibus bonis
operibus & sermonibus mens Christum ipsi
dedita confiteatur. Sic Augustinus ad finem in-
choatæ expositionis ad Rom. ex hoc & simili-
bus locis colligit in scriptura, aliquid factis
tum diei tum negari, neque Deum eos confi-
teri, qui oris tantum sono, non etiam bonis
operibus confitentur. In Ioannis item episto-

lam tractat. 3. & 6. Christi negationem etiam factis fieri, ab iis qui eum ore confitentur, & moribus ab eodem dissentiunt. Non attendam⁹ (ait) ad linguam, sed ad facta, quiescat paululum lingua, vitam interroga. Nō audio quid sonet, video quid viuat, opera loquuntur, verba requiremus? Malus non bene vult loqui? Proinde Christi negatores non eos tantum esse, qui cum foris lingua negent, Paganos, Iudæos, hæreticos, sed & intus qui vita, omnes malos catholicos, quotquot in Ecclesia periuri, V. G. fraudatores, adulteri, feneratores, ebriosi, mendaces, &c. qui aliud loquuntur, aliud agunt, lingua profitentur, vita negant. Nolite igitur esse tanquam de fide securi, adiungite fidei rectæ vitam rectam, vt Dominum confiteamini & verbis vera dicendo, & factis bene viuēdo. Hęc Beda ex Augustino. Et certè qui peccat, Deum, quātum de se est, facto negat, quia qui Deum confitetur, eius quoque potestatem quòd nimirum ei obediendum est, confitetur, ideo si non obedit, facto negat quod verbo fatetur. Sed dices, Quisquis Deum negat, infidelis est, peccatores ait Deum negare, ergò & infideles esse, Respōdet Aquinas & philosophatur, Sicut habens scientiam, ita & fidem, in vniuersali, potest in particulari ille scibili errare, hic agibili corrumpi, propter affectus corruptionem, Sic alioqui fidelem suorum negligentem & incuriosum, ait noster fidem negauisse, & infideli peiorem esse, 1. Tim. 5. & alter, Qui

dicit se nosse Deū, & mandata eius non custo-
 dit, mendax est, & in hoc scimus quòd eum no-
 uimus, si mandata eius obseruamus, 1. Ioan. 2.
 Simularis ergò verbis profitentes, moribus nō
 solum inficiuntur, sed & sunt ad redeundum
 ad Deū valde malè dispositi, per tria enim ho-
 mo redit ad Dominum, per gratiam iustifican-
 tem, Rom. 5. per fidem purificātem, Act. 15. per
 boni operis exercitium, factores enim iustifi-
 cātur, Rom. 2. hæc tria ab iis excludit, primum
cum sint, siue quoniam sunt, *abominabiles* βδελυ-
 γτοι, Ambrosio & Hieronymo execrabiles,
 Deo odibiles, nec per gratiam accepti, profani,
 nefarij, ab humanitate destituti bestialiter viuē-
 do. Ambrosio perturbatores impij & irreuerē-
 tes, intractabiles. Secundò fidem excludit, di-
 uinis præceptis *incredibiles*, increduli, ad creden-
 dum præ nimietate impietatis suæ inhabiles
 & inepti, indigni etiam quibus debeat credi,
 quia toties in mendacio deprehensi. Ambro-
 sio & Hieronymo, inobedientes, ἀπειθεῖς, im-
 persuasibiles, nulla veritatis ratione persuasi,
 contumaces, dicto non obedientes, postremò,
 & ad omne opus bonum reprobj, reprobandi. Argē-
 tum reprobum vocate eos, Hier. 6. ad omnem
 rem bonam inepti, ad opus in primis Deo gra-
 tum & acceptum, quia sine fide impossibile est
 placere Deo, Hebr. 11. Fides autem sine operi-
 bus mortua est, Iac. 2. at mortui ad quiduis be-
 ne operandum aut demerēdum sunt impotes,
 ligatis vtpote tum manibus, tum pedibus, &
 clausa

Homo redit
 ad Deum pa-
 tria.

Abominabi-
 les.

clausa ianua, & lampadibus extinctis, Matt. 22. 25. Et hi ergò fide atque charitate destituti, ac proinde spiritu mortui, nihil propè, quod vel boni similitudinem habeat, operantur: Quòd si quid quod bonum esse videtur, naturali bonitate inducti, fortè faciunt, quia mentis peruersitate sunt reproba, verè bonum non est, & talia quidem opera sunt, quæ Deum nesciunt.

Hic non est necesse de omnibus agere. Totra enim hæc disputatio est aduersus eos instituta, qui in legis confessione se religiosiores esse dicebant, cum quæ iuberentur, non facerent, affirmantes enim se colere vniuersi Deum, iis quæ vult apertè faciebant contraria: qui cum legem veterem certo tēpore circumscripsisset, quam illi illo tempore non implebāt, pro hac post finem temporis decernebant atque decerabāt. Quæ igitur ad literam, sed extra rem hic moneantur, cum talia partim, vt eorum nullum non propria digressionem egeret, obiter duntaxat impræsentiarum attingemus, si fortè alibi digrediendi locus fuerit, aut maius otium, imò negotij minus. Primum quod Paul' assumpsit, omnia mundis esse munda, quanquam ad cibaria speciatim referendū, generatim tamen sumptum, æquè verum. Augustinus contra Petilianum, lib. 2. cap. 52. quod & habetur. 1. q. 1. ca. Dominus. more Donatistico bonos externa malorum sacerdotum cōcione pollui disputantem, inter alia multa sic respōdet, Nos dicimus tale cuique sacrificiū fieri, qualis accedit vt vel

offerat, vel sumat, & eos de sacrificiis taliū mā-
ducare dici, Ose. 9. & inquinari, qui ad illa tales
accedunt, quales illi sunt, nimirum facinorosi.
Itaque si offerat Deo malus, & accipiat inde
bonus, tale cuique fore, qualis quisque fuerit,
quia scriptum est, Omnia munda mundis. Per
hanc sententiam veridicam & catholicā, etiam
vos Optati sacrificio polluti non estis, si facta
eius displicebant vobis. 11. Sed si vera hæc est
& vniuersalis sententia, inferat aliquis, ergò
mundis mundum est adulterium, Sic enim di-
sputabat, Anno 1520. Schismatarches, Vt nihil
iustificat nisi fides, ita nihil peccat, nisi incre-
dulitas, Impossibile autem est fidem esse sine
assiduīs multis & magnis operibus, Ergò si in
fide fieri posset adulterium, peccatum non es-
set. Eamus scilicet, & negemus hunc fuisse so-
phistam, Ex impossibili scilicet, sequitur quod-
libet. At ex id genus sophismatibus secutū est,
vt quibus illicita sint & inaccessa nostra sacra,
plerūque licita sint furta, & accessu lustra, Sed
missa faciemus hæc. Negat hanc illationem A-
quinas, & respondet munda mundis illa esse,
quæ de se non impurant. Adulterium autem
cum similibus à Christo enumeratis, Matt. 15.
Marc. 7. vel ex hoc ipso quòd adsūt, hominem
contaminare. 11. Sed nunquid è contrario im-
mundis immūda etiam eleemosyna? & vbi est
quod dicit Dominus, Luc. 11. Date eleemosy-
nam, & ecce omnia munda sunt vobis? Et hos
enim locos ita committit Augustinus in En-

*Sophista L.
stus.*

thiridio, cap. 75. 76. & citatur in Sententiis Theologicis, lib. 4. Dist. 15. quasi cum sint immundi omnes, quos non mūdāt Christi fides, Phariseis tamen eam non habentibus, infidelibus, & sic immundis, munda essent propter eleemosynam omnia: Sed cum Eleemosyna opus sit misericordiæ, qui vult eam ordinatè dare, à seipso debet incipere, eam sibi primùm dare, Miserere (ait) animæ tuæ placens Deo, Eccl. 30. Prima autem eleemosyna, quam nobis debemus, est vt nos ipsos per miserātis Dei misericordiam requiramus. Iustum enim iudicium, quo miseri effecti sumus, confitentes, & nos veraciter de nostra miseria iudicātes, Deique charitatem magnam, quam donauit, diligentes, ei que gratias agentes, bene viuamus. Quod iudicium & Dei charitatem Phariseos prætereuntes, foris lotos, intus rapina & iniquitate plenos, Christus admonet quādā eleemosynam esse, quam homo sibi primitus debet dare, & interiora mundare, Dei inquam, iudicium & dilectionem, qua eleemosyna possitis (ait) ab omni inquinamento interiori mundari, & vobis munda essent corpora, quæ lauat, hoc est enī *Omnia*, & interiora scilicet, & exteriora, sicut alibi legitur, mūda quæ intus sunt, quæ foris sunt, mūda erūt. Aliter verò soluit Aquinas, Apostolū nō esse affirmatiua vsū, nec dixisse, omnia immūdis immūda, quasi peccator & infidelis eleemosynā faceret immūdā, sed negatiua, nihil eis mūdum, perfectè scilicet, nihil

*Eleemosyna
vt faciendā*

enim in opere mūdū, nisi in debitū finē ordinatum: Sūt autem infideles extra finem. Talibus ergo, in quantum huiusmodi, & secundū quod infideles sunt, aliquid facientibus, totū est peccatum ex radice, quia omne quod non est ex fide, peccatum est, Rom. 14. quod utique fit ex infidelitate, iuxta illud, Esa. 2. *Qui incredulus est, infideliter agit.* Sed quoniam bonum nunquam sic à malo totum corrumpitur, quin in peccatore, adeoque vel in dæmonibus, naturæ scilicet aliquantillum supersit, si quid facit peccator ex principio alicuius quod habet, vel naturæ inquam, vel fidei informis, non est necessarium immundum esse. Hoc posterius ad viuum nunc non excutio, dabitur fortè alibi locus, & quæ sequuntur, propiora sunt literæ.

Bonum à malo nunquam in totum corrumpitur. Dæmonibus etiam aliquantillum naturæ superest.

Cur autem multa immunda in lege prohibita.

IIII. Cur ergò tam multa quasi immunda, Mosis lege prohibita? Græci respōdent, Legislatorem quædam interdicientem, non simpliciter egisse, quasi ea forent immunda, nihilóque magis temere egisse, Sed ita hominibus gulæ deditis luxum, vel certè bonam deliciarum partem amputasse, nec sic tamē obtemperaturis, aut à voluptate in totum temperaturis, multo minus persuasurum, siquidem causam hanc obiecisset, nunc autem immunditiæ eos nomine terruit. Alioqui eorū quæ Iudæis permisit, quædam si expendantur diligentius, nihilo mūdiora reperiās. Quid enim pisce imundius, præsertim ubi humana cadauera depastus fuerit? Nè aues quidem munda sunt, etiam cortales,

Piscem imundus. Aves immunda.

vt gallinæ tot sordibus & vermiculis vescētes.
 Ceruus quoque mundus scilicet, qui quod ser-
 pentes deuoret, apud Græcos nomen accepit
 ελαφος. Et vinum an non immundum, suum
 ex humo, fimo, stercore humorem attrahens? *ελαφος
 unde dictus
 serpens.*
 Multaque aliaeis per legem relicta, si curiosius
 inspiciantur, immunda erunt. Ambrosius non
 longè abludit ab hac Mosaici ciborum dele-
 ctus ratione, quam qui non intelligant, accusa-
 tores esse Scripturæ, Si bona (inquiunt) facta
 leguntur, cur interdiciuntur quasi execrabilia?
 Si execrabilia nō sunt, quia bona sunt, propter
 cordis duritiam noscuntur interdicta, quia in-
 digni habiti sunt tota Dei creatura, & à quibus-
 dam melioribus prohibiti. Qui hæc, & huius-
 modi non intelligunt, immundi sunt, polluti
 sunt, quia creaturam Dei accusant, vt excusent
 semetipsos. Fuit & sua Augustino de hoc sen-
 tentia, in Faustum, lib. 30. cap. 5. lib. 31. cap. 4.
 Paulū cibos natura & creatione mundos, Mo-
 sem significatione immūdos appellasse. Quod
 hoc exemplo Aquinas fecit clarius, hoc nomē
stultus, secundum se sumptū, quatenus vox est,
 mundum est, bonum est, quā verò defectum sa-
 pientię significat, sic habet immunditiem. Ita
 porcus, vt res quædam est, mundus est, immū-
 dus, quā significat hominē in voluptatibus sese
 volutantem, Prou. 26. 2. Petr. 2. Abstinebāt er-
 gò primi illi patres à quibusdam, non ea tamē
 damnandi, sed significandi gratia, hæc autē ad-
 ueniente veritate cessauerūt, & cœperunt ho-

*Porcus quæ-
 re immundus*

mines cibis vti secundum naturam suam. Proinde eos, qui iam tempore reuelationis noui testamenti, adhuc illas futurorum umbras ita custodiendas putarent, vt sine his gentes salutem quæ in Christo est, percipere nō posse cōtenderent, *immundos* dicit Apostolus, quōd carnaliter saperent, & *infideles*, quōd Gratia tempus à legis tempore non discernarent, quibus ideo *nihil mundum*, quia & his quæ respuebāt, & his quæ sumebant, non sanctè nec iustè utebantur. *Omnia* ergò *munda mundis*, secundum naturam, in qua creata sunt, non tamen omnia iuxta significationem munda, primo populo Iudæorum, nè nobis quidem omnia, vel propter salutem corporis, vel propter consuetudinem humanæ societatis, apta sunt, sed cum sua cuique redduntur, & naturalem ordinem seruant, omnia munda sunt mundis. V. Considerandum est nè hæc tractantes, occasionem hæresi demus, quæ iuxta Apoc. 2. & Paulum 1. Cor. 8. 10. Idolothytis vescendum putat, quia omnia munda sunt mundis. Hic Hieronymus respondet Paulo nunc non fuisse propositum de immolatiis disputare, sed aduersus Iudeos qui secundum legis abolitæ disciplinam quædam munda, quædam adhuc arbitrabantur immunda, nam & munda esse omnia alibi dixit, Rom. 14. secundum fidem, ei autem immunda, qui immunda putat, & tunc ab eis esse temperandum, cum per offensionem accipiuntur, id est, interprete contra Adimantum Augustino,

*Idolothytis
non vescendum*

cap. 14. cū quis infirmus putat sibi ab omnibus carnibus abstinendū, nè incidat in immolati-
tiā, & ideo manducantem arbitratus in Idolorū
honorē id facere, ex eo grauiter offendatur, cū
immolatiitia si à nesciente, nec interrogāte, ex
fide accipiatur, neminē maculet. vi. Et postre-
ma quēstio de sanguine atque suffocato, à qui-
bus abstinendum decreuerunt in Concilio A-
postoli, Act. 15. 21. non ergò mundis, seu fide-
libus omnia munda, & esu licita, respōdet Aquina-
nas quosdam sensisse mādatum hoc ad literam
intellectū, hodiēque obligare, vt & apud Græ-
cos, & diutulè apud veteres Latinos. Alios ad
mysticum sensum referentes, per sanguinē, ho-
micidium: per suffocatum, oppressionem intel-
lexisse pauperū. Et hoc quidem aliquid est, sed
nō totā pręcepti ratio, & hoc ergò ad literā prę-
ceptū intelligitur, nec tamē nūc obligatorium.
Quædā enim prohibētur, quia mala, & hæc sim-
pliciter vitāda sūt, quædā nō simpliciter, nec ex
se mala, sed pro tēpore ac causa subsistūt vel ca-
uēda vel seruāda. Suffocati ergò & sāguinis esū
Apostoli prohibuerūt, nō quia secūdū se malū,
cōtrariū enim dixerat Dominus, & vbiq; prædi-
cabat Apostolus, sed hac ratione, quòd ad Chri-
sti fidē cōuerforū cū alij Iudęi, alij gētiles, opor-
teret autē vnū ex vtrisque fieri populū, vt Iudęis,
quibus hæc esu illicita erāt, & abomināda, gēti-
les cōdescenderēt, ad seruādā inter hos & illos
pacē atq; vnitatē, Apostoli hæc esse pro illo tē-
pore cauenda instituerūt. Vt hunc ergò cōclu-

*Sanguinis
suffocati ab-
stinētia.*

*Prohibitio
duplex.*

*Temperantia
manducandi
& bibendi.*

damus, nos cum Augustino, vbi paulò antè,
teneamus Apostolicam disciplinam, dicen-
tem quòd omnia sint munda mundis, serua-
ta tamen Euangelica moderatione, vt non gra-
uentur corda nostra cruditate & vinolentia,
Luc. 21. & cum eodem Confessionum, lib. 10.
cap. 31. Immunditiem non obsonii, sed cu-
piditatis timeamus, in tentationibus gulæ po-
siti, certantes quotidie aduersus concupiscen-
tiam manducandi & bibendi, frenos guttu-
ris temperata relaxatione & constrictione te-
neamus, &c. Postremò quàm hic & similes lo-
cì aduersus infidelium in cibis errores à Ca-
tholicis bene torti, contra Ecclesiasticum ci-
borum delectum, nulla infidelitatis suspi-
cione vitiatum malè retorti olim iam
sint, ac etiamnum retorqueantur, &
diximus, in 1. Tim. 4. & in opere
quòd de Abstinencia iandiu
parturimus, vita comi-
te dicemus.

*

CAP. II.

Tu autem loquere quæ decent sanam doctrinam, in omnibus teipsum præbe exemplum bonorum operum, in doctrina, in integritate, in gravitate. Verbum sanum & irreprehensibile, ut his qui ex aduerso est, vereatur, nihil habens malum dicere de nobis.



TITVM Paulus suum in Christo filium hætenus de comministrorum ordinatione, & arcendis contrà hæreticis institutum, institui de informatione reliquæ plebis sibi commissæ: primū generatim, mox etiam speciatim. Contextū paulisper immutavi, ut partēs quæ prosequendo patebāt, nulla generalis sermonis interiectione exponerem. Alit ergò, Dixi singulatim quales oportet Episcopos atque Presbyteros instituas, Nec tamen credas, ideo te à cura immunem aut alienum fore, imò eò maior tibi esse debet ad docendum sollicitudo & assiduitas. Dixi cōtrà quales sint aduersarij, quòdque quæ non oportet doceant: quanquam igitur tales sunt, infideles, immundi, reprobi, & quid non? & quales sunt, talia tum agunt, tum loquuntur. *Tu autem loquere, ne horum causa taceas, neu*

segnior fias, nè te turbent, qui contrà docent: sed quod tui muneris est, prosequere, quod tuū est, fac & doce, etiamsi illi non obediant, nec recipiant, vel si nemo obtemperet, tu tamen admone, cōsule, trade quam soles, diuinam disciplinam, *quæ decet sanam doctrinam*, q.d. loquere quæ decet vt loquaris, quæ ad Christi fidem, & Christianam vitam, & bonos mores pertinent, neque sic vt illi, sed ea propone, per quæ & super quæ fides incorrupta ædificatur. De hoc *Sani* vocabulo multoties antè. Sanum hoc loco Anselmus exponit, doctrinam quæ nulum erroris aut vitiorum languorem in se habeat, non qualis Philosophorum aut hæreticorum, quæ dum ab aliis vitiis retrahit, sæpe ad alia impellit: at Christiana doctrina, & quidem sola, ab omni tum vitiorum, tum errorum languore etiam sanat, nedum sana est. Ambrosius legit, quæ decet, & sanam exponit, quæ Deum scit, & salutarem Dei doctrinam. Hieronymo quoque aliud est sanam doctrinam loqui, aliud ea quæ sanæ doctrinæ conueniunt, docere: in altero simplex tantum est institutio, in altero cum eo quod doceas, vitæ quoque correctio, Domino Discipulis præcipiente non in meditatione scripturarum ita laborandum, vt scripta tantum replices, & in memoriæ thesauro recondas, sed prius quæ præcepta sunt facere. Qui sic (ait) docuerit, & soluerit vel mandatorum minimum, minimus vocabitur, qui verò & docuerit & fecerit, magnus, Matth. 7.

Sanum.

*Doctrina
operi post-
ponenda.*

Et Phariseorū, qui dicunt, & nō faciūt, qui aliorum ceruicibus onera imponunt, neque digito contingunt, Matth. 23. Luc. 11. talium inquam, & iustitiam & doctrinam, vt cælorum regnum intremus, supergrediamur oportet. Idem docet discipulum suum Apostolus, quia tunc doctrinæ sit sanitas, cū doctoris doctrina pariter & vita cōsentiunt, Nec enim tam verba prosunt, quàm exempla. Vnde sequitur, *In omnibus*, siue per omnia, non in quibusdam tantum, *te ipsum prabe*, Ambrosio, Hilario, & Hieronymo præbens, cum Græcis προειχόμενος, præstans exemplum, τύπον, formam, exemplar bonorum operum, rectè factorum, quod vt ab omnibus & singulis Ecclesiæ statibus, effici nē sit arduum aut difficile, magistrum formam esse præcipit, nihil enim prodest aliquem exercitatum esse in dicendo, & ad loquendum triuisse linguam, nisi & viuendo docuerit, nē vita verbū destruat sed vt audēter alios corripiat, & oēs conueniēter corrigat. Sic igitur viue, vt sis omnib⁹ bene viuēdi forma, vt qui te viderint, in operib⁹ tuis, velut in libro legāt, quod agere debeāt. Sit vita tua cōmune quoddam speculū, & archetypōn publicum, seu imago quædam primitiua, omnibus ad imitandum proposita, omnia in se habens bona & honesta, imitari volentibus quæ in te cunque viderint. Primū quidē *in doctrina*, quod est Episcopi propriū & præcipuū mun⁹. Dabo vobis pastores iuxta cor meū, qui pascāt vos sciētia & doctrina, Hic. 3. eōq; pl⁹ eius,

Sanitas doctrinae.

Vita exemplū plurimum monet quàm doctrina.

Episcopi vita qualis esse debeat.

Doctrina, præcipuum Episcopi munus.

qui alios habeat sub se coëpiscopos, quibus ipse suos docendo, debet & suos cuique docendi exemplum præbere. Attende tibi & doctrinæ, 1. Tim. 4. ut & quod utile sit auditoribus doceas, & ea quæ docēs quomodo fiant, ostēdas, alij exemplo tuo sciant quomodo doceāt. Sed & de vita cōmonet, *in integritate*, puritate mentis & corporis, per incorruptionem peccati, per huius enim corruptionem sic anima suam integritatem perdit, ut per membrorum corruptionem, suam corpus, ut integer (ait) spiritus vester, & anima, & corpus, in aduentum Domini seruetur, 1. Thess. 5. Est autem cū Christianis omnibus, tum maximè prælatis necessaria triplex integritas, sensus per prudentiam, affectus per charitatem, corporis per castitatē. Hieronymus sic accipit, ut incorruptio virginitatē propriè sonet, Sic enim qui virgines sunt, incorrupti, qui virgines esse desierunt, corrupti vulgò nominantur, dici quoque solet, quæ fuit olim virgo, corrupta est. Vnde existimat Titū, priusquam carnis opere occuparetur, credentē & baptizatum, virginem permanissē, ut in ea formam sui præbeat, moneri. Malunt alij ἀδιαφθορίαν, animi integritatem nullis cupiditatibus corrupti, non ira, non ambitione, non avaritia, non amore laudis humanæ, non muneribus, non acceptione personarum, vel pecuniarum, ut Anselmus, & Hieronymo inscripta Scholia, nec qualibet alia re. Bruno virtutum omnium perfectionem, ut integer sis in bonis,

*Integritas
prælatorum
triplex.*

*Virgines &
corrupti op-
ponuntur.*

similiterque alij tuo exemplo seruent, incorruptam hanc & perfectam mentis integritatem. *in grauitate*, non gestus tantum exterioris, aut incessus, sed ut quedam in sermone moribusq; maturitas semper appareat, & ceteris exemplo sit. Doce, inquit Bruno, cum seueritate & imperio pontificali. Castitatē alij verterunt, quod Græcè est *σεμνότητα*. De quo vocabulo præter ea quæ annotauimus, 1. Tim. 3. in Episcoporum filiis, diaconis, & diaconissis, hic addendū, prima primorum Christianorum Oratoria, sed monachorum præsertim, *σεμνῶα*, vocata, quasi grauitatis, honestatis, & sanctimonix loca seu domicilia, in quibus τὰ τῷ σεμνῷ βίῳ μυστήρια *μνοῦνται*, καὶ τελῶσι, honestè, sanctè, castèque mysteriis imbuebantur, eaque operabantur, siue celebrabant, cò nihil inferentes rerum ad corporis vsum necessarium, sed legis tantum libros, prophetarum oracula, hymnos diuinos, & reliqua huiusmodi, Citantibus huiusvoculæ, totiùsque vitæ illius scriptorem Philonem de vita contemplatiua Eusebio, histor. Eccl. lib. 2. cap. 17. & Nicephoro, cap. 16. quanquam Græcis *σεμνος*, medium est, & in vitio quoque ponitur, sic enim etiam vocant immodicè graues, & ostentabundos tum viros tum sermones. Aristophanes Isocratem irridet, ut *σεμνολόγον*. Quo magis ferendum hîc Aquinatis scholion, Graue duo habere, vnum quod descendit, sic vituperatur Psal. 4. vsquequò graui corde? alterum quod stabile & firmum est, sic dicuntur

σεμνος
vocabulum
medium.

Graue duplex.

viri graues, & commendantur, qui non facile
 mouentur, præsertim à bono, Psal. 34. In popu-
 lo graui laudabo te, quanquam neutrobi vox
 Paulo hîc & alibi toties vsurpata. Vtrunque
 porrò legit Anselmus, & exponit, in castitate,
 vt exemplo tuo, & qui virgines sunt integrita-
 tem corporis intemerati perpetuò seruent: &
 qui virgines nō sunt, vel post virginitatis amif-
 sionem castitatis munditiam custodiant. Alio-
 qui qui impudicus est, quanlibet disertus, si ad
 continentiam audiētes cohortetur, sermo eius
 infirmus est, auctoritatem non habet: Contrà
 quamuis rusticanus sit, & ad loquendum tar-
 dus, sed castus, exemplo suo potest ad vitæ si-
 militudinem impellere. Et in castitate quidem
 legit Hieronymus, sed quæ & in cælibatu abs-
 que virginitate intelligi potest, vt cū Timo-
 theo Paulus diceret, forma, seu exemplum esto
 fidelium, &c. 1. Tim. 4. cum multis virtutibus
 castitatem posuit, de incorruptione tacuit, nisi
 fortè castitatem accipiamus in mente, incorru-
 ptionem in corpore, iuxta id quod alibi de vir-
 gine scribitur, vt sit sancta corpore & spiritu, 1.
 Cor. 7. Admonet idem incorruptionem & pu-
 dicitiam & in doctrina & doctrinæ integritate
 interpretari posse, & sic sanè Græci legunt, in
 doctrina integritatem, grauitatem siue hone-
 statem, incorruptionem, & quæ sequuntur, præ-
 bens scilicet. & exponunt, vt non corrupta vel
 falsa, sed sana, integra, incorrupta, vt nihil iu-
 uenile, vel quod insipientes offendat, sapientia,

*Castitatis
 vi.*

*Castitas in
 cælibatu abs-
 que virgini-
 tate.*

sed à recta ratione profecta, sed grauiā, venerāda, Deo digna, & pro eius dignitate deprōpta. Quāquā enim quod specialiter sequitur, λόγον ὑγιῆ, proprium habet super doctrinæ institutione præceptum, & nemo docet, nisi qui loquitur, tamen multum refert, quomodo loquaris, Non tanquam (habent græca scholia) princeps aliquis cum tributariis aut subditis differens, sed blandè, leniter, familiariter, velut cum filiis. Hilarius lib. 8. de Trinitate, legit docentem cum veneratione *verbum sanum*, hæcenus formæ laudabilium operum, porro autem etiam dicit quānam sint fines rectæ doctrinæ, vt nullum habeat errorum, vt suprā aut vriorum languorem, sed omnium dogmatum sanitatem nulla falsitate corruptam, nullius adulationis accessione languentem, nihil infidelitatis admixtum habentem, rectam breuiter & orthodoxam doctrinam. *Et irreprehensibile*, Irreprehensibile quod & sic sonare potest, Quod contem- *bile quid dicatur.* ni non possit, hoc est, cum auctoritate doceat, ac multo minus damnari. Vt sermo (inquit) tuæ prædicationis, vel etiam communis locutionis, non possit ab vlllo reprehendi: sic omnia suo tempore & cum decentia proferas, Alioqui ex ore fatui seu stulti parabola (sententia pronūciata) reprobatur (repudiatur, gratiam amittit, displicet) non enim dicit eam tempore suo, Eccli. 20. non quod vllus tantæ facundiæ sit aut prudentiæ, vt à nemine reprehendatur, reprehenduntur quippe & Apostoli

& Euangelistæ ab hæreticis & gentilibus, sed quòd nihil reprehensione dignum dicat aut faciat, nec vnde aliqua reprehensionis capi possit occasio, vel vt legit Hieronymus, *in verbo sano & irreprehensibili* præbe te exemplum fidelibus, & hoc ita fac, *vt is qui ex aduerso est*, Ambrosio, è diuerso est, profanus & inimicus fidei, qui repugnat, aduersarius, Hieronymo & Græcis, diabolus, accusator fratrum nostrorum, Apoc. 12. & quisquis ei subseruit ac ministrat, calumniator calumniari, criminator criminari, sit licet ad hæc omnia paratus, infidelis, hæreticus, aut alioqui liuidus & insidiator, qui tibi possit contradicere, si quid in te tale notauerit, dentem nobis erubescat iniicere, videns quæ verbis docemus, nos vera factis esse probare, *vereatur*, Hieronymo, Hilario, Ambrosio, reuecreatur, pudeat, moueatur, confundatur, *nihil habens dicere malum de nobis*, nihil potens dicere, vel nihil habens quod dicat, nam *ἔχων* cum infinitiuo posse Græcis significat: nihil ergò mali & reprehensione dignum in nobis inueniens, vita ac doctrinæ nostræ sanitate perterritus, accusare non audeat, & nihil verisimile in accusatione confingere, oderit licet in portis arguentes, & sanctum alioqui sermonem abominetur. Cum enim & vita claruerit, & sermo vitæ fuerit conueniens, placidus, mansuetus, & modestus, magna & ineffabilis erit huius ministerij vis & vtilitas, cum prædicationis inquæ, ex ore verbum non qualecunque personat, sed probatum

probatum, quod nulla ex parte vel volentibus maledicendi anſam præbeat. Id verò fit, cum & quæ dicuntur, veritate nituntur, & quæ fiunt, eis quæ dicuntur, conſentiunt, tunc maledicorū ora obſtruuntur. Hic eſt finis doctrinæ Chriſtianæ. Talis eſt quiſquis ornatur ſpiritali gratia, & ſic eſt Dei voluntas, vt bene facientes, obmutefcere faciatis imprudentium hominū ignorantiam, hoc eſt, ſtultis hominibus os obturetis, 1. Petr. 2. & nullam demus aduerſario maledicendi occaſionem, 1. Tim. 5. Quæ autem hic veluti gratulatur temporibus ſuis Hieronymus, in noſtris partim dicere, partim deſiderare cogimur, hodièque reuera videri nonnullos in Eccleſiis, quanquam raros, tantæ grauitatis & continentię, vt etiam ab aduerſariis teſtimonium habeāt, & dicatur, Vir magnus eſt, & ſanctæ conuerſationis, probiſque moribus, niſi eſſet hæreticus: quod præcauens Apoſtolus, ait, vt auferam, ſiue amputem occaſionem, his qui volunt occaſionem, 2. Cor. 11. Nemo enim tam immoderatæ impudentiæ, vt ſolis radios poſſit accuſare tenebroſos, & clarum lumen caligine noctis effundere. Quid autem ſi bonum malè, malum bene audire contingat, quantum item & quonſque profanorum teſtimonium ſacris hominibus aut ſacrandis vel obefſe, vel prodeſſe poſſit acdebeat, diximus pro virili, 1. Tim. 3. Hunc porrò locum ſic legit & illuſtrat D. Hilarius vbi paulò antè, Titum Paulus, ad quem ei ſermo erat, iſtiusmodi decreto con-

*Doctrina
Chriſtiana
finis.*

summandæ religionis instruxit, *In omnibus teipsum bonorum factorum præbens exemplum, docentem cum veneratione verbum sanum & irreprehensibile, ut aduersarius reueretur, nihil habens turpe, aut malum de nobis dicere.* Non ignorauit doctor hic gentium, & ex conscientia loquentis atque habitantis in se Christi (2. Cor. 13.) Ecclesiæ magister electus, morbidi cloquij grassatura esse contagia, & aduersum sanitatem verborum fidelium desæuituram doctrinæ pestiferæ corruptionem, quæ impiæ intelligentiæ suæ virus vsque ad ipsam sedem animæ demergēs, profundo serperet malo. Ex his enim ait, quorum sermo ut cancer serpit, 2. Tim. 2. latenti semper subrepentique contagio sanitatem peruasæ (aliàs persuasæ) mentis inficiens, ob quod sani sermonis in Episcopo voluit esse doctrinam, Fidei conscientiam, & exhortationum scientiam, aduersum impias & mendaces, & vāsanas contradictiones obnitentem, quarum mendaciis renitendum & contradicendū, supra, cap. 1. Porro quod in huius periodi principio Titum, & in Tito Episcopos, suo vnūquenque gregi velut prælucere, formam ac exemplū esse, & suos dictis ac factis informare præcipit, Iure sanè quidē suo id præcipit, quod prior ipse fecerit, Phil. 3. Imitatores mei estote fratres, & obseruate eos qui ita ambulant, sicut habetis formam N O S. 2. Thess. 2. ut nosmetipsos formam daremus vobis ad imitandum N O S. Et coapostolus eius hortatur cœpiscopos, ut

fiant forma gregis, 1. Pet. 5. seu fidelibus bene ac rectè viuendi exemplaria. Greges autem & fideles noster hic vt pastorum cōuersionem & exitum intuentes ac considerantes, fidem, & Dei quod illi verbum locuti sūnt, imitentur, Hebr. 13. 6. eorum denique imitatores sint, qui fide ac patientia promissiones hæreditabunt. Quantum autem homines hominum exemplis accendantur, & si exemplorum plena sunt omnia, pauca nunc satis sint Augustini, li. 8. de Trinit. cap. 9. Quid est (ait) quæso, quod exardescimus, cum audimus & legimus, nullam in quoquam dantes offensionem, vt non reprehendatur ministerium nostrum, sed in nobis commendantes nosmetipsos, vt dei ministros, in multa patientia, in laboribus, &c. quæ sequuntur, 2. Cor. 6. 11. Quid est inquam, quod accendimur in dilectionem Pauli, cum hæc legimus, nisi quod credimus eum ita vixisse? Viuendum autem sic Dei ministris, non de aliquibus auditum credimus, sed intus apud nos, vel potius supra nos, in ipsa veritate conspiciamus. Quem ergo sic vixisse credimus, ex hoc quod videmus, diligimus, Et nisi hanc formam quam semper stabilem & incommutabilem cernimus, præcipuè diligeremus, non ideo diligeremus eum, quia eius vitam, cum in carne viueret, huic formæ coaptatam, & congruentem fuisse fide retinemus. Sed nescio quomodo amplius & in ipsius formæ charitatē excitamur, per fidem, qua credimus vixisse

*Exempla qui
moueant.*

*Hominis et i. a
defuncti exē
plum quā
efficax.*

sic aliquem, & spem, qua nos quoque ita posse
vivere, qui homines sumus, ex eo quòd aliqui
homines ita vixerunt, minimè desperamus, vt
hoc & desideremus ardentius, & fidentius pre-
cemur. Ita & hominum vitam facit à nobis di-
ligi formæ illius dilectio, secundum quam vi-
xisse creduntur, & illorum vita credita, in ean-
dem formam flagrantiorē excitat charitatē.
En quā hominis exemplum non præsentis
tantum, sed absentis, ac nē viui quidem, sed &
vita functi, hoc est, auditum modò, non etiam
visum, efficax tamen sit etiam ad imitandum,
nedum, ad diligendum. Sed adhuc propius li-
terā hanc & rem, est quod ad Heliodorū Epi-
scopum in epitaphio Nepotiani scribit Hiero-
nymus, In te (inquiens) omnium oculi dirigun-
tur, domus tua & conuersatio quasi in specula
cōstituta, magistra est publicæ disciplinæ, quic-
quid feceris, id sibi omnes faciendum putant,
Cauē nē committas, quod aut qui reprehende-
re volunt, dignè lacerasse videantur, aut qui
imitari, cogantur delinquere. Quo etiam hæc
accommodantur, secundum iudicem, sic &
ministri eius, & qualis rector ciuitatis, tales ha-
bitantes in ea, Ecclī. 10. Et erit sicut sacerdos,
sic populus, Ose. 4. Esa. 24. Quibus conueniūt,
quæ de Regum, parentum, principūque exē-
plis cecinerunt poëtæ. Suo enim modo Episco-
pi, Reges, principes sunt & parentes,
*In commune iubēs si quid, censēsque tenendum,
Primus iussa subi, tunc obseruantior aq̃ui*

*Fit populus, nec ferre vetat, cum viderit ipsum
Autorem parere sibi: Componitur orbis
Regis ad exemplum; nec sic inflectere sensus
Humanos Edicta valent, quam vita regentis.
Mobile mutatur semper cum principe vulgus.
Scilicet in vulgus manant exempla regentum.
Utque ducum lituos, sic mores castra sequuntur, ait
Claudianus de quarto cōsulatu Honorij Augu-
sti, & in Stiliconis laudes li. i. Dicit quoque po-
test Episcopo quod ad Liuiam ab altero poëta
scriptum est,*

*Ad te oculos auresque trahis, tua facta notamus,
Nec vox missa potest principis ore, tegi.
An melius per te virtutum exempla petemus,
Quam si Romana principis edis opus? Et G. Fast.
Sic agitur censura, & sic exempla parantur,
Cum iudex alios quod monet, ipse facit.*

*Et Iuuenalis 14. Satyra,
Sic natura iubet, velocius & citius nos
Corrumpunt vitiorum exempla domestica, magnis
Cum subeunt animos autoribus,
Quoniam dociles imitandis
Turpibus, & prauis omnes sumus.
Nam si quid dignum censoris fecerit ira,
Quandoquidem similem tibi se, non corpore tantum,
Nec vultu dederit, morum quoque filius, & cum
Omnia deterius tua per vestigia peccet,
Corripies? clamore & castigabis acerbo?
Vnde tibi frontem, libertatemque parentis,
Cum facias peiora senex?
Si damnoſa senem iuuat alea, ludit & infans
Bullatus, paruoque eadem mouet arma fritillo, &c.*

*Origenis
lami.*

Sed omissis alienis nostra repetamus. Inter ea quæ nimius alioqui forsan in laudibus Origenis scribit Eusebius Cæsariensis, ad vim & in suadendo efficaciam exempli, siue vitæ cum doctrina iunctæ, spectat, quod & Eusebium secuti quidam renarrât, non multitudinem modò per eum ad Christi fidẽ accessisse, sed & ad eius scholam gentiles, Philosophos, adeoque hæreticos ventitasse, atque ex eiusdem ludo profectos esse multos vtriusque sexus martyres, sectatores ipsius & discipulos. Obtinebat autem hæc, quia non verbi tantum doctrina, sed & operis exemplo docebat, & auditores ad eum vndique confluebant, & confluentes, ad Christum conuertebantur, per hoc quod geri ab eo videbant, quæ docebantur: prorsus enim orationi vita congruens respondebat, & de eo (sicut aiunt) dicebatur, *HIC EST*. qui quale verbum, talem habet & vitam, & qualem vitã, tale habet & verbum, cuiusque qualis est doctrina, tales etiam sunt mores: quales item mores, talis est quoque doctrina: quoniam & quæ docet, agit, & quæ agit, hæc eadem docet, noctu, diu, publicè, priuatim. In vigiliis & ieiuniis penè iugibus, abstinentia plurima, continentia fortè nimia, adeo nulla obrectationis, aut sinistra alioqui suspicionis occasione aduersariis relicta, vt & apud infideles atque philosophos magnum nomen eius, & ingens esset gloria: quando & Porphyrius Christi fidelium insectator, cum vti Christianum crimi-

natus, vt philosophicè, Christianè, & legitimè
ex instituto professionis suæ viuentem, etiam
contra eum scribens admiratur, Histor. Eccl.
lib. 6. cap. 3. 4. 5. 15. Nicephor. lib. 5. cap. 4. 5. 6.
7. 12. 13. Haymo de Christianarum rerum me-
moria lib. 6. cap. 3.

*Senes vt sobrii sint, pudici, prudentes,
sani in fide, in dilectione, in patien-
tia.*

ROPOSITAM in generali
doctrinam distinguit per partes
& species, & singulas hominum
conditiones, ætates, omnes sta-
tus & gradus instruit: liberos
primùm, deinde seruos, senes &
iuuenes, mares & fœminas, Sic quid omnes &
singulos deceat, quæ quibus apta sint, & con-
ueniunt, decenter præcepta constituit, vt sermo
eius, vitæ morūque sit regula. Tu ergò, ætate li-
cet iuuenis, loquere tamen senibus, *Senes*, Am-
brosio seniores, quos Scholia Hieronymo in-
scripta intelligi posse tum ætate, tum ordine
adnotant, Ecclesiæ præcipuè seniores, siue
consiliarios, siue ministros sacros, quibus pri-
mùm quam omnibus deinde formam præ-
beant, eam doctor Ecclesiæ constitutus, prior
præbeat necesse est: quanquam hîc, vt 1.
Timoth. 5. malo cum Græcis de senectute, non

dignitate agi, & πρεσβύτερος natu grādes exponere, quos enim seniores dicere solemus, Græcis πρεσβυς, & senes, γέροντες. nam senex apud eos γέρον, dicitur, non πρεσβύτερος, grandioris etiam ætatis, & plenum dierum posse dici senio- rem, hoc est, Presbyterū. Hinc intelligi potest, quia hoc Abraham appellatus est, quando mortuus est, Proinde omnis senex etiam Presbyter, nō omnis Presbyter etiam senex, quia plerunque hoc est nomen ætatis, quæ infra senectutē senectuti vicina est, & ex hoc etiam à senectute nomen accepit, sed & Græcis maximè in scri- ptura πρεσβύτερος & γέροντες dicuntur, etiā si æta- tes iuvenū cōparētur, quos dicim⁹ maiore & mi- norē. Hæc Augustinus variis in locis, De Gene- si contra Manichæos, lib. 1. cap. 23. locutionum super genesim, cap. 70. In Psal. 104. *ut sobrii sint,* vel sobrios esse, vel hortare supple, vel oportet, ut subaudiunt scholia Græca. Sunt bona quedā, ad quæ senectus disponit, ut voluptatum con- temptus, & corporalium delectationum, quæ præcipuè cōsistūt in cibo, potu, venere, ad quas senilia corpora, nō ut iuuenilia, deferuescente nimirū naturæ calore, excitantur. Sic Berzellai octogenarius, iussus, vel magis rogat⁹ à Dauide aulam sequi, securè ibi & quietè cum eo alen- dus, respondit, nunquid vigent sensus mei ad discernendum suaue & amarū? aut me delecta- re potest cibus & potus? aut ultra possum can- torū cantatricūque voces audire? Reuertar obsecro, domū meā, &c. 2. Re. 19. Prætulit ergò

Be. x. u. pul-
crum ex-
puit.

Berzellaus rem domesticam regio conuictui, *Domestica*
 negans senem se Regiæ voluptatibus frui pos- *vita.*
 se, & per aratem, vllam è cibo potuvè capere
 voluptatem, aures magis ad tiliarum, reliquo-
 rumque, quibus aulici se solent oblectare, in-
 strumentorum sonos habere obturatas, roga-
 re proinde, sibi cum bona Regis gratia liceat
 suo more domi vinere, Ioseph. lib. 7. Antiquit.
 cap. 10. Pudeat huius exemplo retorridos & de *Aulica vita.*
 crepitos aulicos, & quidem, si Deo placet, mo-
 nachos & episcopos. Sobrios ergò Latini, non
 temulentos, vino nō deditos, sed in cibo atque
 potu temperatos, hic exponunt, ne iunioribus
 exemplum præbeant ebrietatis: aut etiam vigi-
 lantes, *ὑπαλ'νς*, quòd hæc vox vtrunque Græ-
 cis significat, hic contrà obseruantibus, senectū *Senectutis vi-*
 tam, præterquam quòd ipsa morbus est, quos- *tia.*
 dam habere morbos, & vitia sequi propria, qui-
 bus iuuenta careat, vel certè non ita sit obno-
 xia, tarditatem, segnitiam, obliuionem profun-
 dam, sensuum obtusionem, iracundiā. hoc igitur
 corrigit, & quòd tardi ferè sint & somnicu-
 losi, vigilare iubet, vt attentī, vigiles, prompti
 sint, admonet, quæ in ea ætate fieri vix patian-
 tur, *pudicis*, & ad pudicitiam quoque senium di-
 sponit, postquam (ait Sara) consenui, & Domi-
 nus meus vetulus est, voluptati operam dabo?
 Gene. 18. *σεμνός*, Ambrosius graues, Hierony-
 mus honestos vertit, hoc est, seueros, & hone-
 statem præ se ferentes, vt ætatis grauitatē mo- *Senum gra-*
 rum grauitas decoret, quod è contrario ferè *uitas.*

dum ineptiant, & repuerascant, *prudentes*, in respiciendis cauendisque malis, & in eligendis atque faciendis bonis, ut cum solerti discretione faciât omnia, ut nouerint docere iuniores. Sed & ad hanc virtutem disponit hæc ætas, ob longi temporis experienciâ, in antiquis est sapientia, in multo tempore prudentia, Iob. 12. Ecclî. 25. Quàm speciosa veteranis sapientia, gloriosus intellectus, & consilium, corona senû multa peritia. Quin & in Plauti Trinummo, Sapientiæ ætas condimentum est. At Græci σώφρονες, modestos & moderatos interpretâtur, ob animi moderationē, quibus σωφροσύνη, quasi σκοφροσύνη, hoc est, φρενῶν σωτηρία, dicitur præcordiorum vel mentis sanitas, παρὰ τὸ σώας ἔχειν τὰς φρένας, ut sanos & incolumes animos habeant, cum contrâ quidâ id ætatis sint, qui immoderatus excandescant, & tantum non insaniant, alij vino, alij mentis imbecillitate. Nam in senibus temperantiam à lasciuia aut libidine requirere, fortè superfluat, quod hanc eos in confesso sit habere. Suo contrâ more Hieronymus pudicos hic vertit, & nè videatur absurdè senibus præcipi pudicitia, addit, nè in aliena ætate luxurient, & iam frigido ad libidinem sanguine, exemplo sint adolescētibus ad ruinam. Sic in Sedulij fragmentis, Sobrij, nō luxuriosi, pudici, nō libidinosi. Lyrano sobrij & honesti sunt in omnibus actib⁹ moderati, quod exigit ætatis maturitas. pudici, casti, quia contrarium in eis valde detestabile, ut in quibus frigescat

*Pudicitia ab
surdè senibus
præcipiatur.*

calor naturalis: prudentes in agibilibus, quod & in iis diuturno experimento acquisitum esse debet. Hæc ergò tria quatuorvè senectæ cōueniunt. Sed si ad ea hæc ætas disponit, quare ad eadem monet Apostolus? Respōdet Aquinas, interim ex magna peruersitate cōrīgere, vt senex ad puerilia peccata reducatur, & puer fiat, cētenarius licet sit, Esa. 65. Sensu nimirū paruulus, nō malitia, 1. Cor. 14. Idque duplici ex ratione cōtingit, aliter enim ad hæc iuuenis, aliter senex mouetur, ille ex passionis impetu, hic electione. Idque rursum propter duo, nemo enim delectari non appetit, & tantò plus, quātò grauiores sentit molestias, patiuntur autem multa senes incommoda, multos naturæ defectus,

Circumsilit agmine factò

Morborum omne genus,

Subeunt morbi, tristisque senectus. & huiusmodi

poëtica, vt rectè dixerit philosophus morbū esse a duentitiam senectutem: Senectutem morbum naturālē, de Generatione animalium, lib. 5.

cap. 4. Qui ergò non habet spirituales delectationes, corporeas vt plurimum querunt. Sed & senes, quia huiusmodi & multa experti, plerūque inuerecundi, minus certè quàm iuuenes, verecundi, ideòque minus quàm hi pudore naturali refrenantur, & sit vt prorsus alij quàm quos hic requirit Apostolus, euadant, ebriosi, minus graues, impudici, imprudētes, de quibus scripturæ locos indicauimus, 1. Tim. 4. & 5. Ex tribus hominum generibus, quæ se odisse

*Senectus ipsa
morbus.*

Senum infatuatio ex duobus.

dicat Sapiēs, tertio loco reponit, senem fatuum & insensatum, Eccli. 25. Infatuantur autem senes ex duobus, cū enim prudētia, vt reliqua, exercendo acquiratur, & excolendo augeſcat, qui se in iuuentute honestis studiis non occupant, nihil mirum si in senectute stultescant.

Quæ (ait vbi suprā, Syrachus) iuuenis non cōgessisti, ea quomodo senex inuenies? Est & alia ratio, quia luxu interim & voluptate diffluunt, & iis superfluo cibo, potu, venere, cerebrū siccatur: Vino autem quisquis oblectatur, & siceram ceu temetum amat, id est, ebrietatem, non erit sapiens, ait alter, Prou. 20. hinc vbi antè apud Ecclesiasticum, pro fatuo & insensato verterunt alii adulterum *μοιχὸν*, & mentis impotentem, siue mēte captum. Et verò ea ætate, quod & prædiximus, libidinis ardor naturalis minui deberet ac extinguī, mentis contrā vigor augeri, vsūque rerum & prudentia confirmari, vt monstrum quoddam esse videatur senex imperitus & impudicus, cūque omni ætate fœda sit libido, tum senectæ multò fœdissima, i. Officiorum.

Senis imperiti & impudici probrum.

Et libellus de XII. abusionum gradibus, cuius tandem cūque sit, secundum facit, senem sine religione, talem scilicet in hominibus, qualem in lignis arborem, post flores cultori suo fructus non exhibentem, multisque morbis quasi corporis domum iam iam ruituram prænunciantibus, de futuræ vitæ aditu properè comprehendendo minus cogitantē. Caueādas igitur duas ei particulas, quæ in eius car-

ne non veterascunt, & hominem totum secum ad peccandum trahunt, Cor videlicet, quod no- uas semper cogitationes machinari non desi- nit, & linguam, quæ impigrè quicquid cor sen- serit machinari, loquitur. Neu hæc totam eius harmoniam decipiant, & per res ineptas reli- quam corporis illudant grauitatem. Conside- randum quid eminenti dignum ætate sit, nè quid agat, quod eam, vitamque totam vilè red- dat. Sed redeamus ad Paulum, Denique senes iubet esse sanos, quòd & insaniat senum vul- gus,

Et quod sit sapiens, desipit ipse magis, ait de sene Cornelius Gallus. Sed *sanos in fide*, vt hanc inte- gram, & nullius erroris admixtione, nullo infi- delitatis vel perfidiæ languore infirmam ha- beant, & primùm fidei habentes sanitatem, au- diât à Saluatore, Fides tua te saluam fecit, fide facti Abrahæ filij, fide iusti, fide quisque sua vi- ui, & iuxta fidem mortui, Qualis alibi enume- ratur fidelium vtriusque sexus, etiam in lege, Sanctorum catalogus, Heb. 11. vt & in eadem fide valeamus, atque syncerè credamus. Et hoc quoque, vt superiora senibus plerunque diffici- lia, nè dicam contraria, quorum quòd aliqui non sint fide sani, maximè si quod eis nouum credendum proponitur, quod contingere ex duob⁹ hic philosophatur Aquinas. Senes enim in aliquo, præsertim nouo faciles non esse so- lent, multò minus firmi, propter sapietiæ præ- sumptionem. Hinc B. Iobo dicenti, quòd Do-

*Fidei cõmens
datio.*

minus senum doctrinam & consilium auferat, respondet Eliphaz Themanites, Quid nosti, quod ignoremus? quid intelligis, quod nesciamus? Et senes & antiqui sunt nobis, multò vetustiores quàm patres tui, Iob. 12. 15. Et ideo nò facilè credunt aliis, pudètque quod Flaccus ait, *Quæ iuuenes didicere, senes perdenda fateri.*

Senum incre-
dulitas.

Naturale item senum vitium est, incredulos esse, quia experti sunt se sapius esse deceptos.

Ideoque loquuntur vt plurimum, cum [fortè] vel [terè] aduerbiis temperatiui & dubitatiui modi. Incredulitas autem, fidei repugnat, iuxta illud Esa. 21. *Qui incredul⁹ est, infideliter agit,* & Ioan. 20. *Noli esse incredulus, sed fidelis.* Est autem sanitas vt fidei, de qua toties dixim⁹, sic

Sanitas cha-
ritatis.

& charitatis, de qua sequitur, *in dilectione*, Dei supra se, & ex toto se, & proximi, vt sui ipsius, sic enim eam diuidit, & cum Domino partitur, Matt. 22. Marc. 12. qui eius sanitatem possidet, sicut domesticos, sic & alios omnes diligit, Matt. 5. Luc. 6. etiam inimicos. In Deum ergò atque proximum charitate senes resplendant, vt quæ forma sit fidei, Iac. 2. legis plenitudo, Rom. 13. Gal. 5. & ad id monet propter duo, quòd in senibus contrà parum, vt plurimum sit, amicitia, hæc enim cōiuctu nutritur, nemo autem, vel certè rarus, conuiuere velit cum senibus, quia tristibus,

Oderunt hilarem tristes, tristēque iocosi, ait Horatius, lib. 1. Epistolarum ad Lollium. At verò, *Lætitia iuuenem, fons decet tristis senem,* Seneca in

Hippolyto. Ideo non diuturna cum eis amicitia, vt qui etiam propter vtilitatem diligant, indigent enim sustentatione, & quod ait apud Ciceronem Cato, exacto itinere viaticū quærūt. Iuuenes è contrario, propter oblectationē. Sic Aquinas. Est autem fidei & charitatis vt sanitas, sic & infirmitas, & vt ita dicam, modicitas, unde toties Dominus, quid timidi estis? quid dubitasti? quid cogitatis inter vos modicæ fidei? Matt. 6. 8. 14. 16. & de extremis temporibus, Luc. 18. Filius hominis veniens, putas inueniet fidem in terra? Sed & sæpe Paulus admonet in firmos in fide atque conscientia, à firmioribus suscipiendos, supportandos, & lucrificandos, Rom. 14. 15. 1. Cor. 8. 9. 1. Theff. 5. Sumit & de scripturis exemplum Hieronymus, eorum qui in charitatis infirmitate sunt, Cū multiplicata fuerit iniquitas, refrigescet charitas multorum, Matt. 14. ea quippe calida est in his qui feruent spiritu, friget in aliis atque languet, & glacialis est, & gelida. Timendum ergo ne quando hac charitatis infirmitate superemini, &c. Reliquum Hieronymianæ monitionis in Adolescentulis mox videro. Postrema senibus commendatur sanitas in Patientia, Rectè sanè, ea quippe senibus congruit vel maximè, Siquidem senectutem minimè decet impatientia, vel iracundia. Commodissimum ergo eis præceptū, vt nullo impatiētiae vel murmurationis lāguore infirmetur, vt nō frāgātur aduersis, glorientur magis & gaudeant in tribulationibus,

*Infirmitas
dei & chari-
tatis*

*Patientia se-
nibus cōgruit
vel maximè.*

Rom. 5. Iac. 1. forti ferant excellēque animo,
quæ à veritatis hostibus inferuntur, molestias
& tentationes. Mirum tamen quàm facilè ex-
candescant, & leui de causâ cōtristentur, ac de-
iiciātur, Si tamen id mirum, primū quidem,

Memoria se-
num, quæ.

ait in Arte Flaccus, difficilis, querulus, &c. Me-
mores item sunt bonorum & commodorum,
quibus iuuenes clarebant, senes carent,

Lacedæmo-
niorum τρι-
χορία.

Nos quoque floruiimus, sed flos fuit ille caducus, ait
in tristibus senex Naso. Et in triplici Lacedæ-
moniorum choro, quem τριχορία vocabant,
iuxta triplex ætatum discrimen, senum in pri-
mo ordine siue serie, hæc erat cantio,

Senum contē-
ptus.

Nos fuimus olim strenui Iuuentuli, Plutarchus in
eorum institutis antiquis, & in libello, Quo pa-
cto laudare se quispiam possit. Miserum istuc
verbum, & pessimum, *Habuisse*, Plautus in Ru-
dentibus. Terentius in Sene se excruciente.

Senum spes.

Sed & contingit eos à iunioribus & inferiori-
bus despici, Nunc me (Iob aiebat cap. 30.) de-
rident iuniores, quorum patres non dignabar
ponere cum canibus meis. Postremò, quò ma-
gis fini propinquant, hoc plus desiderant viue-
re, & nemo tam senex, qui nō putet, aut etiam
speret annum superesse se posse, ait qui & ubi
antè, Cato. Quin Herodes ille, decrepitus licet
apud Iosephum, lib. 1. de bello Iudaico, cap. 17.

Herodis senis
dilectum.

neque senex (aiebat) adeo sum, vt de me citò
desperetur, nec voluptatibus assuetus, quæ ado-
lescentium vitam spatio breuiore concludunt.

Diuini-

Diuinitatem verò sic coluimus, vt in longum nos æuū progressuros esse credamus. Et hæc dicit tyrannus crudelissimus, ix. vxorum vir. Quantò melius apud Clementem lib. 10. Recognitionum, Petrus, Incertum est etiam iuuenibus vitæ tempus, senibus iam nec incertum, non enim dubium, quin quantuncunque est quod putatur superesse, breue sit. Ideoque vtròsque oportet esse de conuersione & pœnitentia valde sollicitos, &c. Ex hoc fortè loco Marcella vidua iunior Cereali longæuo proco manus danti, posse & senes diu viuere, & iuuenes citò mori, eleganter ludit, Iuuenis quidem potest citò mori, senex diu viuere nō potest, Scribit in eius Epitaphio Hieronymus, iundò verò *Venturæ memores iam nunc estote senectæ,*

Sic nullum vobis tempus abibit iners. ait in re multò alia poëta de Arte. Sentiētes ergò se senes deficere, tristantur. Patientia igitur, cū omnibus Christi fidelibus, tum senibus in primis necessaria, Hebr. 10. Et in hac sanus quoque sit oportet, qui in fide & charitate sanus est, nihil enim prodest superiora habere, nisi omnes diuitiæ & mercimonia, quibus onusta nostra nauis est, in tempestate seruentur, & perflantibus hinc inde ventis, absque naufragio, quæ benè parata sunt, liberentur. Qui enim perseuerauerit vsque in finem, hic saluus erit, Matt. 10. 24. Et verò qui charitatis sanitatem habet, non æmulatur, non inflatur, non irritatur, siue ad

*Charitatis
sanitas.*

omnia credit, sperat, & sustinet, 1. Cor. 13. Qui sint ergò sanę doctrinę, Paulus hæctenus ostēdit, ut minus sobrios, minus graves, infideles, sine charitate, impatientes, in tanę doctrinę discipulos significaret, his enim operibus nescitur Deus, neque iustitia eius. Sic Ambrosius, apud quem in textu deest præpositio 1 N.

Digressio quarta.

Senes, seniores & presbyteri ut accipiantur.

Hæc satis ad literam. Senum porrò, seniorum, & presbyterorum non vna est in sacris literis acceptio, Est ubi ad ætatem, ubi ad sapientiam, ubi ad auctoritatem hæc vocabula referuntur. Quorum locorum, quia numerosi admodum sunt, observationem simul & distinctionem petat lector ex Benedictinis Concordantiis. Hic autem vocantur non grandævui tantum, sed & iudices siue magistratus, & doctores, & primariæ alioqui auctoritatis homines, nimirum quod hæc non nisi natu iam magnis, ut debentur, sic deferebantur, etiam apud infideles multò post Romanos, de quibus Fastorum 5. Non nisi post annos potuit tunc curia seros.

Nomen & ætatis mite senatus habet.

Seniores.

Quales selegit Dominus de senibus Israël lxx. seniores, quibus partitus est Moyses in ea regenda republica, onus & spiritum, Exod. 24. Numer. 11. Ante quorum etiam delectum regebantur illi à senioribus, Exod. 3. 4. 12. 17. 18. pro quo significatu Latinus interpres

reliquit vocem Græcam passim in libro Iudith 6. 8. 10. 13. 15. Esd. 6. Bar. 1. Dan. 13. fit crebra in vtroque testamento, cum sacerdotibus & principibus eius populi, senum & seniorum mentio, qui cum eis regerent & iudicarent, aut eis à consiliis essent, Qui sedebant in portis, vbi tum exercebatur Iurisdic-tio, Deut. 21. 22. vnde propheta quæritur senes defecisse de portis, Thren. 5. Et in ordinatione custodum domus Domini siue tem-pli, 1. Paral. 26. Missæ sunt sortes per fami-lias in vnanquaque portarum, ad portam au-tem australem erat seniorum concilium, quo-rum assidentium consilij & iudicij meminit, 1. Esdr. 10. & 3. Esdr. 9. Est etiam crebra in Euan-geliis & Actis Apostolicis, seniorum cum sa-cerdotibus, sacerdotumque principibus, & templi magistratibus conuenientium, & con-silia ineuntium memoria. Cum Scribis item & Pharisæis Seniorum, hoc est, legis docto-rum, & scripturæ interpretum aduersus Chri-stum tentationes & traditiones, de quibus su-prà, cap. 1. Fuisse autem suos vt synagogæ vete-ri, ita nouæ siue primitiux Ecclesiæ, Seniores, non tantum episcopos & presbyteros, sine quo-rum cōsilio nihil ageretur in Ecclesia, diximus ex Ambrosio, 1. Tim. 5. & iam tum obsoleuisse, doctorum fortè negligentia, aut etiam super-bia, dum sibi volunt aliquid videri. De quibus Lucas, Act. 11. 15. 21. Horum cum pastoribus & doctoribus erāt exhortationes, castigationes,

censuræ, reliquæque Ecclesiæ disciplina, vt testatur in Apologetico cap. 39. Tertullianus ita, Præsident probati quique seniores, honorem *Seniorum of* istum testimonio adepti, non pretio, &c. *ficiunt.* Horum item erat officiũ, pauperibus prospicere, lites dirimere, &c. Orphanis, ait ad eos Petrus apud Clementem epistola 1. exhibete vos patres, Viduis virorum curam impendite, cum omni castitate quæ necessaria sunt, præbentes. Ignorantibus artificia, exquirite honestas, quibus victum quærant, occasiones, artificibus operam providere, debilibus misericordiam facite, & cætera quæ suprâ, cap. 1. in hospitali presbytero diximus, & quod citatur 11. q. 1. cū aliquot similis argumenti, ca. Si qui ex fratribus negotia habent inter se, apud cognitores seculi non iudicentur, sed apud presbyteros Ecclesiæ, quicquid illud est, dirimatur, & omnimodò eorum statutis obediant, pondera, mensuras, stateras pro locis quibusque æquissima custodite, deposita fideliter restituite. Hęc inquã, vel horum certè bonam partem procurate magis spectat ad seniores Ecclesiæ laicos, quàm ad clericos, verbi nimirum diuini, & sacramentorum ministros, etiamsi Petrus hanc ad presbyteros doctrinã, nullo medio post eam quæ ad episcopos, & ante eam quæ ad diaconos pertinet, tradidit. Seniorum autem vt præcipua erat erga pauperes cura, tantùm, inquit Paulus, vti pauperum memores essemus, Gal. 2. & facta tum fame magna, Christiani habitantibus

in Iudæa fratribus subsidiū singuli, prout quifque habebat, ad Seniores miserunt, Act. II. pauperibus indubiè, prout opus habebant, per eos distribuendum. Ita præcipua tunc erga senes erat reuerētia, quod & attigimus, 1. Tim. 5. *Senium reuer-*

De his extat canon 83. Concilij Carthaginensis 4. Pauperes & senes Ecclesiæ plus cæteris honorandi sunt. Quidni, cum & apud profanos, vt canit Fastorum 5. Ouidius,

Magna fuit capitis quondam reuerentia cani,

Inque suo pretio ruga senilis erat.

Et Satyra 13. Iuuenalis,

Credebant hoc grande nefas, & morte piandum,

Si iuuenis vetulo non assurrexerat, & si

Barbato cuicunque puer.

Tam venerabile erat præcedere quattuor annis.

Senū quoque apud Lacedæmonios honor locum fecit prouerbio, vbi tam honestum senectutis domicilium, vt in sola Sparta senescere expediret, autores, in Laconicis Plutarchus, Ciceronis Cato, Valerius de verecundia, Iustinus

lib. 3. Quò magis contra naturam in Iulide Cō insulæ vrbe lex sexagenariis mortis indicens certamen, ex Stephano, Leonica historia, lib. 3. cap. 37. lib. 4. cap. 1. Strabo. lib. 10. 11. Herodot. lib. 3. &c. In Ceo lex vel consuetudo, voluntario eis aconito vitam finiens, ne reliqui cibariis deficerentur, citat ex Menād̄ro Cælius lib. 18. cap. 26. 28. & Euseb. præparat. lib. 1. cap. 3. Massagetarum ritus adhuc horribilior eos frustillatim dissectos cum aliis carnibus mixtim

Senectutis honor apud Lacedæmonios.

Contra sexagenarios dura lex.

vorantium, & immolatis, quos plurimum dilexerant, propinquos & affines epulantium. Bactrianorum canibus ideo sepulcralibus appellatis obiectantium, Caspiorum item suos canibus, Hircanorum, auibz proicere, Tiberenorum precipitare solitorum, lib. 19. cap. 26. Sardorum lethaliter fustibus caesos contumulantium, lib. 28. cap. 22. Erulorum lignea strue ingenti surrecta necantium. Quibus addit Alexander in Genialib. lib. 3. cap. 2. senescētes Derbyces viros hostiarum more immolari, mulieres prefocari, Hyperboreos ex rupe precipitari, Caspios fame ac siti enecari, vel in deserta exponi, Thraces & Indos volētes, vri, alibi mergi, &c. Sic scilicet arbitrantur eos qui senectute conficerentur nimia, esse miserrimos. Ea illis ante Christum Religio. Sed omissis alienis nostra repetamus. Senectutem non quālecunque, sed bonā, eximium Dei esse donum hinc constat, quod toties singulares Dei amici, in senectute bona defuncti leguntur & cōmendantur, Gene. 15. 25. 27. 48. patriarcha, Iudic. 8. Gedeō, David, 1. Paral. 29. 3. Reg. 1. Psal. 36. 3. Reg. 14. Ahias propheta, Ioiada sacerdos, 2. Par. 24. & Iob. 42. mortui dierum pleni, Iosue 13. & 24. longæuus, & Chalebo permāsit in senectutem vsque virtus, Ecclī. 46. Moses annorū cxx. moritur, Deut. 34. oculis non caligantibus, & dentibus immotis, Tob. 5. 6. 10. 14. cum vxore incolumes in senectute bona. Deut. 33. In benedictione Aser legimus, Sicut dies iuuentutis tuę,

Senectus eximium dei donum
191177.

ita & senectus tua, Orat Psal. 70. ne proiciatur in tempore senectutis, neu cū defecerit sua cum virtus, derelinquatur, & homini fideli longæuitas ita promittitur, Psal. 90. Longitudine dierum replebo eum, & ostendam illi salutare meum, parentes præsertim, adeoque senes omnes reuerenti, Exod. 20. Deut. 5. Eph. 6. Et iusti quoque multiplicabuntur, fructificabunt, pingues erunt & virides, & iuxta alium interpretem, fructificabunt, in senecta vberi, Psal. 91. qualis Iacobus Iosephi quàm aliorum liberorum amantior, quod hūc genuisset in senectute sua, Gen. 37. 44. Et senectus quidem venerabilis, sed morum etiam, non annorum tantum, cuius cani, sensus: & ætas, vita immaculata, Sap. 4. 3. Impiorum cōtrā longa licet vita, nihili & sine honore senectus nouissima. Melior enim puer pauper & sapiens, Rege sene & fatuo, qui providere nesciat in posterum, Eccl. 4. Quali fortè seni Heli minatur Dominus, neminem vnquam in ei⁹ domo senem fore, 1. Reg. 2. Prou. 16. corona dignitatis, senectus, 20. & dignitas senū canities, Eccl. 25. & gloria eorū Dei timor & reliqua suprà, in vocabulo prudentes. Et hoc quoque est apud eūdē sapientē ius senile, cap. 3. Corā seniore humilia animā tuā, 6. In multitudine seniorū prudentiū sta, 8. ne spernas hominē in senectute sua, etenim ex nobis senescūt, Ne despicias narrationem seniorum sapiētiōrū, 7. Noli verbosus esse in multitudine seniorum, seu vbi sunt senes, ne multū loquaris, 32.

Senectus in gloria.

*Senum exem-
pla iuniori-
bus.*

Quo magis senibus cum Eleazaro cogitanda
sua cuique ætatis & senectutis non tantum ca-
nities, sed etiam excellentia & dignitas, 2. Mac-
cab. 6. & à pueris (siquidē Deus dederit) opti-
ma, & iuxta diuinam legem formata conuer-
satio, vt nihil ætate sua indignum fingant aut
faciant, quò adolefcentes quidem propter eo-
rum imitationem, & modicum corruptibilis
vitæ tempus decipiatur, senes autem maculam
& infamiam senectæ suæ conquirant, in præ-
senti licet tēpore hominum erepti supplicii,
at Omnipotentis manum nec viui nec mortui
effugituri, Sed fortiter morientes, & senio di-
gni videbuntur, & iunioribus exemplum relin-
quēt ad mortem pro sanctissimis Dei legibus
generosè obeundam. Et similis quidem senilis
patientiæ exempla in ecclesia multa sunt, Si-
meon Hierosolymorum post Iacobum & vr-
bis euerfionem episcopus, Christi Domini pa-
truelis, deferentibus hereticis accusatus, & dies
multos tortus, crucis martyrio consummatus
est, cunctis qui aderant, mirantibus, hominem
annorū cxx. tormētorū tantū perferre potuisse,
Euseb. li. 3. ca. 32. Niceph. li. 3. ca. 16. Freculphus
Chronicorū tom. 2. li. ca. 11. Nec ita post Poly-
carpus vir Apostolicus, Christū cōuitiis incel-
sere, aut emori iussus, respōdit, Octogita sex an-
nis ei seruiro, nec vlla in re ab eo læsus sum aut
offensus, & quomodo in animum inducere
possum, vt Regem meum blasphemem, qui
me saluum fecit? & sic igni & gladio cunctis

*Simeon He-
rosolymorum
episcopus
martyr.*

Polycarpus.

stupētibus martyrium subiit, scribentibus iisdē qui suprā, Euseb. lib. 4. cap. 15. Nicephor. lib. 3. cap. 35. Porro teritur hodiēque puerorum manibus senior Tullij Cato, dignior qui legatur totus, quā qui epitometur. Negat senes rebus gerendis ineptos, senex adolescentis vires non desiderat, gratulatur senectam voluptatibus priuari, quartò & postremò, mortis, cuius motus maximè angit, contemptum, seni prius fuisse discendum. Illud ex tam multis veterum de Senectute dictis *παρὰ δ' οὐλότατον*, Seniores magna ex parte minus ægrotare quā iuuenes ab Hippocrate notatum, vt adagio inde profecto Senilem valetudinem nuncupemus prosperam satis, & minus infestam, sed Senum modò continentium, moderatorum, parcēque victitādo cupiditates perdomantium, Alioqui luxu, gula, & voluptatibus delibuti, magis ægrotant, vt debiliores, frigidiore, & morbi insuper digeriem difficilius concoquentes. Sed quod medicorū est, promittant medici, Illud verius est, & certius, quod vbi suprā Tullius, Defectionem virium adolescentiæ vitiis effici sapius quā senectæ. Libidinosa & intemperans iuuentus effectum corpus tradit senectuti. Ad cuius laudē commendationēque plus facit, quod Senilis antè valetudinis adnotator Cœlius lib. 30. cap. 2. & lib. 3. cap. 7. subiicit eximiè aduertendum, Senectutem nihilominus dici ac esse ætatem animæ propriam, & accommodam, moribus proinde bonis dulciorem, consiliis paratiorem

*Cato senior
Tullij.*

*Senes minus
ægrotare quā
iuuenes.*

*Sophoclis re-
sponsum.*

*Themistoclis
dictum egre-
gium.*

*Aristotelis
taxatus.*

*Sapientia
senum.*

promptiorémque, quando omnes quidem in
sene conflaccellant vires, sola lætius viridiúsque
progerminet sapientia, libidinum incētiuis aut
confilefcentibus quietior, aut retundendis fir-
mior. Bene Ciceroni vbi antea, rogatus Sopho-
cles vtereturnè rebus venereis, Dij (inquit) me-
liora. Libenter istinc vt à Domino agresti &
furioso profúgi. Cupidis quidē taliū odiosum
fortasse & molestum est non frui, Satiatis verò
& expletis iucundius est carerē, non desidera-
re iucundissimum. Themistocles clarissimus
Græciæ Imperator, transmissis vitę annis CVII.
lineas fieri iam propiores sentiens, indoluit: tū
sibi demigrandum, sapere cū præcipuē esset
exorsus, vt mirer Aristoteli in Politicis (forte
lib. 7. cap. 6.) corporis minui vigorem ab anno
36. animi, ab 48. cū scriptores contrà cele-
berrimos, poëtas præsertim, legamus ætate iam
grandi Cygneum quiddam, & consuetō molli
blandiúsque vicina morte cecinisse, quorum
grandem satis catalogum texuit post Cicero-
nis Catonem Hieronymus ad Nepotianum,
hoc argumentum tractans, Omnes (ait) penē
virtutes corporis mutantur in senibus, & cre-
scente sola sapientia, cæteræ decrefunt, Iei-
unia, vigilia, eleemosinæ, chameunia, (id est, hu-
mi dormitiones eidem Agg. 1.) Huc illúcque
discursus, peregrinorum susceptio, defensio
pauperum, instantia orationum, perseuerantia,
visitatio languentium, labor manuum, Breui-
ter cuncta quę per corpus exercentur, fracto

corpore, minora fiunt. Senectus verò eorum qui adolescentiam suā honestis artibus instruxerunt, ætate fit doctior, vsu tritior, processu temporis sapiētior, & veterum studiorum dulcissimos fructus metit. Hanc senum sapiētiam indicat 3. Reg. i. nominis & patriæ sacramento *Abisac.* siue pater meus superfluus interpretetur, virtutem hoc loco sonans in senibus amplio- rem & largam, ac redundantem sapiētiā: Siue patris mei rugitus, cū maris fluctus resonat, & de pelago veniens fremitus auditur, abundantem, Et vltra humanā vocē diuini sermonis in senibus tonitruum commorari ostēdens. Omnino canorum illud (ait Cato maior) in voce splendet nescio quo pacto in senectute. Porro *Sunamitis.* Sunamitis lingua nostra dicitur, significans feruorem sapiētiæ diuinæ lectionis calore. Hæc ergo puella Dauidi bellicoso quōdam viro, septuagenario, senecta sic frigescēti vt calefieri non posset, nec à superstitibus tot vxoribus & concubinis, omnibus eis quasi frigidis, repudiatis, quæ sita est de vniuersis finibus Israël, quæ cum Rege dormiret, senile corpus calefaceret, in cuius vnus adolescentulæ complexu senex frigidus vestimentis obuolutus tepesceret. Atqui patriarchæ Dauide multo seniores, & priores ante diluuium viri, artubus non dico senilibus, sed penè iam cariosis, non vel cum vxoribus vetulis frigerunt, vel iis viuētibz alias vxores, aut puellares quæsiere amplexus.

Quæ est igitur hæc vxor & virgo, tam feruens, vt frigidum calefaceret, tam sancta, vt calêtem ad libidinem non prouocaret? Exponat Solomon patris sui delicias, pacificus bellatoris narret amplexus. Prîncipium sapientiæ, posside sapientiam & intelligentiam in omni possessione tua, Ne obliuiscaris, ne declinaueris à verbis oris mei, ne dereliqueris, & apprehendet te, ama, seruabit te, circunda, exaltabit te, honora, amplexabitur te, vt det capiti tuo gratiarum & deliciarum coronam te protegentem, Prou. 4. Hæc Abisag illa Sunamitis quæ sita, cuius feruore senescentis viri recalescerent membra, iam arata rugis, & deflaccata, In carnis vtique imbecillitate vis mentis sobrietas, nam & Apostolica intonuit tuba 2. 2. Cor. 12. Cum infirmor, tunc potens sum. & oraculo salutari respõsum illuxit diuinum, infirmitate perfici virtutem. Ex hoc enim loco improbat ad Pammachium Hieronymus, quod in quadam controuersia legerat, Imbecillitas corporis, animæ quoque vires secum trahit. Neque verò nego vt corporis, sic mentis esse senectutem, in Politicis vbi paulò antè, & lib. 2. cap. 7. διακίνας γῆρας, sed mentem simili ac corpus debilitatis necessitate laborare, id verò sapientes pernegant, mens enim vigor indeficiēs est, corporis licet debilitate fûctiones suas liberè nequeat absoluerè, & quadam quasi opacitate interposita, solem semper lumine plenissimum, impotentibus oculis intueri. Corporis ergo regula ad animi dispo-

*Infirmitate
virtutē per-
fici.*

sitiones fallax, imò huius illiúsque vigor: opposita respondent analogia, hæc ibi Faber annotat. Ergò inter quæ,

Multa ferunt anni venientes commoda secum,

Senectutis bona

quod ait in Arte Horatius, & senectæ bona,

Hieronymus ibi enumerat, quia nos ab impu-

dentissimis Dominis liberat voluptatibus, gulæ

imponit modum, libidinis frangit impetus, au-

get sapientiam, dat maturiora consilia, & frige-

sciente corpore, dormit cum perpetua virgi-

ne Sunamitide, luxuriámque contemnens, cū

Berzellai, delegat eam filio adolescenti Ca-

maham (locis antè allegatis) quæ autem putan-

Senectutis

tur senectutis mala, crebræ infirmitates, pitui-

mala.

ta molestissima, caligantes oculi, acrescentes ci-

bi, manus trementes, nudi gingiuis dentes, tor-

mina, stomachi aculei, & chiragræ podagræque

dolores, eaque vitæ plerunque magna parte

Libidinis

truncata & præmortua membra. In tot licet

dominium.

malorum comparatione, tolerabilius morbos

sustinebo, dummodo vna & grauissima domi-

na libidine caream. Patitur quidem & senectus

nonnunquam incentiua vitiorum, nullúsque

iuxta S. Martyrem Cyprianum, diu tutus est

periculo proximus. Sed aliud est titillari, aliud

voluptatibus obrui. Ibi loquitur, quæ nouit vi-

rentes corporis necessitates adolescētia, Quod

no lo malum, facio, quod volo bonum, nō ago,

Rom. 7. hic vt inter cineres emortuos scintil-

la sublucescens reuiuiscere nitatur, incendia tamē

non, vel raro suscitare potest. Nec hoc rursum

dico, quod in solidioris adhuc ætatis iuuenibus, his modò qui labore, ardente studio, vitæ sanctimonia, & orationis ad Dominum Iesum frequentia, scientiam consecuti sunt, frigeat sapientia, in plerisque ætate senibus marcida, sed quòd adolescentia multa corporis bella sustineat, & inter incentiua vitiorum, & carnis titillationes, quasi in lignis viridibus suffocetur, neque suum possit explicare fulgorem. Et quâquam, quod idem ad matrem scribit atque filiam, in nullis ætatibus libido tuta sit, attamen vel cano capite ab aperta defendit ignominia, ac etiam periculo, si modò, quod & monet idem Paulinũ, senectam annorum numero non æstimemus, nec sapientiã canos, sed canos sapientiam reputemus, Sed & Presbyteros cū Mose seligamus, quos sciamus esse Presbyteros, utrique non æuo, sed prudentia iudicandos, & quia, quod ludit in Mæride Vergilius,

*Libido in
nullis ætati-
bus tuta.*

Omnia fert ætas, animum quoque, vox quoque Mærim, iam fugit ipsa.

& velimus nolim⁹, senescimus, paret sibi quisque diuitias, quas quotidie croget, & nūquam deficient, dum viget ætas,

*Antequàm subeant morbi, tristisque senectus,
Et labor, & rapiat dira inclementia mortis.*

paret inquam, viaticum longo itineri necessarium, secum portet, imò in cælum præmittat, quod vel inuitus dimissurus est, quod si negauerit, terra sumptura est. Ita cano iam capite, &

fronte rugis arata, vicina, & in foribus morte, impetraturus à Domino comitem sibi habere sapientiam, & Abisac amplexari, quæ nunquã senescẽs in senili sinu requiescat, impolluta, & virginitatis perpetuæ, quæque in Mariæ similitudinem, cum quotidie generet, semperque parturiat, incorrupta est.

Anus similiter in habitu sancto, non criminatrices, non multo vino seruientes, bene docentes, vt prudentiam doceant.



ENIAMVS ad alterius sexus senes, fœminas natu maiores, *Matrona Christiana* quales eas esse cõueniat, quales earum esse debeat vita & doctrina, cultus, victus, lingua, *quales esse debeant.* siue disciplina: earum in primis, quæ ad aliarum eligebantur exemplum, & si quæ tum in Ecclesia ministrabant, vt habent Scholia Græca, adeoque vetulas omnes, & quanquam Petrus præcipit, vt vxoribus suis, tanquam vasculo infirmiori honorem tribuât, 1. cap. 3. non statim tamen arbitrandum est, vt eæ sicut corpore, sic anima infirmiore sint, quin & in eis illud interim cõpleatur, Virtus in infirmitate perficitur, 2. Cor. 12. Domino præsertim dante, in quo nõ est masculus, neque fœmina, Gal. 3. quique inter cætera potentia suæ miracula, etiam in sexu fragili victoriam martyrij non raro contulit, vt est in Ecclesiæ collecta, *Femina magis*

Virago.

de vna Martyre. & quidni omnes primę instar,
 quę quia de viro sumpta, vira seu virissa, aut
 virago vocata est, Gene. 2. viriles sint, & virili-
 ter salutem suam operantur? Vnde & nunc eis
 præcipitur, vt habeant, quę senibus antè com-
 munitè præcepta sunt, in eo scilicet quod ait
Annus similiter, Ambrosius, pari modo, Itidem
 hortare, siue admone, ita vt viri senes, in omni-
 bus honestæ, pudicæ, sobriæ, sanæ in fide, &c.
 & pro sexu suo hoc habeant proprium, vt sint
in habitu sancto, siue quod melius in græco le-
 gi notat Hieronymus, ἐν κασμήματι ἱεροπρεπῆς,
 quod Ambrosius, velut explicans compositam
 vocem, vertit, in statu religione digno, referē-
 tes vterque ad omnem corporis gestum, nedū
 vestitū, quod perinde valet ac si dicas, eo ami-
 ctu, qui doceat matronas Christianas, vt &
 earum incessus, motus, vultus, sermo, silentiū,
 quandam decoris præferant dignitatem, & ex-
 teriore ornatu, interiorem ostendant: amictus
 enim corporis, & gressus homini enunciant de
 illo, Ecclī. 19. qualis, & quomodo sit animatus,
 indicant & arguunt. quod simpliciter de omni
 corporis motu hīc intelligit Aquinas, Est enim
 & habitus non sanctus, vt lasciuus, fastuosus,
 superfluous, & quā pro suo cuiusque statu præ-
 riosior, reprehensus Paulo, 1. Tim. 2. & 1. Pet. 3.
 Quibus vitiis qui caret, cultus honestus, mode-
 stus, religiosus, conuenit omni quidem mulie-
 ri, sed hoc aniculis specialiter seruandum.
Cui colar infelix, aut cui placuisse laborem?

Habitus
 Christiane-
 rum.

Ille

Ille mei cultus unicus auctor adest. Dicit apud
 poëtam ethnicum quædam. cum iuuenulis li-
 ceat se propter viros ornare. Scholiastes Græ-
 cus & Theophylactus ministras hic Ecclesiæ *Ministræ*
 intelligunt, & vestes quæ operiunt, quas vel ab *Ecclesiæ*
 indumēto honestas videri velit & conspicuas,
 sacras & Deo dicatas, vt sacris congruit mini-
 steriis, quales aliquandiu in Ecclesiâ dictæ sunt
 Episcopæ, Presbyteræ, diaconissæ, hypodiacon-
 issæ: Quæ autem tum fuerint, & qualia earum *Episcopæ*
 ministeria, diligenter, lib. i. digress. cap. 17. vesti- *Presbyteræ*
 gauimus, sed vereor vt non inuestigauerimus, *Diaconissæ*
 nobis certè non ita satisfecimus, vt non etiam- *Hypodiacon-*
 num cupiamus super huiusmodi mulierculis *nissæ.*
 alios audire in antiquitate Ecclesiastica magis
 versatos. Interim, vt ad literam redeam. Theo-
 doretus è contrario hîc *πρεσβυτιδæs* appellat,
 eas quæ consenuerunt, non quæ aliquod mu-
 nus susceperunt, qui sacra autem decet, habitū
 vocari eidem honestum ornatum. Sequitur, *οὐ*
criminatrices, διαβόλους, calumniatrices, delatri-
 ces Hieronymo, nescit Erasinus an mendosè,
 incentrices, Sedulio blasphematrices, & expo-
 nunt accusatrices, quia hoc muliercularum ge-
 nus esse solet garrulum, iuxta illud, 1. Tim. 5.
 otiosæ, vagæ, verbosæ, curiosæ, loquentes quæ
 non oportet, non vult esse tales, quæ vt aliis
 detrahant, aut rectè quæ adolescentiam iam
 transgressæ, de adolescentularum ætatibus di-
 sputent & dicant, Illa vel illa sic ornatur, sic co-
 mitur, sic procedit, amat illū, amatur ab illo: cū

etiam si hæc vera sint, non tam apud alios debeant accusare, quàm secretè Christi charitate corripere, & magis docere ne fiant, quàm in publico accusare quòd facta sint. Nō ergo quibuslibet, iuuentulis omnium minimè, crimen facile imponant, qui morbus maximè vetularum est. Duo in Senibus hīc notat Aquinas, Vnum omnibus propemodum cōmune, quòd suspiciosi sunt, quia multa mala viderunt & experti sunt, similiter suspicantur, & de aliis præsumunt, & cum omnes, quod ait in Adelphis Mitio, Act. 4. Scen. 3. tum senes maximè, *Quibus res sunt minus secūda, magis sunt nescio quomodo*

Suspiciosi, ad contumeliam omnia accipiunt magis Propter suam impotentiam, se semper credunt negligi. Alterū mulierib⁹ speciale, Zelotypiæ vitiū. Vtrūque cōtingit in vetulis, vt quæ sint pro ætate suspicaces, pro sexu zelotypæ, & vtriusq; ratione loquaces. Dolor animi, & luct⁹ mulieris, mulier æmula seu zelotypa, quæ linguæ flagellū cū omnibus cōmunicat, Ecclī. 26. adeò vt Cicero Tullulan. 4. zelotypiam verterit obrectationem, malum scilicet in coniugio domesticum. Vetulos porrò, nedum vetulas, natura loquaciores esse agnoscit Tullij Cato, ne ab omnibus (ait) vitiis eam ætatem videar vindicare. Et apud principes poëtas, Senes, vt referendis fabulis amica & loquax ætas est, referant vetustas, vt obseruat Macrobius Saturnal. lib. 5. cap. 14. ex Iliad. 19. Æneid. 1. 8. 10. Esse inquit idem lib. 7.

Senes suspiciosi.

Zelotypia senum.

Loquacitas senum.

cap. 2. loquacitatem huic ætati familiarē sciens
Homerus, quādam congeriem simul interro-
gationū Nestori fecit offerri, Odyss. 3. vbi mul-
ta interrogandi semina interrogando conges-
sit, vt pruritum senectutis expleret. Et Vergi-
lianus Æneas gratū se ad omnia præbens Euā-
dro, varias ei occasiones narrādo ministrat, nec
enim de vna re aut altera requirit,

sed singula læus

Exquiratque, auditque virū monumenta priorum.

& euander consultationibus captus, scimus quā
multa narrauerit, Æneid. 8. Sed & senes, quod
insita imbecillitate sint impendio loquaciores,

μακρολόγοι dicuntur Cælio lib. 18. cap. 4. Sequi- μακρολόγοι

tur in Apostolo, non multo vino seruientes, dedi-
tas, addictas, mancipatas, δειδονμένας,

Signan-
ter expressit, seruitus enim quēdam est, & ex-
trema conditio, vino sensus hominis occupa-

ri, nec suum esse, sed vini. Græci notant mulie-

rum idem esse & senectutis propriē vitium: quæ

quia sexu ac ætate frigida sunt & imbecilla,

vino non tantum indigent, sed & plerunque

seruiunt. Ebrietatis ergo vitium vndique illis

amputat, easque à vinolentia quā remotissi-

mas esse cupit, & ita irrisiones, aliæque quæ il-

linc nascuntur, incommoda, effugere. Nam per-

facile vapores ex infimis ad superiora feruntur,

cerebrū occupant, caput oblædunt, atq; ita vino,

vt & senio, confectæ infirmæq; colluctanti vi-

no resistere nequeunt, vel sustinere: victæ igitur

succumbunt, & hinc eum ad alia vitia, tū ad eā

*Vinolentia
vitium in
mulieribus
& senibus.*

de qua proximè suprà, maledicentiam propensiores fiunt. nam quòd Chrysoſtomus eàdem adoleſcētulas de re infrà moneri, nō eādē de cauſa notat, ſed ideo quòd ex immodico vini potu vehemens in his, non illis incendatur libidinis flammā, aliter hīc ſentit Hieronymus, & vt vinolentiæ vetulas, ita vinolentas, & loquacitati & libidini affines eſſe, Solent, inquit, eæ frigefcente corporis luxuria, plures etiam, quæ nec canes ſuos erubeſcunt, & ante nepotum gregem trementes virgunculæ componuntur, vino ſe pro libidine dedere, tum inter pocula ſibi prudentes, & facundæ, loquūtur hoc quod ſibi videntur eſſe, non recordantes illud quod fuerunt. A vini ergò potu nimio eas prohibet, quia quod in adoleſcentulis eſt libido, hoc in ſenibus eſt ebrietas, vt & Lyra exponit, exceſſiuam vini potationem, inducere ad fractionem caſtitaſis vidualis. Legere memini (licet locus non occurrat) ſenem, vt ferrum, calorem difficilius tum admittere, tū ſemel admiſſum amittere. Extat in anus libidinoſas vt dignum eis Horatij carmen 5. & 12. Epodi, ſic minus honeſtum, quàm vt ſacris inferatur,

*Ebrietas hoc
eſt in ſenib⁹,
quod in adoleſcentibus
libido.*

Anus libidinoſa.

Venit amor grauius, quò ſerius urimur. Et

Quæ venit exacto tempore, peius amat.

ait Ouidij Phædra.

Et quomodo poteſt anus adoleſcētulas caſtitaſtem docere, cum ſi iuuenſcula vetulæ fuerit ebrietatem imitata, pudica eſſe nequeat? En quàm multis modis imbecilliori ætati inimica

vinositas : & vino quidem propter frigiditatem & imbecillitatem vratur, sed paruo, modico, moderato. Vult ergò Paulus, anus parum bibentes: nam vel poëtis testibus, merobibæ atque multibibæ, eadem sunt multiloquæ, téniginosæ, catulientes, &c. Sed ne mihi succenseat genus alioqui plus satis irritabile, sequantur, si Auicennam quàm Paulum malunt, scribentem cap. 8. doctrinæ 2. Fen. 3. & primi, Vinū *Vini vitilitas* senioribus quantum pati queant, dandum. & *senibus.* sic cum Rhodigino, lib. 28. cap. 29. ferè ratiocinentur, vino senum aduentitium frigus recalescere, spirituum exhalari tristitiam, bilis atræ vim redundantem reprimi, eius excrementa vel leniri, vel reiici, amaræ acrimoniam frangi, somni conciliari appetentiam, præfractos recludi meatus, siccitatem vel laboribus inductâ immodicis, vel ætatis prouenientem temperamento, insigniter mitigari, vniuersam denique senectæ lassitudinem renidere: Sed cum sit excessus omnis planè declinandus, ne adultis quidem, iis licet, Galeno teste, in sanitatis moderamine, maximè commodum, tamen non citra noxam tum corporis, tum animi, ac multò minus senibus ingeritur, ni adhibitus fuerit modus. Addo rursum, vt hîc vetulis scilicet gratificer, & ex Aristotelis libro de Ebrietate, disputatum à Disario medico apud Macrobiū, Saturnal. lib. 7. cap. 6. mulieres in ebrietatem rarò cadere, crebrò senes: in illis quod humectissimo & frigidissimo sint corpore

*Senes quàm
mulieres cur
citius inebri-
entur.*

*Senes sani
malisebriorū
laborant.*

*Luciani lo-
cus correctus*

(quanquam hoc posterius in vtranque partem ventilatur, cap. 7.) epotum vinum, cum in tantum humorem frigúsque ceciderit, dilutius factum, frigescere, vim suam perdere, Sic debilitari & elanguescere, vt calorem, è quo nascitur ebrietas, minus excitare possit. Sed & crebris purgationibus, & pluribus meatibus vias humori in egestionis exitum confluenti præbentibus, vini vaporem celeriter euanescere. Contrà in senibus sicco aridóque corpore, vinum contrarietatem repugnantis humoris non patiens, integra vi sua adhærere, & mox loca tenere, quæ sapere homini ministrant, in durioribus quoque membris, naturalibus meatibus obferatis, haustum, nulla ei exhalatione cōtingente, totum ad cerebrum, mētis sedem ascendere, ac ferire. Hinc fit vt & sani senes malis ebriorum laborent, tremore membrorum, linguæ titubantia, abundantia loquendi, iracundiæ concitatione, quibus tam subiacent iuuenes ebrij, quàm senes sobrij. Si ergo lenem pertulerint impulsus vini, non accipiunt hæc mala, sed incitant, quibus ætatis ratione iam capti sint. Hæc ille. Est & apud Lucianum, i. Saturn. dialogo, Callipædas fieri senes, quod hi quidē puerum sapiant, sed in conuiuiis plusculum se inuitantes, ac facti hilariores, etiam pueri sibi pulchri esse videantur, referente Rhodigino lib. 11. cap. 17. sed falso, καλὴ μὲν αἰδᾶς, enim legendum est, ex huius dialogi interprete Erasmo, & Adagio, Bis pueri senes. Et de vinolen-

tia senili, eique adherentibus vitiis, nimis quàm pro cõmentarij ratione. Sequitur in litera, *bene docentes*, nedum bene institutas, quod quidã recentiorum vertit: Nam quia docuit quales primò anus esse debeant, & post ea quæ cum viris senibus habeant communia, earum etiam propria exposuit, nunc consequenter doctrinæ eis fræna permittit, vt cùm tales, tamq; bene fuerint institute, docendi quoque libertatē habeāt *vt prudētiā*, quæ scilicet bona sunt & honesta, bonique, quò fiat, & mali, quò caueatur, discretionem doceant, Et rectè, & necessario, Cū enim plus cū pueris & familia, quàm viri versentur, ferè tamē fit, vt cōduplicato sexus atque senij vitio, narrēt quas ob id vocauit Plato in Theæteto γεῶν ὁλως, anicularum nugas & deliria, aniles fabulas, Horat. & Quint. ineptias & superstitiones, Cicero in Tusculanis, & de Natura Deor. 2. & 3. Et alibi quidē mulierib⁹ tacere iubet, docere nō permittit, 1. Cor. 14. 1. tim. 2. vix etiā loqui, sed in ecclesia, hoc est, in cōgregatione publica & promiscua, sermone publico & cōcionatorio, quasi virorum præsidēs. Viris, inquit ibidē, subditas esse, non dominari. Pro sublata ergò illic eis publica, & in viros doctrina, priuatā hic atq; domesticā, & ad sui præsertim sex⁹ puellas, ancillas, &c. exhortatoriā substituit. Nihil etiā vetat, quin & mares liberos atq; famulos pudēter ac verecūdē instituāt, quo Salomonē modo sua mater erudiuisse dicitur, Prou. 4. & 31. De hoc nos amplius, 1. Timoth. & crit,

Docendi facultas quæ pernissimæ mulieribus.

Mulieribus quatenus docere permisum.

Deo dante, de hac tota re peculiaris mihi digressio. Hic interim satis sit, ut sublata fœminis in viros doctrina, permittantur docere fœminas, adolefcētulas quasi filias suas. Idque priuatim, non in Ecclesia. Ex Anticeimeno m lib. 3. Quæst. 37. Et quantò magis conuenit patres familias suæ vnunquenque domus doctorē esse ac institutorem? In tanta (concionatur ad finem Psal. 50. Augustinus) morū diuersitate, tam detestabili corruptela, regite, ô charissimi, domos, filios, & familias vestras, Quomodo ad nos pertinet in Ecclesia loqui vobis, sic ad vos in domibus vestris agere, ut bonam rationem de vestris subditis reddatis, Amat Deus disciplinā, &c. Maximè fratres mei ad filios vestros fideles attendite, quos fide genuistis ut baptizarentur, &c. Et tractat. 51. in Ioan. 12. capit. Cum auditis, fratres, Dominum dicentem, Vbi ego sum, illic & minister meus erit, Nolite tantummodo bonos Episcopos & clericos cogitare, etiam vos pro modulo vestro ministrare Christo, bene viuendo, eleemosynas faciendo, nomen doctrinamque eius quibus potueritis, prædicando, ut vnusquisque etiā paterfamilias hoc nomine agnoscat paternū affectū suæ familiæ se debere pro Christo & pro vita æterna suos oēs admoneat, doceat, hortetur, corripiat, impēdat beneuolentiā, exerceat disciplinā, ita in domo sua ecclesiasticū & quodammodo Episcopale implebit officiū, ministrans Christo, ut in æternū sit cū ipso, & maximā illā

*Patres fami-
lias, quales
esse doceat.*

passionis ministrationem multi ex vestro numero ministrorum, multi non episcopi, neque clerici, iuuenes & virgines, senes cum iunioribus, coniugati & coniugatae, patres matresque familias Christo ministrantes, etiam animas suas in eius martyrio posuerunt, & honorificate patre coronas gloriosissimas receperunt. En hic episcopus Deo dignissimus non utcunque permittit, sed omnino vult, religionis Christianae ut testes, ita doctores, non clericos modò, sed etiam laicos fideles, pro suo quenque statu ac modulo, ut loquitur pastor omnium modestissimus, nec magis auditoribus hoc inuider, quàm populo quòdam Israël Moses, ut omnes prophetarèt, & daret eis Deus spiritum suum, Num. II. Iuxta quod & alter ait, Patres nostri narrauerunt nobis, Psal. 43. vbi Chrysostomus, Audite, quotquot filiorum curam non geritis, qui cantilenas diabolicas canètes, diuinas narrationes contemnitis. At non illi tales, sed in narrationibus illustrium Dei operum assidui erant, & qui ex eis descenderant, non paruum diuinæ inde cognitionis sumebant argumentum, liberis **L I B R I** erant ora parentum, omnis **S C H O L A** & diatriba Dei hæc facta narrabat. Idem de sui temporis adolescentia Christiana Cyrillus Alexandrinus, nam eius in scripturis exercitia improbanti Iuliano Apostate, quasi plus expediret disciplina Græcanica, respondet lib. 7. Quòd eloquētiæ numeros Græci probè seruēt, laudari, quòd optimas virtutes

*Græci elo-
quentia stu-
diosi, non itē
virtutis.*

negligant, rectè taxari. Pueros autem in sacris literis enutritos, statim fieri religiosissimos, etiam si minus eloquentes. Itaque nos ex diuina scriptura omnigenam virtutem discimus, utimur autem Græcorum sermone ad eruditionis veræ præexercitamenta, Sed nos ex domestica doctrina in scholasticâ, ut alteri hæret altera, lapsi sumus. Redeamus ergo ad parètes & domos, eosdè suorū liberorū famulorūq; doctores. Et quī docere ij possint, qui non didicerint?

Digressio quinta.

Bibliorum lectio.

Eadem ergo consequentia cū Orthodoxi alij, tū superiores episcopi auditores palā hortabatur ad domesticâ sacrorū Bibliorū lectionē, Prior quidē ita, Neque vobis solū sufficiat, quod in Ecclesia diuinas lectiones auditis, sed in domibus etiā vestris aut ipsi legere, aut alios legentes requirite, & libèter audite. Lectiones igitur diuinas & in Ecclesia, sicut cōsueistis, audite, & domi relegite. Si quis occupatus, ut ante refectiōē scripturæ diuinę nō possit insistere, nō enim pigeat in cōuiuio suo aliquid de ea relegere, ut quomodo caro cibo pascitur, sic anima Dei verbo reficiatur, & totus homo, id est, exterior & interior, sancto & salubri cōuiuio satietur exurgat. Nā si sola caro reficitur, & anima Dei verbo nō pascitur, ancilla satiatur, domina fame torquetur, quod quā sit iniustum, sanctitas vestra nō ignorat. Ideoq; quod iā dixi, diuina illo desiderio legere & audire debetis, ut de iis & domi, & ubicūq; alibi fueritis, etiā loqui, &

alios docere possitis, vt verbū Dei ceu anima-
lia mūda, ruminātes vtilē succū, id est, spiritalē
sensū, & vobis sumere, & aliis Deo auxiliante
propinare possitis, vt in vobis impleantur illa,
Calix tuus inebrians, quā præclarus, Psal. 22. &
siue māducatis, siue bibitis, siue aliud quid faci-
tis, omnia in gloriā Dei facite, 1. Cor. 10. Et Dei
quidē verbū omni tēpore cum grādi desiderio
vos oportet fideliter sēper audire, sed iis specia-
liter diebus (ieiuniorū nimirū & solēniū dierū)
lectiōi deberis diuinæ attentius insistere, &c.
cū Dei adiutorio, vt legē Dei spiritaliter merea-
mur agnoscere, &c. Et, Adhuc bonū habemus
solatiū, diuinarū lectiōem scripturarū, quia ea
est nō parua beatitudinis præcognitio, &c. spe-
culū, quo homo seipsū, & qualis sit, & quod ten-
dat, cōsideretur. Et modò cū Euāgelica lectiō le-
geretur, audiuius dicētē Dominū, Venite be-
nedicti, &c. Matt. 25. Vt hāc ergò vocē deside-
rabilē audire, & ab auditu malo possitis per dei
gratiā liberari, totis virib⁹ Deo auxiliāte cōtēdi-
te lectiōē diuinā in domibus vestris frequen-
ter legere, & in ecclesia libēter & obediēter au-
dire. Sic Augustinus ad populū in cōcionibus
Quadragesimalib⁹. De tēpore, Serm. 55. 56. 85.
91. 112. De sanctis, Ser. 38. qui est 1. de anima-
bus fideiū defunctorū. Ad idē suos hortabatur
alter, ad Biblia inquā, diligēter nō in tēplo tan-
tum auscultanda, sed etiam domi in manus su-
menda. Merito malē audire, qui nec domi qui-
dē hoc faciāt, quod Eunuchus in curru, Act. 8.

*Verbū Dei
quando ma-
ximè audie-
dum.*

*Biblia domi
in manu su-
menda.*

Nec excusat respōdentes, non sum monachus, neque seculo renūtiaui, mundanus sum, vxorē habeo, liberos, & curam domus. Hoc illud, inquit, est quod omnia vna quadam quasi peste corrumpit, quòd scripturæ lectionem ad solos putatis monachos pertinere : quòd Euangelia nec attingitis quidem, tātum abest vt penetrare iudicetis operæpretium. Hinc hodie sursum deorsum feruntur omnia, ea res hærefes peperit, vitam corruptam inuexit, omnia miscuit & confudit: cū tantò vobis quàm illis magis sit necessaria, & suscipienda illinc remedia, quo plus mulieris, filiorum, seruorum curam agentes, & plura versantes in medio, vel vxoribus cohabitantes, vel militiæ ascripti, vel aliis implicati negotiis, quotidie vulnera capitis. Nec magis excusat excusantes, Non intelligo, nec intelligere valeo scripturæ profunditatem, nihil tale (ait) quod nunc plerique dicunt, dicebat Æthiops ille lingua Barbarus, mente philosophus, tot licet negotiis distentus, sed cogitabat potius diuinitus adiutum se iri, non contempnum, modò quod suum erat, afferret, studium scilicet & diligentiam: quem & nos imitemur, cogitantes qualis fuerit domi versans, & sedēs, qui vel in via, nec tempore profectio- nis sustinuit sine lectione manere, sed & non intelligens legebat, nec à lectione destitit, mul- tò minus postquam intellexit, ideòque citò cōsecutus est doctorem, & viæ ductorem missum à Deo Philippum. Lego, igitur inquires, sed fru-

*Æthiops en-
nuchi studiū
sæ:ra scriptu-
ra.*

stra, non habēs qui manu ducat, non adest Philippus. Sed spiritus qui eū mouerat, adest. Quo modo possis intelligere, qui neque leuiter inspicere velis? Sume librū in manus, lege historiam omnē, quæ nota sunt, memoria tene, quæ obscura, & minus manifesta, frequenter percurrere: Si nequiuieris assiduitate lectionis inuenire, accede ad sapientio rem, vade ad doctorem, communica cum iis quæ scripta sunt, indica vehemens studium: cum viderit Deus tantam animi te promptitudinem adhibere, non despiciet, sed etsi nullus homo te docuerit quod queris, ipse sine dubio referabit. Nam fieri nō potest, nō potest inquam, fieri, vt quis sine fructu discedat, qui assidua attentaque scripturarū lectione fruatur. Ne neglexerimus salutem nostram dilecti, Quæcunque scripta sunt, ad doctrinam & correctionem scripta sunt omnia, Rom. 15. 1. Cor. 10. Magna aduersus peccatum munitio, scripturæ lectio, magnum barathrū, profundum præcipitium, ignoratio: magna salutis perditio, diuinarum legum nihil scire, &c. Hæc & multò plura os illud aureum, in Genes. Homil. 21. 29. 35. & 2. in Matth. & concione 3. de Lazaro, tum clarius, tum expressius. Fortè petis, annē omnes arctari velim, ad scripturæ, ac proin ad sciētiæ theologicæ studium, in quo diuina discuntur, & explanantur mandata? Respondeo cum summo & theologo & pontifice Adriano vt. si quibus fortè recentiores plus

Lectionis sacra assiduitas quam utilitas.

Adrianus Traiectionis

*Laici quatenus discenda
sacra.*

ita multò minus omnes excusare possum, cùn certissimum sit vnunquenque ad tantam diuinæ legis obligari notitiam, quanta possit actus suos, pro qualitate, conditione, statu personæ citra peccatum mortale dirigere. Et de pastorebus quidem, quos Dominus in ecclesiam suam vocauit ad statum oculi, quorum est aliorum conscientias & saluti consulere, non video qui sine damnabili culpa, ommissa diuinæ legis notitia, aliis intendant, relicto verbo, mensis ministrent, Act. 6. Sed sicut impietatis crimen est episcopo, neglecto diuini verbi studio sollicitudines suscipere seculares, ita vnicuiq; laico peccatum, nisi inuicem sibi etiam in his quæ ad cõmunem vitæ vsum pertinent, operam fideliter dederint, can. Te quidem. & seq. 11. q. 1. Verba sunt Petri in ordinatione Clementis. Viderint ergò etiam laici, ne apud districtum iudicem censeantur oculos à proposito seu statuto declinare in terram, Psal. 16. dum pro temporaliũ facultatum aut honorũ quæstu, diuinis neglectis, humanis legibus ardentius inuigilant, studiâque diuina quàm humana remissius attendunt, rarius obseruant, minus liberè defendũt, siue in his quæ scire tenentur, quod indubitatũ est, siue in aliis, nisi vel victus necessitate, vel Reip. fauore, vel quia ibi plus valet ingenium, vel alia simili de causa, plus corporis quàm animæ pabulo, profanis quàm sacris scripturis pl⁹ intendant. Non inquam, video, quomodo Deũ salutaris eiusdem scripturæ inspiratorem, 2.

Tim. 3. 2. Petr. 1. super omnia diligant. Restat
 ergò vt omnes apprehendamus disciplinam,
 ne quando irascatur Dominus, & pereamus
 de via iusta, Psal. 2. Sic enim minatur alibi, Eò
 quòd appropinquat mihi populus hic ore, non
 corde, labiis, non præcordiis, ideo ecce addam,
 vt admirationem ei faciam, miraculo grandi &
 stupendo, peribit sapientia à sapientibus eius,
 intellectus prudentium eius, Esa. 29. Quam cæ-
 citatis pœnam vniuersa comitari mala idem
 antea testis est, propterea captius ductus est
 populus meus, quia non habuit (habere cura-
 uit) scientiam, nobiles eius interierunt fame,
 multitudo siti exaruit, dilatauit infernus ani-
 mam suam, aperuit os suum absque termino,
 descendunt ad eum populus, fortes eius, subli-
 mes, & gloriosi, incuruabitur homo, gloriabi-
 tur vir, oculi sublimiũ deprimẽtur. Esa. 5. Et O-
 se. 4. Conticuit populus meus, eò quod non ha-
 buerit scientiã (excidetur, peribit, perdetur præ
 iustitia) quia tu repulisti scientiam, ô sacerdos.
 Nam nihil cõsequẽtius, quã quòd oculorũ, qui
 pastores sũt, obscuratiõẽ comitetur, iuxta Pf.
 68. Rom. 11. dorſi, qui populus est, incuruatio,
 error videlicet, & culpabilis subditorum impa-
 ctio. Hæc dñs Traiecteñ. in Quolibetis 3. & 5.
 Quæstionibus primis sine argumẽtis. Et addit
 hinc doctõri cuidã innominato visum esse ma-
 iorem hominũ partẽ charitatis expertẽ viuere,
 ob non obseruatiã primi & maximi mādati,
 de diligendo nimirum ex totis nobis & super

*Charitas cur-
 tam inter ho-
 mines refri-
 xerit.*

omnia Deo, Matth. 22. Marc. 12. in hoc quòd hominum statuta multò quàm Dei verba fortius amant, &c. Huc spectabat Beda, citante Thomæ cathena, super id, Luc. 24. Et incipiens à Mose, &c. hoc nobis in loco non vlla scripturam interpretandi, sed gemina nos humiliandi necessitas incumbit, qui nec in scripturis, quantum oportet, edocti, nec ad implenda quæ discere fortè potuimus, quātum decet, sumus intenti. Nam si Moses & omnes prophetæ Christum locuti sunt, & hunc per passionis angustias in gloriam suam intraturum, qua ratione se gloriantur esse Christianos, qui iuxta virium suarum modulum, neque scripturas qualiter ad Christum pertineāt, inuestigare, neque ad gloriam, quam cum Christo habere cupiunt, per patientiam desiderant attingere? Sed quid clarius, quàm quòd Paulus sic hortatur ad Col. 3. Verbum Christi habitet in vobis (quibus autē vobis? iis qui sunt Colossis, sanctis & fidelibus fratribus in Christo, Col. 1. quibus hanc inscribit epistolam, non vt aliquot alias, episcopis, presbyteris, diaconis) Verbum ergo Christi abundanter habitet in vobis in omni sapientia, docentes & commonentes vos inuicem. Vbi Scholia Hieronymo & Primasio inscripta, Et hīc ostenditur laicos verbum Domini non solum sufficienter, sed etiam abundanter habere debere, & se mutuò docere ac monere, &c. Sed quorsum tam multa? Equidem in patribus Orthodoxis non omnino nec indiligēter, nec infelici-

*Laici verbū
Dei habeāt.*

fœliciter per Dei gratiam versatus sum, quàm non potui nō eos semper mirari, quibus hodie tam pestilens & capitale videtur, quod veteres contrà vt adeo salutare toties commendant, tam nunquam in ea fui sententia, vt idiotæ aut mulierculæ, addo clerici etiam & monachi omnes omnia Biblia indifferenter legerent. Etenim quæ hodie est hominum atque tēporum malitia, quæ paulò suprà Chrysostomus in sui temporis Ecclesiam ex scripturâ non lectâ, inuecta quæritur incommoda, eadem in hodiernam verè tempestatem inciderunt ex scripturâ lectâ quidem, sed perperam, aut nō intellectâ, hæreses, schismata, rerum denique omnium & religionum confusio & perturbatio, dū, quod & Hieronymus, tantus licet alioqui mulierum ad scripturæ studium & lectionem hortator, scripturam tamen ad Paulinum stomachatur omnes sibi passim vindicare. Hanc anus (inquit) garrula, delirus senex, sophista verbosus, hanc vniuersi præsumunt, lacerant, docent antequam discant, inter idiotas & mulierculas de sacris literis philosophantur. Et tutius quidem ac omnibus modis melius fuerat, populares salutem suam viua voce quàm lēctione discere, nihil tamen etiam vetabat lectiuncula priuata, quod iidem qui antè patres admonent, sacris se concionibus præparare, in Ecclesia quod domi prælegerant, audituros: Sed negare non possumus quin pastoribus plurima ex parte cessantibus, greges ad mutos magistros aliter alij con-

fugerint, quidam quidē, vt cum Paulo ad Phil.
1. dicam, ex bona voluntate, seu intentione, a-
deoque charitate: quidam autem (quę plurima
fortē pars est) ex contentione, inuidia, curiosi-
tate. Lamentabamur, vel potius hodięque cum
prophetis lamentamur, Adhæsit lingua lacten-
tis ad palatum eius in siti, paruuli petierunt pa-
nem, & non erat qui frangeret eis, Thren. 4. &
alter, Dormitauerunt pastores tui, consopiti
sunt principes & fortes tui, dispersus est popu-
lus tuus super montes, non est qui congreget,
non est obscura contritio tua, pessima est pla-
ga tua, Nah. 1. Vbi Hieronymus, Quoniam nō
cessat diabolus, quoscunque ad dormiendum
illexerit, consopire, excitat ita sermo diuinus,
Surge qui dormis, & illuminabit te Christus,
ad Eph. 5. In aduentu ergo Christi, & sermonis
Dei, & doctrinæ Ecclesiasticæ, & consumma-
tionis Niniuæ speciosissimæ quondam incre-
tricis, eleuabitur populus, & ibit ad mōtes scri-
pturarū, ibique montes inueniet Mosem, pro-
phetas, Apostolos, & Euangelistas, ad quales
mōtes cum confugerit, & in huiusmodi mō-
tium fuerit lectione versatus, si non inuenerit
qui eum doceat, Messis enim multa, & opera-
rij pauci, Matth. 9. Luc. 10. tūc & illius studium
comprobabitur, quia cōfugerit ad montes, &
magistrorum coarguetur desidia, Infert enim
iuxta lxx. & non erat qui susciperet, Sequitur,
Non est contritioni tuæ sanitas, sana licet esse
videatur, tumet (erecta est præ superbia) plaga

tua. Nonnè videtur tum propheta, tum interpres, nostri temporis & pastorum silentium, ne dicam ignauiam, & populi antè cum eis conso-
piti, quasi è graui somno excitati studium, & ad scripturas tum audiendas, tū legendas hodiernam alacritatem prædicere, & quasi digito indicare? Sed peræquè non tacuit insolētium inde hominum, & scripturis abutētiū tumorem, nisi quæsito mox & adhibito remedio, insana-
bilem sitim certè alioqui, vel incendiū potius, nisi permultarum animarum ruina non restin-
guendum. Cū igitur Biblia laicis omnia om-
nibus prostant, & permittente magis principe
quàm probante liceant, doceat autè & scriptu-
ra & experientia literam sine viuificāte spiritu
occidere, & nudam & simplicem lectionē plus
interim afferre scādali quā salutis, remediū, vt
sic dicam, remediorū fuerit, iuxta cōsiliū facul-
tatis Parisiensis ad Erasmicas propositiones ti-
tulo XII. de hac materia, cōueniēs & morū adi-
ficationi accōmoda explicatio ex Orthodoxo-
rū cōmentariis excerpta, sacris literis apposita,
Sic quoque vt pij, sobrij, humiles & precabūdi
legerēt, & dociles, nec inde à crebra diuini ver-
bi auditione auocarētur, aut prædicationes cō-
tēnerēt, paratiores propriū quisq; pastorē, aut
doctores cōsulare, audire, & quæ min⁹ capiūt,
discere, & de iis quæ in cōcionibus publicis au-
dierint, modestè inter se ad morū correctionē,
deuotionē, cōpunctionē conferre, quā aliter sa-
cra profani tractare, hoc est, vel catholica in du

*Biblia om-
nia laicis qua-
tenus licita
& legenda.*

bium reuocando disputare, vel in occultis conuenticulis immurmurare, vel coitionibus nocturnis, aut alioqui secretis interesse, aut etiam num præesse, prædicare, & id genus alia, super quibus ex occasione sacrorum in Gallicum sermonem conuerforum subnatis, eadem quæ hodie subest, de causa, decretum Innocentij 111. constitutum est: cuius fragmentum refertur, ca. Cum ex iniuncto. Extra. de hæreticis. Quæ interim dum magis optare licet quàm obtinere, & orare quàm sperare, vt ex non longa parebasi minus quàm inopina regrediar, iuxta ea in 11. ad Timotheũ digressionem 17. de Christianæ pueritiæ disciplina notauimus, hic quoque velim & optauerim, vt omnes in Christo per baptismum renati sic à teneris annis Christianæ religionis elemēta, ea in primis quæ fides (quam explicitam nostri Scholastici vocāt) creditu ad salutem necessaria sunt, perdiscant, vt iuxta Pauli doctrinam, eadem liberos, reliquāque familiam senes & anus, quantum opus & satis est, docere valeant, Inspiret Dominus CAROLO IX. Iam per eius gratiam iuueni, sed Regiæ planè indolis principi, Caroli Magni præcessoris hoc in regno sui, in religione tum conseruanda, tum propaganda, zelum, animum, successum, Quo apud nos regnante, Synodus Rhemensis Metropolitana canones aliquot ad totius Imperij Christiani correctionem statutos sic exorsa est, cap. 1. Est de fidei ratione, vt vnusquisque iuxta intellectum suæ

Fides explicita.

Synodus Rhemensis.

capacitatis, Domino largiēte, discat, intelligat,
 & operibus plenè obseruet. I I. vt orationem
 quam D. N. Iesus Christus discipulos suos ora-
 re docuit, discāt, & sensu bene intelligant, quia
 nulli eam Christiano ignorare licet. Nec du-
 bium quin idem de Symbolo & Decalogo san-
 xerint, vel certè senserint: Nam & inter huius
 Imp. constitutiones idem legimus, vt episcopi
 diligenter per paræcias presbyteros discutiant
 vt Missarum preces bene intelligant, psalmos
 dignè iuxta diuisiones versuum modulentur,
 Dominicam orationem intelligant, & omni-
 bus intelligendam prædicēt, quò vnusquisque
 sciat quid à Domino petat. Pueros non sinant
 libros catholicos legendo vel scribendo corrū-
 pere, quia sæpe dum bene aliqui Deum rogare
 cupiunt, per inemendatos libros malè roganr.
 Per homines ergò (si opus fuerit) ætatis perfe-
 ctæ cum omni scribi diligentia, & per singulas
 ciuitates diligenter inquiri, vt singula episco-
 pia, & vtriusque sexus monasteria emendatam
 simul cum cantu haberent lectionem. Sed
 ad disciplinam domesticam, eamque
 senilem, atque adeo anilem,
 & sic ad literam Pauli
 redeamus.

*Libri catho-
 lici non cor-
 rumpendi.*

*

R iij

Adolescētulas, ut viros suos ament, filios suos diligant, prudentes, castas, sobrias, domus curam habentes, benignas, subditas viris suis, ut non blasphemetur Verbum Dei.

Stendit qualiter personas in ætate iu-
uenili existētes instituat, & prius qui-
lem fœminas, mox qualiter & ma-
res. Iuenculas autem primū, ut se
habeant ad personas coniunctas, dein ut ad sei-
plas, postremò ut ad subiectos. Et quoniā hūc
accusatiuum *Adolescentulus*, idē verbū quod
superiores duos, *senes* & *annus*, regere potest, hor-
tare scilicet aut admone, ut hæc & illa faciant,
vel loquere quæ decet eas, ut tales atque tales
sint, vel oportet eas hæc quæ sequuntur, cura-
re, præter ea quæ in 1. ad Timot. 5. notauimus,
quā discretè, quāque circūspectè clerici ma-
iores aut minores possint ac interim debeāt ex
officio fœminas præsertim iuniores innisere,
alloqui, docere, addam ad idem, quod studio
huc distuli ex Hieronymio ad vocabulum *sanos*
in dilectione, hoc eodem capite. Timendum ne
fortè nos & contraria dilectionis infirmitate
superemur, & quo charitatis frigore Ammon
in sorore etiam sua obriguit, 2. Reg. 13. aliquan-
do tabescamus. Nonnunquam enim euenit, ut
primū à nobis in virginē aut quamlibet fœ-
minam sancta sit dilectio, & cū mollita mēs
fuerit in affectus, paulatim sanitas charitatis

languore palleſcat, infirmari incipiat, diligenter ad extremam mortem ferat. Vnde Paulus cautè ac prudenter Timotheo præcipit, vt exhortetur adoleſcenſulas in omni caſtitate, 1. cap. 5. omnis autem caſtitas in carne, ſpiritu, & anima eſt, ne ſcandalizetur oculus, ne in pulchritudine vultus fœminei hærentes pendamus, ne blanda nos verba audire delectet, ne ad ſimulatos ſermones mens prius dura marceſcat. Caueant ergò tam iuuenes quàm ſenes, tam iuuenulæ quàm vetulæ, & omni diligentia cor ſuum cuſtodiant, ne per ſanctitatem dilectionis morbus introeat charitatis, per amorem ſanctum fiat non ſancta dilectio, quæ illos pertrahat ad gehennam. Sed & Auguſtinus in colloquio cum mulieribus priuatim miſcendo adeo cautus & rarus fuit, vt vel ſanctimoniales literas occultè ab vſo accipere noluerit, Epistoſa 109. grauitè alioqui & ex præpoſiti arbitrio emendandas, citat Gratianus 12. q. 1. ca. Non dicatis, niſi quòd ex fœminis mares facit, cum aliis ex regula ſcilicet eiufdem tertia idem & eodem modo citantibus. Literas autem opinor amoris vel notas, vel illices, vel arcanorum reuelatrices, aut alioqui ſuſpectas, nam conſolandi, docendi, & charitatis mutuè fouendæ, nihil vetat, vel ipſiufmet Auguſtini, & aliorum patrum, Hieronymi præcipuè exemplo, quorum non ad moniales modo, ſed & ad viduas, & ad nuptas quoque tot extant omne genus ſcripta.

*Mulierum
charitas quæ
in eſſe debet*

Sed de huiusmodi literis nimium quàm pro litera præsentì. Et hunc ergò accusatiuum *Adolescentulas*, Græci omnes Latinique quidam, & quidem melius, ad verbum *σωφρονίζωσι* referunt, vt intelligas mandari fœminis natu grandioribus, vt iuenculas sobrias, pudicas, ac moderatas reddât, Hieronymo, ad castitatem erudiât, Ambrosio, simpliciter instituunt, ad ea nimirum quæ sequuntur, hoc est, quæ, quas, quid, siue quâ prudentiam doceant. Quod & vertit Origenis Latinus interpres, fortè Hieronymus, Hom. 6. in Esaiam, suo quidem more scripturâ torquentis, non tamen nihil ad hanc literam facientis, præsertim cùm anus quidam hic Ecclesiæ ministras acceperint, De iis (ait ergò) quæ constituuntur in Ecclesiis viduæ, Si sanctorum pedes lauit, inquit Paulus, 1. Tim. 5. quo autem modo vidua lauat sanctorum pedes, audi Paulum alibi constituentem viduis, & dicentem, Bene docentes, vt pudicas efficiant adolescentulas, lauantes sordes pedum, & hæ viduæ ecclesiastico honore dignæ sunt, quæcunque sanctorum pedes lauant sermone spiritualis doctrinæ, sanctorum verò non masculorum, sed mulierum, vt ad castitatem suadeant, non adolescentes, indecens quippe est vt mulier magistra viri fiat, nec id Paulus alibi permittit: sed *Adolescentulas*, hæc ille. Et has ergo Apostolus subiicit mulieribus ætate prouectis, de ætate enim simpliciter loquitur, non de filiabus, vt quælibet

*Sanctorum
pedes lauare*

natu grandior, iuniorem quasi filiam suam regat, moderetur, castiget, erudiat ac doceat, primùm castitatem, hæc enim omnia cum significet *εωφροσύνη*, postremum Hieronymus virginitati ad suspicionem vsque fauens, legit, & exponit. Et quòd solius doctrinæ quæ domi traditur, participes Apostolus vetulas fecerit, manifestant quæ sequuntur, *ut viros suos ament*, Ambrosio, quod idem est, viros suos diligere, non alienos, minimè omniū mœchos, vel ideo dicit, ne si quæ tum continentes erant, maritos suos non diligerent, aut etiam religionis prætextu relinquerent, hoc in causa foret, ut verbum Dei tanquam dissidium prædicans, culparetur, & malè audiret prædicatio. Sic Hieronymi, Primasij, & Theodori Scholia.

Digressio. 6.

Primùm igitur doceant domesticorum bonorum omnium caput ac præcipuum fundamentum, coniugum inter se amorem ac per omnia consensum, nihil hoc magis necessariū, nihil hac re maius aut melius, aut etiā vtilius, præstat id nobilitati, opibus, & potentiæ, nam si hæc adfuerint, sequuntur & alia bona, pax domus & prosperitas, facultatum quod satis erit, imò & abundantia, & nihil triste continget, ut capite corpori cōnexo, & pacatis principibus mēbris, sana omnia, infirmitas nulla, sic

*Coniugum
inter se con-
sensus, dome-
sticorum bo-
norum caput*

amātib⁹ se inuicē cōiugib⁹, reliqua in pace sūt, nulla ibi seditio aut dissensio. Ea quippe vis dilectionis, vbicunque fragrantia illius aspirat odor, nihil illuc ingratum irrumpit: vt è contratio eis ab inuicem dissentientibus, nihil pacificum aut salubre, nihil non triste, ingratum, iniucundum, vbi cōiugalī abest amor, cætera nutat familia, & quæcunque affluebāt, diffluūt, ac pessum eunt. Sic optimè Græci. Eleganter Chrysostomus, seu quisquis editionis secundæ autor est in Matth. Hom. 42. & 26. ex variis in

*Vxorē erga
virum dile-
ctio vt co-
gnoscatur.*

eundem locis. Ecce si vir vxorem habeat, quomodo cognoscitur plena eius dilectio? Si ea neminem viro suo sapientiorē, fortiorē, formosiorē reputarit, & si alter sit sapiētior, fortior, formosior, non ea tamen id intelligere debet, aut coram eius oculis talis alter apparere. Perfecto enim amore vt & odio, nō agno-

*Odij perfe-
cti indicium.*

scitur rerum indicium, vt puta, Si quem perfectè oderis, qualiacūque apud eum fuerint, omnia tibi displicent; quæ dicit agitvè, verè licet bona, tibi tamen mala videbuntur. Sic & si quem perfectè ames, quæcunque apud eum sunt, tibi placent, quæque loquitur facitvè, mala licet, bona tamen tibi apparebunt. Ergo si quem alium vidēns vxor, aiāt, quàm sapiens vir! vtinam meus talis esset, iam eius amor minus habet de perfecto amore, & pro quanta parte aliquid amplius in altero quàm in suo viro laudauerit, tantò eius dilectio minor erit

ad virum suum. Tum hanc similitudinem accommodat ad animæ Christianæ erga sponsum Christum dilectionem, quem sic diligere debet, vt nihil in mundo vel in tantum, vel amplius, quo enim plus aliquid aliud vel tantum amauerit, hoc Deum minus amaret. Et verò amor coniugialis, radius quidam est diuini inter Christum & Ecclesiam amoris. Obiicit Hieronymus, Quæ doctrina est amare viros, cum hoc in corde amantis, non in eloquio docentis constitutum sit? Vult eas (inquit) amare viros suos castè, pudicam inter coniugatos dilectionem esse, Reliqua huius hîc, mox non omittam in verbo [Castas] Quos igitur naturali diligunt affectu, pudica etiam dilectione ament, & sicut seipsas ament. Sunt enim vir & vxor vna caro, nedum vna anima, vt Pythagorea amicitia, sed quod plus est, vnum corpus. Mulier ergo diligens corona est viro suo, Proverbiorum duodecimo, & Ecclesiastici vigesimo quinto, In tribus beneplacitum est spiritui meo, quæ coram Deo & hominibus probata sunt, horum tertium est, vir & mulier bene consentientes. Et sanè cum inter omnia vel naturæ, vel iudicij, vel vtriusque fœdera, nullum sit arctius vel sanctius coniugio, quod nimirum tantam omnium communionem, eamque perpetuam sic inducit, sic corpori corpus, animum animo connectit, vt è duobus hominibus videatur vnum reddere, præcipua eius pars est animorū con-

*Vir & vxor,
vna caro,
nedum vna
anima.*

iunctio, proinde qui corpora iungunt, animis dissidentes, si non in stupro, quod durius dixit Erasmus in Matrimonij institutione (è qua bonam eorum, quæ hîc præter literam dicturi sumus, partem excerpsumus, spinas vitâtes, botros carpentes) certè in contubernio verius viuunt, quàm in connubio, Quales qui libidinis aut honoris, aut opum gratia ineunt coniugium, aliter non inituri, hæc potius amant quàm coniuges. Non enim qui ex voluptate conuenerunt, sed qui secundum legem ex charitate consenserunt, sanctis cohabitare nuptiis dicuntur, ait Cyrillus lib. 2. cap. 88. ad id Ioan. 4. Christi ad Samaritanam, eius responsum probantis, quod dixerit virum se non habere, quæ iam multis adhæserat, & nunc quem habes, non est virtus. Quales (vt id obiter dicam) in Lituania matronæ nobiles publicè more patrio concubinos vnum pluresvè permittentibus viris, & pro eorum facultate domi habent atque alunt, qui negligente marito matrimonij onera subeant, quos etiam connubij vocant adiutores. autor est Pius 11. in Europa, cap. 26. & Scholiarum in Antoniũ Panormitam li. 4. nota. 8. Munsterus in Lituania, lib. 4. Cosmographiæ. Ad Apostolum redeo, qui alibi præcipit vxoribus, vt viros timeant, vel magis reuerentur, Eph. 5. 1. Petr. 3. in timore, vel potius reuerentia (timor enim malus custos, nisi castus) castam conuersationem hic vt amèt, Exempla vel poëtica vel historica studiosi norunt ex Valerij Max. de

*Coniuges
quomodo cõ-
uenire debe-
ant.*

*Lituania
matrona no-
biles.*

*Connubij
adiutores.*

amore coniugali, li. 4. cap. 6. Baptista Fulgoso, eodē titul. Plutarchi & Bocatij claris mulierib. Francisci Barbari de re vxoria libellis duobus. Eurydice Orphei, Andremache Hectoris, Alcestis Admeti, Penelope Vlyssis, Euadne Campanei, Hipermestra Lini, Laodamia Protefilai, Artemisia Mausoli, Cassandane Cyri, Armenia Tigranis, Cania Sinati, Testa Polyxeni, Æmilia Scipionis, Hipisicratea Mithridatis, Páthea Abradalij, Iulia & Cornelia Pompeij, Stratonica Deiotari, Portia Bruti, Phila Demetrii, Triaria L. Vitellij, Paulina Senecæ, Annia & Valeria, Romanæ, Lacænæ, Myniades, Indicæ, & si quæ aliæ vel virorum ingeniosæ seruatrices, vel iis superuiuere nolentes. Venio ad effectum peræquē vt naturalem, sic & Christianū, *filios suos diligant*, hic probarem quod Aquinas notat dictum hic maritos amare, liberos diligere, quasi sit amor ad viros, ad filios dilectio, quia affectus ille feruentior, hic naturalior, nisi Paulo idem verbū esset, *φιλόνηδους & φιλοτίκους*. Ambrosius quoque è cōtrario quàm vulgatus interpres, viros diligere, & idē cum Hieronymo, filios amare, verterunt. Et hoc igitur naturale est, & vnum oritur ex altero: qui enim radicem patrē diligit, qui non fructus quoque, siue ramos, liberos diligeret? Omni ergo sollicitudine foueāt filios suos matres familias, & amēt non amore tantū carnali corpora nutriendo, sed & quidem multò magis spiritali, animas bonis moribus informando, in disciplina uti-

*Diligere
Amare.*

que ac correptione Domini, Eph. 6. hos enim
Amorinepti & stultis. ita diligunt, si in Dei disciplina erudiunt, Quos
 è contrario nolle contristare, docendo quæ
 bona sunt, & libertatem peccandi tribuere, nō
 est amare, sed odisse, Quia in re Christianis in
 oie est infœlix cum tota domo pater Heli,
Vxores suas aliis cedentes mariti. 1. Reg. 2. 3. 4. profanis Seleucus, qui Stratonice
 coniugem sibi charissimam Antiocho filio de-
 pereunti, nouercam nupturam, hoc est, ince-
 standam cedere non dubitauit, Plutarchus in
 Demetrio, Sisselius de Successoribus Alexan-
 dri, lib. & cap. 5. Valerius lib. 5. cap. 7. de Indul-
 gentia parentum erga liberos. Cœlius lib. 11.
 cap. 17. Artaxerxes Aspasiā vxorem filio Da-
 rio cedere pollicitus, sed mox pœnitēs. Cap. 8.
 pater alius nobilis fœminæ in filio amorem
 perditum cōcubitu meretricio restinxit. Quar-
 tus quoque Patauinus filio hac licentia fasti-
 dium veneris attulit, & libidinem exhaust, *Matres, fili-
 liorum quā
 par est amā-
 tiores.* Franc. Barb. lib. 1. cap. 5. Et apud Fulgōm eo-
 dem titul. matres referuntur liberorum quā
 par sit amantiore, Antistia Pompeij vxor, &
 quādam innominata Arantij coniux, in fabu-
 lis Niobe, Hecuba, Auctolia, nimio pro-
 pter liberos prēmortuos luctu, sed & quæ è
 contrario propter sospites gaudio exanimatæ
Superstitiosi eidem Valerio, lib. 9. cap. 12. Liuiο lib. 22. Gel-
 lio lib. 3. cap. 15. & quotquot parentes dies to-
 tos precari & immolare soliti, vt sui sibi liberi
 superstites essent, supersticiosi ideo appellati,
 Ciceroni lib. 2. de Natura Deorum, Lactantio

lib. 4. cap. 28. Et quantus sit parentum erga liberos affectus, adhuc aliquot exemplis nobis constiterit. In bello Iudaico Matthias pontifex *Matthia pontificis calamitas.* populo fidelis & charus à Simone Latronum principe cum tribus filiis interficiendus, non vitæ vlturam, sed mortis celeritatem, naturæ ordinem, vt prius occideretur, precatus, ne filiorum neces spectaret, nec eorum superstes esset funeribus, funus ipse mox futurus, quod vel pietas exigebat, etiamsi non rogaret, non tamen impetrauit, nec suprema quidem liberis oscula dare, nec in vltimo eos cōplexu suscipere permissus, vt aueretur eius, hoc est, paternus dolor, nouissimus interfici iussus est, Iosepho li. 6. cap. 15. Egesippo lib. 15. cap. 22. Iussit ergo pater liberos ad mortem præire, exemplo constantissimæ Machabæorum matris, quæ apud eundem Iosephum peculiari libello, & 2. Mach. 7. *Machabæorum matris fortitudo.* morientes filios complectentes se inuicē fratres prius intuita, supra suorum se volutās sanguinem,

*Et renouans veteres per tot noua funera partus,
Natorum in medijs mox inuenienda sepulcris.*

imò tot triumphis, quot filiis lætabūda, nouissima nō magis ad volūtatis Regiæ persuasionē, quā ad cruciat⁹ materni augmentū seruata, premissa velut pignora nouissimo loco martyrij quoque morte subsecuta, tantò liberorum amārior, quātò fuit Dei magis amans. Nō absimile omnino est, quod in clade Theſſalonicēſi sub Theodosio maiore contigit. Mercator quidā

*Mercatoris
cuiusdam mi-
ra pietas.*

cum duobus filiis captus, & ut incolumes ser-
uarentur, precabundus, seipsum ad necem ob-
tulit, pretium prætereà quantum auri haberet,
militibus pollicitus, ab eis casum viri & cala-
mitatem miseratis, alterum quem vellet, redi-
mere iussus, cū paterna pietas & natura in utrū-
que respectaret, flens & lamentās, utrū optaret,
decernere non potuit: Sic animi ambiguus, &
utriusq; ex æquo amore victus, dum cunctatur,
utrunque miser perdidit militari ferro cæsum,
Nicephor. lib. 12. cap. 40. post Sozomenū li. 7.
cap. 24. Non omittendus hic matrum propter
Innocentes ab Herode cæsos ploratus & vlu-
latus mult⁹ & inconsolabilis, Mat. 2. Hier. 31. &
irremediabiles lacrymæ Annæ filiū absentem

*Tobia senio-
ris pietas in
filium.*

infolabiliter mœrentis. Aspectum (ait ad virum
Tobiā seniorē) filij nostri in diuitiis deputasse-
mus, ut quid amandauimus à nobis lumen ocu-
lorū nostrorū, baculū, seu scipionem, senectutis
nostræ, vitæ solatiū, spem posteritatis? Tob. 10.
Et hæc prolis spes scilicet ac successionis vel so-
la, vel præcipua debeat ad castum matrimoniū

*Tobia iunio-
ris castitas.*

inuitare. Et nunc (orabat Tobias iunior) Domi-
ne, tu scis quòd non libidinis causa vxorem du-
co, sed sola posteritatis dilectione, in qua be-
nedicatur nomen tuum, Tob. 8. ut vel ipso sta-
tim matrimonij vocabulo taxentur, qui alio fi-
ne connubunt, quàm ut vxor facta mater,
marito patris nomen conciliet, Et hinc enim
veteres maluerūt matrimonium vocare quàm
patrimonium, quoniam eandem quidem pro-

uinciam

tinciam gerunt maritus & vxor, sed habet suā
 vterque functionem, nam domestica res est
 gignere, nutrire, educare, teneram ætatem in-
 stituere, & hæc peculiaris est matrisfamilias in-
 tra parietes priuatos administratio, maritus fo-
 ris vel in foro, vel in Republica, vel negotiatio-
 ne versans, auget patrimonium, vxor parta
 seruat ac dispensat, domi (vt mox infra Paulus
 ait) familiam curat, & liberos præsertim tene-
 ros, qui materno magis indigent solatio, quàm
 paterno, & quidē ante partum matribus onero-
 sos, in partu dolorosos, post partum laborio-
 sos, vnde legitima maris & fœminę coniunctio
 matrimonium magis nuncupetur, quàm patri-
 monium, in Cap. Ex literis. de conuersione in-
 fidelium, Extra. Sed de hoc nuptiatū sine nos
 plura ad id. I. Tim. 4. [prohibentes nubere] &
 5. [filios procreare]. Hic addemus quæ tum vel
 non occurrerant, vel exciderant. E quo ergo
 modo matrimonium iuxta propriam & exactā
 eius rationem extat vel inter effætos senio, vel
 inter deploratæ sterilitatis homines? Etenim
 hodiēque non desunt, qui scientes ducunt ste-
 riles, modò bene dotatas, non ducturi, si pari-
 turas scirent, nec vt rem habeant, sed dotē au-
 ferant, & sibi mutuò insidiantur, puella tenera
 ducitur à septuagenario, ita cum parēte magis,
 quā cū viro dormitura, quòdque etiam multò
 absurdus est, sexagenaria nubit iuueculo, quasi
 sic à filio potius quā marito incunda. Fæda sa-
 nè vtrinq; species, sed posterior multò fœdiar,

*Sterilium &
 effætorū ma-
 trimonia.*

*Legis Papia
fibula.*

Nam senex quidem ex puella pater, non item
 anus ex iuvene mater esse potest: adeo ut tali-
 bus Lex Papia (citante præter testes à nobis ibi
 citatos, Seneca in libris moralis Philosophiæ,
 hodie non extantibus, Lactantio, li. 1. cap. 16.) Fi-
 bulâ imposuerit, ad coercenda scilicet eorum
 genitalia. Sed hanc à profanis principibus im-
 positam Christiani sustulerunt, & quæ est hu-
 mana tum infirmitas, tum incontinentia, hoc
 coniugiorum genus excusat, non prorsus reii-
 cit, adhibita distinctione finium, principalis &
 secundarij, Cuiusmodi est obsequiorum mu-
 tuorum commoditas. Atqui ubi non subest fi-
 nis primarius, qui locus secundario esse potest?
 Quis enim contractus, si vel ubi sic dicitur, Ca-
 pio te in meum meamvè, hoc animo ut nè mi-
 hi liberos generes? Sed matrimonium etiam sa-
 nè sit, quod conciliarint aliæ causæ, non hone-
 stæ modò, ut inimicorum reconciliatio, pacis
 redintegratio, solatium & sustentatio: sed etiã
 inhonestæ, libido, voluptas: vel certè minus
 honestæ, pulchritudo, quanquam & hæc Dei
 donum, sed plerunque fallax gratia, vana pul-
 chritudo, Prou. 31. Finiat hoc propositum S.
 Monica magni Aug. filij mater, & Patritij viri
 vxor amantissima, vtrunque Christo lucrata,
 Confess. lib. 3. cap. 11. 12. ut ille filius eius lacry-
 marû diceretur, lib. 5. cap. 7. 9. lib. 6. cap. 1. li. 9.
 cap. 5. Posidius in eius vita ca. 2. Quæstus ite lu-
 crum, diuitiæ, ut consentiunt doctores in 4. Dist.
 30. tanta sacramenti vis est, ut nec finis id non

*Monica diuini
Augustini
mater.*

bonus, nec mala vita, nec intentio peruersa cō-
taminent. At distinctione sequenti Augustinus
ex libro de bono coniugali cap. 5. Sicut cū mas
& fœmina soluti, propter incontinentiam
solius concubitus causa copulantur, hac ta-
men fide media, vt neuter cum alio id fa-
ciat, prolis tamen generationem, non ea licet
causa coniuncti, non sic vitauerint, vt filios vel
sibi nasci nolint, vel etiam opere aliquo malo
ne nascatur, agant, vt talium (inquam) hominū
vsque, inter se placitum, posse quidem fortasse
appellari connubium scribit, Ita si vel vtrunq;
vel vnum horum desit, ingenuè fatetur nō in-
uenire se, quemadmodum has nuptias appella-
re possimus. Certè non aliunde vel sæpius, vel
acrius idem Manichæos flagellauit, quàm quia
hoc in coniugio maximè detestarentur, quòd
filij procreantur, ita illi suos auditores, dum
cauerent ne fœminæ, quibus miscebantur, cō-
ciperent, etiam vxorum adulteros faciebant.
Ducunt enim (ait) eas ex lege matrimonii T A-
B V L I S proclamantibus, L I B E R O R V M pro-
creandorum causa, ad explendam autem tantū
libidinem, fœminis impudica coniunctio-
ne miscentur, filios inuiti suscipiunt, propter
quod S O L V M coniugia copulanda sunt: *Coniugia*
hoc autem de nuptiis ablato, vnde sunt nu- *propter prole*
ptiæ, mariti erunt turpiter amatores, me- *solum copu-*
retrices vxores, thalami fornices, soceri leno- *landa.*
nes. Vxores enim ij non ad matrimonij fi-
dem, sed ad concupiscentiæ crimen, habendas

*Nuptiaqua-
re instituta.*

censebant, cum matrimonium cōtrā ex eo ap-
pellatum sit, quod nō ob aliud fœmina debeat
nubere, quā ut mater fiat. Lex enim æterna,
id est, creatoris omnium voluntas, conseruan-
do naturali ordini consulens, non ut satiandæ
libidini seruiatur, sed ut saluti generis prospi-
ciatur, ad prolem tantummodò propagandā,
mortalis carnis delectationē dominatu ratio-
nis relaxari siuit: ij è cōtrario, prolem ante om-
nia deuitari à concumbentibus iuebant, &
vnā (præcipuam) nuptialis conuentionis ho-
nestatem, ut mares & fœminæ liberorum pro-
creādorū causā copularētur, hoc crimē maxi-
mum reputabant, cum præcipuè concubitus
detestantes, qui solus honestus & coniugalis,
quem matrimoniales quoque T A B V L A præ
se gerunt, liberorum inquam causā, ita non tã
concumbere, quā nubere prohibentes: Con-
cumbitur enim etiam cāusā libidinum, nubitur
autē, non nisi filiorum. Propagationis autem
concubitus, qui solus propriè nuptialis est, ve-
hementius ij accusabant, meretricum scilicet
more, quæ dant operā ne concipiant, ut ab of-
ficio pariēdi liberæ, libidini seruiant. Hæc pas-
sim contra Manich. & Faust. li. 15. 19. 22. 30. ca.
7. 26. 30. & 50. 6. Secundinum, cap. 21. & contra
Pelagium & Cælest. lib. 1. 2. ca. 38. 4. toties vnū
matrimonij finem faciēs, generationis officiū,
non tamen tam vnum, quā primarium: est
enim & finis secundarius, intemperatiæ reme-
dium. Tertium item adiicit bonum coniugale,

*Meretrices
concupere
volunt.*

*Bonum con-
iugale.*

lib. de hoc bono , cap. 3. naturalem in diuerso sexu societatem, alioqui non iam diceretur cōiugiū in senib⁹, præsertim si vel amisissent filios, vel minimè genuissent. Nūc verò in bono licet annofo cōiugio & si emarcuit ardor ætatis inter masculum & fœminam, viget tamè ordo charitatis inter maritum & vxorem, si seruetur fides honoris & obsequiorum inuicem debitorum ab alterutro sexu , etiam languescentibus & propè cadauerinis vtrunque membris . At ego de talibus matrimoniis non loquor.

Nihil enim æquius , quàm vt qui vnà sunt iuuenati, vnà quoque consenescant . Sed nunc mihi res est aduersum eos, qui primū conu-bunt , vt nē congenerent , vetulas præsertim, quarum ætas genituræ tantum, non etiam luxuriæ modum fecerit, vt cum Messalina lassentur magis, quàm fatientur . Quanquam & superiores illi quantò plus honestè cum Sara inuicem excusarent, postquàm consenuimus, voluptati operam dabimus? Gene. 18 . Et hæc quidem magis fortè ad parentes *πενυόνοιν*, 1. Tim. 5. quàm ad *φιλοτίκους*, sed præterquàm quòd si affectus consequentes sunt, illic nobis omissa, hîc, loco, credo, non alieno facta sunt. Quæ igitur hodie matrimonia vetulæ subantes, nec aliquid minus quàm fœtificare vel volentes vel sperantes, & auari viri tales bulgas ad ditescendum, aut quiduis potius quàm ad prolis propagationem, contrahunt, meritò, sanè populi salibus & diæteriis flagellantur.

Vetula genitura modum faciunt, non luxuria.

Quos euehit optima summi

(ait Iuuenalis Satyra.3.)

*Nunc via processus, vetula vesica beata,
Qui sectatur annus. ô quantum cogit egestas!* Martial.
lib.11. Epigrammate 88. Quid, ait Seneca (cite
ad finem lib.1. in Iouinianū Hieronymo) de
viris pauperibus dicam, quorum in nomē ma-
riti, ad eludendas leges contra cælibes latas,
pars magna cōducitur? quomodo potest rege-
re mōres, præcipere castitatem, mariti autori-
tatem tenere, qui nupsit? His certè non nubit
mulier, sed ipsi nubunt mulieri, serui matrona-
rum magis quàm mariti.

Vxorem quare locupletem ducere nolim,

Queritis? uxori nubere nolo mea. ait idē qui paulò
antè poëta li.8. Epigr.12. Talis inducitur Chre-
mes in Phormione Terentiana, Facessat igitur
calumnia, Hic verū appello matrimoniū, quod
non tantum legibus ratum est, aut moribus,
sed veris quoque conglutinatur affectibus. Nō
verò qualibus conuenientes maritos nomine
tenus ex Seneca paulò antè Hieronymus vo-
cat, maritos etiam negat Augustinus, qui sunt
maritorum indigni nomine: Quales qui non
tantum non propagandæ prolis causa concū-
bunt, sed huius quoque libidinis causa, prolis
propagationi malo vel opere vel voto obfistūt:
Qui hoc (ait) faciunt, quamuis vocentur, con-
iuges non sunt, nec vllam nuptiarum retinent
veritatem, sed honestum nomen velandæ tur-
pitudini obtendunt, quæ occulta manifestæ

Matrimonium
verum.

Mariti no-
mine tenus

crudelitatis conuincitur, cum aut sterilitatis venena procurant, aut fœtus conceptos intra viscera extinguunt, aut fundunt, volentes prius interire quam viuere, aut in vtero iam viuentes occidunt antequam nascantur, in lucem etiam claram tenebrosa proditur iniquitas & libido, quando eousque progrediuntur, vt exponant filios qui nascuntur inuitis, oderunt enim nutrire vel habere, quos gignere metuebāt. Prorsus (inquit) si ambo tales sunt, coniuges non sunt. Et si ab initio tales fuerūt, non sibi per cōnubium sed per stuprum potius conuenerunt. Si autem non ambo tales sunt, audeo dicere, aut illa est quodammodo meretrix mariti, aut hic adulter vxoris. Hæc ad Valerium, de Nuptiis, lib. i. cap. 15. Et cap. 17. In nuptiis ergo bona nuptialia diligentur, Proles, non vt nascatur tātum, sed & renascatur, nascitur enim ad pœnam, nisi renascatur ad vitam. Fides, non tantū qualem habent inter se etiam infideles carnē zelantes, Quis enim vir quanlibet impius vult adulteram vxorem: aut quæ mulier quanlibet impia vult adulterū virum? hoc in connubio bonum est naturale quidem, carnale tamen: Sed Christi membrum coniugis adulteriū coniugi debet timere, non sibi, sed à Christo separare fidei præmium, quam exhibet coniugi. Sacramentū verò etiam sterile coniugiū tenet iure pietatis, iam fœcūditatis spe amissa, propter quam coniuncti fuerant. Habes quo sensu sit

*Nuptiarum
adulterinarū
velamen, &
mala.*

*Bona nup-
tialia.*

aut non sit inter senes aut steriles connubium. Verè tamen per me contra hanc licet, quando ea non rescindit Ecclesia, quæ tam alioqui multa tolerat, sed & legibus quoq; rata sunt, equidem non reiecero, non tamen nihil cum Manichæis (hoc est, vt hæreticorum, sic maritorū impurissimis) simile faciunt, licet non simili de causa: Illi quidem ob multiplicem hæresim, hi propter malum nec vnum, nec simplex, auaritiā nimirum, Idololatriam Paulo nō semel vocatam, Eph. 5. Col. 3. verè ac rectè, non temerè nec hyperbolicè sic vocatam, interprete sanctissimo viro Chrysostomo, Homil. 64. super Ioannem. 7. ad Rom. 18. ad Ephes. 20. & 25. ad Hebr. vt quibus, viro quidem aurum & argentum, vxori venter idolum, imò Deus sit, Phil. 3. Redeamus ergò ad Pauli literam, hoc est, ad amicitiam tum coniugalem, tum maternam, & vt ita loquar, filialem, de qua sic Erasmus vbi suprà, vtinam tam innoxie ibi reliqua, iam & liberi (ait) communes si contingant, adamantinis vinculis astringunt coniugum inter se beneuolentiam, quo enim chariores illi his erūt, & maiorē in illos pietatis affectū hi gerēt, hoc min⁹ offēsarū inter hos coalescet: Qui solo ductu nature viuebāt, liberos appellarūt pignora, quasi ad cōfirmationē cōtract⁹ aut fœderis. In quē vsum & obsides à principibus, quos habēt charissimos, dātur & sumūtur, in quos sœuitur interdum, si fides alterutrius eluserit. At natura quantò sanctiora pignora cōmentā est, cūm

Erasmus.

*Filiū quare
appellat, pi-
gnora.*

vxor gignit marito, vterque alteri dat obsidem
 in quo spiret vterque, veluti duobus in vnum
 conflatis, quod vtrique sit charius quā ipse sibi:
 hac arte maritum vxori, ac vicissim vxorē ma-
 rito dedit obsidem, vt iam distrahi nec velint
 propter insitam erga liberos charitatem, nec
 possint, quod liberorum possessio sit indiuisi-
 bilis. Verba diuertentium sunt, Tua tibi habe,
 at cū ventum erit ad liberos, cui dices, Tua ti-
 bi habe: hīc neuter sua sibi habere poterit, nisi
 simul habeatis, quod ambobus ex æquo cōmu-
 ne est. Et hīc contemplari licet miram naturæ
 sollicitudinem, simul in eodem duos vel vultu
 pingentis, vel corpusculo repræsentantis. Illic
 agnoscit vxoris imaginem maritus, & mariti si-
 mulacrum vxor, interdum relucet aliquod aui-
 tæ figuræ vestigium, interdum aut propatruū
 aut proamitam expressam dicas, quo pluribus
 argumentis tibi commendaretur pietatis erga
 liberos affectus. Proinde qui ad hunc naturæ
 affectum obsurduerunt, homines esse, nedum
 Christiani desierunt, infra brutorum naturam
 degenerantes, vltra feritatem efferati. Et hanc
 esse causam puto, quod nullum extet speciale
 præceptum, quo parentes iubeantur filios dili-
 gere, vt nemo seipsum iubetur diligere. hanc
 legem sic in sculpsit intimis omniū affectibus
 natura, vt superuacanea videatur scripta lex,
 præsertim humana: Id interim mirū, nusquam
 extare plura officiorū exempla, quā vbi nul-
 la lex est officium exigens: historici cōmemo-

*Diuertentiū
verba.*

*Similitudo
filiorum cum
patre aut ma-
tre, &c.*

*Filios dilige
re tur nus-
quam præce-
ptum paren-
tibus.*

Patrum pie-
tas in filios.

rant amicorum paria non ita multa, cæterum
vita mortalium scatet exemplis Patrum, quos
non puduit suæ vitæ iactura liberorum vitam
redimere. De Ænea legis 1. Æneidos, *Omnis in
Ascanio chari stat cura parentis.* Clamat Esa. 49.
Dominus, Nunquid obliuisci potest mulier in
fantem suum, ut non misereatur filij vteri sui?
Sed vix malitiæ mortalium. Inueniuntur inter
Christianos, quæ recens aditos infantes expo-
nunt aut iugulant, quæ cientes abortum, necant
etiam nondum natos. Sed hinc faceßant portenta
verius, quàm exēpla. Ergo si liberi contingunt,
habetis obsides mutue charitatis, Sin minus,
non est orbitas ubi viuunt charitas, Sic enim Hel-
cana consolabatur Annam uxorem, 1. Reg. 1.
Cur affligitur cor tuum? Nunquid non ego me-
lior tibi sum, quàm decem filij? Hec ille. Porro
quod sub initio huius dixit, non ut officiosus
esse potest, qui vult, ita potest & liberos sibi da-
re, Da mihi (aiebat maritò Rachel) liberos, alio-
qui moriar, Cui subiratus Iacob respondit,
Num pro Deo ego sum, qui priuauit te fructu
vêtris tui? Gene. 30. Sunt igitur & *τεκνογονία*, &
φιλοτεχνία Dei haud dubiè magna charismata.
Qualiter ergò se matres familias habeant ad ma-
ritos & liberos, hætenus dictum, prosequitur
Paulus qualiter ad seipsas habere debeant: &
tria dicit, quo ad totidē animæ facultates: quã-
tùm ergò ad rationem, *prudentes*, *σώφρονες*, Hie-
ronymo pudicas, Ambrosio utrunq; sed omis-
so tertio vocabulo, *sobrias*, sed quia sequitur

& *castas*, siue puras, melius hîc quadrat, vt
 magis necessarium, quia earum tum sexus, tum
 ætas, hoc est, iuuentus, contraria est prudentiæ,
prudentes, supple esse, mentis intelligentia, vt li-
 cet corpore sint adolescentes, per prudentiæ ta-
 men acumen bene callêtes sint in gubernatio-
 ne domus ac familiæ. Tribuunt & philosophi
 muliebri sexui solertiã, hoc est, dexteritatem
 quandam in consiliis extemporariis, quod mul-
 ta cogitatione negentur proficere, quẽadmo-
 dum viri, quibus vehemens affectus nonnun-
 quam excutit iudiciũ: Sed & in rebus seriis ha-
 bent illæ consilia interim mascula, nedum in
 leuioribus, quæ sunt matronalis prouinciæ, ve-
 rùm vt tales contingant non est procis in ma-
 nu, sed à Deo, coniugij, vt autore, sic prospera-
 tore, petendum est. Nam domus & diuitiæ dā-
 tur à parētibus, à Domino autem propriè vxor
 prudens, Prou. 19. Quem quidem locum Am-
 brosius, seruata Græca emphasi, sic veritit, Do-
 mum & facultates distribuunt parentes libe-
 ris, cæterum à Deo ἀρμόστειται, adaptatur vxor
 viro, quo verbo vtitur Paulus 2. Cor. 11. Despō
 di vos vni viro ἡμεοσάμην, nec enim potest fœlix
 esse cōiugiũ, vbi nō est harmonia, quæ nascitur
 similitudine morũ & ingeniorũ, ac mutuis ob-
 sequiis, quibus potissimũ rebus gignitur alitúr-
 que concordia. Triste iugũ, vbi animorum dis-
 fidium, inamabilis cantio, quæ non habet har-
 moniã. Rursus Salomon, Qui inuenit mulierẽ
 bonã, inuenit bonũ, Prou. 18. bonũ dixit pro in

*Solertia mu-
liebris.*

*Concordia
coniugalis.*

signi bono, ac veluti mūdo bonorum. Græcus interpres vertit *χαρίτης*, id est gratias, bonorum copiam multitudinis numero exprimens. & hauriet iucunditatem à Domino. Confirmat

*Vxor bona
à deo datur.*

Syrach, Pars bona, mulier bona, in parte bona timentium Deum, dabitur viro pro factis bonis, Ecclī. 26. Cui ergo contigit vxor prudēs atque bona, bonam partem sortitus est, ea pars non temerè datur quibuscumque, sed Deum timētibus, quique sibi benefactis eū reddidere propiciū.

Vxor mala,

Item, Sapiens mulier ædificat domum suam, insipiēs extructam quoque manibus destruit, Prou. 14. & lustratis omnibus quæ sub cælo sunt, comperit amariorem morte mulierem, Eccl. 7. qui tenet aut sibi adiungit talem, quasi qui apprehēderit scorpionem. Ecclī. 26. Si res tam acerba est vxor mala, insipiens, cogita quàm ingens Dei donum sit mulier sapiens & bona. Si per tuam ergò incuriam contigit infœlix matrimonium, agnosce culpam, & memento patienter malum ferre, quod ipse tuo iumento accersisti: si citra culpam, tolera, quia sic Domino visū ob causas occultas, qui te melius, nouit quid expedit salutī tuæ: Sin fœlix obtigit, ne tribuas humanæ prudentiæ, sed agnosce iuxta superiorem doctrinam, eam hilaritatem tibi profectam à Domino. huic igitur tuarum nuptiarum auspici gratias agito, Sic salubriter Erasimus. Sequitur in Paulo, quantum ad vim concupiscibilem, *Castus* coniugali castitate, corporis continentia, vt contraquam magis

*Castitas cō-
iugalī.*

in ætate florenti pugnet inimicus, cuius virtus omnis contra fœminas, in vmbilico vētris est, Iob. 40. Et corpore ergò & mente puras se præstent, & ab aliorum etiam appetitu, nedū concubitu abstineant. Quin mutuus corporū contactus, qui vitari nequit, debet esse castissimus, ad prolem quoque gignendam rarus congressus vtilior quàm assiduus, & remediū paratum est inuincibili naturæ infirmitati, non peruersæ libidini. Naturæ vsus certis terminis circumscribitur, luxus & libido fertur in immensum. Sit igitur coniugii vsus verecundus, & quantū licet, virginitati simillimus, vt cum pudore & verecundia, & quasi necessitate sexus, reddat vxor potius viro debitum, quàm exigat. Opera liberorum ante Dei oculos (quod hîc sanctissimè monet Hieronym⁹) perpetrare se credant, ita erubescant secretum etiam cubile, notium tenebras, clausum cubiculum, cum omnia patere Dei oculis cogitarint. Quātò (quod ait Augustinus de bono coniugali, cap. 3.) meliores, tantò maturius à cōmixtione carnis suæ pari consensu, se continere cœpturi. (Sed de hoc nos amplissimè lib. 5. de Cōtinentia.) Animorum enim ritè coniugatorum tantò syncerior quantò probatior, & tantò securior, quantò placidior castitas perseuerat, vt merito ibidē cap. 5. indignetur matronis iure suo intemperantiū vtentibus, & viros plerunque continere cupientes, ad reddendum carnale debitū cōgentibus, non desiderio prolis, sed ardore con-

Debitū coniugale magis vxor reddat quàm exigat

cupiscentiæ, in quarum tamen nuptiis bonum est hoc ipsum quod nuptæ sunt, & ad hoc nuptæ, vt concupiscentia ad legitimum vinculum non deformis & dissoluta fluitet, habens de se ipsa irrefrenabilem carnis infirmitatem, & progressum immoderatè coëundi, de nuptiis indissolubilem fidei societatem, & modū castè procreandi. Etsi enim turpe est libidinoso vti vel le marito, honestū tamen est nolle misceri nisi marito. Adeoq; castitas est, quod Hieronymus non sine suspitione, nec sine temporis sui clericorum calumnia scripsit Geronticæ, in eo laudabiles qui renubunt, viduas quidem, quod vni viro sint prostitutæ, non pluribus, viros autem, quod cum vna muliere magis volutentur, quā cum pluribus. Quem secutus Erasmi⁹, peræquè parum, iudicio quidem meo, reuerēter scripsit in virginis & martyris comparatione, mundi virgines, dū nubunt, ætatis florem marito prostituere. Mirum si alibi vsquam apud bonū autorem hoc vocabulum in partem nisi malam accipiatur. Et castæ igitur matrisfamilias est, debitum reddere magis quā exigere, & viro reddere, non officij tantum, sed remedij gratia. Lacæna quodam interrogante num adhuc ad virum accessisset, Non ego (inquit) sed ipse ad me. Hoc Plutarchi præcepto connubiali 18. in matrona esse debet, vt neque rem vitet, nec ægreferat incipiente marito, nec prior tētet, hoc impudentis, ne dicam meretricis, illud fastuosæ, nec virū amātis. Rara sana mulier Zenobia

Hieronymus
taxatus.

Erasmus taxatus.

Virū mulier
ne promouet.
Zenobia Pal
myraorum re
gina pudici
ssa.

Palmyræorum regina, quæ Trebellio Pollioni nec virum quidem suū nouit, nisi tentatis conceptionibus, nam cū semel concubuiſſet, expectatis menſtruis continebat ſe, ſi prægnans eſſet, ſin minus, iterum poteſtatem quærendis liberis dabat, longè diſſimilis Iuliæ Auguſti filię, quæ niſi naue plena nunquam vectorē tollebat, Sempronię Saluſtio in Catilina, libidine ſic accenſæ, vt ſæpius viros peteret, quā peteretur, aut etiam Sæuli vxori, virum vtrō rapiēti, I. Reg. 20. Negauit poëta vllam negare, ſi fortè minus daret, & caſtam eſſe, quam nemo rogarit. Dixit alter partes rogantis acturā, ſi conueniret maribus non antè rogare. Vtriuſque carmen plus ſatis notum. Dixit & in Clio Herodotus, mulierem cum tunica ſimul & pudorem exuere. Dixit item quædam Macedoni Philippo mulier, Lucerna ſublata vel extincta, omnem mulierem eandem eſſe, nihil inter eas intereſſe. Quid hi ſibi volunt ſcriptores, quàm omnes homines, ſe verò in primis, ſcortorum eſſe natos, ac proinde nothos? Non igitur rectè illi, niſi fortè de vulgo mulierum, vel meretricum potius. Contrà enim modeſta, cū veſtem exuit, pudorem induit, ſummūſque tum pudor, tum amor mutuo ſeſe teſtimonio argumentoque indicant, nuptam enim decet remoto lumine non cuiuſque mulieris ſimilem eſſe, ſed tum maximè modeſtiam, moderationem, & amorem erga virum præ ſe ferre, ac ſe illius eſſe propriam oſtendere. Plu-

Iulia Auguſti filia impudicitia. Mulieres impudica.

Nocturnus pudor.

*Noctes etiā
deorum sunt*

tarchus præcepto 9. & 48. Quid quodd noctu
prorsus enudari vetat Hesiodus ? quoniam &
Deorum (ait) immortalium noctes etiā sunt.
Pudorem igitur omni loco ac tempore tuean-
tur, vt vel per tenebras marito moratæ videan-
tur. Sic enim res in matronis bene institutis, vt
cū tuniculam vel intimam posuerint, tū ma-
ximè sibi matronalem sumant verecundiam,
& luce remota vel restincta, reuerentius agant
cum maritis, cogitantes se tum maximè in co-
rum esse potestate. Nec verò maritus putare
debet, thalami locum nequitiae consecratum,
sed modestiae potius ac pudicitiae templū. Stul-
tissimè quidam vxori, amasius tamen magis
quàm maritus,

Lucretia toto

Sis licet vsque die, Thaida nocte volo. Hoc est, a-
micam potius quàm coniugem. Grauius cō-
trā Plutarchus præcepto ultimo, Maritus (ait)
nihil minus vxorem vereri debet, quàm si tha-
lamus officina modestiae non intemperantiae
sit futurus: Qui enim voluptatib⁹ fruitur, à qui-
bus eam coërceat, nil ab eō differt, qui vxorem
cum hostibus pugnare iubet, quibus seipse de-
didit. Commodus Imp. apud Spartianum, vxori
de extraneis voluptatibus cōquerenti, respon-
det, vxorem dignitatis esse nomen, non volu-
ptatis, imò & voluptatis, Cōmode, sed tui dissi-
milibus maritis, hoc est, pudicis, qui cupidita-
tem non vt tu, per alias exercent. Et huius igitur
permissae castaeque voluptatis conscius le-
stulus, sit idem precum viro cum vxore com-
munium

*Thalamus
officina mo-
destia.*

*Vxor, digni-
tatis nomen.*

*Leestulus con-
ingalis.*

munium, serò, cùm cubitum itur, mane, cū surgitur, etiam conscius. Immaculatus lectulus, Hebr. 13. Et habet ille quidem cōtactus corporum crassius quiddam, parúmque rebus spiritalibus congruens, propter quod Paulus optabat omnes suiipsius vt similes essent, hoc est, continentes, 1. Cor. 7. sed exigere non audebat, ne infirmis occasionem grauioris ruinæ daret, Ius enim coniugii perpetuū est, relaxatio iuris conceditur, non imperatur, Secundum indulgentiam dico (ait) non impero: proinde quotidiana quidem fidelium preces non interrumpūt, nec impediunt cōiugii vsum, Sic enim cū quotidie orandum sit, & omni die de Deo meditandum, nullo die coniugio seruiendum foret. At commodum esset & congruum, quoties vel tēpus vel animus ad purius & magis seriò orandum hortatur, id temporis ex consensu & condicto continere, vt quibus diebus Ecclesia vel nuptias celebrare vetat, vel Eucharistiam iubet sumere, vel ieiunia, publica suè litanias indicit, vel cū festi dies ad similem inuitant puritatem. Quanquam id quoque volentibus magis permittitur, quàm præcipitur, propter carnis humanæ lubricum. Imbecilles ergò diuinam opem implorent, vt iis largiatur cōtinentiam, vel temporaneam. Quibus autem tantus Dei dono profectus obtigit, vt coniunctionem corporum, prolis modò gratia, experant, his abundè multum temporis supererit ad orationes, lectiones, ieiunia, cōciones audiēdas, reliquaq;

*Corporum
contactus in
coniugio.*

*Continentia
quando man-
et. è coniu-
gibus obser-
uanda.*

*Continentia
quàm multa
tempora de-
stinata.*

*Menstruata
non commi-
scendum.*

ſacra, quod in proximam Pauli literam adno-
tauit inter veteres Ambroſius, Si enim filiorũ
(ait) creandorum cauſa ducitur vxor, non mul-
tum tempus cõceſſum videtur ad ipſum uſum,
quia & dies feſti, & purgationis, & conceptus
partuſque ratio, iuxta legem (Leuit. 12.) ceſſari
temporibus his debere demonſtrant, hĩc verò
proinde cùm erit vxor grauida, quieſcet a cõ-
greſſu, rursus à partu, diebus quibus purgatur,
quod etiam continendi tempus extendit Gre-
gorius 1. quæſtione 10. ad Auguſtinum Anglo-
rum epiſcopum. & in ca. Ad eius. Diſt. 5. donec
infans ablaçtetur. At in menſtrui liquoris pro-
fluuiò neceſſitas magis quàm religio præſcri-
pſit à congreſſu temperandum, vetuit id Deus,
lege capitali lata, Leuit. 20. hodie ſublata pœnæ
ſeueritate, naturæ ratio tantũ habere momen-
ti debet apud Chriſtianos, vt eo tempore mo-
leſtus ne ſit vxori vir, & huic quod petere non
deceat, petenti ea modeſtè excuſet. Sed nos de
iis rebus abundè in libris de continentia & ab-
ſtinentia, ſi quando Dominus edere dederit.
Sunt autem, quod vbi ſuprà proſequitur Augu-
ſtinus, cap. 6. viri quidam uſque adeo inconti-
nentes, vt coniugibus nec grauidis, parcāt quic-
quid tamen inter ſe immodèſtum, inuerecun-
dum, ſordidumvè gerūt, vitium eſt hominum,
non nupriarum, vt & in immoderatiore debiti
carnalis exactione, quam eis ſecũdum veniam,
non ſecundum imperium præcepit Apoſtolus,
vbi antè, etianiſi præter cauſam procreandi cõ-

misceantur, prauique mores ad talem eos impellant cōcubitus, nuptiæ tamen ab adulterio seu fornicatione defēdūt, nec enim id propter nuptias admittitur, sed propter has ignoscitur. *Nuptiarum prætectus quā validus.*
 Debent ergo sibi coniuges sexus sui cōmiscēdi fidem, quam idem contra Pelagium & Celestium de peccato Originali lib. i. cap. 37. pudicitiam etiam vocat, hanc inquam, sibi debent coniuges, non liberos tantum procreandi causa, quæ prima est humani generis in ista mortalitate societas, sed etiam infirmitatis inuicem excipiendæ, cōtra illicitos cōcubitus, mutuā quodammodo seruitutem, vt si continentiam præsertim perpetuam, alteri vouere placeat, nisi ex alterius cōsensu non possit. Et ad hoc enim alter alterius corporis potestatem habet, vt quod non procreationis, sed infirmitatis causa mutuo expetunt, non sibi alterutrum negent, ne per hoc in damnabiles corruptelas incidant, tētante Satana propter incontinentiam, vel amborum, vel alterutrius: Coniugalis enim concubitus generandi gratia, non habet culpam, cōcupiscentiæ verò satiandæ, sed tamen cum coniuge, propter fidem thori, venialem habet, Adulterium autem, siue fornicatio, lethalem. Et capite 10. Concubitum ergo secundum veniā Paulus concedit, qui fit per incontinentiam, non sola causa procreandi, & aliquando nulla causa procreandi, quem nuptiæ ignosci impetrant, non fieri cogunt, si tamen non ita sit nimius, vt impediatur quæ seponi debent, orādi tēpora,

Liberos procreandi causa, prima humani generis societas.

Concubitus qui est quādo licitus.

*Rei concessa
excessus, aut
etiam abusus*

*Vsus contra
naturam.*

concubitus enim necessarius generandi causa,
inculpabilis, & solus nuptialis est. Ultra quam
necessitatem qui progreditur, iam libidini, nō
rationi obsequitur. Et hunc tamen non exige-
re, sed reddere coniungi, ne fornicatio damna-
biliter peccet, ad personam pertinet coniuga-
lem: Cui concupiscentiæ si ambo coniungan-
tur, rem faciunt non planè nuptiarū: Si tamen
in sua coniunctione magis diligunt quod ho-
nestum, quàm quod inhonestū est, hoc eis, au-
tore Paulo, secundum veniam conceditur, cu-
ius delicti nuptias deprecatrices habent, non
hortatrices, si Dei misericordiā non à se auer-
tant, non continendo quibusdam diebus, ut o-
rationi vacent, & per hanc continētiā, ut per
ieiunia, preces suas commendent. Cap. ii. Na-
turalis ergò vsus ultra pacta nuptialia, id est,
propagandi necessitatē, prolapsus, in vxore ven-
nialis, in meretrice damnabilis est. Tamē valet
ordinatio creatoris & ordo creaturæ, ut in re-
bus ad vtendum cōcessis, etiam modi excessus
longè sit tolerabilior, quàm in incōcessis vnus
vel rarus excessus, ut etiam longè minus peccet
quālibet assiduus ad vxorem, quàm vel rarissi-
mus ad fornicationē, Nam in re concessa con-
iugis immoderatio, ne in re non cōcessam libi-
do prorūpat, tolerāda est, si non immutetur in
vsu cōtra naturā, de quo Apostolus tacere nō
potuit, cū de corruptelis nimis immūdorū im-
piorūq; hominū loqueretur, Rom. i. Quod e-
xecrabiliter fit in meretrice, execrabilius & dā-

nabilius in vxore, cū enim vir mēbro muliebri non ad hoc cōcesso vti voluerit, turpior est vxor, si in se, quā si in alia fieri permiserit. Decus ergo coniugale castitas est procreandi, & reddendi carnalis debiti fides. hoc nuptiarum op^s ab omni crimine defendit Apostolus toties dicens, Si vir, virgo, vidua nubat, non peccat. Exigendi autem debiti ab alterutro immoderatio-
 progressio, propter supradicta coniugibus secū dū veniā cōceditur: Quod ergo dicit innuptā cogitare quæ Dei sunt, vt sit sancta & corpore & spiritu, non sic accipiendū, vt putemus nō esse sanctam corpore christianā cōiugē castā, Omnibus quippe fidelibus dicit idem, eorū corpora, Christi esse mēbra, Dei viui & Spiritus sancti templa, 1. Cor. 3. 6. 2. Cor. 6. Sancta ergo etiam sunt coniugatorū corpora, fidem sibi & Domino seruantium. Neque fœmina fidelis seruans pudicitiam cōiugalem, non cogitat quomodo placeat Deo, sed vtrique minus quā innupta, cū nuptæ omnes, vel ita multæ, vt penè omnes, (cap. 12.) ex necessitate coniugij etiam cogitēt quæ sunt mundi, vt viris placeant. Hæc ille, vsque adeo qua sumus, donec viuimus, infirmitate circumdati, Hebr. 5. sententiosa est sententia ex priscis patribus cuiusdam, Concubitus cum propria vxore, castitatem esse, in Concilio omniū vt primo, sic sanctissimo professi, ca. Nice-
 na. Dist. 31. ex Tripartita lib. 2. cap. 14. Socrate lib. 1. cap. 11. Sozomeno lib. 1. cap. 23. Niceph. lib. 8. cap. 19. De quo tamen dicto hodiēq; cō-

Debiti exigendi ratio.

Locus Pauli de nuptiis & innuptiis explicatus.

Concubitus cum propria vxore, castitas.

trouerso, nos abundè lib. de Cōtinentia l. ca. 4.
 Sunt enim etiā catholici, qui Paphnutianam
 γνομὴν negent, sunt & qui improbent. Hactenus
 de castitate coniugali, deque vsu beneuolē
 tiæ tum reddendæ, tum exigendæ. Illud addam,
 castitatis non in coniugio tantum, sed & antè
 quoque, tantā semper habitam fuisse rationē,
 vt sponsa quam spōsus antea corruptam com-
 perisset, quæ pro virgine nupsisset, iuxta legem
 Mosaicā eiectā extra domū patris, in qua forni-
 cata fuerat, lapidibus obruta moreretur, Deut.
 22. hīc fortè miranda magis quàm probanda
 Christianorum impunitas & clemētia. Et nus-
 quam grauior esse causa videtur, cur virginita-
 tem puellæ depacisci posset spōsus, quod qui
 bona licet fide, pro virgine vitiatam duxit im-
 prudens, pro digamo habetur, & arcet miserum
 à sacerdotio, digamiæ (vt sic dicā) imaginatio,
 vt melius inculpatissima rea, quam nec præsci-
 re potuit maritus, nec præstare, ignoratio. Sed
 de hoc abundè libell⁹ noster de Digamia. Quo
 magis mirū, matrimoniū hac cōditione, Acci-
 pio te vxorē, si es virgo, vel si te cōperero virgi-
 nē, etiā si non præstetur cōditio, nihilo indisso-
 lubiliter minus coire, quasi turpi, non honesta
 conditione contractā. Atqui puella sibi cōscia
 non debuit fallere excipiētē quod honestū est,
 & tanti fortè momēti, vt verisimile sit nō coi-
 turum fuisse matrimoniū, nisi latuisset id vitiū.
 Sed fortè quotidianæ fierent redhibitiones, si
 vel daretur stipulatio virginitatis, vel nō præsti-

*Castitatis ra-
tio seuerā.*

*Vitlata pro
virgine du-
ctā, an adhi-
beri possit.*

ta solueret aut dirimeret, vt cuius probatio nō minus difficilis sit, quā custodia, vel vnica Ambrosij ad Syagriū epist. 64. id satis probāte. Et natura certē, & ratio, & æquitas suadere videbatur dissolutionē cōtractus per dolum initi, si qui falsus est, remittere fraudē nollēt, præsertim si cōstitērit ab alterutro cōtrahētū data opera procuratū, vt alter falleretur, nec enim videtur cōsensisse, qui cōditionē addidit, si ea nō extiterit, & verē dictū est à Iurecōsultis, errorē nō cohærere cum assensu, sed personæ (aiūt) quidē *Error cōsensum non habet.* error circumuentum liberat, non itē qualitatis aut fortunæ. Quid si grauius incommodū hic quā ille ferat? Leuius enim ducere Liam, quā putabas esse Rachelem, Gene. 29. quā stupro cognitā, quā credebās esse integrā. Est quidem nubere destinantium, quanta fieri potest, cura prouidere ne capiantur, sed in erroribus tāti momēti, nec aliter prouidere queūt personæ circūuentæ, si non eis succurrit Pōtificū auctoritas, pronūciando non coisse matrimoniū, at eos certē puniret ciuiliū legum seueritas, qui & matrimonij fūco imponderent, & sacramento fraudem admiscerēt: non enim ad hoc institutū est matrimoniū, vt in fraudē illicitur simplicitas, sed vt coniugum vterque suo bono iūgatur alteri, & captionis potius, vel si maior, raptus, quā veri, & Christiano affectu initi coniugij, nomen meretur, cū pars altera prædā habet quā captabat, altera decepta plorat, & grauior pœna debetur iis qui sacra

Matrimonio fraudem facientes a quo puniendi.

re abutuntur, siquidem hic dolus cum impietate coniunctus est, nec solum afficit iniuria proximum, qui coniugium pactus est, quem etiam si non esset hæc expressa cōditio, falsum tamen esse constat, sed & Ecclesiæ Dei contumeliam irrogat, quæ matrimonium pro sacramento & quidem magno, habet ac honorat. Sed per me sanè non liberentur miscelli, quos nec legum in matrimonium fauor aut indulgentia, ne corruptelam dicam, liberet. Connupturi ergo, quod est in mimis Publij, diu deliberent, quod semel facturi sunt, & quidè nullo in posterum remedio. Hæc certè conditionum vna est, nec ea minima, propter quam non iniuria dicas, si ita est causa hominis cum vxore, non expedit vxorem ducere, Matth. 19. Hæc de futurorum coniugum castitate, ad quam, quod & ideo addam, pertinet quod tanto serio probauimus, 1. Tim. 1. in verbo [Fornicariis] fornicationem semper illicitam, quanlibet simplicè, non Christianis tantum, quod plusquam indubitatum esse debuit, sed & profanis fuisse improbatā. Nam & Plato, meritò licet malè audiat communionis vxorum nomine, abstinentium tamen scribit ab agro etiam fœminino, vbi semen germina nolit producere (quæ concubitus propriè nuptialem toties antea diximus) qualem etiam omnium arationum rationumque sacratissimā Plutarchus vocat, præcepto 43. connubiali, & 44. ex Sophocle Veneri boni fœtus fœcundam vocante, Cauendum ne

*Matrimonij
magna esse
debet cautio*

*Fornicatio
semper illicita.*

*Plato de agro
fœminino*

feras vnde nasci quicquā nolis, quin si fructus
 gignatur, pudeat & celes. Et iuuenibus multo
 semine plenis hanc legem velut impossibilem
 stultāque, & quasi supra vires humanas latā
 occlamantibus, opponit perpetuam quorundā
 athletarum continentiam, animum quoque ac
 bestiarum greges permultos, integrē castēque,
 antequam procreandi tempus aduenerit, viuē-
 tes, cū eam aetatem attigerint, marem fœmi-
 nā, fœminam mari coniunctam, iustē sanctē-
 que in pristina perseuerantes amicitia vitæ reli-
 quum peragere. Oportet igitur homines bru-
 tis esse meliores, certē nō deteriores, quod ta-
 men vir penē diuinus optare se magis quā
 sperare non dissimulat, nisi à bono hominum
 genere, quod tria genera continet, decorum sci-
 licet cultores, honoris amatores, & animi mo-
 rum quā corporum pulchritudinem magis
 diligentes, quod aliud hominum genus, naturæ
 vtique deprauatæ, quique sui Domini minus
 sunt, cogat legem hanc non cōtemnerē. Sic si
 Deus (ait) voluerit, in amatoriiis assequemur, vt
 nemo generosas liberāsque mulieres, præter
 vxorem attrectet, nec vllus nothos ex concu-
 bina suscipiat. Si quis cum aliis mulieribus, quā
 quæ cum Diis sacrisque nuptiis domum vene-
 runt, emptis videlicet, vel alitercunque acquisi-
 tis misceatur, nisi viros mulierēsque omnes la-
 teat, infamis lege, omnibus ciuitatis honorib⁹,
 ceu peregrinus, priuetur. Hæc ille lib. 8. de Le-
 gib⁹. Citat ex 9. Cœlius, lib. 29. cap. 18. cum

*Hominiū bo-
 norum tria
 genera.*

*Si non castè,
tamen cautè,
expensum.*

qui cum muliere etiam innupta, se miscuerit, morti, condemnari supplicio. Ecquàm ægrè hic concubinatum permittit, nec tamen impu-
nè, penè dicens, quod vulgò dicitur, nec vnde sit sumptum scio, nam quouis Christi fideli, nedum Augustino indignum, Si non castè, saltem cautè. Aues ergo & bestix, nedum Platonici, infidelium optimi, vel certè minimè mali, castitatem & ante & post matrimonium, suo modo tuentur, & fideles nō eam vel ad ineundum matrimonium afferunt, vel post id initum conseruant? Ferunt quēdam, cū patrem euerberaret, excusasse, nam & ipse (inquit) suum cōuerberauit, & ille, rursus suum, quin & filium ostendens, & hic (ait) vbi virum euaserit, me quoque flagris cædet, hoc enim gentile nobis est. Idem Cælius lib. 11. cap. 20. Sic pleiunque filix, matrum: filij, patrum exemplo labuntur, & virginitatem futuris sponis minus seruant, iuxta versiculū verum magis quàm Latinum,

*Matrū exē-
pla filia se-
quantur pa-
trum filij.*

Insequitur leuiter filia matris iter.

In suos scilicet semina redeunt. Optima quæque baccarum, nucum, fruticum genera, non nisi nobilibus locis innascuntur, vel ad ignobilem migrantia, ingenium exuunt,

Pomæque degenerant succos oblita priores.

Et generosi furculi vilioribus truncis insiti, deteriores fœtus pariunt. Quod & in hominibus accidere consentaneū, & tanto maius in generandis liberis momentum à muliere affertur,

si nonnullis medicis verè placuit, non nisi ex
 fœmina fieri fœmellarum procreationem, cu-
 ius fides sit penes Franc. Barbarum lib. i. cap. 4.
 Illud amplissimum Romanorum & Lyciorum
 legibus, ingennos appellari ingenuis matribus, *Ingenui qui*
 seruis licet & ignobilibus patribus ortos. Neque *dicantur.*
 non hoc poëta nobis testatur, Dea matre, ho-
 mine licet patre, prognatos diuinitate donan-
 tes, Orpheum, Achillem, Æneam, Tantum hîc
 etiam valet illud, *Partus sequitur ventrem*, vt in *Partus sequi-*
 plerisque filiis maternas imagines non corpo- *tur ventrem.*
 ris tantum, sed & animi recognoscamus, Nec
 mirum, vt qui à matribus non solum educimur,
 sed etiam educamur. Igitur plerumque fit vt parum
 castæ sint filiarum familias, quod parentes ne ipsi
 quidem vasa sua, quod ait Paulus, in sanctifica-
 tione atque honore possident, nec à fornicatione
 abstinent, i. Thessal. 4. quales enim su- *Impudicarij*
 mus, tales plerunque gignimus. Idem ait & per *matrum im-*
 prophetam Dominus, Fornicabuntur filiarum ve- *putica filiarum.*
 strarum, & sponsarum vestrarum adulteræ erunt, non visi-
 tabo nec super illas, cum fornicatæ fuerint, nec
 super has, cum adulterarint, quoniam ipsi cum
 meretricibus conuersabantur, & cum effœmi-
 natis sacrificabant, Ose. 4. & Mich. i. de mer-
 cedibus meretricis congregata sunt, & ad
 meretricis usque mercedem reuertentur, ni-
 hil enim vetat de fornicatione spiritali seu *Fornicatio-*
 idololatria dictum ad corpoream aptari, cum *non merces,*
 & in huius poenam patris in eam lapsi vxores
 Deus filio dederit abutendas, Dauidis dico,

*Sobrietas ca-
stitati cum
primis neces-
saria.*

mœchati, concubinas Absaloni, & filiam fra-
tri incestandas permiserit, 2. Reg. 12. 13. 16. Se-
quitur ergo tandem in litera, *Sobrias* in cibo &
potu, quod non video quî, quod ait hîc Aquina-
s, spectet ad irascibilem, sed permultum fa-
cit ad castitatem seruandam sobrietas, de qua
hîc breuiore erimus tum quòd nulla ei græca
vox propriè respondet, ne apud Latinos quidè,
vetustiores, tum quia 1. Tim. 2. de muliebri so-
brietate quæ satis esse videbantur, obseruauimus,
vti olim gentium fœminis vini vsus fuit
ignotus, quem nunc quoque Syris & Persicis
minimè concedi testis est Fr. Barbarus, lib. 1.
cap. 5. addens sapienter nonnullos gentiles, sic
eodem in templo Liberi Patris & Veneris si-
mulacra congefisse, vt qui huius imaginem vi-
fendi studio venirent, prius illius statuam salu-
tarent. & cap. 6. Sic profectò res habet, qualis
cibi potusque ratio, talis & cōgressus venereus,
sequitur hic viuendi normam, vt tener pullus
matrem. Specta (inquit Hieronymus paulò
anteà cap. 1. in verbo [non vinolentum]) ven-
trè & genitalia, pro qualitate membrorū, ordo
vitiōrū. Nunquā ergo ebriū ebriāvē castū castā
vē putabo, vt qui etiam si vino consopiti dor-
mierint, peccare tamen per vinum potuerunt,
hoc nūc dixisse sufficiat, quòd, secundum Apo-
stolum, in vino est luxuria, Eph. 5. hoc est, insi-
pientia, furor, procacitas, libido. Quo loco, &
Gal. 5. se purgat calumnianti Ruffino, quòd in
Eustochio adolescentulis consuluerat vinum,

*Luxuria in
vino, quæ in-
telligatur.*

vt venenum fugiendum, vini opus, non naturã, Dei vtrique creaturam damnans, & ætati proprio calore feruenti licentiam auferens, ne sub occasione parum bibendi plus bibat, & pereat. Sed de vini vsu & abusu peculiaris nobis est liber in opere de Abſtinentia, ſiquando Deus dederit in lucem exire. Igitur matresfamilias præſertim iuniores, & ſucculento adhuc corpore, ſiue maritis patribus efficiẽdis, ſiue liberis gignendis, geſtandis, & lactandis conſultũ volunt, velint autem oportet, quibus omnia poſt Deum debent, ſint, ſi non proſus abſtemia, aut nimis ieiunioſa, at perpetuò ſobria, lædit enim vt inedia diutina, ſic & immodica cibi vinique copia, neu per immoderatum potum plus æquo ad libidinem incaleſcant, Non enim minus ad matrem pertinet, quàm ad patrem Diogenis in temulentum puerum ſcomma, Ebrij te parentes ſeminarunt: Ex quo Plutarchus de liberis educandis præfatur à maioribus traditum, vt coniuges genituræ operam daturi, aut omnino ſobrij, aut vino ſaltem modetiſſimè delibato, congreſſum faciãt. Et quod idem & ibidem verbo quidem grauiter, re autem verè comimonefaciens ait, Meretriciã ingredere domum, vt perdiſcas quàm viliſſimarum rerum pretia nullam præ ſe ferant excellentiam, ſic temulentas ancillas matronæ accuratius inſpiciant, ita quid ſibi maximè cauendũ animaduerſuræ: hoc enim animo Lacones & vxoribus & liberis ſeruos potos in conquiuiſ

*Vini copia
immodica
quãrnoxia.
Ebrietas pa-
rentibus fu-
turis quã ca-
uenda.*

adhibebant, non ut horum ineptiis oculos pascere, aut se alioqui oblectarent, sed quò ex ebriorum miseriis discerent, quècunque in seruis turpia sunt, in liberis hominibus fore turpissima. Dicit, inquit ubi paulò antè Hieronymus, quisque quod volet, ego loquor conscientiam meam, scio mihi abstinentiam, & nocuisse interruptam, & profuisse repetitam. Ego quoque scio matronam honestam, hydropolia, cui puella cæterarum Parisiensium more assueuerat, medicorum consilio, & viri hortatu, quò marem pareret, intermissa, semper exinde afflictissimo fuisse corpore, & florenti adhuc ætate viduam, obiisse. Atqui (quod attinet ad huiusmodi, quisquis fuit, consultorem) Plato de Legib. lib. 2. mulieri gignendis liberis operam daturæ vinum negauit, & Lacænas, quæ solæ viros pariebant, vel vini prorsus expertes, vel aquatissimo vtentes voluit Lycurgus apud Xenophontem. Sed de vxoria sobrietate plus satis, plus certè quàm initio exponendæ vculæ putabamus. Quantū ad tertiā animæ vim, seu irascibile spectat, vult Paulus esse *benignas*, bonas erga omnes, ut cum māsuetudine tum viris pareant, tum domū regant, Sunt enim ut plurimū iracundæ. Non est caput nequius colubri capite, non est ira super iram mulieris, Mulieris ira, irreuerentia, cōfusio magna, Ecclī. 25. Prou. 21. Melius est habitare in terra deserta, quàm cum muliere rixosa & iracunda. Quia ergo potest cuenire, ut domus diligentia cum austeritate

*Hydropolia
intermissa
perniciēs.*

*Lacænarū
potus.*

*Iracundiā
mulierum.*

regatur, & per hoc Apostoli præceptum matrona seuerior fiat in seruulos, ideo benignitatem copulauit, vt tunc se credat mariti domū bene regere, si cum benignitate imperet seruulis & filiolis, non cum terrore, foris quoque in eleemosynarum erogatione benignę sint, multo magis intus, siue domi, Omnium erga viros maximē, vt quibus eas principes Apostoli velint non subesse duntaxat, de quo mox litera, sed & placere, 1. Cor. 7. 1. Petr. 3. & vt placeant, tum quæ mundi sunt, curare, tum etiam se ornare, & maritalibus se moribus aptare, lætas coram illis esse, vel potius lætis collātari, mœstis commærere. Speculū, ait Plutarchus præcepto connubiali 14. si lætantis imaginem tristē reddit, dolentis hilarem, & mærentis ridibundum, vitiosum est. Amens est, inepta, infalsa mulier, quæ iocante blandientēque marito, frontem contrahit, Serio aliquid agente, iocatur ac ridet, Animi tum minimē benigni, tum etiam contemnentis indicia, 28. Quę nuptiali Iunoni rem faciunt Diuinā, cum victima fel non consecrant, exemptum post aram abiciunt, innuente lege nunquam bilē irāvē in cōnubio esse oportere: Debet enim vt vini, sic matronæ austeritas, suauis ac vtilis esse, non amara, vt aloë ac medicina, 29. Pudicę continentiq; mulieri maximē gratiis erga virū opus, vt, quod Metrodor⁹ docebat, ne propter cōtinentiā iratē cū viro conuerfetur, nō vel frugi mulierē cōtēnere munditię, vel viri amantē blanditias ne-

Vxor se marito consermet.

gligere, nam & morositas honestatem facit iniucundam, sordes frugalitatem reddunt inuisam, 30. Et omne quidem superuacuum, meretricium, ac popolare fugere eam cōuenit, morum verò consuetudinisque viuendi gratiis eā erga virum artificio vti decet, vnā cum voluptate honestè cum eo conuersantem: Suapte alioqui natura seueriorem, insuauem, placidè admonendam: & pudicā quidem, sed rigidā atque austerā, dicendum, Non te ego eadem vti & coniuge & amica possum, 39. Quæ sana mente sunt, maritum ira clamantem silentio leniunt, silentem alloquio consolantur & mitigant: quo Cyrus modo hostes vociferantes silentio excipere, silentes clamore Græcis iuebat inuadere, 40. Errant, qui solūm cum gaudio voluptatēque gestiunt, rem habent: cum subirascuntur & dissident, secubāt, tum enim maximè Venerem, optimum huiusmodi mulierū medicum, accersendam, quod poëta docet, dicente Iunone,

*Secubandum
non esse inter
se iratis coniugibus.*

Vestra ego iurgia soluam.

Vos & amore pares iungam, thalamoque locabo.

Cum semper autem & vbique fugiendum, ne vir uxorem, neu virum offendant vxor, tum in primis ne id accadat dum vnā concubant, quæ enim lectus iurgiis tum moderetur, cum similitates, offensas, & iras alibi susceptas non alio loco vel tempore procliuius sit dissoluere? Tales vel in concubitu corrixantes, Socratis Xantippen, Ciceronis Terentiam veteres:

μεμψιγαμοι

μυμψιγμορ vxorem describit Erasinus, Iuvena- Vxor

lis Satyra,

μυμψιγμορ

Semper habet lites alternâque iurgia lectus,

In quo nupta iacet, minimum dormitur in illo.

&, *Dosest vxoria lites.* 2. de Arte. Vnde pulchrè

Varius Geminius sublimis orator, Qui non li-

tigat, inquit, cælebs est, citat lib. 1. In Iouinianū

Hieronymus, & ex Aureolo Theophrasti libro

de Nuptiis, Per noctes (ait) totas garrulæ con-

Rixosa mu-
lieres.

questiones. Illa ornatioꝝ procedit in publicum

hæc honoratioꝝ ab omnibus: Ego in conuentu

fœminarum miscella despicioꝝ. Cur aspiciebas

vicinam? quid cum ancillula loquebaris? de fo-

ro veniens quid attulisti? non amicum habere

possumus, non sodalem, alterius amorem sui

odium suspicatur: Si alteram aspexeris, se exi-

stimat displicere: quoscunque (illa) dilexerit, in-

gratis (tibi) amandi. Et quo nemo melius scire

potest, quàm qui tot passus est, Salomon tam

multinubus, Melius est sedere in angulo doma-

tis, quàm cum muliere litigiosa in domo cõmu-

ni, Prou. 21. 25. Si domus communis erigit

vxorem in superbiam, & contumeliam viro fa-

cit, quantò magis si diues fuerit, & in dõmo

eius vir manserit? Incipit tum non vxor esse,

sed domina, & viro, si offenderit, migrandũ est.

Et testæ iugiter perstillantia in die frigoris, & li-

tigiosa mulier comparantur, 19. 27. Stillicidia

eiiciũt hominem in die hyemali de domo sua,

similiter & maledica mulier assiduis iurgiis, &

quotidiana garrulitate facit domum perfluere,

*Xantippe
Socratis.*

& virū eiicit ex ædibus. Verè fuit Socrati Xantippe stillicidium perfluens, multis prius conuiuiis affectum lotio perfundens, post tonitru scilicet, pluuia. Diogen. lib. 2. Hieron. 1. in Iouinianum. Gellius lib. 1. cap. 17. Et rursus in alio loco, sed non occurrit, citatur tamen ibidem Hieronymo, Sicut lignum vermis, ita edit virū suum vxor malefica. Et cap. 30. Inter tria quæ terram mouent & turbant, mala, ponitur mulier odiosa, cum in matrimonium fuerit assumpta. Ecce & hîc inter malorum magnitudinem ponitur vxor, sed odiosa. Sed de mulierum benignitate, & opposita morositate nimia. Ad dam ex Plutarcho ad finē libri de liberis educandis antea citati, de eadem erga familiam suauitate, quatenus eis cum viris communis esse debet, Haud (inquit) volo asperos & natura durissimos, sed qui se iuuenes aliquando fuisse memores, puerorum delictis veniam interdum concedant, desideriis habenas modò remittant, modò laxent, modò intendant, Leuia præsertim peccata molli ferant animo, aliqua etiam nouisse dissimulent, vt pleraque videntes non videant, audientes non audiant. Amicorum errata perferimus, quidni & filiorum? Seruorum aliquoties crapulam minimè redarguimus, interdum pepercisti, insuper largitor, molestè aliquando pertulisti, vltro veniā adhibe, per seruuli quandoque fraudes demulisti, exhibe iracundiam, Ex agro iuuenecos abstulit, rediit hesternum temetum nonnunquā

*Puerorum
delicta qua-
liter exci-
pienda patre-
ribus.*

*Coniunctia
patris fami-
liæ in deli-
ctis seruorum.*

exhalans, in scius esto: vnguenta redolet, tace-
to. Hunc in modum petulea iuuentus, equini
pulli instar domita mitisq; redditur. Sint hæc
nobis ad textum sequentem parasceue, *Domus*
curam habentes, *δυναστες*, quod sonat, domus cu-
stodes, vel domi manentes, nec per alie-
nas domos vagâtes, quales taxat, primæ Ti-
mothei 5. Cui consentaneum est quod Gor-
gias domi clausas esse voluit, vt eorum ni-
hil præter famam nosceretur. Quod nec eis re-
liquit aut dignum putauit Thucydides, optimâ
matronam deficiens, de cuius laude aut vitu-
perio minimus rumor dissipatur. Barbarus lib.
1. cap. 2. ex Plutarcho de virtutibus mulierû vt
assiduè domi sint, & rē domesticā curent, quæ
præcipua mulierû laus, Mulier enim domû vel
ædificat sapiens, vel eradicat insipiēs, Prou. 14.
Et erudiâtur ergo à vetulis iuueculæ, vt domus
diligentiâ habeât, ne viros cōtristent per negli-
gentiâ, sed cū viris quæcunque in domo sunt,
bene ac diligenter procurare ac dispēsare labo-
rēt. Quod verbū hîc tantū in nouo testamento
occurrit, eodē sensu, *δυναστεύειν*, domû siue fa-
miliâ regere ac gubernare, dixit, 1. Tim. 5. vnde
peti potest huius loci, si cui placet, amplior ex-
positio. Cæterum puella quæ hanc domus cu-
ram & sollicitudinem à parentibus didicit, artē
didicit non aspernandā, huic enim nunquam
defuturum est quod agat domi, quin ad confir-
mādā corporis valetudinē satis erit exercita-
tionis, si domus partes frequenter obeat, & vel

Domus assiduè sint mulieres.

δυναστεύειν.

componat quæ oportet, vel aliis quid opus factum præscribat. Lunam, ait Plutarchus præcepto cōnubiali 8. cum abest à sole, lucidam claramque videmus, soli admotam & propinquā, obscurari condique: Modestam contrā vxorem oportet cum viro præsentem se tum maximè videndam exhibere, cum abest maritus, ædes custodire, domi latitare, nec aliter quàm si vidua sit, agere. Sed & hîc quoque mariti non leuiter quidam peccant, domi trîstes & austeri, foris hilares & festiui. Tales, ait idem præcepto 15. cum nolunt vxoribus suas domi voluptates, cibum, potum, iocos, risûsque communes esse, docent eas sine ipsis hæc eadem alibi quærere. Nusquam autem tutior est, siue formæ, si contigerit insignis, siue pudicitia, siue, cuius non minorem oportet esse curam, famæ thesaurus, quàm domi: ad quæ conseruanda vt parum idoneæ sunt ad choreas, festa, conuiuia, cûrsitationes, & longinquæ absque viris peregrinationes, sic ad excludendam zelotypiam. Periclitatæ sunt Sara, Rebecca, Dina, sed peregrè & apud exteros, Gen. 12. 20. 26. 34. Illarum pudicitia curam Deus habuit, maritos diuino iussu peregrinantes comitantium, hanc violari permisit, quòd præter auctoritatem patris obambulare in aliena ciuitate, vt videret (ait) mulieres regionis illius, spectatrix scilicet, ac vicissim spectanda, iuxta illud Ouidij, *spectatum veniunt, veniunt spectentur vt ipsæ.* Matrona ergo, si formæ dona & ætatis lubri-

Peregrinationes mulieribus periculosa.

cum periculo & obrectationi obnoxia sint, ut nusquam securius vel honestius quàm domi, aut apud maritum, ita nusquam debet esse libentius, De cuius latere sumpta est, Gene. 2. non eam oportet discedere. Plutarchi præcepto 31. Ægyptias mulieres uti calceamento mos vetat patrius, ut se domi contineant. 33. Phidias Venerem finxit testudini insistentem, hoc ænigmate indicans matrisfamilias laudem esse solitudinem & silentium, De hoc posteriore in 1. Tim. 2. cap. prius illud bestiola adeò nunquam è testa prorepens, ut & inde Græcis *φειδίου* dicta sit: & si quid metuit, ilicò se totam intrà contrahat, significabat vxori domi manendum, & per domum totam obambulandum, sed ita ut domum secum circumferat, & si quid prospicit, ne sit ultra cortem, arcem, hortulum ædibus iunctum prospectus. Intra hæc pomaria matronæ regnū circumscribitur, Si quid mali metuit, nusquam minus intuta quàm domi. Quod igitur à multis dictū citat Valla li. 4. ca. 30. In domo seu familia bene instituta omnes sunt in officio, id fit, si sua cuiq; tribuatur functio. Sūma autē officiorum diuisione, alia dicuntur domestica, alia externa: Quæ foris geruntur, ad virū pertinet, Quæ domi, femineæ sunt functionis, quæ ad rem penuariā, quæ ad pensā familiæ distribuenda, & ad operā debitā exigenda. Si sedula totā domū subinde lustret, circumspectans quid in thalamis desit aut in cœnaculis, in conclauis, ubi versantur liberi,

*Testudini
insistens Ve-
nus, quid
symboli ha-
beat.*

qui in locis ubi operantur famuli famulævè,
 quid in coquina, corte, hortulo, nunc in gynæ-
 citide, nunc in andronitide, magnum opus præ-
 stiterit, etiâ si nihil operis ipsa præstiterit. Quin
 & liberorum educatio, vxoria provincia est, dū
 adhuc tenera est: Vbi ad hoc ætatis peruentum
 est, vt ad aliquod vitæ genus instituendi sint, ad
 maritū redit officium. In puellis similiter elo-
 candis, cura quidem parentum communis, sed
 est penes patrem autoritas. Quod disertè dicit
 in Oeconomicis Philosophus, Cū tempus
 poscet aut filias nuptiū tradere, aut nurus acci-
 pere, obediat penitus viro in iis vxor, & sic vnā
 deliberet, vt sententiam viri sequatur, intelli-
 gens non tam viro rurpe, eorum quæ domi
 sunt, quicquā facere, vt mulieri quæ foris sunt,
 tractare. Et Diodoro quidem lib. 1. Isis lege,
 in Ægypto viri stipulabantur se omnia domi
 ad vxorum arbitrium facturos, vxores contrā
 viris omnia extra penetralia ex eorum autori-
 tate facturæ: Sed Philosophus vult virum semper
 & vbique superiorem agnosci. Sunt igitur
 ceu par columborum, vir prauolat & circum-
 agitur, vt importer domum, quod victus exigit
 necessitas, vxor nidum seruat. Mihi videtur (ait
 in Oeconomico Xenophon) Deus naturā mu-
 lieris ad curam intus suscipiendam in lucē pro-
 tulisse, molliorēque corpore, vt intra parietes
 officium obirer. Viro autem corpus animū-
 que, ad frigora, æst⁹, itinera, expeditiones facile
 tolerandas constituisse, idcōque res illi foris

*Vir externa,
 vxor domus-
 stica curat.*

agēdas delegasse. Rursus illas ob infantiū curā
maiore erga liberos charitate, tū ad custodiēda
quæ à viris parta essent, metu vehementiore,
qui rebus asseruandis utilis esset, præditas esse
voluit. Viro, cui tueri extranea incumbit, & ea
prædanti resistere, maiorem addit audaciā, me-
moriā, ac diligētiā parem. Cum igitur
neuter vtrique sufficeret officio, hac potissimū
de causa inter se matrimonio deuincti sunt, si-
bi inuicē hoc pacto utiles, vt quod alteri deesset
alter suppeditaret. Fæminā item pulchriorem
condidit, vt formā cum pudicitia se domi con-
tinendo tueatur. Virum torosiores, vt extrā
magis ageret, edidit. Huic autem ordini si quis
aduersus ierit, & aut viri partes vxor, aut vir
vxoris egerit, vltorem se sentiet habiturū Deū,
&c. Necesse prorsus vxorem domi manentem
seruis officia distribuere, eos qui opus extrā fa-
cturi sunt, emittere, aliis intus ipsam præsidere,
illata recipere, ex his esu absumenda promere,
seruāda cōdere, partiri, & prouidere, neque quæ
annū durare debent, vno mense absumere, &c.
Eadem penē per eadem differit vbi suprā Ari-
stoteles, & li. i. cap. 3. & quidem quod in Ethni-
co mireris, sic (inquies) diuina prouidētia utrā-
que naturā ad mutuam societatem ordinante.
Adeò sanē fæminarū est domus cura, vt mari-
ti curis nimirū externis intēti, nō temerē in do-
mesticis autoritatē interponāt, nisi quid videāt
momēti maioris, quā vt dissimulēt, vt alioqui
vbique dñi, domi tamē eas pro modulo suo dñas

*Fæmina nō
viro pulchri-
or condita.*

Sabinarum
hænos Roma

Lacedæmo-
norum nu-
lites heræ
cyr dictæ.

habeant. Quam apud viros vxorum dignitatē ideo Romanos seruauisse autor est Plutarchus in Romulo. apud quem Sabinæ raptæ, parentibus & fratribus cōmonstrant Romæ sibi cōministrationem domi permissam, sc̃que viris obsequentibus vti, & ab eis omni tum amore ac beneuolentia, tum etiam honore coli & obseruari. Lacedæmones quoque ob frequentem militiam, omnem vxoribus domi potestatem relinquebant, quas & heras ideo vocabant, domesticis quippe negotiis prorsus dominantes, eodem Plutarcho in Lycurgo & Numa, & Apophthegmatis Laconicis autore. Redeamus ad Apostolum, apud quem postremò sequitur, *subditas viris sum*, sanè docēs vt se gerāt fœminæ erga alios sibi subiectos, cauit in curāda familia, ne sint, quod sæpe feruntur esse, impatientes, vindices, & feroculæ, sed bonæ, suauēs, benignæ: sic quia, quod ait apud Liuium Cato lib. 34. plerunque simul vt pares in regimine domus esse cœperint, superiores esse volunt, & si qua primatum habeat, viro præeat aut imperet, contraria est viro suo, Ecclī. 29.

Sapius & mulier quod coniux diligit, odit.

Vult maritis eas subesse, nō in viros dominari, aut imperiū vsurpare, neu vel nobilitate tumētes, vel diuitiis inflatæ imperare velint, obedire nolint. Iuxta quod Syrachī vbi paulò antè, alia litera habet, Iracunda, impudens, probrosa mulier, quæ virum suum alit, &

Intolerabilius nihil est quàm fœmina diues.

Neu non meminerint Dei sententiæ, per quam
 viris subiectæ sunt, in qua Scripturæ sanctæ cō-
 sideranda est prudētia, quia non sic viro loqua-
 tur Dominus, Dominaberis vxori tuæ, sed mu-
 lieri, Ad virum tuum conuersio tua, hic tui do-
 minabitur, Gene. 3. vt ei præmium relinqueret *Mulier viro*
 obsequelæ, dum in potestate eius est, si Dei ve- *seruiat.*
 lit obedire præcepto, seruire viro, ac subiecta ef-
 se, vt quodammodo sit libera seruitus & dile-
 ctione plena, fœminæ ideo marito seruiētis, dū
 eum metuit offendere. Iuxta quam Dei ab ini-
 tio legem, Paulus & hīc & vbique alibi iubet
 vxores maritis esse subditas, Sicut (inquit) &
 lex dicit, 1. Cor. 14. Si quid volunt discere, do-
 mi viros interrogent, discant autem cum omni
 subiectione, 1. Tim. 2. Nam & Adā primus for-
 matus est, dein Eva, Gene. 2. Et Adam seductus
 non est, mulier autem seducta transgressa est,
 Gene. 3. Et, Volo vos scire, quòd omnis viri ca-
 put Christus est, mulieris caput, vir, viri caput,
 Christus, Christi caput, Deus: Vir imago Dei
 & gloria, mulier viri gloria: nō enim vir ex mu-
 liere, sed mulier ex viro, non est creatus vir pro-
 pter mulierem, sed propter virum mulier. Nec
 tamen vir sine muliere, nec sine viro mulier in
 Domino, Nā sicut mulier de viro, ita & vir per
 mulierem: omnia ex Deo, 1. Cor. 11. Quoniam
 ergò vir est caput mulieris, sicut Christ⁹ Eccle-
 siæ: sicut Ecclesia Christo subiecta est, sic &
 mulieres viris suis subditæ sint in omnib⁹, sicut
 Domino, & vir quidem vxorem sicut seipsum,

imò vt Ecclesiam Christus dilexit, diligat: vxor autē virū reueratur ac timeat, Eph. 5. & Col. 3. Mulieres subditæ estote viris propriis, sicut oportet in domino. Petrus quoque cōiugij non imperit⁹, institutionē à muliere auspicatur, Si- militer, inquit, 1. cap. 3. & mulieres subditæ sint viris suis. Et paulò pòst proponit exemplū nobilissimæ fœminæ, Sic enim & sanctę mulieres sperantes in Deo, subiectæ viris propriis, sicut Sara obediebat Abrahæ, dominum eum suum vocans, Gene. 18. & talem indubiè habens, quæ appellabat, nō grauata eius per varias ac barbaras nationes esse comes, coniugē se dissimulare, sororem fateri, malens suam pudicitiam, quàm mariti vitam periclitari, obtēperauit, nō obmurmurauit, & Deo suorū actiones moderante, suū vtrique tutum, cui metuebant, & incolume remansit, Gene. 12. 20. Nec dubitādum est, quin & in reliquis ei omnibus obsecuta sit cū omni reuerentia: cuius (inquit Petrus) estis filia beneficiētes, omnium piarum matronarum matrem faciens Saram, sicut Paulus Abraham omnium virorū fidelium patrē, Rom. 4. In Paulinis autem primò notādum, quòd vxores maritis subesse vult & parēre, non simpliciter, sed sicut Domino, non sicut ancillā aut seruā hero, sic licet quidā (inter quos D. Hieron.) interpretētur, quod si sensisset Apostol⁹, dixisset, Subditæ sint viris, vt dominis, quāquā & ij quoque domini suo modo sunt, vt agnoscit Saræ exēplo D. Petrus, nō tamē illę his quasi ancillæ

*Sara obedie-
tia.*

*Sara, piarum
omnium ma-
tronaŕū pa-
rem.*

in seruitutē, aut possessorib⁹ pecudes, aut amatoribus cōcubinæ datę: Sua certē sit, prout atq; debet, & maneat semp̄r & ubiq; viris in vxores potestas & autoritas, sed quę sexū inferiore sic foueat & amplectatur, vt æqua sit vitæ societas, bonorū omniū cōmunio, nō etiā dominatus aut tyrānis: quod vel primæ mulieris indicauit creatio, quia enim viro nec domina parabatur, nec ancilla, sed socia, nec de viri capite, ne ad dominationē pręferēda videretur, nec de pedib⁹, ne ad seruitutē subiiciēda, sed de latere producta est, vt iuxta se ponendā cognosceret, quā de costa sua sūprā, & in cōsortiū dilectionis creatā didicisset, sed & propter ipsius cōiūctionis vim cōmēdādā, & hinc enim significatū est quā chara mariti & vxoris esse debeat cōiūctio, quod nō de aliena parte, sed de viro sumpta, nō tātū vt socia, sed & vt filia, in eū filię pietate sit, in hanc ille affectu paterno. Vt August. de Genesi, lib. 9. cap. 13. De Ciuit. 12. cap. 26. & ibidē Viues. Thomas part. 1. quęst. 92. artic. 3. Sētētiarii, li. 2. Dist. 18. Et ex eodē Gene. 2. loco Tertull. obseruat fēminā masculo in adiutoriū, nō in seruitiū datā. Et autoritas quidē in virū vxori nulla, vt pręscripsit Apostolus, mulieri dominari, hoc est, autoritatē sibi in virū vōdicare vel vsurpare poti⁹ nō permitto, 1. Tim. 2. vt ubiq; mulieri in virū tā dominiū seu potestatē negat, quā reuerētiā iubet. Neq; tamē nullā vxori vicissim reuerētiā debet vir, sed quēadmodū parētes & seniores, si volūt habere liberos &

*Eua vnde
formata.*

*Vxori, filia
pietas a viro
exhibenda.*

iuuenes reuerentes, debent ipsi primùm illos reuereri, neque quiduis apud eos vel dicere vel facere, vt ex Platone Plutarchus cōnubialium præceptorum vltimo, sic non minus vbi mariti quàm vbi senes, pudorem abiiciant, non maior in illos vxoribus, quàm in hos iunioribus verecūdia residet. Petrus ergò, quasi infirmiori (ait) vasculo muliebri honorem impertientes, tanquam etiam cohæredibus gratiæ vitæ, q.d. Non idcò despicias vxorem, quòd in iugo matrimonij personam gerat inferiorem, & corpore & animo imbecillior, imò tantò plus honoris ei deferatur, vt quod deest naturæ, penset mariti charitas. Nam & quæ infirmiora membra sunt, his abundantiorē copiosiorēque honorē circundamus, vt magis necessariis, honestiora autem paucioribus indigēt, 1. Cor. 12. Quòd si Deus tantum honoris habuit scēminis, vt in hæreditate cælesti credētibus oblata, eas viris æquet, non est masculus neque scēmina, omnes vos vnum estis in Christo, Gal. 3. quī conuenit vt ab homine marito fastidiātur? In re tanta cohæredem & cōsortem, quī negligere potes? Si Deus impertit eundem spiritum quem maritis, cur hi sic grauantur prouidere illarum necessitatibus, quasi cū spiritualiū sit, non tamen sit & corporalium facultatum communio? Aut verò mulier in adiutoriū viro data sit, Gene. 2. In his modo quæ spectant ad munia rei familiaris, non etiam ad ea quæ religionis sunt ac pietatis. Qui adheret mulieri, vnum

corpus efficitur, Et adhærebit (inquit) vxori, & erunt duo in carne vna, itaque iam non sunt duo, sed vna caro, Gene. 2. Matth. 19. Marc. 10. 1. Cor. 6. Sed & qui Deo adhæret, vnus spiritus est. Quidni ergò Christi fideles coniuges, vnus vt cum Deo, ita secum spiritus sint, sint itē duo in vna vt carne, ita & mente? Vnum ergò modis omnibus sint, & sicut scriptum est, miserebitur duobus vniciis, Tob. 8. etiamsi locum hūc non nescio aliter tum verti, tum exponi. Cum igitur idem corpus & idem pectus sint, vir & vxor, quicquid huic honoris ille impenderit, non compari tantum charissimæ, sed & sibi ipsi impendit, omnium scilicet quæ coniugis exigit vsus subministrationē, salutationis officia, aut ornatum, aut accubitus honorem, &c. Sed videndum ne hīc nimis vxorij simus, qualem refert Seneca, citante in Louinianū Hieronymo, quendam, vt ait, ornatum, vt opinor, stolidum hominem, qui exiturus in publicum, fascia vxoris pectus colligabat, & ne puncto quidem horæ præsentia eius carere poterat: portionē nullam nisi alterius tactā labris hauriebant, quod & amatorium esse sic ad Paridem Helene innuit,

*Vxorini quidam
maris nota sunt.*

Modò pocula proxima nobis

sumis, quaque bibi, tu quoque parte bibis. aliena deinceps non minus inepta facientes, in quæ improvida vis ardentis affectus erumpebat. Origo quidem amoris honesta, sed magnitudo deformis, nihil autem interest quàm ex ho-

Pericles à comici⁹ sanat⁹

Numa erga mulieres seu⁹ ritas.

Lacanarum insolentia.

nesta causa quis insaniat, Sic Pericles Aspasiā adeò deperiit, vt nunquam non eam antè dis-
suauitatus, domo egrederetur, ob id à Comicis Iuno & Deianira vocatus, Plutarcho teste. Qui meritò Numā laudat prae Lycurgo, quòd is nu-
ptarū quem apud viros à Romulo propter ru-
ptas honorem habuissēt, multo pudore addito
coërcuerit, curiositate remota, sobrietate perpe-
tuò iniuncta, & solitudine silētiōq; tāto, vt nec
de rebus necessariis absente viro quicquā loqui
cas assuefecerit. Per huius verò leges Lacanæ
fuisse ferūtur insolētiore, & nimis, vt ita dicā,
viriles, viris vtique eis plus quā par esset, obse-
quētibz, nec priuata tantū, sed & publica cum
eis cōsilia cōmunicātibus, vt idē in Agide Pla-
tarch⁹, & 1. Politicorū, cap. 7. Philosophus. Sine
igitur, vt ad Pauli praecepta redeā, vxores viris
subditæ, sicut Domino, cui autē Domino, si nō
vti seruæ & ancillæ hero aut tyranno, vt posses
fori pecudes? indubiè Christo. Sic enim praece-
sit, Subiecti inuicem in timore Christi: & ali-
quātò pōst vult seruos obedire dominis carna-
libz sicut Christo, vt Christi seruos, & seruien-
tes sicut Domino, & nō hominibus, Eph. 6. &
addit causam, quia quale caput Christus est, ta-
le pro modulo suo vir vxori, vt hæc illi obsecū-
dans, nō tā homini se submittat, quā Domino,
cuius vicē ille gerat, & cui eā subditam esse ve-
lit Dominus, & olim iā voluerit Deus, Sub vi-
ri, inquit, potestate eris, Gene. 3. quoniam ea
malè praeire viro cœperat, dux & illectrix ad

peccatum, & mortem peccati pœnam, iubetur ducem sequi ad vitę reparationē. Æquo animo ferenda lex, quam Dominus Deus, natura, scriptura præscribunt omnibus vxoribus. Fortasse marit' indignus est, cui se submittat vxor, at nō indignus Dominus, qui præcepit vt subdita sit marito, nō ob aliud nisi quia marit' est fortassis ingratus, at obsequij præmiū recipiet ab eo, cuius amore pariter ac timore paruit ingrato.

Secundum in his Pauli præceptionibus obseruandum, quòd iubet esse subdita *in omnibus*. Rursum hīc cogitabit aliquis, Si penes virū est omnis & in omnibus potestas, qui & ferocior est, & viribus superior, quid erit consequenter vxor, nisi ancilla in seruitutē data? Protinus igitur Apostolus adiunxit autoritati charitatis regulam, nec tyrannidi locum reliquit. Cū audis viri, autoritatis vocabulū audis, sed audiens *Diligite*, seruitutem exclusam intelligis. In hoc valet autoritas viri diligētis, vt ei prosit vberius quam habet in sua potestate, idque innuit capitis ratio, quod in edito corporis situm, seruans omnes sensus & animi vires, quem habet in membra principatum, hunc bono totius gerit corporis, non enim sibi tantū sentit, meminit, itelligit, sed vniuerso corpori, eoque additur de Christo in hac similitudine, Saluator corporis. Nō debet molest' esse p̄cipatus qui salutē cōfert, nec sibi displicere suo bono subiecta coniugi. Si ergò dixeris, Ecclesia meritò subiecta est Christo, at mariti mores ali-

Viri autori
tas,

*Mariti ni-
mum vxoris*

quando vix ancilla ferre possunt, habet quidē maritus exemplū, quo absolutius proponi non potuit, ne fortē putaret vulgare à se erga consortem amorem exigi. Quod exemplum? Non vt vel in fabulis, Idæ, Orphei, Cephali, vel in historiis, Darij, Periandri, Antimachi, Cyanippi, Æmilij, Gracchi, Lepidi, Plantij, Rubrij,

*Leprosa vxor
amantior
maritus.*

Antonij Pij, aut si qui viri alij vxoribus pramori aut conspeli, quā superesse maluerunt: non Dominici Catalusij Lesbi principis, qui vxorem vel leprosam mensa & lecto communi nunquam prohibuit, carnem suā, iuxta Pauli verbum, fœtidam licet & graueolentem, imò & contagiosam, non odio habens, sed tenens atque nutriens: Non agricolæ cuiusdam Lentiscolensis in Regno Neapolitano, qui cum cōiuge à Piratis Mauris capta seruire maluit, quā sine illa liber viuere, Quæ sunt apud Valerium

*Charitas erga vxorem
qualis esse
debeat.*

& Fulgosum de amore coniugali. Plutarch. de vitis, paralellis. cap. 42. 43. Laërt. Capitulinū. Denique non si qui alij vxores impotentius amauerunt, aut eis etiam seruierunt, aut etiam si quos eximia erga vxores charitas, aut diutina cum eis sine querela aut iurgio vita celebres fecit matitos, sed sicut *Christus*, (inquit) *dilexit Ecclesiam*, quo autem modo dilexit? *femetipsum tradidit pro illa*; Tradidit autem in huius naturæ calamitates, in probra, in flagella, in crucem denique. Habes amoris magnitudinem, eandem debes vxori tuæ charitatem, vt pro eius vita, fama, pudicitia corpus tuum exponas discrimini.

habet

habet inquam, vir propōitū in Chriſto archetypum; à quo tamen ſi degenerat, nō protinus perit autoritas, non confunditur ordo: Et maritis enim, vt quod & ait alter, 1. Petr. 2. dominis, non humanis tātū & commodis, ſed moroſis quoque ac difficilibus, Et nolite (inquit) amari ſiue amarulenti eſſe ad illas, ſed ſi tantū moleſtum eſt quod imperant, obtēperet vxor, Domini præceptum, non mariti meritum cogitans: Sin imperāt quod aduerſatur pietati ſeu bonis moribus, blādè recuſetur obſequium: & ſi vrgēt, ſcito magis Deo quā hominibus obediendum, Act. 4. 5. Etenim qui obſequitur impia iubenti, non obſequitur Deo in marito, ſed Satanæ in membro ipſius. Non enim ſerui tuti ſubiectus eſt frater aut ſoror in huiusmodi 1. Cor. 7. Sed pro quo alter ab altero diligēdus & ſequendus, præ eo eſt odio habēdus, & propter eiſdem regnum & Euangeliū relinquendus atque dimittendus, Matt. 19. Marc. 10. Luc. 14. 18. Sic Petrus fœminas allocutus, oratione ad viros cōuerſa, *Viri* (ait) *ſimiliter*, id eſt, cum ſimili quā vxoribus præſcripſerat, integritate, manſuetudine, modestia tranquilli ſpiritus, interioris hominis ornatu, voluptatum contemptu, charitate ac reuerentia *cohabitantes*, ſiue cohabitent, vnā cum vxoribus verſentur, eāſque gubernent, *ſecundum ſcientiam*, ſciēter, & vt ſciētes decet, nō ex imperio aut libidine, nihil præſcribentes niſi quod expedir, nihil indulgētes, quod perniciem aut corruptelam adferat bo-

*In omnibus,
quid sit.*

*Per omnia,
quid.*

nis moribus. Etenim penes quem est autoritas iubendi, penes eundem debet esse sciētia fugiēdorum & expetendorū. Tyrānus imperat quod libet, & ei commodum est, maritus consulit id quod optimū est etiam ei cui præscribit. Quod igitur dicit Paulus *in omnibus*, seipsc ibidē interpretatur, *sicut oportet* (inquiens) *in Domino*, Non ergò complectitur impia & contra Dominum iussū, sed per eādē hyperbolē, qua liberis præscribit eodē loco parētibus *per omnia* obediēdū, summā sic indicans obedientiam, quos tamen ab inuicē Christus propter nomē suū odio habēdos atque relinquēdos, traditūq; & alterum ab altero interfectū iri prædixit in superioribus Euāgeliorum locis, & adhuc Matt. 10. Marc. 13. Luc. 12. 21. Cuius & illud prognosticō est, de cō iugibus propter se ab inuicē separādis. In illa (inquit) nocte erūt duo in lecto (adeōq; in carne siue corpore) vno, vnus assumetur, vnus relinquetur, Matt. 24. Luc. 17. quod de coniugatorū ordine nō video quin æquē cōmodē accipi valeat, atque quod ibidē de molētib; in vna mola legitur, eodē sensu quo parentibus liberi *per omnia*, maritis vxores *in omnibus* obediāt (quod aiunt) vsque ad aras. Nec temerē tamen, nec in articulis, nisi catholicis atque clarissimis, vt si vnquā aliās, nūc certē, hoc est, in schismate tam diuturno, animoso, & contentioso optandū, vt quos Apostolus vxoribus vult in omnibus auctores esse, atq; etiam domi doctores, nepe maritos, eosdē habeāt cū in omnibus, tū vel in re-

ligione maximè doctiores, & locū habeat sanctissimū Plutarchi præceptū cōnubiale 19. Vxorē (ait) amicos proprios habere nō oportet, sed vti cōibus cū viro. Cū verò prim⁹ sit & maximus DEVS, quē vir cēset esse colēdū, solū cum cognoscere vxorē decet, curiosæq; religiones, & peregrinæ superstitiones à vestibulo domus arcēdæ sunt, nulli enim DEO sacra occulta & abscondita grata sunt, à muliere si fiant. hoc rectè intellecto dici à scriptore, nō dicā profano, sed quouis & quāuis sacro, sancti⁹ nihil potuit.

Tertium, quod nobis toties & tā prolixè digrediētibus hīc sit vltimum, Cū multa vxor viro, multa vir vxori debeat, tā multis ne dicam modis omnibus, hic superior sit, inferior illa: Vna modò re pares sunt, mutua debiti cōiugalī fide: *Vxori*, inquit noster, *vir debitū reddat, similiter autē vxor viro, mulier sui corporis potestatem nō habet, sed vir*, Tolerabilis est sermo, cū eidem Paulo dicatur vxoris caput vir, & hic etiam in illā apud nōnullas nationes habere soleat vitæ ius & necis, vt quod sequitur, *similiter & vir sui corporis potestatem non habet, sed mulier*, durè dictū videatur, mollius fiet, cōmodè acceptū, nō enim simpliciter potestas corporis virilis est penes vxorem, aut vxorij penes maritum, sed tantū quod attinet ad vsum coniugij: hoc enim loco corporis nomine, mēbra quibus discernitur sexus, peragiturque concubitus, appellari scribit cōtra Iulianum August. lib. 5. cap. 4. Quis enim dicat virum sui potestatem corporis non ha-

Potestas corporis mulieris penes virum qua intelligatur.

bere, si in his Apostoli verbis totum corpus intelligas, quod constat omnibus membris? In genitalibus ergo ius est mutuum alteri in alterum, quia nihilo magis vir gignere potest absq; vxore, quàm vxor absq; marito. Est, inquit in Oeconomicis lib. 1. cap. 3. Philosophus, impossibile fœminam sine mare, aut marem sine fœmina, quod desiderat natura, in multis talia efficere, hoc adimplere: quare maximè secundum naturam eorum est societas, & ex necessitate constituta. per hunc (ait) circuitum adimplet natura sempiternitatem, secundum speciem, ex quo secundum numerum non potest. In Mosis autem lege nō nihil videtur non idem fuisse vxori in virum, quod viro in vxorem ius, alioqui Lia non redemisset noctem mariti à sorore, pretio Mandragoræ, Gene. 30. si potuisset suo iure possidere. Sed præterquàm quod mysterium est, sanctis matronis polygamo viro alternis fruendum erat. Dilucidum autem est, quod Apostolus præscribit, & ratio naturalis Apostolicam legem confirmat. Aliter ergo maritus ius habet in corpus vxoris, aliter in ancillæ: ancillam potest extrudere, olim etiam vendere, vxorem non ite, quod ab hac suo iure exigit, ab illa non potest, corporis utique seu sexus obsequium, ad officium aut remedium, nec vxor à seruo, Neuter indubiè quod in alterum ius habet, alij cedere potest, ne de mutuo quidem consensu, sub lege præsertim Evangelica, in qua matrimonium ad statum suum primæum reductum est, sic ut quod ab

*Lia noctem
mariti redemit.*

initio fuit, duo sint, nec plures, in carne vna, locis paulò antè allegatis, & sint alter alteri vnicū adiutorium, non adiutoria plura, acutè nanque Tertullianus de Monogamia, Adiutores (ait) dixisset, si pluribus eum destinasset. De patrū autem tunc polygamia, non autem concubinato, semper indubiè illicito, & eorū qui illos in cōmunicandis cōiugibus perperam imitari sunt, cacozelia, nos in opere de Continentia, lib. 2. cap. 9. lib. 4. cap. 15. Vt ad rem redeam, Quoniā non minus periclitatur imbecillis sexus fœminæ quàm viri, non minus præsto esse debet obsequium viri quàm fœminæ. Sed hīc existūt variae quæstiones de modo, tempore, reliquisque circumstantiis. In quibus emergunt casus quidā vix sermone verecundo tractabiles: Sed vrgentib⁹, vt olim hæreticis, sic hodie curiosis, Theologos coëgit, quod eleganter vbi suprā Augustinus, diutius de rebus pudendis loqui necessitas, & circumloqui honestas, quam in quibusdā Ecclesiæ non tantū scriptoribus, sed etiā principibus, aures castæ non immeritò desiderent: Si modò meritò malè Cynici vel apud Gētiles semper audierūt, qui quod facere turpe nō est, id dicere obscœnum negabant, corporis humani partes, quas occultauit natura, eatūq; necessarios vsus suis nōminibus appellātes. Liberis, inquit Offic. 1. Tullius, operā dare, re honestū, nomine obscœnum. Nos autē sequamur naturam, & ab omni quod abhorret, ab oculorum auriūque comprobatione fugiamus. Quem

*Cynicorum
impudentia.*

imitatus noster Ambrosius, eodem & titulo & lib. cap. 18. vt non solùm (ait) abscondamus ab oculis, quæ infirmiora, ignobiliora, & min⁹ honesta, sed necessaria corporis membra Paulo vocantur, 1. Cor. 12. sed & quæ abscondenda accepimus, eorū indicia vsusq; mēbrorum suis appellationibus nūcupare indecorum putemus. Puderet ergò cælibes, quasi (si Deo, si Festo, si Gabino placet) cælites, eadem de causa Græcis dictos Fabio, lib. 1. cap. 10. puderet hos inquam, minus interim verecūdē hac de re loqui, quā mariti vlli, qui, quod ait vbi paulò antè, Cicero, sana modò mente sunt, Mētor, nisi vel in vno titulo de frigidis & maleficiatis, adeoque in vna eius tituli Innocentiana, Fraternitatis, non plus sit obscœnitatis, quàm in omnibus omnium Impp. paganorum aut Christianorum legibus per omnes pandectas, De nuptiis, aut vniuersum codicem, De ritu nuptiarū, & id genus titulis dispersis. Proinde vt simul pudori & breuitati studeam, cum primis oportet Christianos meminisse dicti Apostolici, Sit honorabile connubium in omnibus, & thorus immaculatus, Heb. 13. Quicquid igitur pertinet ad abominandas libidinum species, nec vir habet ius ab vxore petendi, nec vxor tenetur lege reddendi. Adferant magis à parentum ædibus corpora casta & illibata, animos pudicos & verecundos, Deum deique filium Christum cōiugij sui testem & auspiciem faciāt, & priusquam se cōtingant, cōprecentur, vt ex eius præceptis

*Obscœnitas
in iure cano
nico.*

& legibus omnia, nihil impurè vnà gerant, vt qui primus iūxit vxorē viro, & in Paradiso coniugij fœdus inter generis nostri principes dedicauit, cuius vnigenit⁹ filius nobis hoc sacramētū tot modis cōmēdauit, natura primū nostra sibi velut in matrimoniū ineffabili adiūcta, & in sponsam adoptata sancta Ecclesia, in coniugio, licet non è coniugio nascēs, miraculorum suorū primitias in nuptiali epulo auspicās, & sacrosanctum fœdus hoc indissolubili vinculo ligans, fauore suo nuptias prosequatur, coniugiū velit esse firmum, castum, fœlix, vt volentes ac lubentes faciant, quod didicerūt, Domino placere, vt bene fortunet quod amāter inter se gesserint. Succedat cōgressus pudicus, reuerēs, nihilque cum stupro, raptu, concubinarum cōiūctū, nihil cum bruto furōre, cū equina libidine vel simile habens, vel cōmune. A talibus initijs colloquijs, & preculis auspicari deberet matrimoniū Christianū, nec nos sub Christo facere puderet, quod sub Mose factitatum ex historia Tobie colligim⁹, ex qua quę in pręsentē rē sint & literā, pluscula colligere nō grauabimur, pręsertim quod in ea sancti parētes Raguel & Anna filiā Sarā, vel poti⁹ scriptura in ea vna omnes matresfamil. esse iubet, qualē hīc describit. adolescentulā. Sic ergō legim⁹ Tob. 3. Cū viros septē, quib⁹ ea tradita fuerat, Cacadæmō Asmodeus priusquā ad eā ingressi rem habuissēt, suffocasset, ex hoc nomine quasi malefica & viricida audiret, tridvano macerata ieiunio, sicorauit in

*Cōiugiorum
auspicia quę
debeant esse.*

superiore domus cubiculo. Scis Domine, quia virum nūquam concupiui, & mundam seruavi animam meā ab omni concupiscentia (aut flagitio virili) nunquam me cum ludentibus & leuitati deditis miscui, neque sociā adiunxi, Virū autem cū timore tui, nō libidine ducta capere cōsensi, & aut ego indigna, illis fui, aut illi me, quod me alij fortasse viro reserues, Non enim est in hominis potestate cōsiliū tuū. Sit nomē Domini benedictū, &c. 6. Cū hæc cognationis iure Tobie iuniori deberetur, hunc tā tristi rotasponsorum euentu, quominus eam duceret, de territum, Raphaël angelus futuri inter eos matrimonij pronubus idem & auspex sic alloquitur, Ostendam tibi quibus dæmoniū præualeat, his nimirum qui coniugiū ita incunt, vt Deū à se & corde suo excludant, & libidini sic vacent vt equus & mulus, quibus non est intellectus, ex Psal. 31. Tu autem cū eam duxeris, cubiculum ingressus, triduò continebis, & nihil aliud quā vna precabimini. Prima nocte dæmon fugabitur, secunda in sanctorū patriarcharū consortiū admittēris. Tertia scēlicitatē & benedictionē cōsequēris, vt liberi ex vobis procreentur incolumes. Tum demū rem habituri, surgētes Dominū inuocare, eius timore, & filiorū magis de siderio, quā libidine cōuēturi, vt in semine Abrahæ, benedictionē in liberis cōsequamini, cap. 7. parētes filiā hospiti collocant, præeunte ita patre, Deus patrum vobiscū sit, vos cōiūgat, & suā in vobis benedictionē impleat.

Coniugij charta conscribitur, epulantur benedicentes Deum: inducitur in cubiculum sponsa, lacrymat, precatur. Cap. 8. Post cœnam introducitur ad eam sponsus, angelus bonus malum apprehendit, religat, & in Ægypti desertū relegat. Iuuenis virginem hortatur surgere, & Deum (inquit) hodiè, cras, & perendiè precabimur, quia hoc trinoctio, Deo iungimur, sic de mum nostro fruituri coniugio. Filij quippè sanctorum sumus, nec possumus sic coniungi, vti gentes Deū ignorantes. Consurgentes vnà obnixè orant: sic quidē Tobias, Domine Deus patrum nostrorum, benedicāt te omnes creaturæ, Tu fecisti Adam de limo terræ, eique dedisti adiutorium Euam. Et nunc scis quòd non luxuriæ causa, sed sola posteritatis, in qua benedicatur in æternum nomen tuum, dilectione hanc accipio coniugem. Sara autem sic, Miserere nostri, Domine, & fac vt ambo pariter sani consenescamus. Quam clausulam & alij interpretes viro ascribunt: sponsam tantum subiēcisse, Amen. Cùm ea nocte congressi essent iuuenes, parentes sponsæ rescito de bona eorū valetudine, præter spem, nūtio, quòd eos Deus esset commiseratus, excluso inimico & persecutore, qui sponso priores alium post alium occiderat, Deum benedicunt, laudant, & idem, vt à filiis plenius fiat, precantur, pro sepulcro epulum instruunt: cum omnibus amicis & vicinis epulati, & duas hebdomadas vnà morati, viaticum abituris necessarium præparant, pa-

Tobia inuitatio sponsi oratio.

Sara sponsa oratio.

Nuptiale epulum.

trimonium genero diuidunt. Cap. 9. Gabelus
 ad nuptias inuitatus, discumbit, & exiliens cū
 osculo ac fletu, ita benedicit, Benedicat te Deus
 Israël, quia filius es optimi viri, iusti, Deum ti-
 mētis, eleemosynarij, & dicatur, benedictio su-
 per vxorem tuam, & parentes vestros, sic vti fi-
 lios vestros, & filiorum filios videatis, & sit se-
 men vestrum benedictum à Deo Israël in secu-
 la, Omnibus Amen respondentibus, cū Domi-
 ni timore nuptiale conuiuium concelebrant.
 Cap. 10. Parentes valedicturi, deosculatā prius
 filiam cōmonent, soceros honorare, qui nunc
 (aiunt) parentes tui sunt, diligere maritum, re-
 gere familiam, gubernare domum (agnoscis
 vxoria per Apostolum institutionis verba) &
 seipsam irreprehensibilem exhibere. Sic editio
 vulgata. Moderni addunt, Annam generum, ne
 filiam, quam ei quoddam quasi depositum cō-
 mittebāt, vlla vnquam molestia afficeret, aut
 malè tractaret, vtrosque optasse, vt ex eis libe-
 ros Deo probatos, priusquam morerentur, vi-
 dere liceret. Quàm multis precibus initum est,
 profecit, ac perfectum est vnum hoc matrimo-
 nium! quod tantò plus christianos imitari con-
 ueniret, quò plura videmus inter Christianos
 coniugia minus Christiana, hoc est, plus satis
 obscenitatis, & minus quàm par est, honesta-
 tis habentia: quorum vt irreligiosi plerunque
 ingressus, ita progressus irrequieti, & infelices
 exitus, presertim cum vulg⁹ Christianū prope-
 modū hīc grauius peccet quàm ethnici quidā:
 vti.

*Nota nuptia
 institutio.*

*Vulgi chri-
 stiani immo-
 destia in nu-
 ptia.*

Quotus enim quisque Christianus vel sentit, vel sibi proponit, quod in Oeconomicis ille profanus? Cum liberorū (ait) procreatione nec maius nec sanctius quicquam esse possit, nihil item magis vxori suum sit, aut ei à viro præstandum, quàm sancta & intemerata societas, non tantum non decet hominem, sanæ modò mentis, vbicunque contigerit, semen expone-re, ex quo vxor honore suo priuetur, & legitimis liberis fiat iniuria, sed & vxori appropinquandum cum magna verecundia & modestia, vt sit & in verbis pudor, & in operibus fas & honestas, & in conuersatione fides & moderatio, lib. 2. cap. 1. 2. Vt ergo redeam ad ius beneuolentię coniugalis, quando semel cœpi cœlebs rem vxoriam tractare, pergam alienis, vt ferò superiora, verbis. Hac igitur in re monēdæ virgines, vt neque ad eam vltro sponsoz prouocent. hoc enim nescio quo pacto viliores, minúsque charas redderet, neque petentibus nimum tetricas ac præfractas se præbeāt, & hoc enim rursus amorē verteret in odiū, Nō exigere, matronę est: comiter negare, pudoris: obstinate recusare, perfidię. Spōsi vero quem iniuri sunt, cōgressum, sacrū, imò & sacramentalē, & rei omniū sacerrimæ sanctissimæque mysteriū, quod in tēplo, Dei domo, à Dei sacerdote quodā quasi paranymphe, imò & angelo audierūt, esse recordentur, sicut & de Tobia legimus, Recordatus (inquit) sermonū angeli, exhortatus est virginē, &c. Tob. 8. ita indubiè rem ve-

*Debitū con-
iugale vt pe-
tendū & præ-
standum.*

Coitus, minor epilepsia

recundius adorsuri, Quosdam enim cōtrā, parum utique quid sit matrimonium Christianū, vel edoctos, vel memores, quasi vi raptā ineāt, & profedam, quando sic auspicantur primos congressus, non vxorem, furere dicas potius quā amare. Et verò coitus quidam furor est, & minor, iuxta Hippocratem, epilepsia, morbi que teterrimi, quem nostri comitiales dixerunt, pars quædam, Gellius lib. 19. cap. 2. Macrobi. Saturnal. lib. 2. cap. ult. nisi triplici nuptiarum bono & honestate exceptus, Fide, prole, sacramento. Meminerint ergo tum coniuges vel in geniali lectulo homines esse se, nō pecudes, & sanctos homines, non profanos. Filij (ait Tobias) sanctorum sumus, non gentiles Deum nescientes, non, quod Paulus ait, sine Christo, sine Deo in hoc mundo, Eph. 2. De quibus & apud prophetā queritur Dominus, Equi amatores in fœminas, & emissarij facti sunt, unusquisque ad vxorem proximi sui (aut etiam ad suam) hinniebat, Hier. 5. & Ezech. 23. quasi asinorum carnes, eorum carnes: quod & alibi scriptū, assimilati iumentis insipientibus, Psal. 48. 31. Facti sicut equus & mulus, quibus nihil intellectus. Pulchrè in Xysti Pythagorici sententiolis dicitur, Adulter est vxoris propriæ amator ardentior, citat in Ezechielem lib. 6. Commentariorum, & ad finem 1. aduersus Iouinianum Hieronymus, In aliena quippè vxore omnis amor turpis est, in sua nimius: Vir sapiens, iudicio debet amare coniugem, non affectu,

Vxori propria nimius amor, velut adulterium.

reget impetus voluptatis, nec præceptum feretur in venerem. Nihil foedius, quam vxorem amare, quasi meretricem. Certè qui se dicunt Reipublicæ & generis humani causa vxoribus iungi, & liberos tollere, imitentur saltem pecudes, ne postquam vxorum venter intumuerit, perdant filios, nec amatores se vxoribus exhibeant, sed maritos. In eadem sententia fuisse antè diximus Augustinum & Gregorium, maritis à cōceptu abstinendum ab vxoribus, quòd mulieres aliquoties, si tum rem habeant, abortiunt. Addam quod & attingimus, eodem in Quæstionibus super Leuiticum lib. 3. cap. 64. accessum ad menstruatam non semel in Lege prohibitum, Leuit. 12. 15. 18. 20. ne figuratè accipiendū putaretur, sed inter talia prohibita positū, quæ etiam tempore noui testamenti, remota vmbra-
 rum veterum obseruatione, sine dubio custodienda sunt. Quod etiam videtur per Ezechielem significasse, qui cap. 18. inter peccata quæ non figurata, sed manifestæ iniquitatis sunt, etiam hoc commemorat loco 6. ad talem si quis accedat: & inter iustitiæ merita, si non accedat, qua in re non natura damnatur, sed accipiendæ prolis noxium prohibetur: Per singulos enim menses graua & torpentia mulierum corpora, immundi sanguinis effusione releuantur, quo tempore si vir cum muliere coierit, dicuntur concepti fœtus vitium seminis trahere, ita vt leprosi & Elephantiaci ex hac conceptione nascantur, & fœda in vtroque sexu

Mariti à
 grauidis vxoribus absti-
 neant.

Menstruata
 consuetudo
 prohibita.

*Concubitus
sua esse tem-
pora.*

*Vas suum in
honore possi-
dere, quid.*

corpora, paruitate vel enormitate membrorū
sanies corrupta degeneret. Viris ergò præcipi-
tur, vt non solùm in alienis mulieribus, sed in
suis quoque, quibus videntur lege coniungi,
scriptura dicente, Crescite, multiplicamini, re-
plete terram, certa concubitus norint tempo-
ra, quando coëundum, quādo ab vxoribus ab-
stinendum sit. Quod quidem & Apostolus, 1.
Cor. 7. & Eccl. 3. sonant, Tempus amplexandi,
tempus longè fieri ab amplexibus. Caueat er-
go & vxor, ne fortè victa desiderio coëundi, vi-
rum illiciat, & vir ne vim faciat vxori, putans
omni tempore subiectam sibi esse debere con-
iugij voluptatem: vt nouerit (ait Paulus) vnus-
quisque vas suum possidere in sanctitate & pu-
dicitia, primæ Thessalonicensiu. 4. & muliebri
vasculo honorem tribuat, 1. Petr. 3. quem Hie-
roaymus, 1. in Iouinianum, abstinentiam à cō-
cubitu exponit. Sic enim colligit, Si nos absti-
nemus, honorem vxori tribuimus: si non absti-
nemus, perspicuum est honori contrariam esse
contumeliam. Quæ expositio nō nihil violenta
est. Cohabitent ergò iuxta scientiam, vt noue-
rint quid velit, quid desideret Dominus. Idē cer-
tè, quod 1. cap. 1. in genere dixerat castificandas
animas in obedientia charitatis, velut explicās,
si Clementi credimus eius auditori atque suc-
cessori, lib. 6. recognitionum. Est (aiebat) pro-
pria quēdā religionis nostrę obseruātia, quę nō
tam imponitur ab hominibus, quā propriē ab
vnoquoq; Deū colēte puritatis causa experitur,

Castimonix dico causa, cuius species multæ sunt, sed prima, vt obseruet vnusquisque ne mēstruatæ mulieri misceatur, hoc enim execrabile ducit Dei lex, quæ licet de his non admonuisset, nos vt Cantari (vel fortè Canterij) libenter volueremur in stercore. Debemus amplius aliquid animalibus habere reliquis, vt potè rationabiles, & cælestium sensuum capaces, quibus summi studij esse debet ab omni cordis inquinamento conscientiam custodire, Sed & ea castimonix species obseruanda, vt ne passim & libidinis causa, fœminis coëatur, sed posteritatis reparandæ gratia. Quæ obseruantia cùm in nonnullis etiam pecudibus inueniatur, pudoris est, si non ab hominibus & rationabilib⁹, & Deum verè colentibus obseruetur, cum etiā & apud eos qui à diabolo adhuc in erroribus detinentur, attentius obseruetur, est enim & apud eos nonnulla castimonix obseruantia. Et eodē collectore in constitutionibus Apostolicis, lib. sexti capite vigesimo octauo, Naturalis quidē purgatio odiosa Deo non est, vt quam mulieribus menstruam instituerit, valetudinis firmitatisque causa, cùm otiosæ sint, quia magna ex parte domi sedent, nam & sanguinifluam, cùm sanitatis gratia simbriam attigisset, non molestè tulit Dominus, nec accusauit, imò potius curauit, Matth. 9. Marc. 5. Lucæ octauo. Menstruis autem apparentibus viri ne coëant, vt filij sine morbo nascantur.

*Menstruata
commixtio,
execrabilis.*

*Menstruosa
cur sint mu-
lieres.*

*Prænantium
consuetudo
non habenda.*

Nec magis cum prænantibus consuetudinem habeant, non enim suscipiendorum filiorum, sed voluptatis causa, hoc faciunt. Oportet autem Dei amicum voluptatem non appetere. Ut igitur è tam longinqua digressionem, quadam quasi peregrinatione, vel tandem redeam, & connectam superiora sequentibus, subiiciam quod sequenti capite, Mulieres (inquiunt Apostoli) subiectæ estote viris vestris, eosque in honore habete, ac timore & charitate illis inservite, ut S. Sara Abraham honorabat, quem nec nomine audebat appellare, Dominum vocans. Itē, Viri, diligite vxores vestras, ut propria membra, & corpora vestra, ut vitæ socias, ut confortes, & in filiis generandis adiutrices. Collatēmini, ait Prou. 5. Iuxta aliam literam, ut gratiarum pullus, & amicitie cerua, propria verò præeat, & adsit tibi omni tempore, in huius enim amicitia implicatus, multiplicabilis eris. Et Mal. 2. Dominus testificatus est inter te & mulierem adolescentiæ tuæ, & hæc consors & particeps & socia tua, & vxor fœderis tui. Nōnē vnus, nec alius fecit? (masculum enim & fœminam fecit eos, Gen. 2.) & residuum seu reliquias spiritus tui: custodi, & ne deseras. Hæc autem omnia de re vxoria, & præsertim erga viros obedientia, ut non blasphemetur verbum Dei, ne diuina doctrina malè audiat, hoc est, ne vel ipsæ mulieres, siquidem gentiles Euangelium blasphemant, vel si fideles nomine tenus fuerint, eius prædicationis blasphemandæ occasionem

sionem tribuant gentilibus & infidelibus, videtur eas peiores effectas, quàm ante fidem fuerant. Hoc enim adiectum putant propter eas, quæ maritum haberent vel ethnicum, vel Iudæum, quorum si vxores minus fuissent viro- rum & liberorum amantes, minus prudentes, &c. opinarentur hi insipientes sic haberi in doctrina Christiana, quam ideo blasphemarent. Vnde superiorem de aniculis & iuueniculis periodon sic breuiter enatrat Ambrosius, Tales præcipit seniores, vt exemplo sint bonæ conuersationis iunioribus, vt si infideles viros habeant, congaudeant eis magis quàm blasphement Dei nomen, dum videt quia propter Dei timorem propensius obsequuntur viris suis. Sic alibi sanctificatur vir infidelis per mulierem fidelem, 1. Cor. 7. & 1. Petr. 3. vt si qui non credunt verbo (prædicationi) per mulierum conuersationem sine verbo lucrifiant, considerantes in timore, seu erga viros reuerentia castam vxorum suarum conuersationem. Græci more suo multa hîc peracutè & diligenter obseruât, 1. Paulû in vxoriis dotibus, rectè à virorû amore, *Vxor viri amans, quæ fugi.* ceu omnium longè præcipua cœpisse: quæ enim virum amat, prudens erit, casta, sobria, corpore ac mente pura, liberos amabit, domû curabit, remque ita dispensabit, vt vir abundet, non ornatu superfluo (cui enim alteri placere studeat aut morè gerere, quàm ei quem plurimum amet, vt placeat & obsequatur prorsus intenta est?) non sumptibus superuacaneis, non

in victu aut vestitu deliciis, non intempestiuis nec necessariis domo egressibus, aut cursitationibus se occupabit. 11. Paulum alioqui omnium facientem, tum dicentem, ut nos à rebus huius seculi, earumque cura sursum penitus abducatur, tantam nunc rei domesticę curam & habere & iniungere, nimirum his bene habentibus, spiritualia plerunque bene habent, & quę domi probè se gesserit eā in spiritualibus profecturam, & in domo rectè disposita spiritus gratiā locum habituram. 11. 1. Paulum non tamen rerum præsentium hęc rationem habere, quàm prædicationis, ut quietā (ait alibi) & tranquillam vitam agamus, 1. Tim. 2. hęc autem ne Dei sermo non bene audiat, præcipuam verbi, non familię curam habens, & scopum, & alibi quidem viri lucrum & profectum, q. d. Siquidē vir gentilis fuerit, ita facilis & ad redamandum pronus sit: sin Christianus, citò ad meliorem frugem euadet, hic, ut Euangelium non maledicatur. Cum enim contingit ut maritum infidelem fidelis vxor non redamet, non audiat, impudica sit, ebriosa, morosa, liberos reliquanteque familiam negligat, omnis hęc vxorum prauitas & rebellio in Christianam religionē recidet, calumniantibus eam viris, quę huiusmodi mulieres habeat. Sin superioribus virtutibus fuerint ornata, ex earum bonis meritis prædicatio glorię incrementum acquireret. Audiant quę malis coniunctę sunt aut impiis, & discant probis moribus ad Dei eos

cultum ac religionem adducere, quæ si nihil aliud fuerint lucrata, neque eos ad fidei consortium attraxerint, eorum tamen ora saltem obstruxerint, ut ij religionis honorem blasphemare ut maximè velint, minimè valeant. Et verò non minimum, sed maximum & omnino mirabile, si conuersationis mulieris ergò, religio quoque admirationi sit infidelibus. Tantùm Græci. Cum ergò ex supradictis, caput mulieris vir sit: viri, Christus, rectè infert Hieronymus, Quæcunque vxor non subiicitur viro suo, eiusdem criminis ream esse, cuius & virum Christo non subiectum: verbum autem Domini blasphemari, vel dum contemnitur, & pro nihilo ducitur prima Dei sententia de viro ad mulierem, Geneseos tertio, Dominabitur tui. quæ ut propriè possit accipi, antè omissum breuiter hic videndum est, nec enim & ante peccatum aliter factam fuisse decet credere mulierem, nisi ut vir ei dominaretur, & ad eum ipsa seruiendo verteretur. Ad virum (ait) tuum conuersio tua. Sed rectè seruitus significata est conditionis potius quàm dilectionis, & talis enim qua in dies hominibus postea serui esse cœperunt, de pœna peccati exorta reperitur, Geneseos nono, de qua pòst in seruis hoc capite. Dixit quidem Apostolus, Per charitatem seruite inuicè, Gal. quinto. nequaquàm diceret, inuicem dominamini. Possunt itaque coniuges per charitatē

*Dominatio
viri in vxore.*

Seruitus mulieris viro.

*Servitium in
matrimonio.*

seruire inuicem. Sed mulierem non permittit
idem dominari in virum, 1. Tim. 2. hoc enim
viro potius Dei sententia detulit, & maritum
habere Dominum, mulieris meruit nō natura,
sed culpa. Quod tamen nisi seruetur, depraua-
bitur amplius natura, augebitur culpa. Sic Au-
gustinus de Genesi ad literam, lib. 11. cap. 37.
Sed & Christi infamatur Euangeliū, dum con-
tra legem fidemque naturæ, Christiana vxor
ex Dei lege subiecta, viro imperare desiderat,
cū etiam gentiles fœminæ viris suis seruiant
communi lege naturæ. Et hanc enim ducē se-
cuti veteres philosophi, qui Christum alioqui
promissum non agnouerant, de nulla re sancti⁹
scripserunt aut religiosius, quā de coniugio.
Quos inter Peripateticus inter leges probę mu-
lieris, Existimare (inquit) debet mulier verē cō-
posita, mores viri esse legem suæ vitæ, impositā
sibi à Deo per cōiunctionem matrimonij atq;
confortij, lib. 2. Oeconomicorum, cap. 1. Quis
docuit hunc alioqui parum numinis & rarō
memorem, autore Deo matrimonia coire? Et
cap. 2. Qui hęc negligit, Deos ipsos videtur ne-
gligere, quibus præsentibus sacra fecit, & vxor-
em duxit. Qui negat mundum à Deo conditū,
cœptumvè, fatetur matrimonium absque Deo
non coniungi: ingenuæ mulieris esse virum di-
ligere ac vereri, sed qua reuerentia parētes mo-
desti filij, ciues bene morati beneuolos magi-
stratus, non quo metu vel odio serui dominos:
ciues, tyrannos: zelotypos aut etiā mœchos re-

*Mores viri,
lex vitæ suæ
coniugij.*

*Matrimonij
reuerentia
apud ethni-
cos.*

formidant adulteræ. Et cap. 3. Hūc neque amorem, nec timorē absque pudore ac verecundia Homero laudatum, vt & ab eodem mutuam viri & vxoris vnanimitatem, & in regenda cōmuni domo concordiam, sic in Vlyxe & Nauticaa commendatam, vt nihil melius possit hominibus obtingere: non quanlibet, sed honestam modò, nec in iis quę improba sunt & impudica, inuicem consensionem. Sic & apud Xenophontem Ischomachus interroganti Socrati, num sponsam docuisset ea quę spectant ad bene gubernandam familiā, respondet, Minimè, sed rem diuinam feci, vt mihi quę forēt optima, docere contingeret, illi perdiscere: & colligit similia fuisse sponsæ vota, vel hoc argumento, quòd se mariti monitis docilem ac morigeram præbuisset. Sic senex ethnicus in comēdia loquitur filio, Abi domum, ac Deos comprecare, vt vxorem accersas. Hic profanus nō putat satis auspicatas fore nuptias, nisi spōsus Deum apprecetur. Meminit & Plutarchus sacrificij quod ex more fiebat Iunoni nuptiali, præcepto connubiali 28. In hoc cum victima fel exemptum abiiciebatur, non consecratur, innuens bilem iramvè nunquam in connubio esse oportere. Præfatur idem veteres Mercurium iuxta venerem locasse, quòd coniugum beneuolentia non tam voluptate corporali, quā animorum coniunctione coëat & sermone comi, & amico velut glutino egeat. Et 14. Oporteret, vt Geometræ dicunt, lineas &

Vlyxes Nauticaa.

Vxor à Deo petenda.

*Bilis & vix a
à connubio
exulet.*

*Mulierum
subiectio quā
illius deceat.*

superficies non per se, sed vnā cum corpore moueri, sic vxorem nullum proprium affectum habere, sed studia, curas, risum, omnia denique cum viro communia. 34. Mulieres cū viris subsunt & obtemperant, laudem consequi, cū præesse volunt, magis eas dedecere, quā eos qui subiguntur: prætare autem maritum vxori par est, non vt dominum pecoribus, sed vt animam corpori, cōspiratione quadam naturali per beneuolentiā cum eo coniunctam, & procurare corpus conuenit, non ipsius seruiendo cupiditatibus & voluptatibus: ita vxori præesse, sic vt prosis, neque nimis demulcendo gratificandōque oportet. Citatur ab eodem in Bruto à Barbaro lib. 1. cap. 8. lib. 2. cap. 1. 7. ab Erasmo, & aliis apud Homerū Andromache, quantum suo afficeretur Hectori, in quo omnes omnium charitates sibi constituerat, sic cum alloquens,

*Andromache
quā Hectoris
amans*

Tu mihi iam solus pater es, matérque verenda.

Tu dulcis frater, tu gratus ad omnia coniux.

Cuius etiam desiderio velut mentis impos, aliquādo per turbas discurrit, & mœnia collustrauit, quantōque eius tum amore, tum honore, teneretur, volupe est apud eundem legere, cū virum Troia egredientem cum filio comitatur, oculos in eo vno figit, & vel in subministrando equis ipsius pabulo, vt quibus mariti decus & vita crederetur, diligens & accurata est. Cuius exemplo, vt non quasuis operas

oportet ab vxoribus exigere, si sint famule, quæ idem præstare valeant, tamen si res ita poscat, vxor non grauabitur præstare, quod famula nõ dignaretur, vt nec à re quidem coquinaria abhorreat, si quem vir munificus hospitaliter habere domi cõstituerit, quod generosissimi fortissimique heroës à se non duxerunt alienum:

*Hospitalitas
qui vt exci-
piendi, exem-
plum.*

Achilles enim & Patroclus, cùm ad eos reconciliandi venissent Ajax & Vlyxes, ea magno studio reiecta Lyra tractant, quæ nisi hospitalitatis excusatione decora sint, vix mediocribus seruis digna videantur. Viro igitur vxor, si vxoris & officio & laudi respondere velit, nihil non debere fatebitur, ac præstabit. Quid autem & quantum amoris vir vxori vicissim debeat, in eodem exemplo videre est, Hectorem parētum, fratrū, patriæ quoque cineres forti animo laturū, Andromaches vxoris vtique bene merentis futuros casus cogitantem, ferre non posse. sic hac in re heros barbarus alioqui fortissimus, lenis, sic mollis est, vt prorsus alter à se fieret, Erectus rerum gestarū gloria, nihil de proprio, multa de cõiugis euentu anxius, gemens, suspiriosus queritur. Et naturali ergo, vt & diuina autoritate, tāta vult, & huius fœderis tam intima coniunctio, vt & in parentes alioqui maxima pietas istius splendore necessitudinis obscureretur, vt eis relictis, hi sibi inuicem adhæreant, Gene. 2. & sic præ charitate mutua oculos sibi præstringant, vt prætermisiss omnibus,

*Vir vxori
opes suas, &
mundum, &
thesaurum.*

vnos se colant, mirentur, diligant. Sic Plutarcho, Phocionem vxor opes suas, mundum suū & thesaurum vocat. Sic Xenophonti, Tigranis Armenia vxor, absentis mariti impatiens, & comes vbique indefessa, domum ex aula Cyri reuerfa, quid de huius pulchritudine sentiret, viro percontanti, abs te (inquit Deos obtestando) nusquam oculos deflexi. Itaque qualis Cyri forma sit, prorsus non noui. Tales Hieronis & Duellij vxores, graueolentiam viris ab inimicis exprobratam, domi expositulantibus quòd eius eos vitij nunquam admonuissent, responderunt se putasse viris omnibus ad eundē modum animam olere, Plutarch. de vtilitate ab inimicis capienda, Erasmus in Apophthegmatibus. Si verè senserunt quod dixerunt, argumentum fuit insignis tum pudicitiae, tum etiā simplicitatis, nulli vnquā viro tam vicinas fuisse, vt oris halitū sentiscerent: Sin finxerūt, magna erga maritos fuit tum ciuilitas, tum etiam tolerantia, tandiu pertulisse hoc incommodū absque fastidio aut iurgio. Et talem esse voluit nō nuptā modò, sed & nupturā P. Meni^o, animaduerso grauitè in libertū sibi gratū, qui osculū nubili filiae, errore licet leuissimū, non libidine, dedisset, vt non solū virginitatē illibatā, sed & oscula puellae ad maritos syncera perferēt, Valerius de pudicitia. En quā parum, aut potius nihil, castae sibi mulieres, vt mulierib⁹ etiā leges sine viris permiserunt. Maiores, ait Cato Liuij lib. 34. nostri nullam ne priuatam quidem rem

*Oris graueo-
lentia in ma-
ritu, à coniu-
gibus diffinu-
lata.*

*Osculo etiā
delibatur
puella virgi-
nitatis.*

agere fœminas sine autore voluerunt, in manu esse virorum, &c. quod si, quod ibidem male metuebat, viris eæ exequari voluerint, poetâ audiant lib. 8. Epigrammate 12.

Inferior matrona suo sit, Prisce, marito,

Non aliter fiunt fœmina virque pares. Sin hoc non contenta, etiam superiores esse contendunt, non minus rectè monuit Mimographus, *Bona mulier parendo viro imperat.* Fœminæ pulcherrimum imperij genus obsequendo imperare. Apud Terentium in Ecyra Act. I. Scen. 2. in Philomeno vxorem ad viri offensas conuiuentem ita commendat Parmeno,

Hac ita uti liberali esse ingenio decet,

Prudens, modesta, incommoda atque iniurias

Viri omnes ferre, & tegere contumelias. quòd Pamphilus scilicet ab vxore abstinens, & multis eâ diebus attingere nolens, meretriculam insuper amaret Bacchidem. Liuia iam nobis allegata, interroganti cuidam, quam ratione Augustum ita in suam potestatem redegisset, respondit, Exquisita pudicitia, omnia eius mandata libenter exequendo, nullas eius res scrutando, lusus eius venereos neque persequendo, & dissimulando, Dion. lib. 58. At Christi fideles ut ea in re nolim conuiuere, sed mutuû monere, ita mox tamen non discedere, aut diuortiû mittere: quòd si discesserint, præ nulla vel pauca emendandi alterutrius spe, eadem (quando nemo sapit vel desipit omnibus horis) refulgente reconciliari (quoad eius fieri poterit) cum

*Imperij genus
in muliere
viro obsequi.*

*Livia Augusti
coniugis
prudemia.*

Paulo consulam, quando diuertentes alioqui remanere innuptos oportet, 1. Cor. 7. Et hæc nus de vxoria obediētia, subiectione, ac etiam patiētia. Neq; verò nō viris opus ad muliebrē imbecillitatē mutua quadam *συγκαταβάσις*, hoc est, cōdescēlione. Non possunt omnes esse Socrates, qui Xanthippas morosas & iurgiosas, irisque ac molestiis muliebribus diu noctūque scatentes, domi patiantur, vt insuescant & exerceantur cæterorum quoque foris petulantiam & iniuriam ferre facilius: multò minus Iobi esse, aut Tobix, quibus vxores non in malis solatrices, sed ad peius tētatrices relictas esse scriptura prodit: & prior quidem comparis, quæ simplicitatem illi suam exprobraret, stultitiam patientissimus alioqui minimè pertulit, minus verò ad irrogandā Deo blasphemiam vel connixit, vel consensit, Iob. 2. Posterior autem, nō dubito, quin, vt parentes & cognatos spem illius irridentes, sic vxorem suas ei eleemosynas & sepulturas exprobrātem increparit, Tob. 2. Ferenda ergò vxorū leuiora quidem vitia, non fruenda, iuxta quam sententiā lepidè Varro in Satyra Menippea, quam de officio mariti scripsit, Vitium, inquit, vxoris aut tollendum, aut ferendum est: Qui tollit, commodiorem præstat, qui fert, se se meliorem facit. Vbi Gellio, lib. 1. cap. 17. tollere dictum apparet, pro corrigere, at non corrigitur, nisi auferatur. Id etiā si corrigi nequit, ferēdū, quod scilicet à viro ferri honestè possit. Vxor ergò vt dum corrigibilis

*Iobi & Tobix
patientia
in morosis
vxoribus.*

*Tollere,
quid sit.*

est, ferenda, sic incorrigibilis, iuxta Mimum, *ut Amici vitia si feras, facies tua*, Non sic quidem ea in te transferendo, *ut iis ea vacua sit*, sed noua contrahendo, quòd vel peccantem non corripas, Matth. 18. Luc. 17. vel ad inemendabilem cōnieas. Hæc de re vxoria. Sequitur in textu.

Iuuenes similiter hortare, ut sobrii sint.



Onsequenter ostendit, quid & qualiter deceat mares iuuenes, prius liberos, deinde & seruos. Est autē vel repetendum, vel certē non omittendū, quod huc serio distulimus, Superioris periodi clausulam hanc, *ut nō blasphemetur verbū Dei*, ex glossa ordinaria vndecūq; sumpta, & Lyrano, ad omnia superiora siue prædicta, sed & ad sequentia & post dicēda referri posse, quasi diceret, Hortare senes, anus, adolescentulas, sed & iuuenes & seruos, *ut sic se habeant*, *ut diximus & dicemus*, quod ideò facere debebāt, quia tū fideles inter infideles habitabāt. Ideoque si illi in compositis fuissent moribus, hi fidem catholicā irrisissent & maledixissent. In sequentibus autē, *ut & in præcedentibus*, imò *ut vbique*, doctrinæ seruat decorum, id hīc Græcis doctē & acutē notantibus, qui docēdas fœminas fœminis permisit, & aniculas iuencularū esse magistras, virilis sexus instruendi curam omnem viris permittit, & maribus marem, iunioribus Titum præceptorem præficit, dicens,

Fœmina fœminis docenda permissa

Iuuenes hortare, & sicut in eo quod suprâ dixerat, Anus similiter, &c. Similitudinem anuum diximus ad senes referendam, ita nunc in eo quod intulit *Similiter*, iuuenum similitudinem ad anus & per anus ad senes aptandam arbitramur, ut senum habeant sobrietatem, pudicitiam, prudentiam, in fide, charitate, patientia sanitatem, Anuum in habit^o sanctitate, ut ne sint accusatores, neu vino multo seruiant, bene docentes, &c. Proprium autem adolescentulorum hoc posuit, *ut sobrii sint, εὐφρονας*, & hîc Hieronymus superiorum autor, sui semper similis, legit, pudici. Ambrosius, continentessc, ut quoniam iuuetus solet modum egredi, vino ad lapsum esse promptior, idcirco salubribus retinaculis contineri iubeatur, quod infrenata, diuinis legibus gubernetur. Bruno, temperatos, Anselmus, modum tenentes, & nullam superfluitatem sectantes, sicut sæpe consueuerunt iuuenes.

*Sobrietatis
fratrum iuue-
nibus.*

Reliqui Latini cum vulgata lectione hîc exponunt auferri luxuriæ siue libidinis causam, tollendo ebrietatem, multorum sanè vitiorum occasionem ac principium: quia ergò ea ætas ad sequendos passionum, maximè carnalis concupiscentiæ, affectus impellit, ideò sobrietatis ceu freno retinenda est. Græci, verterint licet eorû Latini interpretes, *sobrii*, propius tamen exponunt ad superiorem de pudicitia intellectum, Nihil (inquiens) tam difficile, tamvè huic ætati durum, quàm voluptates noxias & mortiferas domare, non pecuniarum sitis, non glo-

*Voluptates
domare, iuue-
nibus perdis-
ficile.*

riæ studium, non cuiusvis rei alterius concupiscentia, ita iuuenem aetatem perturbat & vrit, vt corporis amor, & infana hæc libido. Ideoque aliis membris omisissis, circa id quod magis viget, & plus eil necessarium, versatur admonitio, hunc scilicet ignem adeo infectum, sobrietatis velut aqua reslinguendum, quæ virtus eo maior erit adolescentiæ ornamento, quò cum ea libido acris & magis hostiliter bellum gerit. Quod autem sequitur, *in omnibus*, siue *per omnia*, & sequentibus, cum Græcis & aliquot Latinis prima huius capituli lectione iunxi. Ambrosius, Hieronymus, qui que hunc sequuntur, Sedulius & Anselmus, superioribus iungunt. Licet (ait) Latinorum quidam sic legendum existimant, vt *in omnia* inferant, *In omnibus te ipsum praebeas formam bonorum operum*, tamen sciamus ad *in omnia* esse referendum, id est, *exhortare ut pudet finem in omnibus*, tam scilicet mente quàm corpore: tam opere, quàm cogitatione: vt nulla sit in adolescēte turpitudinis suspicio. Scien dum quoque continentiam non solum in carnis opere, & animi concupiscentia, sed *in omni-* *Continentia*
bus rebus necessariam esse, ne honores appetamus indebitos, ne accendamus avaritia, ne vè vlla passione superemur. 1. De sobrietate porro præter ea quæ in hanc & 1. ad Timotheum cōmunia viris & mulieribus obseruavi, Plato lib. *Vini vsus in*
2. de Legib. lege sanxit, vt pueri ad duodeuigesimum annum vini vsus proflus ignorēt, non *uenibus quā*
iniiciendum ignem igni, antequàm viri effecti *do & quate-*
nus permittē
dos.

*Senibus vini
vsus quàm
commodus.*

subire labores incipiant: furiosum nanque iu-
uentutis habitum cauendum, dein vino mode-
ratè vtantur ad annum vsque ætatis tricesimū.
Ab ebrietate verò & vini repletionē iuuenes
omnino abstineant. Cùm ad quadagesimum
peruenerint, tum in conuiuiis liberius discum-
bentes, Dionysium ad sacra senum & ludos in-
uocēt, qui hominibus vinum quasi remedium
aduersus senectutis duritiam largitus est, vt re-
iuuenescere videamur, & mœstitiæ nos obliuio
capiat, animique affectio, vt in igne ferrum, ex
duritie in mollitiem deducta, flexibilior fiat.
Sequitur Platonem ad Eustochium Hierony-
mus, Vinum & adolescentia, duplex voluptatis
incendium: quid oleum flammæ adiciamus?
quid ardēti corpuscula ignium fomenta mini-
stram? Et quo autore antea vini plusculum se-
nibus indulsumus, Auicenna, quo item loco ex
Cœlianis lectionibus, lib. 28. cap. 29. Pueris vi-
num si offeras, perinde videri, ac si igni aggere-
re ignem perrexeris, materia præsertim debili
succensa: Cuius ira rationem reddit, Pueros in-
signiter vini oblædi haustu, quòd laxis rarisque
sint corporibus, & de caloris insiti exuperantia
inflammari faciliè valeant, neruis porrò imbe-
cilibus admodū, nec cerebro item valido: qui-
bus de causis in vini crebriore haustu multi-
plex se nocumentum promit.

Digressio VII.

Et quoniam ingesserunt se nobis senectus &

iuuentus, succurrit vt nonnulla super ætatum
 distictione promamus in medium, cò quidem
 prolixius, quod mirum quàm non omnino su-
 per ea consentiant autores: quid igitur de gra-
 dibus ætatis humanæ sensum sit, dicam. Tuber-
 o apud Gellium, lib. 10. ca. 28. scripsit Seruium
 Regem Rom. cùm quinque classes census fa-
 ciendi gratia instrueret, pueros existimasse mi *Pueri.*
 nore annis xvii. inde milites aut alioqui Rei-
 publicæ idoneos scripsisse, còsque ad annum
 x l. iuniores, supra eum seniores appellasse. Ex *Iuniores.*
 hac Tullij censione maiorum moribus & iudi *Seniores.*
 cio, innotescit pueritiæ, iuuentæ, senectæ discri-
 men. Varro apud Censorinum ca. 14. quinque
 gradus æquabiliter putat esse diuisos, vnūquen-
 que scilicet præter extremū, in annos xv. Itaq;
 1. gradu vsq; ad annū xiiii. dictos pueros, quòd
 puri sint .i. impubes in 2. ad 30. adolescentes *Adolescentes*
 in 3. ad quadraginta annos vsq; iuuenes, quòd *Iuuenes.*
 Remp. militando iuuare possent. in 4. ad 60.
 seniores, quòd tunc corpus senescere incipiat.
 Inde ad finē vsq; vitæ 5. gradum factū, quot ni-
 mirū actus in fabula seruari solent, quādo nec
 vna persona quinquies egressa vltra exire po-
 test, vt ex hac ætatū distributione Cælius li. 19.
 cap. 21. cōmonet fabulam ætatis Ciceroni cō- *Ætati fabu-*
 gruē scitēq; dictā in Catone, & Augusto apud *la.*
 Tranquillū, mimū vitæ cōmodè trāfactum. Ac
 Hippocrates in septem distribuit, ætatis I. finē
 annū 7. II. 14. III. 28. IIII. 35. V. 42. VI. 56. VII.
 nouissimū vitæ annū. Cuius tres gradus 3. 6. 7.

*Septimi anni
obseruatio*

Solon singulos bifariam diuidens, vt vnaquæque ætas annos habeat septenos, partes fecit x. ad quas Staseas Peripateticus hebdomadas duas addidit. Ex his proximè videntur accessisse naturam, qui hebdomadibus humanam vitam emensi sunt: Ferè enim post annum septimum articulos quosdam, & in his noui aliquid natura ostendit, vt extat in elegia Solonis, & Macrobb. lib. 1. in Somnium, cap. 6. Galenus ætates omninò statuit quatuor, Iuuenes, Veri similes, calidos scilicet & humidos, vigētes, ætatis modo calidos & aridos, Medios, perīde atque Autumnum, frigidos & siccos, Senes, vt hyemem, cum frigiditate humectos. Cap. 22. appingit ex Proclo, ætatum ordinem, vniuersi sequi rationem, Prima quippè ætas Lunarem sequitur nutriendi vegetandiq; potestaté. Secūda, Mercurialem, ad literas, luctam, & cirharas, & lucra studium. Tertia, Veneream genituræ appetentiam. Quarta, Solarem vigorem, & iuuenilem perfectionem. Quinta, siue virilitas, Martium robur. Sexta, Iouiale vitæ actiuæ civilisque desiderium. Septima, Saturniā à corporeis sequestrationem, & incorporeorum affectationem, & decrepitos naturam cum malis suis inuadentem. Ex Aristotele in 3. de Anima, quidam aucupantur tres tantum ætates, incrementi, stationis, diminutionis. Sed idem lib. de moribus diuersa sentire videtur. Auicenna cap. de complexionib⁹, & Albertus Magnus citante Beroaldo in Tiberium Trāquilli, cap. 6. ponit quatuor,

tuor, Adolescentiæ, ad annum ferè 30. consistentiæ vel pulchritudinis, ad 50. pòst. diminutionis occulte, ad 60. quæ senectus. Quæ subest *Senectus quæ* ætas, ad interitum nos præcipites agit. Suppartitur adolescētiā in minutias alias. Nam Seruius, 5. *Æneidos*. cūm ex Varrone sic ætates diuisisset, infantiam, pueritiā, adolescentiam, iuuentam, senectam, singulas trifariam subdivisit, vt sit prima vel viridis, adulta & præceps, & viridi iuuenta, ibidē Maro, & cruda viridisque senectus. 6. *Æneid*. & extrema pueritia Salustius in Iugurtha. Est & pueritia noua, matura & præceps, & in aliis quoque ætatibus, Be roald. in Neronem Suetonij, cap. 7. Sciendum verò ætatum commensus non vbique nec semper eisdem haberi, sed diuersos, pro constitutionis, sexus, regionum, situs, cæli, victus, & aliorum plurium ratione, vt 6. de sanitate Galenus, Stato, inquit, annorum ætates circumscribere, quod quidam tamen faciunt, nequimus, nisi latitudinis modo, proinde signatè in ætatū distributione aduerbium [*ferè*] adiici solitum. Aureas ætates in vita tres modò intelligunt, Iu *Aurea ætates.* uentam, virilitatem, senium. Nam infantia & decrepita nullum præferunt voluptatis argumentum. Hebræis Sebastiano Lepulculo vertente, humanæ vitæ curriculū his partibus cōstat, Num. 13. apud eos religioso, Vnde & totidem fidei habent articulos, quos & fundamenta vocant, Filius v. annorū ad biblia, x. ad Meschna, XIII. ad præcepta, xv. ad Talmud. quorū rationē

reddidimus, Digress. 17. In 2. ad Tim. 3. xviii. ad nuptias, de cuius ratione mox videro. xx. ad diuitias, vt quis rei augenda operam impēdat, accommodus æstimatur. xxx. ad robur, tum incipiēte iuuenta, ætate propter virium vigorem ad labores tolerandos aptissima. xl. prudētiā seu intelligentiam, l. consilium tribuunt. lx. incipit senectus. lxx. canicies, vbi ferē & cōmuniter terminat hominis vita. lxxx. ad summū. paucis enim datur attingere, & quod amplius accedit, merus est labor & dolor, Psal. 89. seu molestia quæ citò recedit, & nos auolamus. xc. ad foueam seu sepulcrum. Id est certam & singulis momentis expectandam mortem, vnde talem Latini decrepitum, quoddum in dubio vita sit, Capularem item à capulo, id est, sepulcro vocant, & hīc pro fouea inclinationem alij exponunt, quoddum ad sensum in idem recidit. Vnde Terentio in Adelphis, Act. 4. Scen. 2. senem Silicernium ab incuruitate quidam Xenophanta interpretatur, quoddum silicem incuruus cernat seu spectet, vel strata saxo via, vel sarcophagi iamiam appropinquantis. At mauult Donatus, quasi iamiamque silentibus vmbis cernēdum. Centenarius reputatur, quasi mortuus sit, & ex hoc mundo transferit, Sic Hebræorū sapientes. Græcorū Staseas, Romanorum Varro ex libris Hetruscis, Censorino vbi suprā, & Cælio testibus, fatalē hominis ætatē xii. hebdomadibus circūscribūt, quæ ad decies septenos possit fatalia deprecādo reb⁹ diuinis præferre, ab āno lxx.

*Decrepitus.
Capularis.*

Silicernium.

*Fatalis ho-
minis ætas
quo termino
claudatur.*

nec postulare debere, nec posse à Diis impetra-
 re. Post annos LXXXIIII. à mēte sua homines a-
 bire, neque his fieri prodigia. Quem terminū
 vitæ si quis præterit, facere idē quod stadiodro-
 mis ac quadrigis vsuuenitvltra destinatū finem
 procurrētibus. Nam Romanis cū ludos secula-
 res ex nominis origine induxissēt, quod plerū-
 que semel fiāt hominis ætate, vt multa alia, que
 rarò sunt, post seculū euenire, loquētū cōsue- *Seculū.*
 tudo vsurpat, nec post cētū annos, vti ludi, refe-
 runtur, statutū esse seculū, nec post ex. Maiores
 igitur quod natura seculū quātū esset non habe-
 bāt, ad certū annorū modulū c. statuisse Piso te- *Centenarius*
 stis est, quem vt numerū cōstituerēt, non nihil *numerus.*
 iis causæ fuit, quod multos suorum ciuium ad
 hunc, ætatem producere videbāt, & hominem
 plus viuere non posse. Varro & Dioscorides a- *Cordis hu-*
 strolog^o ex cordis humani ratione, eorum qui *mani subtilis*
 integri sine corporis tabe perierint, declaratū, *consideratio.*
 & ex eo quod multis id annis pepēdit, incremē-
 ta ætatis & diminutiones obseruarūt, anniculi
 enim pēdere drachmas duas, bimi quatuor, &
 sic in ānos singulos pari procurſu ad L. accede-
 re binas, à quo itē decedere in vnoquoq; ad æ-
 quilibriū binas, seu tātūdē detrahi, ambitu per-
 acto, āno cētesimo redire ad anni primi pōd^o,
 neq; lōg^o produci, aut superesse spatia visceris
 ei^o dilapſū atq; defectu: quā obseruationē Ægy-
 ptiis, præfertī Alexādr. quib^o mos est cadauera
 asseruare medicata, idē Cēforinus & Plin. li. II.
 ca. 37. tribuūt. At verò Mathematic. doctissimi,

Mosis ætas.

*cxx Anni
longissima
hominis ætas*

inquit in Imp. Claudio Trebellius, homini vitę spatiũ contribuunt annorum cxx. mensum hũc à nemine excedi, quę tamen modũ Moses Dei familiaris annis v. solũ transgressus, cũ quere retur iuueni sibi occũbendũ, ab incerto respõsum numine, quępiam eum numerum haud excessurũ. Traditio, vel fabula magis Iudaica, nisi quòd Iosephus Iudæorum vernaculus li. i. ca. 4. 7. nouę s. 14. veteris editionis, sic sentit humanę vitę spatium diluuiio imminutum. Cũ, inquit, Dominus decreuissẽt vniuersum hominũ genus perdere, aliũque nouum & à vitiis purũ instaurare, primum vitam eorum breuiore spatia circumscripsit, nec quantis prius vixerãt annis, sed abrogata longæuitate, intra cxx. annorum mensuram coërcuit. Iam ergò recidebatur & subtrahebatur de vitę spatiis, fiebãtque paulatim breuior, ad Mosis vsque etatem, post quę is annorum terminus Deo finitore positus est, quantum temporis & Mosẽm vixissẽ contigit. Secutus est hoc Lactãtius, lib. 2. cap. 13. 14. Deũ orbe siccato execratum iniustitiã prioris seculi ne rursus vitę longitudo causa esset excogitantium malorum, paulatim per singulas progenies imminuissẽ hominis ætatem, & in tot annis metam collocassẽ, quam non liceret transgredi. & verò nunc sæpissimẽ fieri, vt qui ad centesimum perueniant, & autores idonei tradunt, ad cxx. annos perueniri solere. Sic Aper apud Tacitum in Dialogo de Oratoribus, cxx. anni, vnius (inquit) hominis ætas, &c. Verũ hi,

& qui eos secuti sunt, inter quos Zonaras animalium initio longæuitatem tunc sublatā scribens, & hominum vitam tot annis cōtractam & circumscriptam fuisse, ij inquam, siquidē non tantū sentiunt elementis diluuiō corruptis, vigorem vitalem & salubritatem, & alendi vegetandique virtutem maiori ex parte amissas, sed in eum quoque numerum coarctatas, longē à veritate aberrāt. Iosephus vir licet Hebræus, & qui se Mosē sic sequi, vt huic nihil vel addat, vel subtrahat, præfatur, & passim protestatur. Non enim fuisse Dei consiliū, vt post cataclysmū nemo diutius viueret, mox patuit, quia tota ferē series à Noë ducta filiis, Gen. 11. ad Abrahāmū, Mosē anterior, plus multō vixit, & Mosē posteriores, Ioīada siue Ioadus pōtīfex, nō tantū in sacris Bibliis, 2. Paral. 24. sed ipsi quoque Iosepho, lib. 9. cap. 8. cxxx. Mardocheus Esterę patruus, CL. annos excesserunt. Illud ergō in cuius mentionem obiter incidimus, Gene. 6. *Non permanebit spiritus meus in homine in æternum, quia caro est, erūntque dies illius cxx. annorum*, propius scripturæ mentem verterunt LXX. sic, *Non permanebit spiritus meus in hominibus istis in æternum: Erunt autem dies illorum cxx. anni.* Proximē autem Dei ibi mentem, hoc est, verissimē atque clarissimē, Thargum, siue Chaldaica Onkeli paraphrasis, *Non durabit generatio mala hac coram me in æternum, eò quòd caro sunt, spatiū dabitur eis cxx. annorum, si pænitentiam agerent, siue, si quo modo eos pæniteat.* Addit Philo in Antiquitatib⁹, In quos

*Pænitentia
tempus.*

(ſcilicet annos) poſui terminos ſeculi. Aſſigna-
 tos ergò annos ad pœnitentiam, quibus tũ re-
 ſiſiſcerent homines, non ætati, quam deinceps
 viuerent, & tẽpus illic determinari non huma-
 næ poſt diluuium vitæ, ſed hominum, quos di-
 luuiò deleturus erat, viuẽdi ſpatium: ſicut & a-
 pud Ionam præſcriptũ pœnitentiæ ſpatium in-
 fra 40. dies, Ion. 2. 3. quo ad pœnitentiam inui-
 tarentur, quòq; pœnitẽtes ſalui fierent, impœ-
 nitentes perderẽtur: Quod quoniam contem-
 pſerunt, vindicta contemptores præueniente,
 Deũ æpũ à prolatione ſuæ ſententiæ ad exe-
 cutionem decrevũ, amputatis xx. annis, abbre-
 uiaſſe, inducto poſt ſeculum, ſiue annũ centeſi-
 mũ agẽdæ pœnitentiæ deſtinatũ, cataclyſmo.
 Conſentiunt hoc loco veteres & moderni, Ori-
 gen. hom. 2. in Cantic. Hieron. non ſine repre-
 hẽſione aliter exponẽtium, in traditionib⁹, ſeu
 Quæſtionib. Hebraicis, & ad ca. 9. Danielis Al-
 bin⁹ & Auguſt. quæſt. 23. ſuper Gene. de Ciuit.
 li. 15. ca. 24. Chryſoſt. ſuper Geneſ. homil. 22. &
 25. hũc licet faciat Eugubinus cũ Lactantio ſen-
 tiẽtem, & Theodorum ſiue Theodoritum, qui
 quæſt. 49. primos hominẽs à mundo condito
 etiam poſt diluuiũ ad patriarcharum vſque tẽ-
 pora, vt lĩgiore temporis ſpatio augeri nume-
 ro poſſent, longæuos fuiſſe, Terra poſtea reple-
 ta, diminutum quidem deinceps annorum nu-
 merũ, ſed nulla eius præſcripti mentione. Hoc
 idẽ in libris Cabaliſticiſ, iſis ſcilicet, qui in præ-
 clara Synodo, cuius princeps Elſdras fuit, cõſeri-

pti sunt, afferi testis est idē Steuchus, sic etiam
 exponit Aben Esra, multis redarguēs priorem
 sententiam. Sic vtraque glossa interlinearis &
 ordinaria, Lyra, Caietanus, Pellicanus, Hame-
 rus, Borrhæus, Munsterus citans Rabi Salom.
 & Kimi. At Innocentius III. vtriusque partis ve-
 lut conciliator, lib. I. de cōtemptu mundi, cap.
 10. eum locum intelligi posse autor est tam de
 termino vitæ, quàm de pœnitendi spatio. Sic
 paulatim vitam hominis magis ac magis reci-
 sam declinauisse, & extunc homines rarissimè
 legi plus vixisse, adeò vt B. Iob. Moyse, secundū Iob Moyse
 multos, contēporanē⁹, cuius etiam libri Moy-
 sem quidam autorem ferunt, multis locis die-
 rum suorum, vel potius hominis generatim,
 breuitatem & paucitatem breui faciendam de-
 ploret, cū post tot tamen flagella superuixe-
 rit annis cXL. Iob. 7. 10. 13. 42. Et Iacob Mo-
 se proauus, dies peregrinationis seu vitæ suæ, an-
 norum cxxx. paruos seu paucos & malos vocet
 Genes. 47. qui prope c L. vt pater eius Isaac,
 c L x x x. auus Abraham c L x x v. vixerunt,
 Genes. 25. 35. Sed multò magis perplexam
 quæstionem olim iam infideles nobis inges-
 serunt ex annorum numerositate, qua vixisse
 primos homines scriptum est in autori-
 bus nostris, hominis enim vitam peccato
 temporalem quidem ex perenni factam, sed
 tamen longam, quæ in mille prope annos
 propagaretur. Quod diuinis literis prodit-
 um; & per omnem scientiam publicatum,

aliis non credentibus, cum Varro non ignoraret, argumentari nixus est pro annis menses, ut apud Ægyptios habentur, esse positos: quod argumentum perspicue falsum hinc ubi supra reuincit Lactantius, quod nemo tunc millesimum annum transgressus est. Nunc verò centenarii quidam cum sint, 1200. mensibus viuerent, sed quia ignoratur cur & quando vita hominis esset imminuta, adinuenit, cum sciret hominem annis cxx. & sic 1400. mensibus posse viuere.

*Anni apud
veteres, non
pro mensibus
supputaban-
tur.*

Nulla ergo modo audiendos, qui putant aliter annos illis temporibus computatos, id est, tantæ breuitatis, ut vnus noster decem illos credatur habuisse, & decem nostri centum illi fuerint: Quod tamen ut non sit incredibile, adiiciunt ex plerisque historicis annum aliter aliis computatum, Plinius enim lib. 7. cap. 48. relatum in literas quendam vixisse annos 150. alium decem amplius, Epimenidem aliis 157. aliis iuxta Laërtium, lib. 1. 154. Cretensis suis 199. alios cc. & ccc. quosdam ad d. & dc. nonnullos ad dccc. peruenisse. Hæc propter inscitiam temporum accidisse arbitratus est, Alij quippe vnum annum estate, alterum hyeme determinabant, alij quadripartitis temporibus, ut Arcadibus trimestres fuerunt. Ægyptij habuerant 1111. mensium, aliquando Lunæ sine seu senio, limitarunt. Itaque aliqui singula annorum milia apud eos vixisse creduntur. Acarnanes vi. Lauinij x111. Sequitur suo more Plinium Solinus, lib. 1. ca. 3. Et melius ac verius Alexander Genialium, li. 3,

*Annorum
terminatio
alia alia.*

cap. 24. *Ægyptios non multiplici nec vna facie variasse, quàm Macrobi. lib. 1. Saturnal. cap. 12. certum anni modum apud eos solos semper fuisse, antiquissimum in Ægypto annum bimestrem fuisse. Horum quendam trimestrem instituisse, post à Pisone Rege quadrimestrem factum, cum plerunque mensis spatio ad Lunę cursum metirentur. Testes sint Censorinus cap. 16. Cælius lib. 12. cap. 9. Quibus velut probabilibus argumentis, quidam sacrę historię fidem non destruentes, sed astruere nitentes, ne sit incredibile tam multos annos antiquos vixisse, sibi persuadent, nec se suadere imprudenter existimant, tam exiguum temporis spatiũ tunc annum vocatum. Hoc autem falsissimum eidentissimè docet & Augusti. de Ciuit. li. 15. cap. 12. 14. Nam & mensium, hoc est, anni partium, & dierum, hoc est, mensis particularum, fit in diluuij descriptione mentio, Gen. 6. 7. 8. proinde non tãtillum nec minimum, sed tantum tunc fuisse, quantus nunc est, diem, horarũ 24.ensem, Luna cœpta & finita conclusum, annum, mensibus 12. Lunaribus, additis propter cursum solarẽ 5. diebus & quadrãte, consummatum. Addit & alteram rationem proxima digressionem non omittendam. Nec tertiæ ei deest, cap. 4. quod licet annorum cuiusque hominis, quæ tum fuit, numerositas nullis ex tunc talibus documentis in experimentum venire possit, non ideo tamen fides sacris deroganda, quando & Plinius vbi suprã, ex Hella-*

nico quosdā in Ætolia Epiorū gentis cc. adhuc annos explere, & Pictoreum ex iis præcipuum corpore viribūque, etiā ccc. vixisse scribat. Si ergo humanas diuturnitates, quas experti non sumus, hodie habere credūtur incognita nobis loca, cur non habuisse credantur & tēpora? an verò credibile est alicubi esse quod hīc nō est, & incredibile est aliquādo fuisse, quod nūc nō est? habent igitur & Græci lōgeuos suos nō homines modò aliquot, sed totos quoque populos, quorū grandē satis catalogū petas licet ex eodē Plinij loco & capite adhuc illic sequenti, vbi recenset inter certa & cōfessa exempla nō ab aliis tantū scriptoribus ex superioribus seculis relata, sed suo quoque tēpore Vespasianis Censoribus, censos aliquot bono satis numero Italos, ab annis cxx. ad cxi. vsque, eoque experimento improbat syderalis scientiæ professores id fieri posse disfitētes. Ex Luciani etiā Macrobiis, ex Tullio & Valerio de Senectute, & aliis qui propositam Mosis ætatem vel æquarint, vel propē attigerint, vel excesserint, discamus licet: Quorum & si prodigiosam viuacitatē sic vt audiuius, eludat Plinius, vt & primorū hominū, ex nostris nonnulli parū in scripturis exercitati, nihil tamē prohibere hīc rectē monet Gulielm⁹ Hamerus doctus Theolog⁹, quin quos ethnici scriptores tandiu vixisse ferunt, arcano Dei iudicio factum credamus, vt profanis os obstruatur, qui parum fidei nostris literis habent, de primigeniorum longauitate re-

Longeni ho-
mines, & lō-
gani toti po-
puli.

Macrobiū
Luciani.

stantibus. Cuius rei causam aliis aëris temperiei, aliis naturæ soli, aliis optimæ diætæ, aliis vtrique assignantibus, Lucianus vbique terrarū & gentium, & sub quouis aëre degentibus ad senectutem summam perueniendi spem proposuit, qui commodis modò exercitiis, & victu ad sanitatem seruandam conueniente vterentur. Compertum enim homines & nationes, ætate omnium longissima viuentes, aquam tantum potare, hordeaceo pane vesci, & hac vict⁹ ratione, sensus iis esse quàm hominibus cæteris validiores. Iosephus præter salubrem victus rationem, religionem quoque allegat, Non est (ait lib. i. cap. 4.) cur præsentem vitam, annorum eius paucitatem cum priscorum vita conferens, quia nunc non æquè prorogatur, de illorum longæuitate dubitet. Illi enim Deo chari, & recenter & immediatius ab eo facti, & commodiore ad diuturnitatem victu ac alimentis vtentes, nō mirum si per tam multos annos viuebant. Præterea tum propter virtutis studiū, tum propter vtilitates inueniendarum artium, Deus eis prolixiorē vitā largitus est, vt quarum certitudinem assequi non poterant, si minus viuerent: Et huius testes citat multos Græcarum & Barbaricarū antiquitatum scriptores, qui priscos illos ad mille annos vitā produxisse narrant, Astrologiam certè & Geometriā nunquam inuenissent, si minus annis DC. quot annus scilicet magnus cōstat, vixissent. Quæ locū renarrat Eusebiana Præparatio lib. 9. cap. 4.

Religio longæuos facit.

Astrologia & Geometria quomodo inuenta.

*Anni primi-
geniorum so-
lares fuerūt.*

Et aliam quoque causam ex Theodorito præ-
allegauimus, eandem quæ & tunc polygamix,
generis scilicet humani incrementum, propter
hoc enim ut plures tum vxores ducebant, ita &
diutius uiuebant. Est igitur Græcorum Barba-
rorumque omnium (præterquàm paucorum)
nedum Iudeorum Christianorumque testimo-
nio probatum & confessum, primigeniorum
annos solares fuisse, non lunares, alioqui quale
esset, quod tantopere vel illorū præ nobis lon-
gæuitatem miraremur, vel de nostri præ illorū
æui breuitate quereremur? Sed quid refert diu-
tius hac in re versari, & vitam hominum vel
longissimam, longam appellare? An non Ma-
crobij, quorum longæuitatem immensam, vel
scriptores sacri tãquam Dei donum, vel Ethni-
ci ut naturæ prodigium posteritati prodiderūt,
omnes ut microbij, aut himerobij, siue vermi-
culi, siue bestiolæ, Ciceroni post Aristotelem,
unicum diem viuentes, in communem hinc
locum abierunt, siue viam vniuersæ carnis in-
gressi sunt? Quid ergo æui vel illis granditas
contulisse, vel his breuitas videtur abstulisse,
utraque serò vel citò à morte tandem supera-
ta? Hic mihi vide quàm parum inter utrosque
referat, quod ex Seneca & Hieronymo ascripsi-
mus ad id, 1. Tim. 4. *Sit tēde doctrina, &c.* Ecqua
verò longa ætas, aut quid omnino homini
longum? nōne modò pueros, modò adolescē-
tes in cursu à tergo insequens, nec opinantes
affecta est senectus? Sed quia vltra nihil (hîc)

habemus, hoc longum dicimus. Omnia ista perinde vt cuique data sunt, pro rata parte à vita, longa aut breuia dicuntur. Confer nostram cum æternitate longæuitatem: in eadem propemodùm breuitate, qua paulò antè dicta vnus dieculæ apud hypanim fluuium animal cula reperiemur. Hęc Cicero 1. Tuscul. & sapiēter & verè. & propemodùm quod nostri, totū nimirū hoc quod videtur, quandiu voluitur seculum, punctum esse, nihil diu, quod habet extremum, ab Adam ad hodiernum vsque diē, multò vtique plus peractum, quàm restet peragendum, qui si adhuc viueret, & hodie moreretur, quid ei prodesset tandiu esse aut vixisse? Ergo celeritas hęc quare? quia tempora trāsuo-
lant, & quod tibi tardum est, in oculis Dei breue est (Psal. 89. 2. Pet. 3.) hanc celeritatem intelligens, Accelera (inquit) vt eruas me, Psal. 30. Quò ergo fugis ne moriaris? Certus erit ille dies. Quid est diu quod victurus es? Quantum est diu quod habet finem, & si diu esset? huc accedit, quia non est diu, & incertum est ipsum quod dicitur diu, cur hoc non cogitas? hęc in eum, & 72. Psal. Augustinus. Et adedò tamen homini est insita & infixæ viuendi cupido, vt non olim clari tantū philosophi cum natura seuerè exposulauerint, tam longam ceruis & coruis vitam dedisse, homini, cuius maximè interefferet diu viuere, tam breuem: sed & viri quidam inter Christianos eximij, nihil hac exposultatione iustius putarint, quòd quæ homini

*Diu nihil,
quod habet
extremum.*

Ludovicus
Viues.

literarū studioſo diſciplinarum cyclopædia per aliquot alioqui ſecula contingere poſſet, præ hæc breui & fugaci vita vix vlli obtingat. Meli⁹ non ita pridē vir vndecunque doctiſſimus Ludovicus Viues lib. 5. de tradendis diſciplinis, cū immenſam omne genus librorum farraginem ſtudioſis deuorandam conſuleret, Exclamet hīc(ait) aliquis, ecquando tandem omnia hæc legentur? à viris confirmata iam ætate tum etiā ſenibus, eo tempore quo vel nugandum eſſet vel ludendum? Nam ſi quis quantum in luſionibus, in colloquiis inanibus, ſæpe etiā noxiis, quantum torpenti otio conſumatur temporis, expendat, comperiet planè his omnibus quæ dixi, percurrendis, aliisq; multò pluribus affatim ſupereſſe. Abundamus tempore, ſi prudenter diſpenſetur, quod malè impèdendo fit artiſſimum. Nos tamen, quod in homilia de nō adhærendo rebus ſecularibus concionatur Baſilius, noſtrum licet vnusquiſque maternis ſemel clauſtris elapſus, temporis ſtatim fluxibus ſic prouoluatur, vt cum ſemper diem quem vixit, à tergo relinquens, ad heſternum nunquam, quanlibet cupiat, reuerti valeat, Attamē non cogitamus, quā incertum, quantillūque tempus hoc ad perficiendum curſum, qui in eū nos emiſit, concedere propoſuit, & quādo vni cuique curſori metam quam ingrediatur, reſcaturus ſit, & quòd oporteat nos quotidie ad migrandum hinc paratos eſſe, & Domini nutum fixis oculis expectare, Luc. 12. & c. Qui au-

rem ob vitæ breuitatem nihil aliud quàm ringū-
tur, verùm vt plurimùm otiosi, eleganti eos si-
militudine ridet Basilij german⁹ Nysses in ora-
tione de Dormientibus, Vt si vox (ait) quædam
inesset in eo qui materno vtero alitur, indi-
gnaretur per natiuitatē visceribus eiici, & gra-
uia se pati clamaret, qui ab ea vita & statione
in qua lubenter degeret, inuitus auelleretur,
quod nimirum etiam facit, prima statim natus
respiratione vagiens, lacrymans, & quasi con-
querens & lamentans quòd à consueta vita se-
paretur. Idem eis qui ad mutationem vitæ præ-
sentis sese discruciant & anguntur, videtur ac-
cidere, quod embryis, dum semper in hac ma-
teriali iucunditate, à qua separantur, viuere vo-
lunt. Postquàm enim mortis dolor ad alteram
vitā hominibus quasi obstetricatus fuerit, vbi
ad lumen illud transuerint, & de puro spiritu
hauserint, experimento cognoscunt, & intelli-
gunt quantùm illa differat ab hac vita: ij verò
qui in hac humida, languida, putrida vita relin-
quuntur, embrya prorsus & non homines, mi-
ferantur eum qui antea excesserit ex iis quibus
continemur angustiis, quasi aliquo bono priua-
tū spoliatūq; nesciētes quòd ad similitudinē
recēs nati infantis, vbi euaserint eos quib⁹ nūc
continētur & coërcentur, sensus, sensus itidem
aperiūtur, sed animi sensus, quibus rerū veritatē
prospiciant. Mirum verò sic sentire, sic loqui
optimum quenque Christianū, si non ita senti-
rent & loquerētur non pessimi quoq; profani.

*Mors homini
obstetrica ad
alteram vitā*

Sic apud Ciceronem Cato maior, Illò hinc me proficiscentem haud sanè quis facìle retraxerit, me vè tanquam Peliam recoxerit. Quod si quis Deus mihi largiatur vt ex hac etate repue-
 rascam, & in cunis vagiam, valde recusè. Nec verò velim, quasi decurso spatio à calce ad carceres reuocari, &c. Sed nos ad longæuitatem, hoc est, rem hîc susceptam, ex breuitate reuocemur. Nec verò ceterariis immorabimur, aut etiam aliquantò natu maioribus, qui passim in historiis Ecclesiasticis, & præsertim monasticis, occurrunt, & hodièque aliquam multi non defunt: sed iis modò qui periodon Mosaicam attigerunt, aut etiam superauerunt, sed nec iis omnibus: (Ecquis enim tandem finis?) sed illustrioribus tantum, inter quos primus merito recensendus S. Simeon Christi patruelis, Hierosolymorum post Iacobum itidem fratrem Domini, Episcopus, sub Traiano calumniantibus hereticis, à Paganis post multa & dura verbera in crucem actus, mirantibus hominem cxx. annos natum, tantum perferre tormenti. Euseb. lib. 3. cap. 32. Nicephor. cap. 16. ex Ege-
 sippo. Quo seculo natum Antoninorum Imp. temporibus Galenum philosophum & medicum singularem à nonnullis memoriæ proditum est ex l. annos vixisse, tanta in cibo & potu abstinentia usum, vt ad satietatem nunquam, nec crudum quicquam gustarit, vnde odorificum semper anhelitum spirauit: quòdque longè mirabilius, citra vllam omnino affectionem sola defecit

*Simeonis
 Christi pa-
 truelis seniu.*

Galenij eniu

defecit senectute, vt hinc adagio Galeni valetudinē dicamus, pro nimis inoffensa, & vltra humanum captum prospera. Quanquam contra tātam tum incolumitatem, tum grandæuitatē, vtriusque relator Rhodiginus multa multis locis affert, libris, 4. 17. 18. 27. 30. capp. 21. 3. 9. 12. ex Suida, præsertim, annos modo LXX. vixisse, ex linguę porrò proprietate quietum tranquillūque signare. Sed quanto senio cūmq; cōfectus sit, magnam sanē apud homines gloriā ex veritatis & scientiæ studio attentiore consecutus est, maiorem etiā apud Deum habiturus, si vel Mosi & Christo, quorū interim meminit, credidisset, vel saltē de anima se nihil enūciaturum contestatus, ex his quæ reliquit, melius sensissē videretur, quā nostratibus visum est, & inter hos Gregorio Nyssæ. lib. 2. de Philosophia, cap. 3. 9. Sed viderint hæc medici Christiani, nec enim hæc nostrę sunt farraginis. Hic ergo si tandem tam grauis annis fuit, credibilior fuerit Argantonii Tartessiorum Regis Græcis Latinisque scriptoribus celebrata longæuitas, licet inter hos de annorum numero non conueniat, Cicero & Valerius de Senectute, post Herodotum in Clio, vixisse annos CXX. regnasse LXXX. Lucianus & Plinius, vbi suprā, ex Anacreonte poëta CX. quot annis census est censore Claudio Imp. T. Fullonius Bononiensis, & totidem viuere in Tempso montis Tmoli cacumine autor est Mutianus, Nam fidem excedit, quod de eo cecinit Silius, li. 3.

*Valetudo
Galeniprova*

Ter denos decies emensus belliger annos.

nisi fortè credimus vel Arcadum Reges, tot,
hoc est, trecentos annos viuere, Quod qui re-
fert non credit Plinius, vel Ouidianæ Sibyllæ
14. metamorph. sic de se nuganti,

Iam mihi secula septem

Acta vides: superest numeros ut pulueris æquem

Ter centum messes, ter centum musta videre,

aut Nestori post Homerum

Iliad. 12. Odyss. 3. apud eundem Nasonem lib.

12. se ita iactanti, *Vixi*

Annos bis centum, nunc tertia viuitur ætas

Vixerit ille senex quāuis dū terna per orbem Secula,

Terna minus pylæ miretur secula vita,

Nestoris est visus post tria secla cinis.

Felix qui per tot secula mortem

Distulit, atque suos iam dextra computat annos.

ex Tibullo lib. 4. Propert. lib. 2. Iuuenal. Satyr.

10. Vnde ter æuo functum dixit Horatius li. 2.

Od. 9. Næuius apud Gellium lib. 19. cap. 7. tri-

seclitēnem vocauit, maiorem verò natu trisecli-

bus his Ioānem, quem ideo de temporibus co-

gnominatum, pertinaci consensu Franci Ger-

manique scriptores à Carolo Magno ad Ludo-

uicum Iuniorē, hoc est, ccc. lx. vixisse tradūt.

Gaguinus. Sed non erit quòd Nestoris viuaci-

tatem vel tantopere miremur, vel etiā in pro-

uerbium vertamus, siquidem recipimus Ho-

meri Scholiastē, & Acronē Flacci interpretē,

veteres secula seu ætates ad annos vsque xxx.

posuisse atque cōputasse, quod & ex Seruio 8.

Triseclitē-
nem.

Ioānis de
temporibus
senium.

Æncid. in cap. huius i. obseruauimus, ad verbū
[secularia] sic enim multi Nestores, hoc est, No
nagenarij semper fuerint: Quod & Cælius li.
19. cap. 22. non prætermittit, γινῶν δὲ dici, perfe-
ctius parienti ac generandi spatium, annorum
xxx. periodum, quo nomine sexagenarius duas
vitæ geneas implet: si vltà pergat, in tertia iā
vtique recenseatur, quod de Nestore cecinit
pœta, quem periodicas geneas perfecisse duas
humanas pronunciat, ceu δ'ὐνο γένεσθαι τρίαγ δι-
xisset, quæ vocantur γυναικῶν καὶ ἀνδρῶν. Et hic no-
bis sit in hac ætatum pragmatia locus hoc lo-
co postremus, literæ Pauli non inconcinnus, vt
qui & adolescentulas, & iuenculos, vt tum li-
beros, tum coniuges ament & diligāt, hīc hor-
tetur. De qua tamē longēuitate libuit Mantua-
ni carmen non inelegans addere, ex fine lib. 4.
Fastorum, quod sic habet,

*Iudice me concors vera sententia non est;
Tempora qua dicit vita breuiata: supersunt
Nunc quoque qui viuant Centum vel circiter annos
Incolumes: Vidi ipse hominem, quem diceret annos
Vndecies vixisse decem vicina tota,
Ire suis alacrem plantis, & viribus uti,
Nec se desidia, nec inertī dedere somno.
Sub Carolo quondam Magni cognomen habente
Miles erat, cui si qua fides annalibus eius
Temporis est, Deus indulget tria secula vita.
Fatidicus Dauid paulo post tempora Troia
Rex apud Assyrios, vitam se extendere dixit
Ad decies octo vsque hyemes fortissima nactis*

Corpora: & id tempus supra restare dolores,
 Arumnâsque graues, & cuncta simillima morti.
 Quòd si nec tunc maior erat mortalibus ætas
 Quàm modò sit, quonam pacto breuiata putari
 Vita potest? Prima de tempestate silendum est,
 Quæ fuit ante dies Noe, cum terra profuso
 Non fuerat corrupta mari: tunc omnibus her-
 bis,

Frugibus arboreis virtus erat insita maior,
 Atque magis natura potens extendere vitam
 Vltius poterat: sed in his consumere tempus
 Dedecet: assumptus curam labor arguit istam.

III. Super ætate igitur ad rem cõiugalem apta
 hæc nobis impræsentiarum occurrunt, iam au-
 diuimus ex Augustino ad finem lib. 16. de Ci-
 uitate, hominem ab adolescentia incipere siue
 posse generare, hoc est, paulò post annum hu-
 manæ vitæ decimumquartum. & in Psal. 104.

Generare
 posse quando
 incipiat ho-
 mo.

Quam Græci γενεαν, dicunt, minimam quidem
 quindecim annis terminauerunt, ex qua homo
 incipit posse generare. Et in eiusdem Ciuitatis
 lib. 15. cap. 12. 13. qui humanam primorum tem-
 porum longæuitatem minimè credentes, an-
 nos aliter tum computatos putabant, id est, tan-
 tæ breuitatis, vt vnus noster priscos decem ha-
 beat, iidem obseruabât in vulgatis Gene. 5. co-
 dicibus, per omnes generationes, in quibus ho-
 minū anni memorantur ante diluuium, nullū
 ferè inueniri, qui centenarius vel infrà, vel etiã
 cxx. annorum, vel non multò amplius existēs,
 filiū genuerit, sed qui minima ætate genuerūt,

annorum CLX. & quod excurrit, fuisse referri, quia nemo (inquiunt) x. annorum homo potest gignere filios, qui numerus tum c. appellarentur anni, sed in annis xvi. est matura pubertas, & proli iam idonea procreandæ, quos CLX. annos ea tempora nuncupassent: hanc assertionem ex hebræis codicibus redarguit & cōvincit, ubi Adam cxx. annorum, non cccxx. fuisse reperitur, quando tertium genuit filium, qui anni si non nisi xiii. nostri sunt, proculdubio primum genuit, quando xii. vel non multò amplius annorum fuit. Quis potest hac ætate generare vñtata nobisq̃ notissima lege naturæ? Sed hunc omittamus, qui fortasse etiam cū creatus est, potuit, non enim tam paruum, quàm infantes nostri sunt, factum fuisse credibile est. Seth filius eius nō ccv. sicut legimus, sed cv. cū genuit Enos, ac per hoc secundum istos, nondum habebat xi. ætatis annos. Cuius filius Cainan apud nos annorum CLXX. apud Hebræos LXX. tantū fuisse legitur, cū genuit Malaleel. Quis generat homo septennis, si tunc anni LXX. nuncupabātur, qui vii. fuerunt? Dicit ergo aliquis, Itanè credendum est, hominem filios incessanter generaturum, nec habentem continentie propositum, c. & amplius, vel iuxta Hebræos, non multò minus, hoc est LXXX. LXX. LX. annos à concumbendi opere vacauisse, aut si non vacaret, nihil prolis gignere potuisse? Hęc questio duobus modis soluitur. Cap. 15. Aut enim

*Generandi
tempus ma-
sculo, & iſe
ſemina.*

*Generatio-
nes Cain,
Seth.*

tantò ſeriot fuit proportione pubertas (tem-
pus interprete ibi Viue, quo generationi ſunt
homines idonei, cùm pubes viris barbæ inna-
ſcitur: ſcæminis, mulieribus) quantò vitæ totius
maior annofitas, aut quod magis video credi-
bile, non hîc primogeniti filij commemorati
ſunt, ſed quos ſucceſſionis ordo poſcebat, vt
perueniretur ad Noë, à quo rûſus ad Abra-
ham peruētum eſt, ac deinde vſque ad certum
articulum temporis, quātum oportebat ſigna-
ri etiam generationibus commemoratis, cur-
ſum glorioſiſſimæ ciuitatis in hoc mundo pe-
regrinātis, & ſupernam patriam requirentis.
Cùm enim generationes digeruntur, aliæ per
Cain, aliæ per Seth, nullus de progenie prioris
dinumerata, ab Adam vſque ad octauam gene-
rationem, quot annorū fuiſſet, expreſſus quā-
do genuit: Noluît enim Dei ſpiritus in terrenæ
ciuitatis generationibus tempora notare ante
diluuium, ſed in cæleſtis tanquam memoria di-
gnioribus maluit. Porro Seth quādo natus eſt,
non taciti ſunt anni patris eius, ſed iam genu-
erat alios, & vtrum ſolos Cain & Abel, aſſirma-
re quis audeat? Non enim quia ſoli nominati
ſunt propter ordines generationum, quas com-
memorare oportebat, idè conſequens videri
debet ſolos fuiſſe tunc ex Adam. Cùm enim
cæterorum nominibus ſilentio coopertis, le-
gatur genuiſſe filios & filias, quota fuetit eius
proles quis aſſerere præſumat, ſi culpam teme-
ritas euſtat? Potuit quippè diuinitus dicere,

postquam Seth ei natus est, Suscitauit mihi Deus semen aliud pro Abel, Gene. 4. quando talis erat futurus, qui impleret eius sanctitatem, non quod prior post eum temporis ordine nasceretur. Deinde qui huius Seth & aliorum filij commemorantur, quos tot annos nati genuerunt, quis nisi inconsideratus eos illorum primogenitos fuisse asseueret, vt admirantes meritò requiram⁹, quomodò per tot annos immunes fuerunt à conubio sine vllò continentix proposito, & non genuisse coniugati, quando etiam de vno quoque legitur, Gene. 5. & genuit filios & filias? Cùm ergo ij nec filios filiasque genuisse reticeantur, nec per hoc omnino appareat, an qui nominatur genitus, fuerit primogenitus, imò verò quoniam credibile non est, patres illos ætate tam longa aut impuberes fuisse, aut coniugibus caruisse vel fœtibus, nec illos eorum filios primos eis natos fuisse credibile est. Generationes ergo ante diluuium commemoratas, non quæ primæ suis parentibus fuerint, sed quæ in propagationis ordine, ad ortum vitæque Noë, ad quem sacræ scriptor historix successiones ducere, & notatis temporibus peruenire intenderat, ductæ sint & peruenerint, ne seræ pubertatis veterum hominū obscura & nō necessaria quæstio nos fatiget. Sic Euange. Mat. 1. Luc. 3. generationē Dominicæ carnis per seriē parentū volētes cōmendare memoriæ, patriarcharū filios, Abrahami Isaacū, Isaaci, Iacobum,

*Generatio-
nes ante di-
luuium quo-
modo, & qua-
re cōmemora-
ta.*

Iacobi Iudam, Iudę Phares, non utique primogenitos, sed per quos orsi ab Abraham ad David primitus, & inde quò intenderant, peruenirēt, eos in ordine generationum tenuerunt, non verò prius eis genitos Ismaëlem, Esau, Rubē, & quos antè iam tres genuerat Iudas : quia per hos quò intendebant, peruenire non poterant. Habemus ex Augustino geniturę, & sic nuptiarum tempus, pubertatem siue adolescentiam, & obiter quę huius occasione inciderunt nonnulla alia, non omnino tamen aliena. Labet huius tanti viri (in quo omnium libentissimè versamur) ex præsentis argumēti occasione, in eo paululū adhuc morari, Is enim cū iā tricenarius instāte matre nupturiret, & puella peteretur fermè biēnio minor, quàm nubilis, & quia ea placebat, expectaretur, Sic interim totus ad Christum cōuersus est, ut nec vxorē quæreretur, nec filios, & baptizatum quidem fuisse annis maiorem triginta scribit in eius vita Posidius, cap. 2. nec addidit quot annis natu maiorē. Certè si nō aliquātulo maior regenerat⁹ est, adolescentē admodū fuisse oportet, cū is generauit, ut qui Adeodatū naturalē sibi relictū filiū annorū fermè xv. sibi & Alipio suo in baptismo adiūctum testetur. Hęc passim in Confessio. lib. 6. cap. 11. 13. 15. li. 8. cap. 12. li. 9. ca. 6. At cū Soliloquiorū li. 1. cap. 10. annos xxxiii. agere se dicat, scripserit autem ea, ut cōstat ex Retractionib. lib. 1. cap. 4. adhuc catechumenus, tanto tricenario maior baptizatus est, ut nihil opus cum

fit tam adolescentem genuisse, vt filium quindecennem iam baptizandus haberet. Nam & circiter annum xix. nō legitimam secum amicam habuisse, & anno xvi. ætatis carnis suæ carne ruisse. Sic iam pubescentem, & inquieta indurum adolescentia, vt pater eius quasi iam ex eo in nepotes gestiret, agnoscit ipse ac deflet, lib. 2. cap. 2. 3. lib. 4. cap. 2. & hac quæstiuncula & indagatione nos liberaffet, vt dixi, Posidius, si quoto ætatis anno baptizatus fuit Augustinus, expressisset. At ex adolescentiæ incontinentiæ ad quantò maiorem continentia gloriā resurrexerit vir tantus, indicauimus in libro de Digamia, cap. 8. propter quosdam malè feriatos, qui praua huius viri imitatione occasiones aut etiam excusationes frustra quærunt in peccatis suis. Vtinam magis scaperent, & Augustini media nouissimæque, nō verò iuuenilia, aut etiam puerilia prouiderent, & qui secuti sunt errantem, sequerentur pœnitentem. Sed & occurrit aliud, quod ex annorum supputatione, Salomon & Achaz vndecennes, & sic impuberes, & necdum adolescentes, videntur filios genuisse. Si enim prior anno ætatis xii. super Israël accepit imperium, & x l. annis regnauit in Hierusalem, filiûsque eius Roboan annum xl. agens, patri successit in Regnum, 3. Reg. 2. 11. 14. 2. Paral. 9. 12. perspicuū est xl. annorum fuisse Salomonem, siue x. quia x. menses à conceptu vsque ad partum mater sibi vëdicat. Posterior item annorum xx. Rex constitutus, re-

*Augustini
adolescentiæ
incontinentiæ*

gnauit annos xvi. quo mortuo Ezechias annos agēs xxv. patri successit, 4. Reg. 16. 18. 2. Par. 28. 29. Ex quo hic quoque intelligitur xi. siue x. anno filium procreauisse. In quib⁹ historiis siquidē aliter haberent lxx. aliter veritas Hebraica, confugere poteramus ad solita præsidia, & arcem linguæ tenere vernaculæ (id est Hebrææ) nunc autem cū & authenticum & interpretes cæteri pari autoritate consentiant, in sensu, non in scriptura difficultas est. Quis enim crederet mortalium, vt tam puer filium generet? Hanc quæstionē Hieronymus sibi à Vitali propositam tripliciter soluit, Primū multa quoque alia in scripturis incredibilia videri, vera tamen esse, Nec enim valet natura contra naturæ Dominum, nec legem facere potest, quod pro miraculo, signo, portentōque sit. Audiuisse sc, Deoque teste non mentiri, mulierculæ, cū expositum nutrirer infantem, & nutricis officio cibos instillaret, cubaretque cum ea paruulus iam decennis, accidisse, vt plusquā pudicitia patitur, mero ingurgitata, libidinēque accensa, obscænis motibus ad coitum duceret infantem, prima ebrietate alterius noctis & cæterarum deinceps consuetudinem faciente, mensibus necdum duobus euolutis, vterum intumuisse, Deique dispensatione factum, vt quæ contra naturam alumni simplicitate in Dei cōtemptum abutebatur, à naturæ Domino proderetur, impleto sermone quo dicitur, Nihil occultum quod non reueletur, Matt. 10. Marc. 4.

*Incredibilia
in scripturis
multa, vera
tamen.*

*Mulier à de
cenni puero
imprægnata.*

Luc. 8. 12. Sic ergò Regum vtrunque, quos non occultè scriptura voluptatis & impietatis accusat, à parua ætate libidini deditos, immatura eorum sobole demonstrari, quòd etiam eo tēpore peccare cœperint, quo natura nō patitur. Aliter dici potest, quòd in Regno David Salomon duodecennis solium patris obtinuerit, & quia scriptura reliquit incertum quot annos pater vixerit corregnante iam filio, qui sibi non filio imputentur, mortuo autem patre filius sine eo regnauerit annis xl. initiū Regni eius, & tēpus quo solus regnauit, ab historia demōstratū, nec omnes tamen annos vitæ illius. LII. tantum annorum circulis contineri. Quòd autem regnantibus filiis, patribusq; viuentibus his, nō illis, Regni tempus imputetur, si dubitas, inuenies quòd Ozia rege lepra percussio, & separatim habitāte, Ioathan filius imperium rexit, iudicaueritq; populū vsque ad diem mortis patris, & post cū xxv. annorū esset, xvi. annis regnasse dicitur, quos solus scilicet regnauerit, 4. Reg. 15. 2. Paral. 26. 27. Similiter de Achaz intelligendum, post cuius mortem ex Hebræi cuiusdam fabula, Ezechias filius nō statim imperio subrogatus sit, sed vel populi seditionibus, vel Iuda & Samaria discordantibus inter se regnis, aut certè premētibus malis, & belluis hinc inde consurgentibus, regnum eius fuisse dilatum. Post diuersas in rebus obscuris opiniones dehortatur Hier. ab huiusmodi quæstion. anxie tractādis, vt ab Apostolo iterminabilibus dictis

*Quæstiones
interminabi
les vitanda,*

& interdictis, 1. Tim. 1. & quibus hæere ad litteram, ac vel scriptoris errorem vel annorum calumniari nihil profit, sed hominis non tam studiosi, quàm otiosi sit. Et hoc ergò quoque obiter perstricto, propositum persequamur.

Ex Ethnicis, Quæ Lycurgus & Numa de nubili ætate tradiderunt, Reliquæ virginum institutioni sic, autore in horum comparatione Plutarcho, congruunt, ut ille maturas & virorum iam appetentes desponsset, quò congressus expectente iam tum natura, gratiæ sit benevolentiaque principium magis quàm odij ac metus erga maritos, si ante tempus incantur: tū etiam corporibus robur insit, ad cōceptus partusque dolores perferēdos, perinde atque ob aliud nihil nubentibus, quàm ad sobolem procreandā. At Romani, duodecennes, aut etiam iuniores nuptui tradunt: Sic enim maximè & corpus, & indolem puram illibatamq; viro præstari possit. Ætatum ergò illa ad procreationem prolis magis sequitur naturam, hæc ad vitæ contubernium moribus formandis accommodatior. Propius Numam, Græcus licet, quàm Lycurgum Plato ad finem 6. de Legib. nuptiarum tempus à xvi. in xx. annum, idque ad hoc longissimum puellæ instituit. Masculo à xxx. ad xxxv. Ridiculum verò, & inconstans, nec satis Platone dignum, quod lib. 11. conveniētiā ætatis ad nuptias & contrā, voluit iudicem nudos omninò mares, iudas quoque ad pubem vsque fœminas conspiciētem, iudicare. Quasi verò mares,

Nubili ætas

Plato taxat.

præsertim tricenarij, impuberes plus esse possint, quàm imberbes, verè modò mares. Eadem de Repub. dialogo 5. Oportet (inquit) viros optimos mulieribus optimis vt plurimùm congregari, & liberos ex robustissimis procreari. Adulti autem roboris moderatum tempus, mulieri quidem annum esse xx. à quo incipiens vsque ad xl. pariat. Viro autem xxx. vt postquàm acutissimum sui cursus vigorem transierit, inde vsque ad annum lv. procreat. In iis ætatibus cum corporis animique consistat vigor, siue senior, siue iunior generationem in còmuni attigerit, profanum scelus hoc & iniquum, quasi fœtus is in ciuitate seratur, qui si latuerit, oriatur quidem, sed non sub sacrificiis & votis, quæ singulis in nuptiis peragent sacerdotes omnes tam viri quàm mulieres, & vniuersa ciuitas, precantes vt ex bonis meliores, ex vtilibus nascantur vtiores, imò verò quod sub tenebris excrescat quadam incontinentia sit genitum. Quod autem sequitur aliter in Latino Platone, aliter in Hecatonòmiis Socraticis redditum est, Eadem, inquit, habenda eius ratio, qui in generandi adhuc ætate mulierem infra extravè generandi tempus constitutum attigerit, nimirum hūc gignere puerum spurium, incestum, lib. i. Numero 7. 8. 9. lib. 3. Num. 55. li. 4. Num. i. Neque verò hīc à præceptore dissentit Aristoteles, cuius hac de re in Politic. lib. 7. cap. 16. hæc est doctrina, Cum sit finis gignēdi annus vt plurimū viris quidem lxx. fœminis ante l. sic coniugā-

*Gignendi
finis qui sit.*

di ab initio sunt, vt ætatibus ad hunc finē concurrant. Est autem adolescentiorum coniūctio ad procreationem incommoda, in cūctis enim animantibus imperfecti sunt partus iuueniles, & fœminarum crebrius quàm mariū, exiguaq; corporis statura gignuntur, quod & in hominibus fiat necesse est. Quod hinc conici potest, quòd quibus in ciuitatibus ex consuetudine iuniores cum puellis coniunguntur, in eisdē minora sunt & pusilla natorum corpora, plus etiam in partu laborant iuueculæ, & pleræque moriuntur. Itaque oraculum Troëzenis datū, multas periisse propter fructuum immaturitatem, non collectionem, quòd puellæ ante tempus nuptui darentur, Quas serius dari & ad cōtinētiā expedit, quia quæ iuniores veneri affuescunt, fiunt incontinentiores, & masculorum corpora crescere impediuntur, si incrementi adhuc tempore (& hoc enim determinatum est, sic vt non multò amplius excedat, de quo Macrobius in Somnium, lib. 1. cap. 6.) rei vere dant operam. Puellas ergò circiter annum xviii. nuptui tradere conuenit, masculos circiter xxviii. Hoc enim tempore vigentibus corporibus coniuncti, procedente simul aptè gignere desinent, & filiorum erit continuatio, iis quidem in ætatis vigore natis, si statim fiat procreatio, illis verò inclinante iam ac deurgēte ætate, quod in Aristotele notat Valia, lib. 1. Dialectic. cap. 10. nec tamen aliter sibi non placere quàm obiter innuit, vt robusti sci-

Iuniores puella veneri assueti incontinentiores fiunt.

licet nascantur filij, neu sint parentibus penè fratres. Et verò patres vix ita vnquam aui fierent, aut filiorum viderent filios, nisi propè octogenarij. Non sic Heroïnæ nostræ, non sic, quarum quædam se inter pocula iactabat auiam fuisse annos natam **xxiiii**.

Quandiu autem, quantumvè temporis liberis operam dare conueniat, non omisit idem, *Liberis quam diu opera danda.*

Seniorum enim fœtus, vt iuniorum, minus absoluti robustique & animo & corpore, in hominibus autem maxima ex parte ingenium valet circiter annum **l**. Qui hanc ergò ætatem annis quatuor aut quinque exceßerint, relinquere debent progenerandi studium, de cætero, vel sanitatis, vel alia huiusmodi causa congregi. Congressus autem omnis alterius mulieris quàm coniugis, indecorus, inhonestus, & penitus interdictus, cùm sit appelleturque maritus: vt si quis tempore procreandis liberis præscripto, secus fecisse deprehendatur, dignam pro delicto reportet ignominiam.

O semicastum Aristotelem, præsertim si nulla ei cum Hermiæ seruula consuetudo fuisset! *Aristoteles taxatus.* quod post Laërtium & Plutarchum obseruauit Crinitus, lib. 10. cap. 3. de Honestâ disciplina. Inhonestam sanè rem, & tanto philosopho indignam: sed mulieres vtique infatuant etiam sapientes, Ecclî. 19. Castius aliquantò præceptor (communione vxorum semper excipio) Procreationis (ait) obseruatio deceniũ non excedat, quando assit generadi fœcunditas. Qui ei

Inhumanitas.

vacant, si postquam secundum leges filios procreauerunt, alienæ vir uxori, vel viro mulier, eis scilicet adhuc generantibus, pœnis eisdem subiaceant, quibus & dum ipsi gignebant. Post liberorum procreationem castè viuentes, summo opere in his omnibus honorentur: qui contrà, vituperentur, vbi suprâ 6. de Legib. Hecatonomia 3. Numero 92. 98. 99. Inhumanè autè, quòd dum suarum ciuitatum focorum numerum sic determinat, vt nec plures esse velit, nec pauciores, nolit consequenter primùm parentibus liberos vltra censum nasci, deinde contra leges suas aut genitos in lucem edi, aut natos nutriri, sed exponi, & fœminam vel nimis diffusuentem, prohiberi: vel deficientem, vt augeatur, curari, ex pluribus autè liberis, vnū quem malit pater, hæredem successorémque reliqui, reliquos alibi, fœminas quidem collocandas, mares autem ciuibz illiberibus adoptione cōmittendos: alios, quibus nimio procreandi studio sic aucta sit ciuitas, vt numerum excedat, & ita inopia prematur, in coloniam mittēdos, Hecatonomia 2. Nota 24. 25. 26. 27. Ex lib. 5. de Legibus. 2. & 5. de Repub. Inhumanius adhuc quod lib. 3. ab Æsculapio factum, vt corpora penitus morbosa & intus corrupta curare non aggrediretur, ne sic agrè viuerent homines, & valetudinarios, sibi que & ciuitati nihil conferentes generarent. Inhumanissimū quod Aristoteles vbi suprâ, nihil natura mutilū educari lege cauet, vbi verò mores aut ciuitatum insti-

instituta natos vetant exponere, constituendum certum procreandorum liberorum numerum, præter quem si quid euenerit, conceptum, ne animetur, dilutionibus impediendum, nam ubi fœtus sensu atque vita prædit⁹ fuerit, sanctum est, & nefas attingere. Durum inquam, hoc & minus sanum, ex Lycurgo fortè sumptum, In cuius vita Plutarchus autor est, fœtus difformes, mælicos aut distortos secus Taygetum exponi solitos, quasi qui membris aut organis ad naturæ functiones necessariis orbat, minúsq; robusti censerentur, neque sibi neque Reipublice victuri essent vtilis. Ita mundi sapientum sapientissimi, hoc est, fatuorum maximè fatui. Adeò verum est, vanos natura omnes esse homines, in quibus non subest Dei scientia, siue notitia, Sap. 13. Sic inquam, philosophi, maiore habentes coniugalis officij quàm remedij rationem, vt huius contra magis quàm illius respectu, secundum iura publica annus XII. in fœmina, XIII. in puero pubertatis definit ætatem. Quo argumento Horus apud Macrobius, lib. & cap. 7. fœminam quàm marem amplius calere, quòd cùm calor generationis causa sit, celerius ea fiat ad generandū idonea. Et in Somnium, lib. I. cap. 6. post annos bis septem ætas necessitate pubescit, tum enim moueri incipit vis generationis in masculis, & purgatio fœminarum. Sic exponit Beroaldus in Tiberium Tranquilli, cap. 61. Immaturas puellas, nòdum puberes, nec viro tempestiuas, quas viripoten-

*Mundi sapiē
tiam fatuissas*

*Fœmina quæ
mas anidior.*

tes iura vocāt, Caius in l. Mulieres. d. de Verb. Signif. Iustinianus Institu. de Nuptiis. **Quin** & Augustus Dioni. lib. 54. & Zonaræ tom. 2. cū quidam eius tempore infantibus sibi desponsis fraudem legi de maritandis ordinibus facerent, & pacti nuptias, præmiis coniugum fruerentur, res siue coniugum opus non repræsentaretur aut præstaretur, id vt corrigeret, edixit, ne qua pactio nuptialis rata esset, vbi ultra biennium nuptiæ differrentur, & omnino ea x. annos nata esset, si quam despondere aliquis & ex ea commodum percipere vellet: puellis enim xii. annus, perfectus maturitatis ad nuptias terminus habetur. Quod vt breuius, ita obscurius tradidit cap. 34. Suetonius, cum sentiret sponsarū immaturitate vim legis eludi, tēpus sponfas habendi coarctauisse, etiam si esse qui aliter locum hunc interpretentur, notet ibi Beroaldus & Sabellicus, quasi vel id ad voluptatem, non ad sobolis vsum fieri apparet, vel sponsi iuencularū, vt hodiè vetularum quidam, bona magis quàm coniugia ita caprarent: Quē sensum sequi videtur Xilander Dionis interpres. Platoniam verò nupturientium nudationē tum adhuc & aliquam multò post durasse, coniecere est ex Fabio, apud quem legimus, lib. 4. cap. 2. vt apud Centumuiros quaeritur, pubertas annis, an habitu corporis æstimetur, quasi ea res Quintiliani adhuc ætate dubia esset, tantò post per Iustinianum decisa, vt sublatā in examinanda marium pubertate, inho-

Pactio nuptialis ultra biennium dilata, irritanda.

Pubertas nudatione corporum non iudicanda.

nesta, indecora, & Christiana castitate indigna, corporis habitudinis indagatione & inspectione, masculi quidem post annum xiiii. puberes, fœminæ post xii. completum, etiam viripotētes esse credantur. c. Quando tutores, &c. l. 3. & Institut. Quibus modis tutela finiatur in principio. Quos ætatum nubilium limites secuta est posteritas. Isidorus lib. ii. cap. 2. ubi de hominis ætatibus, eorum quæ antè congestimus, nonnulla repetuntur, & huius fragmentū citatur in ca. Puberes. Extra. de desponsatione impuberum. Quo titulo Sponsalia sic circiter septennium contrahi permittuntur, vt non tamen ante duodecennium matrimonia rata sint, aut consummata fiant, quanquam qui est matrimonialium causarum fauor, & humanæ infirmitatis intuitus, talium iudicibus considerandum relinquitur, vbi vel carnis interuenerit cōmixtio, cum interdum ea pubertatis tempus anticipet, id nisi tantum præ fragilitate nimirum tentantibus, quod complere non possunt, an etiam effectus fuerit secutus, vel ætatem sicubi aut malitia, aut prudentia suppleuisse videatur, In ca. A nobis, & sequentib. Item cap. Iuuenis. de sponsalib. & iisdem ritt. in 6.

*Servos dominis suis subditos esse, in omnibus
placentes, non contradicentes, non fraudan-
tes, sed in omnibus bonam fidem ostenden-
tes, ut doctrinam Salvatoris nostri Dei or-
nent in omnibus.*

Rostquàm vtriusq; sexus & omnis æta-
tis homines liberos instituit, ad ser-
uorum transit institutionem: quæ est
popularis disciplinæ pars tertia, cuius
rationem mox subiungit, Dei quæ omnibus in
Christo apparuit, gratiã, ut qui cùm dicat, Ve-
nite ad me omnes, Matt. 11. qui laboratis, & cla-
met, Ioan. 7. Si quis sitit, veniat ad me, nullam
conditionem, sexum, ætatem arbitratur à salu-
re alienam, aut à beatitudinis accessu repellit.
Similiter Apostolus ut superius senes, anus, a-
dolescentulas, iuvenes quid Titus doceret, eru-
diuit. Ira nunc servis, ut Ecclesiæ patri, Christi-
que corporis membris, apta præcepta consti-
tuit. Seruilem ergò conditionem ad omnimo-
dam heris suis in Christo subiectionem sic in-
ducit, hortare, supple, ut suprà, *Servos dominis suis
subditos esse*, ut ipsi quoque decenter ad Christi
gratiam eis pareant, atque seruiant, & siue bo-
nis, siue malis, siue fidelibus, siue infidelibus, si-
ue modestis, siue morosis, dyscolis, 1. Petr. 2. at-
que difficilibus, nihilo debitam minus reueren-
tiam & obsequium exhibeant, non verò spiri-
tualis, quam in Christo cōsecuti sunt, libertatis
occasione cōtra carnales dominos suos erigā-

tur aut superbiât, sed humiliter eis subiiciâtur. Et hîc diligenter attendendum, quomodò præcepta personis congrua decernât. Filiis alibi obediētiam, filios quippè nihil tam decet quàm parentibus obedire. Mulieribus & seruis subiectionem, eodem verbo vsus, quodâ enim modo maritus vxoris est dominus. Dominabitur tui, inquit Gene. 3. De iure autem herili, & serui tum subiectione tū obedientia, toties, Serui obedite, subditi estote, seruite, honorem impendite dominis carnalibus, etiam prauis, cum timore, tremore, in simplicitate cordis, & bona voluntate, siue beneuolentia, sicut Domino, nō hominibus neque ad oculum seruiētes, Eph. 6. Col. 3. 1. Tim. 6. 1. Petr. 2. Quod autē hîc sequitur, *in omnibus*, idem valet quod in locis superiorib' *per omnia*, & dominos *omni* honore dignos arbitrentur, & in *omni* timore subditi sint. Nec mirum, cū iidem velint & liberos quoque parentibus, & coniugibus vxores *in omnibus* similiter & *per omnia* subesse atque parēre. Eandem igitur in illis, quam in his expositionem admittit, in licitis tantum & honestis, quæ ad corporale Dominorum ministerium pertinent, quæque iustè domini imperant, & non sunt Deo

Subiectio mulieribus & seruis conuenit

Licita & in ista debet esse dominorum imperia seruis.

adeoque creatæ potestatis, Act. 4. 5. & quod de coniugibus dictum est, 1. Cor. 7. non est aut frater, aut soror in huiusmodi subiecti. Paruit Dauidi puer iubēti eum qui Saulem scilicet Christum Domini occidisse mentiebatur, percutere, 2. Reg. 1. Non debuit Sauli parēre Doëch cū aliis Regiis emissariis aut satellitibus, ut Domini sacerdotes trucidarēt, 1. Reg. 22. Non serui tortores aut carnifices tyrannis heris, ut scirent in sanctos Christi martyres. Et apud Græcos quidam hunc esse lectionis ordinem notat D. Hieronymus, ut hæc particula ἐν ταῖς ad præcedens referatur: quosdam autem hunc locum ita legere, ut postquam hucusque distinxerint, inferāt *in omnibus placentes*, & sic contrā distinguere & habere Græcos hodiè codices annotat Erasmi, id est, ut in omnibus placeant, porrò *ἐν ταῖς* idem Hieron. non plenè (inquit) licet, ex parte tamen aliqua interpretari possumus, ut sibi cōplaceāt, ne videlicet super cōditione sua videatur iniqua esse Dei sententia, sed uti pauper iuxta mensuram suam saluari potest, mulier in sexus infirmitate à Dei regno non excluditur, & omnis conditio secundum ordinem suum beatitudinem capere potest, sic & serui sibi cōplaceant quòd serui sint, nec ideo putēt Deo se seruire non posse, quòd hominibus subiecti sint, sed in eo Dei magis placere voluntati, si & dominis suis subditi sint in omnibus, & in sua sibi conditione cōplacuerint, & quæ deinceps Apostolus præcipit, exequātur. Et cur sibi tantopere

Doëch Saul.
lis emissarius
reprehensus.

displiceret? erat & Saluator subiectus parentibus suis, Luc. 2. & nihil à seruo differebat, dominus omnium, cum duodecennis, necdum ad perfectam viri ætatē, quæ posset hæreditatem capere, peruenerat, sed & alibi patri subiiciendus, quasi omnibus nondum ei adhuc subiectis, scribitur, 1. Cor. 15. quin & pro nobis seruis Dominus subiicitur, & vel subiectus dicitur, vel non subiectus, si Deo vel subditi fuerimus, vel non subditi. Subtilis quidem expositio, sed & paulò fortè coactor, ut serui scilicet sibi, non heris suis placeant aut satisfaciāt, & suam fortunam, seruitutem, & subiectionem, qualiscunque sit, boni in Christo consulant, quod piissimum quidem est, sed ab huius loci interpretibus Græcis, & Latinis aliis discrepat, & sequētibus, de non respondendo aut contradicendo dominis, minus cohæret, quibuscū magis congruit, ut placitos, & quod Latinus habet Chrysostomus, gratos, quique modis omnibus dominis suis placere studeant, hinc intelligamus. Nam & Paulus *ivk-
gēsov* alibi dixit, quod gratum esset & placeret, Rom. 14. qui in hoc seruit Deo, placet Christo 2. Cor. 5. contendimus siue absentes, siue præsentēs *ivk-
gēsov kv τῷ κυρίῳ*, placere illi, Phil. 4. hostiā placentē Deo. D. Ambr. legisse videtur *ivk-
gēsus*, nā vertit optimos. Aquinas pro sua diligentia utroq; referri posse observauit, ut intelligantur vel in omnibus subditi, ad quæ scilicet se extendat ius dominatiuæ potestatis, vel in omnibus placiti. Debet enim seruorum ea esse subiectio,

Saluator parentibus subiectus, & Patri subiiciendus.

primò vt sine offensione, murmure, & tarditate seruiant, per omnia placentes Deo, Col. i. & hominibus, sicut per omnia omnib⁹ placeo, i. Cor. 10. Sed cōtrā, Si hominibus placere, Christi seruus nō essem, Gal. i. respōdet, placere homini propter hominem vituperabile: propter Deum, laudabile. Secūddò vt sint sine repugnantia, nec repugnent aut rebellent: ideò subiūgit, *Non contradicentes*, μὴ ἀντιλέγοντας, quod elegāter reddidit Ambrosius, respōsatores. Sunt autem

Responsare. frequētatiua Latinis non infrequētia, Respōso & Respōsito, quod vel maximū esse seruorū vitiū notat & meritò Hieron. dominis aliquid iūbētibus cōtradicare, respōsare, secū mussitare, murmurare. Monet itaq; vt per doctrinā sanā à seruis Christianis istiusmodi auferat passionē, Si enim quæ her⁹ imperat, necesse habet seru⁹ implere, cur id non cum bona faciat volūrate, sed & dominū offendat, tandem quod iubetur, facturus? Sic enim cum murmuratione faciens

*Murmuratio
nis malum.* & homini ingratus est, & mercedem nō habet apud Deū: maximè cū & ad aquam contradictionis offensū esse se passim queratur, & alibi de murmurante populo dicat, Desinat à me eorū murmuratio, & nō moriētur, Num. 17. iuxta LXX. Porro seruale vitiū esse tacere nō posse, agnoscit in Ecyra Parmeno Terēt. *Et illud* (inquit) *mihi maximū vitium est.* Act. 1. Sce. 2. Laudatur ab Heb. Sapiēte in seruo siue famulo celebritas, Vidisti (ait) virū velocē in opere suo, corā Regib⁹ stabit, nec erit antè ignobilis, Prou. 22.

Placere homini quatenus liceat.

Tacere non posse, vitium seruale.

Reprehenditur ibidem piger, qui si quò mittatur, causationibus detractat officium, & dicit, Leo est foris, in mediò platearum occidendus sum, Vrsus insidiatur, cælum est incòmodum. Extruditur, non mittitur, ad omnem interim occasionē cessat, & hæret, ne si maturè redeat, ad aliud negotium ablegetur. Est autem serui laus maxima nihil ex Domini iussis contemnere, sed impigrè industrièque vel supra vires conari cuncta exequi, & illius animi sententia, vt audiant potius quàm loquantur, ad quos dicitur, Tace & Audi. Sic Philo, in lib. De eo, quis Rer. diuinarum hæres sit. Sic Cato Censorius, Plutarch. teste, seruos instituerat, vt quærentibus quid faceret, nihil nisi nescire se responderēt. Oppositum huic extremū notat Prou. 29. Seruus verbis nequit erudiri, quod dicit, intelligit, & respondere cōtemnit. Media inter hæc, responsio mollis frangit iram, Prou. 15. Addo, & cita & prompta, Heris enim breui tantum verbo opus esse, vt vel annuāt vel renuāt, *vti n. 8.* aut verbis quidem, sed dimidiatis interim & semiplenis sat habere, si quid actum velint aut nolint, significare, Sic volo, Sic iubeo, vt extat de Domino multa simul sciscitante, & serui responso hic à Lochiensis lusus,

Seruum importunè, quæ sueta insania multis.

*Commotus simul hoc omne rogabat herus,
Dic scelus, an venit? an domi erat? Soluitne? negatne?*

*Cui trepidus famulus, non, ita, nil, aliquid.
Nec pluribus verbis simul vtuntur, aut minus*

sit iuxta prouerbialem veteremque versiculum

Omnis heros seruum, quàm

Omnis herus seruo monosyllabus. In cuius exposi-

*Monosylla-
ba & dissyl-
laba seruicō
venire.*

tionē annotatum à doctis obseruat Erasimus, monosyllaba & dissyllaba, *Mys, Danus, &c.* nomina seruis conuenire. Rursus magnatum nomina faciunt polysyllaba, qualia sunt Ariobarzanes, nabuchodonosor, Teglatphalazar, Pharnabazus. Plauto polypirgopolinices, Megalodorus, & hi scilicet principes, singula verba sua velut legē accipi volunt, ut quos sæpe quamuis pauca, grauent verba, quique solis nutibus suis obsequiū, & fidē non tā orationi quā personæ deberi putent. Vnde iis aptiorē esse breuē dictionē notat in Inuentione dialectica li. 3. cap. 5. Rodolphus Agricola. Et Crassus apud Gellium lib. 1. cap. 13. Corrupti dissoluique officium omne imperantis ratus est, si quis ad id quod facere iussus est, non obsequio debito, sed consilio non desiderato respondeat: Certè tali præceptore, quales idē ibi Crassus, Posthumius, & Manlius fuerunt, nihil in mandato recepto faciendum est aliter, quā præceptum est. Sed quia de dominio civili illic agitur, ad herile reuertor, & ad domesticum seruorum obsequium redeo, in quo Paulus tertio requirit, ut sint non fraudantes, Hieronymo, non furantes, siue suffurantes, non furaces. Hic vnum remouet, nempe fraudem, mox alterum astruet, nimirum fidelitatem. Ergo post contradictionem, responsionem, tarditatem, & aliud seruorum vitium doctrina Christi corrigit, *μὴ*

*Mandata do-
minorum qua-
liter exequē-
da seruīs.*

ροσφιζόμενος. Est enim *ροσφιζειν*, decerpere ac fur-
tim detrahere, cum totam rem tollere non au-
sis, quod serui solent, Sicut Ananias Act. 5.
ῥοσφιζηκεν, fraudauit, seposuit, detraxit, auertit &
interuertit de pretio agri, quem Deo consecra-
uerat, partem tantum afferens ad pedes Apo-
stolorum, & in Ecclesiæ conspectum represen-
tans. Sic serui callidè aliquid surripiunt, ne to-
tum ad Dominum perueniat, ab eius oculis re-
mouent, sibi & in vsum commodumque suum
seponunt atque recondunt. Quidam heri stu-
dio relinquunt alicubi nummos aliquot, velut
per obliuionem, vt explorèt an furax sit famu-
lus. Verum id non tam est furacitatē explorare,
quàm docere, obiecta nimirum occasione, quæ
sæpe corrumpit etiam integros. In nullis ergo
siue rebus sibi creditis, siue obsequiis, in nullo
seruitutis debito serui Dominos, aut opere ac
labore sibi imperato fraudent, vt ne cum labo-
rare debeant, otio vacent, aut fraudulenter ex
rebus Dominorum aliqua minuāt, aut alioqui
infideliter seruiāt. Seruis enim committuntur
Dominorum bona, vt est in parabola hominis
nobilis, qui peregrè profecturus, seruis ad se vo-
catis tradidit bona sua, Matt. 25. Luc. 19. Talis
Ioseph Ægyptio hero ministrabat, & omnibus
ab eo præpositus gubernabat creditā sibi do-
mū, & vniuersa sibi tradita, nec quicquā aliud,
nisi panem, quo vescabatur, nouerat. Ecce (in-
quiens Domine) Dominus meus omnibus mi-
hi traditis, ignorat quid domi suæ habeat, &

*Occasio su-
randi nō dā-
da seruis.*

*Ioseph fides
erga Domi-
num Ægy-
ptium.*

nihil non in mea potestate est, vel quod non mihi tradiderit, præter te, quæ vxor eius es, Genescos 39, vbi eandem idem gratiam clausus apud carceris magistrum siue præfectum inuenit, qui ei tradidit vniuersos vinctos, vt nihil omnium nosset, cunctis eidem creditis, & quicquid fieret, sub eo esset, & eius administratione fieret. Et verò illi contigit quod tantò post Salomon scripsit, Prou. 22. Virum in negotiis diligentem, à regibus euocandum, non apud homines obscuros remansurum. Vna enim die è seruo Dominus, è vincto liber, ex carcerarij vicario prorex factus, Gen. 41. Regiam inhabitauit pro carcere, extrema ignominia versa in honorem maximum. Hi sunt (inquit in libro de eo Philo) piorum euentus, facta enim sunt hæc, & fient sæpius, quando Deo placuerit, modò subsidat aliqua probitatis scintilla in animo, quam necesse est per occasionē excandescere. Et huius igitur occasione, qui de fraude omnium in herum maxima ab hera tētatus est, sed Dei gratia, non impulsus, nō possum non hīc obiter stomachari scortationem in famulis adeò frequentem esse, & pro leui culpa neglectam. At cū scabiem in domum inuehant, liberos ac familiam inficiunt, heram quoque interim & herum, an tum etiam lenis culpa videbitur? Non opinor, humanum est amare, præsertim licita, sed hic amor multa mala docet, dum improbis artibus quæritur, quod detur petaci amicæ, quod ad cultum niti-

*Amare quæ
tenus licitū.*

diorem suppetat. Omnium verò maximè detestabiles, qui domum in qua famulantur, inquinant, & velut aues immundæ, nidum suum libidine conspurcant. Quo argumento, ut nulum in Comœdiis Gallicis frequentius, ita vix alia in re nihilo interim Domini seruis melius se gerunt, aut minus ventris voluptatibus seruiunt. Meritò turpe esse Socrates aiebat, si quis talem se faceret, quales nemo domi vellet habere seruos. Quos etiam se mirari dicebat Diogenes, qui cum viderent dominos plus æquo voraces, non iis cibos eriperent, Nā hoc esset dominorum valetudini consulere, & seruis magis conuenit edacitas. Sed ad furacitatē redeo, Ne fures ergo serui sint. Furem autem hīc Hieronymus non solum in maioribus, sed etiam in minoribus iudicat, Furātis enim mēs, non id tantum quod furto ablatum est, attenditur, quantumcunque seruus abstulerit, furti crimen incurrit. Vnde in Moyse lege fur interim quadruplum aut septuplum reddere compellitur, interdum venditur, interdum & obtruncatur, Exod. 21. 22. Hoc autem in seruo si prohibetur, quanto magis in libero, ne iudex rapiat, miles aliena vastet? Pulchrè quidam vir apprimè grauis, laudanti iudicis integritatem, dicentique quod fur non esset, respondit, optimum seruum facere, si nec fugitiuus esset, tantū furti suspicio ab omni libero aliena esse debet. Hæc obiter de furto Hieronymus ad litteram. Sint itaque serui dominis in omnibus

Comœdiarum Gallicarum argumenta frequentissima.

subditi, sint conditioni suæ placentes, vt seruitutem asperè non ferât, Dominis non contradicant, neque fraudent aut furentur, *sed in omnibus bonam fidem ostendentes*, vt summam, & vt legunt Ambrosius & Hieronymus cum Græcis, omnem fidem seu fidelitatem heris præstent, & verbis & factis, etiam in minimis quæ illis creduntur & conceduntur, vel in omnibus actionibus suis Christianam fidem bonam esse, id est, vtilè ostendant, & in opere bonum esse quod credunt, commonstrent, quod satis conuenit ei quod sequitur, & nusquam non diligenter vrgent Apostoli, In coniugibus, vt se inuicem Deo lucrifaciant, 1. Petr. 3. In parentibus, vt liberos in disciplina Domini educent, Eph. 6. in vxoribus, vt viros ament, ne verbum Dei blasphemetur, suprâ eodẽ. & propter eandem causam in seruis, vt heros honorent, non contemnant, 1. Tim. 6. ne nomen Domini, & doctrina malè audiat. Ita hîc quod subiūgitur, ad omnia superiora de seruis erga dominos præcepta refertur, quasi diceret, Quo hæc cuncta fine facienda? nûm propter herilem fauorẽ, ac non potius ob Dei gloriam? vtique vt sic faciando *doctrinam saluatoris nostri Dei ornēt in omnibus*, Ornamentum enim doctoris, honesta discipuli conuersatio, vt & infirmi sanitas, medici laus. Si ergo ex operibus fidem, & nos esse bonos ostendimus, glorificatur pater cælestis, Matth. 5. Laudatur Christi doctrina: eadem

Fides à quibus & quibus præstanda.

Discipuli honesta conuersatio, ornamentum doctoris.

propter nos secus facientes, maledicatur, Esa. 52. Ezech. 36. Rom. 2. Ita hîc cùm serui Christi fideles facti, deuotius vtique Dominis seruiunt, neque se subducunt, ex talibus eorum obsequiis collaudatur Christiana religio, quæ seruos sic instituat heris esse suis fideles atque subiectos. Si enim apud carnales Dominos in minimo fideles fuerint, incipient eis apud Deum maiora committi. Ornat autem doctrinam Domini, qui conditioni suæ apta facit. Confundit, qui non est subiectus in omnibus, cui conditio sua displicet, quique contradictor & fraudator in nullo bonam fidem ostendit.

Quo enim modo fidelis esse potest in substantia, id est, doctrina Dei, qui carnali Domino fidem exhibere non potuit? iuxta illud Domini, Lucæ decimosexto, eum qui in minimo modicovè iniquus est, & in maiori iniquum esse. Si ergo in iniquo mammona, & alieno fideles non fuistis, quod verum est, & vestrum est, quis dabit aut crede vobis? Bonis ergo operibus & fide doctrinam dicit ornari Dominicam, tunc enim placidam esse ac decoram, si eam qui proficitur, amabilem facit, non exosam, factis scilicet abnegans. Nec enim indecorum esse potest, quod verum est: Cùm ergo dicta sequentibus factis implentur, ostenduntur vera, ac per hoc decora. Tunc possunt Domini

*Doctrina vt
placida fiat
& decora.*

non tantum seruos à fide non prohibere, sed & gaudere, quia fidem eorum vident sibi proficere: nemo enim Dei fidem custodiens, hominibus infidelis esse potest, iuxta illud eiusdem vbi supra Domini, cum qui in minimo fidelis est, & in maiori, seu multo fidelē esse. Sic Latinorū præstantissimi Ambrosius & Hieron. quorum fragmentū legim⁹ in cā. Si apud. 23. q. 5. Addit Lyrā⁹ S. Paulini exēplū, qui Vaudalo Regi sic infideli seruiēdo, hoc est, fidē suā bonis morib⁹ ornando, sui suorūq; omniū ciuium à seruitute liberationē à Domino suo emeruit. Regij enim horti cultor munus id tam dextrē obiuit, vt meritō cū omnibus charissimus, tum ob conspectus venerationem mansuetosque mores, & ingētem virtutem, prophetiæ etiam gratiam ac euentum de Regni mutatione, dignus habitus sit, & tantum apud nouum Regem meruerit, vt qui pro vnus viduæ filij liberatione seipsum, venditis suis omnibus, in seruitium obtulerat, libertatem sibi acciperet & aliis impetraret, ex Africa Nolam liber cum suis popularibus non sine magna frumenti copia, in patriam postliminio & triumphanti similis, remissus. Sabellicus in exemplis, li. 3. cap. 8. lib. 8. cap. 2. Fulgosus lib. 2. cap. 5. Marullus lib. 1. cap. 2. &c. Adfuit his Anselmus ex glossa ordinaria, hanc clausulam non ad seruos tantum referendam, sed ad omnes quoque supra nominatos, senes, anus, adolescentulas, iuuenes, quatenus omnes tales sint, vt diuinam doctrinam honestis

honestis moribus, quasi margaritis & gemmis adornent. De quo spiritali per opera bona ornatu, 1. Tim. 2. 1. Pet. 3. & alibi. Sequitur Græcorum in hanc periodum enarratio, huc studio dilata, tum quia prolixior, tum quod de seruorum conditione ac officio pluscula continet. Ut qui vxores à viris continentia prætextu separar, sic qui seruos à Dominis religionis itidē obtentu seducit, reprehensione dignus est, multam enim multis, ne dicā omnibus, infidelibus calumniādi nostri occasionem tribuit, eorumque aduersus fidem ora linguasque relaxat & aperit. Quod, ut est diligens, non est oblitus Aquinas. Et quare, inquit, monet hoc tam frequenter Apostolus? Hæresis enim cōperat apud Iudæos, quasi Dei serui homini seruire non deberent. Et illinc etiam fortassis ad Christianos deriuatum, quasi per Christum filij Dei facti, non magis esse hominum serui deberent. Nolite (aiebant) fieri serui hominum, 1. Corinthio. 7. &, apud Deum & in Christo non est neque seruus neque liber, ad Galat. & Colossen. 3. At verò Christus per fidei iustitiam non venit ciuilem tollere, seu politicum ordinem, imò cōfirmare, quo scilicet alius alij subditur aut seruit, sed corporis seruitute seu subiectione, & nunc quidem per eundem liberamur à seruitute, sed animæ, à corporis, ut corruptione, ita seruitute, in futuro demum liberandi, Rom. 8. cum tradiderit regnum Deo &

*Subiectio in-
ter se creatu-
rarū omniū.*

& patri, 1. Cor. 15. euacuata tum omni humana præfertim prælatione. Ceterum dum & quando durat mundus hic, angeli angelis, dæmones dæmonibus, homines hominibus, alij aliis prælati, alij aliis subiecti sunt, vt habetur in Sentiis Theologicis lib. 2. & 4. Distinctionibus 6. D. & 47. E. Pergunt autem ita Græci. Conuenienter igitur alibi dicit Paulus, quasi Deo, non hominibus seruientes, & si hero tuo cum beneuolentia inseruis & ministras, eius tamen tum origo & occasio à Dei timore proficiscitur, tum honos ad eum recurrit, tum apud eundem & ab eodem omninò merces. Admonet ergo omnium quæ maximè seruos decent, quæque heros illis placant & conciliant, non obloqui, nō furari, fideles esse. Hæc enim mundi negotiis addicti maximè curant, & potissimum expectāt. Nam si nec linguam cōerces, nec manum contines, quā admirari possit gentilis dogma Christianum? Sin aduerterit seruum apud se in Christo philosophantē, & continētius, modestius, magisq; quā cōseruos gētiles, inseruientē, quo cōtrā modo religionis nostre vim tantā, vt animos in melius cōuertat, nō vel sentiet, vel mirabitur? Cedit id profectò in Christianismi gloriā, à quo seruus sic sit institutus. Nec enim ex verbis dogmata, sed ex rebus atq; vita gētiles iudicāt. Sint igitur illis vt uxores, ita & serui in exēplum rectissimæ cōuersationis norma. Quippè apud quos vbique ferè terrarū in confesso sit, seruorū genus vt pluri-

Seruum vitiā.

mū, improbū, imprudens, impudens, impudicum, lubricum, formatu esse perdifficile, parum ad capeſſendam tum doctrinam, tum virtutem idoneum, neque id natura ſic faciente, Abſit, ſed vt illiberaliter educatum, nec bonorum virorum verbis, diſciplina, aut cōuerſatione rectè inſtitutum, magna dominorum in primis, in quorum iure atque ære ſunt, in formandis eorum moribus negligentia, nihil fermè aliud quàm ſeruile miniſterium curatium, vt eorum ſi mores interim componere ſtudeant, ſui id modò gratia faciant, ne ſi ſcortis, furtis, & vino ſeruiant, eis moleſti ſint & incōmodi. Cū itaque ſic negligentur, neminēq; habeāt eos cōponendi & formādi ſtudioſum, non mirum ſi in quæuiſ nequitia prærupta & præcipitia ruunt. Si enim vbi parentes inſtant, prædagoꝗ, nutritiuſ, magiſter, æqualis, libertatis conditio, aliāque id genus, perdifficile quiſpiam malorum conſortia contuberniaque deuitat, quid putas his omnibus deſtitutos, quique quotidie cum improbiſ verſantur, quibus volunt, licenter congregiuntur, cū eorum nemo amicitiaſ ſocietateſque diſquirat & excutiat, quid inquā, putas huiuſmodi hōmunculoſ fore? nonnè ad ſupremum ſclerum verticem euafuroſ? Adde quod nec doctrine quidem adminiculo fruuntur, nec noſtra, nec externa erudiuntur ſapientia, non cum viriſ & honeſtiſ educantur, & quibuſ exiſtimationiſ ſuæ ac gloriæ magna cura ſit.

Seruum ne glectuſ, ſerè improboſ eoſ reddit.

Ex his omnibus datur intelligi, quàm difficile, quàm mirum, seruum aliquando bonum atque vtilem fieri. Cùm igitur perspexerint genus adeò illiberale, ex religiōis nostræ cultu honestius ac modestius euasisse, etiã si valde stolidi fuerint & irracionales Domini, magna tamẽ concipient de fidei nostræ dogmatibus. Quantò enim deteriores antè fuerint, tantò magis, si ad bonam frugem conuertantur, virtus prædicationis eminebit, cuius si ornamento serui esse se, & Deo in hominibus seruire, gratiam præstare, Deique iussis obsequi nouerit, dominorũ quanlibet asperorum & incommodorum iras, indignationes, intemperias, reliquaque omnia facillè ferent ac tolerabunt. Hactenus Chrysostomus de seruis, non quales hodiè famulos

Helotes qui fuerint.

habemus, quosdam quasi helotas (sic enim Lacones, Plutarcho de Iracundia, vocabant homines mediæ conditionis inter seruos & ingenuos) sed quib. seruitutem seruientibus olim Hebræi & Pagani utebãtur, nunc etiam Turcæ, vtinam non & Christiani abuterentur, nos in 1. Tim. 6. & ad finem 2. Digression. quæ tum in buccam venerunt, diximus, neque nihil in nostri Pauli Philemonem, Deo dante, dicturi sumus.

Digressio. VIII.

Totam autem de seruis infidelium disci-

plinam ad fidelium famulos Paulus ita breuiter aptauit, hoc, ait, magis seruiant, quòd fratres, quòd fideles, quòd dilecti, quòd communis in Christo gratiæ participes. Hinc etiam (ait alter) pax oritur domestica, id est, ordinata imperandi obediendique concordia cohabitantium, Imperant qui consulunt, vir uxori, parentes filiis, Domini seruis. Obediunt quibus consulitur, mulieres maritis, serui Dominis, parentibus filij. Sed in domo iusti ex fide viuentis, & adhuc à ciuitate cælesti peregrinantis, etiam qui imperant, seruiunt eis quibus imperare videntur, Consulendi enim officio, & prouidendi misericordia, non dominandi cupiditate, nec principandi superbia imperant. Sic Augustinus de Ciuitate lib. 19. cap. 14. & sic prosequitur cap. seq. Hoc naturalis ordo præscribit, ita Deus hominem condidit, Dominamini piscium maris, volatilium cæli, & omnium humi repentium, Genescos 1. Rationalem factum ad imaginem suam noluit nisi irrationalibus dominari, non hominem homini, sed hominem pecori, Inde primi iusti pastores magis quàm Reges hominum instituti, vt. etiam sic insinuaret Deus, quid postulare ordo creaturarum, quid exigat meritum peccatorum. Seruitutis quippe conditio iure peccatori imposita, proinde nusquam scripturarum legimus seruum, antequàm hoc vocabulo Noë iustus peccatum filij vindicaret, Gene. 9. hoc itaque no-

*Dominari
quibus pro-
missum est ho-
mini.*

*Seruitus vn-
de manauit.*

*Serui unde
dicti.*

men culpa meruit, non natura, cuius etiam origo Latinis inde ducitur, quod qui belli iure poterant occidi, cum seruabantur, victorum serui fiebant. Prima ergo seruitutis causa, peccatum, ut homo homini conditionis vinculo Deo iudicâte subderetur, Omnis autem qui facit peccatû, seruus est peccati, ait supernus Dominus, Ioan. 8. per quod multi quidem religiosi Dominis iniquis, non tamen liberis seruiunt, à quo enim quis deuictus, huic & seruus additus est, 2. Pet. 2. Et utique foelicius seruitur homini, quàm libidini, cum sæuissimo dominatu vastet corda mortalium, ut alias omittam, dominandi libido. Hominibus autem, quo pacis ordine aliis alij subiecti sunt, ut prodest humilitas seruientibus, sic nocet superbia dominantibus. Nullus autem naturâ, in qua prius Deus hominem cõdidit, seruus est hominis aut peccati, sed & pœnalis seruitus ea lege ordinatur, qua naturalem ordinem cõseruari iubet, perturbari vetat, quia si contra legem non esset factum, nihil esset pœnalis seruitute coërcendum. Ideoq; Apostolus seruos monet Dominis subesse, & ex animo cum bona voluntate seruire, ut scilicet si nō possint libeti fieri, suâ seruitutē quodammodò liberam faciant, non timore subdolo, sed fidei dilectione seruendo, donec transeat iniquitas, & euacuetur omnis principatus & potestas humana. Et cap. 16. Interim qui habuerunt seruos iusti. sic quidem administrabant pacem domesticam, ut secundum hęc

temporalia bona filiorum sortem à seruatorum
 conditione distinguerent, ad Deum autem
 colendum, in quo æterna bona speranda sunt,
 omnibus domus suæ membris pari dilectio-
 ne consulerent. Quod naturalis ordo ita præ-
 scribit, vt nomen *patrum familias*, hinc exor-
 tum sit, tam latè vulgatum, vt iniquè etiam do-
 minantes hoc se gaudeant appellari. Verè au-
 tem tales, omnibus in familia sua tanquam
 filiis, ad colendum promerendūque Deum
 consulunt, desiderantes & optantes venire ad
 cælestem domum, vbi necessarium non sit
 officium imperandi mortalibus, quia neque
 consulendi iam in immortalitate fœlicibus,
 quò donec veniatur, magis debent patres
 quod dominantur, quàm serui tolerare quod
 seruiunt. Vocabulum autem patrisfamilias &
 antè adnotauerat Seneca 47. Epistola. Nec
 illud, inquit, videtis, quàm omnem tum in-
 uidiam dominis, tum seruis contumeliam ma-
 iores nostri detraxerint. Dominum, patrem-
 familiæ appellauerunt, seruos, familiares,
 &c. Et de seruitute peccati. Seruus, ais, est, sed
 fortasse liber animo. Seruus est, hoc illi nō no-
 cebit. Ostende quis non sit, Alius libidini, alius
 auaritiæ, alius ambitioni, omnes timori seruiūt.
 Nulla seruitus, voluntaria turpior. Et quod ser-
 uitutem sub Noë ortam prædiximus, profani
 ad Saturnū suū reiciunt: Cuius scilicet Regno
 & tēpore nondū quisquam seruitio vel liber-
 tate discriminabatur. Id intelligi, quòd Rom.

*Patresfami-
 lias vnde di-
 citur.*

Saturnalib⁹, vt de his libro primo capite septimo Macrobius. tota seruis permittebatur licentia, & 11. superiora Seneca facit sua. Iustin. libro quadragesimo tertio. Augustini autem sententiam totidem verbis Prosper repetit, inter huius sententias, capite centesimo sexagesimo tertio, centesimo sexagesimo quinto. Si quis autem domi per inobedientiam domesticæ paci aduersatur, corripitur seu verbo, seu verberare, seu quouis alio pœnæ genere iusto & licito, quantum societas humana concedit, pro eius qui corripitur, vtilitate, vt paci vnde dissipatur, coapteretur. Quia ergo omnis domus, initium siue particula debet esse ciuitatis: omne autem initium ad generis sui finem, omnis pars ad vniuersi integritatem refertur, satis apparet consequens, vt ad pacem ciuicam pax domestica, id est, ad ordinatam imperandi obediendique ciuium concordiam, ordinata imperandi obediendique cohabitantium referatur concordia. Ita fit vt ex lege. Ciuitatis præcepta sumere patresfamilias oporteat quibus domum suam sibi regat, vt sit paci accommodata ciuitatis. Huius doctrinæ de seruitutis tum etymo, tum origine consonant quæ idem in Genesim Quæstionum li. 1. cap. 15. sic tradit, Comendatur in patriarchis, quod pecorum nutritores erant à pueritia sua & parentibus suis, & merito, nam hæc est sine dubio iusta tum seruitus, tum dominatio, cum pecora homini seruiunt, homo pecoribus dominabitur, vt cum crearetur, Genes. 1. insinuatum est rationem habere dominari

Pecorum nutritores, patriarchæ.

vitæ irrationali, Seruum autem hominem homini fecit vel iniquitas, sicut dictum est, Male dictus Chanaan, seruus erit fratribus suis, Gen. 9. vel aduersitas, sicut accidit Iosepho, ut a fratribus venditus, alienigenæ fieret seruus, Gen. 37. 39. ita seruos, quibus hoc nomen Latine inditum est, primos bella fecerunt, qui enim superatus belli iure occidi poterat, seruus, quia seruatus, appellatus est, & inde mancipia, quia manu capta. Est enim ordo naturalis in hominibus, ut seruiant sceminae viris, & parentibus filij, quia & hæc illic iustitia est, ut infirmior ratio fortiori seruiat. Hæc igitur in dominationibus & seruitutibus clara iustitia, ut qui excellunt ratione, excellent dominatione, quod cum in hoc seculo vel per hominum iniquitatem, vel per naturarum carnalium diuersitatem perturbatur, ferunt iusti temporalem peruersitatem, in finem habituri ordinatissimam & sempiternam felicitatem. Ex his collegit hanc sententiam Prosper inter huius sententias, cap. 164. Nomen & conditionem seruitutis culpa genuit, non natura; & prima huius subiectionis causa est peccatum, unde melior est eius status, qui famulatur homini, quam qui suæ seruit cupiditati. Excessit ergo (ait idem in 1. Ioan. tract. 8.) modum homo, dum auarior voluit ut supra homines esset, qui supra pecora factus est. Sub cuius tractatus finem, eleganti Dei atque nostri dissimili, quo & iterum vititur in Psal. 69. innuit quam nostri erga Deum communem primum

*Seruus qui
fiat homo ho-
minis.*

*Mancipia
vnde dicta.*

Dominum, dein & famulos vt conseruos nostros, & illi nostri vicissim, rationē habere debeamus, Dixi Domino, Deus meus es tu. Cur? Quoniam bonorum meorum nō eges, Psal. 15. Ergo Deus seruos non habebit, si tu nolueris, si omnes noluerint? Deus seruis nō indiget, sed serui Deo & seruis. Idēd verus Dominus Deus qui nihil quatit à nobis, & vā nobis, si eum nō quæramus. Vestrū autem nullus valde verus dominus aut seruus, ambo homines, ambo Dei & vestri vicissim egentes, vterque vestrū altero vestrū indiget. Quid enim vterque vestrū? Ego (ait) egenus & pauper, pascat Deus subleuet, adiuuet, Deus adiuua me. Sed fortē in feriore non indiges, Si putas egere seruum tuū bono tuo, vt cum pascas, & ei panem des, eges & tu bono serui tui, vt te tuosque labores iuuet. Non tibi potes aquam v. g. implere, coquere, ante equum currere, iumentum tuum curare. Vides vt serui obsequio indiges, Non ergo verē dominus. Sed verē Dominus is, cuius vterque vestrū verē seruus est. Minas (ait alibi noster) remittentes, eadem seruis domini facite, sciētes quōd & illorum & vester Dominus in celis est, Eph. 6. Et paulō pōst in titulum, Psal. 70. Si ergo disciplina Apostolica seruum monet, vt homini domino ex voluntate, non tanquam ex necessitate seruiat, & libenter seruiendo, se in corde liberum faciat, quantō magis tota, plena, & libenti voluntate Deo, qui eam videt, seruiendum? Nam si ser-

uus tibi non ex animo seruiat, manum eius, faciem, & præsentiam videre potes, cor non potes: ait tamen illis Apostolus, Non ad oculum seruientes. Et quid est, non ad oculum? Quid enim? Visurus est Dominus meus, quo illi modo seruiam, vt mihi dicas, non ad oculum seruias? Adiecit, Sed quasi serui Christi, dominus homo non videt, Dominus Christus videt, sciētes quòd à Domino retributionē capietis, Dño enim Christo seruitis: qui autem iniuste agit, recipiet quod iniquè gessit (siue herus siue seruus) quia non est personarum apud Deum respectus aut acceptio, Col. 3. Qualem verò seruum diligas, ait idem in Psal. 33. interroga te ipsum. Habes fortè formosum, staturosum, bene compositum, furem, nequam, fraudulētum: habes alterum fortè statura paruum, facie deformem, colore tetrum, fidelem, parcum, sobrium, attende rogò, vtrum duorum diligis? Si quidem carnis oculos interrogas, vincit apud te pulcher iniustus: sin cordis, deformis fidelis. Vides ergo, quod vis, vt exhibeat tibi alter, exhibe & illi tu. Cur enim alioqui gaudes ad eum qui fidem tibi exhibet, eumque laudas, de his bonis, qui non videntur nisi oculo cordis? Ex hac Augustiniana famulorum disciplina & differentia, mihi probi famuli subit imago, quam à nobis Gallis in cōclauibus suis effingi solitā, Gilbertus Nozerenus in eleganti opulculo, è quo iam nonnihil decerpimus, de offic. famulorum posuit & exposuit, eam lectu nō indignā

*Seruire ad
oculum.*

*Famuli pro-
bi imago.*

Serui boni
pictura gra-
phica.

pro huius de seruis Apostolicæ doctrinæ cor-
nide, quæ plura dicenda supersunt, studio in Phi-
lemonem Paulinum differētes, adiiciemus, &
non nihil aliūde more nostro ampliabimus, Ea
in hunc modum habet, Pileum rubrum est &
elegans in capite, nec inelegās interula corpus
regit. Et elegans quoque cultus debetur bono
famulo, modonè nimius. Zonarē Annalium 3.
Iulianus Augustus, cū ad eum Constantij tō-
for sumptuoso cultu accessisset, tonsorē se quæ-
siuisse, non senatorem dicens, hominem dimi-
sit. Cocum item Imperatorium in splendido-
re veste quàm pro ministerio cōspicatus, suum
pro artis conditione cultum accersuit, & qui
aderant, vtrum coco similem iudicarent, roga-
tis, ac vilius indutum respondentibus, alterum
amandauit. Frugi scilicet homo, & germanus,
imò gloriosus philosophus, sed apostata. Ro-
strum suillum, admonet non decere famulum
fastidiosum palatum, sed quouis cibo conten-
tum, Vt Philosophorum præstantissimi Plato
& Aristoteles, nobis ad Philemonem excussi.
Sic Bernard⁹ siue Clarenallensis, siue alius qui
dam Syluester, opusculo de cura siue regimine
rei familiaris. Pascendam quidem copiosè fa-
miliam, citra tamen delicias, Grosso (inquit) ci-
bo, non delicato nutrias: Qui gulosus effectus
est, vix aliter quàm morte mores mutabit. Die-
bus Paschalibus abundanter, non tamen deli-
catè, pascere, &c. Alioqui periclitamur experiri
Sapientis illud, Prou. 29. Qui delicatè nutrit

seruum à pueritia, pòst eum sentiet contumacem. Fuit quidam apud Gentiles præclari nominis opinionisque philosoph⁹, qui legem tulit, Ne seruo liceret cute arida inungi, Plato (opinor) etià si locus nūc nō occurrit. Citat autē, nec nominat Chrysostomus, Homil. 5. ad Tit. Hanc verò victus seruilis frugalitatem Itali adhuc retinent, Hispani etiam superant, quos vir bonus Nicolaus Clenardus non ita dudum Latino scribens anno 1535. vocabat *ῥαφινοφάγους* etiam purpuratos, plures interim foris secum famulos trahentes, quàm domi cōsumant Regalias, quique tot asseclas, si non grandi cibo, fame tamen sustentent, & aliis fouent rationibus, quas nos stupidi nunquam discere, multò minus nostratibus famulis persuadere possemus. Et quid quæso, tanto opus est seruorum illis numero, præsertim cū Aristoteles ibidē neget plures habendos? Plato Hecatonomia 3. not. 78. quisque (inquit) & numero & facultate seruos ad vitæ ministeria aptos habeat? Imò sic omnes otium agūt, vt nemo careat officio. Duo præcedūt, tertius galerum gestat, pallium quartus, si fortè non pluat, quintus equi capistum, sextus holoserica sandalia, septimus scōpulas vestiū à pilis repurgatorias, octauus pannum abstergendo equi sudori, dum dominus sacrum audit, aut confabulatur, nonus pectinē promit, si fortè honoratior sit salutādus; ne incomposito appareat capillitio. Et exclamat, Quæ vidimus, testamur: Quinimo, Beati qui

Nicolaus
Clenardus.

Hispanorum
fastus in famulatio.

*Mechanicam
artem
Hispani in-
uiri discunt.*

*Anglorum fa-
mulus in famu-
litis.*

*Anglo-
rum
famulus.*

*Tam satur,
quam An-
gulus prouer-*

non viderunt & crediderunt, tam magnificam raphanorum scilicet interdum heris, nedum missellis, pro omni missu esitationem, adeoque aquæ non modò ad bibendum, sed & ad manus lauandas, aliquot scetilibus vernalis vsum. Nec magni negotij illic est, inutilem seruorum turbam conquirere, quòd omnia potius ferant, quàm artem discant mechanicam. Quin & nostrates quoque perpenſa gentis consuetudine, protinus rediguntur in nobiles: pudori enim daretur, si è macello partem carnis deferrent, aut ostenderent se manibus valere. Sit horum fides penes Clenardum, Malo credere (quod aiunt) quàm visere, nullos alioqui hinc externos Hispanis meliores & studiosiores vnquam expertus, & quibuscum mihi negotium esse malim. At Hispanis famulorum turba Anglos non cedere, testatur vbi supra, Gilbertus, more, ut inquit, ad ostentationem illaudato, ut sibi pulchrè cohonestati videantur, si benè comitati prodeant in publicum. Sed cuiusmodi satellitio? nugonibus otiosis, inertibus, ebriis, interdum & furacibus, Virgilium reddentes veridicum, Egloga 3.

Quid domini facient, audent cum talia fures?

Hic vides superuacaneam famulorum turbam non ali tantum, sed & saburrari. Et inde fortè natum est vulgatum apud nos Francos prouerbum, ut cum hominem vehementer cibo distentum velimus intelligi, dicamus, *Tam satur est, quam Anglus.* quòd etiam allusit Faustus An-

drelinus poëta, Erasmo citante in Syracusana
 mensa, in carmine quod de pauimento Parisië
 si inscripsit. *Mensa* (inquiens) *Britanna placet*. At
 nos illis quidē πολυφαγειν, Germanis πολυποσειν
 aliis alia vitia non tātūm ascribimus, sed etiam
 imitatur, ne dicam, quidam æquamus, imò &
 nonnulli superamus. Famuli autem nostrates, *Gallorū fa-*
 quod quidā facetus dixit monachus & episco- *muli, quales.*
 pus Gallus, militum seruales, presbyterorum æ-
 quales, monachorum sunt imperiales: vt pleri-
 que quid officij heris præstiterint, interrogan-
 tibus, nihil interim cōmodius respondere pos-
 sint, quàm quod episcopo cuidam Polono fa-
 mulus idem roganti, Præstiti (ait) quod alij tui
 præstant, *Quid illud?* Comedi & bibi. Legi & *Faceta de fa-*
 quendā tertiū dicētē, *Qui vnum famulū habet,* *muli.*
 aliquē habet: qui duos, dimidiatū: qui tres, nul-
 lum. Si quid commissum, in alios culpa reiici-
 tur: si quid omissum, Putabam (inquiūt) illum
 facturum. Laudatur Iulian' Imp. qui post mor- *Famulitium*
 tē vxoris, superuacuum famulitium aula eiecit *supernaculū*
 velut inutilem' familię sarcinam. Rogatus, cur? *aula eieciū.*
 negauit sibi opus esse vel eunuchis, cūm vxor
 decessisset, vel repudiata diuertisset, postquam
 aliam non superduxit, vel cocis, quod simplici
 cibo vesceretur, & tonsorem multis vnum pos-
 se sufficere. Quanquam sunt qui reprehēdunt,
 quasi sublata opum admiratio, contemptibile
 reddidisset Imperium, Socrat. lib. 3. cap. 1. Eras-
 mus, lib. 8. Apophtheg. Niceph. li. 10. ca. 5. Zo-
 naras vbi antē. Tolerāt hoc malū potētū aula:

sed non hoc solum, à quibus ambitum & strepitum excludere difficillimum est. Vbi turba famulorum, ibi quosdam improbos esse necesse est, ad reliquos corrumpendos vel vnus sufficit. Proinde vt prudentis est, supellectilem ad vsum, non ad ostentationem parare, ita multò magis superfluam famulorum turbam excludere, qui nihil aliud sunt, quàm, vt Homerus ait, *εὐτροὶ δούλεις*, & cum Flaccò cantillant,

Nos numerus sumus, & fruges consumere nati.

Elegàter Dion Chrysostomus oratione x, verbis, quos Iulos vocat, similes esse dixit, qui magnò famulatio vtuntur. Vt enim ij quamplurimos pedes habentes, tardissimi sunt inter reptilia, Ita si quādo serui plures, vt plures pedes, manus, oculi, aures, vērres denique, aut in vna manu quàm natura nascantur, digiti, vlli hominum contingant, non is herclè fortior fit, aut magis necessaria expedit, sed multò minùs & difficilius. Et, quod ridiculum est, interdum ministris hi magis carent quàm pauperes, & qui vel vnum vel nullum seruū habet. Tribus seruis comitatus Cato superior Hispaniam rēxit. Posterior, xii. Scipio Æmilianus bis Cōsul, & Carthagine Numantiaque deletis, toties titulum phator, vñ sequentibus officio legationis functus est. Valer. de Abstinētia. Ad imaginem redeo, Auricula eius asinina designant, famulum patientibus esse auribus, si quid fortè durius dominus dixerit. Ceruini pedes, celeritatē in peragendis mandatis. Dextra erecta, & in palmam

*Servi boni
& ancilla
bona imago.*

palnam explicata, fidē in contrectandis rebus herilibus. Lacena cū venderetur, interrogata *Lacena*, quid sciret, fidelis, inquit, esse. Rata fidem in formula quouis opificio melius, Plutarch. Erasim. in Apophtheg. Pala in sinistra viuis prunis plena, & fitulæ duæ aquæ humero sinistro pertica librante, vna à tergo, altera à fronte pendētes, industriam ac diligentiam in multis negotiis simul peragendis. Sic Lacena, iisdem qui paulò antea, testibus, captiua quid sciret interrogata, Probè, inquit, regere domum. Et hæc non vulgaris ars in ancilla, non hoc solum vel illud facere nosse. Quæ hīc de seruis desiderabuntur, supplenda erunt ex Commentariis nostris ad Philemonem.

Apparuit enim gratia Dei & saluatoris nostri omnibus hominibus, erudiens nos, ut abnegantes impietatem, & secularia desideria, Sobriè & iuste & piè viuamus in hoc seculo, expectātes beatam spem & aduentum gloriæ magni Dei & saluatoris Iesu Christi, qui dedit semetipsum pro nobis, ut nos redimeret ab omni iniquitate, & mundaret sibi populum acceptabilem. sectatorem bonorum operum.

Superioris, cū de omnibus Ecclesię statibus, tum vltimæ de seruis disciplina rationem cōcluserat, ut sic, hoc est, ex eorum erga dominos subie-

*Numini in
seruentus in
tragædiis.*

ctione, obedientia, reliquaque bona conuersatione, Christiana doctrina semper & vbique ornaretur. Eadem hîc omnium institutionem, cuiusque causam assignat, & plenam dictorum dicendorumque rationem exponit, ac vrget ex Saluatoris exemplo, qui seruituti sese subiecit, vt nos à seruitute liberaret. Ideò nec seruis fidelibus durum aut indignum esse debet dominis suis infidelib⁹ subiici. Præmittit ergò Christi gratiam, doctrinam, operationem, tum horum omnium prædicationem. Solenne porro est ex Ciceronis, lib. 1. de natura Deorum, Platonis Cratylo & Clitiphone, Plutarchi Themistocle, & aliis, In Tragædiis, sicubi sic hæserint, vt argumentum explicare non possint, ad aliquem Deum cōfugere, eumque quibusdam sublatum machinis è sublimi ostendere, vt rebus repentè commutatis, fabulæ modum imponat, rei huius exemplo ab Homero ducto, apud quem Pallas ferocientem Achillem compescit, quique vbi rerum inciderit difficultas maior, quàm vt humana vel ope vel industria expediri possit, locis aliquot numè allegat. In Euripidis Oreste, Apollo medio in tumultu res alioqui turbatissimas subitò cōponit. Ad idem Plautus in Amphitrione Iouem inducit: quod nisi in ea rerum inexplicabili difficultate fieri vetat in Arte sic Horatius,
Nec Deus interfit, nisi dign⁹ vindice nod⁹ inciderit.
 Quibus ergo in rebus perplexis præter spē aliquis exoriebatur, qui opem adferret, in eos di-

ci solebat, Deus ex machina siue ex improviso *Deus ex ma*
~~improvisis~~ apparens. Lucia. præter superiores, in *china.*
 Sectis, Philopseude, mercede seruietibus, & alij
 Erasmo in hoc adagio citati, Quod si quoties
 salus ex insperato ostendebatur, id deo solebāt
 ascribere profani etiam athei, quātō melius de
 salute maximè omnium tum desperata, tū im-
 prouisa, de totius inquā orbis per Dominicam
 incarnationem salute noster ait, *Apparuit, im-*
phv, Ambr. & Hieron. illuxit, & apparet enim
 quod videtur, etiam si non sit, vnde illud vulgo,
 bonum verū vel apparens, at *gratia Dei*, in Deo
 quidē sempiterna, olim tamē circa homines ve-
 lut habitās, Domine (inquit) in cælo misericor-
 dia tua, Psal. 35. & omnib. penē ex æquo ante-
 hac ignota, vel certē apud Iudæos in agusto de-
 litescēs, iuxta illud, Not⁹ in Iudæa De⁹, Psal. 75.
 & iudi cia sua gētib⁹ aliis nō manifestauit, Psal.
 147. & 79. Qui sedes super Cherubī, manifesta-
 re, excita potētīā tuam, & veni, vt saluos facias
 nos. Ea verò quātō ad saluādū potētior, magisq;
 necessaria (omnes enim quātūlibet iusti, ante
 Christū sub legis atq; peccati seruitute, adeoq;
 sub ministerio mortis, & damnatione, nisi per
 Christū vēturū nō dissoluēda, cōclusi erāt, Ro.
 11. 2. cor. 3.) quātō itē tardior, tāto desideratior.
 Ea verò missio Dei filio, cōspicua facta, & in car-
 ne pro nobis assūpta manifestata, 1. Tim. 3. &
 vbiq; illustrata est ad saluādū, vnde dicit, *sal-*
uatoris nostri, Sic Hieron. & hoc loco Ambr. nisi
 quod hic lib. 2. de vocatione gentiū, cap. 1. legit

Salutaris Dei, incertum adiectiuum an substantiuum, quia minimum Græcis discrimen est inter σωτήριος & σωτήριος salutifera, & ad salutem proposita, non vt olim vnitantum Iudæorum genti, sed quantum ad se *omnibus hominibus*, nulum sexum, ætatem, conditionem excipiens. Et si quidē cum Latinis Saluatorem legamus, possit & de patre, & de filio accipi, vel quod Dei patris viuens & subsistens gratia, Christus ex inuisibili in forma Dei, visibilis in forma serui factus est: Vel quod Christi Dei Saluatoris hæc sit gratia, & non nostro merito saluati (in spe, siue iustificati) sumus, iuxta id quod alibi dicitur, Psal. 55. pro nihilo saluabis eos. Vtique cum verbum patris in utero virginis caro factū visibile se nobis præbuit, cum apparuit inquam, Dei gratia, siue Deus per gratiā, seu per solam misericordiā apparuit. Sic Hieronymus, Anselmus, Bruno, Sic tota Schola Theologica, primam hominis Christiani gratiā, vt & Christi incarnationem, non cadere sub merito. Et hîc pro omnibus Orthodoxorum testimoniis sufficiat vnicum ex infinitis D. Augustini, lib. 1. de Prædestinatione sanctorum, cap. 15. Est, inquit, præclarissimum gratiæ lumē Saluator & Mediator Dei & hominum homo Christus Iesus, qui vt hoc esset, quibus tandem suis vel operū vel fidei præcedentibus meritis natura, quæ in eo est, humana comparauit? Respondeatur quæso, Is homo vt verbo patri coæterno in vnitatē personæ assumptus, Filius Dei vnigenit⁹,

*Gratia Dei
patris viuens
& subsistens
Christus.*

*Prima Christi
hominis gratia nō
cadit sub me-
rito.*

esset, vnde hoc meruerit? quod eius bonū qualecunque præcessit? Quid egit antè, credidit, petiuit, vt ad hanc ineffabilem excellentiam perueniret? Nonnè faciente ac suscipiente verbo, ipse homo ex quo esse cœpit Filius Dei, vnicus esse cœpit? Nempè omnia hæc singulariter admiranda, & si qua eius propria verissimè dici possūt, singulariter in eo accepit humana, hoc est, nostra natura, nullis suis præcedētibus meritis. Respondeat itaque homo Deo, si audeat, & dicat, cur nō & ego? Et si audierit, O homo, tu quis es, qui respondeas Deo? Rom. 9. nec sic cohibeat, sed augeat impudentiam, & dicat, Cū sim quod audio, id est, homo, quod est & ille de quo ago, cur non sim quod & ille? At enim gratia ille talis ac tantus est, cur diuersa est gratia, vbi communis est natura? Certè non est apud Deum acceptio personarum? Quis, non dico, Christian⁹, sed insanus hæc dicat? Appareat itaque nobis in nostro capite fons gratiæ, vnde secundum vniuscuiusque mensuram se per cūcta eius membra diffundit. Ea Gratia sit ab initio fidei suæ homo quicūque Christianus, qua gratia Homo ille ab initio suo factus est Christus, &c. Reliquum huius de omnimoda primæ gratiæ, vt ita loquar, gratuitate in caput sequēs differo, & ad literam redeo. Ergò post catalogū doctrinæ, quo descripserat quid vtriusque sexus senes & iuuenes, & ad extremum, seruos deberet erudire, rectè nūc intulit, quasi diceret, Ideo monco te laborare in omnibus, siue liberi sint,

Christus ab initio suæ gratia factus.

siue serui, quia Deus pro omnibus, nedum pro nobis, qui iam per fidē iustificati sumus, saluandis apparuit. Non est enim differentia liberi & serui, Gręci & barbari, circumcisi & pręputiati, viri & mulieris, Gal. 3. 5. Col. 3. sed cuncti in Christo vnum sum⁹, vniuersi ad Dei Regnum vocamur, omnes post offēsam patri nostro reconciliandi, non per merita nostra pręcedētia, sed per diuinam gratiā, quę quia omnibus hominibus, & vtique seruis apparuit, ideo & serui bene viuendo debent Dei ornare doctrinā, vt quę per Dei gratiam omnibus in Christo propositam impleatur. Ideoque omnes omnis ætatis, sexus, & conditionis homines ad bene viuendum commouendi, quia filius Dei gratis datus & gratis genus humanum saluare cupiens, apparuit per Euangelij illuminationem, per fidei prædicationem innotuit mortalibus vniuersis, senibus, iuuenibus, maribus, fœminis, liberis & seruis, nullum à sua cognitione excipiens, nullum qui cordis oculos aperire velit, excludens aut præteriens. Videbit omnis caro, videbunt omnes fines salutare Dei nostri, Esa. 40. 52. qui vult omnes saluos fieri, & ad agnitionē sui venire. Et ex hac Dei gratia secuta generis humani instructio, *erudiens nos*, non διδάσκουσα, quod est docens, sed παιδίσκουσα, vox à pueris ducta, quam nos eruditionem institutionēque dicimus, ait Gellius, li. 13. cap. 15. Paulò alioqui pro correptione atq; disciplina frequens, hīc quod gratia Dei nos vt rudes clementer doceat, ma-

Eruditio.

ternè corripiat, & ex rudib⁹ instruat atque pro-
uehat, prouectos denique perficiat. Apparere
quippe nō ad salutē sufficeret, nisi super ea nos
idē erudiret. Erat mūd⁹ ante Christū in magna
Dei ignorātia, sine christo, sine Deo, Eph. 2. sed
popul⁹ qui ambulabat in tenebris, vidit lucem
magnā, Esa. 9. Matt. 4. Tēpus, ait propheta, re-
quirēdi Dñm, donec veniat, qui docebit vōs iu-
sticiā, Ose. 10. Letamini in domino Deo vestro
qui dedit vobis doctōrē iustitiæ, Ioël. 2. Et Esa.
50. Dominus dedit mihi eruditiōē, vt sciā tem-
pore suo loqui verbū lasso, qui linguas infantiū
facit disertas, Sap. 10. &c. Erudiuit autē nos vita
& doctrina, verbo & exēplo, de duobus homi-
ni saluādo necessariis, bono scilicet opere, & re-
cta intētiōe. Sequētē autē locū annota meri-
tō cōtra eos, qui abutētes gratia negligūt bona
opera, cū in hoc ipsū gratia liberet à peccatis,
vt deinceps piis operibus vacemus. Sic & hīc
Græci repetūt, Cū à seruis tā magnū virtutis o-
pus, & ingēs reuera studiū exegisset, vt nullā do-
minis vel in minimis rebus occasionē dehone-
stādæ Christi doctrinæ prēbeāt, sed eā in omni-
bus cohonestēt, causam intulit iustā, ob quā ta-
les esse debeāt, & cōmōstrat nō immerito po-
stulare se honestā ab omnib⁹ in omnib⁹ vitæ cō-
uersationē. Cū enim Deū & Christū eius, hoc
est, tātū atque talē affecuti simus & habeamus
Saluatorem & doctōrē, quomodo non omnes
tales esse, & dignē eo viuere debeamus? an non
æquum, vt quæ salutem eius doctrinam decēt,

*Eruditio
Christi, quā
nos instruit.*

faciamus, & quæ dedecent, vitemus? Nostis sane, ut inter cætera id animam nõ mediocriter hortetur, premat, vrgeat, quòd innumeris peccatis obnoxia, non solùm pœnas non dederit, sed & cum venia bonis simul innumeris potita fuerit. Nam si quis seruum naçt⁹ infidelem, & in multis offendentem, non solùm non flagris ceciderit, sed & offensis indultis, à futuris cauere, ne is recidat, monuerit, magnis præter eà beneficiis fouerit, quæ tam ingrata mens & perfida, quam huiusmodi gratia non ad meliora sectanda prouocare sufficeret? Domini autē gratia non hæcenus stetit, aut eò tantùm progrediens terminata est, ut per nos olim cõmissa, nostra faceret, nolite eam existimare sic ad præcedentium delictorum remissionem, ut ait Rom. 3. extendi, ut & in ea consistat, nec ultra pergat, ea verò non à prioribus tātum delictis nos liberauit, sed & in futurum præmuniuit, & securiores tutiorésque reddidit. Erudit enim nos hæc singularis Dei in Christo gratia, ut in posterum malè viuere desinamus, & bene viuere incipiamus atque pergamus. Alioqui si semper in malis operibus persistentes nunquam puniret, ea res esset incitamentum nequitix, non inuitamentum gratiæ. At hic scopus est, & hoc diuinæ œconomix institutum, hac de causa vnigenitum Dei filium hominem factum, omnes salute esse ignatum, eò tendentem, ut præter impietatem, vitam quoque nequam relinquamus: viam etiam &

*Scopus incar-
nationis do-
minicæ.*

doctrinam reliquisse, vt piè ac moderatè viuamus, hoc habet in summa. De priori ergo ex duobus homini ad salutem propositis, hoc est, de malis quidem primùm operibus vitandis, mox & bonis exercendis, erudiuit nos, vt *abnegantes impietatem*, vel, vt Ambrosius participium præteriti temporis ἀγνοῦντες vertit, quod idem est, abnegata impietate, & verbi emphasim Græci notant, vt non qualemunque abstinentiam aut auersionem significet, sed ex animo totòque mentis affectu, peccati odium & execrationem. Omnia autem peccata consistunt *Peccata in* vel in iis quæ directè contra Deum sunt, & im- *quo consistant* pietatis dicuntur, pietati nimirum, hoc est, diuino cultui opposita, qualia sunt paganorum idololatria, Iudæorum infidelitas, hereticorum perfidia, dogmatum prauitas & peruersitas, vel in abusu temporalium, & hæc sunt *secularia desideria*, siue mundanæ cupiditates aut concupiscentiæ, κρομῆς, non ab eo quod sequitur, in hoc seculo, αἰῶνι; alioqui *seculare* Latinis aliud dici, iam aliquoties antè obseruatum, quod seculo quoque instauratur, ludi cæmæ, &c. sed Ecclesiasticorum scriptorum vsus obtinuit, vt *seculares* curas, artes, disciplinas, dignitates, & *secularia* iudicia, negotia, &c. aliter vocemus. Hic autem honores, diuitias, delicias, luxum, auaritiam, libidinem, ambitionem, carnales voluptates, & vt vno verbo dicam, quæcunque à mundo eiusque principe suggeruntur, & suam in mundo utilitatem habent, cum eodem inci-

*Abnegare
quid sit.*

piunt & deficiunt, dilabuntur atque dissoluuntur, cumque seculi huius nube pertranseant, nec nobiscum in cælum transeunt, & quæ ex temporalium abusu homo vel in se, vel in proximum committit, quæ plerunque catholicos decipiunt. Quid sit autem hæc abnegare, exponit Anselmus, Qui impius antea fuit, qui superbus, luxuriosus, avarus, qui aliena rapuit, si conuersus ad Christum factus est pius, humilis, vitam ad continentiam mutauerit, ambire desierit, & propria largiri didicerit, qui iustitiam sitiit & esuriit, Matt. 5. & gaudia patriæ cælestis appetit, is impietatem, & illecebrosa præsentis seculi desideria, quæ sectabatur, abnegauit, Ex Gregorij homil. 32. super Euangelia. Est & laudanda negatio, de qua Dominus, Si quis vult venire post (siue ad) me, abneget semetipsum, Matt. 16. Luc. 9. Quomodo autem se quis abneget, contemplandum ita differit ad finem cap. 1. huius Hieronymus, Pudicus fornicatorem, quod prius fuerat, negat, sapiens imprudentem, iustus iniustum, fortis infirmum, & ut in commune de omnibus loquar, toties negamus nos, quoties priora vitia calcantes, desinimus esse quod fuimus, incipimus esse quod antè non fuimus. Rectè de Pœnitentia Ambrosius, lib. 2. cap. 10. Viuendum ita, ut vitali huic moriamur vsui, seipsum sibi homo abneget, & totus mutetur, sicut quendam adolescentem fabulæ ferunt post amores meretricios peregrè profectum, abolito amore regres-

*Abnegare
semetipsum,
quid.*

sum, veteri occurrisse dilectæ, quæ se non interpellatâ mirata, & non recognitam rata rursus occurrens dixerit, EGO SVM, responderit ille, SED EGO NON SVM. Semetipsum enim relinquit & abnegat, inquit vbi supra, & Moraliũ lib. 33. cap. 6. Gregorius, qui calcato superbix typho, ante Dei oculos esse se à se alienum demonstrat, Nec enim sufficit nostra relinquere, nisi relinquam⁹ & nos, Quid est quod dicimus, relinquamus & nos? Si enim nosmetipsos relinquimus, quò ibimus extra nos? vel, quis est qui vadit, si se deseruit? Sed aliud sumus per peccatum lapsi, aliud per naturam conditi, aliud quod fecimus, aliud quod facti sumus. Relinquamus nosmetipsos, quales peccâdo fecimus, maneamus nosmetipsi, quales per gratiam facti sumus. Pœnitens ergo at- *Impij versi*
que conuersus, ipse quidem est per natu- *quomodo nō*
ram, non ipse per malitiam. Hinc scriptum, *sunt.*
Verte impios, & non erunt Prouerbio. 12.
conuersi namque impij non erunt, non quia
non erunt omnino in essentia, sed scilicet non
erunt in impietatis culpa. Tunc ergo nos
linquimus & abnegamus, cum vitamus quod
per vetustatē fuimus, & ad hoc nitimur, quod
per nouitatem vocamur. Pensemus quomo-
do noster hic se abnegauerat, Viuo (ait) iā non
ego, Gal. 2. Extinct⁹ quippè seuus ille persecu-
tor, viuere cœperat pi⁹ prædicator, Si enim ipse
esset, pius profecto non esset, sed qui se viuere
denegat, dicat vnde est, quòd sancta veritatis

verba clamat. Viuit verò (ait) in me Christus , ac si apertè dicat , Equidem à memetipso extinctus sum , quia carnaliter non viuo , non tamen essentialiter mortuus , quia spiritualiter in Christo viuo. Ergo nisi quis à semetipso deficiat , ad eum qui super ipsum est , nō appropinquat , nec valet apprehēdere quod vltra ipsum est , si nescierit mactare quod est. Sic olerum plantæ transponuntur , vt proficiant , etradicantur , vt crescant. Semina in terræ admixtione deficiunt , vt in reparatione sui generis vberius assurgant , & vnde videntur perdidisse quod erāt , inde incipiunt hoc apparere quod non erant. Haftenus de sui & vitiorū abnegatione Gregorius. Sed qui tam se à vitiis abnegat , exquirendæ ei virtutes sunt , in quibus crescat , declina , inquit alter , siue diuerte à malo & fac bonū , Psal. 33. 1. Pet. 2. Audiuius quæ mala fugiamus , audiam⁹ quæ bona faciamus , quoque animo , pariter atq; corpore nos geramus , erga nos primū *Sobriè* , σωφρόνως , Ambrosio temperanter , Hieronymo pudicè , nec carne scilicet nec mente peccato consentientes , à vitiis nos abstineamus , & modū seruemus , modestè , continenter , abstinentèr. Quāquā Græci non hīc abstinentiam tantū ciborum , aut continentiam corporum expōnūt , sed reliquarum quoque affectionum & perturbationum moderationem , nedum voluptatum in gustu aut tactu , vt qui auarus sit aut pecuniæ amantior , minimè idem sit sobrius , imò hoc minus

sobrius, quo magis auaritia quàm crapula vel ebrietas, contra naturam est, & minus ab ea ortum ducit, nec tãtam qua impellere possit, vim habet. Ideoque auarus guloso aut libidinoso immodestior & impotentior, quanto ciborũ homini & alterius sexus amor pecuniarũ amore naturalior, & penitius ei insitus, ac proinde vehemensior & violentior est: Et auriga enim is impotens diceretur, non qui equum ferocẽ & infrenem, sed qui mansuetiorem regere nequiret aut subiicere. Quam vitiorum collationem pluribus hĩc prosequitur Chrysostomus. Sic & Aquinas sobrietatem accipit, cùm quis externis rebus & passionibus propriis cum rationis quadam velut mensura vtitur. Sequitur erga proximum, *Iuste*, vt opera iustitiæ per ob- *Iuste fieri*
seruantiam Dei mādatorum in alios faciamus, *quid dicatur*
facultates nostras sic possideamus, vt & dispẽsemus ac distribuamus, nec modò non lædamus, fraudemus, aut iniuria afficiamus, sed & potius de omnibus bene mereamur, & nostra fratribus cõmunicemus. Postremò erga Deũ, *Piè*, duo superiora contra seculi desideria, hoc *Piè viuere.*
contra impietatem, vt in fide & pietate perseueremus, ac etiam pium cor & compassionem afflictionis proximorum habeamus, ne vè in alterum iustitia temerata sit aut intemperata, vt temperetur, pietatẽ ei, hoc est, verum Dei probatum cultum, non impium aut superstitiosum adiungamus. quod in Hieronymi, Sedulij, & Primasij fragmẽtis hĩc vtcunque legitur.

Et sic vivamus in hoc seculo, præsentem, admodum fragili & transitorio, in quo vix ita vivere licet, quod perpetuum certamen habet futurum verò præmia. Et totam quidem hanc periodon sic cum Ambrosio licet repetere, Dei (ait) donum hominibus per Dominum illuxisse dicit Apostolus, id est, Dei unius veritatem in Christo manifestatam, ut pia professione creatorem in trinitatis unitate prædicemus, quod prius latuit humanum genus, nunc autem misericordia Dei innotuit, ut erroris tenebras, ignorantiam, & mundanorum impietatem fugientes, pii in parentem omnium Deum inveniamur, profitentes eum in veritate quam tradit Evangelium filij eius, & ut rei huius mercedem habere possimus, bona opera faciamus, ut enim ei qui solū patrem prædicat, spes nulla est, si non & in eadem veritate profiteatur filium, ita & huius spes frustrata est, qui solam fidei professionē sine bonis operibus habet. Sic hodiè nobis cum veteribus tantò magis inculcanda fidei sine operibus vanitas, & bonorum operum necessitas, quò plus hodiè refrixit cum fide charitas. Hic verò non omittenda perelegans periodi huius cum Sophon. 2. capite compositio, ex Chrysostomi oratione 2. contra Iudeos, Quòd omnes deinceps homines Deum laudaturi essent, illucescit (ait prophetia) Dominus super omnes gentes, & abolebit omnes Deos gentium. Audi sanè quo pacto Apostolus cum propheta concordet, dixit ille, Illucescet Domi-

Fidei professio sine operibus vana.

nus, hic, Illuxit gratia Dei salutaris : Ille, super omnes gentes: hic, super omnes homines: Ille, abolebit deos gentium, hic, erudiens nos, vt abnegantes impietatem, ac mundanas concupiscentias, sobriè, iustè, piè viuamus, &c.

Digressio. IX.

Ad superiorem autem nostri mundique abnegationem pertinet ex peruetustis Christiani *Baptismi ca*
baptismi ceremoniis ritus verè catholicus seu *tholici ritus*
vniuersalis semper & vbique obseruatus, quo *laudabilis*
baptizandi adulti, sua: paruuli, susceptorum vo- *in abrennn-*
ce, Satanæ & omnibus eius pompis & operib. *ciatione Sa-*
abrenunciant. Id cum recentioribus, hoc est, *tana.*
Sententiariis, lib. 4. Dist. 38. B. vocemus licet
votum commune ac solenne, quod ab omni-
bus, & in conspectu Ecclesiæ fiat, sed cuius ve-
terum nemo non meminerit. Extat inter con-
stitutiones Apostolorum, lib. 1. cap. 40. & 41.
Cum se iam ad baptismum parat Catechume-
nus, discat quæ dicuntur de abrenunciando
diabolo. Oportet enim primùm discedat à cō-
trariis, deinde ingrediatur mysteria, deleta pri⁹
à corde omni improbitate, ita sancta percipiat.
Vt enim agricola purgat prius agrū succrescē-
tibus spinis, dein triticum serit, sic debetis prius
expulsa omni impietate constituere pietatē, &
ad baptismum accedere. Prositeatur ergo qui
baptizatur, cum abrenunciat hoc modo, Abre-
nuncio Satanæ, & operibus eius, pompis, cul-
tui, angelis, machinationibus eius, & omnibus
quæ sub ipso sunt. Magnus Ecclesiæ veteris
mystagogus Dionysius Eccle. Hierarchiæ,

cap. 2. part. 2. & 3. testatur adultos ter iis quæ Deo contraria sunt, abrenunciare se profiteri contestarique solitos, & cap. 5. & 6. part. 1. Inter sacrorum ministrorum officia reponit accedentem ut abrenunciet ad occidentem sistere, & rursum ad orientem trāsferre, & verbis, ut ait, obstetricantibus ad vitalem abrenunciationē formare ac effingere, docēdo, ut obscuris abrenunciāns ad illuminātia transeat, Cap. 7. part. 3. Præsul delectum à naturalibus oblato parentibus præclarum quendam diuinarum rerum magistrum, futurum eius patrem diuinum, sancteque salutis alumnū, spondentēque se puerum iuxta sanctam vitam educaturum, requirit ut abrenunciationem profiteatur, fidēque confiteatur, non ut profani ridentes aiunt, aliū pro alio sacris imbuat, nec enim hoc ait susceptor, Ego pro puero abrenunciationes facio, aut fidei sacramenta profiteor, sed ita, Puer hic renunciat & proficitur (verbis scilicet meis & ore meo) & spondeo puerum inducturum, cum ad sacram intelligentiam venerit, sedulis adhortationibus meis, ut abrenunciet contrariis, siue potestatibus aduersis, profiteaturque fidem, & quæ pollicetur diuina (se scilicet obseruaturum mandata) peragat. Et quo nemo melior antiquitatis Ecclesiasticæ testis Tertullianus, initio de Corona militis, inter traditiones non scriptas, Aquam adituri, ibidem, sed & aliquantō prius in Ecclesia sub antistitis manu contestamur nos renunciare diabolo, & pom-

pæ, &

*Susceptorum
in baptismo
sponsio pro
parulis.*

pæ, & angelis eius. Et ad finem eius libri, Omnes causæ alienæ, profanæ, illicitæ, semel iam in sacramento tentatione eieratæ, pompæ diaboli & angelorum eius, officia seculi, honores, solennitates postulatrices, falsa vota, humana seruitia, laudes vanæ, gloriæ turpes. Ad martyres, Contristetur in carcere qui fructum seculi suspirat, Christianus, &c. extra carcerem seculo renunciauit, in carcere autem etiam carceri, nihil interest vbi sitis in seculo, qui extra seculum estis. De pœnitentia, Nō leuiter in Dominum peccat, qui cū æmulo eius diabolo pœnitentia renūciasset, & hoc nomine illum Domino subiecisset, rursus eundem regressu suo erigit. & dicunt quidem pristinis renunciare, & pœnitentiam assumunt, sed includere eam negligunt. De habitu muliebri, Hi sunt angeli, quibus in lauacro renuntiauimus. De spectaculis, Cū aquam ingressi, Christianam fidem in legis suæ verba profitemur, renunciaſſe nos diabolo & pompæ & angelis siue spiritibus eius ore nostro confitemur, vna renunciatio nostra aduersus idololatriam. Et ad finem libri, Nihil nō diaboli est, quicquid Dei non est, vel Deo displicet. Hōc erit pompa diaboli, aduersus quam in signaculo fidei eieramus: quod autem eieramus, neque factō, neque dictō, neque visu, neque prospectu participare debemus. Cæterū nonnē eieramus & rescindimus signaculum, rescindendo testationem eius? De idololatria, Quomodō renun-

Pompa diaboli qua.

ciamus diabolo & angelis eius, si eos (idola fabricando) facimus? Quod repudium diximus his, non dico cū quibus, sed de quibus uiuimus? Si templis (gentilium) renunciaſti, ne feceris tēplum ianuam tuā. Maius dixi, Si lupanaribus renunciaſti, ne indueris domi tuæ faciem noui lupanaris. Tu ſi diaboli pompam eieraſti, quicquid ex ea attigeris, id ſcias eſſe idololatriā. Et concludit, hæc accedentibus ad fidem proponenda, ingredientibus inculcanda, vt accedentes deliberent, obſeruantes perſeuerent, nō obſeruantes ſibi renuncient. Ex his cōſtat eandē poſt lapſum à baptiſmo pœnitentibus, quæ antea baptizandis, abrenunciationem proponi ſolitam. Vbi ergo ſemel eieraſtū dicit, *ſemel*, pro prorsus & omnino accipi notat Rhenanus ſcholiaſtes, ita vt ſemel feciſſe ſufficeret. Huius quotidianus lector Cyprianus li. 1. epiſt. 2. & 5. Inter-eſſe debet inter eos qui ad ſeculum, cui renunciauerant, reuerſi gentiliter viuūt. Nam ſeculo renunciauimus, cū baptizati ſumus, ſed & nunc verè renunciamus ſeculo, quando tentati & probati à Deo, noſtra omnia relinquentes, Dominum ſecuti ſumus. Serm. 2. Quid ad Zabulum, cui renunciaueras, iterum rediſ? De lapſis, Qui ſeculo renunciaſſe ſe meminit, nullū ſeculi diem nouit. &, Stare illic potuit Dei ſeruus, & loqui, & renūciare Chriſto, qui iam diabolo renūciarat & ſeculo. De mortalitate, Cōſiderandum & identidem cogitandum renunciaſſe nos mundo, & tāquam hoſpites & pere-

*Semel, pro
prorsus &
omnino.*

*Renunciare
ſeculo.*

grinos hîc interim degere. De oratione Dominica, Qui credidit, contestatur inter prima statim natiuitatis suę verba, renunciaſſe ſe terreno & carnali patri, & patrem ſolum noſſe ſe & habere cœpiſſe, qui ſit in cælis. Et, qui iam renunciauit ſeculo, maior eſt & honoribus eius, & regno. Et, qui ſeculo renunciauimus, & diuitias eius & pōpas fidei gratia ſpirituales abieciimus, cibum nobis tantummodò petamus & victū, cū ſic inſtruat Dominus, Qui non renunciauerit omnibus quę ſunt eius, non poteſt meus eſſe diſcipulus. Ad Quirinum lib. 3. cap. 11. Eum qui fidem aſſecutus eſt, expoſito priore homine, cæleſtia tantū & ſpiritualia cogitare debere, nec attendere ad ſeculum, cui iam renunciauim⁹. Sed inter tot huius hac de re verba, illud vel maximè obſeruandum, ne, quod ſcribit lib. & epiſtola 4. ſeculo verbis ſolis, & non factis renunciemus, Quo verbo valde delectatus eſt Auguſtin⁹, cap. 17. de fide & operibus, & ad finem libri. Epiſtol. 89. quæſtione 4. in Pſal. 30. & paſſim de Baptiſmo contra Donatiſtas lib. 4. & 5. verū hîc ſuo loco non omitte-
tur. Quod autem in libro de duplici martyrio Cypriani titulo legitur, quanquam vereor vt Eraſmi ſit Cyprianum imitari affectantis, valde rem hanc elucidat. Sic autem inter alia de baptiſmo, zabulo denunciaſti perpetuas inimicitias, renunciaſti omnibus eius pompis ac voluptatibus, ciuraſti in verba redemptoris, cū tot tamen vitiis ſeruias, tibi places, quia nondum libellatus aut thurificatus.

verbis tantum, sed factis quoque renunciari. Hanc autem renunciationem, cum baptizatis & post lapsis ac poenitentibus fuisse continentiam vouentibus communem, idem testis est, tractatu 2. de habitu virginum, quo ubi superà loco eas à nimio corporis ornatu dehortatur, sic indignatur, Qui Christi sunt, carnem suam cum vitiis & concupiscentiis crucifixerunt, Gal. 6. Et quæ se carnis concupiscentiis & vitiis renunciassent profitetur, in iisdem quibus renunciauerat, inuenitur? aliud te esse iactas, aliud affectas. Et, Quæcunque terrena sunt in seculo accepta, & hinc cum seculo remansura, tam contemni debent, quàm mundus ipse contemnitur, cuius pompis & deliciis iam tunc renunciauimus, cum meliore transgressu ad Dominum venimus. Et hinc ad virgines professas sermonem habet, Nam ait paulò antè, Si Christum continentia sequitur, & regno Dei virginitas destinatur, quid illis cum terreno cultu & ornamentis, quibus dum hominibus placere gestiunt, Dominum offendunt? Cælebs cogitat quæ Dei sunt, quomodò placeat Deo, vt sit sancta corpore & spiritu, 1. Cor. 7. Sic virgo nō esse tantū, sed & intelligi debet & credi, vt nemo cum virginem viderit, dubitet an virgo sit. Hinc inquam, alloquitur quæ sic innuptæ erant, vt nec nupturirent. Nec enim puellas nupturientes dedecet aliquis in habitu splendor, nedum cōptus aut ornatus, qui sanctimonialiales, aut quas vocant nouitias, minus deceret. Hinc ob hu-

Ornatus nimis corporis Christiano indecens.

Virgo intelligi qua debeat.

ius inquam abrenunciationis inter facienda vitæ monasticæ vota, quæ Magister ubi suprà singularia vocat, sed peræquè solennia repetitionem, Monachismum quidam secundi baptismi titulo dignati sunt, non recentiores modò, sed & veteres. Sic enim Hieronymus Paulam suâ super obitu Blesillæ filiæ ex septimestri coniuge paucorum æquè dierum viduæ ac monialis consolatur, Reuera si seculare desiderium, & quod Deus à suis auertat, delicias vitæ huius cogitantem mors immatura rapuisset, plâgenda erat. Nunc verò cùm propitio Christo, ante quatuor fermè menses **SECUNDO** quodammodò propositi se **BAPTISMO** lauerit, & ita deinceps vixerit, vt calcato mundo, semper monasterium cogitarit: non vereris ne tibi Saluator dicat, Irasceris Paula, quia tua filia, mea facta est filia? &c. Cuius rationem B. Bernardus non procul à fine libelli de præcepto & dispensatione longè pòst ita reddidit, Audire & hoc vultis à me, vnde inter cætera pœnitentiæ instituta, monasterialis disciplina meruerit hanc prærogatiuam, vt **SECUNDVM BAPTIS-**

MA nuncupetur? Arbitror ob perfectam mundi abrenunciationem, ac singularem excellentiam vitæ spiritalis, qua præeminens vniuersis vitæ humanæ generibus, initiandis scilicet, vt paulò pòst ex Dionysio videbimus, huiusmodi conuersatio, professores & amatores suos angelis similes, dissimiles hominibus facit, imò diuinam in homine reformat imaginem, confi-

Monasterialis disciplina secundam baptismum.

gurans nos Christo INSTAR BAPTISMI,
 & quasi denique SECUNDO BAPTIZA- *Secundus*
 MVR, dum per id quod mortificamus mēbra *baptismus*
 nostra quæ sunt super terrā (col. 3.) rursus Chri-
 stum induimus (Gal. 3.) complantati denuò si-
 militudini mortis eius (Rom. 6.) Sed & quo-
 modò in baptismo eruihur de potestate tene-
 brarum, & in regnum transferimur claritatis
 eterne (Col. 1.) ita & in sancti hui⁹ SECUNDA
 quadā regeneratione propositi, de tenebris eq;
 non vnus originalis, sed multorum actualium
 in virtutum lumen euadimus, reaptares nobis
 illud Apostoli, Nox præcessit, dies appropin-
 quauit, Rom. 13. Idem de duplici baptismo, &
 de relinquenda propria voluntate sic fermoci-
 natur, Scitis fratres (firmissimè enim tenetis ca-
 tholicam veritatem) quòd in baptismo abrenū-
 ciantes Diabolo pater cælestis adoptet, &c.
 Irritum fecimus hoc fœdus primum, tibi pec-
 cauim⁹ Domine, Satanę nos denuò malis ope-
 ribus obligantes, iugo iniquitatis collauitronca
 submittentes, & subiicientes miseræ seruituti.
 Itaque rebaptizari nos conuenit, secundū fœ- *Rebaptiza-*
 dus inire necesse est, & opus professione *tio quadam.*
 secunda, nec iam sufficit abrenunciare Dia-
 bolo & operibus eius, mundo pariter abrenū-
 ciandum & propriæ voluntati. Ille seduxit nos
 & tradidit, in priori nimirum baptismo,
 quando nihil nostra nobis adhuc voluntas
 nocuerat, satis erat abrenunciare Diabolo,
 cuius profectò inuidia peccatum pariter &

mors per vnum ingrediens hominem in omnes pertransiit. Ceterum postquam mundi fallentis illecebras & infidelitatē propriæ voluntatis manifestè sumus experti, de cætero iam in **SECUNDO**, vt ita dixerim, cōuersionis nostræ **BAPTISMATE**, meritò prorsus & non ad insipientiam nobis, non resarcire tantummodò fœdus primum, sed etiam roborare solliciti, ipsis quoque affectibus pariter abrenūciamus. Hæc ille, quæ ad omnes quoque pœnitētes, nedum monachos pertinent. Sic ad Petrū venerabilem huius contemporaneum Cluniacensem Abbatem Petrus alter Pictauiēsis monachus in Panegyricon eidem nūcupatum, præfatur, Vos autem pater charissimè, filioli vestri, quem Christo Domino, in **SECUNDO BAPTISMATE** genuistis, indefinenter memorē Deus omnipotēs hîc & in æternū custodiat. Hęc nō sine offendiculo legūtur, ab iis præsertim qui ad viuū omnia exigūt, quasi sic exque tur baptismatimonachism⁹, cū cōtrā possint vel ex his loquēdi formulis, *Quodāmodo, Instar, Quasi, vt ita dixerim*, discere similitudinē esse, ob eā quæ suprā, causā, non æqualitatē. Renouari enī ab initiandis monachis solitā iam tū fuisse renunciationē hanc, idē si modò idē, Hieronym⁹ testatur in regula Monialium, quæ eius titulo circumfertur, cap. 30. cuius verbis nihil obstare video quin ad hodiernas ita vtamur, Nihil ad vos de pompis seculi attinet aut diaboli, vt quibus in baptismo abrenunciauistis,

Monachismus, secund⁹
baptismus.

quod & postmodum confirmastis sub pollicitatione iuramenti, in vestrae religionis ingressu. Fit & in Basilij Asceticis siue monasticis Rufino interprete, cap. 3. §. Fumano, & Dufano, cap. 8. renunciationis, praeter primam omnibus initiandis in prima confessione communem, monachorum propriae mentio, qua seipsum abnegantes, non solum vitae ac consuetudini praeteritae renunciant, sed & omnibus quaecunque scopum pietatis & perfectionis Euangelicae impedire possunt, carnis atque mundi affectibus & desideriis, patribus denique ac fratribus carnalibus, &c. Testis est & multo anterior Dionysius in Ecclesiastica Hierarchia, ca. 6. Part. 2. & 3. Sacerdos (inquit) ad eum accedens, interrogat primum, an renunciet diuisibilibus omnibus (secularibus atque mundanis nos à Deo diuisentibus, & in diuersa rapientibus) non solum vitiis, sed etiam phantasiis, seu affectibus. Haec autem abrenunciatio supremam monachorum philosophiam indicat, dum in scientia operatur viuentium (nos vni Deo coniungentium) mandatorum. Est enim non medijs ordinis (plebis sanctae) sed omnibus (initiandis) celsioris. Ideoque multa quae impunè à medio (plebeio) geruntur ordine, monachis omnino interdiciuntur (ut connubium, proprietates) qui vnum ipsum ambire debent, & ad sacram monadem (seu vnitatem diuinam) cogi ac colligi, quin & ad sacerdotalem (quantum fas est) vitam formari, ut in plurimis monasticae congru-

*Monachorum
praesentia.*

ac similē. Nullus quippè ex ordinibus reliquis (initiandis) sacerdotali magis propinquat, quā monachus. Hic clarissimè monasticum ordinē vt plebeio superiorem, ita sacerdotali inferiorem facit, & proinde ita paulò antè intelligendus D. Bernardus, qui pro sua modestia oues pastoribus nunquàm prætulisset aut æquasset, de statibus loquor, non de personis. Quo minus audiendi sunt, si qui religionis sic ad se nomen contrahūt, & se vnos ita religiosos appellant, vt sacerdotes, hoc est, Christi Apostolorūque eius & discipulorum successores, hoc esse negent, sed seculares atque mundanos, in vno enim significatu mundum & seculum indifferenter & passim vertit interpres, in epistolis præsertim Apostolicis. De quo vocum abusu non sine querimonia nec immeritò monuit Ecclesiastes Erasmicus, lib. 3. Proinde cū quę scriptura pręcipit de morte spirituali, abnegando mundo, mortificādis secularibus desideriis, ad omnes Christianos pertineant, ad communem omnibus Christianis renunciationem redeo, ex Hieronymo, vnde cępit hæc de monachis parecbasis, pręcipuam ecbasim reperens. Sic autem habet ad id Psal. 118. Vidi non seruātes pactum (iuxta aliam literam) pactum fuit Israël cum Deo per Moysen, Omnia quęcun que dixerit Dominus, faciemus, Exod. 24. Sed & nūc nos paciscimur in baptismo, vt abrenunciemus diabolo & angelis eius, pro trāsgressoribus ergò huius pacti, propheta tabescit, Apo-

*Sacerdotalis
ordinis digni-
tas.*

*Religiosi
qui sint intel-
ligendi.*

*Mundus &
seculum, idē.*

stolus dicit, Quis vritur, & ego non vror? 2. Cor. II. Idem, Matth. 5. admonet quosdam co-
 actius licet disserere, in baptisate singulos pa-
 ctum cū diabolo inire, & dicere, Renuncio ti-
 bi diabole, pompæ tuæ, vitiis tuis, mundo tuo,
 qui in maligno positus est, 1. Ioan. 5. Hoc ergo
 si pactū seruauerimus, beneuoli scilicet, ac con-
 sentiētes sumus *aduersario nostro*, & nequaquam
 in carcere recludendi. Sin quicquam trāsgressi
 fuerimus eorū quæ diabolo spoponderamus,
 trademur iudici, mittemur in carcerē, &c. Et ex
 eiusdē & Primasij, & aliorū scholiis, 1. Tim. 6.
 exposuimus illud Pauli, *bonam confessionē*, in ba-
 ptismo, abrenunciando seculo & pompis eius,
coram multis testibus, sacerdotibus atq; ministris,
 virtutibūsq; cælestibus & diuinis. Et si eius est
 volumen de vera Circuncisione, veniamus ad
 abrenunciationem illā, qua in ipsis fidei nostrę
 cunabulis dicimus nos abrenunciare mūdo &
 pompis eius, ex quo iuxta carnē nostra natura
 est, quoniam quicquid est in mundo, concupi-
 scentia est carnis, oculorum, & ambitio seculi,
 1. Ioan. 2. &c. Superior autem coacta expositio
 Origenis est, Homil. 12. in Numer. cap. 21. mo-
 re suo allegoricē scripturam tractantis. Quo e-
 nim loco Israhelitæ miserunt ad Regem Seon,
 promittentes se non habitaturos in terra eius,
 nec cum eo moraturos, nec in eius agrum
 aut vineam declinaturos, aut de lacu eius
 aquam bibituros. Videamus (ait) quan-
 do hæc promissimus, aut hæc verba diabolo

*Pactum cum
 diabolo inire*

denunciauimus. Recordetur vnusquisque fidelium, cum primū venit ad aquas baptisimi, cū signacula fidei prima suscepit, & ad fontem salutis accessit, quibus ibi tūc vsus sit verbis, quid diabolo denūciarit, non se vsurum pompis aut operibus eius, non vllis omnino seruitiis, aut voluptatibus pariturum, non vltrā disciplinæ diabolicæ, magicæ, aut vlli^o omnino doctrinæ, quæ cōtra Dei pietatem doceat, poculum sumpturum, nec ad opera aut sensus diabolicos declinaturum. Homil. 26. in Iosue 22. Quid nobis prodest exisse de Ægypto, & ei^o nobiscum opprobria in eremo circūferre? hoc est, Quid nos iuuat in baptismo seculo renūciaſſe, & morum nostrorum sordes pristinas, ac carnaliū vitiorū immunditias retinere? Homil. 4. in Iudic. 4. Postquā seculo renunciaſti, & iis quæ in seculo sunt, noli retrō aspicere, aut quæ propter Christū vt stercora duxeras, requirere. Homil. 2. in Psal. 38. sic diabolus inducit relapsis inter cætera exprobrantem, Ecce qui mihi & operibus meis renūciauit in baptismo, meis rursus operibus se inseruit, legibus paruit. Nec multō post Origenem Arnobius in Psal. 23. ad id, [*Nec iurauit in dolo proximo suo.*] Quia per baptismatis donum proximus homini efficitur Spiritus sanctus, per hunc autem promisit se renūciare diabolo & omnibus operibus eius. Iurare ergo, est ius constituere, quo renunciata abstinētur, & promissa seruantur. In 49. Reddas mihi votū, quod in baptismo positus deuouisti,

Ægypti opprobria circūferre.

Spiritus sanctus homini per baptismū proximus efficitur.

quo te renunciaturum diabolo spopondisti, & mea promissisti seruaturum te esse madata. Eadem in 55. Tunc vota tua reddes Domino, quę in baptismo positus promissisti, Renunciare te diabolo, & omnibus pompis & criminibus eius. Sic in 64. Decebit Siō animam esse, si reddiderit vota in Hierusalē, si quod votum Deo fecit, se renūciaturam diabolo & pompis eius, impleuerit. Sic in 75. Omnes iusti memores esse debent quid & cui vouerint, Nam in baptismatis consecratione vouerūt seipsos Deo tradere, & omnibus operibus diaboli renunciare. Hoc reddite Domino Deo vestro, ante oculos hoc habentes, quia etiam principū auferet spiritus, cū a voto discedunt. Idcirco obseruare est in confessione Constantini Magni, fiebant enim & ab Imperatoribus confessiones, & ma- *Confessiones fidei à principibus fieri solita.* iore quidem apparatu, vt quò longius emanarent, hoc plures fidei nomen dare non dubitarent, quam vidissent principem amplexum, & quia in aliis tales ferē sumus, quales eos videmus esse qui præsūt, fecit hæc quoque Regum de fide professio vulgo animum, vt eis esse quā simillimi vellent, impunitate præsertim data, & præeunte principe. Ita passim in antiquis bibliothecis videri constitutiones Iustiniani, Caroli Magni, Friderici, admonet Constantinianę Scholiales Sichardus, quibus tanquam signo dato ad Christianismū vocarentur, quibus hoc per principum alioqui tyrannidē non satis tutò antea licebat. Sic igitur Constantinus de sui

conuerfione ac baptifmo, Deinde per manus
 impositionem clericorum vſque ad præſulem
 veni, ibique abrenunciās Satanae pompis, & o-
 peribus ei⁹, & vniuerſis idolis manu factis, cre-
 dere in Deum, &c. ſpontanea voluntate coram
 omni populo profeſſus ſum. Cuius contempo-
 raneus noſter Hilari⁹ in Pſal. 67. A facie patris
 orphanorum fugient, non relinquentes eos or-
 phanos, qui agnoſcētes patrem in cælis, diabo-
 lo patri renunciauerint. In 118. litera Herth. Por-
 tio mea Dominus, dixi vt cuſtodiam legē tuā.
 Rarus quiſque, cui hæc fiducia ſit, vt portionē
 ſuam eſſe Deum audeat dicere. Renunciādum
 eſt ſeculo, omnib⁹q; rebus eius, vt nobis Deus
 portio ſit. Qui autem hīc ſic ſeculum, clari⁹
 quā vlli ſuprà, explicat, Caterū (inquiens)
 ſi nos ambitio detineat, cura pecuniæ occupet,
 libidinum caprent illecebræ, negotia rerum fa-
 miliarium demorentur, portio nobis Deus nō
 erit, ſecularium rerum & vitiorum poſſeſſione
 detentis. Et ad literam Nun, Seculo renuncia-
 ſti, quid tibi cum ſeculi rebus? quid quereris ca-
 ptus in ſeculo? quid iniuriam laquei in regione
 non tua? Nec enim iniuſtè cæli volucris in
 poſſeſſione terrenæ habitationis retia tendun-
 tur, auis effectus es, cur non in naturæ tuæ ele-
 mento moraris? in cæleſtem ſcientiam homo
 eruditus eſt, quid tibi cum terrenis operibus &
 geſtis? Et hoc paulò poſterior Baſilius in fine
 exhortationis ad baptiſmum, Non ſolū mun-
 do & concupiſcentiis eius, ſed & communibus

*Seculum
 quid ſit.*

mutuísque officiis , iustis alioqui & licitis, ad hæc & vitæ propriæ renunciauimus , si quid eorum à debita Deo obedientia properanda nos retrahat , sic demùm futuri discipuli Christo digni . ' Est apud eundem locus tam similis primo superiorum Tertulliani locorū, vt inde videri possit mutuò sumptus , si tamen Græcus hic præter Græcorum morem Latina attigit, nam eius collega Nazanzenus agnoscit se Romanæ linguæ expertem, Epistola 68. Sic autē habet libro de Spiritu sancto, cap. II. præuaticatores esse qui hunc negant, & fidem abnegasse, ac professionem irritam fecisse. Quid enim & quando professi sunt ? Professi sunt se credere in patrem & filium & spiritum sanctū, cū renunciantes diabolo & angelis eius, salu tiferam illam vocem ediderunt. Et cap. 27. De Ecclesiæ traditionibus non scriptis, post aliquā multas huiusmodi, Reliqua item quæ fiunt in baptismo, veluti renunciare Satanæ & angelis eius, ex qua scriptura habemus, aut informamur? nōnē ex priuata & arcana hac traditione? &c. Citat Gratianus, Dist. II. ca. Ecclesiasticarū. Augustini titulo ex dictis Basilij, qui liber inter Augustinianos, quod equidem viderim, nō extat. Rhenanus Tertulliani Scholiastes indicauit antē à Burghardo Vormatiensi citatum, lib. 5. quem de vniuersali Ecclesia inscripsit, cap. 227. Sed ne hoc quidem occurrit in decretorum libris eius nomine non ita nuper impressis. Sic Basilij frater Nyssenensis in vita Moseos,

*Nazanzenus
Romana lin
gua expertus.*

*Baptismi ca.
remonia vnde.*

*Aqua amari-
tudo in dulce-
dinem per li-
gnum conuer-
sa allegoria.*

enarrās Iudæos Ægypto egressos, & rubro mari elapso, repertam aquam amaritudine nimia nequaquam potabilem, ligno à Mose in eam immisso in dulcedinem conuertisse, Exod. 15. huic (ait) historię res ipsa quam spiritualibus accidere Iudæis videmus, optimè congruit, Nā qui voluptatibus in baptismo renunciauit, quibus in priore vita seruiebat, amarum Christi iugum ei primò videtur, sed resurrectionis mysterium, quod per lignum, per crucem videlicet, in qua Christus mortuus est, creditum & toto corde admissum, suauiorem Christiani vitā reddit, omnibus quæ dulcedine sensum perfundunt, spe futurorum iucundissimè conditā. Eandem allegoriam sequens Ambrosius, Hexameron, lib. 1. cap. 4. Deserit qui abluitur, intelligibilem Pharaonem mundi principem, dicens, Abrenūcio tibi diabole, angelis, operibus & imperiis tuis, nec iam seruiet ei, vel terrenis huius corporis passionibus, vel deprauatæ mentis erroribus, &c. Libro, de his qui initiantur mysteriis, & de Sacramentis, 1. cap. 2. Ingressus es regenerationis saccharium, repete quid interrogatus sis, recognosce quid responderis. Renūciasti diabolo & operibus eius, mundo & luxurię eius ac voluptatibus, tenetur vox tua in libro viuentium, presentibus angelis locutus es, hoc est, sacris ministris, non est fallere, non est negare. Ingressus igitur, ut aduersarium tuum cerneret, cui mox renunciandum putares, ad orientem conuerteris, qui enim renunciat diabolo,

bolo, ad Christum conuertitur, eum directo
cernit obtutu. Et, Venimus ad fontem, ingres-
sus es, considera quos videris, quid locutus es,
repete diligenter. Quando interrogauit te pre-
sbyter, Abrenuncias diabolo & operibus eius,
quid respondisti? *Abrenuncio*, Abrenuncias se-
culo & voluptatibus eius? *Abrenuncio*, Memor
esto sermonis tui, & nunquam tibi excidat tuæ
series cautionis, vbi vel quibus promiseris cō-
sidera. Ergo abrenunciasti mūdo, abrenuncia-
sti seculo, esto sollicitus, &c. Et circiter finem
lib. 9. Commētariorum in Lucam, Non potest
esse quis Domini, nisi prius mundo renuncia-
uerit, Omnes quidem verbis renunciamus, nō
omnes affectu. Nam cū sacramenta suscipi-
mus, renunciamus. Quā grauia vincula, pro-
mittere Deo, non soluere, vouere, non redde-
re, Ecclesi. 5. maior fidei quā pecunie contra-
ctus. Et ad id Col. 2. Cōsepulsi Christo in ba-
ptismo. Et, Si mortui estis cum Christo ab ele-
mentis huius mundi, Illic (ait) in baptismo
homo elementis abrenunciat, vt Christo socie-
tur. Commonet igitur vt perseuerent in abren-
unciatione pompæ & præstigiis Satana. Om-
nis qui baptizatur in Christo, moritur mundo,
cunctis enim superstitionum erroribus abren-
unciat, vt solam Christi fidem colat. Nec ita
post Ambrosium Chrysostomus, Homil. ad
Ephesios, Quid (ait) gratius possit esse verbis,
quibus renūciamus diabolo, & Christi militiæ
accenturiamur? quid ea quæ lauacri regenera-

Abrenuncio
Abrenuncio
Abrenuncio
Abrenuncio

Contractum
fidei.

tionem præt, professione elegantius? Hom. 6.
ad Coloss. Videte ne isto quoque damnemur,
posteaquam diximus, Renūciamus Satanā, &
coniūgimur tibi Chrīste. Et paulò post, inter
Christiani baptisimi ritus, esse serpentem (in-
quit) audias; mox docet, vt dicas, Renuncio ti-
bi, vt idē sit ac si dicas, non audiam te. Ad hęc
ne per alios quoque te capiat, inquis, Et pom-
pā tuā, & seruitutē tuā, & angelis tuis. Omniū
verò scriptissimē cōremōniam hanc inculcat D.
Augustinus, cuius locos, quò facilius inuenian-
tur, digeram iuxta Tomorum seriem: In l. de
Quantitate animæ cap. 3. Bene præcipitur in
mysteriis, vt vniuerso huic mundo renunciet,
qui, vt videmus, corporeus est, quisquis se talē
reddi desiderat, qualis à Deo fact⁹ est, similem
Deo, non enim alia salus animæ, aut renouatio
aut reconciliatio auctori suo. De moribus Ecce-
lesiæ catholice, cap. vlt. Ablutos & sanctificatos
non nisi fideles, & eos qui huic mundo renun-
ciauerint, Paulo intelligi, 1. Cor. 6. 7. qui mun-
do vtuntur, tanquam non vtantur, quod tū iam
probatum, cū ad idolorum cultum cogeban-
tur; Quot enim tūc pecuniosi homines, patres
familias, Rusticani, negotiatores, milites, pri-
uati, Senatores, vtriusque sexus hæc omnia
vana relinquentes, quibus vtique quamuis vte-
rentur, non detinebantur, mortem pro salubri
fidē ac religione subeuntes, demonstrauerunt
infidelibus, à se potius illa omnia, quàm se ab
eis possideri. In 11. Epist. 89. quæst. 4. Hac (re-

*Ceremonia-
rum baptis-
mi malū indi-
cia,*

*on dicitur
indici*

linquendi omnia) lege & conditione, non ij tantum qui mentis excellentia gloriosissimæ perfectionis consilium receperunt, vt vendita sua pauperibus distribuerent, & humeris ab omni seculi huius sarcina liberioribus, leuè Christi sarcinam ferrent, sed etiam quisquis infirmior, & huic consilio minus idoneus, meminit tamen se veraciter esse Christianum, cum audierit sibi proponi, quod nisi hæc omnia dimiserit, dimissus est Christum: Eo autem animo ad fidem accessit, vt huic seculo, & sine dubio omnibus quæ sunt eius, renunciaret, vt Christi discipulus esse posset, ac proinde diuitiis suis, aut sic, vt eas omnino non diligens, totas distribuat indigentibus, aut sic, vt pius Christum diligens, non speret in incerto diuitiarum, sed in Deo viuo, & spem ab eis in hunc transferat, & ita illis vtatur, vt faciliè tribuens, & communicans, in cælo thesaurizet, 1. Tim. 6.

Oportet hic, inquàm, paratus sit, vt parentes, fratres, filios, vxorem, sic & opes relinquere, si talis conditio proponatur, vt eas nisi dimisso Christo habere non possit.

Nam si aliter huic seculo renunciat, quando accedit ad fidei sacramentum, verbis solis renunciat, & non factis. Epistola 105.

Circumstipantur (Pelagiani) & diuinarum autoritate lectionum, & antiquitus tradito & rectento firmo Ecclesiæ ritu in baptismo parvulorum, vbi apertissimè demonstratur infantes, cum ij per eos à quibus gestantur, renunciare

*Diuitiis vt
renunciadū.*

*Infantū baptis-
mus, &
pro eis spon-
sore.*

respondēt, à diaboli dominatione liberantur. Et 107. inter XII. sententias Catholicorum contra eosdem hæreticos, hæc est VII. Scimus etiam paruulos secundum ea quæ per corpus gesserunt, recepturos vel bonum vel malum: Gesserunt autem non per seipsos, sed per eos, quibus pro illis respondentibus, & renunciare diabolo, & credere in Deum dicuntur. In III. de Agone Christiano, cap. 1. 6. Mittitur princeps mundi foras, Ioan. 12. quando ex toto corde huic mundo renunciatur, diaboloque, & corruptelis, pompis, & angelis eius. In III. iam citatum est ex libro de fid. & operibus: De salutaribus documentis, cap. 52. In sacramento baptismi nostri iurauimus abrenunciare diabolo, pompis eius, omnibus peccatis. In V. cap. 3. & 4. concionis ad Catechumenos, Renunciemus dānosæ & pessimæ huic hæreditati, in qua sunt panni diaboli, pompæ scilicet, & angelis eius, &c. Hæc est vox omnium sanctorum veri iudicis consiliatorum, generi humano ut pupillo quasi iurisperitorum patrociniatium, Quod fecimus, faciat. Quid obsecro facturus est? Renūciat diabolo, & pompis, & angelis eius. En hæreditas damnoſa, cui renunciare compellimur. Vigilet quisq; ne non ex toto renuncians post professionem, recitari eius verba audiat, & aduersarium in conspectu iudicis ita exultantem, Post renunciationē quid inuasit pannos meos? quid apud eum impudicitia, ira, auaritia, superbia, quid cætera mea, quibus renunciauerat, fa-

*Renunciatio
quarum rerū
facienda sit.*

ciebant? Denique fugientem à te ad me, cum
 meis, quibus renunciauerat, apprehendi, &c. I-
 dem tractatus est popularis, siue sermo 4. de
 Tempore 1. in vigilia Natalis Domini, tom. x.
 In vii. & antè indicatum est inter Cyprianica,
 contra Donatistas. In viii. super Psal. 80. ad id,
 Inimici mentiti sunt ei. Renuncias? Renuncio.
 Et redit ad quod renūciatur. Vtique quibus re-
 bus renūcias, nisi factis malis, diabolicis, à Deo
 damnatis, furtis, rapinis, periuriis, homicidiis,
 adulteriis, sacrilegiis, sacris abominādis, curio-
 sitatibus? His omnibus renuncias, & rursus his
 inflexus superaris? In ix. frequenter de Symbo-
 lo ad Catechumenos, lib. 2. cap. 1. 2. 3. Hoc au-
 distis, hoc & vos professi estis, renunciare vos
 diabolo, pompis, & angelis eius. Hanc profes-
 sionem vestram in curiam profertis angelicā,
 Optimi iam Dei tyrones, fortes Christi mili-
 tes, dum arma sacramentorum suscipitis, pu-
 gnam aduersus diabolum indicitis, dum eius
 operibus renunciat, vehementius in vos eius
 furias prouocatis. Lib. 3. cap. 1. 2. Pompæ diabo-
 li sunt illicita quæque desideria, carnis, oculo-
 rum, seculi, quæ turpant animam, nō exornāt,
 postquā autem renunciando diabolo exclu-
 dit pessimum inuasorem, introducat optimum
 possessorem, Credat in D. Patrem, &c. Lib. 4.
 cap. 1. Diabolo renunciare professi estis, in qua
 professione non hominibus, sed Deo & Ange-
 lis eius conscribentibus dixistis, Renuncio. Re-
 nunciare autem decet non solū vocibus, so-

*Pompe dia-
 boli, qua.*

no linguæ, aut sonantibus labiis, sed moribus, actu vitæ, & operibus pronunciantibus. De rectitudine catholicæ conuersationis, Memento te quale tunc pactum cum Deo fecistis, cum renunciare vos diabolo & omnibus eius operibus in baptismo promissistis, qui quidē potuit, per se, pro se huic respondit, qui non potuit, fideiussor pro eo ad eius vicem promisit, qui de sacro fonte suscepit. Requirite apud vosmetipsos, si post promissionem opera maligni, cui renuntiastis, secuti estis. Abrenunciastis diabolo, & omnibus pompis & operibus eius, id est, dolis, sortibus, auguriis, furtis, fraudibus, fornicationibus, ebrietatibus, mendaciis. Hæc sunt vera opera & pompæ eius.

*Fines bonorum
& malorum.*

Haftenus de operum malorum quidem fuga, bonorum autem cura. Sequitur de recta intentione, & de bonorum & malorum, vt etiam profani loquuntur, finibus. Sunt autem duo: Prior animæ post cuiusque mortem separata, beatitudo, quem philosophi vidisse magis putauerunt, quam viderūt: Posterior, corporis resuscitati, siue totius hominis in anima & corpore resurrecturi, gloriæ, de qua infideles vix ac ne vix quidē somniarunt. Vterque contra eos qui hominis finem in actu virtutis hac in vita ponunt. Sunt autem hominis, vt mercenarij, dies, Iob. 7. 14. & si in hac tantum vita speramus, miserissimi omnium hominum sumus, 1. Cor. 15. Beati autem omnes qui expectant eū,

Esa. 30. qui confidunt in eo, Psal. 2. & alibi nusquam non. *Quamlibet* ergo pij, iusti, sobriique simus, adhuc tamen sumus *Expectantes beatam spem*, vel beatificam, siue beatos nos effecturā, vel quod idem est, *speratam* pro his à nobis æternam beatitudinem, Et in huius enim retributionem ac præmium cum Mose fideles omnes aspiciunt, Hebr. 11. & propter eiusdem retributionem cum Davide cor suum inclinant ad faciendas Domini iustificationes in eternū, seu usque in finem, Psal. 118. Citat & valde illustrat locum hunc B. Augustinus tractatu 17. in Ioan. quem etiā hic renarrant Beda, Anselmus, *Ieiunium magnum & generale.* & de Conf. Dist. 7. cān. Ieiunium (inquiēs) magnum & generale est, abstinere ab iniquitatibus, & illicitis seculi voluptatibus, ut abnegātes impietatem, & seculares cupiditates, temperāter, iustē, piēque hīc viuamus. Huic perfectio ieiunio mercedem subnectit Apostol. expect. beat. spem illam, &c. In hoc igitur seculo quasi quadagesimam abstinētiæ celebramus, cum bene viuimus, & ab illicitis abstinem⁹. Sed quia hæc abstinētia sine mercede nō erit, expectamus beatam illam spem, &c. In illa spe, cū fuerit de spe facta res, accepturi mercedem, interim spe salui facti, Rom. 8. Nos ergo in præseti vita retributionem ne quæramus, sed hæc à malis abstinētiā obseruantes, & in bonis nos operibus exercentes, ut solliciti, sic certi expectemus æternam beatitatem, *Et aduentum*, quē ut impietas reformidat, ita pietas de sua erga Deū fide

& opere secunda præstatur & expectat. Et vos
 (inquit) similes hominibus expectantibus Do-
 minum suum, quando reuertatur, Luc. 12. qui di-
 ligunt aduentum eius, 2. Tim. 4. ubi quia dixi
 Digressi: 24. de hoc hominum Domini aduen-
 tum expectantium discrimine, hic tantum &
 appositè quidem addiderim, quod Augustinus
 ad finem, Psal. 97. Venturo fortè iudice homi-
 ne, cui non potest patere conscientia, contrem-
 miscunt homines etiam innocentes, si ab eo vel
 expectant præmium laudis, vel timent pœnam
 damnationis: quando veniet qui falli non po-
 test, securi mites gaudeant, illuminabuntur ab
 eo, non damnabuntur, sed iniqui contremiscant,
 At si iusti gaudent, iniqui tremiscunt, Ecce nō-
 dum venit, quid opus est ut tremant? Corrigan-
 tur & gaudeant, In potestate tua est quomodo
 expectes venturum Christum. Ideo venire dif-
 fert, ut cum venerit, non te damnet. Ecce non-
 dum venit, in cælo est, tu in terra, aduentū dif-
 fert, tu consilium noli differre. Aduentus durus
 est duris, mitis piis. Vide modò qui sis: si durus,
 licet tibi intremiscere: si mitis, gaude venturum.
 Christianus enim es. ita; inquis, Credo quòd
 oras, & dicis, Adueniat regnum tuum. Opras,
 ut veniat quem times: ne veniat, corrige te, ut
 non orēs contra te. Expectantes ergò impetrant
 apparitionem, siue, quod August. ubi paulò an-
 tè in Ioan. reuelationē, manifestationē habet
 glossa interlinearis, siue, quod aliàs vertit no-
 lter interpretes, illustrationē, 2. Thess. 2. Aduentū

*Aduentum
 suum cur dif-
 ferat Christi?*

ergo non qualemunque, sed cum splendore, veluti cum sol emergit, ac proinde, *glorie*, siue gloriosum. Est autem vulgaris idiotismus, cuius etiam nobis spem dedit, in quo magna se prae- mia, magnos bonorum operum fructus daturum pollicitus est, quando qui prius in humilitate, vt nos erudiret, apparuit, cum gloria, vt mundum iudicet, apparebit. Duorum hinc Christi aduentuum mentionem Graeci Latinique faciunt, Chrysostomus homil. 58. in Matth. ex hoc textu, Diuine, ait, scripturae duos aduentus Christi testatur, quorum alter iam factus est, quod significauit Paulus dicens, Apparuit gratia Dei, &c. & alterum significans, subiunxit, Expectantes apparitionem magni Dei, &c. Prior in infirmitate ac subiectione gratiam habuit, & remissionem, seu peccatorum veniam, mitis, humilis, abiectus. Posterior, suam pro cuiusque meritis retributionem, maiestate ac gloria plenus, Cum (inquit) venerit filius hominis cum virtute & potestate magna, in gloria & maiestate sua, patris, & angelorum, in & super sedem maiestatis suae, Matt. 16. 19. 24. 25. Marc. 8. 13. Luc. 9. 21. Cum autem Christus apparuerit vita vestra, tunc & vos cum ipso apparebitis in gloria, Col. 3. Iustum quippe est apud Deum, iis qui tribulant, tribulationem: iis qui tribulantur, requiem retribui: In reuelatione Domini Iesu de caelis cum angelis virtutis eius: in flamma ignis dantis vindictam iis qui Deum non nouerunt, & Christi Euangelio non obediunt, qui per-

nas dabunt in interitū æternas à facie Domini,
 & à gloria virtutis eius, cū venerit glorificari
 in sanctis suis, & admirabilis fieri in omnibus
 qui crediderunt. 2. Thess. 1. Ecce (ait pater de
 utroque filii aduentu, apud Prophetam tot an-
 nō annorum centenariis) ecce seruus meus in-
 telliget, exaltabitur, eleuabitur, sublimis erit val-
 de, sicut obstupuerunt super te multi: Sic erit in
 glorius, siue deformior est, inter viros (præ cæ-
 teris viris) aspectus eius, & forma eius inter fi-
 lios hominum, Esa. 42. Sed huius aduētus, hoc
 est, iudicij nouissimi hypotyposim quā amplif-
 simam dedimus. Digress. 2. in 11. ad Tim. & de
 eodem (speramus) siquidem Deus dederit, Ad-
 uentualium concionum primam ex nostris fu-
 turam. Ad literam interim redeo, Expectamus
 ergo illustrem illum aduentū *magni Dei, & Sal-
 uatoris nostri Iesu Christi*, Sic enim tum omnibus
 innotescet Christi non tantū diuinitas, sed
 etiam deitas, cōtra veteres & nouos Arrianos,
 qui ex Deo Christo diuinū hominē faciunt, vt
 qui ad illum vsque diem nunquā confessi sunt
 eum esse Deum, tūc in iudicio velint nolint cō-
 fitebuntur Deum esse, & magnum quidem, ve-
 rum, benedictū, & super omnia benedictū Deū,
 1. Ioan. 5. Rom. 9. & cū Thoma Apostolo di-
 cant ac exclamēt, Dominus meus & deus meus,
 Ioan. 20. Ecquis enim ille Deus, qui acquisiuit
 Ecclesiam sanguine suo? Act. 20. qui animā suā
 pro nobis posuit, 1. Ioā. 3. nisi I E S V S C H R I-
 S T V S? Et hæc enim nomina cū verbi sint in-

*Diuinitas ho-
 mo ex Chri-
 sto & Deo.*

carnati, & articulus græc⁹ magno Deo præmis-
sus, τὸ μέγαν εἶναι, & in Salvatore nostro omis-
sus, cum legatur, καὶ σοτήρ, non καὶ τὸ σοτήρ,
cogunt coniunctim accipere, nō diuisim, & ad
vnum idēque subiectum, hoc est, vnā eam-
dēque Christi personam, non ad duas distin-
ctas personas totidem prædicata referre. Et no-
men ἐμφανῆς, nusquam nisi filio in nouo testa-
mēto tribuitur. De aduentu item ad iudiciū lo-
quitur, de quo filius dicit. Pater nō iudicat quē
quam, sed omne iudiciū dedit filio, Ioā. 5. Acce-
dit magnus ac vt vniuersalis propemodū cō-
sensus veterum Orthodoxorum aduersus Ar-
rianos & Eunomianos ex hoc loco vti aperto
triumphantium, Vbi est (ait) serpens Arrius? vbi
Eunomius coluber? Magnus Deus Saluator di-
citur, non primogenitus omnis creaturæ, non
verbum Dei & sapientia, sed Ἰησοῦς Χρισ-
τὸς, quæ vocabula assumpti hominis sunt.
Non quod alium Iesum Christum, alium ver-
bum dicimus, vt noua hæresis calumniatur, sed
eundem & ante & post secula, & ante mundū,
& post Mariam, imō ex Maria, magnum Deum
appellamus Salvatorem nostrum Iesum Chri-
stum. Proinde alterius est Scholion, quod in cō-
mentariolis qui eius titulo circumferūtur, ma-
gnū Deum Spiritum sanctū interpretatur,
fortasse locum captans, in quo Spiritus sanctus
manifestè Deus diceretur. Primasius quoque;
Magnum Deum Christum dixit Apostolus, de
quo dixerat Angelus, Hic erit magnus, Luc. 1.

*Epiphania
non en in no-
uo testamēto
non nisi fi-
lio tribuitur*

Magn⁹ De⁹

*Iesu Chri-
stus, vocabu-
la assumpti
hominis.*

Sic etiam Anselmus, Cognoscetur magnus Deus, qui in priore aduētū visus est paruus homo, & qui magnus Deus reprobis sentietur, nobis saluator esse dignabitur, vt sit hic ordo & sensus, Expectemus aduētum gloriæ Iesu Christi magni Dei & Saluatoris nostri. Nec verò aliter Græci, Sic nimirum, Vbinā gentium impij sunt, qui filiū vel Deū dicere non sustinent, aut patre minorē dicūt? Audiāt Apostolum hereticā hāc blasphemīā redarguētē. Nā hoc loco apertē Deū, & magnū Deū profitetur, magnū inquā, nō relatiuē, quasi ad aliquē parū aut inferiorē Deum, Nec enim, magnus, de Deo ad aliquid dicitur, Nam sic per comparationem, non per naturam magnus esset, sed absolutē, omninō, incomparabiliter magnū, qui natura & per sese magnus sit, Cui equalis, quoque maior nemo possit intelligi. Et adhuc alibi idem Chrysostomus, homil. 6. ad Philip. 2. (repetam autem paulō altius) Quemadmodum & Ioannes ostendit Christum nihil esse patre minorē æqualem se facientem Deo, cap. 5. ita Paulus rapinam non arbitratur, æqualem esse Deo. Dixit enim, Cū in forma Dei esset, non rapuit vt æqualis esset Deo. Atqui si Deus esset, quomodo rapere necesse habuisset? Quomodo nō insensatē hoc carpitur? Quis enim dixerit, qui cū homo esset, rapuit vt homo esset? Quo enim modo quisquā rapiet id quod alioqui est? Non (inquiunt Ariani) sed quod cū inferior Deus esset, nō rapuit vt magno & maiori Deo æqua-

lis esset. Estne modicus & magnus Deus? Itane ethnica in Ecclesiâ dogmata inducitis? & paru⁹ enim & magnus eis Deus est, si verò & apud nos, hætenus ignoravi, Nam in scripturis magnum vbique Deum, paruum nusquam inuenies. Si enim paruus, quomodò & Deus? Si nō ^{Paru⁹ Deum} est homo natura paruus & magnus, & si quid ^{nusquam le-} eius vnus naturæ non fuerit, homo non est, ^{gitur.} quoniammodo erit Deus paruus & magnus? Qui non naturæ eius est, Deus non est. Vbique enim scripturarum dicitur, Magnus Dominus, & laudabilis valde, Psal. 47. Ecce & de filio, nā eum vbique Dominum vocat, Magnus (inquit) es tu, & faciēs mirabilia. 85. & iterum. Magnus Dominus noster, & magna virtus eius. 46. Sed filius (inquit) paruus est. Sed tu hoc dicis, nam scriptura contrarium, Sicut de Patre ita & de filio loquitur. Audi namque quid Paulus dicat, Expectantes (inquit) b. f. & apparitionem gloriæ magni Dei. At nunquid de Patre si loqueretur, apparitionem dixisset? Vt verò & vos magis argueret, ad apparitionem adiecit, magni Dei. Num igitur de patre dictum est? Nequaquam. Subiunctio enim illa non admittit, quæ dicit, Et apparitionem magni Dei, & Saluatoris nostri Iesu Christi. Ecce & filius magnus est. Quo ergo modo magnum & paruum dicis? qui magni consilij Angelus est, Esa. 9. magnus non est? qui fortis Deus & potens est, Psal. 23. non magnus, sed paruus est? quid ergo impudentes & improbi dicemus Deum esse paruum? Hæc ibi.

Et homil. 42. editionis 2. in Matthæū. cap. 22.
 Primum mandatum magnum est, Deum patre
 diligere, secundum est simile, Dei filium dilige-
 re ac cognoscere. Dei ergo Filius magnus est,
 sicut Pater, quicquid enim Pater potest, filius
 potest. Pater enim diligit filium, & omnia dedit
 in manu eius, Ioan. 3. Sed quia omnia filius dā
 te Patre potest, idēd pater magn⁹, Deus, & pri-
 mus: Filius autem, magnus quidem Deus, non
 tamen primus, sicut Apostolus, Expectantes
 (ait) aduentum magni Dei, & Saluatoris nostri
 Iesu Christi. Vt hic quoque ex hoc Pauli loco
 vrget Christum Deum esse, & Deum magnū;
 quāquā eū sic vnum trinūque Deum cre-
 damus, vt primum dicere non soleamus: quod
 Patrem sic Deum primum ait, vt & Christus
 primum esse Deū neget, inter eius libri offen-
 dicula, quæ arguunt incertum, vt & interim ci-
 tatur, autorem, non Chrysostomum, etiam si &
 huius nomine eadem legitur homilia penulti-
 ma ex 27. variis in Matthæum locis. Hunc ergo
 Pauli locum cūm. Græci Latinique veteres sic

*Filius Dei
 magnus De⁹
 est sicut Pa-
 ter.*

*Erasmus ta-
 xatus.*

acceperint, non erat cur vnus Erasimus vnū se-
 quens Ambrosiū, secus acciperet, & tam perē-
 ni torrenti, tanto inquam, patrum catholicorū
 consensui, tam alieno loco atque tempore sese
 opponeret, quasi non vtrunque, Dei & Salua-
 toris, ad Christū pertinet: Sic autem habet Am-
 brosius, hāc esse dicit beatā spē credentiū, quia
 expectāt aduentū gloriæ magni Dei, quod re-
 uelari habet indice Christo, in quo Dei patris

videbitur potestas & gloria, vt fidei sue premiũ consequatur. Hic certè diuifum accipere, & prius ad Patrẽ, pofterius ad Chriſtũ referre videtur. Et ne non huius contradictionis ſuffragatorẽ Erasmus haberet, Caietanus, quanquã aliter, negat Dei hĩc nomen ad aliquam perſonam reſtringẽdum (puta ad Patrem, filium, vel Spiritum ſanctum) ſed vt in reliquis ſcripturæ locis, vel abſolutè poſitum, vel cum terminis ſeu attributis eſſentialibus (cuiusmodi ſunt magnus, potens, fortis, bonus, miſericors, ſapiens, &c.) intelligitur indiuiduum deitatis, hoc eſt, Deus, ſic & in præſenti loco ſignificatur *Deus* communis Patri, Filio, & Spiritui ſancto. Et ſimul, inquit, erit apparitio magnitudinis Dei, & gloriæ hominis Ieſu Chriſti, quatenus ſaluator noſter eſt, Et ad illam enim uſque horam nimum multis vertetur in dubiũ, tum Dei magnitudo, quòd ſit in omnibus, & ſuprà & per omnia magnus, tum Chriſti, ſiue per Chriſtũ ſalus, an is ſit ſaluator noſter, tunc autẽ utrunque omnibus apparebit ac manifeſtum erit: At non ſic veteres, inter quos Idacius Clarus *Idacius Clarus* contra Varimandum Arrianum, qui quoque paragrapho agit de cõmuni magnitudine Trinitatis, Magnus (ait) pater, magnus Filius, magnus Spiritus ſanctus, de Patre quidem & Spiritu ſancto aliunde probat, De Filio hoc ad Titũ loco vtitur. Eodem vtitur ita Cyrillus de Recta fide ad Reginas, Ipſius ex cælis apparitionem glorioſam expectamus, & ipſe eſt magnus

Ariani noni

Deus & saluator noster Iesus Christus. Quis dicit non esse verum Deum Emanuelem, cum B. Paulus de illo dicat, magni Dei & Saluatoris nostri Iesu Christi? Eodem vitur Aquinas contra Arium, qui dixit filium non æqualem Patri. Equidem vt perlibet agnosco per quos profecerim, nolim hos Arianismi teos peragēdos suscipere, sed non possum non tum ægrè ferre, tum etiam improbare, non maluisse eos in hoc & similibus locis priscorum Orthodoxorum contra veteres Arianos victoriæ participes esse, quàm aliter exponentes, nouis Arianis, quos & quidem nimium multos sub Christianorū nomine latitare neuter ignorabat, in errore malè semel concepto peius pergendi animum suggerere, hoc est nimirum cisternam, siue foueam, in quam simplices incidant, fodere ac aperire, quod lex vetat Exod. 21. vel potius ab aliis olim iam obrutam & obductam rursus aperire. Quid igitur hîc Erasmi? Sermonem hunc planè ancipitem esse. Cur non ergo dubia in fauorem religionis potius cōuertis? Imò (ait) magis pro illis facere videtur, quàm pro nobis. Etiaminè in articulo tam capitali? Cohorui legēs, horresco referens, Et quibus quæso, ita videtur? vni omnium, quos equidem viderim, Erasmo, non etiam Ambrosio, Absit, ac ne Caletano quidem. Addit ex loco prorsus ancipiti, & ex æquo ad vtrūlibet sensum pertinente, contra hæreticum nihil agi. Atqui locum hunc è contrario pro Christi diuinitate apertum

apertum tot antea Græcis & Latinis videri dici-
 que probauimus. Ex vninè cōtra tam alioqui
 multos adhærere? Postremò (ait) Ariani quidā
 & hunc locum accipiunt de Filio, nec tamen
 credunt, quod credimus, magnum enim Deum
 fatentur, verum negant, & hæc est illorum im-
 pietas. Citasset illos Arianos. nihil enī ab Ario
 scriptum extare vel ipse testis Erasmus, qui ali-
 cubi extare nimisquam sanè curiosè deside-
 rat. Sed qui eodem cum Ario seculo scripsit
 Chrysostomus, hic quoque Erasmo contra-
 dicit, & Christum ab Arianis Deum non tan-
 tū non verum, sed nec magnum fictum
 esse, sic vbi paulò antea concionatur. Ea (in-
 quiens) refero quæ ipsi sæpenuerò dicunt, vt
 eò illos magis fugiatis. Cū paruus esset (in-
 quies) non rapuit, vt æqualis esset magno. Quid
 enim, dic mihi (sed ne putetis hæc nostra esse
 verba) si paruus erat, vt ipsi volūt, & multò pa-
 terna virtute inferior, quomodò sanè potuisset
 rapere, vt æqualis esset Deo? Inferior enim na-
 tura vtique rapere non poterit vt sit in magna,
 homo videlicet vt angelo: equus, etiamsi velit,
 homini iuxta naturam æqualis. Hæc Chrysosto-
 mus. Quem suus ibidē Theophylactus & Scho-
 lia græca ita sequuntur. Maiorem aliquem aut
 paruum esse. Deum, gentium esse deliramen-
 ta, non scripturarum dogmata. Deinde si
 iuxta vos Arianos, & vestrū sermonem,
 paruus est, quomodò rapuisset, vt magnus
 fieret? Nec enim potuisset, etiamsi voluis-

*Chrysostomus
 eodem quo
 Arianum seculo
 scripsit.*

fer. Sequitur in litera operatio diuinæ per Christum gratiæ, Dominicæ. i. passionis beneficium, secundò fructus eius multiplex, ex iis quæ facta sunt, in memoriã reuocatio, ea quæ sunt futura, confirmans. Quem (ait) idcirco debemus expectare, & salutem ab eo sperare, quia inter duos aduentus non solùm nos erudiuit, sed etiã *dedit*, nō aliud pretiũ, sed *semetipsum pro nobis*, qui tenebamiur à Diabolo captiui, nobis datus, nobis natus, Esa. 9. 53. oblat⁹ quia voluit, posuit pro orbe toto, & tradidit in mortem animam suã, & Filius hominis venit animam suam dare in redemptionem pro multis, Matt. 20. Marc. 10. & Qui dedit semetipsum pro peccatis nostris, tradidit se pro me, Gal. 1. 2. Eph. 5. pro nobis, pro Ecclesia oblationem & hostiam Deo in odorem suauitatis. & posuit animam suam pro nobis, 1. Ioan. 3. Dedit item pater & tradidit filium, & quidem vnigenitum pro nobis omnibus, Ioan. 3. Rōm. 8. Nec verò dubium, quin & eundem Spiritu sanctus dederit & tradiderit. Vnde Act. 2. Petrus ait, Hunc definito consilio, & præscientia Dei traditum. Tradiderunt quoque Iudas, Iudæi, Pilatus, vt passim legitur in Euāgeliis & Actis Apostolicis. Datum quoque traditumque in cœna & cruce Dominicum corpus, Luc. 22. 1. Cor. 11. & calicem sibi à Patre datum dicit Filius, Ioan. 18. Cur in hac traditione Deus pius, homo reus, nisi in re vna quam fecerunt, causa non vna est ob quam fecerunt? ait Augustinus Epistola 48. Et de

Filius à seipso tradit⁹ & datus, & à Patre. item, & à Spiritu sancto.

Christus à quàm multis traditus.

Trinitate lib. 2. cap. 5. Quæro quomodo Pater tradidit, si Filius se tradidit, vtrunque enim legitur. Credo, respondebit, si hæc probè sapit, quia vna est voluntas, & inseparabilis vtriusque operatio, lib. 13. cap. 11. Nec Filius Patre sibi non parcente pro nobis velut inuitus est traditus. Omnia ergo simul & Pater & Filius, & amorum Spiritus pariter & concorditer operantur. Iustificati tamen sumus in Christi sanguine, & reconciliati Deo per mortem filij eius. Ad quam carnis, inquam, vsque mortem, ait idem lib. 4. capite *Christi mors* decimotertio, quàm nulla peccati pœna me- *spontanea.* diatoris spiritus accesserit, demonstrauit, quia non eam inuitus deseruit, sed quia, quando, quomodo voluit. Hinc ait, Potestatem habeo ponendi animam meam, & iterum sumendi, nemo tollet eam à me, sed ego eam à me pono, & iterum sumo, Ioan. 10. Et hoc maximè mirati sunt tunc præsentes, sed & Pilatus, cum post magnum clamorem continuo spiritum tradidit, ac emisit, Matth. 27. Marc. 15. Luc. 23. Ioan. 19. Hoc inquam, miraculo fuit, quòd sic expitauit, quia longa alioqui morte suspensi cruciabantur, quibus ut iam morerentur, & de ligno ante sabbatum tollerentur, crura confracta sunt. Et homil. 7. in 1. Ioan. Traditor est Iudas, traditor ergo & Deus Pater, Absit, inquis. Nò dico, sed Apostolus dicit. Si Pater Filium, Filius seipsum tradidit, Iudas quid fecit? Facta est traditio à

*Traditio Iu-
da, Patri
& Filij,
quã differat.*

Patre, à Filio, à Iuda. Vna res facta est, Sed quæ res discernit Patrem tradentem Filium, Filium seipsum, discipulum magistum suum? quia hoc Pater & Filius in charitate, Iudas fecit in prodicione. Videtis non quid faciat homo, sed quo animo & voluntate faciat, considerandum. In eodem facto Patrẽ, in quo Iudam, inuenimus, illum & eius charitatem benedicimus, hunc & eius iniquitatem detestamur. Quantum enim generi humano præstitum est tradito Christo, nunquid cogitauit Iudas vt traderet? Deus cogitauit salutem nostram, qua redempti sumus, Filius pretium quo redempti sumus, Iudas pretiũ quo Dominũ vèdidit, & quod, vt venderet, accepit. Diuersa intẽtio diuersa facta fecit: cũ sit vna res, ex diuersis eam intẽtionibus si metiamur, vnum amandum & glorificandum, alterum damnadum & detestandum inuenimus. Idem in Psal. 65. Si Pater Filium, Filius semet tradidit, Iudas quid fecit? Pater Filium, Filius se ad mortem tradendo pro nobis, bene fecit, Iudas tradendo magistrum præ auaritia, malè fecit. Non enim quod nobis præstitum est de passione Christi, malitiæ Iudæ deputabitur: habet is mercedem malitiæ, Christus laudem gratiæ. Et ad id Psal. 95. Secundum malitiam eorũ reddet eis, & disperdet eos. Quod Deus malis hominibus secundum eorum malitiam, secundũ id quod de illis nobis præstat, retribuatur, videte quãta nobis præstat de immaniissimo scelere Iudæ traditoris, is quippè tradidit ad passionẽ

*Intentio rem
diuersificat.*

Filium Dei, per quā gentes omnes redemptæ sunt ad salutem, nec tamen pro salute gentium merces est Iudæ reddita, sed pro ei⁹ malitia debitum supplicium ei retributum. Nam si traditio Christi, non tradentis animus considerandus, hoc fecit, quod fecit Deus Pater, quod & Christus. Et tamen gratias agimus Deo Patri, qui vnicum pro nobis tradidit, & Filio, qui se pro nobis tradendo eius voluntatem impleuit. Iudam autem detestamur, de cuius facto tantū nobis beneficium præstitit Deus, & rectè dicimus, Reddidit ei Dominus secundum iniquitatē eius, secundum malitiā eius disperdidit eū, Non enim pro nobis Christum is tradidit, sed pro argento quo vendidit eum, quamuis Christi venditio & traditio, sit nostra redēptio. Hæc Augustinus, quæ partim renarrantur in Sententiis Theologicis lib. 3. Dist. 20. & lib. 1. Dist. 48. ex eiusdem Enchiridij, cap. 101. per maleuolos Iudæos bona patris volūate Christus pro nobis occisus est. Quod tātum bonum fuit, vt Petrus quando id fieri nolebat, Satanas ab eo diceretur qui occidi venerat, Matt. 16. Marc. 8. Ita

Deus quasdam voluntates suas vtique bonas implet per malorum hominū voluntates malas. Voluit ergo tota Trinitas Christi pœnam, passionem, mortem, salutis nostræ causam vtique bonam, & à Iudæis illatam, Iudæorū tamen impiam voluntatem, culpam, & iniquam actionem non voluit, nec probauit. Et breuiter idem de doctrina Christiana lib. 1. cap. 15. Cre-

*Voluntas
Dei bona sa-
pe per volun-
tatem homi-
nis malam
impletur.*

dita Domini à mortuis resurrectio, magna spe
 fulcit fidem nostram, multum enim ostendit
 quam voluntariè animam pro nobis posuerit,
 qui sic eam in potestate resumere habuit. Idem
 prius obseruauit Eusebius Demonstrationis
 Euangelicæ lib. 3. cap. 4. de diuinioribus Chri-
 sti gestis, non communi reliquorum hominũ
 more mortuum exponens, non morbo con-
 sumptũ, non laqueo, non igne, nec ad aliorum
 morem, qui ob scelera sua crucis supplicio affi-
 ci solent, cruribus ferro succisis, nec omnino
 quicquam ab vllò hominum, qui alios necare
 consueuerunt, passum, violentæ mortis genus
 vllum pertulisse, sed vbi corpus sponte inimicis
 insidiantibus præbuit, tum ilico à terra erectũ,
 deinde in ligno magna voce clamantem, Patri
 spiritum commēdauiſſe, ita solutum liberũque
 per seipsum à corpore secessisse, quod & cū
 familiares acceptum honestè sepeliuiſſent, ter-
 tio ipsum die recepit, nimirum quod spõte re-
 liquerat. Nam & crucifixus (ait non minus ele-
 ganter quàm breuiter ad finem tractat. 4. Cy-
 prianus) præuento carnificis officio, spiritum
 sponte dimisit, & die tertio rursus à mortuis
 sponte surrexit. Et hoc prior Origenes tractat.
 35. in Mat. notat emphasim vocabulorum, tra-
 dere, emittere, & commendare spiritum, Pilati
 quoq; & Centurionis admirationē, quòd Iesus
 crucifixus quidē, sed præter consuetudinē Ro-
 manorũ crucifixos percutientiũ, seruatus, non
 percussus, nō depositus, nō interfectus, Iudeorũ
 scilicet metu, vt diutius pendens amplius cru-

*Mors christi
 nō violenta.*

ciaretur, post tres horas receptus est, qui fortè biduū in cruce victurus erat, vt videretur Dei fuisse beneficium, quòd expirauit, & orationis Christi magis meritum, ac animę ponendę potestas, quā crucis violentia. Idem Celso cōtrā blasphemāti aliquoties respondet lib. 2. 3. 8. nō inuitū cōprehensum, sed tēpore suo & opportuno spōte in hominū captū se venientiū manus venisse, super eos processisse, Ioan. 18. vinctum quoque ad sponte vincula subiisse, nos ita docentem pro fide ac pietate debere mala hęc suscipere, ad quę volēs is & vltro docuerat, quique pro admirabili sibi tradita potestate, non pro humano debito (quod is scilicet deberet) animā se positurū, siue à corpore seiuncturum, sed & resumpturū prädixerat, Vnde carnifices quoque anticipans atque præueniens, qui eum in crucē sustulissent, & crucifixis, ne diutius torquerentur, crura cōfregerant, corpore excessit, vt volēs scilicet anima corpus reliquerit, & vbi nōnulla extra id administrasset, rursus ad illud ipsum pro arbitrio rediret. Abutitur Celsi Iudæus Baccho apud Euripidem sic dictitante,

Soluet me demon ipse, vbi mihi libuerit.

Verūm quòd Iesus, seipsum licet vinctum non soluerit, soluēdi se tamē potestatē habuerit, omnia deniq; sibi illata volēs, non coact⁹, sed equo animo tulerit, ex nostris Euāgeliis intellexisset, si fidē iis pręstitisset. Et ad id Hier. 12. Dedi seu tradidi dilectā animā meam in manum inimicorum eius, homil. 8. quorum? Iudæorum, principum aduersus eum congregatorum, Et hoc

*Expiratio
Christi, Dei
beneficium.*

scripturæ loco, vt & superioribus (ne nobis excidat) vtuntur Idacius & Cerealis Episcopi catholici contra Varimadum & Maximinū Arianos, Christum inde minorem patre dicentes, quòd hic illū tradidisse legatur, cum & Fili⁹ voluntariè dispēsationem assumptæ carnis adimplēs, clara cōtestationis voce fideles suos per se pèrque Apostolum docere dignatus sit, Semetipsum dedisse ac tradidisse, & animā suā propria potestate posuisse & assumpsisse. Et quod Christo tam sèpe fuit in ore, Vado, Venio, Ioā. 7. 8. 13. 14. 16. Amphilochns Episcopus Ichniēnsis inter patrum de duabus in Christo naturis testimonia, in Antidoto siue hæreseologia, sic citatur, Non conturbetur cor vestrum, neque formidet, quia tradendus sum Iudæis, non enim inuita res, sed spontanea passio, Vado & venio, vtrunque sicut homo. Vado ad patrem per mortem homo, Venio ad vos rursus per resurrectionē homo. Sic & Hilarius, Quod (inquit) & in crucem actum vnigenitum Dei filium, naturalem & æterno patri coæternum, & morte damnatum, frequenter, imò semper prædicamus, non ex naturæ necessitate potius quàm ex humanæ salutis dono, & sacramento fuisse subditus intelligendus est, & voluisse se magis passioni subiici, quàm coactum, quæ passio voluntariè suscepta est, passus ergo est Deus, quia se subiecit voluntarius passioni, Sequitur enim, Volūtariè sacrificabo tibi. Sustinuit consolantē, cōmērentēque

Passio Christi voluntaria.

non habuit, non quòd consolatione eguit volēs pati atque mori, sed secum super populi impietate mœrere, &c. Sed hic pennas sumit volaturus, non alienas, non nouas, sed proprietatis vsurpatione præsumptas, ac post passionis voluntariæ sacramentum, & naturæ & potestatis pennas ad cælum se habuerit efferendi, susceptum opus etiam pro obedientiæ obsequela festinat implere, sed ita vt meminerimus esse in eo voluntatis officium. Spiritum enim Iesus posuit, cùm voluit, nec expectauit, vt animam impressū vulnus emitteret, Ius animæ eius manus irreligiosa non habuit, ait enim, de gladio maligno eripe me. Quanquam enim exanimiam corporis latus miles transfoderit, vsus ministerio scuitiæ, cæterū potestas spiritus emittendi, causam violandæ in se animæ non reliquit. Hæc ille pro sua grandiloquentia, lib. 10. de Trinitate. in Psal. 53. 68. 137. 139. 143. Breuius Nazianzenus oratione 1. in natalem Saluatoris, 4. in sanctum pascha, Et traditus (ait) dicitur, sed & seipsum tradidisse, & à Patre resuscitatus & resumptus esse, sed & seipsum resuscitasse, & iterū rediisse. Illa bonæ voluntatis, hæc verò potestatis sunt. Et iuxta Damascenum, li. 3. cap. 18. Quando voluit diuina eius voluntas vt humana mortem eligeret, voluntaria ei passio facta est, non enim secundum quod Deus solum voluntariè seipsum in mortem tradidit, sed & secundum quod homo. Vnde & contra mortem nobis audaciam præstitit. Sic Ambro

Christus non solum secundum quod deus in mortem se tradidit, sed etiam secundum quod homo.

fius, Luc. 3. de Enoch rapto nō mortuo, Gen. 5. Heb. 11. manifestum Dominicæ pietatis & diuinitatis indicium est, manifestum enim est Christum potuisse non mori, sed voluisse, vt sua nobis mors prodesset. Et Enoch quidem rap^t est, ne malitia mutaret mentem eius, Sap. 4. Dominus autem, quem malitia seculi mutare nō poterat, ad cælum vnde venerat, naturæ suæ maiestate remeavit, Luc. 4. Simul intellige non ex necessitate fuisse, sed voluntariam corporis passionem, nec à Iudæis captum, sed à se oblatum. Etenim quando vult, capitur: quando vult, labitur: quando vult, suspenditur: quando vult, non tenetur. 22. Caterum quàm constanter se morti obtulerit, consequentia declarant: quærentibus occurrit, timentes confirmavit, trepidos prouocauit, &c. & bene tradidit spiritum, qui non inuitus amisit, quod enim emittitur, voluntarium est, quod amittitur, necessarium. Cur etiam post mortem non antè percussus inuenitur, nisi fortè vt voluntarius magis quàm necessarius exitus eius fuisse doceatur? Sed cui datus aut traditus? adhuc enim cui non audiui-
mus, nisi Iudæis capitalibus eius inimicis, imò & Satanæ traditum dicere scriptores non refugiunt. Sic enim pergît hic ad finem, 1. Cor. 1. Redemptio (ait) nostra hæc est, Obtulit se Christus diabolo cupienti, vt peccati ipse contradictionem auferret, & sic captiuos eius erueret. Obscura sanè causæ redditio, Nec clarius, sed ad superiora Augustini disputata confor-

mius, ad Eph. 5. Si verum est Christi mortem Deo in odorem suauitatis & libenter fuisse acceptam, non peccauerunt qui eum secundum Dei voluntatem crucifixerunt. Sed non ita est, quia Christus Deo dicit se obtulisse, dum occidi se passus est, In patris sui voluntate perdurans, quia qui iustè occiditur, diabolo se offerens voluntatem eius facit, vt occidi mereatur (hic negare videtur quod antè aiebat, Diabolo oblatum, sed multa iis Commentariis infarta sunt quàm corruptissima. Pergit autem.) Ita & Christus dum Dei voluntati adhæret, diabolo displicuit, ideóque illum occidit, quia Deo se obtulit iustitiam exequendo. Itaque immeritus qui occiditur, placet Deo, non quia occiditur, sed quia ad mortem vsque iustitiam conseruauit, hanc enim mortem suscepit Deus Christus ad vitã vnde & odor suauitatis appellatur Deo. Quærit & ibidè, Quomodò & Deus eum tradidit, & Deo se ipse obtulit, quasi hoc, quantum ad verba, contrariũ videri possit. Deus tradidisse dicitur, quem occidi permisit, sicut dicit Dominus Pilato, non haberes aduersũ me potestatem, nisi data esset tibi desuper, Ioan. 19. Data enim est, sed non nolenti potestas, hoc est, permissũ est illi facere quod voluit, & hoc est tradere, dum enim dissimulat, tradit, nam si permittere noluisset, occisus non esset. Permisit ergò eũ occidi, sed ab his qui eũ sponte, non coactè volebant occidere. Non ergò immunes à pœna, quibus hoc permissũ quod volebant.

Damnatio enim in eo competit, quòd voluerunt. Quod idè tamen Deus permisit, quia sciret aduersum diabolum pro multis futurum: Dignum enim fuit, vt quod inimicus futurorū impræscius contra se quasi pro se facere putabat, permitteretur ei, vt impræscientiam suam sibi imputans, facti sui pœnitētia torqueretur. Quòd autem Christus se obtulit, aut eum Pater tradidit, vnum est, quia vna amborum voluntas. Sed quoniam Christum aduersario traditū obiter tantum dixit, non etiam exposuit, Ne rectè dictum, non rectè intellectum lectorē perturbet, idem aliunde firmandum & exponendum. Sic igitur Origenes, Homil. 4. in Matth. 17. traditum Filium à Patre non tantum in manus hominum, sed & principi huius seculi explicat, Exempli causa, Iob primum traditus à Deo est in manum diaboli, Ecce (ait) tibi trado eum, & omnia quæ possidet, Iob. 1. 2. tantum animam eius serua. Accipiens autem diabolus bona eius in potestatem, tradidit prædonibus, &c. Vide ergò ne fortè sicut bona Iob tradit in manus prædonū diabolus, accepta prius à Deo potestate, sic & aliqua operatione princeps potestatum aëris, tradidit eum in manus hominū, Iudæ, Iudæorum, Gécilium. Considera tamen quòd Pater non simpliciter eum tradidit potestatibus contrariis, sed propter misericordiam suam, vt saluaret genus humanum: Contrariæ autem potestates in manus hominum tradiderunt, non pro aliquorum salute, sed quantum

*Christus quo
modo princi
pi huius seculi
traditus.*

ad se, quia eorum nemo sapientiam Dei in mysterio absconditam nouit, 1. Cor. 2. & inimica eius mors eum sibi, sicut & omnes homines in Adam morientes, subiiceret. Sed & homines qui eum occiderunt, secundum volūtatē potestatum, qua Dei filium volebant morti subditum fieri: voluntatem enim habebant non iuxta diuinam iam ordinatam. Non ergo ab hominibus (primū) in manus hominum traditus est, sed à potestatibus, quibus eum pro nobis omnibus tradidit, ut in eo quoddam traditur, & sit sub eo cui traditur, destruat eum qui mortis habebat imperium (diabolus) Heb. 2. Et pro nobis ergo Pater Filium tradidit, ut suscipiētes eum principes (seculi huius inuisibiles) & tradentes in manus hominum, irriderentur ab eo & subsannarētur à Domino, sic quippè omnia in Regni proprii & principatus sui dissolutionem agentes, nobis utique, disruptis eorum vinculis, & proiecto eorum iugo, Psal. 2. & inimica communi destructa morte, nō huius solūm morti, sed & resurrectioni factis cōformibus. Et ad finem tractat. 12. Cui dedit animam suā redemptionem pro multis? Nec enim conuenit dicere, Deo. Ne fortè ergo maligno, ut in nobis dominanti, donec ei daretur pro nobis redēptio anima Iesu, decepto videlicet ac existimanti, quasi posset eius dominari, &c. Ut hic suo more in magnis ambulat. De hoc & Nazianzenum audiamus in sanctum Pascha sic orantem, Iam rem & doctrinā scrutemur à nul-

tis neglectam, sed à me diligenter inuestigatā,
Cui enim pro nobis sanguis, & cuius rei gratia
effusus est pretiosus & salutaris Dei, pontificis
sacrificij? Etenim detenti eram⁹ à maligno, sub
peccati iugum missi, prauitatis mercedem volu-
ptatem accipiebamus. Si igitur solutio nullius
est alterius, quàm eius qui detinetur, quaro cui
hic effusus sit, & quā ob causam? Etenim si im-
probo, proh quanta iniuria, si non solū à Deo,
sed & Deum, redemptionis pretium latro acci-
pit, tam immensam tyrannidis suæ mercedem
propter quam iustus erat vt nobis parceretur.
Sin Patri, primò quaro, quo pacto nec enim de-
tinebamur ab eo. Secūdò qua ratione sanguis
eum oblectaret, qui nec Isaaci sanguinem à pa-
tre oblatum suscepit, sed victimam immutauit,
& pro humana hircum subiecit? Gene. 22. aur;
constatne quod pater Filij sanguinem suscepit,
cū neque peteret, neque indigeret? Caterū
propter dispensationem effusus est, & quia Deū
res humanas per hominem sanctificare oport-
tebat, vt nos, vi tyrannum superans, eriperet, ac-
per Filij intercessionem ad se congregaret, id-
que in honorem patris ita disponentis, cui cun-
cta tulit accepta. Et, Christi quidem res ita se
habent, sūntque vt plurimū silentio colēda.
Vt hic tantus quoque theologus de rebus tan-
tis & diligenter, vt ait, à se vestigatis lentè, sub-
missè, ac reuerenter loquitur, resoluendo ma-
gis cur datus sit Christus, quàm cui: sed nō du-
bium quin Deo, in sacrificium ei pro nobis ac-

ceptissimum, vbi suprà ad Eph. 5. Satanæ sicubi legitur, sobriè magis quàm subtiliter exponatur, nec enim meminialibi quàm apud Origenem legere, apud quem est superiorũ quidam velut epilogus, initio tractatus 35. in Matth. 26. Idèd, inquit, impersonaliter Euangelista posuit, *Tradetur*, non dicēs à quo, quod verbum potest ad omnes respicere qui tradiderunt eum, non eodem omnes proposito: Deus propter suã in genus humanum misericordiam, ceteri secũdum suam quisque malitiam, Sap. 2. Iudas ob auaritiã, fur nimirũ, & qui in eũ intrauit diabolus, propter timorem ne auelleretur de manu eius per doctrinã ipsius, non aduertēs scilicet nos creptum magis iri per mortem ipsius, quàm per doctrinã vel mirabilia. Sacerdotes & seniores propter inuidiã, & qui id sciebat, Pilatus, mundano perdẽdẽ Cæsaris amicitia metu. En vt eadem actio quatenus ex diuersa radice procedit, diuersimodè de bono vel malo iudicatur. Habet ergò diuinam opus hoc virtutem, vt cũ reliquis Leo Magnus, Serm. 1. de Passione sic con-
Satana an sit traditus chr̃o suo.
Actio eadem pro radice diuersitate diuersimodè indicata.
 cionatur, Quod enim Dominus maiestatis sue potetiam comprimit, & vim in se persecutoris admittit, ex illa volũtate est, qua dilexit nos, & se pro nobis tradidit, cooperãte in hoc ipso patre, qui proptio filio non pepercit, sed pro nobis & illũ tradidit. Vna enim Patris & Filij volũtas & diuinitas, de cuius dispositionis effectũ nihil vobis gratia, Iudæi, nihil tibi, Iuda, debemus. Saluationi quidẽ nostrẽ nõ hoc vobis vo-

lētibus impietas vestraferuiuit, & per vos factū est, quicquid manus Dei & consiliū decreuerūt fieri, Act. 4. Mors igitur Christi nos liberat, vos accusat. Meritò soli non habetis, quod omnib⁹ perire voluistis, &c. Et tanto post Leonem 1. tempore Innocentius 111. mysteriorum, lib. 1. cap. 38. Dedit Filio calicem Pater, non iudex, amore, non ira, voluntate, non necessitate, gratia, non vindicta. Et lib. 3. cap. 2. Dum dicit sacerdos, Hæc dona, hæc munera, hæc sancta sacrificia illibata, traditionem trinam cōmemorat, quam Deus fecit ex dono, Iudas pro munere, Iudæus in sacrificium: Singuli ad mortem diuersa operantia, vnum operatum, quo Filius ex Patris decreto, ex Spiritu sancti cōsilio, ex proprio beneplacito, semetipsum passioni exposuit. Indiuisa sunt opera Trinitatis, tota & indiuidua Christum in mortē tradidit, vt tota per eum nos à morte redimeret. Donum dātis est, munus accipientis: sacrificium offerētis, Pater dedit, Filius obtulit, Spiritu sanctus accepit, hic Apostolus, Hebr. 9. Christus per Spiritum sanctum semetipsum obtulit Deo immaculatum, Singuli tamen obtulerunt, dederunt, acceperunt. Sed ad distinctionem dicitur Pater dedisse propter autoritatem, Filius obtulisse propter humanitatem, Spiritu sanctus accepisse propter benignitatem. O liberalis gratia, liberalitas gratiosa! quod nobis Deus dedit in donum, hoc accepit à nobis in munus. Atque hic huius sit digressionis terminus, Christus semetipsum in
mortem

*Hæc dona,
hæc munera
Græc. ἐν αὐτῇ
ἵνα.*

mortem dedisse & tradidisse legitur & intelligitur, aduersarios, cum utique posset, non reprimendo, neque vim à corpore suo repellendo, sed nocuentis atque laesuris cedendo ac succumbendo, mortē ab aliis illatam, ut ait Athanasius, ferendo, non inferendo, tolerando, non resistendo. Hæc stulta mundi sunt & infirma, quæ Deus elegit, ut sapientes & fortes confunderet, 1. Cor. 1. Iniuriæ & passio Saluatoris, nescientibus hæc ad virtutem proficere, quia hæc ideò pati se permisit, ut mortem vinceret: Iniuste enim pati, & posse resistere, & nolle, gloria est patientis, damnatio occidentis. Quo etiam modo dedisse eum Pater dicitur & tradidisse, hoc ipso quòd eū, cum in forma Dei esset, passus est exinanire seipsum, & formam serui suscipere, & ad crucis usque mortem peruenire, ait Origenes, Rom. 8. Phil. 2. non ei parcendo, nihil indulgendo, non ei auxiliatus in bello, Psal. 88. & hoc enim Celsus Saluatori obiecebat, quòd in passione nihil esset à Patre adiut⁹, nec ipse sibi opem ferre potuisset, quasi non & hoc quoque à prophetis cum ratione prædictū esset, fore quandoque ut hic pro humano genere pateretur atque moreretur, quando id mortalibus conduceret, ut respondet idem Origen. lib. 1. in eūdem Celsum. Et in Praxean Tertull. Sic filium Pater dereliquit, dum hominem eius tradidit in mortē, dum non parcit, alioqui non reliquit Pater Filium, in cuius manibus Filius spiritum suum posuit, denique posuit, & statim

Pater quomo- do filiū suū dicitur percussisse humi- liaſſe, &c. obiit, Spiritu enim manente in carne, caro mo-
 ri omnino nō potest, ita relinqui à Patre, mori
 fuit Filio. Hoc autem sensu non tantum Pater
 dedit eum ac tradidit, sed etiam percussit, hu-
 miliavit, vulneravit, & attriuit, propter iniqui-
 tates & scelera populi sui, Esa. 53. non tantum
 non eum ab huiusmodi passionibus protegen-
 do, & derelinquendo, hoc est, persequendum
 potestati exponendo, sed etiam talia ei patien-
 di voluntatem inspirando, quæ æterna sua vo-
 luntate ad humani generis liberationem præ-
 ordinauerat. In quo eius ostenditur tum in pec-
 catum seueritas, quod impunè missum facere
 noluit, tum in homines bonitas, ut quibus cum
 satisfacere nequirent, satisfactorem dederit Fi-
 lium, qui etiam quæ Deus, eadem qua Pater, se
 voluntate & actione & in nos dilectione tra-
 didit: quæ autem homo, voluntate à Patre & Spi-
 ritu calitus infusa dedit ac tradidit. Hactenus
 Aquinas, Part. 3. quæst. 47. artic. 1. & 3. & post
 eum Dionysij Carthus. Sūma Orthodoxæ fi-
 dei, lib. 4. artic. 58. Tribus verbis tā alioqui mul-
 ta expedias, Dedit & morti Christum Deus tra-
 didit, dum tradendum ordinauit, inspirauit, ex-
 posuit, & traditum ad tempus dereliquit, non
 adiuuit, nō eruit, triduo post ab eodem qui sic
 dederat & tradiderat, vitæ reddendum & susci-
 tandum. Sequitur tandem eius dationis & tra-
 ditionis fructus duplex, nempe libertas, ut nos
 redimeret ab omni iniquitate, ut nulla iā nobis do-
 minetur. Primus homo ex peccato suo cum sua

*Seruitus pec-
 cati & dia-
 boli.*

ipse posteritate in seruitutem tum peccati, vt quod qui facit, eius seruus sit, Ioan. 8. tum Diaboli, à quo enim quis vincitur, eius seruus efficitur, 2. Petr. 2. redactus est. Hic secundi hominis ostenditur potētia & magnitudo, quod seipsum dando, non hūc vel illum, sed omnes: nec ab aliquo peccato liberauit, ab alio non item: sed ab omni prorsus exemit & vindicauit, tam originali, quam actuali, & omnibus & singulis quę pro sua quisque voluntate nos superaddimus. Sed & à carnis quoque fragilitate, & Diaboli potentia & suggestionē. Neutri enī, quod hic Bruno exponit, non redempti obniti poteramus, nam qui primū hominē in tanta virtute creatū subuertit, quantō magis nos tot miseriis passibilitatis & mortalitatis pressos subuerteret? proinde nihil prodesset, certē nō satis esset, etiamsi à peccatis nos mundaret, nisi & à periculo carnis & Satanę liberaret, data illius infirmitati, huius tyrānidi resistendi potestate. Addendū & ex Theod. Ea quoque de causā mortem nostri causā à Christo susceptā, vt eius euasā tyrānide, ab eius acerba nos seruitute liberaret, Ideò, inquit, Noli timere, quia redemi te, Esa. 43. Et hīc quoque ingēs patebat cāpus, nisi iam nobis aliquoties decursus, ad id. 1. Tim. 2. Qui dedit semetipsum redemptionem pro omnibus. Et iterū in 2. ad Timoth. Digressione 4. *Redemptio de longa latāque differentia mortis Dominicę & martyrum. Postremò tractatus de Mediator sit.* nostra à quo sit.

re, cap. 13. 14. quo sensu Christus sit redemptor

*Emere, &
Redimere.*

& redemptio, quo tota Trinitas redemisse dicatur, ut enim traditionem, ita & redēptionem tota simul operata est, Augustinus de Trinitate lib. 3. cap. 11. quid de his decidi Sanctis quoque possit, quod Christus & inquam Deus, sit redemptor, potestatis nimirum vsu, licet ita sapius vocetur secundum humanitatem, humilitatis utrique effectum, obedientiae exhibitione, susceptis in eadem & impletis sacramentis redemptionis nostrae causis & meritis. Ex Sententiis Theologicis, lib. 3. Dist. 12. E. & aliis scriptoribus. Neque tamen non hic aliquid dicendum illic reliquimus. Redimere hic dictum notat Anselmus, quia eius eramus. Nam aliena dicimur emere, nostra redimere. Nescis, inquit de vita beata, lib. 1. cap. 3. Ambrosius, quod te primorum parentum culpa mancipatum seruituti redemerit Christus, non emerit? Ergo seruus es qui creatus es, & à Domino redemptus, quasi Domino & redemptori seruitutem debes. Et circiter initium cap. 12. Luc. Aduersarius tanquam captiua mancipia vilioris pretio aestimationis addicit, Dominus ut speciosa seruitia, quae ad imaginem & similitudinem sui fecit, idoneus operis sui estimator, magno nos pretio, 1. Cor. 6. quod esse scilicet non estimatur, sed sanguine pretioso, 1. Pet. 1. de uana nos conuersatione, de maledicto legis, Gal. 3. & de perpetua impietatis morte redemit. Sic breuiter Tertullianus de Carne Christi, Si ab alio Deo est homo, ô Marcion, magis utique admauit, quando alienum

magno redemit, nisi dilexisset, non redemisset. Et de fuga, Dominus virtutum hominem de terris, imò ab inferis mercatus in cælos. Quis est qui depretiatur, & mercedem ei⁹ tam magno comparatam commaculat? Sic Arnobius in Psal. 122. Recordemur nos seruos, quia creati ab eo sumus, & redempti probamur. In 53. Niliarius, Omnem humani generis salutem oblatione sanctæ & perfectæ hostiæ redempturus. In 118. Res. Venundati sub peccato per redemptionem in Sanguine Domini liberamur, hoc legislatio, omnes spiritus prophetiæ, patriarcharum spes, Angelorum voces, & toto tempore diuinus sermo testatus est, ob quod redimi se deprecatur David. Sed hæc eadem Dei eloquia, vt piis spebus redemptionem denuntiatur, ita impiis (desperantibus) non relinquunt. In 129. Est vnigenitus Dei Filius, Deus verbū, Redemptio nostra. Ad id 135. Redemit nos de manu inimicorum nostrorum, non tunc cum Iudæos à dominatu Ægyptiorum exemit, nam & pòst inimicis subditi sunt, & hodiè iure alieni imperij coërcentur, sed redemit nos, cū se pro peccatis nostris dedit, per sanguinē, passionem, mortem, resurrectionem suā, ab inimicis, Diabolo, angelis eius, filio perditionis, principibus aëris, mundi potestatibus, inimica morte. De vocum autem discrimine, vnde orsi sumus digressionem, Origenes, Hom. 6. ad id Exod. 15. Populus tuus quē acquisisti, Si Dominus creator est omnium, videndū est quomodò acqui-

*Acquisisse
nos quomodo
dicitur Cln
stus, aut re-
demisse.*

fisse dicatur, quæ sua esse dubium non est. Dicitur & alibi, Nōne hic ipse Deus tuus est, qui fecit, creauit, acquisiuit te? Deut. 32. Videretur autem id quisque acquirere, quod suum nō erat. Inde dicunt hæretici de Saluatore, quod eius non erāt quos acquisiuit, dato enim pretio hominēs mercatum, quos creator fecerat, ac certum est vnumquemque quod suū est, non emere. Et pretio tamen emptos ac redemptos dicit Apostolus. Audi ergo quid Propheta dicit, Ecce in iniquitatibus, seu propter iniquitates vestras venditi estis. Et gratis venundati estis, Esa. 50. 52. Vides Dei quidem creaturam omnes esse nos, sed pro suis quemque peccatis venditum, & à proprio creatore alienatum. Dei ergo sumus, quatenus ab eo creati sumus. Diaboli verò serui facti sumus, quatenus peccatis ei nostris venundati. At veniēs Christus redemit, cum seruiremus illi domino, cui nosmetipsos peccando vendidimus. Ita videtur tanquā suos quidem recepisse, quos creauerat, tanquam autem alienos acquisisse, quia alienum sibi Dominum siue errando, siue peccando quasiuerant. Et recte quidem dicitur redemisse, qui pretiū sui sanguinem suum dedit, quid autem tale ut nos mercaretur Satanas etiam dedit? quo censu, qua pecunia, quo numismate emit quos seruos sibi effecit? omni genere peccati, &c. Et tractatu 2. in Matth. 16. Ergo homo quidem non potest dare commutationem pro anima sua: Deus autem pro animabus omnium cominu-

tationem dedit pretiosum sanguinē filij sui. Et ad Ro. 3. attentius adhuc obseruat quid sibi velit redemptio. Sic enim dicitur, quod datur hostibus, pro iis quos captiuos detinet, vt eos pristinæ libertati restituât. Detinebatur autē apud hostes humani generis captiuitas, peccato tanquā bello superata. Venit Dei Filius, & semetipsum hostibus tradidit, & sitientibus eis sanguinem suum fudit. Hæc est credentibus facta redemptio. Quam obiter sub mysterio designata tam dicit Prou. 13. Redemptio animæ viri, pro propria diuitiæ eius. Quæ sunt requiras? Inuenies sapientiam, iustitiam, sanctificationem: hæc autem cū Christū esse dicat Apost. 1. Cor. 1. Christus est animæ diuitiæ, ideoque eius redemptio, Nā corporales diuitiæ, animæ magis credendæ sunt perniciēs, quàm redemptio, nisi ex corporalibus ad spirituales trāsferatur, & in bonū op^{us} conuersa, iustitiæ fiant atque misericordiæ. Sic breuiter in Iulianum Oratione 1. Nazianenus, Tunè contra magnam Christi hæreditatē, quā is vt Deus cōdidit, & vt homo acquisiuit? Quid enim aliud ille, inquit Eusebius, quàm pro animis nostris pretium? Et, dereliquit eum fortis suus, cū eum voluit pro vniuerso mundo pretium, quo animæ redimerentur, exhiberi. Is verò diuinum aternūque decretum, & quas ob causas à patre relinquendus esset, intelligens, multò etiam amplius seipsum demisit, pro redimendis animis nostris pretium factus, & omnis humani generis à priore illa

*Diuitiæ spi-
rituales.*

sub inuisibilibus dominis, impuris ac malignis
 dæmonibus, intolerabili seruitute, redemptio
 ac liberatio. Demonstrationis Euangelicæ lib.
 10. cap. 1. & 8. Et recentior quidem, sed in huius
 mysterij contemplatione totus velut liquefa-
 ctus D. Bernardus super Cantica Serm. 20. 22.
 ad cumulū pietatis tradidit in mortem animā
 suam, de proprio latere fundens & proferens
 pretium redemptionis, quo Patrem placaret, &
 nos ei recōciliaret, per quod planē ad se versi-
 culum traxit, Psal. 129. Copiosa apud Deum re-
 ductio. Prorsus copiosa, quia non gutta, sed
 vnda sanguinis per quinque partes corporis e-
 manauit. Et Augustinus omnium tam minimē
 omittendus, quā maximē catholicus, obiter
 enarrās id Col. 1. In quo habemus redemptio-
 nem in remissionem peccatorum, De Trinita-
 te, lib. 13. cap. 15. In hac, inquit, redēptione tan-
 quam pretium pro nobis datus est Christi san-
 guis, quo accepto, Diabol⁹ (& hīc habēs quod
 paulō antē quæritabamus, Diabolo datum) li-
 gatus est, nō dicatus, vt nos ab eius nexibus sol-
 ueremur, nec secum eorum quenquam quos
 Christus ab omni debito liber idubiē fuso suo
 sanguine redemisset, peccatorum retibus inuo-
 lutum traheret ad secundæ ac sempiternæ mor-
 tis exitium, sed hactenus morentur ad Chri-
 sti gratiam pertinentes electi, quatenus pro eis
 mortuus est, carnis tantū morte, non spiri-
 tus. Hanc autem redemptionem tam latē patē-
 te, vt & infantulis saluifica sit, sed baptizatis.

*Diabo'o da-
 tus Christi
 sanguis.*

Idem vndecunque captans contra suos, hoc est, fidei aduersarios Pelagianos scribit Hilario Epistola 88. 89. quæst. 4. adeò vt Cælestius vnus eorum in Ciuitate Carthaginensi Presbyter à fidelibus fratribus ad iudicium episcopale perductus, confiteri coactus sit baptizandis paruulis redemptionem esse necessariam, quo, inquit, non parum sibi præscripsit. Vnde enim redimendi, nisi à Diaboli potestate, in qua esse nõ possent nisi originalis obligatione peccati, aut quo prærio redimentur, nisi Christi sanguine, de quo apertissimè scriptum est, quòd in remissionem effusus sit peccatorum. Et Epistola sequenti, quæ est patrum Concilij Carthaginensis quinti, opinor, ad Innocentium 1. Rom. pont. & extat in tomo 1. Conciliorum ante Innocentianâ Epistolam. 2. de actis aduersus eundem Cælestium & Pelagium. Paruulos hi propter salutem quæ per Saluatorem Christum datur, baptizandos negant, ac sic mortifera eos doctrina in æternum necant promittentes etiã si non baptizentur, habituros vitam æternam, nec ad eos pertinere, de quibus ait Dominus, Venit Filius hominis quærere & saluare quod perierat, Luc. 19. quia, inquiunt, non perierant, nec est quod in eis saluetur, vel tanto pretio redimatur, quia nihil in iis vitiatum, nihil tenetur sub Diaboli potestate captiuum, nec pro eis fusus esse sanguis in remissionem legitur peccatorum, licet per Christi baptismũ etiam paruulorum fieri redemptionem libello

*Paruulũ ba-
ptizandũ re-
demptio ne-
cessaria.*

Reformato-
res noni sa-
cra.

suo Cælestius in Ecclesia Carthagenensi iam confessus sit Et concludunt, Quicumque negat paruulos per Christi baptismum à perditione liberari, & salutē percipere sempiternam, Anathema sit, Hæc illi. Dū ergo noui hodiē reformatores sic contra Pelagianos originalē in Infantulis labē asserunt, vt eos cū Pelagianis sine baptismo in Dei regnū inducant, annon hīc semipelagiani sunt? aut qua illi audacia ac temeritate pronunciant, quod non vnus Augustinus sexcenties, sed & omnis vel penē omnis. retro Ecclesia pernegauit? Paulō latius progressi sumus, dum exponere volumus quo sensu Deus quæ sua sunt, acquirere, quo à malo multiplici Christus quos vili peccati mercede Diabolus emerat sanguinis sui pretio dicatur redimere, nec prius tamen ad literā regrediemur, quàm huius redemptionis non tātū sufficientiā, sed & necessitatē audiamus ex omniū dulcissimo & facundissimo Basilio in Psal. 48. *Audite vos, inquit, qui in virtute vestra confiditis, qua humana natura ad ea quæ perficiēda cupitis, satis sit, Et in multitudine diuitiarum vestrarum gloriamini, imò in incerto diuitiarum speratis, i. Tim. 6. pretio vobis redemptionis est opus, vt à seruitute in libertatem asseramini, qua victi per insidias Diaboli, quondam priuati fuistis, qui vos captiuos retinens, non prius à tyrannide sua dimittet, quàm digno aliquo vel conuenienti pretio persuasus, permutare velit. Pretium autem oportet non similis esse*

generis cū captiuus, sed dignitate multò præstā-
 tius, si ex iugo seruitutis captiuos emissurus sit,
 Ideòque fratrem nemo redimere potest. Nullus
 enim homo Diabolo persuaserit, vt cum mis-
 sum faciat quem semel in seruitutē redegerit,
 quē enim de propriis peccatis indoneus ali-
 quo munere placare, pro alio id facere tenta-
 bit? Quid in orbe adeò magnum aut pretiosum
 possidet, vt dignam habeat animæ permutatiō-
 nem, præsertim qua nihil in terris sit diuinius
 aut Deo similis? an vires corporis, an externas
 opes, an artes aut scientias? Nihil horum sanè
 tam perfectum, vt ad salutem sufficiat, quòd
 omnis anima humana cōmunis omnium ini-
 mici iugò & seruituti subditā, liberrate diuini-
 tus accepta spoliata, captiua peccati est, omni
 autem captivæ opus est redemptionis ad liber-
 tatē recuperandā pretio. Fratrem ergo fra-
 ter, nec seipsum quisquam redimere poterit,
 quia multò meliorem esse conuenit redem-
 ptorem, quàm captiuum, aut iam seruientē Sed
 nec vllus omnino facultatē habet homo Deū
 pro peccato propiciare, peccati nimirū reus, &
 peccato obnoxius, Omnes enī peccauerunt,
 & egēt gloria Dei, Rom. 3. Nō dabit ergo Deo pla-
 cationē suā, ait Dauid, nec pretiū redemptionis ani-
 mæ suæ. Non ergo fratrem in redemptionē re-
 quirat, sed eum qui nostram superet naturam,
 non hominem tantum, sed hominem Deum.
 Frater erat Israëlīs Moses, non eū tamen redi-
 mere valuit, aut à peccato populum liberauit,

*Fratrem quo-
 modo nemo
 redimere.
 posse intelli-
 gatur.*

*Mosis diffide-
tia punita.*

*Sanguinis
Christi pre-
tium, inasti-
mabile.*

Dei licet aduersus eam iracundiam deprecatus, & aliquandiu propiciatus, Exod. 32. non inquam, valuit natus in peccato, placationem dare, ne pro seipso quidē. Quin & post tot actāta quæ vidit signa hæsitauit, contradixit, & Deum coram populo non sanctificauit, ideoque nec terram promissionis ingressus, Numer. 20. 27. Deut. 32. 33. Pronunciat ergo Dauid, *Frater non redimit*, & cum grauitate Deo interrogatiue infert, *redimet homo* ? quod Moses vir vtique tantus non potuit, alius poterit ? Non dabit ergo vel homo Deo pro seipso, vel Deus propiciationem suam ? Quid enim tanti momenti inuenire homo possit, quod det pro redemptione animæ suæ ? Inuentū ergo est vnum pro omnibus simul hominibus dignum, sanguinis pretium, quē D. N. Iesus Christus pro nobis effudit, qui se solus Deo propiciationem dare potuit, quēque Deus propiciationem per fidem in sanguine ipsius elegit ac proposuit, Rom. 3. Hoc pretio empti redemptique sumus. Si ergo frater, ac proinde homo nos redimere nequiu-
it, qui redemit, homo non est ? Noli statim quia Dominus in carnis similitudine nobiscū versatus est, hominem eum tantū putare, diuinitatis ignorans virtutem, is non habuit opus sese sua causa Deo offerre, aut placationem suā siue pro seipso dare, quia peccatum non fecit. Redimere autem seipsum, nisi veniat is, qui captiuitatem dimittat, seu populos captiuitate liberet, nō quidem in pretio, nec in muneribus,

Esa. 45. & 52. Sine argento redimemini, sed in proprio ipsius sanguine, qui nos nō fratres existentes, sed inimicos ei ob peccatum factos (nō *Fratres Christi quomodo sumus.*) homo item nudus, sed Deus) post libertatem nobis concessam, fratres nos appellat suos, Ioā. 20. Hebr. 2. ex Psal. 21. Igitur qui nos redemit, siquidem eius naturam consideras, neque frater est, neque homo: si eius per gratiam ad nos descensum, nos fratres nominat, qui se ad humanitatem vsque demiserit, quique pro orbetoto, non pro se placationem dederit, non opus habens propiciatione, cū ipse sit propiciatio. Vnde sequitur in Psalmo, Verumtamen Deus redimet animam meam de manu inferi. Hæc Basilii, quibus aliud in priscis aut modernis Dominicæ redemptionis significantius nō temerè inuenias. Est apud Esa. 63. locus huic sanequàm concors, Ex siue in omnium eorum tribulatione non legatus (secundum LXX.) non angelus, sed ipse Dominus saluauit eos, in dilectione & indulgentia sua, siue eò quòd diligeret eos, & parceret eis, ipse redemit eos, portauit, suscepit, exaltauit omnibus diebus seculi. Sed & Dauid totidem verbis quor Paulus, Redimet, inquit, Israël, ex omnibus iniquitatibus eius, Psal. 129. Vbi Augustinus, Sanguis innocens fusus deleuit omnia peccata nocentium, pretium tantum redemit omnes captiuos de manu captiuitatis inimici. Israël vendere se potuit, & fieri venūdatus sub peccato: redimere se non potuit: Is redimere potuit, qui se non po-

tuit vendere, qui peccatum nō commisit, redēptor est à peccato, non hoc vel illo, sed omnibus, &c. Sequitur eiusdem fructus alter, Sanctificatio scilicet in bono, & mundaret, purgaret, purificaret, Fide. Act. 15. sanctificaret mundans lauacro aquæ per verbum vitæ, Eph. 5. ab omnibus iniquitatibus, Ezech. 36. abluēdo sordes peccatorum nostrorū in baptismo, de quo cap. sequēti, & sic faceret, vel ita, per baptismatis scilicet emendationem, factum *populum sibi acceptabilem*, Ambrosio, Augustino de vnitae Ecclesiæ cap. 13. De peccatorum meritis & remissionib. lib. 1. cap. 27. abundantem, Hieronymo egregium, Græci *πρῶτος* exponunt abundē dilectum, familiarem, præcipuū, nihil commune cum reliquis habentem, quasi famulum ab hero electum, qui circa Domini procurandas opes & substantiam versetur, nihil conseruis similem. Glossa interlinearis & Anselmus peculiarem, id est, proprium. Aquinas & Lyra, per baptismalem gratiam, rectam fidem & intentionem, sic vt eīsemus populus eius, id est, ei consecratus & peculiaris, iuxta illud, *Qui* aliquando non populus eius, nūc autem populus eius, Et, vocabo non plebem meam, plebem meam, Ose. 9. Rom. 9. 1. Petr. 1. Hieronymus sæpe secum considerans quid sibi vellet verbum Græcum, & à sapientibus seculi interrogans sicubi fortē legissent, nec inueniens qui ei exponeret, compulsus se ait ad vetus instrumentum recurrere, vnde arbitrabatur Apostolū

Hebræum ex hebræis sumpſiſſe, & quod ibi legiſſe ſe nouerat, hîc poſuiſſe. Quod autem reperit & allegat, non ſemel in Moſe occurrit, Exod. 19. Si audieritis vocem meam, & cuſtodieritis pactum meum, eritis mihi in peculiũ, (theſaurum electum) de (præ) cunctis populis, mea eſt enim omnis terra, Deut. 4. Vos tulit Dominus & eduxit de Ægypti fornace ferrea, vt haberet populũ hæreditarium, Et cap. 7. & 14. Quoniam populus ſanctus es Domino Deo tuo, te elegit D. D. tuus, ſeu in te complacuit D. D. tuo, vt ſis ei peculiaris, ſeu in populum
*Peculiaris
populus.*
 περιέσσιον, ex omnibus populis qui ſunt ſuper faciem terræ. Et 26. Dominus elegit te, vt ſis ei populus peculiaris, ſicut locutus eſt tibi. Et Pſal. 134. vbi nos habemus, Elegit Iacob ſibi Dominus, Iſraël in poſſeſſionem ſibi, Aquila & quinta editio περιέσσιον expreſſerunt. L X X. & Theodorio περιεσσιον trãſferentes, commutationem ſyllabæ fecere, non ſenſus. Hebraicum Segula, Symmachus ἐξαιρετον, id eſt, egregium vel præcipuum, alibi Latinè loquens, peculiarem interpretatus eſt. Vnde quod eſt apud Latinos, panem noſtrum quotidianum, melius in Græco haberi περιέσσιον, nec multũ differre, præpoſitione tantum mutata, non verbo: Cũ enim, Eraſmio addeſſe, & δία ſubſtantiam ſignificet, hoc eſt, facultates & poſſeſſionem, περιέ, circum, quod in bonis noſtris & in noſtro, vt aiunt, ære, id poſſeſſionem, hæreditatem, ſeu hæreditariũ

& peculiare dicimus. Cùm item eminentiã aliquoties significet & εἰς essentialiam, eò respexerunt qui egregium verterunt, quasi dicas, reliquis antecellentem. Sic etiam accipi posse *ἐπιθεσιον* in oratione Dominica, panem illum videlicet eximiũ, qui de cælo descendit, Ioã. 6. quasi super vniuersas substantias, non vulgare illud post paululum concoquendum, & abiiciendum in secessum, Mat. 15. Marc. 7. Nec multum sensu differre, quicquid enim egregiũ est & præcipuum, idem extra & supra omnia est. Cùm igitur quod inter primos Prophetas Moses de vetere populo toties dixerat, prophetatũ nouissimus de nouo fore prædixerit, pollicente ita vtriusque Deo, Mal. 3. Et erunt mihi in die qua ego facio in peculium, rectè magnus Deus noster & Saluator Iesus Christus redemit nos, vt Christianum populum peculiarem sibi faceret, &, quod ait alter eodem vtique spectans, 1. Pet. 3. genus electum, gentem sanctam, populum acquisitionis, siue acquisitum, quẽmque sibi vt proprium vindicat, quòd ei velut in lucrum accesserit. Addit autem *σεβαστον*, *ἐμιλῶτην*, æmulatorem Ambrosio, Hieronymo, Augustino locis paulò antè citatis, ne aliter, & pro carnis ingenio viuentes, beneficium Dei irritum & inane faciamus. Oportet ergo primũ bona sint opera, nam ad bene operandum datur baptismi gratia, Quid enim maneremus in peccato, vt abundaret gratia? Absit. Rom. 6. Ea ergo ne in vacuum recipiatur,

Operum be-
notum neces-
sitas.

tur, 2. Cor. 6. & hunc ordinem hic notat, Dominus prius ab imperio Diaboli & fragilitate carnis eruit, dehinc ab omni delicto mūdatur, & hoc vtrunque in baptismo, pōst per bonorū, vt ait, operū pōstionē Deo facit magis ac magis acceptos. Ad hoc enim, inquit Ambrosius, redemit nos Christus, vt puram vitam sectantes, repleti bonis operibus, regni Dei hāredes esse possimus, Nec verò sufficit bene vtrunque operari, Maledictus enim qui facit opus Domini negligenter, Hier. 48. iuxta. L x x. Græci ergo Græcæ vocis emphasim obseruantes, secundò notant non simpliciter à nobis opera bona exigi, sed cum zelo, id est, magna cū animi promptitudine & alacritate, cum ingenti studio, & feruore quodam & quidem ardentissimo, vt in capeſſenda virtute vehementia quedam nobis adſit prorsus laudabilis. Tertiò, Dominicæ quidem benignitatis proprium fuiſſe, nos tot antè malis oppreſſos, & adedò desperabiliter languentes eripere, qua ſola factum eſt vt præcedentia delicta nobis remitterentur, Rom. 3. quæ verò ſequuntur, opera, & illius & ſimul noſtra ſunt: ſic vt ad ſolum Deū & Chriſtum eius noſtra ſpectet redemptio, ad nos verò, noſtrarūque partium ſit opera recta ſectari, & in eis per eius gratiam perficere ac perſeuerare. Proinde cū & eorum quæ à nobis ſunt neceſſitatem vbique veteres Orthodoxi tam diligenter vrgeant, non ſine magno bonorum damno noui hodie reformatores contrā

*Zelus in bonis operibus
requiſitus.*

pronunciant. Quartò, quia hic inter mundantia reponit, & diuinorum præceptorum operationem & virtutē, vetus Theophylacti versio, nobis alia quærendi autor præter fidem & baptismum mundantia, contenti erimus vno omnium purissimo Augustino. Est igitur omnis anima immunda, nihil aliud quàm vitiis & erroribus inquinata, Libro vno de Vita beata. In secundæ dici disputatione, & immūdi omnes, quos non mūdāt Christi Fides. In Enchiridio, cap. 75. Idem verò tractans quomodò purgentur hæretici resipiscentes, contra Cresconium, lib. 2. cap. 12. Idem (ait) vobis (Donatistis) mundari non videntur, cū ad nos à vobis transeunt, quia non denuò baptizantur, quasi solo baptismo, quem repeti non oportet, cū idem atque vnus est, homines ab errore mudentur. **MUNDANTVR** & verbo veritatis, ab illo qui ait, Iam vos mundi estis, propter verbum quod locutus sum vobis, Ioan. 15. & sacrificio contriti cordis ab illo de quo dictum est, Sacrificium Deo spiritus contribulatus, &c. Psal. 50. & eleemosynis ab illo qui ait, Date eleemosynam, & ecce omnia munda sunt vobis, Luc. 11. (Sed de hoc loco suprā ad finem cap. 1. huius, quæstiuncula 3.) & ipsa quæ nobis superueniet omnibus charitate, 1. Cor. 12. 13. ab illo qui per Apostolum dixit, Charitas cooperit multitudinem peccatorū, 1. Petr. 4. Quæ vna si adsit, omnia illa recta fiunt, sin desit, omnia frustra sūt. Et cū aliàs aliquoties, tum libro de x. chordis

*Mundantia
quæ sunt.*

cap. II. scribit quotidiana peccata, quæ propter humanam fragilitatem non possunt nō in animam subrepere, vt quæ per linguam ad eō faci-
lè committantur, verbum durum, immoderatū
risum, modi in alimentis plusquam necesse sit,
accipiendis, in vxoris amplius quàm liberorum
procreātorum cogat necessitas, vsu, excessum:
hæc & talia, non contemnenda, quia minora,
sed cauenda, quia plura, & quorum si non ma-
gnitudinis, at certè multitudinis timēda sit rui-
na, misericordiæ exercitiis, eleemosynis, ieiuniis
orationibus mundari, non vnus Augustini, sed
omnium patrū catholicus est consensus. Mun-
dant igitur & suo modo opera, nedum Fides,
sed fidei prius mundantis, & Dei in nobis coo-
perantis gratiæ opera, etiā si mundare & sana-
re in spiritualibus rebus, eodē teste, idē valeat,
lib. 2. contra Parmenianū, cap. 14. Sed sicut spe
salui facti, Rom. 8. ita spe mūdati per Dei
gratiam sumus in perfecta salute ac
munditia.

*Peccata quo-
tidiana quo-
modo mun-
danda.*

*Opera etiā
mūdāt, ne-
dum fides.*

*Hæc loquere & exhortare, & ar-
gue cum omni imperio. Nemo te
contemnat.*

IN O C fragmento Paulus Titum indu-
cit ad gratiæ, vel potius totius superio-
ris doctrinæ prædicationem: Et pri-
mum quidem ad prædicandum hortatur, mox

etiā prædicandi modum præscribit. Tria autem posuit, quorum primum ad doctrinam videtur esse referendum, *Hæc*, Deum scilicet apparuisse per gratiam, & venturum cum gloria, *Loquere*, iis qui nesciunt, & quæ ad credenda spectant, ignorantes doce, & *exhortare*, tum doctrina, tū exemplo, ad agenda, iam scientes ad melius inducendo, ut præparent se dignos secundo aduentui, Omnis sermo tuus in hac exhortatione consistat, ut ita vivant. quāquā Hieronymus notat verbum παρακάλει aliud quoddam in Græco significare, quippe παρακλήσις consolationē magis quā exhortationem sonat, quod tamen verbum suprā, Iuuenes similiter hortare, &c. ita ut in Latino legitur, ut & hīc reliquit. Consolatur autem audientem, qui toties rogat, hortatur, obsecrat, & seipsum humiliat & subiicit, ut eum quem consolatur, lucrifaciat. quod verò tertium est, *argue*, ut reliqui, ut idē legit, *increpa*, consolationi videtur contrarium, ut qui consolationem contempserit, increpatione dignus sit, & mereatur audire, obliti estis consolationis, quæ vobis ut filiis loquitur, Hebr. 12. Alteram quoque legimus, 2. Tim. 4. tum consolationem, tum increpationē, Insta, inquit, argue, increpa, consolare, vbi increpatio antè assumitur, post consolatione seueritas temperatur: hīc contrā antè vult discipulos consolari, & si non profecerint, tunc corripi, cum omni imperio, sic enim intelligendum est, ut specialiter ad increpationem, & non ad duo superiora in com-

mune referatur, nec enim dicere conuenit, Lo-
 quere, solare, vel hortare cum imperio. & con-
 sentiunt reliqui vtriusq; linguæ interpretes, cō-
 tēptores nimirū & resistētes, quique non ita vt
 docet & exhortatur, viuunt, admonitos obedi-
 re renuentes, acriter atque seuerè increpandos,
 negligentes, & rebelles cum Episcopali seueri-
 tate arguendos, cum fiducia diuinæ autorita-
 tis: Et Episcopus enim vt Dei minister loqui-
 tur, 1. Cor. 4. Est autem vbi parcè in exhor-
 tando loquatur, infirmitatem propriam con-
 siderando, Omnium, inquit, me seruum fe-
 ci, primæ Corinthiorum nono. Et, nos au-
 tem seruos vestros per Iesum, 2. Corinth. 4.
 Est vbi imperiosè considerando auctoritatem
 commissam, An experimentum quæritis eius
 qui in me loquitur Christus? secundæ Corinth.
 decimotertio, breuiter cum mansuetudine ad
 bonos, cum austeritate ad obstinatos. Omnium
 optimè Græci distinguunt, esse peccata quæ mo-
 destia, dissuasione, dehortatione tantum
 indigeant, vt homines, exempli gratia pecu-
 nias contemnant, admonitione & persua-
 sione opus est: esse item quæ imperio & seueri-
 tate opus habeant, furta, homicidia, stupra, ve-
 neficia, magica, &c. non simpliciter, sed cum
 imperio arcenda & compescenda, Quæ quoniā
 gladio materiali potius magistratus, quàm spi-
 rituali sacerdotis (quanquàm & hoc quoque)
 refecanda sunt, melius volunt qui sic exponūt,
 Non quòd iubeat pastorem esse imperiosum,

*Episcopalis
seueritas vbi
exercenda.*

*Peccata alia
aliter tractā
da.*

sed quòd velit hæc diligenter populo mandari
atque iniungi. Oportet, inquit Theodoretus,
cum qui est in diuinis disciplinis eruditus, nec
ignauè nec remissè, nec vlla cū timiditate hoc
facere, sed cum libertate docere, & vbi opus
est, increpare. Et qui hîc caput tertium inchoat
Ambrosius, Quæ spes, ait, credētium sit admo-
net Paulus, vt manifestet Titus, vt sciant qui
arguuntur, cui bono præparatur, nec asperè ac-
cipiant, certi quia pro sua salute corripiuntur.
Sic enim Gregorius, lib. 2. cap. 7. *Moralium*, &
post eum hoc loco Anselmus, Imperij nomine
Paulus hîc auctoritatem suadet vitæ, non domi-
nationem potentia. Cum imperio quippè do-
cetur, quod prius agitur quàm dicatur, nā do-
ctrinæ fiduciam subtrahit, quando conscientia
linguam præpedit, non tam ergo potestatem
valere locutionis, quàm bonæ insinuat actio-
nis. Vnde de Domino scriptum, Erat docens si-
cut potestatem habens, non sicut Scribæ &
Pharisæi, Matt. 7. Marc. 1. Singulariter namque
ac principaliter solus ex potestate bona locut⁹
est, quia ex infirmitate mala nulla operatus, ex
diuinitate quippè potentiam habuit, id quod
nobis per humanitatis suæ innocentiam mini-
strauit. Iam quòd Timotheus cum patientia,
Titus cum vehementia concionari iubetur, bis
composuimus, 2. Tim. 4. & ad initium vltimi
Commentarij in cap. 1. huius, Scholia Græca
causantur Cretenses, quòd moribus essent
asperioribus, fuisse durius arguendos, Ansel-

mus post Gregorium, & Aquinas, Titum naturaliter fuisse valde mitem, ut præ nimia lenitate sermo eius inefficax esse potuerit, nisi cum autoritate imperij feruentior esse iuberetur. Quod imperij tamen nomine (sicut præmissum est) autoritas vitæ præcipuè designetur, ex eo declaratur quod protinus additur, *Nemo te contemnat*, id est, talem te exhibe tum vita, tum verbo, qui contemni à nemine possis, autoritatem enim verbi ac doctrinæ, vita facit, quanquam quia superiora tria verba ad doctrinam pertinent, propior literæ sensus est, ut velit Titum non tantum non vitæ simplicitate despici, sed sic opportunè omnia loqui, ut ne nimia in obiurgando humilitas contemptibilem eum reddat suis subditis, & sic autoritatis pontificiæ siue Ecclesiasticæ contemptum generet. Sic enim Græca Scholia submonent, Paulum etiam velle Episcopum alicuius esse potestatis ac autoritatis. Existimet aliquis idem nunc scribi, quod, primæ ad Timotheum quarto, adolescentiam tuam nemo contemnat. At Hieronymus iuxta Græci sermonis differētiam aliud putat significare hîc *παραφρονεῖτω*, aliud illic *καταφρονεῖτω*, præpositiones enim sensum facere diuersum, quibus etiam, nedum verbis & nominibus Paulum non fortuitò, nec ut libet, sed pro varietate causarum, uti ex his pauculis perspicuum est, Mu-

Titus, lenis ac mitis natura.

Autoritas pontificia.

*Præpositio-
num vis &
energia.*

lier ex viro, vir per mulierem, 1. Cor. 11. ex eo,
 per eum, in ipso sunt omnia, Rom. 11. Paulus
 Apostolus non ab hominibus, neque per ho-
 minem, Gal. 1. Existimat itaque *καταφρόνῃσι*
 propriè ad contemptum pertinere, cùm quis
 inter equuleum laminasque distectus, nec iudi-
 cis comminationem, nec circumstantis populi
 fremitu pertimescens, pro martyrij confесси-
 one dolorem contemnit, & vniuersa supplicia
 despicit, Cui contrarius est & malus contem-
 ptus, de quo Habac. 1. Videte contemptores, &
 inspicite mirabilia, & disperdimini. Timotheo
 itaque scribit sic, Nolo te talem exhibeas, vt
 possis meritò ab aliquo cōtemni. At *πρὸς φρόνῃσι*
 sonat, Stoicis præsertim, qui subtiliter inter
 verba distinguunt, cùm quis sibi confidens se
 alio meliorem esse despicit quem inferiorem
 putat, & super, id est, plus sapiens, humiliorem
 existimat contemptu dignum. Tale quid intum-
 escens superbiæ vanitate, cælum solém-
 que despiciens apud Græcos quidam dixisse
 deluditur. Socrates in Aristophanis nebulis
 Erasmo indicâre, *ἀεροβατῶ καὶ πρὸς φρονῶ τὸν ἥλιον*,
 quod Latinè vertit Hieronymus, Scando per
 aërem, & pluris me esse noui quàm solem. Tito
 ergo dicitur, Nemo eorū qui in Ecclesiis sunt,
 per te segniter sic viuat, vt se meliorem esse
 putet. Qualis enim discipuli ædificatio, si se in-
 telligat magistro maiorem? Vnde non Episco-
 pis solū, Presbyteris, diaconis magnoperè
 prouidendum, vt cunctum populum cui præsi-

dent, conuersatione & sermone præcedant, sed *Clerici laicis præstare debent.*
 & gradus inferior, exorcistæ, lectores, & aditui, & omnes omninò qui domui Dei seruiunt, quia
 vehementer Ecclesiam destruit, laicos meliores esse quàm clericos. Habes hîc obiter ordinum in Ecclesia veteri, præter scriptos à Paulo, mentionem, testimonium, ac differentiam. Et verò cum eodem quod & alibi idem queritur, obseruemus ac gemamus, clericos post tanta beneficia vertisse in contemptum privilegia dignitatis, ad id Hier. 2. Sacerdotes non dixerunt ubi est Dominus, & ad id Thren. 4. Quomodo obscuratum est aurum, mutatus est color optimus? Cùm quorundam (ait) qui agere religiose credebantur, existimatio ante acta minuitur, nam cùm quilibet post sanctitatis habitum terrenis se actibus inserit, quasi colore permutato, ante humanos oculos eius reuerentia despecta pallefcit, &c.

*Admone illos principibus & potestatibus
subditos esse, dicto obedire, ad omne opus
bonum paratos esse. Neminem blasphemare,
non litigiosus esse, sed modestos, omnem
ostendentes mansuetudinem ad omnes ho-
mines.*

Hucusque Paulus Titum instituit su-
per Ecclesiæ regimine, iuxta gradus
speciales & singulos status. Iam in-
stituit generaliter, & quoad omnes:
ut se omnes inquàm, & singuli gerere habeant
erga principes primùm, mox ut ad æquales, tum
etiam erga hæreticos. Primùm ergò monen-
dos omnes præscribit, qualiter ad superiores se
habeant, quidque iis debeant, Subiectionis ni-
mirùm reuerentiam, & iussionis obedientiam.
Dixi, inquit, de quo tuos utriusque sexus, cuius-
vis ætatis & conditionis admoneas, ne quod
conclusi cum summa interim autoritate & im-
perio monendos, opineris commissum tibi po-
pulum, tibi tantùm subiici debere, non etiam
mundi huius Regibus, principibus, & seculari-
bus eorum magistratibus, hæc remouet dicēs,
*Admone illos, quósnam? generatim omnes, ne
iterum putes seruos tantum Dominis subesse
suis debere, non etiam ingenuæ cōditionis ho-
mines, & à seruili conditione alienos, tamen*

principibus ἀρχαῖς principatibus, sic enim magis sonat. Notat Hieronymus & potestatem significare. Maioribus ergò primum, ut Regibus, quia prima & maxima sunt populorum capita, tum & *potestatibus*, minoribus, ut ducibus, consulibus, tribunis, & similibus, qui sub illis potestatem super alios habent, ut vulgus vocat, officialibus *subditos esse*, parère, soluendo tributa & census eis debitos, *dicto obedire*, q. d. ad solum eorum verbum imperata facere, ne oporteat eos violentia cogi. Ambrosius & Hieronymus, *dicto* omisso, simpliciter verterunt *obedire*, Græcis *ὑπακούειν* propriè est magistratibus parère. Et quia poterat his qui tormenta formidant, occasio ad negandum dari, dum iuxta hoc Apostoli dictum, assererent se principatibus subesse, & quod iuberent, facere, subiecit, *ad omne opus bonum*, ut siquidem bonum est quod præcipit vel Imperator, vel præses, iubentis obsequare voluntati: Sin malum est, & contra Deum sapit, ut vel idoli culturam, vel quodlibet nefarium, respondeas, obediendum Deo magis quàm hominibus, Act. 4. 5. Quod & supra de seruis, vxoribus, filiis, apud Dominos, maritos, parentes, obseruauimus, quòd his illi in iis tantum debeant esse subiecti, quæ contra Dei mandata non veniunt. Hæc cum Hieronymus admonet, cum superioribus copulat, & hucusque finit, quasi aliud proprium & speciale præceptum sit, quod sequitur, *paratos esse*,

*Reges prima
& maxima
populi capi-
ta.*

*Subiectio
quatenus præ-
standa.*

ut quæcunque euenire possunt, sibi in animo præfigurent, & cùm acciderint, nihil quasi nouum sustineant, sed eis præparata sint omnia. Verùm aliter, quod & idem monet, tum legūt tum exponunt alij, Ambrosius & Primasius, ut ad malum tardi sint, ad bonum verò parati, ad malum nunquam, non nescij quid singulis persolui oporteat. Græci quoque, Quia tunc temporis impij rerum potiebantur, admonet, magistratibus etiam infidelibus parèdum, id licet indignum se quidā iudicarent, sed necessariam distinctionem subiunxit, & qui debeat haberi in ea subiectione, modum, hunc scilicet, ut ad omne bonum eis se subiicere parati sint, nec enim iis in omnibus utcunque parendum, & vctigal quidem & tributum conferèdum, & honorem qui eis cōuenit, tribuendum: ad impietatem verò, aut quod alioqui animæ noceat, aliquid iniungentibus apertè contradicendum, certè non obediendum. Qui aliter, ad malum scilicet prompti & expediti sunt obedire, minime quo vult modo Paulus, superiorib⁹ subesse & parère parati sunt, Nec enim promptitudo sola necessaria est, sed etiam discretio, ut eis in illicitis minus sit obtemperandum. Vnde hîc (exempli gratia) negat Aquinas milites teneri in bello iniusto, apertè inquam, iniusto, alioqui ne hoc scholion simpliciter scriptū, nec expositum offendat, ordo naturalis mortalium paci accommodatus hoc poscit, ut suscipiendi belli autoritas atque consilium penes principes sit,

*In illicitis
non obediendum
superioribus.*

*Militibus ob
seruanda.*

exequendi autem iusta bellica ministerium milites debeant paci salutique communi. Quod si humana cupiditate geritur, non nocet Sanctis, in quos non habet quisquam potestatem, nisi desuper datam, Ioan. 19. Non est enim potestas nisi à Deo, siue iubente, siue sinente, Ro. 13. Vir ergò iustus sub Rege forrè sacrilego militans, rectè potest sub illo bellare, ciuicæ pacis ordinem seruans, cui quod iubetur, vel nō esse cōtra Dei præceptum certum est, vel vtrum sit, certum non est. Ita vt fortasse reum faciat Regem iniquitas imperandi, & innocentem militem ostendat ordo seruiendi, in can. Quid culpatur, 23. q. 1. ex Augustino cōtra Faustum, lib. 22. cap. 75. Declarat & id in Psal. 124. Iuliani exemplo non iniqui tantum, sed & Apostatæ ac idololatræ, cui tamen Imperatori infideli milites seruiērūt Christiani: vbi veniebatur ad causam Christi, non agnoscebant nisi eum qui in cælo erat. Cū volebat vt idola colerent, vt thurificarent, præponebant ei Deum. Cū dicebat, Producite aciem contra illam gentem, statim obtemperabant, Distinguebant Dominum æternum à temporali, huic tamen etiam propter illum erant subditi. Redeo ad Paulum qui tale quod & hīc ad Rom. 13. scribit, Omnis anima potestatibus sublimioribus subdita sit, Non est enim potestas nisi à Deo, quæ autem sunt, à Deo ordinata sunt, Itaque qui potestati resistit, Dei ordinationi resistit. Qui autē resistunt, damnationem sibi acquirunt. Nam

Iuliani apostata milites Christiani.

Principes timori sunt operis mali, non boni. Vis ergò potestatem nō timere? bonum fac, & laudem habebis ex ea. Dei enim minister est tibi in bonum. Sin malū feceris, time, Nō enim sine causa gladiū portat. Dei, inquam, minister est, vindex in iram ei qui malè agit. Ideoque ne cessitate subditi estote, non solum propter irā, sed etiam propter conscientiam. Ided enim & tributa præstatis, Ministri enim Dei sūt, in hoc ipsum seruientes. Reddite ergò omnibus debita, Cui tributum, tributum : cui vectigal, vectigal: cui timorem, timorem: cui honorem, honorem. Breuius, 1. Pet. 2. Subiecti estote omni humanæ creaturæ (siue ordinationi) propter Dominum, siue Regi, quasi præcellenti, siue ducibus (præsidibus, prætoribus) tanquam ab eo missis ad vindictam malorum, & laudem bonorum. Omnes honorate, Regem honorificate.

Digressio x.

Iuda Galilæi dogma perniciosum Iudæis.

Hoc autem præceptum & hîc & ibi propterea putat æditum Hieronymus, quia Iudæ Galilæi, cuius etiam, Act. 5. fit mentio, dogmatum adhuc vigeat, & plurimos habebat sectatores, qui inter cætera hoc quasi probabile præferebat ex lege, nullum debere Dominum nisi solū Deum vocari, eosque qui ad templum decimas deferrent, Cæsari tributa non reddere. Et hic præpostera libertatis prætextus exitio

fuit vltimo Iudæorum genti, homini, & nationi, dum inter eorum sectas Macchabæis principantibus subortas, quarta, eodem Iuda autore, tanto licentiæ magis quàm libertatis amore flagrauit, & sic solum Deum Dominum habendum credidit, vt facilius quanlibet exquisita pœnarum genera perferret cum suis cognatis, quàm mortalem aliquem appellaret Dominum. Declarauit hoc Eleazarus trium Hierosolymæ obsessæ tyrannorum longè seditiosissimus, postrema ad reliquias obsessorum Iudæorum concione, sibi videlicet suisque similibus omnino decretum, nec Romanis, nec alij cuiquam, nisi Deo, seruire, soli quippe vero & iusto hominum Domino, sic vt se potius cum coniugibus, liberis, famulis, & familiis omnibus non vna morte interficerent, quorum miserandam pertinaciam secuti Sicariorum reliqui, Hierosolymis Alexâdriam & Thebas profugi, omni tormentorum genere in eos excogitato, & à Romanis victoribus exercito, nec ad vnum quidem vel puerum cesserunt, vt Cæsarem Dominum faterentur vel nominarent. Hæc Iosephus Antiquitatum lib. 18. cap. 2. De bello Iud. lib. 7. cap. 28. 29. Simili obstinatione ferunt auorum nostrorum memoria Attrebat quosdam maleferiatos Belgas odio nominis Francici sculptis per muros & parietes publicos furcis, appensis albis crucibus, quasi Regem (erat autem Rex tum Ludouicus x i.) Francosque suspendio dignos arbitrarentur,

*Iudæorum
vltimum exi-
tium.*

*Eleazaris se-
ditio.*

*Dominū vel
appellare Cæ-
sarem nec
morte com-
pelli potuerat
Iudæi.*

*Attrebatensis
obstinatio.*

cùm ob perfidiam capite damnati securim ceruici districtâ vel vnico verbo euadere possent, mori maluisse, quàm dicere, Viuat Rex. Gagui-
 nus lib. x. Quod vt obiter, ita sine contumelia dictum sit, nulla enim mihi cum quoquam illic similtas, cum multa contrâ nobilitate nonnulla affinitas. Et verò viuat eius gentis princeps Rex Catholicus, & rectè viuat, hoc est, iuxta Horatium, curet, quod & facit, esse quod audit. Vt ad rem redeam, Superior Iudæorum hæresis in tantum creuerat, vt etiam Phariseorum, & multam populi partem conturbaret, ita vt ad Dominum quoque nostrum referretur hæc quæstio, Licet Cæsari dare tributum, an non? Quibus prudenter cautèque responderit, Reddite quæ sunt Cæsaris, Cæsari: quæ sunt Dei, Deo, Matt. 22. Marc. 12. Luc. 10. Quàm igitur falsa, Hunc inuenimus prohibentē tributa dare Cæsari, dicentem se Regem esse, Omnis autem qui se Regem facit, contradicit Cæsari, Luc. 23. Ioan. 19. Cùm Dominus pro se & Petro tributum censumque pependisset, Mat. 17. & interrogatus à Pilato, num Iudæorum Rex esset, apertè negasset Regnum suum hinc & de hoc mundo esse, Ioan. 18. Eadem Paulum & cō ministros vanitate calumniabantur Thessalonicæ Iudæi, sic, Hi omnes contra decreta Cæsaris faciunt, Regem alium dicentes esse, Iesum. Act. 17. Non enim habemus Regem, nisi Cæsarem, Ioan. 19. Dominico ergò tum exëplo tum responso Apostolus congruens, docet creden-

*Christi exem-
 plo magistra-
 tibus paren-
 dum.*

tes debere mundi potestatibus esse subiectos. Et hanc quoque monitionem tunc necessariam fuisse notauit Aquinas, Primū quidem ad tollendum Iudæorum, qui suprà, errorem, qui dicerent non esse obediendum mandatis hominum. Secundò vt nullam in Ecclesia facerent inquietudinem. Quod minus obseruantes turbulenti quidam mota inter Regnum & Sacerdotium controuersia, mirum quot quantasque turbas vtrinque dederunt. Atqui tot post Paulum, tot ante hanc camarinam annorum centenariis, & Chrysostomus vt nihil vnquam futurum tale suspicans, simpliciter illud, *Omnis anima* enarrarat, etiam si siue Apostolus sis, siue Euangelista, siue propheta, siue sacerdos, siue monachus, quem illic sequuntur Theodoretus, Theophylactus, Oecumenius, & qui non Græci: Et Gregorius 1. idem & magnus ingenuè agnoscebat Imperatori à Deo concessum non militibus solum, sed sacerdotibus quoque dominari, Registri lib. 2. Epist. 64. Et vtroque tantò posterior Bernardus ad Henricum Senonensem Archiepiscopum, Epist. 42. sic colligit, Si *omnis anima*, & vestra, quis vos excipit ab vniuersitate? si quis tentat excipere, tentat decipere, Nolite acquiescere consiliis, &c. Sed hoc egeret proprii operis, neque obiter tractari, vel debet vel potest, & nihil necesse nunc est Sacerdotium cū Imperio committere, multò minus collidere, cōponere certè aliter aut melius non possumus, quā quo agnouit modo summa vtra-

*Principibus
& pontifici-
bus vt conue-
nire possit.*

*Iudei mur-
muratores.*

que potestas, Christianos nimirum & principes pro æterna vita pōtificibus, & pontifices vicissim pro rerum temporalium cursu principibus indigere, quod est Nicolai 1. Papę ad Michaële Imperatorem, in can. Cū ad verum. Dist. 96. proinde principes sacerdotibus terrena potestate sic dominantur, vt & eis excellenti consideratione propter eū, cuius & serui sunt, & angelis, reuerentiam impendant. Quod est Gregorij 1. ad Mauriciū Imperatorem consilium in can. Sacerdotibus. 11. q. 1. ex Registri lib. 4. Epist. 31. Hic tantum agemus, quod Apostolus, potestates ex diuina ordinatione procedere, proin eis siue obediatur, siue resistatur, non hominibus tantum, sed Deo quoque resisti vel obediri, à quo ex vel instituuntur vel destituuntur, quod est Lyrense scholion. Israëlitis igitur toties cōtra Mosem & Aaronem summos eius politię magistratus murmurantibus ij respondent, Vos murmurastis contra Dominum, nec enim quid sumus, quia iussistis contra nos? nec contra nos est murmur vestrum, sed cōtra eum, Exod. 16. Et Numer. 16. de Rebellionē Chore & complicum, Omnis globus tuus stat contra Dominū, quis est enim Aaron, vt murmuretis contra eum? Principi ergo populi non maledicendum, Diis æquē, hoc est, iudicibus (sub principe constitutis) non detrahendum idem voluit, Exod. 22. sed iudicis, qui pręfuerit, iudicio standum, sequendam eius sententiam: superbientem contra morte puniendum,

Deut. 17. Et subdit constituendum Regem, siquidem constituere velint, eum quem Dominus elegerit. Samuelem ergò tot annos eis *Reges à Deo constituti.* iudicem iam seniore, vel potius eius filios iudices ab eo constitutos, sed degenerantes, fastidientibus, & Regem ab eo reliquarum gentium instar flagitantibus, dixit eidem Dominus, Non te abiecerunt, sed me, ne regnem super eos, sicut me dereliquerunt, & Diis alienis seruiuerunt, sic faciunt etiam tibi, 1. Reg. 8. De Saùle autem Rege horum primo diuinitus instituto atque destituto, Ecce (ait inungens eum idem Samüel) vnxit te Dominus super hæreditatem suam in principem. *Saül, rex iu- stus.* 10. & 15. Nonne cùm paruulus esses in oculis tuis, caput in tribubus Israël factus es, vnxitque te Deus in Regem? Nunc autem proiecit te Dominus, ne regnes, scidit à te regnum, & tradidit meliori te. Hinc Dominus Ose. 13. Dedi tibi Regem in furore meo, & abstuli in indignatione mea. Et Act. 13. Paulus, postulantibus Regem dedit Saùlem, quo amoto, suscitauit Dauid, vt esset Rex, quod *Dauid rex.* & hic agnoscens psallit Domino, Qui dat salutem Regibus, magnificans salutes Regis, docens manus meas ad prælium, & digitos meos ad bellum, 2. Reg. 22. Psal. 17. 143. Et apud huius filium Salomonem per- *Salomon rex.* æquè à Deo creatum Regem, æterna & increata Sapientia Dei Filius, Per me Reges regnant, principes imperant, potentes &

legum conditores iusta decernunt, Prouer. 8.
 & Sap. 6. Audite ergò Reges, & intelligite, di-
 scite iudices finium terræ. Præbete aures vos
 qui continetis multitudines, & placetis vobis
 in turbis nationum, quoniam data est à Domi-
 no vobis potestas, & virtus ab altissimo. Regna-
 re autem non bonos tantum, sed & malos, Deo
 ita disponente, constitit ex schismate, sub huius,
 Salomonis inquam, filio Roboamo, rebellan-
 te huic Hieroboamo, cum domo Iuda & tribu
 Benjamin contra Israëllem rebellem pugnare
 paratis; misso Dominus propheta, Non ascen-
 detis, ait, neque bellabitis contra fratres vestros
 Filios Israël. Reuertatur vir in suam quisque do-
 mum; à me enim factum est verbum hoc, 3. Reg.
 12. quod & multò antè S. Iob dixerat ita, Qui
 regnare facit hypocritam propter peccata po-
 puli, ad eum scilicet affligendum, qui Reges in
 solio collocat in perpetuum, & ij eriguntur, Iob.
 34. 36. Iudicibus quoque oppidatim constitutis
 Iosaphat Rex sanctissimus sic præcipiebat, Vi-
 dete quid faciatis, non enim hominis exercetis
 iudicium, sed Domini, & quodcunque iudica-
 ueritis, in vos redundabit, 2. Paral. 19. γινώσκω
 nequàm aurea, & omninò dignissima, quàm Se-
 natus Lutetiæ amplissimi auditorium, quod la-
 queati tecti & inaurati vocant, non in parieti-
 bus modò pictam, sed & in cordibus inscriptam
 habeat. Sic Esaias, cap. 6. Deum Regali habitu
 sedere conspexit, ut agnosceret nisi à Deo re-
 geretur Reges, eos, cum sint homines, nihil re-

*Regnant a-
nimamali.*

*Iudicibus a-
nimaduertē-
da monitio.*

*Senatus Pa-
risiensis audi-
torium inau-
rati tecti.*

gere posse rectores, vt concionatur Petrus Chrysologus (floruit is sub Martino Augusto bonis adhuc & doctis temporibus) *Serm. 131.* Et Dominus De⁹ de Rege Cyro, profano quidem principe, sed populi sui liberatore, tantò post futuro, apud eundem prophetam, cap. 44. & 45. Pastor meus es, omnem voluntatem meam complebis, cuius apprehendi dexteram, vt subiiciam ante faciem eius gentes, dorsa Regum vertam, aperiam coram eo ianuas: Ante te ibo, gloriosos terræ humiliabo, portas conteram, vinctes cōfringam. Dabo tibi thesauros, vocavi te, cognominaui te, accinxi te. Suscitaui eum ad iustitiam, omnes vias eius dirigam. Et quamobrem, quæso? propter seruum meum Iacob, Israël electum meam, meam ille ædificabit ciuitatem, captiuitatem dimittet. Hoc autem annis post 210. Cyrum ex Esaiæ lectione rescivisse testis est Iosephus Antiquitat. lib. 11. cap. 1. admiratūque prophetæ diuinitatem, correptum fuisse cupidine exequendi quæ scripta legerat, credentem in Deum quem Israëlita adorabant. sicut & in sacris scriptum est, Et suscitauit Dominus spiritum Cyri Regis Persarum, qui iussit prædicari in vniuerso Regno suo etiam per scripturam ita, Omnia Regna terræ dedit mihi Dominus Deus Cæli, vt ei re-ædificarem domum in Hierusalē, 2. Paral. 36. Esdr. 1. Et certè Regem hunc diuinitus seruatū vel ex profanis discimus, quod & agnoscebat, eisque scribens suggerēbat eius quon-

Cyrum quomodo in Deum credideris.

dam infantuli expositor Harpagus, nimirum nisi Diis respicientibus, in tantum fortunæ non peruenturum fuisse. Rectè, si Deo respiciente dixisset. Supra hominem certè fuit

*Cyri res mi-
randa.*

Cyri tum genitura, tum expositi conseruatio, tum regnantis qua aduersus hostes usus est, fœlicitas: quancunque enim gentem is inuadebat, ea gens nullo pacto euadebat, ait Herodoti Clio, Iustinus lib. 1. & c. De cuius etiam successoribus testatur idem Scriptura, quodd conuerterit Dominus cor Regis Assur Darij ad Iudæos, vt adiuuaret manus eorum in opere domus Domini, quodd dederit in cor Regis Artaxerxis, vt glorificaret domum Domini in Hierusalem, 1. Esd. 6. 7. Et ita quidem Dominus de Cyro Christo suo, populique sui, vt dixi, liberatore. Quid igitur de

*Nabuchodo-
nosor Chri-
sti seruum.*

impio gentis eiusdem captiuæ tyranno? Quoties seruum eum suum, quoties columbam vocat? Hierem. 25. 27. 46. 50. Ego (inquit) feci terram & homines, & bestias & iumenta, & in fortitudine mea magna & brachio meo extento dedi ei qui placuit in oculis meis. Et nunc itaque omnia hæc dedi in manus Nabuchodonosor Regis Babylonis serui mei, & assumam eum & adducam super terram hanc, & seruiant ei Reges magni, gentes multæ, adeoque omnes, & filio eius, & filio filij eius, donec veniat tempus terræ & ipsius. Et facta est terra in desolationem à facie iræ & gladij columbæ Domini. Eius ita-

que somniorum, & Baltasari eiusdem filij visionis interpretes Daniel, cap. 2. 4. 5. Mutat (inquit) Deus & ætates & tempora, transfert Regna atque constituit Dominus excelsus, & potestatem habet altissimus in regno hominum, quod cuicunque voluerit, dabit, & hominem vel humillimum super illud suscitabit atque constituit. Dei quoque optimi maximi, sempérque viuents beneficio Rex magnus Artaxerxes regnum sibi patribusque suis traditum, conseruatúmque, idem nimirum à Mardocheo, quod superiores ab Esaia & Daniele, edoctus, publico scripto professus est, Ester. 16. Regnorum autem tum institutionis, tum etiam translationis causam, præter eam quam superiores catechistæ catechumenis suis Regibus reddiderunt, vt hæc scilicet ij de Deo sentirent, scirent quòd homines essent, Filij quidem excelsi, adeoque Dij, sed sicut homines, morituri, Psal. 81. & sic sentientes, intelligerent, erudirentur iudicaturi terram, seruirent Domino in timore, disciplinam apprehenderent, electum Dei Filium oscularentur & adorarent, Psal. 2. 71. gloriam eius timerent, 101. confiterentur, cantarent in viis Domini, omnia denique oris eius verba audirent, 137. Præter diuini inquàm, nominis gloriam & populorum salutem, addit & hanc tertiam Sapiens, Principatus sensati stabilis erit, Rex insipiens perdet populum suum, In manu Dei potestas terræ : & execrabilis omnium

Artaxerxes
rex.

gentium iniquitas, vtilem rectorem suscitabit in tempus super illam. In manu Dei potestas hominis, super faciem scribæ imponet honorem suum. Odibilis coram eo & hominibus superbia. Regnum à gente in gentem transfertur propter iniustitias, iniurias, & contumelias, & diuersos dolos, Ecclesiastici 10. Sed ne hæc quidem celauerat Baltasarum Regem Daniel propheta, ô Rex, inquit, Deus altissimus Regnum, magnificentiam, gloriam, honorem dedit patri tuo, præ quibus vniuersi populi, tribus, linguæ tremebant cum ac metuebant. Quos volebat, interficiebat, percutiebat, exaltabat, humiliabat (en non tantum fortè potestas, sed & iniquitas, iniuria, & iniustitia.) Cum autem eleuatum est cor eius, & spiritus ad superbiam obfirmatus (en superbiam & insipientiam) depositus est de solio Regni, à filiis hominum eiectus, cum bestiis habitauit, donec Deum cognosceret, &c. Tu quoque filius eius, cum scires hæc omnia, non humiliasti cor tuum, sed aduersus dominatorem cæli eleuatus, Deos qui non sentiunt, laudasti, Deum qui flatum tuum, & omnes vias tuas habet in manu sua, non glorificasti. Idcirco numerauit Deus regnum tuum, cōpleuit illud, diuisum est, & datum Medis ac Persis, dictum simul & factum, euersis eadem nocte Baltasaro cæso Chaldaeis seu Assyriis, & aliquantò post per Cyrum Persam Medis, multò item post Darium euersurus Dominus Deus Persicam monarchiam, Alexandro Philippi

*Baltasarum
rex à Danie
le de Deo dep
ctus.*

Alexander

Macedonum Regis filio, cuius ad id Imperium destruendum opera vti decreuisset, inter alia Maiestatis suæ magnalia, mare Pamphylicum, vt Moyſi olim Erythræum Exod. 14. eiusque exercitui peruium fecit. Quòd cùm Iosephus Antiquitat. lib. 2. cap. vltimo, ab omnibus scriptoribus, qui Regis eius res gestas scripserunt, testatum esse autor sit, mirū in eorum, qui quidem extent, adeò non extare, vt id minimè Iosepho credendum putet Crinitus honestæ disciplinæ, lib. 17. cap. 13. Non verò tam incredendum, nec sine numine, quod eidem adhuc in Dio Macedonia de subigēda Asia deliberabundo per somnium visum esse Deum, eodem quò post habitu Pontifex Iaddus Hierosolymis ei cum Sacerdotio & plebe obuiam iuit, hortatūque forti animo esse, exercitum sine mora traicere, ductu suo Persarum Imperio potiturum, idem tradidit lib. 11. cap. vltimo. Sed & Regem suum Deo, eiusque templo, vrbi, sacerdotio, populo honorem ideo reddidisse; cum allata & ostensa ei Danielis prophetia, vbi à quodam Græco Persas debellandos is prædixit, cap. 7. & 8. Hūc ipsum esse, quem oraculum significabat, interpretatus, lætus abiit, multa prius Iudæis beneficia priuilegiâque largitus, Cuius etiam nominatim meminit, & res eius gestas perstringit, cap. 1. li. 1. Machab. Quartam porrò eandemque monarchiam postremam, Cæsaris nimirum, Christus sub eodem natus, census, passus, mortuus, & agnouit, & suis tum

*Macedo in
Pamphylicū
mare peruiū.*

*Somnii visū
mirabile.*

*Monarchas
& reges à
Deo institui*

*Æthiopes
& Egyptij
reges suos
Deos arbitri.*

*Regum di-
gnitas.*

verbo , tum exemplo , tunc agnoscen-
dum monstraui. . Habemus itaque Monar-
chas , Reges , Imperatores , principes , ac
proinde magistratus eis inferiores , diuinitus
institutos, & vt tales , hoc est , Dei Vicarios &
Ministros, dona & organa, reuerendos. Sense-
runt idem vtrunque prisca gentiles. Æthiopes,
& ab iis permulta mutuati Ægyptij, Reges suos
Deos esse rati sunt, aut certè tanquam Deos re-
ueriti, non arbitrati eos ad tantum, tamque cel-
sum honoris gradum fuisse peruenturos, nisi
numine quodam diuino . Rebus itaque bene
ac præclarè gestis, bene de hominibus esse me-
ritos, ac proinde diuinæ quodammodo naturæ
confortes ac participes. Hi vicissim rati se bea-
tos fore legibus parendo , & tanta erga subdi-
tos vsi iustitia, omnium beneuolentiam assecu-
ti sunt, vt singulis & omnibus subditis maior
Regis quàm vxorum & liberorum salutis in-
esset cura. Autor lib. 2. & 3. Rerum antiquarum
Diodorus. Neque de nihilo finxit Homerus,
sub Iouis clypeo ac patrocinio versari princi-
pes, Reges Iouis esse filios, alumnos, confabu-
lones, amicos & discipulos, & Iouis artem Re-
giam, vt est apud Dionem Chrysostomum in
Oratione 4. de Regno , vt non minus verè
quàm regiè Rex Aragonum Alfonso auorū
nostrorum memoria negauerit regios animos
privati cuiusquam arbitrio regi, scribēte Cri-
nito lib. 18. cap. 9. Itaque Ioannes I. Rom. Pont.
in Epistola ad Imp. Iustinianum, C. De Summa

Trinitate. L. Inter claras vetus id, ex historia sacra mutuatus est, *Cor Regis in manu Dei*, Prou. 21. Est autē dimerer Iambicus. Omniū verò maxime Christianorum principum, vt quorum dominatio ac præstātia, quod ad Theodosiū Imp. scripsit Alexandrinus Cyrillus, imago quædam sit diuinæ naturæ, ac Regni cælestis, inter eos qui terram incolunt, velut imitatio. Hæc de maiestate Regum & principum, hic vicissim locus exigebat, vt de officio nonnihil dicerem, nisi sic Commentarius in immensum exiret, aut etiam iāndudum actum agerem, emissā anno Dñi 1547. Epistola Christiani Principis institutoria, quid is Deo in primis debeat, quid Ecclesiæ tot abusibus, erroribus, hæresibus repurgandæ, quid familiaribus & amicis, quid prouinciarum prætoribus, quos Gubernatores vocamus, quid magistratibus iuridicūdo & cuiq; reddendo vacātibus, quid clero denique & populo tot bellis & tumultibus attrito, tot angariis & parangariis hætenus exucto & exofsato. Hic pauca addam, ne quis eorum interesse putet res solū profanas, non etiam sacras bene habere, quasi diuini Decalogi secundæ tantū, quæ est erga proximum, nō etiam primæ, quæ erga Deum & Ecclesiam, tabulæ custodes sint, Seculi principes potestatis in Ecclesia culmē adeptos esse, vt per eam disciplinā Ecclesiasticam muniāt, & quod sacerdotes efficere sermone non præualent, hoc terrore potestas imperet, & cæleste regnum per terrenum

proficiat, quique intra Ecclesiam positi, contra eius fidem agunt, vigore magistratuum contendantur, & quam Ecclesiæ autoritas disciplinam exercere minus valet, ceruicibus superborum principalis potestas imponat. Cognoscant ergo ij Deo sese rationem reddituros, propter Ecclesiam quam à Christo tuendam suscipiunt, Cuius pax & disciplina per eos siue augeatur, siue soluat, rationem ab eis exigit, qui eorum potestati eandem tradidit, ut etiam in iis locum habeat id, Hebr. 13. Obedite præpositis vestris, & subiaceite (deserte, cōcedite) eis: ij enim peruiigilant, quasi rationem reddituri pro animabus vestris. Ex canonib; Ecclesiast. 23. q. 5. ca. quoniam ut habet canon sequens, res humanæ aliter tutæ esse non possunt, nisi quæ ad diuinam confessionem pertinent, & Regia & Sacerdotalis, defendat auctoritas, quæ clausula est Epistol. 31. Leonis 1. ad Pulcheriam Augustā Theodosij iunioris sororem, & in Imperio administram, virginem sanè sagacem & consultissimā. Et 38. Martiano Aug. gratias agēs pro sua pia in Dei Religionem sollicitudine, qui vos, ait, ad hoc ut fides catholica ab insidiis inimicorum defenderetur, elegit, Et ad Imperatoris enim, & ad omnium salutem pertinet, ut Dei cultus nullo errore lædatur. 65. ad Eudoxiam Augustam, Clarissimè verò 75. ad Leonem Augustū, Debes, ait, incunctanter aduertere Regiam potestatem non solum ad mundi regimen, sed vel maximè ad Ecclesiæ præsidium esse collatam,

*Pulcheria
Augusta cō-
mendatio.*

vt ausus nefarios comprimendo, & quæ bene sunt statuta, defendas, & veram pacem his quæ sunt turbata, restituas, depellendo scilicet peruasores Iuris alieni, & antiquæ fidei Sedem Alexandrinam reformando, vt correctionibus tuis Dei iracundia mitigata, Regiæ ciuitati, quæ antea admissa sunt, remittat, nõ retribuat. Cõstitue ante oculos cordis tui, Venerabilis Imperator, omnes qui per totũ orbem sunt, Domini sacerdotes, pro ea tibi fide, in qua totius mundi est redemptio, supplicare, in qua re specialius ambiũt, &c. Vides quid summus Pontifex, quid totus tum clerus ab Imp. supplex ambiebat? Et qui non hodiẽ sacerdotes à suis quique Regibus supplices ambiant, an verò nunc quàm tunc minor idem supplicandi ac ambiendi necessitas? Sed nos si porrò pergimus, nõ semel actum tertio agimus, qui præter superiore Epistolam gallicam, emisimus, & alteram Latinam ineunte anno 1562. cuius argumentum est, Quòd Principem literæ deceant, etiam sacræ, imò tantò magis sacræ, quantò is fuerit Christi fidelior, Regem igitur nostrum, vel maxime, quia CHRISTIANISSIMVM. Hic breuiter addam, quod ne tum festinantem fugit, in Asmoneorum seu Machabæorum tum vtrique strennuorũ & victoriosorũ principum historia, ex descriptionibus & Commentariis Nehemiæ, mentionem fieri Bibliothecæ, quæ is confecerat, & in quam de Regibus & Prophetis & Dauide scripta cõgesserat, li. & cap 2,

Litera principem decet.

Bibliotheca veteres.

Occurrunt & 1. Esdræ. 5. 6. 2. Esdræ. 6. Cyri & Darij Persicorum Regum librariæ, non dubiū quin optimis omne genus libris refertissimæ. Et inter veteres veterum Ægypti Regum ritus, Diodorus vbi antè scribit, Sacro manè facto, Sacerdotem Regi quædam ex libris sacris clarissimorum virorum consilia actaque proferre fuisse solitum, quibus Rex monitus, imperio piè ac iustè illorum exemplo vteretur. Næ qui aliter vel sentiunt, vel cōsulunt, asinum vel bo- uem, quàm Regem, coronatum malunt, quod & inter Alfonsi Regis Catholica apophthegmata planè Regia, memini à me, vbi suprà, non omissum. Sed si principū nihil interest rerum sacrarū, cur de negotiis Ecclesiasticis in Codice, in Nouellis, in Authenticis tot Augustæ leges atque constitutiones, tot in nostris, & omnium Christianorum Annalibus edita Regia, tot denique Senatusconsulta? Audio. Cū horrenda per vniuersam Galliam exercerentur viuicōburia, Res erat scilicet Regia religio. Cū agitur, & necessariò agitur de clero, monachismoque reformando, de pastoribus ad causas suas amandandis, vtque verbo pascant, compellendis: Res est Synodica & Pōtifícia. Sic enim audiui & memini distinguere, & quidem Episcopos. Quasi verò principes tantum sint alieni zeli, plerunque indiscreti, & sine scientia, ministri, ne dicam crudelitatis carnifices, non etiā vt Ecclesiæ filij, sic omnium eius sanctionum externi custodes, assertores, & vindices. Sed ré

olimiā egerunt, & nuper Tridenti admota
 velut extrema manu, peregerunt & Synodus &
 Pontifex: Num continuò pastores etiam illinc
 reduces, & canonum reformatiorum, & re-
 sidentię ac prædicationis præceptoriorum cō-
 ditores, post Synodum etiam à Pontifice con-
 firmatam, vel plus solito in pascuis assidui, vel
 minus in Cathedris inauditi? Magna (vt antea)
 absentia, & æquale propemodum silentium.
 Deficere malunt quam desinere, & à reforma-
 toribus, qui se sic superbissimè inscribunt (cū *Reformato-*
 nihil minus sint) exturbari, quàm à Regibus & *res, scilicet.*
 principibus reformari, & vt sint in officio quis-
 que suo, cogi: Sed de Regum, principum, ma-
 gistratum, tum honore, tum officio, si non sa-
 tis, certè quā pro Cōmentario nimis. Sequitur
 in textu vt se quisque ad æquales habere de-
 beat, primò quidem quoad mali vitationem,
 siue proximi offensam, *Neminem blasphemare*, ne
 de quoquam maledicant, non tantum vel he-
 ro suo, vel Rege, vel Episcopo, aut alioqui su-
 periore, quibus sæpe plebs detrahit, sed nec
 aduersum quidem principem fideles blasphemare
 debent, ne ab eo premantur & affli-
 gantur, vt quietam, ait noster hic alibi, &
 tranquillam vitā agamus, in omni tum pietate,
 tum honestate, 1. Tim. 2. & inter sectarum no-
 tas, 2. Pet. 2. ponitur, magistratibus maledicere. *Magistra-*
 Æquè pastoribus nō maledicendū, Nā & illud, *tibus maledi-*
 Exod. 22. Principem populi tui nō maledices, *cere, secta no-*
 Paul' Act. 23. ad principē sacerdotū applicauit, *ta.*

& idem præpositis parendum cedendumque scribit, Hebr. 13. vt cum hoc faciât, hoc est, per-
 uigilent, & non gementes, hoc enim non ex-
 pedit vobis, è re vestra non esset, imò inutile
 esset ac noxium. Nunc autem neminem vult
 maledici, ne maledici quidem merentem
 aut remaledici, non iniurium, non iniu-
 riosum, sed vel patienter tolerare, vel rationa-
 biliter obuiare, ait hîc Lyrêsis. Græci βλασφημία
 hoc loco exponunt conuitium aduersus fra-
 trem, vt quisquis is fuerit, etiamsi malè faciat,
 & in aliquo labatur, neminem omninò male-
 dictis insecutemur, aut cuiquam conuitiemur:
 Oportet enim purum seruare os nostrû à ma-
 ledictis & conuitiis: aut enim vera sunt, ac no
 sic quidem nostrâ interest ea iudicare, sed iudi-
 ci iudicanda relinquere, aut etiam proponere,
 Nam tu, inquit, cur fratrem iudicas? Rom. 2. 14.
 Matth. 7. Sin vera non sunt, vides quantum
 sublit periculi. Qualiacunque sint, vide magis
 ne in te talia hæserint, aut etiamnum hæreant,
 aut certè hæreere possint, ac proin eadem in te
 torqueri. Qui se stare putat, videat ne cadat,
 1. Cor. 10. Præsertim cum is qui cum maledice-
 retur, non maledicebat, 1. Petr. 2. cum qui fratri
 suo Racha dixerit, concilio: qui fatue, reum ge-
 hennæ ignis pronunciauerit, Matth. 5. Quid er-
 gò? Benedicite maledicentibus vos, Luc. 6. be-
 nedicite inquâ, & nolite maledicere, Rom. 12.
 &, Non reddêtes maledictum pro maledicto,
 sed è contrario benedicentes, quia in hoc vo-
 cati

Blasphemia.

*Maledictiis
vitanda.*

cati estis, vt benedictionis hereditatē possideatis, 1. Petr. 3. & alter, Benedicimus, laboramus, & maledicimur, 1. Cor. 4. 1. Tim. 4. Si quis inter vos frater maledicus est, cum ciulinodi nec cibum sumite, 1. Cor. 5. 6. Nequē maledici regnū Dei possidebunt, & nemo vestrum patiat̃ur vt maledicus, 1. Petr. 4. Quæ vrinam attenderent, qui se hodiē Euangelicorum nōmine venditāt, in quorum plerunque vel vna pagina plus reperire est conuictiorū, quā in toto Augustino, scriptore quanlibet alioqui & voluminoso & polemico, vt qui hos legūt, alij derelictos abiiciant sana grauitate, alij suauiter haūriāt maleuola voluntate. Sequerentur huius magis tum morem, tum consiliū. Ego (inquit contra līteras Petiliani, lib. 3. cap. 1.) quando cuique vel dicendo vel scribēdo respondeo, etiam contumeliosis criminatipnibus lacēssitus, quantū mihi Dominus donat, frenatis & cōtēctis vanę indignationis aculeis, auditori lēctōrivē consulens, non ago vt efficiar homini conuitiando superior, sed errorem conuincendo salubrior, &c. Argutatur Aquinas, Blasphemiam esse eriminis in Deum, non in proximiū relātionem, Respondeo, proximi vt honorem & dilectionem, sic improprium in Deum referri, Proinde blasphemiam hīc pro quauis maledictione occulta vel manifesta sumi. Et Apostolum specialiter de verbis mōnere, quod tunc, hoc est, in primitiua Ecclesia, paucis factis in fratrem peccabant. Si quis autē verbo non offendit, hic

Euangelicorum nomine tenus scripta maledictum plena.

perfectus est, Iac. 3. Verbo autem fratrē dupliciter offendimus, primū personam eius, cōuitiando, de quo hīc, secūdō res eius externas, collitigando, de quo mox litera nullo medio. Altius autem suspexit D. Hieronymus, neminē blasphemare simpliciter & absolutē dictū, nō neminem hominem, non angelum, non aliquā Dei creaturā, Omnia quippē à Deo facta, valde bona, Gene. 1. Si enim Michaël Archāgelus cum Diabolo disputans de Moyſi corpore, nō est ausus ei maledictione licet dignissimo, iudicium inferre blasphemix, sed dixit, Imperet tibi Deus. Iud. quantō magis nos ab omni maledictō puri esse debem? Merebatur certē Diabolus maledictū, sed per archāgeli os blasphemia exire non debuit. Huic hieronymi scholio simile est quod Iosephus Antiquit. lib. 4. cap. vlt. citat velut à Mose scriptum, Diis alienis nemo malē loquatur, siue, null' blasphemet Deos, quos alix ciuitates esse putant. Et lib. 2. contra Apionem, Noster (ait) mos est propria custodire, non aliena potius accusare, & vt neque ridere, neque blasphemare debeamus eos qui apud alios putantur Dij, apertē nobis legislator interdixit propter ipsam appellationem. Id verō vbi vel apud Moſem pictū sit, non video. Nam illud Exod. 22. Diis (Elohim) nō detrahes, post Onkeli Thargū veteres & recentiores non tantū exposuerunt, sed & verterunt, *Iudicibus*, idque ita intelligi exigit, tum quod nullo medio sequitur, Principi populi tui nō maledices, tum

Maledicentia quā graue sit peccatum.

Dij dicuntur & iudices, & magistratus.

quod paulò antecedit, de suspecto depositi furto ablati, *applicabitur ad Deos*, ad conspectũ iudicũ, ante recuperatores. Sed & magistratus alibi clarissimè Dij vocantur, Psal. 81. Deus stetit in Synagoga Deorũ, in medio Deos diiudicās. Ego dixi, dij estis, & filij excelsi omnes, ad quos nimirũ sermo Dei factus est, Ioan. 10 .i. diuinitus aliis imperandi mandatũ munus, & cõmissa Dei vice vitæ & necis in suos potestas. Quòd autem causatur Deos non maledicēdos, quia neque nominandos, Verũ: Non audietur nomē externorũ deorũ ex ore vestro, Exod. 23. & confirmatur, Ose. 2. Zach. 13. nullã taliũ nominum fore amplius memoriã, siue mentionē, de quo nos in præfatione ad sacras Heroides, de lectione gentiliũ, &c. Ad Hieronymum redeo, quòcum hoc tantũ nunc dixisse sufficiat quòd Christi discipulis blasphemare aut maledicere vlli non conuenit. Omniũ verò minimè Regibus, principib⁹, magistratib⁹. De quo canõ Apostolic⁹, aliis 83. aliis 84. 1. penultimus, Quis-
 quis βασιλῆα Regē seu Imperatorē aut magistratũ cõtumelia affecerit, suppliciũ luito. Et quidē si clericus, deponitor: si laic⁹, à cõmunionē remouetur. Vbi Zonaras adnotat: magistratus dicto factòve ledere nō licere, vel, vt tũ, infideles: at eos cõt̃rà quã deceat agētes, reprehēdere nō prohiberi, reprehēsiõnũ verbis etiã si fortè acerbiorib⁹, vehemētiorib⁹, & nō nihil ad reprehēforũ cõtumeliã spectātib⁹, Nō permittit enī ca. non iniuriã, hoc est, conuitiũ contra ius facere.

*Principes &c. re-
 prehē-
 dere, non ma-
 ledicere.*

Ex contrario intelligitur, quòd & Reges & primates iustè quis increpans, non est punitione dignus. Atque hic obrueremur exèplis SS. patrum Fabiani Papæ, Babilæ, Athanasij, Maridis, Ambrosij, Chrysostomi, Gregorij, Bernardi, erga Numerianum, Constantium, Iulianum, Theodosium, Archadium, Mauritiũ, Cæsares, Ludouicum Regem Iuniorem. Et cuius quæso nõ sanctissimi cuiusque Pastoris in principes non impios tantũ, sed & pios, fui tamẽ, vt sit, interim oblitus? Extat in C. Theodosiano lib. 9. tit. 4. in Iustiniano, li. 9. tit. 7. Lex vnica. Zonare quidem hic, sed aliunde citata, tit. 36. lib. 60. in cap. 13. Hexecõtabili Imperatoriarum cõstitutionum, sic abbreviata. Si quis malè Regis mentionem fecerit, pœnæ non subiacet, nam si per leuitatem excessit, contemnendus: si per insaniam, miseratione dignus: si per iniuriam lacessens, id est per gratiam condonandum: Sed quæ de illo sunt, principi significari oportet. Dignissima verò, quæ huc rotã transferatur. Eam tulere Imppp. Theodosius, Arcadius, Honorius AAA. Sic igitur habet. Si quis inuestitiæ nescius, & pudoris ignarus, improbo petulantique maledicto nomina nostra crediderit lacessenda, aut tumultuaria turbulentus obtretractor temporum nostrorum fuerit: cum pœnæ nolumus subiugari, neque durum aliquid, nec asperum volumus sustinere: quoniam si id leuitate processerit, contemnendum est: si ex insania, miseratione dignissimum: si ab

iniuria, remittendum. Vnde integris omnibus hoc ad nostram scientiam referatur: vt ex personis hominum dicta pensemus, & vtrum præmitti, an exquiri debeant, censeamus. Et de veteris quidem tum Synagogæ, tum Ecclesiæ pro principibus etiam impiis solenni precandi ritu, nos abundè in 1. Tim. 2. Sanctè ergò Apostoli, cum viderent non debere Christianum suum cura rerum vitæ huius intricari: obedire nos rectoribus ac præfectis iusserunt, non solū commodis & mitibus, sed asperis quoque & difficilibus. Nec parère & honorare (REGEM, ait Petr^o princeps apost. HONORIFICATE 1. cap. 2. & Salomon, Prou. 24. Time DOMINVM, fili mi, & Regē, & cum detractoribus, id his qui tumultuantur, deficiunt ab eo timore, cum mutantibus, inconstantibus, & iterantibus iniquitates, supple, suas, cum declinantibus, rebellibus, rerum nouarum studiosis & seditiosis, non commiscearis, commercium non habearis, quoniam repente consurget perditio eorum, & ruinam amborum quis nouit? incognita nimirum eis vtriusque sæuitia seu seueritate. Tantum de hoc versiculo obiter) non hos inquàm, solūm honorare volunt, sed & pro illis orare cælestem Patrem nostrum, vt sapienter populum regant, cuius administrationi præsumunt. Id cum disertis verbis præcipiunt, tum ipsi ac martyres deinde omnes præstiterunt. D. Cypriano, cum esset tanquam crimen obiectum à præfecto, quod in Cæsarem coniu-

raſſet , reſpondit , Longiſſimè abſumus nos Chriſtiani ab iſta culpa , qui Cæſari , etiamſi alia ſacra , alios Deos colenti , tamen quia princeps noſter eſt , bene & cupimus & precamur , & rogamus Deum noſtrum , vt mentem illius ad cogitationem verorum bonorum adducat. Plurès vbi ſuprà , tū huius ſancti martyris , tum aliorū ſanctorū loci nobis allegati. Et frequens

Principū in ſacris expreſſio vel ſuppreſſio.

pōſt in hitoriis Græcis ſummorum tum pōtificū , tū principū nominis in ſacris myſteriis occurrūt vel expreſſio vel ſuppreſſio. Vt inter capita pacis & cōcordiæ inter veteris & nouæ Romę Eccleſias ineūde , imperāte Michaële Paleologo , primum fuit , in ſacris hymnodiis , Papæ cum quatuor patriarchis memoriam celebrari , Autor Nicephorus Gregoras , lib. 5. & in fragmentis Pachymerij lib. item 5. Illo quoque teſte lib. 4. Arſenius patriarcha Byzantinus mandauit nomen Cæſaris Alexij per annum integrum vnà cum Imperatorum in omnibus Romanis prouinciis , hymnis aliſque laudibus celebrari , & Imperatoris , ſacris licet interdicti , mentionem in Pſalmodiis non ſuſtulit , lib. 2. Andronicus contrā ſenior iunioris ex Eccleſiaſtico præconio amotionem proclamari , eiſque nomen in Eccleſiis omnibus taceri , donec corrigeretur , à pontificibus obtinuit. At nepotē in auum præualeſcente , patriarcha ſeniori inſultans , delibera- bat quo pacto eius non iam Imperatoris , ſed monachi in Eccleſia mentio fieret . Teſtatur

idem lib. II. cùm Basilius Comnenus, vltimus Trapezuntiorum Rex meretriculam Irenæ Reginæ cognominem deperiret, hoc cum astu & suæ cupiditati, & populi similitudine nominis decepti, votis satisfecisse, quodd in sacris canticis & festis solemnibus, Basilij & Irenes mentio fieret. Et libr. 4. Pachymerii, Arsenium suus cum primiceriis criminatur notarius, quasi matutinæ hymnodicæ initio, Psalmum, qui pro Imperatore caneretur, rescuisset. Nec magis nobis conuenit, quod additur, *Litigiosos*, ἀμάχους, non pugna- ces, iurgiosos, aut contentiosos, contra res scilicet proximi externas. Si enim sumus filij pacis, & volumus super nos pacem requiescere, cum his qui pacem oderunt, pacem habeamus, Psalm. centesimo decimo- nono, & quantum in nobis, cum omnibus pacati simus, Roman. duodecimo, non modestis tantum, quæ enim virtus ferre mansue- tum? sed etiam cum rixosis. Distinguit Aquinas inter hominum genera, & alios quidem nullis verbis contristari, omnibus assenti- ri, vnde meritò assentatores dicantur, quos- dam verò verbis omnibus resistere & con- tradicere. Hi sunt litigiosi, quos hîc & alibi Paulus toties improbat: medium tenent, qui verbis prout conuenit, quandoque dele- ctantur, quandoque tristantur, quod de se noster hic testatur, secundæ Corinth. secundo,

Assentatores

Litigios.

super eodem homine modò peccante tristatù,
modò pœnitente lætatum. Et de Litigiosis qui-
dem clericis ad tædium vsque nos in digressio-
nib. lib. 2. cap. 8. 9. 10. 11. Hîc addendum quod
nobis aliò properantibus, vt ferè fit, in mentè
non venit, alioqui commodius illic memoran-
dum, Episcopos quanlibet aliàs à litibus alic-
enos, eis tamen componendis certas olim horas
sedere solitos, sed, vt videre mihi videor, inui-
tos, & vt ita loquar, volentes nolentes. Et hanc
enim Augustinus de multis laboribus occupa-
tionem vel molestissimam fuisse ita conqueri-
tur li. de Opere monachorù, cap. 29. Dominù,
inquiens, Iesum, in cuius nomine securus hæc
dico, testem inuoco super animam meam, quo-
niam quantum attinet ad meum commodum,
multò mallem per singulos dies certis horis,
quantum in bene moratis monasteriis consti-
tutum est, aliquid manibus operari, & cæteras
horas habere ad legèdum & orandum, aut ali-
quid de diuinis literis agendum liberas, quàm
tumultuosissimas perplexitates causarum alic-
narum pati de negotiis secularibus, vel iudicā-
do dirimendis, vel interueniendo præcidendis:
quibus nos molestiis Paulus affixit, non vti que-
suo, sed eius; qui in eo loquebatur, arbitrio,
quas tamen ipsum perpeßum fuisse non legi-
mus. Aliq̃er enim se habebat Apostolatus eius
discursus, Nec dixit, 1. Corinth. 6. Secularia si
iudicia habueritis, ad nos deferre, aut nos ad
iudicandum constituite, sed eos qui in Ecclesia

*Episcopi olî
componendis
litibus vaca-
bant.*

*Litium com-
ponendarû
molestia.*

contemptibiles sunt, hos, inquit, collocate. Ad reuerentiam, siue potius verecundiam, vobis dico. Sic non est inter vos quisquam sapiens, qui possit inter fratres iudicare, sed frater cum fratre iudicatur, & hoc apud infideles? Sapientes ergò qui in locis cōsistebant, fideles & sanctos, non qui huc & illuc propter Euangelium discurrebant, alium negotiorum examinatores esse voluit. Vnde nunquàm de eo scriptum est, quòd aliquando talibus vacauerit, à quibus nos excusare non possumus, etiamsi contemptibiles simus, quia & hos collocari voluit, si sapientes deessent, potius quàm vt negotia Christianorum deferrentur in (profanum seu infidelium) forum. Quem tamen laborem non sine Domini consolatione suscipimus, pro spe vitæ æternæ, vt fructum feramus cum tolerantia, Serui enim sumus eius Ecclesiæ, & maximè infirmioribus membris, quantalibet in eodem corpore membra simus. Et Epistola 47: Proculianum Donatianę partis Episcopum inuitans, vt mutua collatione schisma componant. Et homines quidē causas, ait, seculares apud nos finire cupiētes, quādo eis necessarij fuerimus, sic nos sanctos & Dei seruos appellant, vt negotia terræ peragant, aliquando etiam agamus negotium salutis nostræ, & ipsorum, non de auro, argento, fundis, pecoribus, pro quibus rebus quotidie submisso capite salutamur, vt dissensiones hominum terminemus. Sed de capite nostro tam turpis iter nos & perniciofa dis-

senſio eſt, Quantumlibet capita ſubmittāt qui nos ſalutant, vt eos cōcordes in terra faciam⁹, de cælo vſque ad crucem ſubmiſſum eſt caput noſtrū, in quo cōcordes nō ſumus. Ad has curas Eccleſiaſticas, quas nemo niſi expertus nouit, quā moleſtas, accommodat verſiculum Pſalmi 118. Samech. *Declinate à me maligni, & ſcrutabor mandata Dei mei*, non ait, faciam, ſed ſcrutabor. Vt ergò ea perfectè diligentèrque nouerit, malignos à ſe declinare deliderat, ac etiam compellendo à ſe abigit, Nam maligni exercent ad faciendā, at à ſcrutandis auocant, non ſolū cū perſequentur, aut nobiſcum litigant, ſed etiam cū obſequuntur & honorant, & tamen cū ſuis vitioſis & negotioſis cupiditatibus adiuuandis & occupemur, eiſque noſtra tempora impendamus, eſſagitant, aut certè infirmos premunt, vt cauſas ſuas ad nos deferre compellant; Quibus dicere non audemus, Dic homo, quis me cōſtituit iudicem, aut diuiſorem inter vos? Luc. 12. Conſtituit enim talibus cauſis Eccleſiaſticos Apoſtolus cognitores, in foro prohibens iurgare Chriſtianos. Et illis quidem qui non aliena rapiunt, ſed ſua cupidè repetunt, quando dicimus, Cauete ab omni cupiditate, non recedunt nec declinant à nobis, ſed inſtant, vrgent, precantur, tumultuantur, extorquent, vt eis potius ad iſta quæ diligunt, quā ſcrutandis, quæ diligimus, Dei mandatis occupemur. O quanto turbarum turbulentarum tædio, & quanto diuinorum elo-

quiorū desiderio dictū est, *Declinate*, &c. Ignoscāto bediētes fideles, qui pro suis secularib. causis rarò nos quærunt, & iudiciis nostris facillimè acquiescunt, nec nos litigando conterunt, sed obtemperando potius consolantur. Certè propter eos, qui & inter se pertinaciter agunt, & quando bonos premunt, nostra iudicata cōtemnunt, faciūntque nobis perire tempora rebus eroganda diuinis, propter tales inquam, liceat & nobis in hac voce corporis Christi exclamare, *Declinate*, &c. Constat ergò veteres iam tum pastores cognoscēdis suorum litibus aliquam temporis portionem impendere fuisse solitos, sed valde (quod prædixim⁹) inuitos, quòd sic alienis ab officio suo negotiis implicari, & à recta se vocatione diuertere ac discedere viderent. Quid autem & quantum episcopis in iis liceat, longè pòst D. Bernardus præscripsit, dum sic Eugenio suo, Papæ huius nominis 111. De consideratione lib. 1. ab iis sedis eius occupationibus exorsus, Quæso, inquit, te, Quale est illud de mane vsque ad vespèram litigare, aut litigantes audire? Quid seruius indigniusque summo præsertim Pontifici, quàm non dico, omni die, sed omni penè hora, insudare talibus rebus & pro talibus? Denique quando oramus, docemus populos, ædificamus Ecclesias, meditamur in lege? Et quidem quotidie perstrepunt in palatio leges, sed Iustiniani, non Domini: iustenè etiam istud? Tu videris. Nā certè lex Domini immaculata,

Bernardus.

conuertens animas, Psal. 18. Ille non tam leges
quàm lites, & cauillationes iudicium subuertē-
tes. Tu ergò pastor & episcop⁹ animarum, qua
mente, obsecro, sustines coram te semper hác
silere, garrire illas? Hic desidero, qui Iustinia-
neas leges non probat, Decretales, Bonifacia-
nas præsertim, videre potuisset. Pergit autē sic,
Et quid vis me facere, inquis? Vt tibi ab his oc-
cupationibus parcas. Impossibile fortasse re-
spondebis, facilius cathedræ valedicere posse.
Rectè hoc, si rumpere, & non magis interrom-
pere ista hortarer. Audi Apostolum, quid de
huiusmodi sentiat, Sic non est inter vos sapiēs,
qui iudicet inter fratrem & fratrem? Et infert,
Ad ignominiam vobis dico: cōtemptibiliores
qui sunt in Ecclesia, hos constituite ad iudican-
dum. Itaque secundum Apostolum, indignè ti-
bi vsurpas tu Apostolic⁹ officium vile, gradum
contemptibilem. Vnde & dicebat Episcopus
Episcopum instruens, Nemo militans Deo, im-
plicat se negotiis secularibus, 2. Tim. 2. Ego au-
tem parco tibi, nō enim fortia loquor, sed pos-
sibilia. Putasne hæc tempora sustinerent, si ho-
minibus pro terrena hæreditate litigantibus, &
iudicium à te flagitantibus, voce Domini tui
respōderes, O homines, Quis me constituit iu-
dicem super vos? In quale tu iudicium mox ve-
nires? Quid dicit homo rusticanus & imperi-
tus, ignorans primatum suum, inhonorās sum-
mam & præcellam sedem, derogans Apostoli-
cæ dignitati? Et tamen non monstrabunt, pu-

to, qui hæc dicerent, vbi aliquando quispiam
 Apostolorum iudex federit hominum, aut di-
 uisor terminorum, aut distributor terrarum.
 Stetisse denique lego iudicandos, Act. 5. sedisse
 iudicantes non lego, Erit illud, non fuit. Itanè
 imminutor est dignitatis seruus, si non vult ef-
 se maior Domino suo, discipulus eo qui se mi-
 sit, magistro, vt sepius inculcat omnium Domi-
 nus & magister, Matt. 10. Luc. 6. Ioan. 13. 15.
 Quis me constituit iudicem, ait ille, & erit tibi
 iniuria, nisi iudices vniuersos? Mihi non vide-
 tur bonus rerum æstimator, qui indignum pu-
 rat Apostolis, seu Apostolicis viris, non iudica-
 re de talibus, quibus datum est iudicium in ma-
 iora. Quidni contemnant iudicare de terrenis
 hominum possessiunculis, qui in cælestibus &
 angelos iudicabunt? Ergò in criminibus, non
 in possessionibus, potestas vestra, quoniã pro-
 pter illa, non propter has, accepistis clauēs Re-
 gni cælorum, peccatores vtique exclusuri, non
 possessores. Quænam tibi maior videtur & di-
 gnitas & potestas, dimittendi peccata, an diui-
 dendiprædia? Sed non est comparatio. Habent
 hæc infima & terrena iudices suos, Reges &
 terræ principes, Quid fines alienos inuaditis?
 quid falcem vestram in alienam messem exten-
 ditis? Non quia indigni vos, sed indignum vo-
 bis talibus insistere, vt potè potioribus occupa-
 tis. Denique vbi necessitas exigit, audi quid cæ-
 feat, non ego, sed Apostolus, Audet aliquis ve-
 strum habens negotium aduersus alterum, iu-

dicari apud iniquos, & nō apud sanctos? An nescitis quod Sancti de hoc mundo iudicabūt? Si in vobis iudicabitur mundus, indigni estis qui de minimis iudicetis? Angelos iudicabim⁹, quā rō magis secularia? 1. Cor. 6. Sed aliud est incidenter in ista excurrere, causa vrgēte, aliud vltro istis incumbere, tāquam magnis, dignisque tali & talium intēctione rebus. Hæc & innumera talia dicerem, si fortia, recta, sincera dicerē. Nunc autem quoniā dies mali sunt, sufficit interim admonitum esse, non totum te, nec semper dictioni dare, sed considerationi aliquid tui & cordis & temporis sequestrare, hoc autem dico, necessitatem intuenis, non æquitatē, quam non est præter æquū necessitati cedere. Nam si liceret quod deceret, absolutē per omnia & in omnibus præferendam, & vel solā, vel maximē colendam eam quæ ad omnia valet, 1. Tim. 4. pietatem, id est, Dei cultum, irrefragabilis prorsus ratio demonstrat, Hæc ille, rebus olim iam licet collapsis, & in deterius labentibus. Sed vt omnia secula diuino beneficio suos semper habuerunt doctores illuminatos, clarissimē distinguens ordinarium pastorum munus ab extraordinario, & voluntatem à necessitate. Superiores quoque pastores & doctores æquē certum & semper sciuisse primas episcoporum in Ecclesia esse partes, populum verbo Dei pascere, hoc est, docere, & nunquam dum rogati coactique interim temporalia iudicant, aliam regendæ Ecclesiæ formā,

Secula omnia suos semper habuerunt doctores.

Episcoporum prima partes in ecclesia, quæ.

ab ea quam Christus per se & Apostolos suos, perpetuis temporibus valituram præscripsit, fingere vel inducere voluisse. Vim ergò habeant & obtineant Regis CHRISTIANISSIMI CAROLI IX. cuiusque legatorum, & quod *Caroli IX. Regis ad Tridentinū concilium postulata.* miretur quis, Episcoporum Galliarum, hoc est, eorundem Tridenti reorum & iudicum, reformatorum & reformariorum postulata, iam antè cap. I. allegata, nullo licet, quod hinc viderimus, responso illic dignata, ut sacris initiati in sua vocatione permaneant, nec in alio quàm Dei ministerio versentur, iuxta Canones tum innumeros alios, tum Apostolicum. 81. Dicimus, quòd non oporteat Episcopum aut Presbyterum publicis se administrationibus immittere, sed vacare, & commodum se exhibere vñs Ecclesiasticis. Animū igitur inducito hoc non facere, aut deponitor. Nemo enim potest duobus Dominis seruire, iuxta præceptum Dominicum, Matth. 6. Ita quidem pauciores habituri ex suis secularium rerum cognitores & iudices, sed iis quorum successores sunt, hoc est, Apostolis & Apostolicis viris similes plures, ac proinde meliores, minúsque litigiosos, sed ut in textu sequitur, *Modestes, iuvenes* humanos, æquanimis, benè temperatos, moderatos, ne vicem reddendo lites prouocent, quod est Hieronymi & Primasij scholion, neu, quod est Anselmi, in iram prorumpentes, aliquem blasphemant, vel infidelem appellēt canem, aut diaboli filiū,

aut aliquid huiusmodi dicant faciantvè, mensuram debitam seruent rationis; alioqui, monitorem hic Lyrano, contra expedit de iniuriis vindictam querere, hoc est, iustitiam, si quando in eis ex tolerancia nutritur malè faciendi audacia, iuxta illud,

Veterem ferendo iniuriam, irritas nouam.

Est enim ubi stulto iuxta eius stultitiam respondeas, ne sibi sapere videatur: est ubi non respondeas, ne similis ei fias, Prov. 26. Ego, respondet Petiliano Augustinus ad initium lib. 3. si tibi vellem pro maledictis maledicta rependere, quid aliud quàm duo maledicti essemus? Ostendit autem Paulus, iuxta superiorem Aquinatis partitionem, quo se modò Christi fideles habeant, in boni operatione, prius quidem in actibus externis. Est enim Modestia virtus, per quam quis in omnibus externis ita modum tenet, ut nec cuiusquam aspectum offendat, qualis describitur Onias summus Iudæorum pontifex, vir bonus, benignus, verecundus visu, modestis moribus, eloquio decorus, cuius etiam defuncti modestiam recordatus flevit Antioch⁹, 2. Macab. 4. 15. Modestia, inquit noster, vestra nota sit omnibus hominibus, Phil. 4. Ea cum sequenti mansuetudine reponitur inter fructus spiritus, Gal. 5. Et cum in omnibus Christianis, tum in Ecclesiæ ministris commendatur, Obsecro vos, ait, per mansuetudinē & modestiam Christi, 2. Cor. 10. & Col. 3. Induite modestiam. Et Episcopum vult modestum, &

cum

*Modestia
quid.*

*Onia com-
mendatio.*

cum modestia corripientem, non litigantem,
 1. Tim. 3. 2. Tim. 2. Vult quoque coapostolus e-
 ius fœminas modesti esse spiritus, viros peræ-
 què modestos, omnes item nos rationem fidei
 nostræ reddere paratos, sed cum modestia, 1.
 Petr. 3. Nam quæ de sursum est, Sapientia, mo-
 desta est, Iac. 3. Et quoniam tantò sui foris re-
 frenandi maior difficultas, quantò quis in affe-
 ctibus internis impetuosior, qualis est iræ im-
 petus, virtutem, quæ talem perturbationē mo-
 deratur, sic opponit, *omnem ostendentes*, siue sum-
 mam exhibentes ac exerentes *mansuetudinem*, *Mansuetudo*
 comitatem, vt non solum in corde mites sint,
 mäsueti, tractabiles, sed & foris apertè se tales
 esse demonstrant, in incessu, verbis, operibus
 suis omnibus, secundum tamen dictamen ra-
 tionis, alioqui enim fuerit magis pusillanimi-
 tas, quàm mansuetudo, ait Lyra, vt quod & ob-
 seruat hîc Theodoretus, non sint hæc prius di-
 ctis contraria, dum infidelibus quidem iubet
 nos doctrinam leniter atque placidè tradere,
 eos verò qui crediderunt, si peccent, audacter
 arguere. Hæc autè virtus & auditoribus & præ-
 ceptoribus cômendatur: Illis quidem, Audiât,
 inquit ille, mansueti, & lætentur, Psal. 33. & al-
 ter, Esto mansuetus ad audiendū verbū Dei,
 Ecclesiastici 5. Et, In mäsuetudine suscipite ver-
 bum, Iac. 1. dignè ambuletis vocatiōe qua vo-
 cati estis, cum omni mansuetudine, Eph. 4. His
 autem, sectare mansuetudinem, 1. Tim. 6. Et,
 Quid vultis? In virga veniam ad vos, an in cha-

*Pauper im-
portunè pe-
sens non exa-
sperandus.*

ritate & spiritu mansuetudinis? 1. Cor. 4. Om-
nibus verò in mansuetudine opera tua perfice,
Ecclī. 3. & super hominum gloriam diligēris.
& 4. Responde (pauperi) pacificè in mansue-
tudine. Quod obiter vt citatum, ita notatum
sit, Inter peccata venialia quidem, sed quæ mul-
ta, grauent, supputatum ab Augustino, quoties
pauperem importunè petentem quis exaspe-
rat. Serm. 41. de Sāctis, & Dist. 25. post ca. Vnū.
§. Alias. Et 10. In mansuetudine serua animam
tuam, &c. Sed erga quos? *ad omnes homines*, ne-
dum dominos, ad hos licet Bruno superiora re-
stringat, ne qui dominos blasphement, aut cō-
tra dominos decertent, nunc etiam erga om-
nes, tum bonos, vt proficiant, tum malos, vt re-
sipiscant, apud Iudæos & Græcos, amicos &
inimicos, & nēquā & iniurios. Dei seruum,
vt & alibi 2. Tim. 2. vult esse mansuetum ad o-
mnes, sed & videri, vult inquā, Christianos
omnibus cum Christo suo, Matt. 11. mites vide-
ri, & corde humiles. Sic enim ait Ambrosius,
possunt perfidi ad futuram spem vocari, non
quòd vanæ gloriæ desiderio nos esse tales om-
nibus ostendere debeamus, sed dum omnes fe-
rimus, nec iniuriæ vicem rependimus, opera
sunt vniuersis notiora. Vt enim fingat aliquis,
& præ iactantia vulgique opinione ac aura po-
pulari, apud quosdam mansuetudinem bonita-
tēque simulat, sed vbi non est vera, germana
solidaque mansuetudo. Nescio, inquit Hiero-
nymus, an cum esse māsuetum possit omnibus

persuaderi. Quis ergò sapiens, & disciplina seu sciētia inter vos præditus? quærit alter Apostolus, & responder, Ostendat ex bona conuersatione operationem suam in mansuetudine sapientiæ, lac. 3.

Eramus enim & nos aliquando insipientes, increduli, errantes, seruientes desideriis & voluptatibus variis, in malitia & inuidia agentes, odibiles, odientes inuicem.

Aτ πολυία est, id est, causæ redditio, seu superioris instructionis ratio, præsertim vltimè, vt non tantùm nō simus maledici & contentiosi, sed è contrario modesti māsuetique & quidem ad omnes. Quo enim modo, dicere posset aliquis, etiā ad infideles, aut falsò fideles? qui inquam, hoc possumus? Responder, Considera te, nō tam qualis sis, quam qualis fueris. Optimum sanè contraiam aut proximi contemptionem remedium, fragilitatis propriæ recogitatio. Vnde illud Platonis philosophorum modestissimi, quoties in eos incideret qui facerēt indecori quippiā, secū subinde cogitātis, & apud se dicētis, Nūcubi & ego talis? Quod salubriter monet Plutarch. De vtilitate ab inimico capiēda, De cohibēda iracūdia, De officio auditoris, in ore, imò in corde assiduè nobis habēdū, & alienis peccatis assonādū, sicubi de iis facta fuerit mētio, ratione nimirū ab externis itro & ad nos relata, nō admodū

*Fragilitatē
propria cogi
tatio quam
vtilis.*

alios execrabimur : considerantes nobis ipsis multa opus esse venia. Nam ut ex oculis aliorum nos ipsos conspiciamus, sic nostra ex aliorum tum dictis tum factis æstimantes, facillimè quid de ceat assequemur, & alios miserabimur magis

*Miserandus
magis quàm
contemnens-
dus proximus
delinquens.*

quàm contemnemus, & nostra maiore cura emendabimus: nihil enim conuitio quod in auctorem recedit, turpius, grauius, acerbius. Considerandum igitur, fidelibus statum utrunque suum causatur Apostolus, præteritum & præsentem, qui ante conuersionem ad fidem fuerimus, qui post sumus, *Eramus enim aliquando & nos*, quid? idem nimirum quod ipsi scilicet infideles, poterunt & ipsi esse quod nos sumus, per eandem gratiam fideles. Ideoque debemus malis & delinquentibus, quod ipsi fuimus, per modestiam & mansuetudinem, quantum fieri potest, condescendere, & eorum errata patienter tolerare, non verò correctionem, vel nostro saltem exemplo, desperare. Et alibi quidem à futuris, ut incertis, alios perterrefacit, ne quis què temerè iudicet, *Qui stat*, aut stare se existimat, videat ne cadat, Rom. 14. 1. Cor. 10. Hic ex rebus præteritis idem persuadet, ne quis cui quid exprobet, aut cōuitietur, Eiusmodi enim eras & tu. Sic latro latronem respondens increpabat, ne times quidem tu, quòd in eodem crimine ac damnatione es? Luc. 23. Priorem ergo conuersionem in memoriam reuocantes, consideremus quot malis eramus obnoxij, quodque cum tales essemus, Deus nos est salute digna-

*Errata proximorum
quæ littere toleranda.*

rus, ac pròinde aliorū qui adhuc errant, improbitatē feramus omnes, gloriatur nemo, omnes enim peccauimus, pro illis oremus, vt liberentur, pro nobis gratias ei agamus, qui dedit vt prioribus malis liberi viuamus. Et hīc idē quod antea Platonis, Chrysostomi consilium, vt cui quis exprobraturus, priorem suam vitam prius inspiciat, futuræque incertum considerans, impetum contineat. Vixeris licet à prima statim ætate cum virtute, habes tamen peccata cōplura: Sin fortē non habes, velpotius habere te nō putas, agnosce opus id diuinæ esse gratiæ, non virtutis tuæ: nisi enim maiores tuos ad fidē vocasset, infidelis esse fortē perstitisses. En vt omnem arrogantiam ac præsumptionis aditū prorsus obstruit. Nōnē, inquiēs, innumera per prophetas sanctōsque omnes Deus nobis ostendit beneuolentię signa, neq; tamen audiuius, sed eramus, siue fuimus quondam, &c. (& subiūgit varios intellectus humani defect⁹ cum eorum effectibus) *insipientes*, Hieron. stulti, Ambrosio inconsulti, mundi licet nostrū quidam sapientes & philosophi, humana sciētia præditi, vera tamen carebant, de qua Luc. 21. dabo vobis sapientiam, stulti erant ac dementes, adeò in sua sapientia perditi, prudētia reprobati, astutia cōprehēsi & infatuati, 1. Cor. 1. 3. ex Esa. 29. Abd. 1. Iob. 5. vt philosophorum summos Platonem

*Virtute sua
nemini glo-
riandam.*

*Plato & A-
ristoteles sa-
pientum prin-
cipes.*

autor, cap. II. prodigium licet, & grande totius naturæ miraculum utrque fuerit, quibus id omne penè infusum videtur, cuius naturaliter cāpax est humanum genus, sed quia sine Christo proinde etiam sine Deo, Eph. 2. Sapiētia enim huius mundi, stultitia est apud Deum, 1. Cor. 3. si intellectus non captiuatur ad fidem, cor non inclinatur ad Christi seruitutem. Hanc autem periodon sic expedit & cum superiore coniungit Ambrosius, Bona quæ incredulitas non habet, Christianis data memorat, ut in omni iustitia elucentes, manifesti fiant quoddam Dei cultores sint, cū enim quondam *inconsulti*, nunc videntur per omnia sani esse consilij, laudatur in his Dominus. Coniungit item prius hoc vocabulum cum duobus sic Aquinas. Intellectus noster in diuinis dupliciter potest aliquid percipere, aut enim per fidem tantū, aut per lumen sapientiæ, & apertam reuelationem, ut Deus (inquit) gloriæ det vobis spiritū Sapientiæ & reuelationis, per agnitionem sui. Illuminatos oculos cordis vestri, Eph. 1. Dupliciter itē deficere potest, aut enim deficit à vera cognitione, sicut per ignorantiam negationis, aut quia incidit in opinionem falsi. Ad sapientiæ igitur priuationem pertinet superius vocabulū, quod est, sapientiam diuinæ cognitionis non habentes: ad fidei, quod secundo loco posuit, *increduli*, in his quæ sunt supra rationem, cuiusmodi sunt, quæ fidei sunt, non credētes quod de Deo credendū est, q. d. propterea sic volo vos omnes

obedire, etiã infidelibus dominis, quia fortassis qui modò tales sunt, fient citò sicut nos, fideles qui paulò antè de Dei cognitione nihil sapiebamus, Dei fidem non habentes, *ἐπὶ ἀθεΐᾳ* Ambrosio, inobsequētes, Hieron. inobedientes, aliis, immorigeri, contumaces. *Errantes*, in moribus, vel per opera mala peccātes, vel iuxta superiorem diuisionem, in contrariam de Deo opinionem, & sic in errorem incidentes, id est, falsum pro vero tenentes & sequentes, putantes lucem tenebras, & tenebras lucem, Eph. 5. Sed quando tales eramus? Ante Christum nobis natum atque datū. Quo enim modo non demencia aut stulticia, huiusmodi Diis, hoc est, Idolis seruire? aut qui maior error, quã ex hominibus mortalibus, imò mortuis, adeoque ex brutis, ex surdis quoque ac mutis lignis, saxis, & metallis Deos facere, & Diis per nos ipsos factis sacra facere? Quod & paulò inter eos minus desipientes senserunt & deriserunt. Nec enim Persæ, quomodò Græci, vel Deos ex hominibus ortos, vel homines ex Diis progeneratos esse sentiebant, & quibus erat consuetudo talibus aras templa, statuas extruere, insaniæ tribuebant. Et Cambyfes Cyri filius, vt ab vno Deo reliquos

Persæ Græcis prudentiores.

Cambyse Cyri filij factum memorabile aduersus Ægyptios

discamus, viso Api eiusque sacerdotibus. O capita, inquit, nequam, huiuscemodi scilicet Dij existunt, carne atque sanguine præditi, ferrum sentientes, dignus nimirum Ægyptiis Deus. Sic locutus, sacerdotes flagris cædi, Ægyptios, vt quisque feriari inueniretur, occidi

*Aegyptiorū
stultitia.*

iussit, ita festum solutum, Apis femore saucius in templo iacens extabuit, vulnere extinctus, à sacerdotibus clam Rege tumultatus est. Idem Vulcani simulacrum multo derisu cauillatus est, Cabyrorum templum multis iocatus verbis cremavit. Herodotus lib. 1. 2. 3. Rex ob id impius scilicet Ægypti primoribus & insanus, ut aliàs erat, habitus est, sed à peræquè, si non multo plus, & impiis & insanis sacerdotibus, De quibus Esa. 19. Stulti facti sunt & seducti principes Taneos & Mempheos, deceperunt Ægyptum, & errare fecerunt in omni opere suo, sicut errat ebrius & vomens. Subiicit Paulus ea quæ pertinent ad corruptionem affectus, tum ad se, tum ad alios. Is autem rectus est, cum rationi seruit, & delectationibus secundum eam licitis utitur, quam contrà cum non sequitur, sed sua desideria, tunc corrumpitur, unde dicit, *Servientes desideriis animi, & voluptatibus carnis variis*, secundum omnes sensus, ut hæ respiciant peccata oblectationum carnalium, gulam, libidinem, vestimentorum & similium rerum molliem, de qualibus alibi noster, quod ventri suo serviunt, Rom. 16. & Phil. 3. quorum Deus venter est, & voluptatum quàm Dei magis amatores, 2. Tim. 3. Illa verò ad alia vitia, ut ambitionem, avaritiã, quã non dubitat hic idololatriã, & avarũ idololatrã vocare, Eph. 5. Col. 3. & Ro. 6. Non regnet peccatum in vestro mortali corpore, ut obediat is eius concupiscentiis. Et alter quidã, Post concupi-

*Avaritia,
idololatria.*

scientias tuas non eas, & à voluntate tua auertere, Ecclí. 18. Nos verò post concupiscentias nostras ibamus, & desideria nostra sequebamur, eis prout poteramus, satisfaciendo. Siquidẽ honorẽ aut pecuniã desiderabamus, multo ad hæc consequenda labore seruiebamus. Quod oculus videbat, auris audiebat, hoc manus comprehendere laborabat. Græci ad gentilium impietates & fœditates, vt stupra, prostitutiones, vigilias nocturnas, & huiusmodi respiciũt, & hæc ad Deorum, si diis placet, cultum & honorem, ad eas quoque quæ sic in proximum, vt & in nos quoque cominittuntur, impuritates, masculam venerẽ, cum sororibus nuptias, cum matribus incesta, quæ tacite magis hîc Paulus, quàm apertè designat. Et hæc quidem in nos & corpus nostrum peccata. Quæ sequuntur, extra corpus sunt, Sic enim partitur Apostolus, 1. Cor. 6. In ordine, inquam, ad alios eramus *in malitia*, ea est alij nocendi voluntas, qui enim malum alteri intendunt inferre, malitiosi dicuntur, quæ mala scilicet sunt, certa præfertim, quam vocant, malitia, aut etiam vindictæ cupiditate, in proximum exercentes, & si quidem nocere non licuit, *in inuidia*, quæ est de proximi bono ac successu, vt de malo siue infelicitate prauitas & nequitia, *agentes*, Si malũ facere nequibamus, maleuoli saltem & inuidi, quod valebamus, aliis eramus, eorum malum desiderantes, bonum detestantes. Breuiter, cū amplius non valebamus, proximo inuideba-

Odibiles
Odiosi.

Paulus quo-
modo se inter
criminosos
numeret.

mus, quod quia valde detestabile est, gratis scilicet aliū odisse, & sibi nihil prodesse, idē subdit, *odibiles*, odiosi tum Deo, Rom. 1. cui similiter odio sunt impius & eius impietas, Sap. 14. tum etiam ab hominibus odio haberi digni, & alterutrum siue *inuicem odientes*, odio prosequētes, alij aliis infensi, & alios oderamus, & alij nos oderant, quadam velut liuoris atque odij compensatione, Et ex inuidia enim odium nascitur, & ad hęc vitiorum extrema cū quis peruenerit, vt omnibus inuideat, omnes oderit, merito eum vicissim omnes oderint. Sed & tam malos ne ad seipsos quidem, nedum ad alios amicitiam habere testis est 8. Ethicorum Philosophus. Querat aliquis quomodo Paulus fuerit stultus, incredulus, errās, voluptatum seruus, malus, inuidus, odiosus & odians, antequā eum Dominus saluū faceret, Respōdet Theodoretus, Apostolū seipsum vna cum eis comunerasse, non quod fuerit omnibus iis criminibus obnoxius, sed vt qui fuerit persecutor, Nam nec omnes omnibus aliis fuerant obnoxij, omnes tamen sunt salutem consecuti, Deique gratia, non merito suo salui facti: quo igitur modo auderent aliis conuitium ingerere? Respondet & qui quæstionem mouit Hieronymus, alios locum hunc sic intelligere, vt nō de Paulo & Apostolis, sed sub Apostolorum persona, de aliis dictū putent, vt quomodo sub persona sua, Apollo, & Cephæ, in Corinthiis dissensionem & schisma arguit, 1. Cor. 1. 3. ita

hoc etiam idèd se & Apostolos nominās, omnes qui in Christo crediderant, quales fuerint ante regenerationē, ostēderit, Et cum cettè legimus iuxta legis iustitiā sine querela fuisse, ad pedes Gamalielis eruditū, & ab infantia sacris literis institutum, in Iudaismo supra coetaneos & congeneres profecisse, vehementer paternas traditiones æmulantem, Phil. 3. Aët. 22. Gal. 1. Respondet ergò secundò, Iudæos ante Saluatoris aduentū in lege versatos, iustitiā licet non plenā, aliqua tamē ex parte habuisse, At vbi populus conclamauit, Crucifige, &c. ablato ab eis Dei Regno, & gentibus tradito, ex eo tempore qui in Christum non credidit, stultus fuit, errabundus, &c. Annon vobis videtur Paulus fuisse stultus, quando zelo non secundū scientiā lapidantiū Stephanū vestimēta seruabat, Aët. 8. 9. Ecclesiā persequabatur, Christi discipulos vinciebat? aut vllas poterat habere virtutes sine virtute Dei Iesu, aut æstuantē voluptatū flammā restinguere, cū non esset templū Dei? Et quæ maior malitia & inuidia, quàm cōtra absentes à sacerdotibus literas sumere, & vbique Christi fideles vastare, nolle se saluum in eo fieri, & iis qui salui esse volebant, inuidere, in tantum odij cōtra Saluatōrē instigari, exardere, & Christianos odisse, & consequēter ab omnibus odium promereri? Quis maior error, inobediētia, vācordia, quā postquā respirauit dies, & præterierūt vmbre, legē abolitā velle seruare, & apparēte solido viriliq; cibo, infantie lacte cupere po-

*Pauli vita
ante conuer-
sionē quā
laudabilis.*

*Pauli perse-
cutio aduer-
sus Christia-
nos.*

tari? Simul tamen & humilitas eius admiranda, quòd qui omnē vtilitatē iustitiāq; legis quasi quisquiliās & purgamenta contempsit, Phil. 3. rectē se sine Christo vitiis omnibus seruiisse memorauit. Hucusque Hieronymus. Et Iudæi ergò post Christum suscitātū prædicatūque non credentes, nedum gentiles ante eundem natum auditūque, tales erant, vtrique ante fidem receptam *insipientes*, nimirum, id est, Sapientiam Dei, quæ Christus est, non habentes. *increduli*, eundem in carne venisse credere nolentes. *errantes*, pro Christo Antichristum expectantes, & reliqua quæ hic describuntur, committentes. Hæc Anselmi sunt. Postremò cum Primasio notādum, quales nos omnes Dominus inuenerit, Præcausati, ait, simus Iudæos & Græcos omnes sub peccato esse, Rom. 3. Vt nō de nostris meritis præsumamus, neque de naturæ bono gloriemur. Ecce enim quales eramus ante gratiam, per arbitrij libertatem. Et hic campus, quo nō alius vel amplior, vel asperior, mihi patebat, nisi de liberi arbitrij tum nomine tum re, tum etiam facultate, non semel antea scripissē, 2. Tim. 1. & ad eā Digressionibus 10. 11. & appendice vñ. ad eandem, collectis aut potius indicatis, pag. 270. Apostolicis formulis, huic quam enarrauimus, similibus. *Eramus, fuimus, Eratis, fuistis, cum essetis*, quibus hominem post peccatum ante gratiam, id est, peccatorem non adhuc iustificatum, veri boni nihil vel esse vel posse non tātum agnoscimus,

sed & experimur . Sed Deo gratias per Iesum Christum, vt sine quo nihil possumus, Ioan. 15. in eodem omnia possimus, Phil. 4.

Cum autem benignitas & humanitas apparuit Saluatoris nostri Dei: non ex operibus iustitiæ quæ fecimus nos, sed secundum misericordiam suam saluos nos fecit, per lauacrum regenerationis & renouationis Spiritus sancti, quem effudit in nos ab ipso, per Iesum Christum Saluatorem nostrum, vt iustificati gratia ipsius, hæredes simus secundum spem vitæ æternæ.

POSTERIOR est ratio superioris instructionis, ex credentium statu post conuersionem suam sumpta, ad quem cum ex mera Dei gratia vocati sunt, æterna bona hæreditate adituri, multò magis esse debent aliis etiam infidelibus, omnium verò maximè principib⁹, grati, modesti, officiosi, quantum fieri potest secundum Deum. Ostendit autem salutis nostræ statum, eiusque status ordinem & processum, salutis quoque causam, & saluandi rationem, modum, atque finem. Est autem salutis humanæ causa, diuina charitas & misericordia. Deus, inquit, qui diues est in misericordia, propter nimiam charitatē

Humana salutis causa.

suam, qua dilexit nos, etiam cum essemus mortui peccatis, conuiuificauit nos Christo cuius gratia estis saluati, Ephes. 2. Charitatis autem Dei, dico, tum interior affectus, tum exterior effectus. De priore, *Cum autem apparuit*, Ambrosio & Hieronymo illuxit, ut & antè, cap. 2. *benignitas*, eisdem bonitas, & hæc quidem ab æterno in Deo fuit, benignus enim & misericors vbique scripturarum prædicatur: sed hæc quandòque minus apparebat, Vbi nunc est zelus tuus, multitudo viscerum tuorum & misericordiarum tuarum? super me continuerunt se, Esa. 63. sed palam facta est per effectum, Filium eius utique incarnatum, de quo, & *humanitas*, Sic enim non aliquot tantum Latini, Hieronymus in scholiis, Primasius, Bruno, Aquinas, sed & ex Græcis Occumenius & Theophylactus, de Christo secundum hominem, siue humana natura & incarnatione exponunt, non quasi pater eam assumpserit, sed quòd sic humanum genus dilexerit, ut eius seruandi studio, filium suum vnicum carnem sumere iusserit, & simile nobis effecerit: quod Dei erga nos humanitas per humanitatem Verbo cunita præsertim apparuerit. Catholicè quidem, sed cum non hic legatur ἀγαπῶντες, sed φιλαθροῦς, hoc est, studiū & amor, & ut apud Gelium, li. 13. cap. 15. dexteritas quædam ac beneuolentia erga omnes homines promiscua, cui diuersa est *μισεῖν*. Quod hic Hieronymo & Ambr. in textu humanitas est illi in Cōmentariis est clementia in scholiis & Prima-

Philanthro-
pia.

fio, Dei largitas. Virtus, inquit Thomas in exte-
 riori defectuū alienorū subuentione consistēs,
 Nihil enim tam humanum, quàm inuicem cō- *Humanitas;*
 descēdere. Barbari (ait) præstabāt nobis nō mo- *philanthropia*
 dicā humanitatē, Act. 28. & 27. *φιλανθρωπίας* hu-
 manē, seu humaniter Paulū tractās Iulius Cen-
 turio, &c. Condescendit autem Deus nostris *Condescen-*
 defectibus, vel maximè figmentum nimirum *sio, omnium*
 nostrum imò suum cognoscens, Psal. 102. de *humaniſſi-*
 quo sequitur, *saluatoris nostri Dei*, qui sicut pro
 nobis, sic pro eis qui adhuc infideles sunt, saluā-
 dis apparuit, Dei dico Saluatoris, vel totius su-
 perbenedictæ Trinitatis, ad saluandū nos pro-
 pensissimæ. Deus enim noster, Deus saluos fa-
 ciendi, & Salus Iustorum à Domino, Psal. 63.
 36. vel certè Patris, de hoc enim sic inter-
 prætatur Hieronymus, vt palàm obſtare videat-
 ur, quominus accipi de tota Trinitate possit:
 Minus quidem euidenter Ambrosius, sed tamē
 & is ad Patrem refert, vtérque paulò pòst alle-
 gandus, quibus clarissimè Patrem hīc Saluato- *Pater etiam*
 rem vocari consentit Anselmus, Tales, in- *saluator di-*
 quiens, fuimus ante Christi notitiam, quales *ctus.*
 descripsimus: ideóque damnationem meriti:
 sed per Dei gratiam in Christi cognitione salu-
 tem reperimus, nam saluos nos fecit, *cum appa-*
 ruit, quando illuxit *benignitas*, diuinæ misericor-
 diæ largitas, eiúsque operum exhibitio, & hu-
 manitas, bonus item affectus misericordiæ Dei
 Patris, & *saluatoris nostri*, in Deo ad similitudinē
 nostri ita dictus, Nam is apud nos humanus

dicitur, qui humanitus & misericorditer erga
 homines afficitur, quia humanitas, misericor-
 dia affectus est. Secundum fidem & intellectu
 nobis apparuit humanitas & benignitas Dei
 Saluatoris, quando comperimus Deum P A-
 T R E M miseratorem esse ac misericordem,
 Hæc ille. Nec humanus tantum propter mise-
 ricordiam, & in homines affectum, sed etiam
 homo in parabola vocatur, Matth. 21. Marc. 12.
 Luc. 20. Deus homo, inquit, erat paterfamilias,
 Is nimirum idem qui misit in vineam suos alios
 & alios seruos suos ac agricolas, & nouissime
 Filium, ut obseruat Irenæus li. 4. cap. 70. Et editio
 nis secundæ in Matthæum siue Chrysostomus cum
 suo ibi Theophylacto, siue autor alius, homil.
 40. Homo nomine, non naturæ: similitudine,
 non veritate: natura hominum & angelorum
 Dominus: misericordia, homo, beneuolentia
 pater. Sequitur vera saluandi nostri ratio, &
 præsumpta eademque falsa excluditur, quasi
 propter merita nostra saluati simus. Hanc autem
 excludit, cum dicit, *nō ex operibus iustitiæ*, seu quæ
 sunt in iustitia, *quæ fecimus*, fecerimus, aut antea
 faciebamus *nos*, tot supra modis peccatores,
 etiam in Dei lege Iudæi, quantum minus sine le-
 ge & Deo gentiles? Illis enim olim iam dictum
 est, Ne dicas in corde tuo, propter iustitiam
 meam introduxit me Dominus, ut terram hæc
 possiderem, Non enim propter iustitias tuas,
 & rectitudinem cordis tui ingredieris ut possi-
 deas, Deut. 9. De horum autem operibus eque
 clarum,

clarum, si nō permultò clarius. Sentit ergò hīc
 vt alibi passim, non tantū de operibus legis
 Mosaicæ, licet id veteres quidam senserint, sed
 de omnibus omnium hominum operibus, sed
 Dei gratiam, Christi fidem præcedētibz ope-
 ribus. perinde ac si diceret, hoc vt Deus per fi-
 lium nobis appareret, & salus inde profecta, nō
 processit ex meritis nostris, quia nulla iustitiæ
 antè opera feceramus, nec adeò piè vixeramus,
 vnde Verbi incarnationem & salutē inde no-
 stram promeruissemus, *sed secundum misericordiā
 suam*, cū alioqui perditione digni, & salute in-
 digni essemus, *saluos nos fecit*, non secūdum me-
 rita nostra nobis hanc salutem dedit, ita forsitā
 eos qui adhuc increduli sunt, saluos eadem gra-
 tia facturū, & sic eorum miserebitur, vt nostri
 misertus est. Porro cū hīc misericordiam ap-
 pellare videatur, quod paulò antea bonitatem
 seu benignitatem, sic tamen inter hæc tria di-
 stinguit Augustinus, vt quod habet Psal. 105. &
 117. Confitemini Domino quoniam bonus, il-
 lic *ἁγὸς* nonnulli suauem interpretētur, item
 hīc *ἁγὸς*, non vtunque, sed excellentissimè
 bonus accipiatur. Et quod vtrobique sequitur,
 quoniam in æternum misericordia eius, ad hos
 pertineat, quos de miseria liberat, non vt eius
 misericordiæ fuisse intelligamus, facere cælum
 & terram, & luminaria, cū id bonitatis sit
 eius qui creauit omnia bona valde, creauit au-
 tem omnia vt essent: hoc verò misericordiæ,
 vt à peccatis nostris mundet nos, & à miseria

Bonus quo-
 modo intelli-
 gendus De⁹.

*Salutis no-
stra vera ra-
tio, Dei mi-
seratio.*

liberet in æternum. Non est ergo vox delicato-
rum militum, Dei Chrſtſique gratiam extolle-
re, opera noſtra extenuare, ſed Pauli, toties di-
uinam miſericordiam inculcantis, eiùſque in-
terpretum, & veterum & Scholaſticorum.
Nam quæ hætenus hîc diximus, Græcorum
ſunt, & Anſelmi, & Brunonis. Primasius quo-
que, nõ dubiũ quin alicũde ex Auguſtino mu-
tuatus, norandum hîc ait, quòd nullis noſtris
meritis, nec ſecundum induſtriam vel labo-
rem noſtrum, ſaluari ſumus, ſed ſola Redem-
ptoris miſericordia, qui nos in omni opere
bono & præuenit & conſummat. Contice-
ſcant liberi arbitrij præcipitatores magis quàm
defenſores. Sic Aquinas, Vera noſtri ſaluandi,
ſiue ſalutis noſtræ ratio, eſt ſola Dei miſeratio.
Miſericordiæ enim Domini, quòd non ſumus
conſumpti, Thren. 3. Reliquiæ ſecundum ele-
ctionem gratiæ Dei ſalutæ factæ ſunt, Rom, 11.
& Luc. 1. miſericordia eiùſ à progenie in pro-
genies, & per viſcera miſericordiæ Dei noſtri,
in quibus viſitauit nos oriens ex alto. Lyra
quoque ita ratiocinatur, Salus enim æterna to-
taliter excedit humanæ naturæ facultatem,
propter quod non poteſt eam attingere, niſi
ex diuinæ miſericordiæ largitate. Secundò no-
tandum ex Anſelmo, quod & antè Beda ex Au-
guſtino contra Fauſtum lib. 11. cap. 7. hîc cita-
uit, De ſpe magis futuræ ſalutis hîc data, quàm
de ſalute illic promiſſa, ſermonem hunc eſſe, &
tamen quia certa ſpes eſt, tanquam iam eadem

data salus esset, eadem nos, inquit, saluauit, vt & alibi dilucidissimè dixit, Spe salui facti sumus, Rom. 8. nondum ergò re, sed iam certa spe saluos nos fecit, id est, salutem æternam & animæ & corporis nobis dedit, *per lauacrum*, modus est adipiscendæ salutis, quem primò proponit, secundò eius effectus, tertio causam, per baptismum, inquit, saluati sumus, Sic enim & alibi vocat, Mundans Ecclesiam lauacro aquæ, Eph. 5. In quo sumus à peccatorum sordibus lori. Et hæc (peccatores scilicet omnimodi) aliquando quidem fuistis, sed abluti estis, &c. 1. Cor. 6. Hebr. 10. abluti corpus aqua munda, aspersi corda à conscientia mala. Et ad hunc conuersum Ananias, Baptizare, & abluere peccata tua inuocato nomine Domini, Act. 22. Et Eunuchos sic roganti, Ecce aqua, quid prohibet me baptizari? dixit Philippus, Si credis ex toto corde, licet, & respondentē credere se Dei Filiū esse lesū Christū, descendentēque in aquam baptizauit, Act. 8. & 10. Nunquid aquam, ait Petrus, quis prohibere potest, vt non baptizentur qui Spiritū sanctum, sicut & nos, acceperūt? Et iussit eos (Corneliū cū eius domo) baptizari in nomine Domini. Huius idem baptismalis aque figuram facit, cū Noë cum suis saluus factus est per aquam, quòd & nos, inquit, nunc similis formæ saluos facit baptisina, non carnis sordium depositio, sed conscientia bonæ interrogatio in Deū, per resurrectionē Iesu Christi à mortuis, 1. Pet. 3. Nā quicumq; in Christo baptizati

sumus, in ipsius mortem baptizati sumus, consepulti ei per baptismum in mortem, in quo & resurreximus, Rom. 6. Col. 2. & patres omnes in Moyse baptizatos ait in nube & mari, 1. Cor. 10.

Digressio. XI.

Quantam vim habeat baptisma, & aqua in Christo sanctificata gratiam, docet ad Oceanum Hieronymus, de schola Rhetorum, aquarum laudes & baptismi sic prædicans, rudi adhuc mundo solus Spiritus Dei aurigæ in modum super aquas ferebatur, Genes. 1. & nascentem mundum in figura baptismi parturiebat. Fabricatur homo de limo, & inter Dei manus aquarum sacramenta versantur, Gene. 2. Fons vnus in Paradiso in quatuor principia diuisus, postea de templo egrediens, & contra solis ortum vadens, amaras aquas mortuasque viuificat. Peccat mundus, & sine aquarum diluuiio non purgatur, Gene. 6. 7. 8. Pharaon cum exercitu suo in typo baptismi suffocatur, Exod. 14. De cuius ibidem interfectione, in Psal. 73. scribitur, Confirmasti in virtute tua mare, contribulasti & confregisti capita Draconis imò Draconum, in aquis. Lignum quoque super aquas, siue fecus decursus aquarum plātatum, Psal. 1. & Hier. 17. transplātatum, signat nos de siccitate Iudaica

in baptismatis gratiam sempiternam translatos. De baptismatis item gratia dicitur, Psal. 28. Vox Domini super aquas multas, eodem ad Suniam & Fretelam, interprete. Quod in Leuitico legimus, iuxta Dei præceptum, Moysen lauisse Aaron & filios eius, iam tunc purgationem mundi & rerum omnium sanctitatem, eidem ad Fabiolam; baptismi sacramenta signabant. Mare mutatur sacramento crucis, & lxx. palmæ dulcoratis legis gurgitibus irrigantur, Exod. 15. Abraham & Isaac puteos fodiunt repugnantibus Allophylis. Bersabea ciuitas iuramenti, regnum Salomonis futurum, nomen sumit à fontibus, Rebecca inuenitur ad puteum, Rachel propter aquas supplantatoris osculo salutatur, Genes. 21. 24. 26. 29. Moyses filias Sacerdotis Madian aperto puteo ab iniuria vindicat, Exod. 2. Dentes sponsæ sicut grex tonsarum quæ ascendant de lauacro, Cant. 4. 6. Audiamus apud Ezechielem filium hominis, quomodò de salutaris baptismi virtute pronunciet futurus filius hominis, cap. 36. Effundam, siue aspergam super vos aquam mundam, & mundabimini ab omnibus immunditiis, inquinamentis, idolis vestris. Micheas quoque de baptismi gratia vaticinatur sic, cap. 7. Miserebitur nostri, demerget iniquitates nostras, & proiciet in profundum maris omnia peccata nostra. Et de baptismatis item. aqua, Zacha. 13. Erit fons seu vena Domini Dauid, & ha-

Bersabea ciuitas à fontibus dicta.

bitantibus Hierusalem in ablutionē seu asper-
 sionem peccatoris & menstruatae, seu pecca-
 ti & menstrui. Præcursor Domini in aquis
 fontium Christo populum præparat. Salua-
 tor post baptisma, & sanctificatas lauacro suo
 Iordanis aquas, regnum cælorum incipit præ-
 dicare, Matth. 3. Luc. 3. Marc. 1. Ioan. 1.
 Primum signum ex aquis facit, Ioan. 2. 3.
 Nicodemo renascendum ex aqua prædicat. 4.
 Samaritanā vocat ad puteum, Sitientem in-
 uitat ad potum. 5. paralyticum iacentem ad
 piscinam sanat. Qui ab aquis cœperat, fini-
 uit in aquis, 19. Latere lancea percussio, baptis-
 mi sacramentum fundens, Post resurrectionem
 Apostolis præcipit vt baptizent in nomine
 Trinitatis, Matth. 28. Marc. 16. Pœnitens facti
 populus Iudæorum statim à Petro ad baptisma
 mittitur, Act. 2. 8. Eunuchus lectione pro-
 phetica Christi baptismati præparatur. 9. Pau-
 lus non antè recuperat aspectum, quàm curet
 baptismo sanitatem. Dies me deficiet, si cun-
 cta quæ ad baptismi potentiam pertinent, de
 scripturis sanctis voluero digerere, & natiuita-
 tis secundæ, imò in Christo primæ, ponere
 sacramenta. Præsertim cùm Cyprianus scri-
 pserit lib. 2. Epistol. 3. quòd quoties aqua sola
 in scripturis sanctis nominatur, baptisma
 prædicatur, vt Esa. 43. Faciam in deserto
 viam, & flumina in loco inaquoso, ad aquare
 genus meum electum, &c. significans & præ-
 nuncians apud gentes in locis prius inaquoso-

*Aqua nomen
 solum possum
 in scripturis
 sanctis, bap-
 tismi indicat*

sis , flumina per regenerationem baptismi
 filios Dei factos adaquatura. Quod denuò
 præcinitur & prædicatur , Iudæos , si sitierint ,
 & Dominum quæsierint , nobiscum esse pota-
 turos , id est , baptismi gratiam consecuturos ,
 Si sitierint , inquit , per desertam , adducet illis
 aquam , de petra producet illis , funderetur pe-
 tra , fluet aqua , & bibit plebs mea , Esa. 43.
 quod in Euangelio adimpletur , quando Chri-
 stus , qui petra est , lanceæ ictu in passione
 finditur , Ioan. 19. Superiorum baptismi fi- *Figura ba-*
 gurarum , Diluuij sub Noë , maris rubri sub *pismi.*
 Moyse , cui similis est Iordanis sub Iosue
 transixus , Ios. 3. meminerunt Basilii in ex-
 hortatione ad baptismum , & de Spiritus san-
 cto cap. 14. Prosper in Psal. 105. 106. 135. Da-
 masceus lib. 4. cap. 10. & addunt eiusdem vim
 ab Helia præmonstratam , 3. Reg. 18. aquæ ter-
 tiò super aram effusæ , & holocaustum com-
 burentis mysterio . Fuit & baptismi typus
 Naaman Syrus , à lepra per septuplicem in
 Iordane lotionem curatus , 4. Reg. 5. Et super-
 na scriptura testimonium fert aquæ , quòd
 purgatio est , per aquam omnis immundus
 secundum legem purificatur , indumentis
 per aquam lotis , Leuit. 14. & ferè omnia in *Aqua puri-*
 lege aqua purificantur : Nam visibilia intel- *ficatio in le-*
 ligibilia signa sunt. Primum ergo baptisma
 fuit Diluuij in abscissionem peccati , 11. per
 mare aquæ , & nubem Spiritus signa. 111. le-
 gale , quo omnis immundus abluebatur aqua ,

& ingrediebatur castra. IIII. Ioannis, introductorium ad Christi fidem, ad pœnitentiam adducens, & ad spiritum per aquam præpurificans, quod & iisdem propè verbis Cyrillus exponit in Ioan. lib. 2. cap. 57. v. Domini baptisma, quo baptizatus est, non purificatione indigens, sed nostram sibi purificationem approprians, vt in aquis capita draconum contereret, veterem Adamum sepeliret, sanctificaret baptistam, legem impleret, Trinitatis mysterium reuelaret, forma & exemplum nobis fieret, vt perfecto eius baptismo, per aquam & Spiritum baptizaremur. v i. per pœnitentiam & lacrymas verè laboriosum. v i i. per martyrium & sanguinem, valde venerandum & beatum, quatenus succedentibus non inquinatur sordibus. v i i i. & vltimum, non, vt superiora, salutare, sed malitiæ exitiosum, & sine fine per futurum ignem punitorium. Et de baptisimi figuris, speciebus, ac elemēto seu materia, hæten⁹, cuius rationes aliquot baptismo cum reliquis sacramentis cōmunes Māgister assignat, lib. 4. dist. I. C. tres, Humiliationē, vt dū insensibilib⁹, quæque infra eā sunt, rebus ex creatoris præcepto se reuerenter subiicit, ex hac tum humilitate, tum obediētia plus Deo placeat, cuius imperio salutē in inferiorib⁹ se quærit, *nō quidē ab illis, sed per illa à Deo* Eruditionē, vt per id quod foris in visibili specie cernitur, ad inuisibilē, quæ intus est, virtutē cognoscendā mens erudiatur.

Baptismi rationes.

Exercitationē, quæ homini alioqui otioso, aut vanis & noxiis occupando vtilis atque salubris, in iis si quis proponitur, vt Dist. 3. H. mysteriū hoc in aqua celebratur, non tantū quia comuni & elemento vbique abundante, ac proinde huius sacramenti necessitati conueniente, quòd ybique & apud omnes inueniatur, ne quem excuset inopia, sed & quidem multò magis intelligatur, quòd sicut aqua corporis sordes abluit, ita baptismus animæ maculas, vitiorūque inquinamenta mundando abstergit.

Quod baptismi opus & virtutem ignorans apostata Iulianus, deridebat vt deliros, venientes ad Christi baptismum, vt ad aquam cōmunem, & corporalibus morbis, multòque magis animæ maculis abluendis inutilem. Respondet Cyrillus lib. 7. Salutarem baptismum non ad curandas corporis ægrotationes à nobis assumi: multò verò minus ad sensibiles vsque visibilesque res tantū diuinum hoc & venerabile Christi sacramentum pertingere. Subtilis est valde & profundus de hoc sermo, & ex iis de quibus ait, Esa. 7. Ni si credideritis, non intelligetis. Profundioribus tamen relictis, conuertā me ad ea, ex quibus videre liceat aduersarium temerè nugari, ac etiam scientem, verum vituperare. Non enim salutare baptisma corporaliū passionum depositionem annunciat (1. Petr. 3.) vt si hoc nō faciat, ne miremur. Quòd autem Christo volente, etiam ad hoc aqua citra controuersiam sufficeret, facilè reputabi-

Iulianus apostata baptismum irridebat.

mus, ineffabilem eius & supernaturalem virtutem considerantes. Quid enim non admirabile ab eo factum? aut quis modus diuinorum non demonstratus signorum? nutu enim leprosos mundauit, hydropicos liberauit, claudos correxit, Cæci oculos aquis Siloas ablutos tenebris exemptis, insolita luce illustrauit, Ioan.

9. Qui tam inquam, eximia sola voluntate absque labore fecit, etiam aquis immissa virtutis suæ efficacia, nonnè interdum ostendit beneficium per sanctum baptisma, quemuis

*Baptisma
quemuis etiā
corporalem
morbum depellere posse.*

etiam corporalem morbum depellere posse. Sed ob alia datum nobis esse dicimus, nimirum vt depositis gentium tenebris, & veritatis lumine cordis oculum perfusi, Deum agnoscantes natura & verè omnium natiuitatis autorem, sic ad alterius vitæ venientes exordium, ingressi veræ pietatis semitam Christo annuente iustificemur, vt per quem nobis pater misericors, ab omni nos peccato liberet, nobis peccatorum pœnas remittat, nos etiam mente per Spiritum sanctum sanctificet, nos modo, quò nouit, ad nouitatem mentis iustæ & castæ reformet, vt quis tum adhuc condemnet, vel quæ supersit macula, dicere non possim, dicturus alioqui multa alia, & vera demonstraturus, per Mosem & prophetas præfiguratum esse hoc sacramentum, & non nouum vel nuper ortum, aut à nobis iuuentum, nisi reuereretur non initiatorum aures, qui minus comprehensibilia ple-

runque rident, quæ imbecillitate mentis minus capiunt, & nihili omnino faciunt, quæ omni admiratione prosequi decebat, vt optimi illi patres solo aquarum spectaculo sacramentum expendentes. Hæc Cyrillus. Quòd autem familiari nobis elemento hîc Deus condescenderit, Nouit enim Deus, ait vbi suprà Damascenus, cap. 14. humanam infirmitatem, quòd complura vsu non trita molestè ferens auersatur. Assueto igitur condescensu vsus, per consueta naturæ facit quæ supra naturam, vt in baptismo, quia consuetudo hominibus est aqua lauari, coniunxit aquæ Spiritussancti gratiam, & fecit illud *lauacrum regenerationis*, qui est duorum baptismi effectuum, quos hîc tangit littera, prior, Aquinate sic expediente. Sciendû hominem in statu perditionis duobus indiguissè, quæ per Christum consecutus, participatione diuinitatis, & depositione vetustatis. Erat enim à Domino separatus, Peruersæ, inquit, cogitationes à Deo separant, Sap. 1. & iniquitates vestræ diuiserunt inter vos & Deû vestrû, Esa. 59. Prius ergo per Christum habemus, diuinæ per eû naturæ consortes effecti, 2. Petr. 1. Noua autem natura nisi per generationem non acquiritur, quæ tamen natura ita datur, vt & nostra remaneat, atq; ita vetus homo noster cû Christo crucifigatur, & corpus peccati aboleatur, Ro. 6. Ideoq; dicitur generatio, Oportet, ait, nasci denuò, vel desuper, non quidem secûdò in ventre matris itroire, sed ex aqua & spiritu renasci,

*Baptismus
est in aqua
consecutus.*

*Nasci denuò
quid sit.*

aliter in Dei regnū non introituros: quia quod natum est ex carne, caro est: quod ex spiritu, spiritus est, Ioan. 3. Est enim baptism⁹, spiritua-
 lis, vt ablutio, ita regeneratio, qua post carnalē generationem iterum, sed spiritualiter, & veteri homine deposito, nouus homo generatur, & prior, quæ in peccatis est, generatio destruitur, per malorum velut euacuationem: & secunda, quæ spiritualis est, obtinetur. Idq; maximè congruit aquæ signo. Nam & semina, ex quibus omnia viuētia generātur, plantæ videlicet & animalia, humida sunt, & ad hoc elementum pertinent, vt nō absque causa philosophi quidam, adeoque septem Sapientum primus Thales, aquam posuerint rerum omnium principium, his adducti coniecturis, quod omnium animā-
 tium genitura humida sit, stirpes omnes humido alantur, humoris expertes actutum arescāt, Solis quoque ignis, siderūque, aquarum expiramentis alatur, quinimò & mūdus, vel Homero testante,

Oceanus, de quo primum sunt omnia nata.

Ex Plutarcho de placitis philosophorum, lib. 1. cap. 3. Ex hac ergo similitudine & renasci, & re-
 generari, & baptizari nobis idem est, ait cōtra Iulianum lib. 6. cap. 4. Augustinus, hoc enim verbum ex Græco Latina consuetudo sic habet vt non alibi soleat, nisi in sacramento regenerationis intelligi. Duo autem quæ in vno homine fiunt, nasci & renasci, ad duos, inquit idem Dardano, Epist. 57. homines pertinent, vnum

*Regeneratio
 spiritalis.*

*Semina om-
 nia humida
 sunt.*

*Renasci, re-
 generari &
 baptizari
 idem.*

ad primum Adam, alterum ad secundum, Christum. Sed nō prius quod spiritale est, sed quod animale. Primus homo de terra, terrenus, secundus de cælo, cælestis, per vnum mors, per vnum Resurrectio. 1. Cor. 15. nec moreremur, nisi per carnalem propaginem de membris illius veniremus: nec viueremus, nisi per spiritalem cōnexionem membra huius essemus. Ideo nobis opus fuit nasci & renasci, illi propter nos tantummodo nasci: nos enim à peccato ad iustitiā renascendo transimus, ille à nullo peccato ad iustitiam transitum faciens, in eo quod baptizatus est, nostræ Regenerationis sacramentum sua humilitate altius commendauit. Veterem hominem nostrum passione, nouum Resurrectione significans. Nemo nascitur nisi operante concupiscentia ex primo homine tracta, nemo renascitur, nisi operante gratia spiritali, ex secundo data, ad illum nascendo, ad hunc renascendo pertinemus. In cuius corporis, tanquam in viuam structuram templi Dei, quæ est eius Ecclesia, nati homines nō ex operibus iustitiæ quæ fecerunt, sed renascēdo per gratiā transferuntur tanquam de massa ruinæ ad ædificij firmamentum, à quo omnis non renatus, alienus. Sacramentum porrò regenerationis nostræ manifestum esse voluit manifestus mediator, &c. Et in Enchiridio cap. 31. Tunc effici-mur verè liberi, cū Deus nos fingit, id est, format & creat, non vt homines simus, quod iam fecit, sed vt boni simus, quod nunc gratia sua

*Nasci, vnde
& vnde re-
nasci.*

facit, vt simus in Christo Iesu nouus homo, Eph. 2. noua creatura, 2. Cor. 5. Gal. 6. secundum quod etiam dictum est, cor mundum crea in me, Psal. 50. Nec enim cor eius, quantum pertinet ad naturam cordis humani, non iam creauerat Deus, cap. 51. 118. 119. Satis indicat Ro. 5. Paulus, neminem ex Adam natum, nisi damnatione detineri, neminem nisi in Christo renatum, à damnatione liberari. In quacunque autem quatuor ætatum, ante legem, sub lege, sub gratia, in gloria, singulum quenque hominem gratia regenerationis inuenerit, ibi ei remittuntur præterita vniuersa peccata, & reatus nascendo contractus, renascendo dissoluitur. Et inter eius sententias per Prosperum decerptas, 299. Primus homo Adam sic olim defunctus, vt post eum secundus homo sit Christus, cum tot hominum milia inter eos orta sint, & ideo manifestum est, ad illum pertinere omnem qui ex illa successione propagatus nascitur: ad hunc, omnem qui gratiæ largitate in hoc renascitur. Vnde fit vt totum genus humanum quodammodo duo sint homines, primus & secundus. 301. Iustus autem ex Deo, non ex hominibus nascitur, quoniam renascendo, non nascendo, fit iustus, vnde etiam renati filij Deo vocantur. 330. Vna ergo natiuitas de terra, carne, mortalitate, de masculo & fœmina. Alia de cælo, Spiritu, æternitate, de Deo & Ecclesia, & duæ singulares sunt. Et in Psal. 6. Duas generationes ponit & exponit, vnam

Ætates quatuor.

Humanum genus totum quodammodo duo homines

quæ ad corpus, alteram quæ ad animam per-
tinet, quæ & Regeneratio dicitur. Est & al-
tera Augustino de doctrina Christiana, lib. 1.
cap. 19. 20. animi quædam mors & renascen-
tia, vitæ scilicet prioris morumque reiectio, *Animi mors
quædam Co-
renascentia.*
quæ fit pœnitendo, cùm animus post pœni-
tentiam, qua priores mores perditos intere-
mit, reformatur in melius. Cuius autem ani-
mus non huic seculo moritur, neque incipit
configurari veritati, hoc est, qui non renasci-
tur, in grauiorem mortem morte corporis tra-
hitur, nec ad communionem cælestis beatitu-
dinis, sed ad luenda supplicia reuiuiscet. Ter-
tia, eodem interprete, Regeneratio, Christo
dicente, Matt. 19. In Regeneratione cùm se-
derit filius hominis in sede maiestatis suæ, &c. *Regeneratio
nouissima re-
surrectio.*
hoc loco, nullo ambigente, nouissima resur-
rectio, non vtique talis Regeneratio, qualis
fit per baptismum, sed in qua etiam in corpo-
re perficietur, quod nunc spiritu inchoatur,
libr. secundo de peccatorum meritis & Re-
missi. capi. 7. Sic enim caro nostra regenera-
bitur per incorruptionem, vt anima nostra
regenerata est per fidem: vt duæ sint rege-
nerationes. Vna secundum fidem, quæ nunc
fit per baptismum: Alia secundum carnem,
quæ fiet in eius incorruptione ac immorta-
litate per iudicium magnum atque nouissi-
mum. Lib. 20. de Ciuitate, capite 5. & 6.
Et in Psal. 143. duas ponit omiſſa media, ge-
nerationes, Generatio, inquit, & generatio

laudabit opera tua. Quorum vtraque sumus Filij Dei, priore quidem adoptionis, alia autem resurrectionis, Luc. 20. Filij appellatur. Eadem etiam Paulo adoptio & redemptio corporis vocatur, Rom. 8. Nunquid non per lauacrum sanctum regenerati, adoptati, redempti sumus? & tamen restat regeneratio, adoptio, redemptio, quam in fine venturam nunc patienter expectare debemus, ut tunc filij huius seculi nulla ex parte iam simus. Quisquis ergo baptismo derogat, quod modò per id percipimus, corrumpit fidem: Qui autem iam nunc ei tribuit, quod quidem per ipsum, sed tamen postea accepturi sumus, amputat spem: Nam si à me quisquā quaesierit, vtrum per baptismum salui facti sumus, negare non potero Paulum id hinc dicentem. Sin quaesierit vtrum per idem lauacrum omni prorsus modo iam nos fecerit saluos, respondebo, non ita est, idem quippe item dicit, Spe salui facti sumus, & si quod non videmus, speramus, per patientiam expectamus, Rom. 8. Salus ergo hominis in baptismo facta est, quia dimissum est quod peccatum à parentibus traxit, vel quicquid etiam propriè ante baptismum peccauit, Salus vero hominis tanta tum erit, ut peccare omnino non possit. Hæc contra Pelagianos ad Bonifacium, lib. & cap. 3. Et li. 4. cap. 11. citat huius sententiæ & expositionis secum testem Ambrosium super Esaiam, qui liber, opinor, minimè extat, ad id Esa. 1. Filios genui, &c. Suscepit de generationibus quæ ex Deo sunt, dispu-

disputare, & concludit ita, Si igitur diuersæ generationes sunt, & hic introitus in hanc vitam receptor est delictorum, intantum vt spernatur etiam qui genuit, alia autem generatio peccata non recipit, videamus ne quæ sit post huius vitæ curriculum nostra regeneratio, de qua suprà, In regeneratione, &c. Sicut enim regeneratio lauacri dicitur, per quam deterfa peccatorum colluuiione renouamur, ita regeneratio dici videtur, per quam ab omni corporeæ concubæ purificationis purificati labe, mundo animæ sensu in vitam regeneramur æternam, eò quòd purior quædam qualitas sit regenerationis illius, quàm lauacri huius, vt non solum in actus eius sed ne in ipsas quidem cogitationes nostras vlla cadat peccatorum suspicio. Quod fragmentum repetens idem contra Iulianum, lib. 2. sic ait, Nempè distinxit vir sanctus & verax iustificationem vitæ huius, quæ sit per lauacrum regenerationis, & illius perfectionem, cum & nostra corpora fuerint immortalitate renouata. Non itaque fuit Ambrosio, fatenti licet nascentis originis vitium, desperata iustificationis perfectio. Quia sicut est humana natura creatori Deo formabilis, ita redemptori sanabilis. Sed vos festinatis, & præsumptionem vestram festinam præcipitatis: hîc enim vultis hominem perfici, atque vnam Dei dono, non libero, vel potius seruo propriæ voluntatis arbitrio. Iustificatio porrò in hac vita secundum tria confertur, Prius lauacro regenerationis,

*Regeneratio
lauacri, & re
generatio re
surrectionis.*

*Iustificatio
in hac vita
secundum tria
confertur.*

quo remittuntur cuncta peccata, Deinde confessione cum vitiis, à quorum reatu absoluti sumus, Tertiò dum nostra exauditur oratio, qua dicimus, Dimitte nobis debita nostra. Hæc ille. quibus satis constat regenerationis baptismalis in hac vita necessitas, vsus, atque modus. Minus ergo sapit Augustinum autor Quæstionum mixtim ei inscriptarum, Quæst. vlt. Non video, inquit, reos fieri homines, quia nati sunt, sed quia malè conuersati, imò etiam quia nati: & iræ enim filij natura, seu nascendo sumus, Ephes. 2. Sed si utilis, ait, est natiuitas, cur renascimur? respondet, non renasceremur nisi utilis esset natiuitas, Respondeo contrà, nisi non solum non utilis, sed etiam noxia & peccaminosa nobis esset natiuitas, nec nobis cur renasceremur, opus fuisset. Pergit, Renasci enim renouari est, & qui renouantur, instaurantur, non ergo accusat renascibilitas natiuitatem, sed reformat: imò & accusat simul ac reformat. Et quod reformatur (ait) bene ab initio institutum probatur, Rectè, Sed quod reformatur, bene licet ab initio à Deo formatum, pòst tamen ab homine diaboli vtique instinctu deformatum, non minus probatur. Vt ergo reddamur ad pristinum Adæ statum, qui sic corpus suum subiugauit peccato, vt nascerentur homines sub peccato, renascimur, expiamur, reparamur, immutamur, abluimur, melioramur, resurgimus denique per fidem, obedi-

tiam, & lauacrum regenerationis, & *renouationis*, siue renouationem, vt repetatur præpositio *per*, Sermo enim Græcis anceps est, quod *sic* paternum casum postulat. Et sic sanè legit Hieronymus in Commentariis locum hunc ordinans. Nec secus interpretatur Chrysostomus, ita repetens, hoc est quod ait, per renouationem Spiritus sancti novos iterum fecit. Aded vitiis immerfi eramus & effusi, vt non purgatione, sed renouatione magis opus esset, neque vlla ratione purgari possemus, nisi etiam denuò nasceremur, reficeremur, renouaremur. Et id enim significant Græca vocabula, secundam natiuitatem, nouamque formationem, vt domum veterem, putrem, cariosam, ruinofam, citòque collapsuram, instaurandam, non vel fulcris suppositis sustentamus, vel veteribus structuris fulcimus, sed funditus diruimus, & ad fundamenta vsque demolimur, & ita euersam nouam omnino ædificamus, sic in nobis Deus non aliquid inædificauit, non reconcinnauit, quod corruptum erat, sarciendo, sed euertit quod male steterat, & nos denuò creauit & condidit. Sic Græci. Et hic est alter baptismi effectus, quo baptizatus per Christum ad naturæ reparatus integritatem, priorem deponit vetustatem, veterem sub peccato vitam terminat, nouam sub gratia & iustitia inchoat, & deposito veteri homine, innocentia, quam in primo parente, priusquam pec-

*Renascentia
nostra neces-
saria.*

*Nouitas ho-
minis qua sit*

*Homo vetus
deponendus.*

caret, perceperamus, nouitatem iterum percipit; in qua vitæ nouitate deinceps ambulat, & quotidie crescendo in melius magis atque magis renouatur. Sic Latini conformiter ad alios Pauli locos. Vtut, inquit, qui foris est, noster homo corrumpatur, qui tamen intus est, de die in diem renouatur, 2. Cor. 4. Et Ephes. 4. Deponite vos secundum pristinam conuersationem, veterem hominem, qui corrumpitur secundum desideria erroris. Renouamini spiritu mentis vestræ, & induite nouum hominem, qui secundum Deum creatus est, in iustitia & sanctitate veritatis. Quæ repetit Col. 3. Expoliantes vos veterem hominem cum actibus suis, induentes nouum, qui renouatur in agnitionem, secundum imaginem creatoris sui, ac recreatoris Christi, ut quomodo is surrexit à mortuis, ita & nos in nouitate vitæ ambulemus, in nouitate ei spiritus, non in vetustate literæ seruiamus, in nouitate sensus nostri reformemur, Rom. 6. 7. 12. & quasi modò geniti infantes, rationabile ac sine dolo lac concupiscamus, ut & in eo crescamus in salutem, neque iam hominum desideriis, sed Dei voluntati, quod reliquum est temporis in carne viuamus, 1. Petr. 2. 4. Et vetus igitur homo & exterior, eidem ubi suprâ Augustino in Psal. 6. dicitur, quo secundum corpus & carnem viuitur: Interior autem, quo secundum animam, qui & nouus, propter regenerationem, morumque

*Vetus homo
& exterior
quis dicatur.*

spiritualium innouationem, quæ in sacrosancto lauacro inchoatur, vt proficiendo perficiatur, in aliis citius, in aliis tardius, sic à multis in nouam vitam procedatur. Sic Apostolus internum hominem de die in diem renouari dixit, vt perficiatur, Et Manichei scilicet à perfectione volebant incipere, eam impudenter in Catholicis imbecillioribus quærentes, & nullo apud se modo exhibentes, vt idem habet ad finem libri de moribus Ecclesiæ catholicæ. Et lib. 14. de Trinitate cap. 16. 17. collatis superioribus Pauli locis, hæc, ait, animæ peccato decoloris, deformis, & deformatæ reformatio, & (quotidiana) renouatio, non vno momento fit conuersionis eius, sicut quæ in baptismo fit, remissione omnium peccatorum, nec enim vel vnum quantulumcunque remanet, quod non remittatur, sed vt aliud est carere febribus, aliud ab infirmitate febribus facta reualefcere, aliud infixum telum de corpore demere, aliud, vulnus eo factum secunda curatione sanare: ita prima curationis est, causam remouere languoris, quod per omnium fit indulgentiam peccatorum: secunda, languorem sanare, quod fit paulatim proficiendo in renouatione huius imaginis. Quæ duo demonstrantur, Psal. 102. Qui propicius fit omnibus iniquitatibus tuis, quod fit in baptismo: Qui sanat omnes languores tuos, quod fit quotidianis accessibus, cùm hæc imago proficiendo renouatur,

Interior homo & nouus

Renouatio animæ a peccato deformatæ non vno momento fit, sed paulatim.

amorem transferens à temporalibus, visibilibus, carnalibus, ad æterna, intelligibilia, & ab illis quidem cupiditatem frenare, his autem se charitate alligare diligenter insistit. In quo profectu & accessu bene proficientem cum dies vitæ huius ultimus quemque compererit, perducendus ad Deum, quem coluit, ab eo perficiendus, & cætera. Et loco paulò antea citato ad Marcellinum contra Pelagianos, libro secundo, capite septimo, octavo, decimo. Eò docet quosque Filios Dei fieri, quo esse incipiunt in nouitate spiritus, & renouari in interiorem hominem: non enim ex qua quisque hora baptizatur, omnis verus eius infirmitas absimitur, sed renouatio incipit à remissione omnium peccatorum. Et in quantum spiritalia quisque sapit, qui iam sapit, in tantum renouatur: cætera in spe facta sunt, donec etiam in re fiant, usque ad corporis renouationem in meliorem statum immortalitatis & incorruptionis, qua induemur in Resurrectione mortuorum. Nam in baptismo quamuis tota & plena fiat remissio peccatorum, tamen si continuò tota & plena etiam hominis fieret in æternam nouitatem mutatio, non dico & in corpore, quod certè manifestum est adhuc in veterem corruptionem atque in mortem tendere, in fine postea renouandum, quando verè tota nouitas erit: sed excepto corpore, si in animo, qui homo est interior, perfectà in baptismo nouitas fieret,

non enim diceret Apostolus renouari de die in diem, profectò qui quotidie adhuc renouatur, nondum totus est renouatus, & in quantum talis, adhuc in vetustate est. Proinde ex hoc quòd adhuc in vetustate sunt, quamuis iam baptizati, sunt etiam seculi filij: Ex hoc autem quòd in nouitate sunt, hoc est, ex plena & perfecta remissione peccatorum, & quantumcunque illud est quod spiritualiter sapiunt, eisque congruos mores agunt, Filij Dei sunt, intrinsecus enim eximus veterem hominem & induimus nouum, quando ibi mendacium deponimus, & veritatem loquimur, & cetera quibus Apostolus explicat, Eph. 4. quid sit exui veterem hominem, & indui nouum. Et hoc vt faciant, iam baptizatos fidelesque adhortatur, non ad adhuc idem monendos, si hoc in baptismo iam perfectè factum esset, & tamen factum est, sicut & salui facti sumus: Saluos enim nos fecit per I. R. E. R. SS. Sed qui hoc factum sit, alio loco dicit, In nobismet ipsis, inquit, ingemiscimus, adoptionem expectantes, redemptionem corporis nostri, Rom. 8. Adoptio ergo plena filiorum in redemptione fiet etiam corporis nostri. Primitias itaque Spiritus nunc habemus, vnde iam Filij Dei re ipsa facti sumus. In ceteris verò spe sicut salui, sicut innouati, ita & Dei Filij: Re autem ipsa, quia nondum salui, idèò nondum plenè innouati, nondum etiam Filij Dei, sed filij seculi.

Renouari de die in diem.

Exui veterem hominem, & indui nouum quid.

*Filij Dei &
filij seculi.*

Proficimus ergo in renouationem iustamque vitam, per quod filij sumus, & per hoc peccare omninò non possumus, donec totum in hoc transmutetur, etiam illud: per quod adhuc filij seculi sumus, per hoc enim & peccare possumus. Consumetur ergo quod filij carnis & seculi sumus, & perficietur quod Filij Dei, & spiritu renouati sumus. Interim Filij Dei sumus, & nondum apparuit quid erimus, 1. Ioan. 3. Quid est hoc, sumus & erimus, nisi quia sumus in spe, erimus in re? Scimus enim quia cum apparuerit, similes ei erimus, quia eum sicuti est, videbimus. Nunc ergo ei & similes esse iam cœpimus, primitias habentes spiritus: & adhuc dissimiles sumus, per reliquias vetustatis. Proinde in quantum similes, in tantum regenerante spiritu Filij Dei: in quantum dissimiles, in tantum Filij carnis & seculi: Illinc ergo peccare non possumus, quia qui natus est ex Deo, non peccat, primæ Ioannis tertio. Hinc verò si dixerimus quòd peccatum non habemus, nosmetipsos seducimus, primæ Ioannis primo. Quæ testimonia minimè sunt contraria: Quandiu enim homo quamuis totus spe iam, & iam in re ex parte in regeneratione spiritali renouatus, adhuc tamen portat corpus quod corrumpitur, & aggrauat animam, Sapientiæ 9. donec totum transeat in adoptionem, & non sit peccator, quæras locum eius & peccatum, & non

inuenias, Psal. 9. 36. Habemus ex Christo & Paulo, & vtriusque interprete Augustino, triplicem (vt suprà) Regenerationem; ita & renouationem, nisi quòd idem non procul à fine expositionis Epistolæ ad Roman. inchoatæ, eos qui iam baptizati fuerint, curari (ait) melius dicimus per penitentiam, quàm renouari, quia renouatio propriè in baptismo est, vbi quidem operatur penitentia, sed tanquam in fundamento, manente itaque fundamento, recurari ædificium potest: Sin fundamentum iterare quis voluerit, totum subuertat ædificium necesse est. Idèd dicit, Hebr. 6. Impossibile post baptismum prolapsos, rursus renouari per penitentiam, vtrique baptismalem, seu denuò baptizari. Sed de hoc scopulo, vt obiter, ita meliùsilere puto quàm pauca dicere. De tertia ergo eadèmq; nouissima nostri per resurrectione renouatione hìc oritur alia quæstio, Cū enim iuxta Apostolum, 1. Cor. 15. imaginem terreni hominis ab humanæ generationis exordio induerimus, cœlestis autem ex fide nunc portemus, habituri in resurrectione quod credimus, quomodò renouemur, si non ad hoc per Christum renouamur, quod in Adā primo eramus? quanquàm enim multa non in pristinum, sed in melius renouentur, ab inferiore tamen statu, quàm quo erant antea, renouantur. Hìc aliis alia dicentibus, vt quæ scriptura de Adæ corpore prius quàm spiritali, déque nostri renouatione toties memorat, sibi consent & inter

Curari dicimur per penitentiam, renouari per baptismum.

Baptismalis penitentia.

se consentiant, respondet Augustinus de Genesi ad litteram, li. 6. cap. 19. 20. 24. 27. 28. Quo ergò modo renouari dicimur, si non hoc recipimus quod in Adam perdidimus? Hoc planè, inquit, secundum quendam modum recipimus & non recipimus: Recipimus iustitiam, ex qua per peccatum lapsus est homo, immortalitatè spiritualis corporis, quam nondū homo habuit, non recipimus. Renouamur ergo à vetustate peccati, mente in agnitionem Dei, secundum eius imaginem, quam in spiritu impressam Adā per peccatum sic amisit & perdidit, non quidē vt nulla in eo remanserit, sed quia tam deformis vt reformatione opus habuerit. Sic enim se interpretatur lib. 2. Retractationum cap. 24: & hanc per gratiam iustitiæ recipimus. Renouabitur autem etiam carne, in melius nimirū, non in pristinum corpus animale, in quo fuit Adam, sed in spiritale, in quod nōdum mutatus, sed nisi mortem peccando meruisset, mutandus erat: In quo corpore, inquā, immortali sancti omnes erunt à mortuis resurgentes. Et cuius hæc omnia vi, virtute, ac dono fiunt? *Spiritus sancti*, Et in hoc enim Dominum baptizaturum præcursor prædixerat, Mat. Luc. 3. Marc. Ioan. 1. Act. 1. 11. 19. In hoc ergò baptizantur, quotquot baptizantur, vt de omne genus peccatoribus dicat Paulus, Hæc fuistis, sed abluti, sed sanctificati, sed iustificati estis in nomine D. N. Iesu Christi, & in Spiritu Dei nostri, 1. Cor. 6. & 12. Etenim in vno spiritu omnes

*Imago Dei
quomodo ab
Adā perditā*

*Renouatio
carnis.*

nos in vnum corpus baptizati sumus, siue Iu-
dæi, siue gentiles, siue serui, siue liberi. Hoc er-
go in nos adueniente in baptismo, regenerati
renouatique sumus, peccata nobis remissa, col-
latæ virtutes, & gratia. Si modum fortè requi-
ris, Spiritus Dei, adeoque tota superbenedicta
Trinitas hæc vniuersa transigit, operatur, &
efficit, & hui' effectiōis causa est, vt aqua cor-
pus tangat, & cor abluat, quod Augustini ver-
bum tractat. 80. ad id Ioan. 12. Iam vos mundi
estis propter verbum quod locutus sum vo-
bis. Hic non excutio, plus alioqui satis excus-
sum libello nostro, qui de Vi verbi Dei In sa-
cris mysteriis inscriptus exiit vtraque lingua
Anno 1561. quo sic inter verbum & fidem par-
titi sumus, & nisi fallor, obtinuimus, vt verbi
sit efficacia sacramenti, fructus autem & pro-
fectus recipientis fidei. Hæc ergo, vt ad literam
redeā, baptismi virtus est à sancta & indiuidua
Trinitate, Vnde & Christo baptizato pater in *Baptismi vir-*
voce, Filius in carne, Spiritus sanctus in colum- *tus, vnde.*
bæ specie apparuerunt, Matth. Luc. 3. Marc.
Ioan. 1. & Matth. 28. Dominus baptizare iussit
in nomine Patris & Filij & Spiritus sancti. His
enim verbis Euangelicis, sicut accepit Ecclesia,
consecratum Christi baptismum vbicunque
sanctum esse, per quoscūque etiam nō sanctos,
imò hæreticos, tam sæpe recurrit apud omnes *Baptismus*
catholicos, & Augustinum præsertim contra *vbique sum-*
Donatistas & sic omnes omnium temporum *ctus.*
Catabaptistas, vt nihil sæpius, lib. 3. de baptis-

mo, cap. 10. 15. 19. lib. 4. cap. 4. 10. lib. 5. cap. 1. lib. 6. cap. 17. 25. lib. 7. cap. 53. Deum enim adesse verbis Euangelicis suis, sine quibus baptis-
mus Christi consecrari non potest, & diui-
nam in sacramento suo virtutem assistere, si-
ue ad salutem bene vtentium, siue ad per-
nitentiam malè vtentium. Et aquæ ergò baptis-
mo siue lauacro mundamur, sed in verbo vitæ,
Eph. 5. Voluntariè enim nos Deus genuit, ac
etiam regenuit, verbo veritatis, vt simus initiũ
aliquod creaturæ eius, Iac. 1. non ex sanguini-
bus, nec ex carnis, id est, mulieris & viri volun-
tate, sed ex Deo nati: Ioan. 1. Renati non ex se-
mine corruptibili, sed incorruptibili, per verbũ
Dei viui & permanentis in æternum, 1. Petr. 1.
Verbum enim Domini manet in æternum,
Esa. 40. Psal. 118. Hoc autem est, ait, verbũ quòd
Euangelizatum est in vobis, hoc inquàm fidei
verbum est, quod prædicamus, quia si confitea-
ris in ore tuo Dominũ Iesum, & in corde tuo
credideris quòd Deus illum suscitauit à mor-
tuis, saluus eris, Rom. 10. Et vero baptismi tum
verbum tum elementum, reliquũque ritus id
non solũ repræsentat, sed suo quoque modo
efficacit, nimirũ nos Christo ibi cõmori, con-
sepeliri, corresurgere: Et in Christi enim mor-
tem baptizamur, & Christo in baptismo con-
sepelimur, in quo & simul cũ eo resurgimus,
vt ei per mortis eius similitudinem complan-
tati & insititij facti, sic & resurrectionis parti-
cipes futuri, Rom. 6. Col. 3. Quòd autem ele-

menta in sacramentis verbo consecrata verè etiam animam mundet, purgent, sanctificent, præter scripturæ sic loquendi morem, nec verò aliter scriptores sacri loquuntur. Sic Dionysio Ecclesiasticæ Hierarch. cap. & part. 2. baptizaturus pontifex, aquas (lauacri baptismalis) sancta præce & inuocatione (diuini nominis) sanctificat, tres beatitudinis diuinæ, seu diuinitatis summæ personas simul inclamans & nominās. Caro (inquit de carnis resurrectione Tertullianus) abluitor, vngitur, signatur, vt anima emaculetur, cōsecratur, muniatur. Et lib. de baptismo amplissimè ita, Plura, inquit, prosequar de elementi huius autoritate, quanta vis eius aut gratia, quod ingenia, quot officia, quantum mundo instrumentum ferat, vereor ne laudes aquæ potius quàm baptismi rationes videar congregasse. Licet eò plenius docerem non dubitandum, siquam omnibus in rebus & operibus suis materiam disposuit, etiam in sacramentis propriis parere fecit, si quæ vitam æternam gubernat, & in cælesti procurat. Sed ea satis erit præcepisse, in quibus & baptismi ratio recognoscitur prima, quæ iam tunc vel habitu prænotabatur ad baptismi figuram, Dei Spiritum, qui ab initio superuectabatur super aquas, intinctos reformaturum. Sanctum utique super ferebatur, aut ab eo quod superferebatur id quod ferebat, sanctitatem mutuabatur, Quoniam subiecta quæque materia, eius quæ de super inminet, qualitatem capiat necesse est,

maximè corporalis spiritalem, & penetrare & insidere facilè per substantiæ suæ subtilitatē. Ita de sancto sanctificata aquarū natura, sanctificare concepit, & omnes aque de pristina originis prærogatiua sacramētum sanctificationis consequitur inuocato Deo. Superuenit enim statim Spiritus de cælis, & aquis superest, eas sanctificans de semetipso, & ita sanctificatæ vim sanctificandi cōbibunt. Quanquā ad actū simplicē cōpetat similitudo, vt quoniā vice sordidū delictis inquinamur, aquis abluamur. Sed delicta sicut non in carne cōparent, quia nemo super cutem portat. maculā idololatriæ, stupri, fraudis, ita eiusmodi in spiritu sordēt, qui est autor delicti. Spiritus enim dominatur, caro famulatur, vtrunq; tamē inter se reatū cōmunicant, spiritus ob imperiū, caro ob ministerium. Medicatis ergò quodāmodò aquis per Angelū interuentū, & spiritus in aquis corporaliter diluitur, & caro in eisdē spiritualiter mundatur. Et diligēs hui⁹ lector Cyprianus, li. i. Epist. vltima, Oportet, ait, mundari & sanctificari aquā prius à sacerdote, vt possit baptismo suo peccata hominis qui baptizatur, abluere, quia per ezechielem prophetā D. dicit, &c. Quanquā quod sanctus pater illic, vt nusquā non ferè, negat apud hæreticos esse baptismū, id in iis modò locum habet, quorū alij in personis diuinis inæqualitatem, alij indiscretionem confitentes, baptismum in suæ peruersitatis non in Ecclesiæ forma ministrabant, quā alioqui seruantes, sacramētum

*Aquarum
ablutio my-
stica.*

quidem, sed sine sacramēti virtute, hoc est, sanctificatione, quia sine fide, & extra Ecclesiā cōferebant, vt rectè distinguit Gratianus, 1. q. 1. §. Sed notandū. & sequēti. Cautè igitur legend⁹, & sanè intelligendus Hieronymi aduersus Luciferianos Orthodoxus ita disputans, Cū in Patre & Filio & Spiritu sancto baptizatus homo tēplum Domini fiat, & veteri ade destructa nouum Trinitatis delubrū ædificetur: quomodò dicis sine aduentu Spiritu sancti apud Arrianos peccata posse dimitti? quomodò antiquis sordibus anima purgatur, quæ sanctū nō habet Spiritum? Nec enim aqua lauat animam, sed prius lauatur à Spiritu, vt & alios spiritualiter lauare possit. Spiritus, inquit, Moses, Domini ferebatur super aquas. Ex quo apparet baptismus non esse sine Spiritu sancto. Bethseda siue Berthesda Iudeæ lacus nisi per aduentū Angeli, debilitata corporaliter mēbra sanare non poterat, Ioan. 5. Et tu mihi aqua simplici, quasi de balneo animam lotam producis? Dominus qui non tam lauacro mundatus est, quàm suo lauacro vniuersas aquas munda-
uit, statim vt caput extulit de fluento, Spiritum sanctum accepit: non quod vnquam sine Spiritu sancto fuerit, quippè de Spiritu sancto in carne natus, sed vt nobis verum esse baptismus monstraret, quo Spiritus sanctus adueniat. Igitur si Arianus dare Spiritum sanctū non potest, nec baptizare quidem, quia Ecclesiæ baptismus sine Spiritu sancto nullum est.

Christ⁹ quare Spiritu sanctum accepit baptizatus.

Tu verò cùm baptizatum ab eo recipias, & postea Spiritum sanctum inuocēs, aut baptizare debes, quia sine Spiritu sancto baptizari non potuit: aut si baptizatus es in Spiritu, desine spiritum ei inuocare, quem tunc cùm baptizaretur, accepit. Et paulò post, Tu verò qui ab Arrianis baptizatus recipis, & ei tribuis baptismum quod perfectum est, quò pacto, quasi modicum quid ei defuerit, sanctum aduocas Spiritum, cùm baptismum Christi sine Spiritu sancto nullum sit? Hæc ille. Quem quidem locum protulit, quòd valde videretur è re præsentis esse, hoc est, Spiritus sancti in baptismo energia. Quibus ergo baptismum abrogat, ij, vt ibidem sequitur, non credebant, ac proinde nec baptizabant, nisi in Patre solo vero Deo, & in Iesu Christo Salvatore creatura, & in Spiritu sancto vtriusque seruo. Cui tum fidei, tum baptismi formulæ merito idem aures claudere, ne tantæ impietatis vocibus polluantur, auditore præmonuit. Ob eundem formæ receptæ defectum Nicenus canon. 19. Paulianos à Paulo Samosateno, ad Eccle. cõfugientes, vbi. suprà 1. q. 1. Si quis confugerit. & can. seq. Innocentius 1. Epist. 22. cap. 5. Et Arelaten Synodi canõ 16. Photinianos. & Gregorius 1. lib. 9. Epist. 61. De Conf. Dist. 4. ca. Hi verò. Bonifianos in Christum Dominum non credentes, & Cathryges Spiritum sanctum, prauum hominem Montanum esse credentes, omnes in nomine Patris & Filij & Spiritus sancti minimè baptizantes,

Hæretica baptizatores.

zantes, cùm ad Catholicam venerint, baptizandos censuerint, quia baptisma non fuit, quod in errore positi, in Sanctæ Trinitatis nomine minimè perceperunt. Atque adeò tanti semper fuit forma Euangelica vbicunque & à quibuscunque, vt cum Augustino vbi antea, loquar, seruata, vt etiam super Arianorum baptismo, vt suprà, distinxerit Arêlatensis Synodi i. can. 8. De Conf. Dist. 4. ca. De Arianis, qui propria lege sua vtuntur, siquidè interrogati non responderint hanc Trinitatem, hoc est, responderint se non esse baptizatos in nomine Trinitatis, vt rebaptizentur, vel potius baptizetur: Nec enim *Iteratio baptismi fieri an possit.* (vt vbi paulò antè Gregorius) dici potest iteratum, quod in Trinitatis nomine non erat datũ. Sin autem eos nostræ fidei sacerdotes Symbolum interrogantes, peruiderint in Patre & Filio & Spiritu sancto baptizatos, manus eis imponant, vt Spiritum sanctum accipiant. Ac nescio annè hunc canonem videatur vellicare Hieronymus, Contra quem Ecclesiæ vsus & autoritas obtinuerit, Adeò vt Gregorio 1. vbi suprà, teste. ca. Ab antiqua patrum consuetudine, eos qui apud hærelim in nomine Trinitatis baptizarentur, etiam Arrianos ad Ecclesiam redeuntes, Occidens manuum impositione, Oriens Chrismatis vnctione reciperet atq; reformaret. Hac occasione Hieronymiani scopuli, iam ad Spiritus in baptismo opificium redeo. De hoc Damascenus loco prius allegato, Scaturiuit, ait, nobis ex sancto & *Baptizati ab hæreticis cū ad Ecclesiam redeunt quomodo recipiendi.*

incontaminato Christi latere, Ioan. 19. fons remissionis, aqua in regenerationem & ablu-
tionem peccati & corruptionis, & præcep-
tum nobis dedit per aquam regenerari & Spi-
ritum. Ioan. 3. Spiritus sancto per impreca-
tionem & inuocationem aquæ superuenienti.

*Hominis du-
plex duplex
purgatio.*

Nam cum duplex esset homo ex anima & corpore, duplicem etiam nobis purgationem indul-
sit, per aquam videlicet & Spiritum. Spiritu quidem, quod secundum imaginem & similitudinem in nobis est, renouate. Aqua verò per spiritum gratiæ corpus à peccato pu-
rificante, à corruptione eximente, & ima-
ginem mortis explente aqua: arram autem vitæ tribuente spiritu. Et regeneratio secun-
dum animam fit. Fides enim filiorum ado-
ptionem nouit, quippè qui sint creaturæ per Spiritum, & in antiquam reuocati beatitudi-
nem. Peccatorum ergò remissio omnibus æquè per baptismum donata est, gratia verò Spiritus sancti secundum proportionem Fidei & puritatis. Nunc igitur per baptismum primitias Spiritus sancti accipimus, & initium alterius vi-
tæ fit in nobis, id est, primitiæ regeneratio-
nis, & signaculum, & tutela, & illumina-
tio, & sanctificatio. Baptismus autem in Sancta Trinitate, qua opus habent qui cum suscipiunt, ad sui ipsorum constantiam & perseuerantiam. Et impossibile est non simul esse inuicem tres hypostases, inseparabilis enim sancta Trinitas. Quo item modo in

*Hypostases
tres simul sem-
per existunt.*

aqua & spiritu baptizemur, exponit Ambrosius, libro primo, de Spiritu sancto, capite sexto. Qui spiritus, inquit, & aqua ideo naturam distare non putant, non aduertunt quia in aquarum sepelimur elemento, ut renouati per spiritum resurgamus. In aqua enim imago mortis, in spiritu pignus vitæ, ut per aquam moriatur corpus peccati, quæ quodam quasi tumulo corpus includit, ut per virtutem spiritus renouemur à morte peccati, & ideo hi tres in terra testes vnum sunt, *Testes tres in terra, aqua, sanguis, spiritus.* primæ Ioannis quinto, vnum mysterio, non natura. Aqua sepulturæ testis: Sanguis, mortis: Spiritus, vitæ. Si qua ergo in aqua gratia, non ex aquæ natura est, sed ex Spiritu sancti præsentia. Nunquid enim in aqua (alioqui) natura sicut in spiritu & viuimus, Act. 17. & signamur, 1. Corinth. 1. Eph. 1. ? Et cap. sequenti, Quod Angelus secundum tempus descendebat in natatoria, & mouebatur aqua, *Natatoria Siloe typus* & qui prior descendisset, sanus fiebat, Ioan. 5. quid in hoc typo nisi descensionē Sancti Spiritus nunciabat, quæ nostris futura temporibus aquas sacerdotalibus inuocata precib⁹ cōsecraret? Is ergo Sancti spiritus erat nūcius, eo quod per gratiā spirituale medicina nostris esset animæ mētis languoribus deferēda. Et de his qui iniciantur mysteriis cap. 3. & 4. permultis exemplis iam præallegatis cōprobat, Si in veteribus figuris affuit Spiritus sanctus, multò magis in veritate sacramentorum utique nostrorū adesse.

Quid, inquit, vidisti? aquas utique: sed non solas, Leuitas illic ministrantes, Sacerdotem consecrantem. Diuinitatis illic operationem credis, præsentiam non credis? Vnde sequeretur operatio, nisi præcederet antè præsentia? Aqua est ergò, qua caro mergitur, ut omne peccatū abluatur. Quid enim aliud in hoc sacramento quàm culpa mergitur, error aboletur? Aqua sine prædicatione Dominicæ crucis ad nullos vsus futuræ salutis, salutaris crucis mysterio consecrata, tunc ad vsum spiritualis lauacri temperatur. Non credas solis oculis corporis, magis verò quod animo & mente cernitur, non aquarum esse quod vnusquisque mundatur, sed gratiæ: ne fortè dicas, hoc inè illud est magnum mysterium? Aquas quotidie video, ex me mundare habent: in eas sæpe descendi, nec mundatus sum. Hinc cognosce quòd aqua sine spiritu non mundat, Ideòque tres in baptismo testes, aqua, sanguis, Spiritus, vnū sunt, 1. Ioā. 5. quia si vnum horum detrahas, non stat sacramentum. Quid enim aqua sine cruce? Elementum commune, sine vlllo sacramenti effectu. Nec iterum sine aqua regenerationis mysterium, Ioan. 3. En obiter crucis in baptismo signaculum. Et lib. 1. de Sacramentis cap. 5. Vidisti aquam, at non omnis aqua sanat, sed quæ Christi habet gratiā. Aliud est elementū, aliud cōsecratio, aliud op⁹, aliud operatio: non sanat aqua, nisi Spiritus sanctus descenderit, & aquam consecrauerit. Hoc autem forma ba-

ptismatis & vsus habet , vt antè fons consecratur, & tunc baptizandus descendat . Sacerdos primùm ingressus , super creaturam aquæ, inuocationem, pòst & precem defert , vt sanctificetur fons , & adsit præsentia Trinitatis æternæ . Christus descendit , secutus est spiritus, Pater è cælo locutus est . Habes Trinitatis in sanctificationis mysterio præsentiam . Et ad cap. Luc. 3. Cū ex duab⁹ naturis homosubslstat, anima & corpore, visibile per visibile, inuisibile per inuisibile mysterium consecratur . Aqua enim corpus abluitur, Spiritu, animæ delicta mundantur. Aliud agimus , aliud inuocamus, Licet etiam in fonte sanctificatio diuinitatis aspiret , Non enim omnis aqua ablutio est, sed hæc inter se diuisa esse non possunt . Nam cū communia delicta sint mentis & corporis, purificatio quoque debuit esse communis. Et ad initium cap. 22. O aqua , quæ humano aspersum sanguine, vt præsentium lauacrorum figura præcederet , orbem terrarum lauisti, Sacramentum Christi esse meruisti, lauas omnia, nec lauaris . Tu incipis prima, tu perfecta complēs mysteria , à te principium , in te finis , vel potius tu **F A C I S** vt finem nesciamus , de tribus regenerationis nostræ testibus vna, i. Ioan. 5. aqua ad lauacrum , sanguis ad precium , Spiritus ad resurrectionem, Et huius enim baptismus pignus est & imago , Romano. 6. vt baptizati vitam de cætero sequamur, in qua Christus resurrexit:

Fons baptismalis cōsecratio.

Delicta communia sunt menti & corpori.

& in eius præceptis manentes , ad præterita denuò ne reuoluamur . Ideòque per aquam celebratur , vt sicut aqua sordes corporis abluit , ita & nos per baptismum ab omni peccato purgatos & innouatos credamus , vt quod incorporale est , inuisibiliter abluatur. Eandem baptismi tum gratiam , tum cum Christi morte , sepultura , resurrectione , paulò altius repetit Basilii de Spiritus sancto capite decimo quinto . Hanc ob causam fuit Christi in carnem aduentus , vt homo qui saluus fit per eius imitationem , veterem adoptionem in ius filiorum ascitus recipiat .

Necessarium itaque est ad vitæ perfectionem Christum imitari , non exemplis solum , quas in vita demonstrauit , virtutum , siue actionum , sed & mortis passionum . Sicut Christi Paulus imitator ait , Configuror mortis eius , si quo modo perueniam ad resurrectionem ex mortuis , Philipp. tertio . Quo igitur modo in similitudine mortis eius erimus ? Consepulti ei per baptismum . Et quis sepulturæ modus , aut ex huius imitatione fructus ? Primùm oportet vitæ prioris seriem interrompere . Id nemo potest facere , nisi desuper natus . Nam & Regeneratio , quod etiam nomen declarat , alterius vitæ initium est . Hinc oportet alteram vitam incepturum , superiori vitam imponere , sic vt in mutatione vitæ , necessario mors inter vitam priorem & posteriorem intercedat , quæ &

*Christa in
quibus imi-
tandum.*

*Regeneratio
alterius vitæ
initium.*

priorem finiat, & secutura det initium. Quo ergò modo ad inferos descendimus? Christi sepulturam per baptismum imitantes. Eorum enim qui baptizantur, corpora aquis quodammodò insepeliuntur. Proinde depositionem operum carnis figurat baptismus quodammodò animam repurgans à carnalis affectus immunditia ei innata, Lauabis me, ait, & super niuem dealbabor, Psal. 50. Eoque non Iudeorum more in quibuscumque inquinamenti abluiuntur, sed vnum nouimus saluti-ferum baptisma, vnius pro mundo mortis, & ex mortuis resurrectionis figuram & typum, illius imaginem implente aqua, huius arram spiritu præbente. Hæc postrema verba vsurpauit suprâ Damascenus. Hinc perspicuum, quod quærebat, factum, Cur aqua spiritui coniuncta. Cum enim duo scopi sint in baptismi pacto nobis propositi, videlicet vt aboleat corpus peccati, ne postea mortem fructificet, tum vt viuatur spiritu, & fructum habeat in sanctificatione: aqua mortis exhibet imaginem, corpus velut in sepulcro recipiens, Spiritus verò vim viuificam immittit, à morte peccati renouans animas nostras in nouam vitam. Hoc est nasci desuper ex aqua & spiritu, quasi mortificatio perficiatur in aqua, vitam vero nostram operetur Spiritus. Hæc Basilii. Qua etiam similitudine & in hanc rem vtens Augustinus

*Aqua cur
spiritui con-
iuncta.*

*Nasci desu-
per ex aqua
& spiritu
sancto.*

Quæstionum ex nouo testamento cap. 59.
 Qui baptismum , ait , putat carnali ratione
 consistere, hic non est spiritalis, nec cæleste
 bonum consequi poterit , qui se per aquam,
 non per fidem (veram atque viuam) immutari
 credit . Aqua enim cernitur, sed qui non vi-
 detur Spiritus, operatur vt fides in eo sit: quia
 sicut sordes corporeas aqua , ita spiritus ani-
 mam abluit à peccatis , vt quomodò visibilia
 visibilibus, ita & spiritalibus profit spiritus: ac
 per hoc spiritalis ratio vertitur in baptisma, pl^o
 enim est ibi quod auditur , quàm quod vide-
 tur . Hinc Nicodemum carnali instructum
 ratione dubitantem Saluator ad fidem vt at-
 traheret, exemplo vtitur congruo, & visibili ad
 rem inuisibilem firmandam dato, quod solo
 auditu consistit, non visu, nec negatur, &
 tamen terrenum est , quia mundi rem ope-
 ratur . Spiritus , ait , ubi vult , spirat, vo-
 cem eius audis, sed vnde veniat , vel quò eat
 nescis , Sic omnis qui renascitur ex aqua
 & Spiritu sancto, Ioannis tertio, vt quomo-
 dò vox venientis venti auditu , non videtur,
 sic & baptismi ratio auditur, quòd dicatur,
 quo tamen modo per spiritum fit, non vide-
 tur . Auditur, inquam , cùm quid futurum
 est , ab eo qui verba insinuat , prædicatur,
 vt fieri credatur, non tamen facti ratio red-
 datur . Cùmque nec sic ad fidem Pharisæus
 duceretur, audiuit, Si terrena dixi vobis, nec
 creditis , quomodò si vobis dixero cælestia,

*Similitudo
 Nicodemo
 proposita de
 baptismo.*

credetis? Si per rationem terrenam & exēplum datum non creditis posse fieri, quia quōmodo fiat non videtur, quomodō si darem exempla caelestia, quæ utiq; nescitis, crederetis? hoc modo rem quæ nec verbis nec animo explicari potest, per id quod sensibile est, & auribus auditur, commendare, hoc est, per v̄eti exemplum, quem & sensibilitas capit, & auris audit, sed vnde veniat, nescit, factum Spiritus sancti, quod capi non potest, credibile facere Christus voluit. Magis ergo quòd id fiat, quàm quī fiat, idē alibi exponens ad Bonifacium Augustinus, epistola 23. & quidem tantò clarius, quantò breuius, Aqua, inquit, exhibens forinsecus sacramentum gratiæ, & Spiritus operans intrinsecus beneficium gratiæ, soluēs vinculum culpæ, reconcilians bonum naturæ, regenerat hominem in vno Christo, ex vno Adamo generatū. Citant ex eodem & Beda Scholastici, inter quos Aquinas Part. 3. Quæst. 66. artic. 3. argument. 4. Christum tactu suæ mundissimæ carnis vim regeneratiuā & purgatiuam aquis contulisse. Quod apud neutrum totidem quidem verbis reperi, sed ita concionatur Serm. 1. in Epiphania, Quòd in Iordanis vndis Dominus aquas ad humani generis reparationem sub baptismo consecrauit, quia ea Christi regeneratio nostræ fidei est confirmatio, insinuato nobis muneris sui beneficio per secundæ natiuitatis exemplum quod facere voluit, prior fecit. Iudaicorum tot sub lege baptismatum nullum

Christi regeneratio nostræ fidei est confirmatio.

*Aquis omni-
bus benedi-
ctio data per
Christum in
Iordanis al-
ueum descen-
dentem.*

contra præuaricationis malum generalem cō-
tulisse medicinam. Ideoque pro mundi totius
absolutione homines indiguissse regeneratio-
nis aqua cælitus sanctificari. Et quia per vniuer-
sum orbem sacramentum baptismi humano
generi opus erat, omnibus aquis benedictionē
dedit, cum in Iordanis alueum singulari pieta-
te descendit. Tunc enim eum non tam lauit a-
qua, quàm lota est. Attactu membra tinguntur,
fluenta ditantur, *Vitalem gratiam* flumen mutua-
tur ex corpore, non corpus ex flumine. Descen-
dere in se fōtem suum fœlix vnda miratur, sub
vno momento remedia æterna concipiens, &
noua Deum regenerationis fœcunditate partu-
riens: quod acceperat, reddens: quod non ha-
bebat, accipiens. Tunc baptizatus Dominus
nos regenerauit ad salutem, Adamum abluit
peccatorem. Quid enim ad baptismum venit
qui mundus erat, nisi vt ablueret immundos?
Tunc ergo currentes eum aquæ perfundebant,
sed peccata secum nostra portabāt: de illo gut-
te baptismatis fluebant, sed nostra in guttis cri-
mina fluebant. O misericordia simul & Dei
potentia! necdum eramus in mundo, & iam
lauabamur in baptismo, mundati in eo ante-
quàm nati, nam ei hæc fuit baptismi ratio, vt
aquæ nos purgaturæ, ab illo antè purgaren-
tur. Et serm. 1. in Dominica infra octauas
Epiphaniæ, Non reformidauit vt baptismal-
is aquæ vim magis exprimeret, eam cum Dei-
para Virgine sic conferre, Dominus vix homi-

nibus natus, renascitur sacramentis, eodem propè tempore per virginem, & post aliquot annorum curricula per mysterium genitus, in Iordane consecratus, vt simul miraremur incorrupta matre progenitum, & vnda pura immersum, & in vtroque facto gloriaremur, quia filium genuit mater, & casta est, Christum vnda lauit, & sancta est. Nam vt post partum glorificata est Mariæ castificatio, ita post baptismum probata est aquæ purificatio, nisi quòd maiore penè munere quàm Maria vnda ditata est: Illa sibi tantum castitatem meruit, & vt non peccaret, hæc nobis contulit sanctificationem, & vt peccata purgaret: Illa propria à se delicta repudiat, hæc in se per Dei gratiam aliena condonat: illi collata virginitas, huic fecunditas: illa vnum procreauit, & pura est, hæc generauit plures, & virgo est: illa præter Iesum nescit alium filium, hæc cum Iesu mater est populorum. Natalis ergo alter est quodammodò Saluatoris, nam iisdem dum signis & miraculis cognoscimus genitum, sed maiore mysterio baptizatum. Denique Spiritus sanctus, qui tunc illi in vtero affuit, modò dum in gurgite circumfulsit. Qui tunc Mariam castificauit, nunc fluenta sanctificat. Quale hoc baptisma, vbi prior est fonte ille qui mergitur? vbi dum susceptum aqua diluit, non sordibus inficitur, sed benedictionibus honoratur? in quo purgantur potius fluenta, quàm purgant?

Nouo enim sanctificationis genere Christum non tam lauit vnda quàm lota est: nam ex quo Saluator in aqua se merfit, omnium ex eo gurgitum tractus, cunctorumque fontium venas mysterio baptismatis consecrauit, & quisquis ibi in nomine Domini baptizari voluerit, non tam mundi eum aqua diluit, quàm Christi vnda purificat. Et serm. 2. Quod fluentis Iordanis baptizatur Iesus, aquæ nostro baptismati consecrantur, Baptizatur enim non sibi, sed nobis, non vt aquis purificetur, sed vt aquas sanctificet. Baptizatur nouus homo, vt noui baptismatis constituat sacramentum. Quàm mirifico mysterio, vel corporis sui tactu, vel transitu gloriæ suæ omnem ad momentum creaturam sanctificat, viuificat, & illustrat? Aquas enim cōsecrat dum baptizatur. Sic Augustinus. Posterior autem sic habet ad Lucæ cap. 3. Beda, Baptizatus est Dominus, non aquis mundari, sed aquas mundare cupiens, quæ per eius carnem, peccati vtique nesciam, ablutæ, baptismi ius induerent, & quod tam innumera sub lege baptismata contra præuaricationis maculam non poterant, vim regeneratiuæ sanctificationis conciperent. Origeni ergo contra tam multa dicenti Spiritum sanctum non operari (per) ea quæ in anima sūt, nec ad irrationalia peruenire, Theophilus Alexandrinus lib. Paschali 1. quod, ait, asserēs non recogitat aquas in baptismo mysticas aduentu Sancti Spiritus consecrari, vt & per inuocationem ac eiusdem aduentum, panem

*Aqua non
Christum ab
luerunt, sed
per eum ablu-
ta sum.*

Dominicum & sacrum calicem, quę in Ecclesię mensa conlocantur. res vtique inanimas, sanctificari. Non ergo se magis quàm superiores patres oppugnat aut infirmat Cyprianus, siue alius eius nomine scriptor indubiè vetus atque catholicus, De baptismo Christi, & vnctione chrismatis. sed confirmat & propugnat ita sermocinans, Veniebat Christus ad baptismum, lauacro non egens, in quo peccatum non erat, sed vt sacramento perennis daretur autoritas, & tanti virtutem operis nulla personarum acceptio commendaret, quando remissio peccatorum siue per baptismum, siue per alia sacramenta donetur, propriè Spiritus sancti est, cui soli huius efficientiæ priuilegium manet. Verborum solennitas, sacri nominis inuocatio, signa institutionibus Apostolicis sacerdotum ministeriis attributa, visibile celebrant sacramentum, rem verò ipsam Spiritus sanctus format & efficit, & consecrationibus visibilibus manum totius bonitatis autor apponit, & plenitudinem gratiæ vnctionis diuinæ pinguitudo sanctificationibus officialibus infundit, & rem sacramenti consummat atque perficit. Et paulò pòst, Et propriè sibi omnipotentia Dei retinet hunc (gratiæ) effectum., Nec enim in Pane gloriamur, sed in cruce Domini, Gal. 6. cuius virtus omnia peragit sacramēta, sine quo signo nil sanctum, nec vlla consecratio meretur effectum. Hinc omnium sanctificationum exurgit sublimitas & profundum, & longè la-

Remissio peccatorum, propriè Spiritus sancti est.

Crucis Christi virtus omnia per agit sacramenta.

téque plenitudo diffunditur gratiarum. Et multò post, Sanctificatis elementis iam non propria natura præbet effectum, sed virtus diuina potentius operatur, sed adest veritas signo, & spiritus sacramento, vt ipsis rerum efficientiis gratiæ dignitas pateat, & interiori homini quanta ex his detur autoritas, Deiformi conuersatione, & cælestibus moribus innotescat. Nec procul à fine Sermonis de Passione, Quicunque sint sacramentorum ministri, qualescunque manus vel mergant ad baptismum accedentes, vel pectus vngant, de quo sacra exeunt verba, operationis autoritas in figura crucis omnibus sacramentis largitur effectum, & cuncta peragit *Nomen* quod omnibus eminet, à sacramentorum vicariis inuocatum. Hæc ille, quàm hodiernis Extraordinariis (sic enim se se inscribunt) ministris dissimilis, qui signum crucis à sacris & à profanis exproleserunt, & nec aquæ diuino licet iure & quidem scripto, ad baptismum institutæ tribuunt, quod chrismati, elemento traditione non scripta instituto hic tribuit. Sed de chrismatis in mysteriis vsu, nos Digressione 1. in 11. ad Timoth. & ad eandem appendice. Quòd ergo baptismi vim modò solius esse Dei dicit, modò etiam tum verbi, siue nominis inuocati, tum signi siue aquæ, siue chrismatis, non pugnant (quod aiunt) quæ subordinantur. Si qua enim est in aqua gratia, non est ex aquæ natura, sed ex spiritus præsentia, inquit cum reliquis Orthodoxis Basilius

Crucis signa omnibus sacramentis largitur effectum.

Extraordinarij ministri taxati.

Chrismat vsus in baptismo.

lib. de Spiritu sancto cap. 15. Cùm ergo tantus sit veterum Orthodoxorum consensus, Deum sacramentis suis adesse & assistere, aquas item baptismales diuinam vim & virtutem, potentiam & efficaciam à Domino Deo per eius inuocationem, mutuari, accipere, cōbibere, concipere, vtri quæso, propius ad Ecclesiasticam & catholicam antiquitatem accedunt, Scholasticinè, cùm aiunt, Euangelica sacramenta nō solum significant, sed & cōferunt quod intus adiuuet, vel, sic esse inuisibilis gratiæ Dei signa, vt eius formam & imaginem gerant, & causa existant, nec significandi tantum, sed & sanctificandi ergò instituta, vel, id facere quod signāt, efficere quod figurant, In Sententiis Theologicis lib. & Dist. 1. A. lib. item 4. Dist. 1. B. 22. C. an verò nouatores moderni, quorum principis primum hoc fuit initio schismatis ab Ecclesia sui, paradoxon, Hæretica est, sed vñtata sententia, Sacramenta nouæ legis dare gratiam, obicem non ponētibus. quod postremum qui tam malignè exponūt, quasi hoc axioma iustitiam citra fidem polliceatur, nā consilium cogitant quod stabilire non possent, Iustitiam enim sine fide nulli vnquam vel somniauimus. Proinde superior sententiā non est diabolica, sed eius potius peruersa expositio, calumnia est, & impostura planè diabolica. Nam præter tam multos, ne dicam omnes, catholicos ita olim iam & perpetuò locutos, hæc propositio totidem verbis est Augustini, ad titul. Psalm. 73.

*Luxuri pa-
radoxon.*

Sacramento
vum veteris
testamenti
& noua le-
gis, differen-
tia.

Sacramenta, inquit, alia sunt dantia salutē, alia promittentia Saluatorem. Sacramenta noui testamenti, dant salutem: veteris promitterūt Saluatorem. Sed iuxta superiores tum scripturas tum scriptores, conueniamus oportet, Ecclesiæ sacramenta non esse signa tantum sacra, aut sigilla siue signacula simplicia, multò min⁹ rerum quas repræsentant, vacua prorsus & inania, sed suo peculiari modo efficacia, oblatoria & exhibitoria vasa, vehicula, media, organa & instrumenta. Quam autem Dei verbo per Spiritum sanctum consecrata & sanctificata, sanctificandi vim & gratiam significant, vehunt, offerunt, exhibent, eamne comitem tantū præsentem, & ex Deo assistentem, an verò etiam inhaerentem, insitam, affixam habeāt, equidem scio nec inter Scholasticos conuenire, & per me fruantur, ac abundant in suo quisque sensu: Sed qui posteriorem dicendi modū sic quasi nimium & hyperbolicum reiiciunt, vt priorem sufficere putent, minus magnificè de Sacramentis quàm Orthodoxi veteres loqui mihi videntur. An præter tam antè multa de nihilo dixit Augustinus in verbo (vtique baptisimi) aliud esse sonum transcurrentem, aliud *virtutem manentem*? Tract. 80. in Ioan. Et in Faustum Manichæam, lib. 19. cap. 15. Quid aliud sunt corporalia quæque sacramenta, nisi quoddā quasi verba visibilia, sacrosancta quidem, mutabilia tamen & temporalia? Deus enim æternus est, nec aqua tamē & omnis actio illa temporalis, quæ
agitur

agitur cum baptizamus, & fit, & transit, æterna est. vbi rursus etiam syllabæ celeriter sonantes & transeunt, cum dicitur **D E V S**, nisi dicantur, non consecratur. Hæc, ait, omnia fiunt, sonant, & transeunt. Virtus tamen quæ **P E R** ista operatur, iugiter manet, & donum spiritale quod **P E R** ista insinuatur, æternum est. Et si eius est sermo de Cataclysmo inscriptus cap. 3. En dilectissimi, venturi estis ad aquæ fontem, non dicatis in cordibus vestris, hoc cinè totum est, quod pro magno desiderabamus? Fons hic visibilis similitudo æterni fontis est. Renascemini ex aqua & Spiritu sancto. Aqua illa non solum corporis sordes mundat, sed & animam à peccatis liberat. Debetis autem nosse cur virtus illius aquæ & animæ prosit & corpori, nec enim omnis aqua mundat: sanctificatur hæc per verbi consecrationem, Virtus verbi per aquam mūdauit nos, quia super aquas ambulauit, &c. Audis verbi, audis & aquæ, sed diuino verbo consecratæ virtutem. Videtur hic, quisquis est, Ambrosium & Augustinum secutus, quorum posterior adhuc expressius, si quid modò tam expressis dici potest expressius, in quodam sermone de Epiphania, Nec mirum quod aquam hoc est substantiam corporalem, ad purificandam animam dicimus peruenire, & peruenit planè, & penetrat vniuersa conscientia: latibula, quantumuis subtilis & tenuis, Christi tamen benedictione facta subtilior, occultans

*Aqua vi ad
purificandam
animam.*

vitæ causas, ad secreta mentis subtili rore pertransit. Sitnè hoc Augustini fragmentum, fides esto penes Aquinatem, id allegantem Part. 3. Quæst. 62. artic. 4. ad 3. Ex tam multis tamque luculentis veterum testimoniis nã hi melius & propius diuinam scripturam loqui videntur, quibus sacramenta noua gratiam non solùm signant, sed suo quoque modo exhibent. Quibus ea contrà sigilla tantùm sunt, non vascula, & (vti loquuntur) causa sine qua non, non instrumentalis, similitudinibus his vtuntur, cùm aliundè, tum ex D. Bernardi sermone in cæna Domini mutuatis, Sacramentum, inquit, dicitur sacrum signum seu secretum. Multa siquidem fiunt propter se tantùm, alia verò propter alia designanda. Hæc signa dicuntur, & sunt, vt de vsualibus & externis exempla sumam? Anulus propter anulum absolutè datus, nihil significat: ad inuestiendum datus, inuestituræ alicuius hæreditatis signum est. Sic inuestitur per librum canonicus per baculum Abbas, per eundem baculum simul & anulum episcopus. Sic diuisiones gratiarum diuersis traditæ sunt sacramentis. Et hunc in modum Dominus passioni appropinquans, sua nos gratia inuestiuit, vt inuisibilis gratia signo visibili præstaretur. Quæ autem est gratia, vnde per baptismum inuestimur? peccatorum vtique purgatio. Hic nihil à superiori-

Inuestitio vt fiat.

Sacramenta signa nulla non esse.

bus alienum mihi videtur dicere, multò minus sacramenta signa esse nuda sentire, cùm tam

clarè dicat, signo siue per, baptisum, gratiam præstari & inuestiri. hoc enim organum & instrumentum dicitur, quo, seu per quod aliquis operatur. Addūt & aliud simile, Denarij plumbei exhibitione ex regia ordinatione, Regiam eleemosynam aut mercedem multò maiorem recipi, cuius solus rex autor sit, denari⁹ signum duntaxat, non etiam causa. Sed nec hic quidem video denarium simplex esse signum, sed, quod aiunt, cum effectū, nec huius similitudinis inuentor aut vsurpator, quod equidem meminero, classicus est. Augustior est sigilli vox, qua Paulus vitur Roma. 4. & similitudo, quòd vt adhibito sigillorum vsu, verbi scriptique veritatem, animique nostri decretum, ita Dominus suæ erga nos voluntatis, eiusque quam nobis promisit, gratiæ ac beneuolentiæ testimonia hæc visibilia instituit, & sacra memoracula, sed certa, efficacia, exhibitiva (huc enim semper relabar) & in quorum, vt verbi & Euangelij sui, vsu, signat nos ei credentes, spiritu promissionis sancto, cuius & pignus dat in cordibus nostris, in diem redēptionis, 2. Cor. 1. 5. Eph. 1. 4. Sed siquidem similibus agitur, non desunt similia, quibus argumentū, quod sic sentientes & loquentes Achilleum putant, plumbeum sit. Nihil aiunt, corporeū, qualia indubiè sunt sacramenta, in rem incorporeā agere potest, qualis peræquè indubiè anima est. Sic Durādus & alij, li. 4. Dist. 1. Quæst. 4. responder Aquinas, vbi suprà, arti. 1. Instrumenta aliud sua,

*Sacramenta
corporalia
quid.*

aliud artificis vi agere: Securi ratione acuminis
scindere competit, quatenus artis instrumen-
tum est, & ab artifice motum, lectum, domum,
&c. facere. Et artic. 4. ad 1. Vox sensibilis, vt ta-
lis, aures ferit audientis, vt autem à mentis con-
ceptione procedit, vi quadam spiritali audito-
ris intellectum & excitat, & afficit. Quid autem
aliud sunt corporalia sacramenta, nisi quædam
quasi visibilia verba? ait vbi supra, contra Fau-
stum, & super Ioan. Augustinus. Et baptismi er-
go aqua secundum suam quidem naturam cor-
pus tangit, mundat, refrigerat, &c. Vt verò est
virtutis diuinæ medium, cor & animam abluir.
Est & præter hunc sacramentorum usum, quo
& Dei erga nos, & vicissim nostræ erga Deum
fidei seruiunt, alius erga nos usus mutuus, quod
iis quibusdam quasi fraternitatis & christianis-
mi tesseris, nos Deus in vni⁹ populi ac ceu cor-
poris societatem adgregauit. In nullum enim
nomen religionis, seu verum, seu falsum, coa-
gulari possunt homines, nisi aliquo signaculo-
rum vel sacramentorum visibilium consortio
colligentur, ait contra Faustum Augustinus, lib.
19. cap. 11. & addit, quod responsum velim iis
qui superius assertam horum sacrorum virtu-
tem, quam mihi magis credi quàm intelligi fa-
teor, exufflant, Quorum, ait, sacramentorum
vis *inenarrabiliter* valet plurimum, & ideo con-
tempta sacrilegos facit. Impiè quippè contem-
nitur, sine quo non potest perfici pietas, sed in
opere, quod adiunt, vel voto, in effectu vel affe-

ctu. Vt ergo toga Romanos à Palliatis Græcis discernebat, & Romæ inter se ordines Symbolis suis distinguebantur: Senatorius purpura & lunatis calceis ab equestri, rursus hic à plebeiis annulo, ita nos sacris symbolis & inter nos adunamur, & à profanis discernimur, & confessionem nos nostram apud homines testamur. Hactenus de vi & usu sacramentorum ex occasione baptismi. Vt ergo ex digressionem, utinam lectori tam fructuosa, quam mihi operosa, redeam ad textum, Est ut regenerationis & renouationis in baptismo, sic & in pœnitentia & resurrectione (triplices enim eas fecimus) autor primarius Dei Spiritus. Is enim adiuuat infirmitatem nostram, & postulat pro nobis, seu postulare nos facit gemitibus inenarrabilibus, Rom. 8. ut à facie Domini ac eius timore, ceu in utero concipiamus, & quasi parturiamus & pariamus Spiritum salutis, Esa. 26. Et Spiritus sancti per insufflationem acceptione collatæ sunt in Apostolis Ecclesiæ clauis ac potestas peccata pœnitentibus & credentibus remittendi, impœnitentibus & incredulis retinendi, Ioan. 20. Postremò qui homini creando, ut corpore de limo factus fieret in animam viuentem, inspirauit in faciem eius spiraculum vitæ, Genes. 2. inspirauit animam quæ operatur, insufflauit spiritum vitalem, Sapient. 15. iuxta quod alius ait, Spiritus Dei fecit me, & spiraculum Omnipotentis viuifi-

*Spiritus Dei
auctor pri-
marius in ba-
ptismo, pœni-
tentia, & re-
surrectione.*

cavit me, Iob. 33. Idem etiam homini suscitādo super arida & sicca mortuorum ossa insufflabit, & dabit ac intrōmittet in eos spiritum, & viuent, siue potius reuiuiscēt, Ezech. 37. Auferes, inquit alter, spiritum eorum, & deficient, & in puluerem suum reuertentur. Emitteres spiritum, & creabuntur, & renouabis faciem terræ, Psal. 103. Sed vnde nobis liquet quod nos in baptismo renouauit, & regenerauit, per pœnitētiā quotidie renouet ac regeneret, & in resurrectione renouabit ac regenerabit hic Sanctus Dei Spiritus? hinc nimirum, *Quem effudit in nos abunde*, *ωλεσθης* diuiter Hieronymo, super nos opulente, Augustino ditissime, ad Marcellinum cōtra Pelagianos lib. 1. cap. 27. ad Bonifacium lib. 1. cap. 9. ad Valentinum de Gratia & liber. arbi. cap. 5. Copiose, ait, affatim, largiter, qui dat omnibus affluenter, Iac. 1. Deus pater super nos qui foris adhuc à paradiso exules sumus, vt maior eius erga nos demonstretur clementia, extrā fudit & immisit spiritum suum spiritualibus donis suis abundante, dedit autem abundanter & sufficienter ad plenam omnium peccatorum in baptismo remissionem, & copiam & virtutem. Super nos item, qui primitias spiritus habemus, Rom. 8. abundantius, & plusquā super priores in veteri testamēto iustos. Non igitur solū per hunc nos refinxit sed & illud largē nobis impertiit, vt illud per hoc monstretur, Purus in impuros, mundus ad immundos ingressus est, vt posteaquā nos

mundauit, eodem nos suo spiritu repleuit. Hæc autem nobis alioqui indignis, & nihil minus quàm talia merentibus, omnia contigerunt *per Iesum Christum Saluatorem nostrum*, is enim omnium nobis bonorum, patris donorum, & Spiritus charismatum mediator atque largitor est, etiã ipsiusmet Spiritus. Paracletus, inquit, Spiritus sanctus, quem mittet pater in nomine meo, quem cùm abiero, ego mittam vobis à Patre, Spiritus veritatis, is testimonium de me perhibebit, & vos docebit omnia, Ioan. 14. 15. 16. Cū autem duas in Christo naturas credamus, ad vtranque pertinere quòd det Spiritum sanctū hîc ita ratiocinatur Aquinas: Ad diuinam quidem, quia verbū est, ex quo simul & Patre procedit amor, nam & amor etiam in nobis, ex verbo mentali, quod cordis est conceptio, manat & procedit. Quantū verò ad humanā, Christus summam eius plenitudinem accepit, non enim dat ei Deus spiritum ad mensuram, Ioan. 3. sed verbum caro factum habitauit in nobis, tam vtique plenum gratiæ, gloriæ, ac veritatis, vt de plenitudine eius nos omnes acceperimus, gratiam pro gràtia. Ioan. 1. Ideòque sacramenta vim, virtutem, efficaciamque habent, ex eius, in carne ac humanitate, passione. Deus ergo qui in Christo, etiam vt homine, erat, per eundem, vt hominem, Spiritum suum dedit, dat, & sēper dabit: per eius inquā, operationē, qui sanguine nos suo saluos fecit à peccatis nostris, & saluos adhuc faciet ab omnibus malis.

*Natura dua
in Christo
quarum ad
vtrāque per-
tinet quod
det spiritum
sanctum.*

Et effundit enim quotidie in baptismi celebratione Spiritum suum. Dat, inquit Ambrosius, Spiritum sanctum. Non enim humanum hoc opus, nec ab homine datur, sed inuocatus à Sacerdote, à Deo traditur, in quo Dei munus, ministerium sacerdotis est. Nam si Paulus indicauit, quod sua cum autoritate donare non possit, & huic intantum se officio imparem credit, ut à Deo nos spiritu impleri optaret, Col. i. quis tatus, qui huius sibi muneris traditionem audeat arrogare? Votum itaque precatione delulit, non sibi vendicauit, impetrare optauit, non imperare præsumpsit. Petrus quoque se idoneum negauit, qui spiritum posset vel cogere, vel arcere. Si eandem, inquiens, gratiam concessit illis Deus quam nobis, Ego quis eram, qui Deum prohibere possem? Act. ii. Hæc ille lib. i. de Spiritu sancto, cap. 7. Et Spiritum ergo Sanctum etiamnum, licet non ut tum visibiliter, baptizati accipimus.

Spiritum sanctum etiamnum, licet non ut tum, visibiliter baptizati accipimus.

Digressio XII.

Hic reddendum est reliquum Augustiniani loci sanequā luculenti, de gratuita Spiritus sancti à Patre per Filium humano generi donatione, quod in præcedenti capite huc serió distulimus, ex libro de prædestinatione Sanctorum cap. 15, De ipso (ait) Spiritu renatus est Christianus, de quo & natus est Christus. Eodem spiritu fit in nobis remissio peccatorum, quo spiritu factum est ut nullum homo ille haberet peccatum.

Et aliquot interiectis, Quisquis in capite nostro præcedentia merita singularis illius generationis inuenerit, is in nobis eius membris præcedentia merita multiplicatę regenerationis inquirat. Nec enim Christo retributa est ea generatio, sed tributa, vt alienus ab omni peccati obligatione, de spiritu & virgine nasceretur: Sic & nobis vt ex aqua & Spiritu renasceremur, non pro aliquo merito, sed gratis tributum: & si nos ad lauacrum regenerationis fides duxit, non ideò putare debemus, priores nos aliquid dedisse, vt retribueretur nobis regeneratio salutaris, Ille quippè nos fecit credere in Christum, qui nobis fecit, in quem credimus, Christum. Ille facit in hominibus principium fidei & perfectionem Iesu, qui fecit hominem principem Fidei & perfectorem Iesum: Sic enim est appellatus, vt scitis, ad Hebr. 12. dux, siue autor consummatorque Fidei, quasi dicas inceptorem atque finitorem, vt idem sit autor initij simul ac finis iustitię salutisque nostrę. Hinc de vtraque sequitur, *vt iustificati*, iusti non tantum habiti, sed reuera facti tales, quod & vocabulum indicat, & cum Orthodoxi alij, tum Augustinus passim explicat, Iustificare non tantum pro iusto habere, censere, aut reputare, sed ex impio pium facere, De gratia noui testamenti ad Honoratum, Epist. 120. cap. 20. Tract. 3. super Ioan. præfatione in Psal. 31. Etiam si negari nec possit nec debeat id in credente fieri per deputationem si-

*Credere in
Christū quis
nos fecit.*

*Iustificare,
quid.*

dei ad iustitiam, Rom. 4. Vbi quod Paulus ait, Qui iustificat impium, hoc est, eodem Augustino, libro expositionis quarundam propositio-
num ex Epist. ad Romanos, interprete, de im-
pio piū facit, vt de cætero in pietate ac iustitia
vuiat, quia ideo iustificatus est vt iustus sit, non
vt peccare sibi licere arbitretur. Vt iustus, in-
quit ille, sit reipsa, nedum habeatur, censeatur,
reputetur: etiam si per æquē negandum non sit
omnem nostram iustitiam hīc imperfectam
esse, alibi perficiendam. Et ne à litera longius
recedam, idem nunc est iustificati, quod prius
dixit, renouati & regenerati: Quod sic expedit
Aquinas, In iustificatione impij duo sunt termi-
ni, à quo, culpæ remissio, & hæc est renouatio:
ad quem, gratiæ infusio, & hoc ad regeneratio-
nem pertinet. Sed nūquid remitti culpa posset,
& nō infundi gratia? Nā & à principio sine al-
terutra hominē de^o cōstituere poterat, ī puris,
quod aiunt, naturalib⁹, absq; vllis gratuitis. Res-
pōdet aliud esse de homine qui nunquā offen-
dit, sic enim esse potuit sine culpa & gratia:
aliud de eo quisquis iā peccauit, quem fieri ne-
quit quin Deus vel amore vel odio prosequa-
tur: siquidē à Deo diligitur, quia prior diligitur
(Deus enim prior dilexit nos, 1. Ioan. 4.) diligit
Deū is, vel potius redamet, oportet: & si vel di-
ligit vel redamat, præstetur ei gratia: quia sine
gratia non diligit. Charitas enim Dei, seu qua
nos deo chari sum⁹, seu qua nobis ille vicissim,
diffusa est in cordib⁹ nostris, nō per nos ipsos,

*Iustificati, ii-
dem qui &
renouati &
regenerari.*

*Charitas
Dei duplici-
ter intelligi-
tur.*

nec viribus propriæ volūtatis, vt ait ad Honoratū Epist. 89. Augustinus, verūm per Spiritum sanctū, qui datus est nobis, Rom. 5. vt renouati, regenerati, iustificati *gratia ipsius*, Patris, Christi, & Spiritus sancti, amore purè gratuito, indebito, immerito, gētis, per gratiā Dei, Rom. 3. 4. 5. 11. Eph. 2. non ex nobis, nec ex operibus, aut vllis præcedētibus meritis nostris. Talibus enim, impiorū vt potē meritis, ira Dei, nō venia, & vindicta, nō indulgētia, & pœna debebatur, nō gratia, & multò minus corona, vt contra nouā tum Pelagianorum hæresim Augustinus ad Sixtum Epistol. 105. in Psal. 31. Concione 2. de 2. parte Psal. 70. & ad finem 142. ad id, Propter nomen tuum, Domine, viuificabis me in tua iustitia, nō in mea, nō quia ego merui, sed quia tu misereris. Nam si meū ostenderem meritum, nihil abs te mererer nisi supplicium. Atque vtinam nullos hodiè rogare possis, quod Iulianum libr. 4. cap. 9. Respondeant certē hæretici noui, Quid bonorum meritorum præcedat in hominibus nomini Christiano inimicis? Non solūm enim non habent bonum, sed habent etiam pessimū meritū. Adeò, quod & apud hunc cēties recurrit, & cū vbi suprā, tū in Psal. 109. gratia à nomine suo gratis datur, nec gratia, nisi gratis daretur, futura, Ex Pauli nimirum dialectica, sic argumētantis, Si per gratiā, iam non ex operibus, alioqui gratia iam non est gratia: Sin ex operibus iam non est gratia, alioqui opus iam non esset opus, Romanor. 11. Hinc illud

*Gratia qua
fit intelligen-
da.*

eiusdem Augustini contra Pelagium & Cæle-
stium libr. 2. cap. 24, sanequàm argutè dictum
& illatum. Spiritus (ait) ubi vult, spirat, Ioan. 3.
non merita sequens, sed etiam ipsa faciens:
non enim Dei gratia erit *V. L. L. O* modo, nisi
gratuita fuerit *O. M. N. I.* modo. Et alibi docet,
gratiam intelligendam, non solùm qua fecit
nos, sed & qua refecit: cui enim debemus quod
sumus, eidem debemus quòd & iustificati sum-
mus, ut nemo quasi Deo tribuat, quia est, sibi
quia iustus est: Nam melius aliquid iustū esse,
quàm hominem esse, proinde inferius aliquid
Deo dares, tibi superius. Ut esses, quis fecit?
Antequàm homo esses, limus eras, Gene. 2. an-
tequàm limus, nihil. Sed ne de hoc solùm fi-
gmèto gratias agas artificii tuo, Audi aliud ubi
te fecit, *Gratia salui facti estis per fidem*, Eph. 2.
quamuis hoc ipsum quod dixerat, gratia, utiq;
nō ex vobis. Sed ne quis aliter intelligeret, pla-
nius hoc aperire dignatus est. Et hoc, ait, ut sal-
ui essetis per fidem, *non ex vobis*, Apostoli verba
sunt, non mea, Vbi audis gratiam, gratis intelli-
ge. Si ergò gratis, nihil attulisti, nihil meruisti.
Nam si meritis est aliquid redditum, merces
est, non gratia. Expone id apertius propter ar-
rogātes, sibi placentes, Dei iustitiā ignorantes,
& suam constituere volentes, Rom. 10. *Dei*, ait,
donum est. Sed fortè nos aliquid fecimus, ut do-
na Dei mereremur: *Non ex operibus*, inquit, *ne
fortè quis extollatur*. Et ne putarentur Fidelibus
bona opera defutura, vidit utique putare posse

illos toties hoc dictum, quasi necessaria non sint opera bona credentibus, sed iis fides sola sufficiat & rursum eosdem posse de bonis operibus extolli, velut ad hæc facienda sibi sufficiant. Quid enim, dicat aliquis, Nos benè non operamur: imò operamur. Aut opera bona nō habemus: Planè habemus. Sed quomodo? vide quod sequitur, Mox enim adiecit, *Dei signum sumus*, Sed fortè naturam aut creationem, qua homines facti sumus, hoc appellato figmento commemorare voluit, Non planè: de operibus loquebatur: Non inquam, facturam, vt homines, quod iam fecit, sed vt boni homines simus, quod gratia sua facit, de qua is dicebat qui vtiq; iam homo erat, Cor mūdum crea in me Deus, Psal. 50. Non ergò ex operibus dictum, tanquā tuis ex teipso existentibus, non tanquam his in quibus te finxit Deus. Audi enim vnde bona opereris, *Creati in Christo Iesu in operib⁹ bonis, seu ad opera bona*, hoc est, Deo in nobis operante, quia per Fidem locum damus in corde nostro ei per nos & in nobis bona operāti. Fingimur ergo, id est, formamur & creamur in operibus bonis, quæ nō pręparauimus nos, sed *pręparauit Deus, vt in illis ambulemus*. Hæc Paulini loci de gratia & operibus paraphrasis Augustiniana est, ex Enchiridij cap. 31. in Psal. 142. & 144. & libro ad Valentinum de gratia & libero arbitrio, cap. 8. In eo ergò quod Paulus toties dicit hominem GRATIS iustificari, nihil aliud intelligi voluisse idē intellexit Augustinus, nisi quia

*Figmentum
quod intelli-
gatur.*

*Iustificatio-
nem operano
precedunt.*

iustificationem opera non præcedunt, quæ scilicet Deus in homine iustificando non præparauerit, ut paulò antè ex eo audiuius, & nihil apud eundem sæpius occurrit. Vnde sicut idem Apostolus scripsit non nisi factores legis iustificari, Rom. 2. non cōtra seipsum dixit, tanquā per opera, non per gratiam iustificentur. Vnde enim factorem legis græcum iustificari diceret sine gratia Saluatoris? sed sic intellexit, ut sciamus aliter eos non esse factores legis, nisi iustificentur, ut factores legis iustificatio præcedat, non factoribus accedat. Factores ergo legis iustificabuntur, id est, iusti creabuntur, Non quia erant, sed ut sint, ut sic intelligerent etiam Iudæi legis auditores, indigere se gratia iusti iustificatoris, ut possint esse factores legis. Ita cū dicit arbitrari se iustificari hominem sine operibus legis, Rom. 3. non hoc agit, ut percepta & professā Fide opera iustitiæ contemnantur, sed ut sciat se quisque per fidem posse iustificari, etiam si legis opera non præcesserint, Sequuntur enim iustificatum, non præcedunt iustificandum. Ex lib. de Spiritu & literam cap. 26. De Fide & operib. cap. 14. Quo etiam loco, & in Psal. 31. & lib. 83. Quæstionum cap. 76. cū etiā tum non deessent, sicut nec Apostolicis quidē temporibus defuerant, multoq̃ue minus hodiē defint, qui ex Paulo malè intellecto, ad obtinendam salutē sufficere rati s o l a m fidem, ut cū semel in Christū credidissent, etiā si flagitiose viuerēt, se saluos per fidē fore putarēt, quiq̃;

*Iustificari
sine operibus
legis hominē
quid sit.*

quod Paulus Abrahā ex fide, non ex operibus iustificatū, Rom. 4. dixit, sic dictū acciperēt. Faciā, inquentes, ergo quicquid volo, quia & si bona opera nō habuero, & TANTVM credidero in Deū, deputabitur mihi ad iusticiā: qui sic, ait, dixit & decreuit, in voraginem lapsus & dimersus est: sin adhuc cogitat & fluctuat, Scripturā autem verūsq; intellectus non solum periclitatē à periculo liberat, sed & diuersum à profundo eleuat. Respondeo ergo tanquā contra Paulum, ex eius coapostolo Iacobo, qui correcturus homines malè illū intelligentes, & de SOLA fide præsumētes, & bene operari nolētes, Abrahæ opera cōmendauit, cuius Paulus Fidem. Dicit autē cap. 2. Omnibus notū, quod is filiū suū Deo immolandū obtulit, Genes. 22. magnū op^o, sed ex fide. Laudo superedificationē operis, sed video fidei fundamentū. Laudo fructū boni operis, sed in fide agnosco radicē. Si enim hoc præter fidē rectā faceret, nihil ei prodesset qualecūq; op^o esset. Rursū, si sic fidē idē teneret, vt deo filiū sibi suū immolare ei imperante, apud se diceret, Nō facio, & tamē credo, quod etiā me sua de^o iussā contemnentē liberabit, Fides sine operib^o mortua esset, & quasi radix sine fructu, sterilis atq; arida remaneret. Ergo ex Fide quidē iustificat^o est, sed quā si opera non præcesserunt, secuta tamen sunt. Et nō sunt sibi aduersi Apostoli: Alter de operibus fidem præcedentibus, alter de comitatibus & sequentibus locutus, vt nemo priorū quidē bonorum operū merito arbitretur se ad donū iustificatio-

Iacob^o Apostolus Pauli locū male intellecturos corrigit.

Fide quomodo iustificat^o Abraham.

nis, quæ est in Fide, & Euangelicam gratiam peruenire: sed cum Dei in suis gratia vacua esse nequeat, Fides non debeat, quomodo nihil antea licet operatus, iam tamen gratis ex Fide iustificatus, potest, aut certe debet, nisi iuste operari? Nec magis contrariæ Paulinis Epistolis Apostolicæ Petri, Ioannis, Iudæ, non minus quàm Iacobi, contra exortam tum contrariam de Fide & operibus opinionem, sic intentione dirigentes, ut vehementer astruant Fidem sine operibus nihil prodesse, cum etiam Paulus, non qualemlibet Fidem, qua Deo creditur, sed eam salubrem, planèque Euangelicam definiuit, cuius opera ex dilectione procedunt. Sed dicis, Non ait hoc Paulus Apostolus: imò hoc ait Apostolus, Valet, inquires, in Christo Fides, sed quæ per dilectionem operatur, Gal. 5. ibi, & 1. Cor. 6. Hebr. 13. Rom. 8. Dum iuxta carnem viuentes morituros ait, & opera carnis agentes regnum Dei negat possessuros, satis ostendit, homines licet, non ex præterito bono opere ad Fidei iustificatione perueniant, nec eorum meritis hæc detur gratia, iam tamè ex quo crediderunt, bene operari debere. Quod si quis cum crediderit, mox de hac vita decesserit, iustificatio Fidei cum eo manet, nec præcedentibus bonis operibus, quoniam gratia, non merito, ad eam peruenit, nec consequentibus, quia in hac vita non esse finitur: non tamen ita intelligendus est per Fidem sine operibus esse iustificatus, ut accepta Fide, si vixerit, dicamus eum iustum,

*Opera etiã
requirit Pau-
lus.*

stum, multò minus saluum, etiam si malè vixerit. Hæc omnia Augustini cùm sint, quid aliud Scholastici docemus, cùm Fidem iustificatam, actuosam, operosam, negotiosum, efficacem, & charitate formatam animatamque vrgemus? quam ideo Fidei quandam velut vitam animamque vocat Bernardus. Et cum fratribus è contrario discordes, si nondum quidem impiè feriendo fratricidas, iam tamen teneri Fideicidas, quod Fideicida; qui Bernar-
 Fides charitate refrigercente, sicut corpus anima recedente, moriatur, & quæ non ex dilectione ac deuotione operatur, non nisi cadauer sit exanime, Serm. 2. de Resurrect. & 24. super Canticis. Melius omnino, quam qui hodie Fidei magis solitudinem, quam eiusdem de fratre bene demerendo solitudinem non sine lectorum & auditorum offendiculo scribunt & prædicant. Quibus contra ad pœnitentiam conuertendis, & in conuersione confirmandis, omnium (meo quidem iudicio) appositissimè, quod Origenes ad Rom. 4. nusquam certè alibi melius, docet, Iustificationis salutisque nostræ, cuiusdam quasi spiritualis ædificij prima FIDEM initia esse atque fundamēta: S P E M, profectum & augmentum: C H A R I T A T E M, totius velut operis culmen & perfectionem? Nam & inter cætera superioribus fidem magis ore iactantibus, quàm in corde habentibus, & Pauli de Fide doctrina abutentibus, idem ubi antè Augustinus illud eiusdem Pauli obiicit, Plenitudo legis, charitas, quodque lex omnis vno dilectionis,

sermone impletur, Romanor. 13. Galat. 5. Sed unde procedat hæc legis plenitudo, præterquam quòd charitas per Spiritum Sanctum diffunditur in cordibus nostris, Rom. 5. Idem Augustinus pro solita sibi diuinæ gratiæ recognitione, Concione 15. in Psal. 118. Hunc versiculum, Hæc facta est mihi, quia iustificationes tuas exquisivi, sic exponit, *hæc, lex, vel potius hoc, & cum quæsieris quid illud sit, respondeat, quod supra dixerat, vt legem tuam custodirem, non per meipsum feci, sed factum est mihi, utique abs te, quia iustitias utique tuas, quibus impium iustificas, non meas, quæ me nunquam pium facerent, sed superbum. Has ergo Iustitias, quibus iustificantur per gratiam Dei, qui per seipsum iusti esse non possunt, reuera δικαιώσας, id est, iustitias, quia græcus habet δικαιώματα, melius alij interpretati sunt iustificationes. Deº enim est qui operatur in nobis velle & perficere, seu operari pro bona voluntate, Philip. 2. quod etiam per prophetam dicit, Ezech. 36. Faciam vt iudicia mea faciatis & custodiatis, & in præceptis meis ambuletis, &c. Redeamus autem ad Paulum, & hanc eius tandem periodon absoluamus. Sequitur finis iustitiæ, siue magis iustificationis nostræ, sempiternæ nimirum salutis participatio. Fecit ergo nos Dominus Dei patris sui naturalis Filios adoptiuos, vt per consequens, sicut & alibi colligit, si filij, & heredes simus, Ambrosio & Hieronymo,*

efficiamur, hæredes quidem Dei, cohæredes autem Christi, Romanor. 8. Iam interim in præsepi, *secundum spem*, & si nondum, sed in futuro, secundum rem, iuxta quod speramus, dum hoc in mundo tenemur, ut iure iam nunc hæreditario in spe certa possidemus, non carnalem hæreditatem vitæ temporalis, sed eius quæ speratur, quaque ut speramus, ita perfruamur, *vita æterna*, quam ostensa Iustitiæ via, iis qui in ea incedunt, pollicitus est. Magna ergo nobis opus erat gratia, non solum ut à præteritis natalibus regeneraremur, sordibus ablueremur, veteribusq; vitiis, quasi annis oblitis renouaremur, & peccatis iustificaremur, sed hæreditatē quoque adiremus, attingeremus, ac perpetuo teneremus, incorruptibilem quippè, incontaminatā, immarcescibilem, in cælis erga nos siue nobis conseruatā, 1. Pet. 1. ut acciperem⁹ coronā vitæ, quā repromissit Deus diligētibus se, Iac. 1. Gloriātes interim in spe gloriæ filiorū Dei, Rom. 5. 8. & quod nō vidimus, speram⁹, atq; patientiā expectam⁹. In hac porro te ex hac periodo tres diuinas personas distinctim exprimi excellentissimi Latinorū sic demonstrāt. Hieronymus, diligētius, inquit, attēdamus, & inueniem⁹ in præsentī cap. manifestissimā Trinitatē, Benignitas quippè & clementia Saluatoris nostri Dei, nō alterius, quā Dei Patris. Hic ergo videmus Patrē vocari Saluatorē: per lauacrū r. & r. Spiritus sancti, quē effudit abundē super nos per Iesum Christum, viuificauit nos in vitā æternā.

*Diuinatum
personarum
trium distin-
ctio.
Saluator di-
ctus etiam
Pater.*

Salus credentium Trinitatis mysterium . Minus quidem euidenter distinguit Ambrosius, sed eadem tamen scribit, hoc, ait, bonum, quod in Christianis florere videtur, de radice pietatis diuinæ oritur, *Deus* enim misericordia sua saluos nos fecit per Christum, Cuius gratia renati Spiritum sanctum accepimus abundè, ut bonis operibus inniti possimus, ipso nos in omnibus adiuuante, ut per hæc hæreditatem regni celorum assequi possimus . Huic ergo omni deuotione obsequi, & præceptis eius parere debemus, quia quicquid in nobis pulchrū est, spiritalibus ipse lineis depingit. Hic addendum, ut semel finiamus, quæ, qualis, & cuius rei, & quādiu spes esse debeat Fidelium. Duobus verbis Augustinus Epist. 147. Spes, ait, nostra, Christi hæreditas. Aliquot autem paginis ad id Psal. 129. *Sustinuit anima mea in verbum tuū*, Nemo, inquit, sustinet, nisi qui promissum nondū accepit. Nam qui iam accepit, quid sustinet? Accepimus remissionem peccatorum, sed promissum est nobis regnum celorum. Debita nostra deleta sunt, merces adhuc nostra futura est. Accepimus veniam, vitam nondum teneamus æternam . Sed qui dedit illam, promisit hanc. Si verbum nostrum esset, deberemus timere, quia verbum Dei est, non fallit. Securi ergo speramus in verbis eius qui fallere non potest. *Sperauit anima mea in Dominum*, quid ait? vna die sperauit, & finita est tota eius spes? ne putemus vno die sperandum in Domino, à cu-

Sustinere eorum est qui promissum nondum acceperunt.

stodia seu vigilia matutina, quæ finis noctis est, hinc *vsque ad noctem sperauit anima mea in Domino*, quid putatis hoc esse? Dominus per quem dimissa sunt nobis peccata, manè resurrexit à mortuis, vt hoc in nobis futurum speremus, quod in eo præcessit. Iam peccata nostra remissa sunt, sed nondum à morte resurreximus, nōdum in nobis factum, quod in capite nostro præcessit. Quia quod in eo mortuum est, caro, spiritus enim eius nunquam mortuus est, resurrexit, quodam nobis modo dicēs, Quod in me vidistis, sperate in vobis. Resurgetis & vps. Sed nā resurrexerit, num propterea sperandū nē posse resurgere? vtique propterea, quia in hoc resurrexit quod à te accepit, & portauit. Spera ergo & in te futurum quod præcessit in carnis de te Deo datæ, primitiis, & in iis, omnib⁹ tuis Deo consecratis, & quia à vigilia matutina resurrexit, capit anima nostra ex hac sperare. Et quousque? *vsque ad noctē*, quousque moriamur, Omnis enim mors nostra carnalis, quasi somnus est. Cœpisti sperare ex quo surrexit Dominus, noli deficere sperare quousque ab hac vita exeas. Nam si non ad noctem vsque speraueris, deletur totum quod speraueras. Sunt quī sperare incipiunt, ad noctem vsque non perseuerāt. Incipiunt pati tribulationes & tentationes, vident malos fœlicitate tēporali pollere, & quia sperabant de Domino vt hic fœlices essent, attendunt autem sceleratos habere quod habere ipsi desiderabant, deficiunt pedibus, & desinūt

*Resurrectu-
ros noscitur
sperare de-
beamus.*

*Mors nostra
carnalis, quasi
somnia est.*

sperare in Domino. Quare? quia non à vigilia matutina sperare cœperūt, nō hoc inquā, quod in Domino ab illa præcessit. Sed si Christiani essent, habituros domum plenam frumento, vino, oleo, auro & argento, eorum neminem inamaturum moriturum, si quis filios non haberet, accepturum: si vxorē non duxisset, ducturum: in eius domo non abortiret mulier aut pecus, non acescerent cupæ, non grādinaretur vinea. Qui sic in Domino sperabat, animaduertit Dominum non colentes his rebus abundare, & vsque ad noctem non sperauit, quia nec à vigilia matutina sperare incepit. Quis ergo sic sperare incipit? qui hoc sperat de Domino, quod à mane in quo resurrexit sperare incepit, Resurrecturum se, nō vt alij à prophetis, Christo, Apostolis suscitati, semel nati, bis mortui, rursus moriturū, sed quomodò Dominū, semper victurum, vt postquā resurrexit, non se iam timeat moriturū, Et cœpisti sperare à mane Domini, spera vsque ad noctē, quousque vita hæc finiatur, & sit nox vniuersi generis humani in occasu seculi, cū iam nō erit spes, sed ipsa res, Nam spes quæ videtur, spes nō est. Quod enim videt quis, quid sperat? Rom. 8. Quod autē interim non videmus, speramus, & patienter expectamus vsque ad noctem, id est, vitæ nostræ, vel huius seculi finem. Quæ cū nox transierit, iā veniet quod sperabāmus, nec iā sperabimus, nec tamen desperati erimus. Est enim desperatorum vituperatio, & siquādo hominē detesta-

mur, dicimus, non habet spem. Nec tamē semper malū spem non habere, sed in hac tantūm vita qui enim modō spem non habet, rem postea non habebit. Sed cūm res venerit, nunquid spes erit? Veniet Dominus, & cūm alijs *scilicet*, alijs *Venite*, dixerit, iam spes nō erit, quia res tenebitur, trāfacta ergo spe, transibit nox: Sed donec fiat, *Speret Israel in Dominum*, sed quid sperabit? Israël emnē culpo, spem seculi, quando sperat Deo? Non: sed alia spes est Israël propria. Non *Spes Israelis* pro summo bono suo speret diuitias, salutē cor *propria*. poris, abundantia terrenorū: imō tribulationē hīc habiturus est, si fortē contigerit propter veritatē pati molestias. Non enim non sperabāt in Deum martyres, passi tamen qualia iniqui & latrones subiecti ad bestias, ignibus cremati, gladio percussi, vngulis exarati, catenis obstricti, carcere necati. Hæc inquā, omnia passi mala, non in Dominū sperabāt? aut ideo sperabāt, *Martyrum fines quæ fueris.* vt iis malis carentes, hæc vita fruerentur? Non planē, quia à vigilia matutina sperabant. Quid est hoc? Nam illā considerabāt, qua resurrexit Dominus, & videbant eum antequā resurgeret, qualia ipsi patiebantur, esse passum, & non desperabant etiam se post tales passiones resurrecturos ad vitam æternam: hoc enim debet corpus sperare, quod præcessit in capite, & à manē ad noctem vsque sperare. Speret ergo Israël in Domino, ex hoc nunc & vsque in seculum, Psalmo. 130. hoc est, vsque in *Vsque in æternum, quid sit.* æternum: quod duobus modis intelligitur,

aut semper sine fine, aut quousque ad æternitatem perueniamus, in Deum speremus: quia cū eò venerimus, iam non spes, sed ipsa res erit. Hæc de spe vitæ æternæ, Cuius tamen certitudinem ne nullo mortis æternæ metu hîc mixtâ putemus, hoc est, ne pro spe temeritatem capiamus, idē ad Iob. 39. vbi legit, nec tumen secundū Hebraicam veritatem, nec magis iuxta I x x *Super equum gaudet arcus & gladius lancea hastaque tremore*, Quid quod est hoc? An quia nisi & martyr tremat, hoc est, futuram, quam iaculatur diuina iustitia, mortē timeat, non potest præsentem, quàm persecutor minatur, cōtemnere, vt intrepidam habeat confessionem, & prædicet cum fiducia veritatem, cui non possint inimici resistere, Et ita super eam gādeat, id est, per eam asseratur Dei doctrīna, per quā minatur impiis futurum interitum, & interficit præsentem iniquitatem? Nisi enim gaudiū spei nostræ cum tremore *damnationis* esset, in nobis negligens esset securitas, & superba præsumptio, neque nobis diceretur, Seruite Domino in timore, exultate cum tremore, Psal. 2. & Tob. 3. Cum timore & tremore confitemini Domino. Et noster hîc alibi, 1. Cor. 3. In timore & tremore multo fui apud vos,

Phil. 2. Cum metu & tremore vestram salutem operamini.

Timor prior
qualis esse de
beatis

*Fidelis sermo est, & de his volo te confirma-
re, vt curent bonis operibus præesse qui cre-
dunt Deo. Hæc sunt bona & vtilia homi-
nibus. Stultas autem quæstiones & genea-
logias, & contentiones, & pugnas legis de-
uita. Sunt enim inutiles & vanæ. Hæreti-
cum hominem post vnā & secundā cōr-
reptionem deuita, sciens quia subuersus est,
qui huiusmodi est: & delinquit, cum sit pro
prio iudicio condemnatus.*

P Robat superiora de gratia & glo-
ria, de iustitia & salute, & nostra de
his omnibus spe & certitudine di-
cta: tū postquā suprà docuit quæ
ad populi proponat Titus institutionem, osten-
dit quæ in doctrina viter, dogmata nimirū
cū inutilia, tum aliena vel maximè. Est enim
velut cōclusio, vt suos de suprà dictis informet
& inutilia contrā, curiosa, & erronea deuitet.
Quod ergo sequitur, *Fidelis sermo*, ad superiora
iungit Hieronymus, in quibus præmiserat, vt
iustificati, &c. Hæredes fiamus, &c. Hæc enim
quia sub visum non cadunt, imò multis incerta
sunt, & quia de futuris, non de præteritis tantū
aut præsentibus loquitur, necessariò autoritatē
fidemque verbo suo apposuit, & subiūgit, non
magis illa quā hæc dubitanda, nec minus cre-
dibilia, q. d. quòd illa vera & indubiè futura

sint, planum est ex præcedentibus. Certa res est, sermo verus & indubitatus, quique ab omnibus credatur dignissimus, dignus inquam, si de sermo quem præmisi super Dei hæreditate, & vitæ sempiternæ spe, & omnino eueniet.

Qui priora dedit, posteriora etiam daturus est, qui à tot râtisque malis & peccatis eripuit, alia quoque bona nobis promissa omnia certò largietur, In ea utique gratia, quam velut eorum quæ reliqua sunt, arram atque pignus, præstitit permanentibus. Eadem quippè prouidentia, eadèmq; cura hæc & illa cuncta operatur. Sic Ioannes Reuelationem suam totamque scripturam sacram concludit. Scribe, ait ad eum Angelus, quia hæc verba vera sunt & fidelissima Apoc. 21. 22. Nemo dubitet, nemo dicat aut ita excuset, non sperabam, non hoc illudve futurum expectabam, & quod vel seculi sapientibus turpe dictu, dictum periculi plenum

*Non putabam
sapientibus,
turpe dictu.*

& ridiculum habitum est, *Non putabam*, meritò nimirum sentientibus, stultorum ac amentium esse, futura nec præuidere nec prouidere. Hinc reproborum de insperata & inopinata electorum salute stupor & admiratio. Horum nos, aiunt vel potius dicturi questurique, sed frustra, sunt, vitam æstimabamus insaniam, & finem eorum inhonorem, inglorium: En contrà ut inter Dei Filios computati, & locum inter sanctos sortiti, & cæt. Sap. 5. & 3. Iustorum animæ in manu Dei sunt, visi sūt licet oculis insipientium mori, & horum

exitus afflictio, id est, ærumnosus & calamitosus. Illi autem sunt in pace, Spes eorum immortalitate plena est, & cæt. Igitur, *de his volo te confirmare*, vel confirmari, anceps enim est, iam scientem scilicet, non ignorantem instruere vel instrui, siue potius vt alios confirmes, De prædictis Dei per Christum erga nos misericordia, gratia, iustitia, hereditate, vita, salute, reliquaque tota prouidentia velim te non solum certum, minimèque dubium esse, sed etiam vehementer asscuere, & quæcunque ad diuina beneficia, peccatorum reprehensionem, fidei & morum documenta spectant, sic prædicare, vt etiam alij qui te audierint, conuersi credant, & credentes confirmentur. Est autem spes, animæ *Spes, anima* velut ancora, eam in bono confirmans, & *velut ancora* immotam tenens, vt in mari nauem materialis ancora, sed in hoc est differentia, quod hæc deorsum in maris fundo, illa sursum figitur in cælo. Quod simile & dissimile Lyrae est ex Hebr. 6. Fortissimum, ait, solatium habeamus, qui confugimus ad tenendam propositam spem, Quam sicut ancoram habemus animæ tutam ac firmam, & incedentem ad interiora vsque velaminis, id est, cælorum secreta nobis delata, vbi præcursor pro nobis Iesus introiuit. Est autem tum aliorum, tum pastorum vel maximè confirmare. Docuisti, aiunt amici Iob. 4. multos, vacillantes confirmauerunt sermones tui. Et Christus ad Petrum, Tu

*Interiora vel
lamina.*

aliquando conuersus confirma fratres tuos,
 Luc. 22. Et passim in Actibus Apostoli confir-
 mant animas discipulorum, fratres & Ecclesias
 in fide, cap. 14. 15. 16. 18. Rom. 1. Desidero vide-
 re vos, ad confirmandos vos, 2. Cor. 2. Confir-
 metis in illum charitatem, 1. Thess. 3. Misimus
 Timotheum ad confirmandos vos & exhor-
 tandos pro fide vestra. Phil. 1. Habeo vos in cor-
 de & vinculis meis, in defensione & confirma-
 tione Euangelij gaudij mei socios. Et 2. Petr. 1.
 Vos super his semper commonebo, & quidem
 scientes, & in veritate præsenti confirmatos,
 Apoc. 3. confirma cætera moritura, siue mori-
 bunda, quorum ea scilicet est conditio, vt iam
 sic laborent, breui, nisi confirmentur, moriru-
 ros. Et vos, ait & alius, confirmate corda ve-
 stra, quia Domini instat aduentus, Iac. 5. Cuius
 ratio est, *vt curent bonis operibus præesse*, & hoc, ait
 cum cæteris qui voluerunt credere, confirman-
 dum est, vt studeât alios benefactis præire, qui
 enim vera hæc esse crediderint, necesse est eo-
 rum curam habeant, per quæ Dei hæreditas,
 & vitæ spes æternæ paratur, sic vt firmiter cre-
 dentes, siquidem hodiè bene operantur, cras
 operando melius, crastinis bona præcant ho-
 dierna. Sic non malè Bruno, & glossa interli-
 nearis, *præesse*, magis proficere, ac seipsis fieri
 meliores, de virtute in virtutem ire, Psal. 83. Et
 pulchrè vt fidem maiorem faceret, non dixit,
 qui hominibus confidunt, sed *qui credunt Deo*,
 aut, vt legit Ambrosius, crediderunt, vt fidem

*Præesse, ma-
 gi proficere.*

bonis operibus adornent. Nec enim ea sufficit ad salutem, iis qui sunt his nudati. Mentionem ait, feci bonitatis, & ut hæc doceas, hæc inculces, ut discant fideles non humiliter tantum sapere, & de se sentire, nec aliis vel conuitiari, vel beneficia exprobrare, sed magis commiserari:

*Misereri quò
discamus.*

Qui enim considerarit Dei secum misericordiam, aliorum quoque miserebitur. Sic alibi à diuina clementia ad eleemosynam aliis impendendam hortans, Scitis, ait, quòd Dominus, cū diues esset, pauper factus est, ut illius ditaremur inopia, 2. Cor. 8. Significantius autem Græci, ut non simpliciter, minus verò otiosè, sed indefessi, assidui, adeoque primi & præueniētes, tum pecunia, tum doctrina, viduis, pupillis, orphanis, afflictis & iniuria oppressis, & omni sollicitudine ut semel dicam, vniuersis indigētibus prospiciant & opitulentur, non operientes do-

*Egenorum
inopia præue
nienda.*

nec ab egenis adeantur, sed eorum vltro curam ipsi suscipiant. Hoc enim designat, Græcis hoc loco interpretibus καλὸν ἔργον ποιεῖσθαι. Ambrosius vertit, ut solliciti sint ad effectum bonorum operum. Quæ cū omnium verè fidelium sint tum pastorum ita in primis sunt, ut Latini quidam de iis speciatim intelligant, quos oportet iuxta Hieronymi & Primasij scholia, ad opera bona docenda, imò & eorum agendorū exemplo, aliis præesse, Sint, inquit Lyra, de primis in operibus bonis. Et Aquinas, fidelibus præsent in rectè factis, ut ea videntes, & ex iis vos considerantes, Deum glorificent, Matt. 5. 1. Petr. 2.

Horum autem curam fideles habeant necesse est, quia *hæc* Deo in primis credere, ex eius legibus vitam instituere, de proximo bene mereri, & talia omnia tum documenta, tum facta adimpleta, & omni studio adimpleta, *sunt bona*, bonitate Dei perfecta iusta, sancta, præclara, primum ea facientibus, & *utilia* utilitatem æternæ remunerationis tribuentia, *hominibus* credentibus, & facientes imitantibus. Et hoc, ait noster de eleemosynæ consilio, vobis utile

*Misericordie
& humani-
tatis utilitas
præsentissi-
ma.*

est, 2. Cor. 8. Nihil, inquit Ambrosius, tam apertum, quia misericordia & humanitas bona est ad præsens, & in futurum utilis, hîc habet laudem, & illic coronam. Omnis ergo Deo credens misericordiæ studere debet, per quam vivit. Et ut in hæc sollicitus sit populi rector monetur. Hæc inquam, honesta verè sunt atque fructuosæ. Non verò quæ sequuntur. De quibus

*Artium pro-
fessores præ-
stare quæ de-
beant.*

hæc sunt ab Aquinate notata. Ad artiū & sciētiarum professores pertinet primum quidem quæstionibus quæ inde mouentur, satisfacere, tum & per se aliqua tractare. Tertio cum resistentibus disputare. Postremò quid circa eas sit vitandum docere. In aliis verò scientiis sapiens non cuius respondet quæstioni, sed ei modò quæ ad suam professionē spectat. Veritatis, ergo Christianæ doctor, *deusta*, supersede, omite *stultas quæstiones*, intentioni doctrinæ sanæ adversantes, irrationabiles, & ut cum eodem loquar, indisciplinares, quod & totidem verbis habes suprà 2. Tim. 2. 1. Tim. 6. Est enim doctri-

na diuina, sapientiæ doctrina, stultitia autem sapientiæ opponitur. Hæc est, aiebat Moses, vestra sapientia, & intellectus coram populis, ut audientes hæc, vniuersi dicant, En populus sapiens & intelligens, Deut. 4. & Iob. 34. Viri intelligentes loquantur mihi, vir sapiens audiat me. Iob autem stultè (scilicet) locutus est, nec verba illius sonant disciplinam. Stultum item quādo manifestū proponitur ut dubium, quæcunque videlicet debet per se quis in scientia tenere. eas potissimum quæ spectāt ad fidei institutionem, eruditionem morum, vitæ pietatē mouendas quæstiones siue disputationes: non verò vbi nec salus est, nec scientia utilis, quæ salutis Ambrosio, effectum non habent, nec vllā tribuunt scientiæ peritiā, & licet omnia quæ vera non sunt, stulta dicenda sint, his tamē verbis hæreticorum dogmata detineri, quorum alius callida tergiuersatione rem veneno plenam proponit, ut Arius, &c. alius res fabulosas inducit; ut Manichæus, & cæter. Fabulosa enim hæresis est, non Dei lex. & in quibuscunque aliis eorum interrogationibus, quas de Christo aliisque rebus faciunt, ad Catholicorum depressionem, euidenter apparet, aut certè latet stultitia. Et quia multiplices ac diuersæ sunt quæstiones, ideo de his qui Deum quærunt, ait Salomon, Rectè quærentes eum, inueniunt Patrem, Prouerb. octauo. Hanc igitur inuenire nequeunt, qui non eum rectè quærūt, exemplis ab Hieronymo subiectis, Iudæorum,

Stultitia opponitur sapientia.

Stulta dicenda omnia quæ vera non sunt.

Quæstionum diuersitas.

qui, sed frustra, sperant se Deum sine Christo inuenire posse: hæretici vano quoque verborum strepitu concrepantes, prauè quærent quæ inuenire non possunt: Philosophi & barbari varia de Deo sentientes, quia præposterè quæsierunt, fatuæ fuerunt eorum quæstiones, cum putantium sensibus humanis cõprehendi posse. Ab iis nos Paulus ad eas quæ scripturarum autoritate fultæ sunt, reuocat, præceptorum non nescius dicentis, Quærite, & inuenietis, &c. Matth. 7. Luc. 11. modò non sit corpus nostrum subditum peccatis, & ingredietur in nos sapientia, Sap. 1. Exerceatur ergo sensus, mens quotidie diuina pascatur lectione, & quæstiones nostræ, stultæ non erunt. Quod autem ait *Et genealogias*, propriè pulsat Iudæos in eo sese iactantes, & legis habere putantes notitiam, si nomina teneant singulorum: non absque Græcorum Latinorumque irrisione, quasi imperitorum, si nomina barbara, quia vel linguæ idiomata, vel etymologias non norunt, aut corruptè, aut aliter quàm Hebræi, exprimunt, in accètu aut syllabæ quantitate errantes, & vel breuia producentes, vel producta breuiantes. Horum rationes, exempla, solutiones latè prosequitur hîc Hieronymus, afferens & alteram Iudaicæ superbix occasionem, quòd ut Latini nomina in lingua sua facilius memoriæ tradunt, sic Iudæi à teneris vernacula vocabula penitissimè imbibunt, & ab Adam ad extremum vsque Zorobabel, omnium generationes memoriter velocitèr-

*Genealogia
Iudæorum.*

*Hebræorum
superstitio.*

*Iudæorum
studium.*

locitérque, vt nomen suum, percurrunt. Nobis ergo qui vel alia didicimus, vel certè credidimus, vel infantes Ecclesiæ mancipati, scripturæ magis sensum quàm verba sectamur, si hæc fortè non ita nouimus, putant se in nominibus referendis, supputandis annis, nepotibus & abnepotibus, auis, proauis, arauis, doctiores. Quales Hebræus pseudochristianus, facta de Domini genealogiis quæstione, quòd scilicet à Salomone vsque ad Ioseph, vocabulorum nec numero, nec æqualitate consentiant, cum corda simplicium peruertisset, quasi ex adytis & oraculo defererebat quasdam, vt sibi videbatur, solutiones, cum magis debuerit iustitiã, misericordiam, dilectionem Dei quærere, Et pòst, si fortè occurrisset, de nominibus & numeris disputare. Consentit Ambrosius, vertens originum enumerationes, quæ ad Iudæos pertinent, dum eorum quidam originem sibi patriarcharum prærogatiuam vendicant, de matrimoniis ortam, cum ex hoc nullum meritum sit apud Deum. Nec aliter Græci, ad Iudaicas hæc antiquitates referunt, qui boni nihil operantur, ad maiores confugiunt, & in patribus perperam gloriantur & cristas erigunt, sui quisque generis se riem à patriarchis & prophetis repetentes, Semen, inquit, Abrahæ sumus, Nos ex fornicatione non sumus, Pater noster Abraham est Ioan. 8. Et Gal. 2. Nos natura Iudæi, & non ex gentibus peccatores. Et talia fidelibus iactant ac proponunt, Quæ vt verissima forent, non

Iudæorum iactantia de maioribus suis.

imitantibus tamē nihilo stultæ minus sunt genealogiæ, seu nullam afferētes vtilitatem: Quæ enim vtilitas patrem habere Abraham, imò Deum, neque tamen imitari? imò potius stultitia est, & damnum referēs, quòd ex his profecti, reprobi facti sint. Proinde Dominus iactantibus patrem Abrahā, imò Deum, respondet, Scio quòd Abrahæ filij estis: Sed siquidem estis, opera eius facite. Si essetis, faceretis. Vos verò facitis quæ is non fecit. Et si Deus Pater vester esset, diligeretis utique me. Vos autem ex patre Diabolo estis, & eius desideria perficere vultis. Addunt & Scholia Græca, de Græcis hæc quoque dici, qui suorum etiam Deorum geneas recensent. Eodem verbo usus est, 1. Tim. 1. Vbi paucula omissa hîc supplebimus. De poëticiis quidem Augustinus lib. 2. de Ordine, cap. 12. testatur inter alia suos se familiares graviter solitum miserari, qui si non respondissent quid vocata sit mater Euryali, accusabantur incitiæ, cū ipsi eos à quibus ea rogarentur, vanos, ineptos, nec curiosos auderent appellare. Priamo vult ortam Vergili⁹ Æneid. 9. nec tamen nominat. De Iudaicis idem contra legis aduersarium lib. 2. cap. 1. Audent, inquit, dicere ac credere, Deum primo homini duas creasse mulieres, ex quibus genealogias texunt verè, sicut ait Apostolus, infinitas, parientes infructuosissimas quæstiones. Suas ergo Iudæos genealogias habuisse, à libris propheticiis & legitimis alienas, catholicus lector

*Genealogia
ruminifinitas
vnde.*

utroque Pauli loco intelligat. De Domini porro Genealogiis extat nostra in 2. ad Timoth.

Digress. III. Lyra notat pseudapostolos frustrarum huiusmodi generationum argutiis nitētes ostendere Iesum Nazarenum ex Dauide non descendisse: Aquinas in Scripturis genealogias recenserī propter mysteria, & historiarum intelligētiā. Serius est de his & grauis apud Hilarium locus, sed ad 1. Tim. 1. pertinens, si tum meminissē: hīc igitur, meo more, recuperabitur. Extat autem lib. 10. de Trinitate. Sciens, ait Apostolus arduum hoc terrenæ naturæ difficillimūque esse, rerum diuinarum efficiētiā iudicio nostro tanquam ad intelligendum actiore, quā ad efficiendum Deo potiore concipere, legitimo sibi secundum fidem filio, sacrāsque literas ab infantia sumentī scribens, vetat genealogiæ eloquia tractari, & fabulas interminatæ quæstionis attingi. Edificationem verò, Dei in fide esse, ut humanæ verecundiæ modum fideli omnipotentiæ Dei religione cōcludat, nec se infirmitas nostra ad perspiciendā quæ perspicendo naturam hebetat, extendat. Quod autem sequitur, *contentiones*, *Contentiones*

Lyra verbosas, Aquinas eas intellexit, non *vitanda quæ* quæ inter resistendum veritatem impugnantī- *sunt.*

bus ad eius inquisitionem fiunt disputationes, sanequā laudabiles. Respondere, ait Iob amicis suis, obsecro, absque contentione. Iob. 6. sed quæ magis fieri soleant ad ostentationem, præsertim si quorum non interest, per eas aliis

præscribere au præiudicare velint, quid tenendum, quid vitandum. Ab iis contentionibus homini qui se separat, honor est, Prou. 20. Et passim alibi nos non vult esse contentiosos, 1. Corinth. 11. & Phil. 2. Rom. 13. nihil per contentionem facere, quod ex iis quidam Christum prædicarent, Phil. 1. Quam & inter opera carnis mala reponit, Rom. 1. 2. Gal. 5. 1. Tim. 1. & dolet ei cum coapostolo contentiones inter Christianos esse, 1. Cor. 1. 3. 2. Cor. 12. Iac. 3. sed propius hanc literam quod. 1. Tim. 6. Languere vetat circa pugnas verborum. & 2. Tim. 2. dixit, Noli contendere verbis. Altius suspexit Hieronymus, Dialecticos, quorum Aristoteles princeps est, solitos argumentationum retia tendere, & vagam Rhetoricæ libertatem in syllogismorum spineta concludere: Qui totos ergo dies & noctes in eo terunt, ut interrogent, respondeant, proponant, assumant, confirment, concludant, contentiosos vocari, ut libet, litigantium stomacho, non ratione disputantes. Id si faciunt quorum propriè ars contentio est, quid debet facere Christianus, nisi omninò contentionem fugere: sed & pugnas legis, respuendas, & Iudæorum stultitiæ relinquendas: quæ legis occasione oriebantur, altercationes, non historicas tantum, ut quot annos vixerit Mathusalem, quoto ætatis suæ anno Salomon coniugem sortitus sit, ne vndecimo eiusdem anno Roboam natus esse credatur, & multa huiusmodi inuentu diffici-

*Aristoteles
dialecticorum
princeps.*

Pugna legi.

lia, erroribus ob librorum varietatem inemendatorum inolit. Et quia, quod ait Ambrosius, ideo Moſis ſepultura abſcondita eſt, ne à Magis excitaretur: quod ſi verum eſſet, cæterorū quoque ſanctorum erat abſcondenda. Et quòd Salomon dæmonum adiutorio templum ædificauit, quo in opere tam ingēs multitudo laborauit, quid tam fabuloſum? Sed, & quidem multò magis νόμους id eſt, legales, dum quidam vrceorum reliquorūque vaſorum baptiſma.

Marc. 7. Hebr. 6. Matth. 23. Luc. 11. & muſſelæ ſanguinem magna expiandum cura vrgeat, Alij, quod hic Anſelmus, dicerēt à cibis abſtinen- dum, quoniam ſic in lege præceptum Leuit. 11. Alij contrà ex Euangelio. reſponderent, Matt. 15. Marc. 7. Aliis contendentibus legem totam carnaliter intelligi ſeruarique, Act. 15. Aliis reſpondentibus, ſpiritualiter tantum debere. Quibusdam etiam, quod Bruno, Lyrenſis, & Aquinas notant, nitentibus falſum intellectum producere, quaſi ſcripturæ ſibi inuicem videantur contrariæ, & tales rixæ ex illarum oriantur cōtrarietate, non vel ex vitio magis diſputātium, aut rationibus contrariis. Cū nihil contrà in ſcripturis ſecundum veritatem contrarium ſit, ſed ſi quid tale apparet, vel non intelligitur, vel corruptum eſt ſcriptorū vitio, quod patet ſpecialiter in numeris & genealogiis. Ideòq; quia determinari nequeunt, ea vitari vult. Cū enim doct̃or duo debeat intendere, vtilitatem & veritatem, Veritatem, ait Sapiēs, meditabitur cor

*Moſis ſepul-
tura cur ab-
ſcondita.*

*Scripturarū
contrarietas
qualiter ex-
cipienda.*

meum, Prou. 8. Et, Ego Dominus Deus tuus docēs te vtilia, Esa. 48. non debet de iis intromittere reculis, quæ sunt *inutiles* sine fructu, & *nec* dicentibus, nec audiētibus profunt. Nam singularia scire, vt sunt huius & illius origines, antiquitates, stēmata, non multū facit ad perfectionem intellectus, nec magis ad fidei aut morum instructionem. Sed, quod peius est, & *vanæ* plerunque falsæ sunt & inanes, ac sciētiæ tantū speciē, nō & solidā habētes veritatē. Qualia sanē permulta, etiāsi magno studio & labore inueniremus, nihil profutura cognouim⁹. Sed & frequēter accidit, vt ob gloriolā & iactantiā, dum apud auditores docti volumus æstimari, aut ex rumusculo turpia lucra sectamur, nō ob veritatis pugnemus desiderium. Quid autē prodest spumantibus labiis, & latratu garrire canū, cum simplex & moderata respōsio possit aut te placare vera, aut leuiter à te ac placabiliter emēdari falsa? Agnoscis lector stylū, credo, Hieron. In cui⁹ & Primasij scholiis hīc legimus, Non vult nos superfluis quæstionibus & contētionibus quæ in lege de generationibus & id genus rebus oriuntur, occupari, multò minus cōtrarietatibus siue cōtrariis, quas hēretici, de quibus sequitur, captant & sectantur, oppositionibus implicari, sed hæc semper loqui & tractare, quibus audiētes proficiant. Nec aliter Græci, cōtētionēs aduersus hēreticos deuitādas, cum lucri nihil fuerit, quoties quis ita peruersus est, & in animo decreuit, sententiam, quicquid contigerit, non

Cum hēreticis non contendendum.

mutare, cur eius gratia frustra labores, & inter
 saxa semines? quæ conflictus huiusmodi cōmo-
 ditas? quis in iis altercationibus profectus, vbi
 nemo ad Christum captiuus aut comprehensus
 adducitur? cur prætermisissis operib⁹ necessariis,
 tempus in vaniloquiis frustra teratur? Sati-
 us ergo & vtilius laborē hunc docēdis tuis insume-
 res, de fide, eleemosyna, reliquisque disserēdo
 virtutibus. Quid tamen est *μαρτυρία* omitte, fu-
 ge, caueto, Quo ergo pacto suprā, cap. i. præce-
 pit, vt aduersariorum atque contradicētiū ora
 obturet, obstruat, occludat, si contrā cedere, fu-
 gere, missos facere, si hos vitare oportet? Et di-
 cim⁹ hos quidem qui ad aliorum perditionem
 docent, & docendo officiant, imò inficiunt, nō
 tantū redarguēdos, sed & coërcendos, ac ceu
 infrānandos, sīn aduersum te contendunt, non
 de dogmatis, cede locum, nullū enim bonum
 ij finem habent. Sine vtilitate autem vel illo-
 rum, vel certè tuorum, non est quod verbulum
 cum eis commutes aut cōmunices: quin potius
 vt vel sic eis prodesse queas, vitāda eorum tibi
 consuetudo, cū nihil ex tua disputatione, col-
 loquio, conuersatione profectum iri speretur
 apud eos qui sint incorrigibiles. De quibus se-
 quitur, vt erga eos Titus & eius subditi se habe-
 re debeāt, nimirū quod sic & cur vitādi sint. *Hæ-*
reticū hominē, quē cū alij aliter hīc & alibi acci-
 piant, donec plenius de vocabulo pōst dispu-
 temus, simpliciter hīc eum intelligimus, qui
 quam semel fidem catholicam recepit, postea

*Hæreticorū
 consuetudo
 vitanda.*

corruptit, Bruno ab vnitate fidei diuifum. Sed cum prima huius nominis ratio nō à diuifione accipiat, sed ab electione dicatur, Græcis enī *αἰρεσις* dicitur electio. Aquinas *ἐκλεγμένον* quasi electiuum, quasi sectæ alicuius quā elegit, perti-
Harcticus. naciter adhærentē. Recentiores aliquot secta-
Sectarius. rium, seu vitiosæ sectæ autorem, vel certè addi-
 ctū, nec à quibuslibet doctorū placitis simplici-
 ter dissentientē, sed & factiosum. Græci in per-
 uerfis dogmatibus perseverantē. Hūc ergo *post*
vnā, id est, primā, eo loquendi modo, quo Gen.
Vnus, id est, 1. Factū & vespere & manē dies vnus, id est, pri-
primus. mus, & *secundā* Latinius & alterā, quod & ver-
 tit, & in Latinis legi codicibus obseruauit Hie-
 ron. *correctionē*, melius idē habere Græcum *ὑπο-*
στασις quod cōmonitionem magis & doctrinam
 absque increpatione significat. Quod ergo ve-
 rum papa quoque Athanasius probabat, nō suf-
 ficit eū qui aliquo sit errore deprauatus, semel
 tantū corrigi vel commoneri, sed & secunda
 ei adhibenda est doctrina. At Ambr. primā le-
 git, nec addit secundā, interpretans huiusmodi
 homines, vt inexcusabiles sint, semel corripi o-
 portere: Frequentius enim correptos, exercita-
 tiores in malo fieri, ac videri velut eos cogere,
 vt sollicitiores fiāt ad perditionē pluriū. Et antē
 Tertul. de Præscription. Fides, iquit, nostra ob-
 sequiū debet Apostolo prohibenti quæstiones
 inire, nouis vocibus aures accōmodare, hæreti-
 cū post vnā correctionē cōuenire, eam, nō di-
 sputationē, designans hæretici cōueniēdi causā

*Frequens cor-
 reptione indu-
 rat poti⁹ quā
 emendat.*

& hoc, vnam scilicet, quia Christianus non est: ne more Christiani semel & iterum & sub duobus aut tribus castigandus videretur, cum ob hoc sit castigandus, propter quod non sit cum illo disputandum. Non desunt tamen, qui tertia eos, ut reliquos, correptione non dedignentur. Quando, ait hic Theodoretus, bis vel ter iis qui contraria docent, quam par est, doctrinam tradideris, & in malis eos dogmatibus persequare videris, cum eis amplius ne disputes, nam labor est inutilis. Et verò ita fit in Ecclesia in excommunicationibus, quæ & hinc traxisse videri potest monitiones ante excommunicationem plures. Et ratio est Aquinati, ternarij perfectio, quod numerus omnis rei principium habet, medium, & finem. Ideo capitur ut ad omnia sufficiens. Ecce iam, ait alter, tertio hoc venio ad vos, 2. Cor. 13. minans eis nisi resipuerint. Si quem ergo vides à Catholica errantem, hunc rationabiliter corripe, vel semel, ne si sæpius id fiat, confirmator in malo reddatur: vel si corrigi distulit, pluries & seuerius de erroris eum sui prauitate mone, ut in ore duorum aut trium stet & hoc verbum, Matth. 18. Sin bis tervè correptus aut commonitus resipiscere noluerit, ulterius iam illum *deuota*, non est idem verbum, quod mox ita reddidit, sed *παραις* reice, fuge, declina, tu ipse primum, & ab aliis vitari facias, ne & per eum inficiantur: imò vita non eum modò, sed & eius correptionem, ut sibi relictus vel negligentior fiat, & obistente nemine fri-

*Ternaria
monitia in
excommuni-
cationibus.*

Doctores pessimi in errore suo permissendi.

geat, vel solus fortè pereat, Sic Anselmo hìc exponente, Dominus doctores pessimos, & in errore perdurantes præcepit arbitrio suo dimit- tendos, sciēs eos difficulter ad veritatem posse trahi. Sinite, inquit, illos: cæci sunt, & cæcorum duces, Mat. 15. Opponūt Græci alibi dictum, Si- quādo fortè det eis Deus pœnitentiā, 2. Tim. 2. Quo ergo modo hoc eos loco fugere iubet? Nèpè de iis illic loquebatur, de quib⁹, quòd ve- ritatis discendæ studio, non contradicendi affe- ctu, simpliciter resistebāt, emendādis spes erat aliqua. Mali autē quandiu emēdationis spēs præ se vllā tulerint, non sunt omninò vitandi: Hic

Incorrigibi- les, sibi relin- quendi.

autē de incorrigibilibus. q. d. Vbi manifestus omnibus, & cōspicius fuerit veritatis aduersa- rius, quid frustra pugnas, aut aërem cædis? Hui⁹ autē deuitationis ratio est, quòd cū errante qui- dem agendum à principio, vt corrigatur, iuxta Medicorū summi Aphorismū, Medico malè habētibus opus est, Luc. 5. Marc. 2. Mat. 9. & 18.

Correctionis spes ubi est, adhibenda ibi medicina

Si te audierit, lucratus es eum. Si peccatorem à veritate errantē ab errore viz suæ conuerteris, siue conuertj feceris, en animam eius à morte seruabis, Iac. 5. proinde non dimittendum, quo- usque curari possit. Sin contrā sanari nequit, & incurabili morbo laborat, vt quem toties correptum monitūmque minimè pœnituerit, iam ne vllam cum eo participationem aut so- cietatem habeas, nec eum admonens, aut cor- ripiens: Et reddit causas sic, *Sciens quia subuersus est, peruersus, euersus, & vnde quaque adeò pla-*

nè distortus, tamque variis & multiplicibus modis implicitus, vt se nequeat his explicare. Neque per ignorantiam, sed sciens, quodd hñc Bruno, & prudens manũ mittit in ignem, perdit, quod cũ vulgo ait Lyra, absq; reditu, & hoc de communi cursu. Quod Gracis est, potest & ita accipi, excidit, siue deflexit à vita, *qui eiusmodi est*, qui semel, bis, tervè correptus, audito errore suo corrigi non vult, corrigentem errare æstimat, & è contrario sese ad pugnas & iurgia verborum parans, eum à quo docetur, lucrificere vult & conuertere, imò secum auertere, tam peruersi ipse erroris, tamque prauæ obstinationis, à contemplatione supernorũ ad subteriora intuenda versus, vt nihil nisi terrenum & infernum quærat, curet, aut sapiat, Phil. 3. *& delinquit*, veritatem magis atque magis derelinquit, scienter peccat. Ideo circa huiusmodi aliquoties correptos & monitos, & tamen inemendatos, non vult nos amplius occupari, ne tempus inani correptione, imò contentione perdamus. Potest & *ἀμαρτάνει*, verti errat, sed ita errat, vt vel *cum sit proprio iudicio condemnatus*, *ἀντοκτάκτος*, Ambrosio & Cypriano, libr. 1. Epistol. 3. à semetipso damnatus, hoc est, per se, etiam si nemo iudex super illo pronunciet, aut illum condemnet. Gracini, vel à sua ipsũ conscientia damnatum, aut potius inexcusabilem, quique se defendere nequeat, aut sic dicere, Nemo mihi dixit, me docuit, monuit, aut corripuit, aut

similem erroris sui excusationem afferre. Non semel contrà monitus, correptus, & de veritate institutus, in sua pòst infidelitate nihilo persistens minus, seipse iudicat, nec habet quo se excuset, dignus qui audiat, Ex ore tuo te iudico, serue nequam, Luc. 19. qui quam semel fidem recepit vt veram, impugnat vt falsam, Sic Lyra. Bruno aliter videtur, quàm legit, exponere, talè delinquere proprio iudicio, seu deliberatione, nullo eum impellète, ideóque à Deo condemnatū, id est, Anselmo, corpore simul & anima damno sempiternæ damnationis deditum.

Omnium optimè Hieronymus, Quia cætera vitia, seu criminosi reliqui per sacerdotes ab Ecclesia propelluntur, hæretici sententiam in seipso ferunt, suo arbitrio ab Ecclesia recedētes, quæ recessio, propriæ conscientiæ videtur esse damnatio. Idem ad finem lib. 3. contra Pelagianos (vt & hoc obiter obseruem) quærenti in eorum persona Critobulo, Si nos scitis hæreticos, cur non accusatis? respondet Atticus, Quia Apostolus me docuit, hæreticū post vnā & secundam correptionem vitare, non accusare, sciens quia peruersus sit, & suo iudicio damnatus. Pulchrè item locum hunc explicat, vel Maximus Taurinensis, vel Ambrosius Mediolanensis Episcopus sermone 50. composito inde, vt scribitur, Matth. 27. Act. 1. & hîc, heretici de se iudicio, Sua, aiunt, sententia Iudas proditor condemnatur. Mirum fortè quod non eum populus iudicauerit, non præses addixerit. Hoc

sacrilegi solet esse iudicium, vt impietatem ipse suam dum recordatur, puniat: scelus suum dum recognoscit, vindicet, oīm enim supergreditur sententias, qui à sua cōscientia sua sententia condēatur. Hoc inquā, sacrilegi solet esse iudiciū, vt facti conscius ipse se damnet. Sic de hæretico ait Apostolus, quòd delinquit proprio iudicio condemnatus. Ipse enim se damnat hæreticum, cū de Ecclesia ipse se proiicit, & de cætu sanctorum nullo compellēte procedit. Ostendit quid mereatur à cunctis, qui suo iudicio separatur à cunctis. Ipse inquam, se damnat hæreticus, quia cū criminosi omnes Episcopi sententia proiiciantur de consortio Christiano, hæreticus cunctos præueniens, sententia suæ voluntatis abiicitur. Tali ergo hæreticus quali Iudas pœna damnatur, vt idem sui & reus sit sceleris, & iudex sit ultionis. Nec immeritò talis hæretici qualis Iudæ pœna atque damnatio, quia Dominum quem ille vendidit, hic blasphematur, quem ille persecutoribus tradidit, quotidie iste persequitur. Hæc illi de hæreticis, præsertim Arrianis. Elegans sanè & digna vtroque, Iudæ inquam, atque hæreticicollatio. Adde illud dilecti, Ex nobis exierunt, sed non erāt ex nobis, 1. Ioan. 2. Et id quoque Pauli, Hebr. 10. non deferentes collectionem, seu societatem nostram, Sed alij alios consolantes & adhortantes, Idquē tantò magis, quòd videtis diem propinquare. Nam iustus quidem meus ex fide viuit, atque victurus est: Sin se subtraxerit, non

placebit animæ meæ, dicit ibidem Dominus. Nos autem non sumus subtractionis filij, siue qui nos subducamus in perditionem, sed fidei, siue qui credimus, & ad fidem pertinemus in acquisitionem animæ, siue ad salutem comparandum. Iudas contrà de illusoribus nouissimo tempore venturis, Secundum sua, inquit, desideria in impietatibus ambulâtes, siue iuxta cupiditates suas impiè viuentes & incedentes, segregant & separant semetipsos, animales &c. Quem locū in Donatistas Augustinus omnibus catholicam deserentibus accommodat, libro quidem non extante, sed qui citatur li. 2. Retraetat. cap. 27. Ex eiusdem Hieronymi & Primasij scholiis, vtcunque, vt mutila sunt, colligitur, occupatū circa eum, qui post auditam cognitāque veritatem in sua contrà pertinacia perseuerat, quasi proprio iudicio dānatus, nihil efficere, quia sua quidem vnicuique manet libertas, sed & peccatorum contrà suorum funiculis vnusquisque constringitur, Prou. 5. Psal. 118. Tēpus ergo nō inani cōtentione perdēdū.

Digressio. XIII.

Sequitur quid hui⁹ loci & similium occasio-
ne sit, veteribus præsertim, hæresis, quis hæreticus. Ambrosio hæretici hi sunt, qui, iuxta præcedentem Pauli literam, per verba legis legem impugnāt, eius verbis propriū sensum astruentes, vt eius autoritate, mentis prauitatem suā commendent. Sciens enim impietas autoritatē

multum valere fallaciã sub eius nomine componit, vt quia res mala per semetipsam acceptabilis esse non potest, bono nominis commendetur. Clarius & plenius id vocabulum ventilat hoc quoque loco ita Hieronymus, Nomen hæreseos & alibi ponitur, 1. Cor. 11. Oportet hæreses in vobis esse, vt probati quique manifesti fiant. Et Gal. 5. inter carnis opera muneratur, in quibus est diligenter obseruandũ, quod vt cætera ibi vitia excludunt nos à Regno Dei, ita etiam nobis hæreses id auferunt, & non interest quomodò quis, dum tantum illinc excludatur. Quodque magis mirum, fidem quoque in Christo nostram, & Ecclesiasticã disciplinam, iam tunc à peruersis hominibus sic nuncupatã. Petimus, aiunt ad Paulũ Iudæi, vt audiamus à te quid sentias : de hæresi enim ista notum est nobis, quia vbique ei contradicitur, Actor. 28. & 20. licet Mileti nomẽ id nõ dicatur, opera tamen nominatur. Scio, ait ad presbyteros, quod post abscessum meum venient lupi graues in vos, non parcentes gregi, consurgent ex vobis peruersa loquentes, vt abducant discipulos post se. Hæresis item Saducæorum, Act. 5. & 15. Phariseorũ, qui crediderunt, secta, seu factio. Hæresis autem græcè ab electione dicitur, quod vnusquisque scilicet sibi eligat quod ei melius esse videatur, seu disciplinam quam putat meliorem. Sic Philosophi quoque illius vel illius hæreseos appellantur. Superfluum ire per singula, & hæreticos

*Fides christiana iam
tum à principio hæresis
dicta.*

*Hæresis &
schisma quid
differant.*

*Hæreticorū
& malorum
catholicorū
differentia.*

*Zizaniorū
parabola hæ-
reticis accō-
moda.*

cum suis enumerare dogmatibus, cum perfacile vnicuique cognoscere, quibus singuli ducantur erroribus, hæreses auctores & sectatores. vtinam non tam noti, pauciores forsitan decepturi. Idem hoc inter hæresim & schisma esse arbitratur, quod illa peruersum dogma habeat, hoc propter Episcopalem dissensionem se ab Ecclesia separet, quod quidē in principio ex parte intelligi potest. Cæterū nullū schisma non aliquam sibi cōfingit hæresim, vt rectē ab Ecclesia recessisse videatur. & habetur 24. q. 3. ca. Inter. & can. sequenti ex eodem ad Galat. 5. qui aliter scripturā intelligit quā sensus Spiritus sancti flagitat, quo scripta est, de Ecclesia licet non recesserit, hæreticus tamen appellari potest, eligens quæ peiora sunt, Addit Anselmus, hæreticum esse, qui generalis Ecclesię doctrinam deserens, errorē sibi peruersi dogmatis, quē specialiter sequatur, eligit, & ideo hæreticum, quia homo est humana tātū sapiēs, & de Deo iuxta rationes humanas disputans. Inter hæreticos autem & malos catholicos hoc interest, Augustino, quod illi falsa credūt, Hi autem vera credentes, non viuunt ita vt credunt. Solet etiam quæri Schismatici quid ab hæreticis distent, & hoc inueniri, cū schismaticos non fides diuersa faciat, sed communionis dirupta societas. Quæstione 11. ex Matth. & 12. in parabola zizaniorum cap. 13. propter varietatem hæreticorum non solum à tritico, sed & à seipsis discrepantium, propria vniuscuiusq; hæreseos

hæreseos conuenticula : in quibus singulatim sua communione deuincti sunt , fasciculorum nomine posse designari , vt iam tunc incipiant alligari ad comburendum , cùm à catholica cōmunione segregati , suas proprias quasi Ecclesias habere cœperint. Hinc eodem interprete, de Fide & Symbolo cap. 10 . Credimus sanctam Ecclesiam vtique Catholicam : Nam & hæretici & Schismatici congregationes (seu potius segregationes suas vocant . Sed illi de Deo falsa sentiēdo, fidem violant , hi discissionibus iniquis à fraterna charitate diffiliunt, quamuis ea credāt quæ credimus. Quapropter ad Ecclesiam Catholicam nec hæreticus pertinet, quia Deum, nec Schismaticus , quia proximum (non) diligit. Sic enim, id est, negatiuè legendum opinor. Bruno ex hoc Pauli loco colligit, Si quis imprudenter errans , errorem suū non defendit, hunc non esse iudicandum hereticum , sed eum modò , qui quod malè de fide sentit, quod deterius est , incorrigibilis asseuerat & defendit . Simile illi Augustini dicto , in can. Dixit Apostolus . vbi paulò suprà , & Epistola 162. Qui sententiā suam , quamuis fallam & peruersam, nulla pertinaci animositate defendunt, præsertim quam non præsumptionis suæ audacia pepererint , sed à seductis aut in errorem lapsis parentibus acceperunt, quærūt autem cauta sollicitudine veritatem , corrigi, cùm inuenerint, parati, non sunt inter hæreticos deputandi . Idem in can. Qui in Ecclesia

Errorem suū defendēs, nō continuò hæreticus est.

Christi morbidum quid prauumque sapiunt, si
 ut sanum rectumque sapiant correcti, contuma-
 citer resistunt, suaque pestifera & mortifera
 dogmata emendare nolunt, sed defendere per-
 sistunt, hæretici sunt. Quod equidem ubi totidē
 verbis apud hūc extet, non memini, sed aliquo-
 ties sensus hic apud eundē occurrit contra Do-
 natistas, de Baptismo lib. 4. cap. 16. Constitu-
 amus aliquem V. G. idē de Christo sentire, quod
 Photinus, sed in catholica baptizari, existiman-
 tem id catholicam esse Fidem, nec propter ali-
 quod terrenū aut temporale commodū, intus
 esse volentem, sed vnitatem Ecclesiæ toto orbe
 diffusæ schismatum concisionibus præferentē,
 hunc nondum hæreticum dico, nisi manifesta
 (vel magis manifestata) sibi doctrina, catholicę
 fidei resistere maluerit, & illud quod tenebat
 elegerit. Quod si & alter idem sentiens, esse
 nouerit hæresim ab vnitatem catholicam separatā,
 ubi hoc docetur & discitur: sed alicuius secularis
 emolumentī causa, in catholica baptizari vo-
 luerit, vel in ea baptizatus, propter hoc exire in
 de noluerit: nō solum separatus habendus est, &
 inter eos qui foris sunt, deputandus, sed tantō
 quoque sceleratior, quantō magis errori hære-
 sis & diuisioni vnitatis, fallaciam adiungit si-
 mulationis. Ideoque idem ad finē libri de vni-
 tate Ecclesiæ, sic inter infructuosum eius mem-
 brum, & ab ea præcisum distinguit: Tunc enim
 quisque infructuosus, sed nondum à radice
 præcisus est, cum mala cupiditate agit opera,

*Hæretici dis-
 simulantes,
 duplices hæ-
 retici.*

qualia qui agunt, regnum Dei non possidebūt,
 1. Cor. 6. Gal. 5. Pro quibus cū etiam veritati
 apertissimæ, qua redarguitur, resistere cœperit,
 tunc præciditur. Quales multi sunt in Sacramē
 torum communione cum Ecclesia, & tamen
 iam non sunt in Ecclesia: Alioqui si tunc quis-
 que præciditur, cū visibiliter excommunica-
 tur, consequens est, vt tunc rursus inseratur,
 cū visibiliter communioni restituitur. Quid
 si ergo fictus accedat, & aduersus veritatem ac
 Ecclesiam cor inimicissimum gerat, quamuis
 peragatur in eo solennitas, nunquid reconci-
 liatur, aut inseritur? Absit. Vt ergo iam denuò
 communicans, nondum insertus est, sic & an-
 tequàm visibiliter excommunicetur, quisquis
 contra veritatem, qua conuincitur & arguitur,
 inimicum gestat animum, iam præcitus est,
 Quod ad eum scilicet spectat: ab aliis tamen,
 nisi talis innotescat, non vitādus. Omnes enim
 mali spiritaliter à bonis sciuncti, sunt. Si autem
 etiam corporaliter aperta dissensione separē-
 tur, peiores fiunt, ait idem de baptismo libr. 6.
 cap. 5. & libr. 7. cap. 51. Ex quo malorum nu-
 mero innumerabili, non solū turba intus
 premens cor paucorum in tantæ multitu-
 dinis comparatione sanctorum, sed etiam
 disruptis retibus hæreses & schismata exi-
 stunt, in eis qui iam magis ex domo quàm in
 domo esse dicendi sunt. Separatiores utique
 iam etiam corporaliter separati, quàm qui in
 Ecclesia carnaliter & animaliter viuunt spiri-

*Excommu-
 nicati quan-
 do tandem
 vitandi.*

taliter segregati. Et certè filium etiam rebellem, quandiu in domo patris manet, multis videmus gaudere, quibus foris cogitur carere: Membrum emortuum corpori adhærens non ita facile putrescere, vt defectum, palmitē sterilem adhuc aliquid ex vite haurire. Sic & mali in Ecclesia permanentes, non ita sunt in potestate Satanæ, vt foris positi, vbi destituuntur orationibus, quas pro membris suis vbique terrarum fundit Ecclesia. Quin & hæretici & Schismatici, reuera foris sint licet ex praua sua voluntate, quandiu tamen eos pastores tolerant & quantum est ex parte sua pro ouibus habent, nonnihil hinc emolumenti capiunt, sicut traditor Iudas antequàm domini familiam relinqueret, corripuntur enim sedulò ab illis, aliaque membra pro eis quasi commembris adhuc suis sunt sollicita: quod non obtinēt corporaliter etiam separati seu abstenti, hoc est, excommunicati. Leo. epistola. 10. cap. 1. can. Quid iniquius, quàm impia sapientioribus doctioribusque non credere? Sed in hanc insipientiam cadunt, qui cùm ad cognoscendam veritatem aliquo impediuntur obscuro (alias obstaculo) non ad Apostolicas literas, aut Evangelicas autoritates, sed ad semetipsos recurrūt. Sed ideo magistri erroris existunt, quia veritatis discipuli non fuerunt. Urbanus can. Qui aliorum defendit errorem, multò amplius errantibus damnabilis est: quia non solum errat sed & aliis errandi offendicula præparat & cō-

firmat. Inde quia magister erroris, nō hæreticus tantum, sed hæresiarcha quoque dicendus. *Hæresiarcha*
 Sūt & alia eodē spectātia, sed hæc sufficiūt, fortassis etiā nimia sunt. Quid igitur in vna de ana-
 baptismo quæstione vrgebat & consulebat Augustinus? Saluberrimū mihi videtur ac necessā-
 rium restare, vt hoc de quauis controuersia piē
 credamus, quod vniuersa Ecclesia à sacrilegio
 schismatis remota custodit. In qua, inquit lib. i.
 de Baptismo, cap. 18. Siquid tamē aliud alij de
 hac quæstione salua pace sentirent, donec vni-
 uersali concilio vnum aliquid aliquatū syn-
 cerūque placuisset, humanę infirmitatis erro-
 rem cooperiret, quę multitudinem peccatorū
 cooperit, i. Petr, 4. charitas vnitatis: Qua enim
 absente cetera inaniter habentur, eadē præsen-
 te quędam venialiter non habentur. Subiecto
 memorabili B. martyris Cypriani exēplo, Cui
 cum antequā plenarij Concilij sententia, quid
 in hac re sentiendū totius Ecclesię cōsensio cō-
 firmasset, de hoc visum non rectē fuisset cum
 fermē octoginta cōepiscopis suis Africanarum
 Ecclesiarū, & tanti meriti, pectoris, & oris, tan-
 tē virtutis & Ecclesię Episcopus, aliud hīc arbi-
 traretur, quā erat inquisita diligentius veritas
 firmatura, & multi cōtrā eius collegę, quamuis
 liquidō nondum manifestatū, id tamē tenerēt,
 quod & præteritę Ecclesię consuetudo, & pōst
 totus catholicus orbis amplex⁹ est: nō se tamē
 is à cæteris diuersa sentientibus separata com-
 munionē disiūxit, sed hoc etiā līs persuadere nō

*Cypriani
 martyris exē-
 plum memo-
 rabile.*

destitit, vt sufferrent inuicem in dilectione, studentes seruare vnitatē in vinculo pacis, Eph. 4. Sic enim corporis manente compage, siquid in quibusdam membris infirmabatur, ex eorū sanitate conualesceret potius, quā præsensione mortificatū, diligentia nullius curationis admitteret. Quid ergo faciat hæreticum, Augustinus ad Quoduult Deū præsatus, regulari quadā definitione comprehendit, Sicut ego, ait, existimo, aut omninō non potest, aut difficillimē, nō enim omnis error hæresis est, quamuis omnis hæresis quæ in vitio ponitur, nisi errore aliquo hæresis esse non possit. Quid autē hæreticū faciat in posteriorib⁹ partibus disputandū pollicitus, & in fine operis requirendū, vt cū hoc Domino adiuuante vitamus, non solū quæ scimus, sed & quæ nescimus, siue orta iam, siue adhuc oritura, hæretica venena vitemus, eodem opere non præsstitit, tunc nimirū non perfectō, Nec alibi, quod sciā, nisi fortē ad Honoratū de vtilitate credendi, cap. 1. Hæreticus, inquit, est, vt mea fert opinio, qui alicui⁹ tēporalis cōmodi, & maximē gloriæ principatūque gratia, falsas ac nouas opiniones vel gignit vel sequitur, quibus hominib⁹ qui credit, homo est imaginatione quadā veritatis ac pietatis illu⁹. Notat hīc ergo. Aquinas sciendū, quōd omnis hæreticus errās est, non cōtrā: idque propter duo. Prius ex parte materiæ, circa quā errat, & siquidem errat circa finem vitæ humanæ: Hūc enim veteres diuersum posuerūt, Stoici, Academici,

*Hæreticus
qui sit.*

Epicurei, &c. vel circa id quod ad fidē & bonos mores pertinet, hæretic⁹ est: qui vel Deū esse vnitriū negaret, vel fornicationē nō esse peccatū assereret, hæreticus esset, nō qui circa huiusmodi nō erraret. Posterius ex parte electionis, à qua hæreseos nomē & etymō: quia eligēs, nō pertinax, sed corrigi paratus iuxta Ecclesiæ determinationem, hæreticus non est. Sic enim ex ignorantia est, nō ex malitia. Secus errantē, eligētē, pertinacēque deuota, tū propter periculū, Sermo enim eorū vt cancer serpit, 2. Tim. 2. tum ne quis eis cōmunicans, peccatis eorū consentire videatur, 2. Ioan. Si quis venit ad vos, & hanc doctrinā non affert, nolite recipere. eū in domū, nec a v e ei dixeritis. Qui enim illi dicit a v e, cōmunicat operibus eius malignis. Denique propter pœnā, Recedite quæso à tabernaculis hominū impiorū, & nolite tãgere quæ ad eos pertinent, ne inuoluamini, & pereatis in peccatis illorū, &c. Numer. 16. Hęc Thomas. Et matrē quidē hæresis esse superbiā, veterū testimoniis probauimus, ad id. 1. Tim. 1. Volentes esse legis doctores, præterquā quod locus Augustini exciderat. Extat autē contra Manichæi Epistolā, quā fundamentū vocant, cap. 6. & homil. siue lib. de Pastorib. cap. 8. diuersis locis diuersę sūt hereses & sectę, sed vna omnes genuit mater Superbia, quæ omnes tum hæreticos, tū Schismaticos de mēbrorū Christi cōpage præcidit. Concion. 2. 6. in Psal. 118. Deuitādos itē ad clausulā eiusdem Paulinæ Epist. ex Lyrinensi,

Superbia, hæ
resis mater.

paucis, vt obiter, submonuimus. Tanta autem
 Apostoli, eorúmque discipuli tñc in religione
 cautela vtebantur, vt ne verbi quidem commu-
 nionem cum vllò qui veritatem corrupisset, ha-
 berent. Sic enim legitur in Constitutionibus
 Apostolicis, collectore, vt ferunt, Clemēte, lib.
 2. cap. 62. de fuga infideliũ omnegenus, Si quis
 Ecclesia neglecta, in scelerata gētium templa,
 vel Iudææ synagogam, vel hæreticorum fue-
 rit ingressus, quam is excusationem apud Deũ
 inueniet in die Iudicij? quia verba Dei viuentis
 reliquit, viuentia, vitámque tribuētia, quæ pos-
 sunt æterno supplicio liberare, & vel ad ædem
 dæmoniorum, vel ad Synagogam Christicida-
 rum, vel ad Ecclesiam malignantium se contu-
 lit, non audiens illud, Odi Ecclesiam malignā-
 tium, & cum iniqua gerentibus non ingrediar
 Psalm. 25. Et 1. Beatus vir qui non ambulauit
 in consilio impiorum, & in via peccatorũ non
 stetit, & in cathedra pestilētiũ non sedit. Tu
 vero relicto fidelium cœtu. Dei Ecclesia & legi-
 bus, respicis speluncas latronum, sancta ducēs,
 quæ nefaria ille esse voluit, & communia fa-
 ciens, quæ idem separauit. Et cap. 56. Cauete
 igitur, ne conuentus celebretis cum iis qui per-
 cunt, quæ est Synagoga gentium ad decep-
 tionem & interitũ. Nulla enim Dei cum dia-
 bolo societas, Nam qui congregatur vnà cum
 iis qui cum Diabolo idem sentiunt, vnus
 ex ipsis connumerabitur, & vā habebit. Pro-
 ptercā fidelem oportet impiorũ fugere cœtus,

Græcorum, ac Iudæorum, reliquorúmque hæreticorum, ne vbi vnà cum iis degimus, animis nostris laqueos paremus. Et lib. 6. cap. 13. Admonent eos fugere qui sub Christi Moſiſque nomine vtrique aduerſantur, & in pelle ouina lupum includūt, pſeudochriſti, pſeudopropheta, pſeudapoſtoli, deceptores, corruptores, vulpibus ſimiles, bumi iacentes, vinearum calamitas, à quibus vt cauereſemus, Dominus nobis denuntiabat. Attendite, inquiens, ab ipſis. Surgēt enim multi, & multos decipient, Matth. 7. 24. Marc. 13. Luc. 17. 21. Et cap. 18. Impios hæreticos, impœnitentes à fidelibus eiicite, & à Dei Eccleſia exterminate, præcipitēque fidelibus, vt ab eorum conſuetudine omnibus ſe modis abſtineāt, nec vllam cum eis ſermonis aut precum communionem habeant, ij enim aduerſarij & Eccleſiæ ſunt inſidiatores, gregem labefactant, hæreditatem contaminant, oſtentatores, omni ex parte deprauati, quos Salomon dicebat in impietate ſimulare pietatem, Eſt, inquiens, via, quæ videtur quibusdam recta, ſed extrema eius reſpiciūt inferni profunda, Prou. 14. De quibus Dominus amarè adeò & ſeuere pronunciauit, Doctores falſi, blaſphemi, Dei donum poſt adeptam gratiam reiecerunt, Iudæos irreligione ſuperant, Græcos impietate, Deo maledicunt, filium eius deſpiciunt, doctri nam ſpiritus contemnunt, diuinos ſermones negant, per hypocriſim eos recipere ſimulant, in Dei contumeliã, eorúmque qui eos ſequun-

tur, fraudem. Scripturam derident : iustitiam, quæ tandem ea sit, ignorant: Ecclesiam labefactant, vt vulpeculæ vineam. Quos monemus vt fugiatis, ne laqueis animas vestras impediatis. Nam qui cum iustis ambulat, iust' erit: qui cum insipientibus, cognoscetur, Eccl. 9. neque cum furibus currere oportet, neque cum adulteris partem ponere, Psal. 49. & 138. Domine, qui oderunt te, odio habui, & aduersus inimicos tuos cõtabui, perfecto odio oderam illos, inimici facti sunt mihi. Et Deus exprobrat regi Iosaphat per Iehu prophetam, amicitiam societatemque cum Achabo & Ozia regibus infidelibus initam, 2. Par. 19. Societatem igitur illorum vitate, & ab eorum pace abalienamini. Non est enim gaudere cum impiis, Esa. 48. 57. Sunt occulti lupi, noui canes, qui latrare nequeunt. modò quidem pauci, sed progrediente & appropinquante cõsummatione, plures grauiorésque futuri, vt dicat Dominus cum venerit, fidem se vix in terra inuenturum, Luc. 18. & decipiendos, si fieri possit, electos, Matth. 24. quorum fraude nos liberauit Deus per Iesum. Et nos quoque cùm gentes peragraremus, Ecclesiásque confirmaremus, alios quidem multis admonitionibus & sermonis medicina curatos ad sanitatem reduximus, morti vicinos, & tantùm non animam efflanteis: eos qui nullo remedio curari potuerunt, ab ouili eiecimus, ne morbi contagione valentes agni contabescerent, sed puri, sani, integri Domino conser-

*Societas cum
infidelibus
non incunda*

uarentur. cap. 26. titulus est quòd fugere oportet hæreticos, tanquam animarum pestem. Caute ab hæreticis omnibus, Episcopi & laici, & subdit quales iam tum, quàmque capitales essent. Quare fugite ab iis, ne vnà cum illorū impietate pereatis. Lib. 8. cap. 11. Si propter infideles ad Ecclesiam iri non potest, domi cœtus cōgregabis, ô Episcopo, ne pius impiorum ingreditur Ecclesiam. Quòd si impij locū occuparint, fugiendus is tibi est, quoniam ab ipsis est profanatus, Nam vt sancta sacerdotes sanctificant, ita nefarij contaminant. Si nec domi, nec in Ecclesia cœtus celebrari possūt, vnusquisque apud se psallat, legat, oret, vel duo aut tres vnà congregati, Matth. 18. Pius cum hæretico nec domi oret, quæ est enim societas lucis cum tenebris? Hæc illi. Hanc autem postremam constitutionem tantò pòst à catholicis seriò rigidèque seruata ex Basilio audies, vt in loco cū hæreticis communi orare, aut verbum audire omninò non sustinuerint. Polycarpus ergo Ioannis Euangelistæ discipulus narrare solebat præceptorem suum Ephesi balneas lauandi gratia ingredientem, cū Cerinthum illic animaduertisset, illotum abiisse, nec sub eodem quidem tecto vnà cum illo manere fas esse putantem: quod & aliis qui cum eo erant, persuasit, dicens, Fugiamus hinc, ne & balnea corruant, in quibus Cerinthus lauat veritatis inimicus. Quin & Polycarp. Mart. aliquando occurrenti, dicētiq;, Agnosce nos, respōdit, Agnosco

Cum hæreticis in communi loco non orandum.

Polycarpus quàm auersaretur hæreticos.

Cerinthus hæreticus.

primogenitum Satanæ. Renarrant post huius auditorem Ireneum, lib. & cap. 3. Eusebius lib. 4. cap. 14. Niceph. lib. 3. cap. 14. 30. Epiphanius idem testatur super eodem Ioanne aduersum Ebionem, cum eum ab oleario intus esse audiuisset, seipsum statim turbasse, leuiter fleuisse, & omnibus ut illinc exirent, edixisse. Addit Nicephorus lib. 4. cap. 30. Ireneum de Polycarpo suo testatum, Si quid, quale blasphemabant hæretici, audiret, aures obturantem, illud usurpatum sibi verbum vociferari & exclamare solitum, O bone Deus, in quæ me tempora conferuasti, ut hæc sustineam! ex eo etiam fugiturum loco, ubi stans vel sedens blasphemiam audiisset. Huius cōtemporaneus S. martyr Ignatius, Asiam cum firma militum custodia peragrans, Ecclesias quas oppidatim adiret, cum alia, tum illud in primis docebat, quoniam tum primū hæreses pullulabant, sibi ab eis earumque contragiis ut cauerent. Euseb. lib. 3. cap. 35. Niceph. lib. 3. cap. 19. Sic autem scribit ad Mariam Casabolitam, Eos fuge, qui Christi carnem negant. Ad Trallianos. Fugite illas sine Deo hæreses, Diaboli enim commenta sunt: fugite verò malas eius soboles, & nequissimi nepotes. Ad Philippen. Incolumes estote, deuotantes corruptores verbi veritatis. Ad Philadelphienfes. Ut filij lucis fugite malam hæreticorum doctrinam. Quisquis separaturn à veritate secutus fuerit, regnum Dei non hæreditabit. Qui non discesserit à falsiloquo prædicatore, in gehennā dam

*Ignatij mar
tyris zelus.*

nabitur. Nec enim vel à iustis discedendum, vel ad iniustos accedendum. Quicumque in aliena sententia ambulat, Christi non est, nec passionis eius particeps, sed vineæ eius fraudator & corruptor. Tali ne commisceamini, ne simul cum eo pereatis, nec si pater sit, aut filius, aut frater, aut domesticus. Non parceret eis, ait, oculus tuus. Deut. 7. 13. Qui ergo Deum oderunt, oportet vos eos quoque odisse, & super inimicis eius tabescere, Psal. 138. non tamen eos persequi aut percutere, vt (nos) gentes quæ Deum non nouerunt, sed inimicos eos habere, & ab eis separari: monere tamen eos & ad pœnitentiam vocare, si fortè audiant & acquiescant. Fugite ergo malas artes & insidias spiritus. Ad Smyrnen. Hæc moneo, charissimi, præmuniēs vos à bestiis hominū figuram habentibus, quas non declinare solū aut vitare, sed fugere quoque necesse est. Tantū pro eis orate, si quo modo pœniteant & conuertantur. Dignum est & decet à talibus abstinere, & neque priuatim neque publicè cum eis colloqui aut conferre. Sed nefandos hæreticos, & schismata faciētes, vt omnium malorum autores ac initium fugere. Ad suos Antiochenos, Custodiētes vos ab irrepentibus malignis hæresibus, ad seductionem & perditionem eis consentientium. Ad Heronem, Quisquis præter ea quæ tradita sūt, fide alioqui dign⁹, ieiunia licet & virginitatem seruet, signa faciat, prophetet, lupo tibi habeatur. Matth. 7. sub ouilla pelle gregis corruptio-

*Hæreticos
persequi aut
percutere pri
uati non de
bent.*

*Bestie, homi
num figurā
habentes, ha
retici.*

nem moliēs. Si quis crucem neget, passionem erubescat, sit tibi tanquam ille aduersarius, pauperibus sua licet distribuatur, &c. 1. Cor. 13. sit tibi execrabilis & abominandus. Si legem improbauerit aut prophetas, sit tibi tanquam Antichristus: si hominem tantum dixerit Dominum, is pro Christicida Iudæo habeatur. Ad Ephesios, falsiloqui, ait, quidam consueuerunt dolo malo Christi circumferre nomen, sed aliquam multa Deo indigna gerentes, & contraria Christi doctrinæ sentientes, in sui eiusque consensum perniciem. Quos oportet vos tanquam bestias declinare, iustus enim declinās euadet interitum, alienus & remotus erit ab impiorum perditione, Prouerbiorum alicubi, forsitan 16. Semita iustorum declinat mala. Sunt igitur canes muti latrare non valentes, Esa. 56. rabidi, occultè mordentes, quos & cauere oportet, ut insanabili morbo laborantes. Est autem interrim operæpretium, dum super hæreticorum fuga scriptorem compilamus, non omittere, quibus eos idem coloribus depinxerit. Sunt, inquit ad Trallianos, quidam vaniloqui, mentis seductores, non Christiani, sed Christum mercantes, in fraudem circumferentes Christi nomen, cauponantes verbum Euangelij, erroris venenum dulci blandimento commiscuentes, & ceu musto cicutam temperantes, ut qui biberit, gratissimi statim saporis gustu captus, imprudenter & inopinata morte transfigatur. Monet autem quidam antiquorum, bonum neminē di-

Mustam cicutam temperatum, hæreticorum doctrina.

cēdum, qui bono malum admiscuerit. Christū autem isti iactant & nominant, vt Christū improbent, non prædicent, Et legem proponunt, vt contradicant, non stabiliant. Ad Magnesianos, Perditionis filij, Saluatoris inimici, quorū Deus venter, Phil. 3. voluptatum, & non Dei amatores, 2. Tim. 3. Christi mercatores, verbi cauponatores, Iesu venditores, mulierū corruptores, alienorum appetitores, pecuniarum rapaces quasi vortices ac voragines, syrtes & calamitates: A quibus precor vos eripiat misericordia Dei, per D.N.I.C. Ad Antiochenos, Hęc scribo vobis, vt præmuniam vos quasi pater filios suos. Videte malignos operarios, Christi crucis inimicos, quorū finis interitus, & in confusione gloria, Phil. 3. serpentes super pectus repentes, sinuosos & sese contrahentes, squāmosos dracones, scorprios, aspides, basiliscos, quorum ingenia Thoum astutorum, vulpium & simiarū humanas formas imitantiū similia. Hęc B. Mart. super hæretic. odio & fuga, & pro eis tamen cura & precibus. Eadem mente scribebat ad Corneliū Cypr. lib. 1. epist. 3. Declinēt de cætero fortiter, & euitēt dilectissimi fratres nostri verba & colloquia eorū, quorū sermo vt cācer serpit, 2. Tim. 2. & corrūpūt īgenia bona cōfabulationes pessimæ. 1. Cor. 15. Et per Salomonē Spiritus sctus loquitur, Peruersus in ore suo portat perditionē, in labiis suis ignē cōdit, Pro. 16. & 17. Malus obaudit linguæ iniquorū, Iust' non intendit labiis mendacibus, Ecclī. 28. Sepi

*Hæretici qui
bui ferū simi
les.*

aures tuas spinis, & noli audire linguā nequā. Quāquam scio illic fraternitatem nostram, vestra scilicet prouidentia munitam, sed & sua vigilantia satis cautam, nec capi hæreticorum venenis posse, nec decipi, tantūque apud illos præualere & magisteria & præcepta diuina, quantus illis in Deum timor est, tamen ex abundantia vel sollicitudo nostra vel charitas scribere ad vos ista persuasit, vt nulla cum talibus commercia copulentur, nulla cum malis conuiuia vel colloquia misceantur, simūsque ab eis tam separati, quā sūt illi ab Ecclesia profugi, quia scriptum est, Si Ecclesiam contempserit, sit tibi tanquam ethnicus & publicanus, Matth. 18. Et Apostolus non monet tantū, sed iubet vt à talibus recedatur, 2. Thess. 3. & vitetur. Tit. 3. Nulla societas fidei & perfidię potest esse. Qui cum Christo non est, aduersarius Christi est: qui vnitati & paci eius inimicus est, nobiscum non potest cohærere. Si cum precibus & satisfactionibus veniunt, audiantur: Si maledicta & minas ingerunt, respuantur. Et sequenti epistola, Si qui de collegis nostris Deificam disciplinam negligendam rati, cū Basilide & Martiale communicant, conturbare fidem nostram res ista non debet, cū Spiritus sanctus talibus sic comminetur, Tu odisti disciplinam, proiecisti sermones meos post te: Si videbas furē, simul cum eo currebas, & cum adulteris portionem tuam ponebas. Psal. 49. Consortes & participes ostendit eos alienorum delictorum fieri, qui

qui fuerint delinquentibus copulati. Et idem Paulus cōprobat, morte dignos esse, & ad pœnam venire, non illos tantum qui mala faciunt sed & qui talia agentibus consentiunt, Rom. 2. qui dum malis impœnitentibus illicita cōmunicatione miscentur, nocentium contactibus polluantur, & dum iunguntur in culpa, sic nec in pœna separentur. Propter quod integritatis & fidei vestræ religiosam sollicitudinem laudamus pariter & probamus, & quantum possumus adhortamur, ne vos cum profanis & maculatis sacerdotibus communicatione sacrilega misceatis, sed integram & synceram fidei vestræ firmitatem religioso timore seruetis. Et epist. 6. Tanta Domini aduersus schismaticos indignatio, ut etiam homo Dei ad Hieroboā missus sua ei peccata exprobrare, & ultionem futuram prædicere, panem apud illos edere, & aquā bibere veritus, contra Dei præceptum præsumptus, diuina statim cēsurā percussus sit, ut inde regrediēs impetu ac morsu leonis necaretur. 3. Reg. 13. Et audet quisquam dicere gratiam cælestem communem cum schismaticis esse posse, cum quibus nec terrestris nec secularis potest debeat esse communis? Et paulò post, Ut magis intelligatur contra huiusmodi licetiam & audaciam quæ sit censura diuina, Inuenimus in tali facinore non solum duces & autores, sed & participes pœnis destinari, nisi se à cōmunionem maiorum separauerint, præcipiente ita Domino, Separamini à tabernaculis hominum istorum

*Morte digni
hæreticis im-
pœnitentibus
illicita cōm-
municatione
se miscentes.*

*Hæreticorum
societas quæ
periculosa.*

durissimorum, & nolite tangere ab omnibus quæ sunt eis, ne simul pereatis in peccato eorum. Et quod erat cōminatus impleuit, vt quisquis à Chore se, & Dathan, & Abiron non separasset, pœnas statim pro impia communione persolueret, Numer. 16. Quo exemplo ostenditur obnoxios se Deo & culpæ pœnæ facturos, qui se schismaticis contra præpositos & sacerdotes irreligiosa temeritate miscuerint. Sicut etiam per prophetā Spiritus sanctus sic contestatur, Sacrificia eorum tanquam panis luctus, omnes qui ea manducant, contaminabuntur, Ose. 9. ostendens omnes omnino cum autoribus supplicio coniungi, qui fuerint eorum peccato contaminati. Idem tractat tractatu 3. & ex quibus primo antè loco scripturæ locis, Vitæ quæso vos huiusmodi homines, & à latere atque auribus vestris perniciose colloquia velut contagium mortis arcete, scriptū est, &c. Auersandus talis atque fugiendus, quisquis fuerit ab Ecclesia separat⁹. Peruersus est huiusmodi & peccat, & à semetipso damnatus. Nec procul à fine sermonis 6. Eiusmodi homines quantum potestis, fugite, perniciosos cōtactibus adhærētes salubri cautione vitate. Sermo eorum sicut cancer serpit, Colloquium velut contagiū transilit, noxia & venenata persuasio persecutione peius interficit. Et eadem per eandem scripturas repetit lib. 3. contra Iudæos, titul. 68. 78. Eadem fuit D. Antonij, scribente D. Athanasio, cautio, viro in fidei puritate mirabili, Nūquam

*Separati ab
ecclesia quā-
topere fugiē-
di.*

*D. Antonij
odium aduer-
sus schisma-
ticos.*

enim schismaticorum se cōmunioni miscuit, sciens horum prauitatē & transgressionem, nūquam Manichæis aut aliis hæreticis verba saltē amabilia largitus, nisi ea tantū quæ eos posset ab iniquitatis errore reuocare, denūcians talium amicitias & sermones perditionem esse animæ. Sic etiam Arianos detestatus, vt omnibus diceret, nec iuxta eos quidem accedendum, & quosdā eorū venientes, reperta post eorum examinationē infidelissima secta, effugauit de mōte, dicens multò serpentibus deteriores horum esse sermones, *Qui* & centenario maior, morti vicinus, sic de his ad suos Anachoretus concionabatur, Ad Meletianos & schismaticos nec propè quidē accedite. Scitis enim antiquā eorū peruersitatem. Nec cum Arianis communionē iungamini, quia horū impietas omnibus manifesta est. Hæreticorū venena vitare, meūque circa eos odiū sectamini, quia Christi sunt inimici. Scitis ipsi quodd nullus mihi nec pacificus quidē sermo cū eis aliquādo fuerit, propter prauā eorū volūtatē, & pertinax contra Christū bellū. Et verò is tū fuit verè Christi fidelium in vitādis hæreticis feruor atque zelus, vt eodem seculo scripserit Basilus, silentibus piè docentium linguis, & resolutis blasphemis, sacris prophanatis, qui sani essent in plebe, domos orationis fugisse, vtpotē in quibus impia docerentur, in plerisque ciuitatib⁹ plebē cū mulieribus ac pueris & senibus, extra portas effusā, preces suas sub dio peregisse, omnē aëris molestiā mul

Ariani detestabiles serpētib⁹ primofuriēdos.

Basilus de vitandis hæreticis.

ta cū animi lenitate tolerantes, opemq; Domini expectantes. Epist. 69. ad nostros. i. Gallię ac Italię concordēs. i. Orthodoxos episcopos. Est & 85. ad Patrophilum episcopum, super hæreticis arguendis & vitandis, vsus hoc dilemmate, Si nullum omninò conuenit hæreticum putare ac auersari, qua de causa te ipsum separas, & quorundam cōmunionem defugis? Sin iuxta exactam rationem aliqui fugiendi, dicāt qui cauti videri volunt in omnibus, cuius partis ac sectę sint, quos de Galatia ad se euocarunt, nimirum (vt prædixit) nobiscum non communicātes, aut commune nihil cum nobis habētes, per omnem tamen regionem ab ipsis, vt sanctos, & eiusdem cōmunionis cum honore deductos. Hęc siquidem digna tibi mœrore vidētur, ex causis eorum separationem cōsidera, & eis imputa. Sin indifferens iudicas, ignosce nobis, qui non sustinemus fermēto aliena docentium commisceri. Prima ergo hæreticorum in Ecclesia pœna, fuit vitatio. Rom. 16. Rogo vos fratres, vt obseruetis eos, qui dissensiones & offendicula præter, imò contra doctrinam quam vos didicistis, faciunt: & declinate ab illis. 2. Thess. 3. Denunciamus, seu præcipimus vobis in nomine D. N. I. C. vt subtrahatis vos ab omni fratre ambulante inordinatè, & non secundum quam accepistis à nobis traditionem. Et, Si quis nō obedit verbo nostro, per epistolam hunc notate, siue indicate, & ne commisceamini cum illo. Et ne commisceamini cum idolo-

*Hæreticorū
prima in ec-
clesia pœna,
vitatio.*

rum seruatoribus, non huius vtrique mundi, sed si is qui frater nominatur inter vos, Idolis seruit, aut, &c. cum eiusmodi nec cibum sumite, 1. Cor. 5. Et de nouissimi temporis blasphemis, hypocritis, & impiis, hos, ait alibi, deuita, seu auersare, 2. Tim. 3. Et 2. Corinth. 6.

Nolite iugum ducere cum infidelibus. Ecqua enim participatio iustitiæ cum iniquitate? societas luci ad tenebras? concordia Christi ad Belial? pars & conuentio fidei cum infidei? consensio templo Dei cum Idolis? Propter quod exite inde, seu de medio eorum, & separamini, dicit Dominus, Esa. 52. Recedite, recedite, & pollutum nolite tangere, seu immundum ne tetigeritis. Exite, inquit & apud alium de cælo vox, Apoc. 18. de Babylone, populus meus, vt ne participes sitis, & (consequenter) de plagis eius non accipiat. Cuius typus vir alioqui Dei & propheta, cum Hieroboam Rege panem comedere, & aquam bibere eò loci à Deo vetitus, ab altero propheta licet mensa exceptus, quia Deo inobediens comedit & bibit, à leone in via occisus, proiectus, & aliquandiu insepultus, 3. Reg. 13. Et hoc enim exemplo vitur ad vitandam Schismaticorum contagionem, Cy-
Schismatici vitandi.

prianus vbi suprà. Deuitationis ergo causa, culpæ contagio, & pœnæ communio. Caute, aiebat Dominus, à fermento, hoc est, doctrina Phariseorum, Matt. 16. Marc. 8.

Luc. 12. Modicum enim fermentum totam

massam, siue conspersionem fermérat, aut corrumpit. 1. Cor. 5. Gal. 5. Et Hebr. 12. ne qua radix amaritudinis sursum germinans impediatur, & multos inquinet. Multum enim tales ad impietatem proficiunt, ait noster, 2. Tim. 2. corúmque sermo ut gangræna, serpit, corrodit, depascitur, atque putrefacit. Qui ergo Deum blasphemant, & blasphemantes, populum inficiunt, vitantur, & abstinentur, ut discant non blasphemare, 1. Tim. 1. siue, quod idem ferè est, dediscant impiè loqui, & alios post se abducere. Scintilla quidem parua res est, & penè, dum cernitur, non videtur, sed si somitem comprehenderit, & sui nutrimenta quamuis paruus ignis inuenerit, mœnia, vrbes, latissimos saltus, regionésque consumit. Fermentum quoque modica res videtur & nihili, cum farinæ conspersum, totam massam suo vigore corruerit, in eius vim transit omne quod mixtum est: Ita doctrina peruersa ab vno incipiēs, vix duos tresvè primùm reperit auditores, sed paulatim cancer serpit in corpore, & iuxta vulgare prouerbium, Vnius pecudis scabies totum contumaculat gregem. Igitur & scintilla statim ut apparuerit, extinguenda est, & fermentum à massæ vicinia semouendum, ait initio commentariorum lib. 3. ad Gal. 5. Hieronymus, Et quod ex eodem ibidem sequitur, 24. q. 3. ca. Resecandæ putridæ carnes, scabiosum animal à caulis ouium repellendum, ne tota domus, massa, corpus, & pecora, a-

Fermenti vim

*Doctrina
peruersa can-
cro compara-
ta.*

deat, corrumpatur, putrescat, intereant. Arius in Alexandria vna scintilla fuit, quia non statim repressa est, totum orbem eius flamma populata est. Et Augustinus ca. sequenti, Corripiuntur, ex cap. 15. de correptione & gratia, pastoralis habet necessitas, ne per plures dira serpent contagia, separare ab ouibus sanis morbidam, à Deo, cui nihil impossibile est, ipsa forsitan separatione sanandam. Can. item seq. Prosper Augustini discipulus lib. 2. de vita contemplatiua, cap. 7. Ecce crimina quorumlibet, criminosis confiteri nolentibus vndecunque claruerint, quæcunque non fuerint patientiæ leni medicamento sanata, velut igni quodam piæ increpationis, vrenda sunt & curanda. Quod si ne sic quidem æquanimiter sustinentis ac piæ increpantis medela in eis profecerit, qui diu portati, salubriter corrigi noluerint, tãquam putres corporis partes, debent ferro excommunicationis abscindi, ne vt caro morbis emortua, non abscissa, salutem carnis reliquæ putredinis suæ contagione corrumpit, sic qui emendari despiciunt, & in morbo suo persistunt, moribus deprauatis in sanctorum societate permanētes, suæ eos perditionis exemplo inficiant. Notus est quoque Menādri senarius, vt quem Paulus citare non sit grauatus, Nolite, inquit, seduci, *Colloquia mores praua* *Corrumpunt bonos,* vt & superiores sanctorum similitudines vsurpant profani, nimirum è medio sumptas, & experientia probatas, *Similitudines profanorum vsi sancti.*

Dedit hanc contagio labem, ait Iuuenalis Satyr. 2.

Et dabit in plures, sicut grex totus in agris

Vnius scabie cadit, & porrigine porci.

Et alter i. Metamorph.

Sed enim immedicabile vulnus

Ense recidendum est, ne pars sincera trahatur.

Sic autem super terram ligati, & in cælo ligati

sunt, & sic peccata retenta, retenta sunt, Ioan.

20. vt, quod ait contra legis aduersarium, lib. 1.

cap. 17. Augustinus, intelligatur quantò grauius

fit punitus, qui velut relictus est impunitus, gra

uius quàm si gladio feriretur, si flammis ablu

meretur, si feris subriggeretur: Et ab homini

bus alligatur homo amarius, & infœlicius Ec

clesiæ clauibus, quàm quibuslibet grauissimis

& durissimis, ferreis vel adamantinis nexibus.

Et hac licet pœna quam facit episcopale iu

dicium, quæ & damnatio nominatur, nulla sit

in Ecclesia maior, medicinalis tamen est, & po

test, si Deus voluerit, in correptionem saluber

rimam cedere, ait idem vbi antè, de correptio

ne & gratia. Nec enim scimus quid contingat

sequenti die, nec ante finem vitæ huius de ali

quo desperandum est, aut contradici Deo po

test, ne recipiat & det pœnitentiam, & accepto

sacrificio spiritus contribulati & cordis cōtriti,

à reatu, quamuis iustæ, damnationis absoluat,

damnatumque non damnet. Et lib. 4. de baptis

mo cap. 14. de nullius siue foris constituti con

uersione desperandum, quandiu Dei patientia

ad pœnitentiam adducit, Rom. 2. Vilitat in vir

Clauis eccle
sia quàm ef
fraces.

ga facinora, & in flagellis peccata eorum, Psal. 88. Hoc autem modo misericordiam non dispergit ab eis, si & ipsi aliquando misereantur animæ suæ placētes Deo, Eccl. 30. Et vbi suprā, de vnitāte Ecclesiæ, Nonnulli etiam bonę voluntatis, per carnalem caliginem, etiam post confirmatum contra Ecclesiam Dei malignorum furorem, in dissensione diutius errauerūt, tanquam si adhuc mollia conculcarentur frumenta, & radice viua herbæ vigor attereretur: Sua tamen nouerat Deus, quamuis vt reuiuiscerent (aliās reuiscerent) arguenda & increpanda. Non enim eo modo dictum Petro, Redi post me Satana, Matt. 16. quo de Iuda, Vnus ex vobis diabolus est. Ioan. 6. Quidam quoque & apertissimæ veritati studio malo contradixerunt, & verò eradicati ac præcisi erant, sed non permanentes in infidelitate, sicut de quibusdam ramis fractis dicitur, Rom. 11. manu diuina replantati aut iterum inserti sunt, cū vt idem vbi antè in Matth. resipiscendo, & in catholicam remeādo, ab errore desciscant. Quos autem omninò ab Ecclesia Schisma præcidit, ij non in filiis interim, sed in mortuis & perditis computādi sunt: vt si quis eorum correctus Ecclesiæ fuerit copulatus, rectè super illo dici possit, Mortuus erat, & reuixit: perierat, & inuentus est, Luc. 15. ait vbi antè idem in retractationibus. De vtroque, hæreticorum inquām, tā subuersorum & subuertentium reiectione, quā conuersorum receptione Innocētius 1. ad Epi-

Satanas dictus Petrus, diabolus Iudas.

scopos Africę, prius Carthagine, post & in Mileuitano Concilio, ubi etiam interfuit Augustinus, unde & inter huius epistolas legitur 91. Sic in Pelagianis contra omnes hæreticos Epist. 25. Auellendi, ait, sunt longius, & ab Ecclesiæ procul visceribus remouendi, ne diutius multa occupans, insanibilis post error increseat. Diu enim in hac impunitate versati, inultos necesse est in hanc prauitatem inducant, decipiantque innocentes, vel potius imprudentes, qui fidem Catholicam non sequuntur, putabunt eos recte sentire, quos adhuc in Ecclesia viderint perdurare. Separetur à sano corpore vulnus insanum, remoto morbi sauietis afflatu, cautius syncera perdurēt, grex purior ab hac mali pecoris contagione purgetur: Sit totius corporis illibata perfectio, Qui tamen, si tandem aliquando de hac, in quam sui cordis incuruatione corruerunt, labe liberentur, quasi in lucem de fœda tracti caligine, remotis, quibus totus ne verum aspiceret, caligabat aspectus, damnet hæc quæ hucusque senserunt, & animum rectis disputationibus accommodantes, correcti, veris se sanandos consiliis tribuant atque submittant, erit in potestate pontificum iis aliquatenus subuenire, & talibus curam præstare vulneribus, quæ solet lapsis resipiscentibus non negare, ut à suis reuocati præcipitiis, intra ouile Domini redigantur, ne foris positi, & tanto præsidio à fide munitionis exclusi, periculis omnibus exponantur, deuorandi luporum dentibus & ve-

*Hæreticorum
labe ac pe-
stis.*

xandi, quibus obfistere, hac, qua illos in se irri-
tauerant, doctrinæ peruersitate non possunt.
Et Epistola 26. Inter Augustini 93. Quare Pe-
lagium Cælestiūque, id est, inuentores vo-
cum nouarum, quæ, quod dixit Apostolus,
ædificationis nihil, sed magis vanissimas con-
sueuerunt parere quæstiones, Ecclesiastica cõ-
munionem priuari, Apostolici vigoris autorita-
te censemus, donec resipiscant à diaboli la-
queis, à quo captiui tenentur ad ipsius volun-
tatem, 2. Timoth. 2. nec interim Dominico
ouili recipi, quoad peruersæ, quam secuti sunt,
viæ tramitem deseruerint. Abicindendos enim
qui nos conturbant, & volunt Euangelium per-
dere seu pervertere, Gal. 5. Par item, quicun-
que simili pertinacia nituntur defendere, eos
vindiçta constringat, non solum facientes, sed
& facientibus consentientes, Rom. 1. quia non
multum interest inter committentis animum,
& consentientis fauorem, & errare plerunque
dediscit, cui nemo consentit. Absint ab atriis
Domini, careant custodia pastoralis, ne duarum
ouium

Dura per incautum serpent contagia vulgus.

rapaxq; lupus lætetur tantas ouium cateruas, dum
à custodibus dissimulatur duarum vulnus, esse fu-
sas: prospiciendum ne lupos permittendo merce-
narij magis videamur esse quam pastores. Iube-
mus sanè, quia Dominus propria voce significa-
uit, nolle se mortem morietis, sed tantum ut reuer-
tatur & viuat, Eze. 18. 33. si vnquam sani deposito

prauī erroris dogmate resipuerint, damnauerintque ea quorum se prauaricatione damna-
bant, solitam eis medicinam, id est, receptum
siue receptaculum suum negari, ne dum eos
redeūtes forsitan prohibemus, extra ouile re-
manentes, expectantis hostis rabidis faucibus
glutiantur, quos in semetipsos spiculis malæ
disputationis armavit, aliàs armarunt. Et hoc

*Hæresiarchis
nō parcendū*

aliquantō anterior Arnobius in Psal. 139. *Qui*
pepercerit hæresiarchis, aut prædicatoribus fal-
sitatis, nec eos gladio fidei suæ iugulauerit, hoc
ei euenire quod Saūli, qui 1. Reg. 15. cur non
occiderit, à regno eiicitur quis ambigat? aut qui
miseriçordiā suam putauerit in hæresi perma-
nentibus exhibere, quis neget simili modo à
Dei regno excludi, ut is à regno humano exclu-
sus est? Eodem exēplo Ambrosius super Psal.
118. Serm. 8. vers. 2. In Ecclesia, ubi maximè mi-
sereri decet, teneri quàm maximè debet iusti-
tiæ forma, ne quis à communionis consortio
abstentus, breui lacrymula ad tempus parata,
aut etiam vberioribus fletibus, quod plurimis
debet postulare temporibus, facilitate sacerdo-
tis extorqueat. Nonnè vni indulgens indigno
multos ad prolapsionis contagium prouocari
facit? Facilitas enim veniæ, incentiuum tribuit
delinquenti, ut sciamus secundum Dei verbum
& rationem, dispēsandam esse debitoribus mi-
seriçordiam, Medicus si serpentis interius in-
ueniens vulneris cicatricem, cūm refecare de-
beat vlcēis vitium, ne latius serpat, à secandi

*Excommu-
nicat inō fa-
cilē recipiē-
di.*

tamen vrendique proposito lacrymis inflexus
 ægroti, medicamentis regat quod ferro fuit
 aperiendum, nonnè inutilis misericordia est, si
 propter breuem incisionis vel exustionis dolo-
 rem corpus omne tabescat, vitæ vsus intereat?
 Rectè igitur sacerdos vulnus, ne latius serpat,
 à toto Ecclesiæ corpore, quasi bonus medicus
 abscindere debet, & prodere virus criminis
 quod latet, non fouere, ne dum vnũ excluden-
 dum non putat, plures faciat dignos quos ex-
 cludat. Quò & Apostolus diuino nos hortatur
 exemplo. Vide, ait, Dei bonitatem & scuerita-
 tem, hanc quidem in eos qui ceciderunt, illam
 verò in te, si tamen in ea permāseris, Rom. 11.
 ostendens Iudæos ab Ecclesiæ corpore separa-
 tos. ne perfidiæ eam virus contaminaret: Gen-
 tes autem Domini receptas bonitate, obedi-
 tiæ munere gloriari, sed siquidem in ea perse-
 uerauerint, alioqui excidendas, sicut & illos, si
 non in incredulitate permanserint, rursus inse-
 rendos, Potens enim est Deus inferere. Sanè
 prouidè ac cautè intelligendum, quod quidam
 ita distinguunt ex scripto quodam Ioannis pp.
 viii. in can. vlt. 3. q. 4. vt excommunicatio qui-
 dem à fraterna societate simpliciter separet,
 Anathema verò à Christi corpore, quod est
 Ecclesia, omnino recidat, & à fidelium confor-
 tio, nedum communione corporis & sanguinis
 Dominici. 11. q. 3. post can. Ad mensam. & can.
 Nemo. ex Concilio Meldensi, prohibentur
 Episcopi sine certa & manifesta peccati causa,

*Excommuni-
 catio aliud
 quàm ana-
 thema.*

communione quenquam priuare Ecclesiastica, sub anathemate autem ponere, sine archiepiscopi aut coëpiscoporum conscientia, nisi bene canonica docet autoritas, quia Anathema æternæ mortis damnatio, nec nisi pro mortali crimine, & iis qui aliter corrigi nequeant, imponendum. In quales & quidem perpetuum tulit Stephanus III. qui contra canones vel S. A. inuaderent, vel in gradum Cardinalium irrumperēt. Dist. 79. ca. Si quis ex episcopis. Ambrosius ca. Reperiūtur. 1. q. 1. In Simoniacos. quasi vulneri cancroso ferrum ignitum iniiciens. Quod & perpetuum innuisse videri possit, ubi paulò antè, sic Arnobius, Grauius homines puniri spiritali nunc iudicio, quàm antea ferro, hoc enim vita tollitur, ut multum annorum quinquaginta. Anathematis autè cæde & vita æterna eripitur, & mors perpetua irrogatur. Quasi scilicet hoc adempta omni venia, æterno addicat exitio. Quali & qualiter sumpto anathemate Chrysostomus peculiari sermone negabat ullos plectendos, viuos aut mortuos. Extat autem Græcus, Latinus, Gallicus. Vocem hanc Apostolum duobus tantum locis quasi coactum atulisse, Si quis non amat D. N. I. C. 1. Cor. 16. Et si quis vobis euangelizauerit præterquàm quod accepistis, Anathema sit, Gal. 1. nec tamen certæ aut determinatæ illam personæ intentasse, Apostolos id diligenter seruasse, ut sic hereticos ex Ecclesia eiicerent, quasi effodiendus esset dexter oculus: Hac tempestiua

membri deiectione magnum suæ compaſſionis argumentum præ se ferentes, quo etiam verbo Christus charissimos à se eiectionis dolo-rem & commiserationem cōmendauit, Matth. 5. 18. Marc. 9. Qua in re, vt in aliis, perdiligen-tes fuisse, hæretes quidem redarguendo & procul eiiciendo, hæretico tamē nulli pœnam aut probrum hoc impingendo, quasi sic diabolo deuotus foret, & à Christo alienus, vt nullus ei locus, nulla salutis via relinqueretur. Quod igitur eorum qui tantam tum dignitatem, tum potestatem acceperant, eorūque veri successores pleni gratia & virtute, nullus facere aut prænunciare ausus est, audes & præsumis, & iudicium Domini præuenis? autoritatem vsurpas & assumis? Tunc enim demum oues ab hædis separabit, Matth. 25. Vin audire quid sanctus quidam vir & martyr sub Apostolorum tempora de hoc sensit atque dixit? Is huius verbi atrocitatem tali monstrabat exemplo, vt si quis priuatus Regiam sibi purpuram accommodet, is vnà cum omnibus sibi consciis & adiutoribus, vt tyrannus punietur: Ita qui Domini sententiam præoccupans, hominem ab Ecclesia facit anathema, in præsens se exitium conii-cit, dignitatem Dei scilicet Filio præripiens. Leuissnè ergo & parui tibi momenti res videtur, ante iudicem iudiciiue tempus tali quēquam sententia condemnare? Anathema enim modis omnibus & in totum à Christo separat. Sed hæreticus est, aiunt, domesticum habens

*Hæretici
qualiter ve-
nocandi.*

Diabolum, in Deum impius, perditus, & mul-
tos in perditionem verbo & impostura indu-
cēs, à patribus ideo eiectus, quòd Ecclesiæ post
se partem abduxisset. Docetamen, ait, cū man-
suetudine corripiciens eos qui resistunt, si quan-
do, vel vt tandem det eis Deus pœnitentiam, &
resipiscant, &c. 2. Tim. 2. Extēde sagemam cha-
ritatis, vt membrum claudicans sanetur potius
quàm subuertatur. Ostende magno animi affe-
ctu, velle te donum proprium aliis communi-
care. Dulcem commiserationis hamum iace, ex
imo perditionis demersum extrahe, errantem
ac ignorātem corrige, erudi à traditione Apo-
stolica alienatum. Si correptionem boni con-
suluerit, qui prius errabat, & is vita viuet, & tu
animam tuam liberabis, Ezech. 3. 33. Sin emen-
dari respuit, & persistit, pertinax, contentiosus,
ne olim reprehendaris, contestare de tuo apud
eum officio. Cum animi tamē lenitate, ne ani-
mam eius de manu tua iudex requirat, ne ode-
ris, auerferis, maledictis infeceris, sed syncerā
erga illum charitatem præte feras, vt interim si
nihil aliud, id certē lucreris abundē magnum,
quòd & proximum diligis, & Christi doctrinā
de charitate doces, qua sublata vel absēte, nihil
alia Dēi dona profunt, quæ non quærit quæ sua
sunt, omnia suffert, sperat, credit, & sustinet, 1.
Cor. 13. Dilecti, nemo nostrum tam erga Chri-
stum affectus fuit, quantum Paulus, vrebatur,
& à Christo pro fratribus anathema fieri opta-
bat, Rom. 9. & hoc tamen suo in Christū affe-
ctu

*B. Pauli le-
uitas.*

Et tu nemini vim nec anathema inferebat. Huius vos omnes imitatores fieri velim, meque vnà vobiscum. Sed & Deus prouidēs licet quid vnus nostrum quisque futurus sit, malos tamē bonis dignatur communibus, & Dominus calamum quassatum non contriuit, linum fumigans non extinxit, Esa. 42. Matth. 12. Iudam ei que similes tulit, & tandiu non abiicit, donec scientes, se in exitium traxerant præcipites. Et nunquid & pro populi ignorantibus offerimus, & pro inimicis & nos persequentibus oramus? Matth. 5. Luc. 6. Rom. 12. Et vos ergo rogamus & obtestamur, vt à malo contrario desistatis. Quem enim anathematizas, aut viuit adhuc, & sic improbè agis, qui eū qui à malo in bonum verti potest, crudeliter amputas: aut mortuus est, & sic deterius agis, quia Dominus suo stat aut cadit, Rom. 14. nulli iam humano iuri subiectus, Super eo quoque quod secretum sibi iudex reseruauit, pronunciare, hominis videtur temerarij, ei que soli tutum est, qui mensuram sciētiæ, & fidei modum nouit. Qui quæso, scis, quibus se verbis defendet is aut excusabit in die quo venturus est Dominus, vt iudicet occulta cordium? 1. Cor. 4. & quis cognouit sensum aut consilium Domini? Rom. 11. Esa. 40. En iterum dico, & coram Deo, ac electis eius angelis contestor, hāc erga proximos inhumanitatem vobis in die iudicij magno malo & certæ perniciēi futuram. Et tandem concludit, Dogmata impia, & ab hæreticis profecta, ar-

guere, & anathemate oportet percutere, hominibus autem interim non parcendum solum & abstinendum, sed & pro eorum salute precandum. Equidem non ignoro iam tum non defuisse, qui sanctum paltorem calumniarentur, ut aduersus hæreticos lentum nimis & nimis humanum, sed peræquè scio anathematis quale is disluadet ac improbat, & ab Apostolis ac idoneis eorum successoribus contra vllum, præsertim nominatim, illatum esse negat, sic inquam, accepti anathematis, sine vlla prorsus spe veniæ, apud veteres vel nullum, vel perquam rarum fuisse vsum, eumque contra mortuos magis, & hæresibus suis immortalibus, ac proinde desperatos, quam contra viuentes adhuc, quibus, quamlibet ægrotis, dum anima est, spes esse vel proverbio dicitur, & iuxta Theocriti Battum vertente Philelpho,

Sperandum est viuis, non est spes vlla sepulchris.

Hinc in Concilio Africano, canon. 48. constitutum est, ut episcopo qui vel hæreticos etiam consanguineos, vel Paganos Ecclesiæ prætulerit, saltem post mortem anathema dicatur, cuiusque nomen inter Dei sacerdotes nullo modo recitetur. Et recitatur Extra. de hæreticis capit. 5. quod sequens ad reliquos clericos ampliat. Et hi sunt, qui, citante Gratiano 24. q. 2. ad finem. super defunctis statuerunt, ut qui suas facultates hæreticis reli-

quissent, etiam mortui anathemati subiicerentur. Vbi can. Sanè, ex actione. 1. Synodi. v. & cum aliorum, tum Augustini, Theophili, Rabani testimonio idem probatur de hæreticis, etiam si viuentes de fide non essent accusati, post mortem anathematizandis. Mitius Leo 1. Epistola nonagesima secunda, capite secundo, de communione priuatis, & ita defunctis, Horum (ait) causa iudicio reseruanda, in cuius manu fuit, vt eorum obitus non vsque ad communionem differretur. Nos tamen quibus viuentibus non communicauimus, mortuis communicare non possumus aut debemus, citante ibi Urbanus, can. Sanè, & ca. Legatur Gelasius. mortuos suscitasse Christum legimus, non in errore mortuos absoluisse, qui solus hoc faciendi potestatem habuit. Petro, Super terram, inquit, non in ligatione defunctum esse dixit absoluendum. Et can. Nec quisquam. A communione iure seclusus, & in eadem persistens damnatione defunctus, absolutionem quam superstes nequaesuit, nec meruit, nec mortuus iam impetrare potest. De eo autem qui in diuino iudicio constitutus est, nobis fas non est aliud decernere, præter id in quo dies eum supremus inuenit. Et Canone, Quicumque. vndecim. quæst. tertia, de iis qui obstinato animo sine communione defuncti fuerunt, idem præcedentem præcessoris sui Leonis sententiam facit suam. Vt minus

Mortui quidam anathematizandi.

hic valeat Chrysostomi distinctio, & si qui impietates duntaxat, non etiam impios huiusmodi, quatenus & quandiu tales, anathematizent. Quales Iustinianus edicto ad Ioannem 11. pp. transmissio improbat, ut diuinæ scripturæ contrarios, euidenter dicenti, & quabiliter apud Deum horribiles impium eiusque impietatem, Sap. 14. ac proin anathemati similiter subiectos, id est, à Deo separatos: Nihil enim aliud in utroque testamento iudicium hoc significat. Et Dominus Iudæos alloquens, dicit eos qui non permanent in verbo veritatis, ab Ecclesia esse separatos; Seraus, inquiens, non manet in domo in æternum, Ioannis 8. in Ecclesia utique, Dei viui domo, 1. Timoth. 3. Sciant ergo, ait, qui huiusmodi defendunt, omnem hæreticum in errore suo ad finem vsque vitæ permanentem, iuste perpetuo anathemati post mortem quoque subiici. Idque in permultis hæreticis antiquioribus factum, in vita accusatis, & post mortem per S. S. Patres anathematizatis, Ne simpliciores eorum impia scripta legentes, à recta fide declinarent, ut impij quod in vita in personam suam anathema non susceperant, mortui non euitarent. Sic Nicæna Synodus eos qui Arrij sectam colerent, sine nomine anathematizauit. Constantinopolitana Macedonij hæresim similiter condemnauit, Sancta Dei Ecclesia utrunque mortuum anathematizat. Nec valet dicere, quosdam tales in externa Ecclesiarum

Anathemati subiici, à Deo separari

Anathemati xati quidam post mortem.

com
occ
com
dog
tur
ad r
re, al
tuos
ganis
cris
paul
Hæ
recit
ne d
secu
dem
reuo
runt
V. S
tis,
can
der
aliu
igi
an
Ha
Ap
Co
fed
qu
&c

communicatione commori. Quæ veniæ est occasio: Oportet enim scire eos in Ecclesiæ communionem mori, qui commune pietatis dogma, quod in Ecclesia vniuersali prædicatur, ad finem vsque seruauerunt: Qui contrà ad mortem vsque in sua permanent impietate, ab omni Ecclesia eiici solitos, etiam mortuos, & à S. S. Patribus cum infidelibus, Paganis, & Iudæis numerari, deletis etiam à sacris diptychis eorum nominibus, Quod & paulò antè curauerat Leo 1. Epistola 40. cap. 2. Hæreticorum nomina ad sacrum altare non recitanda, nec cum sanctorum nominibus sine discretionem miscendos, qui catholicos persecuti essent, vt contrà eos qui iniuste condemnati fuissent, sancti patres post mortem reuocauerunt, & in sacris diptychis scripserunt, ca. Sanè. 24. q. 2. Ex actione 1. Synodi V. Sic horrendo Dei iudicio Iudam sacramentis, donec vixit, cum dolo licet communicantem, Apostoli mortuum sententia sua condemnarunt, & ne vltra eis connumeraretur, alium pro eo introduxerunt, Act. 1. Sub hoc igitur Imperatore Synodus V. can. 11. 12. 14. anathematis velut formulam sic præscripsit, Hæreticos omnes à Sancta Dei Catholica & Apostolica Ecclesia, vel à præcedentibus IIII. Conciliis, condemnatos & anathematizatos, sed & eos qui cum iis similia sapiunt, aut aliquando sapuerunt, scribunt, aut defendunt, & vsque ad finem in huiusmodi propria im-

pietate permanent aut permanserunt, si quis non anathematizat, aut anathemati subiicit, talis anathema sit. Simili forma vsus Martinus I. decreto Synodico decimo octauo, contra cum omnes hæreticos ab Ecclesia, hoc est, vniuersalibus v. Synodis, & probatis omnibus patribus, reprobatos & abiectos, tum Monothelitas. Dicimus, inquit, eos in sua perfidia permanentes, omnia impia eorum scripta, & eos qui similia cum his vsque ad finem sine pœnitentia sapuerunt, aut sapiunt, vel sapient, si quis non respuit, & non anima & ore anathematizat, huiusmodi sit condemnatus. Hæc obiter de anathematis nomine ac vsu contra quantumlibet hæreticos, nisi ratione finalis impœnitentiæ, à priscis catholicis ferri non ferè soliti. Alioqui excommunicatio, damnationis eos futuræ præmonendo, ad pœnitentiam inuitat: quæ si obtinetur, parata est apud Ecclesiam reconciliatio, apud fratres in communionem restitutio, apud Deum salus. Idque iuxta Dominicum institutum, & praxim Apostolicam, In carnis (inquit) interitum, vt spiritus saluus fiat in die D. N. I. C. I. Cor. 5. ex quo Ambrosius sermone nono in Psalmum 118. intelligit, eum in bono excludi, & Apostolica autoritate è medio plebis auferri, qui iubetur agere pœnitentiam, vt humilietur, hæc enim reconciliationis solent esse suffragia. Vt confundatur, siue pudeat, 2. ad Thessalonicen. 3. vt qui aliàs emen-

*Excommunicatio
rationis vsus
in Ecclesia.*

dari non potuit, tanto suo malo commotus erubescat, & ad veram pœnitentiam redeat, vt denique blasphemare dediscat, 1. ad Timotheum 1. Sic enim ab Ecclesia, vt à Domino, iudicamur atque corripimur, ne cum hoc mundo damnemur, 1. ad Corinthios 11. Si quem ergo sui puduerit, sufficit ei, quæ à pluribus fit, obiurgatio, 2. Cor. 2. vt magis ei condonare debeamus, consolari eum, & charitatem in illum confirmare, ne nimia fortè tristitia is absorbeat. Et quo loco Christus de fratrem, imò fratres, adeoque matrem Ecclesiam non audiète pronunciat, quem ea in terra ligauerit, ligatum in cælo fore, vt is audiens mores errorũve suos damnari, suæ ipse damnationis, quando diu ab ea, & proinde à Christo alienus foris manserit, & nisi resipuerit, certus fiat, adeò tamen noluit quasi iam perditũ desperari, vt meliora tum pro huiusmodi precari, tum super eo sperari voluerit. Vbi enim, ait, duo trẽsve in nomine meo cõgregati fuerint, ibi sum in medio vestri, Matr. 18. q. d. Esto, Frater nec fratrem solitarium, nec testibus adiunctis comitatum, sed nec Ecclesiæ præsides audiat, an protinus & omnino desperandus? Nequaquam. Vltimum ad saluandum fratrem confugium, quamlibet humanis consiliis aut correptionibus nõ paruerit, perseuerare in postulanda erranti resipiscendi gratia, vt non tantũ in condonandis & condemnandis peccatis, sed & in impetran-

*Ecclesia pro
eius efficacia.*

dis quæcunque petierit, ac proin peccatoribus conuertendis, & aberrantibus reducendis, velut Ecclesiæ consensio & vnanimitas, vt licet communes quas pro membris suis fundit Ecclesia, orationes pro excommunicatis Deo non offerat, vt à diaboli tamen laqueis resipiscant, & Ecclesiæ vnitati aggregentur, rogare non desinit, vt legere est in eius collectis die sancto Parasceues haberi solitis, non pro Iudæis tantum & idololatriis Paganis, sed & pro hæreticis & schismaticis, iure vtique diuino vitandis, & Ecclesiastico excommunicatis, Vt Deus, inquiens, & D.N. eruat eos ab erroribus vniuersis, & ad sanctam matrem Ecclesiam Catholicam & Apostolicam dignetur reuocare. Et *Omnipotens Deus*, qui saluas omnes, & neminem vis perire, respice ad animas diabolica fraude deceptas, vt omni hæretica prauitate deposita, errantium corda resipiscant, & ad veritatis tuæ redeant vnitatem. Sic nimirum mater Ecclesia Deum Patrem imitatur, tanta etiam erga inimicos vtentem pietate, vt & extra Ecclesiam existentes sæpe ad se conuertat, desiderium eis Ecclesiasticæ pacis & vnitatis inspirans: qui siqua necessitate impediuntur, quominus ad Ecclesiam ab homine admittantur, ipsemet inuisibiliter sponsa eos suæ reconciliat, seque quærentes non derelinquit. Quin si iniquis scelestisque veniam vitæque largiendo, etiam plerisque, quos non

nouit non acturos pœnitētiā, exhibet tamen patientiam: quantò nos magis, ait ad Macedonium epistola 54. Augustinus, in eos qui correctionem promittunt, & vtrum faciunt, incertum sumus, misericordes esse debemus, vt rigorem nostrum pro eis intercedendo flectamus, pro quibus & Dominum, quem nihil de moribus eorum etiam futuris latet, non tamen imprudenter, quia hoc præcepit, oramus? Et fratris *Peccatū ad mortem.* ergo peccatum ad mortem, pro quo rogandum non dicitur, 1. Ioan. 5. idem lib. 1. de Sermone Domini in monte, ratus esse, cū post agnitionem Dei per Christum, quis fraternitatem oppugnat, & aduersus gratiam, qua reconciliatus Deo est, inuidentiæ facibus agitur, quo quid magis est hæreticorum & schismaticorū? addidit lib. 1. Retractionum, cap. 19. si in hac tam scelerata mentis peruersitate vitam finierit, quia de quocunque pessimo hīc constituto non vtrique desperandum, nec pro eo imprudenter oratur, de quo non desperatur. Nescientes enim (vbi suprā de correptione & gratia) quis pertineat, quis non, ad prædestinatorum numerum, ea debemus affici charitate, vt omnes velimus saluos fieri, quod fit, cū singulos quosque vt occurrerint, cum quibus id agere valeamus, ad hoc conamur adducere, vt pacem apud Deum habeant, Rom. 5. Deo reconcilientur, 2. Cor. 5. Quam pacem, quocūque intramus, præcari iubemur, Matth. Luc. 10. cuiusque, quisnam sit aut non, filius, ad nos qui nescimus, pertinet

nullum excipere vel discernere, sed nescientes qui salui futuri sint, omnibus hanc prædicare, & corripiendo nihil aliud agere, nisi vt non ab ea vel recedatur, vel ad eam, qui recesserit, reuertatur. Et cap. vii. Proinde quantum ad nos pertinet, qui prædestinatos à non prædestinatis discernere non valemus, & ob hoc omnes saluos fieri velle debemus, omnib⁹ ne vel pereant, vel alios perire faciant, adhibenda est à nobis medicinaliter seuera correptio, quam Dei est eis vtilem facere, quos præsciuit & prædestinauit. Nam si quando timore non corripiamus, ne quis inde pereat, cur non & timore corripiamus, ne quis inde plus pereat? Nec enim maiora dilectionis viscera gestamus, quàm qui dicit, Corripite inquietos, 1. Thess. 5. patientes estote ad omnes. Vbi quod subiicit & prohibet quem cui in alium pro malo reddere, tunc potius reddi intelligendum est, si corripiendus, praua dissimulatione negligatur, non corripatur. De oratione autem idem lib. 21. de Ciuitate, cap. 24. Quia de nullo certa est Ecclesia, quòd scilicet reprobis, pro eo enim, si quis esse sciret aut nosset, non oraret, orat pro omnibus inimicis suis, in hoc corpore constitutis, nec tamen pro omnibus exauditur, sed pro his solis, qui etsi aduersantur Ecclesiæ, sic tamen sunt prædestinati, vt pro eis exaudiat, & eius efficiantur filij. Hæc ille. Deuitandi ergo hæretici, non sic tamen vt non vel eos corripiant, vel pro eis orent catholici. Quorum

primum ex iisdem quibus nos antea scripturæ locis, frequenter & diligenter vrget D. Cyprianus, lib. 1. Epistola 3. Si quod contagium venenati sermonis, & pestiferæ seminationis irrepperit, id omne de fratrum auribus & pectoribus exuatur, & honorum integra synceræque dilectio ab omnibus hæreticæ detractionis foribus repurgetur. Declinent de cætero fortiter & euitent fratres nostri verba & colloquia eorum, vt (præter Paulina) per Salomonem Spiritus sanctus loquitur, Prou. 16. peruersus in ore suo portat perditionem, in labiis suis igne condit. 17. Malus obaudit linguæ iniquorum, iustus non intendit labiis mendacibus. Ecclesiastici 28. Sepi aures tuas spinis, & noli audire linguam nequam, vt nulla cum talibus commercia copulentur, conuiuia vel colloquia miscantur, & simus ab eis tam separati, quàm de Ecclesia sunt profugi. Nulla societas fidei & perfidiæ esse potest, Qui vnitati & paci Christi inimicus, nobiscum non potest coherere. Si cum precibus & satisfactionibus veniunt, audiantur: Si maledicta & minas ingerunt, respuantur. Epistola quarta, Si qui de collegis Deificam disciplinam negligendam rati, cum hæreticis temere communicant, cum turbetur fides nostra, cum Spiritus talibus sic comminetur, Tu odisti disciplinam, proiecisti sermones meos post te. Si furem videbas, cum eo currebas, & cum adulteris portionem tuam ponebas,

*Hæretici
qualiter de-
uitandi.*

Pfal. 49. & Rom. 1. morte dignos esse probat, & ad pœnam venire, non tantum mala facientes, sed & agentibus consentientes, qui dū malis impœnitentibus illicita communicatione misceantur, nocentium contrāctibus polluuntur, & dum iunguntur in culpa, sic nec separantur in pœna. Propter quod integritatis vestræ religiosam sollicitudinem laudamus pariter & probamus, & quātū possumus adhortamur, ne vos cum profanis & maculatis sacerdotib⁹ communicatione sacrilega misceatis, sed integram & synceram fidei firmitatem religioso timore seruetis. Epistola 6. ex Matth. 10. Samaritanis cum gentibus à Christo omitti iussis, schismaticos cum gentilibus adæquari & præteriri. Ex præallegato item Chore exēplo, obnoxios te Deo & culpæ & pœnæ facturos, qui se Schismaticis contra præpositos & sacerdotes irreligiosa temeritate miscuerint. Sicut & Ose. 9. contestatur, Sacrificia eorum tanquam panis luctus, omnes qui manducant, contaminabuntur, ostendens omnes omnino cum autoribus supplicio coniungi, qui fuerint eorum peccato contaminati. Epist. 7. Si apud insanos furor insanabilis perseverauerit, & recedente Spiritu sancto, profunda cæcitas in sua nocte permanferit, consilium vobis erit singulos fratres ab eorum fallacia separare, neu quis in laqueos erroris incurrat, ab eorum contagione secernere, ne alienæ dementiæ faciliè consentiant, ne se desperatorum delictis participes faciant.

Ergo contumaces, & Deum non timentes, & ab Ecclesia recedentes nemo comitetur. Epist. 8. Procul ab huiusmodi hominum contagione discedite, sermones eorum vt cancer & pestem fugiēdo vitate: discedite à talibus, vitate lupos, qui oues à pastore secernunt: Vitate linguam Diaboli venenatam, qui ab initio mūdi fallax semper & mendax, mentitur vt fallat: blanditur, vt noceat: bona promittit, vt malū tribuat: vitam pollicetur, vt perimat: pacem & salutem, ne perueniri possit ad eam: Ecclesiam spondet, cū id agat, vt qui ei credit, in totum ab ea percat. Et lib. 3. Epist. 3. mirificè gratulatur quibusdam ad Ecclesiam reuersis, quibus quòd antea communicare non posset, quos semel diligere cepisset, dolebat vehementer & grauitè agebatur. Et Tractatu 3. Quid facit in pecore Christiano luporum feritas? canū rabies, venenum lethale serpentum? & cruenta sauitia bestiarū? Gratulandum est cū tales de Ecclesia separantur, ne columbas, ne Christi oues seua sua & venenata contagione prædentur. Coniungi non potest amaritudo cum dulcedine, caligo cum lumine, pluuia cum serenitate, pugna eum pace, cum fœcūditate sterilitas, cum fontibus siccitas, cum tranquillitate tempestas. Sic ante iudicij diem hīc perfidi dereguntur, & iam iustorum ac iniustorum animæ diuiduntur, & à frumento paleæ separantur. Quos & designat Spiritus Psal. 1. sedentes in pestilentia cathedra pestes & laes fidei, serpentis ore fallētes, corrumpunt.

pendæ veritatis artifices, venena lethalia linguis pestiferis euomentes. Nec ita post, Vitate, quæso vos, eiusmodi homines, à latere auribusque vestris perniciofa colloquia velut contagium mortis arcete, auersandus talis atque fugiendus, quisquis fuerit ab Ecclesia separatus. Et, Recedendum est à delinquentibus, imò fugiendum, ne dum quis malè ambulantibus iungitur, & per itinera erroris & criminis graditur, à via veri itineris exerrans, pari crimine teneatur. Serm. 5. Eiusmodi homines, quantum potestis, perniciosos contactibus adhaerentes salubri cautione vitate. Quorum colloquium velut contagium transilit, noxia & venenata persuasio persecutione ipsa peius interficit. Eadem, sed paucis attingit ad Quirinum lib. 3. cap. 68. Recedendum ab eo qui inordinatè, & contra disciplinam viuit. Et 78. Cum hæreticis nec loquendum. Hæc super vitanda hæreticorum non doctrina tantum, sed etiam

Ecclesia nulli hæresi claudenda.

consuetudine. Quorum tamè nulli claudi Ecclesiam idem velit. Opto (inquit primo loco) omnes in eam regredi, vniuersos intra Christi castra, & Dei Patris domicilia concludi. Remitto omnia, multa dissimulo, studio & voto colligendæ fraternitatis, etiam in Deum commissa nō pleno iudicio religionis examine, delictis plusquam oportet, remittendis penè delinquo, amplector plena & pròpterea dilectione cum pœnitentia auertentes, peccatum suum satisfactione humili confitentes. Si qui autè pu-

tant se ad Ecclesiā minis non precibus regredi
posse, aut aditū terroribus facere, non lamēta-
tionibus aut satisfactionibus, pro certo habeāt
cōtra tales stare Ecclesiam Domini, nec castra
Christi, inuicta & fortia, & Domino tuēte, mu-
nita, cuius cedere. Sacerdos Dei Euangeliū te-
nēs, & Christi pręcepta custodiēs, occidi potest
vinci non potest. Et paulò post, Opramus, ora-
mus, ac deprecamur Deū (quē prouocare & ex-
acerbare nō desinūt) vt eorū corda mitescāt, vt
furore deposito, ad sanitatē mētis redeāt, vt pec-
catores à delictorū tenebris penitētiā agnoscāt
& magis petāt pro se fundi preces & orationes
antistitis, quā fundāt sāguinē sacerdotis: Sin in
suo furore permāserint, in insidiis ac minis suis
parricidalibus crudeliter perseuerauerint, nul-
lus Dei sacerdos sic infirmus, iacēs, abiectus sit;
imbecillitate humanę mediocritatis ita inuali-
dus, qui nō cōtra Dei hostes & impugnatores
diuinitus erigatur, cuius nō humilitas & infir-
mitas vigore & robore Domini protegētis ani-
metur. Nostra nihil interest aut à quo, aut quā-
do perimamur, mortis & sanguinis prēmii à
Domino recepturi. Et hic ergo mart. hēreticos
vndecunque recipit, sed pœnitētes tantū, & sa-
tisfacere paratos, antē alioqui moriturus. Eadē
mēs fuit Leoni 1. eos scilicet simul & pertina-
ces vitādi, & pro iis tamē cōuertēdis orādi. Fu-
gite, inquit, mūdanz argumēta doctrinę, vipe-
rea hāret. vitate colloquia. Nihil vobis cōmu-
ne sit cum eis qui Catholicę aduersantes fidei,

solo sunt nomine Christiani: non enim templū Spiritus Dei, nec membra sunt Christi, sed falsis opinionibus implicati, tot species habent Diaboli, quot simulacra mendacij. Serm. 18. de Passione. Et Serm. siue Tractatu de vitādis hæreticis inscripto, Fraterna vos & paterna solitudine commonemus, vt inimicos catholicæ fidei, hostes Ecclesiæ, &c. in nullum recipiatis consensionis affectum, dicente Apostolo, Hæreticum, &c. propria enim pertinacia perit, & sua à Christo discedit insania, qui eam impietatem, per quam ante se multos scit periisse, sectatur, & religiosum sibi atque catholicum putat, id quod sanctorum Patrum iudicio constat esse damnatum, vt adhuc quasi nouæ, & necdū damnatæ, in perniciem animarum suarum cōsentiant prauitati. Hos ergo tāquam venenum mortiferum fugite, excremini, declinate, ab eorum colloquiis, si increpati à vobis, corrigi nōluerint, abstinete: Iusto enim iudicio ab Ecclesiæ vnitāte reiectis nulla est tribuenda communio, quā sceleribus suis, non nostris odiis perdiderunt. Ecclesiasticum tamen, concionatur idein alibi serm. 4. in Epiphania, & diuinitus institutum non solum non inhiibemus, sed etiam incitamus affectum, vt etiam pro talibus nobiscum Domino supplicetis, quoniā & nos deceptarum animarū ruinas cum fletu & mœrore miseramur, & Apostolicæ pietatis exemplo, cum infirmantibus infirmamur, 2. Cor. 11. cum flētibz flemus, Rom. 12. Speramus enim

*Orandum
pro hæreticis*

exoran-

exorādam Dei misericordiam, multis lacrymis & legitima lapforum satisfactiōe, quia dum in corpore viuitur, nullius desperanda reparatio, sed omnium est optanda correctio, auxiliāte Domino, qui erigit elisos, soluit compeditos illuminat cæcos, Psal. 144. Quosdam ergo qui rebus impiis consensum præbuerant, reconciliationem reposcentes, & catholicorum communionem desiderantes, sic exaudiuit, vt correctis, & errores propria subscriptione damnantibus, pacis gratia tribueretur. Epistola 39. Quia deuotionis vtrunque Christianæ est, vt pertinaces veritas iusta coërceat, conuersos charitas non repellat. Et epist. 40. cap. 1. Communionis item cupidos, qui dolerent se cōtra potentiam & terrores, non tenuisse constantiam, sed alieno scelere consensum præbuisse, cū sic eos formido turbasset, vt in damnationem catholici ac innocentis antistitis, & in receptionem detestabilis prauitatis trepido famularentur obsequio, suarum interim Ecclesiarum cōmunionē contentos esse voluit, quatenus qui plenis satisfactionibus malè gesta cōdemnarent, & accusare se magis quàm tueri eligerent, pacis & communionis vnitate lætarentur, sic vt digno prius anathemate cōtra fidem catholicam recepta damnarentur. Non potest, ait, in aliquo benignitas nostra reprehendi, cū satisfaciētes recipimus, quos dolumus esse receptos. Nec asperè communionis nostræ gratia deneganda, nec temere largienda, quia sicut

*Harotici res
piscantes non
auerfandi.*

plenum pietatis est, oppressis charitatem Dominicam redhiberi, sic iustum omnia perturbationis autorib⁹ imputari. Et epist. 41. Quod de multis meliora iudicata sūt, qui se deceptos doleant, & damnata cum autoribus suis perfidia, gratiam communionis nostræ exposcant, nos libenter accipimus, reddituri eis quam desiderant communionē, cū promissa compleuerint. Quos autem in sua persistere obduratione cognouimus, oportet districtius cōprimi, si nequeunt benignitate sanari. Addēdum obiter ex eodem, hæreticos cū ab omnibus, tū à mulierculis maximè fugiēdos. Hos ergo, ait serm. 5. de Ieiunio x. mensis, homines per omnia execrabiles ac pestiferos, quos aliarum regionum perturbatio nobis intulit crebriores, ab amicitia vestra penitus abdicare, vósq; præcipuè mulieres, à talium notitia & colloquiis abstinete: ne dum fabulosis narrationibus incautus delectatur auditus, in diaboli laqueos incidatis, qui sciens quòd primum virum mulieris ore seduxerit, & per fœmineam credulitatē omnes homines à paradisi fœlicitate deiecerit, vestro nūc quoq; sexui securiore insidiatur astutia, vt quas sibi potuerit per ministros suæ falsitatis illicere, & fide spoliet & pudore. Pudēdo certè subiecto ibidem exēplo puellæ vt multūm decennis, adolescentuli vitiatoris, duarūque nutricum ei sceleri præparatarum. Qui locus opportunior erat, si tum meminissē, Digress. 13. nostra in 2. Tim. 3. & hinc ergo illic suppleatur.

Mulieres maximè hæreticos demerent.

Pergit idem Leo, Vos quoque obsecrans moneo, vt sicui vestrũ innotuerit vbi habitent, doceant, quos frequentent, in quorum societate requiescãt, nostrę sollicitudini indicetis, quia vni parũ cuique prodest, quod protegente Spiritu sancto ab eis non capitur, si cùm alios capi intelligit, non mouetur. Cõtra communes hostes pro salute communi vna cõmunis esse debet vigilantia, ne de alicuius membri vulnere alia possint membra corrumpi. Qui tales non prodendos putant, in iudicio Christi inueniuntur rei de silentio, etiam si non contaminentur assensu. Et serm. 4. de Collectis. Vt in omnibus placeat Domino vestra deuotio, etiam ad hanc vos hortamur industriam, vt vbicunque latentes hereticos vestris Presbyteris publicetis, Magna enim pietas prodere latebras impiorum, & in eis Diabolum, cui seruiunt, debellare, contra quos omnem terrarum orbem, & totã vbi-que Ecclesiam decet fidei arma corripere. Nõ sinantur latere homines, apud quos nihil sanctum, verum, integrum. Cauendi sunt, ne cuiquam noceant, prodendi, ne qua ciuitatis nostrę in parte consistant, &c. Habes hic hereticos præterea prodendos, nedum vitandos, neque tamen desperandos, & quatenus recipiendos. Quæ bona ex parte vno velut fasces ac ceu epilogo comprehendit Gelasius, Leonis duobus tantũ intermediis successor, vigesima quarta q. 2. Can. Legatur (ait) ex quo est religio Christiana, vel certè detur exemplum

*Hereticos non
celandi, sed
prodendi.*

*Venia non
nisi se corri-
gentibus dā-
da.*

*Orūdum pro
hæreticis vt
sit.*

*Origenes
multarū hæ-
reseon radicē*

in Dei Ecclesia, à quibuscumque pontificibus, ab Apostolis, à Salvatore denique veniam nisi se corrigentibus fuisse concessam. Auditum enim sub cælo non legitur omnino vel dicitur, Date veniam nobis, dum tamen nos in errore duremus. Quibus hoc canonibus aut regulis, qua electione, quo documento à maioribus nostris, ab Apostolis, à Domino, siue factum est vnumquam, vel faciendum esse mandatur? & canon omnium penè veterum hac de re canonum epilogi loco esse possit. Atque hinc alij aliam rationem secuti, aliter atque aliter se cum hæreticis gesserunt: Quidam sic pro eis orabant, vt tamen vitarent. Epiphanius Salaminæ in Cypro episcopo Ioanni Hierosolymitano cœpiscopo conquerenti, quod is in oratione inter diuina sacrificia pro hoc dicere soleret, Domine præsta Ioanni, vt rectè credat, respondet, interpretæ Hieronymo, non se adeo rusticum, vt tam aperte diceret, nec in alienas sic aures vnumquam protulisse, quod tamen in corde suo semper oraret, Sed dum orationē iuxta mysteriorum ritum compleret, pro omnibus, & pro eo quoque dicere, Custodi illum Domine, qui veritatem prædicat. Vel certè ita, Obsecro, ait, te, & pedibus tuis precor aduolutus, præsta mihi & tibi, vt salueris, sicut scriptum est, à peruersa generatione, & recede ab omni hæresi. Hac enim de causa omnis vestra in me indignatio concitata, quod rogarem ne Origenem multarum scilicet hæreseon radicem, laudaretis, neue ita

erraretis, admonerē. Sic autē cōtradixistis, vt me aliósque qui tum intererant, catholicos ad tristitiam atque lacrymas adduceretis, comminati quòd missis huc illuc epistolis propter defensionem hæreseos odia contra me suscitaretis, & rumpitis quam in vos charitatem habemus, intantum vt feceritis nos etiā pœnitentiā agere, quia vobis cōmunicauerimus, quasi sic Origenis errata & dogmata defendentes. Simpliciter loquor, nos secundum quod scriptum est, Matt. 5. 18. Marc. 4. 9. nec oculo nostro parcimus, vt scandalizantem non effodiamus, neque manui, nec pedi, si nobis scādalum fecerit. Et vos ergo siue oculi nostri, siue man⁹, siue pedes fueritis, similia sustinebitis. Hic habes, hæretici à catholico laudem, vel hætenus cum illo cōmunionem, quandam quasi hæreseos esse communionem. At Augustinum video lucrādi eos magis quàm euitandi sic cupidū & studiosum fuisse, vt cum eis & cominus, publicis scilicet tot disputationibus non tantū admissis, sed quæsitis: & eminus, familiaribus ad eos epistolis sæpenuerò egerit, & quidem non sine aduersariorum laude, adeoque fraternitatis, siue fraterni nominis cōmunionem. Hæreses, inquit de vera Religione, cap. 5. tam innumerabiles à regula christianitatis auersæ, testes sunt nō admitti ad comunicāda eos qui de Deo Patre, Filio, Spiritu sancto aliter sentiunt & hominibus suadent, quàm veritas Christiana postulat. Sic enim creditur & docetur, quod est humane

*D. Augusti-
ni zelus pro
hæreticis.*

salutis caput, non aliam esse philosophiam, & religionem: cū hī quorū doctrinam non approbamus, nec sacramenta nobiscum communicent, quod in eis minus est mirādum, qui sacramentorum quoque ritu dispares esse voluerunt. Magis animaduertendum prædicandūque, qui paria sacramenta celebrantes, quia tamen sentētia dispares, animosius errores suos quā cautius corrigere maluerunt, à catholica communione, & sacramentorum, quamuis parium, participatione exclusi, propria vocabula, propriosque conuentus nō in sermone tantū, sed & in superstitione meruerunt. Nam de iis qui schismata fecerunt, alia est quæstio. Posset enim eos area Dominica vsque ad tempus vltimæ vētilationis velut paleas sustinere, nisi superbix vento nimia leuitate cecidissent, & sese à nobis vltro separassent. Et hīc habes superiorē hæreticorum à schismaticis distinctionē: quia illi praua opinione, hī aliqua superbiētes simulatione, à regula & cōmunionē Catholicæ Ecclesiæ deuiarūt. Vtrisque tamen vtitur: illis, ad probationem doctrinæ suæ, his ad documentū stabilitatis suæ. Alios iuitat, alios excludit, alios relinquit, omnibus tamen gratiæ Dei participandæ potestatem dat, siue adhuc informandi sint, siue reformandi, siue recolligendi, siue admittendi. cap. 6. 7. En hæreticorū sacris catholico non communicandum. De scriptis autem ita distinguit epist. 162. ad quosdam Donatisticos episcopos, Tales (corrige paratos, non ob-

*Hæreticorū
& schismaticorum
differe-
rentia.*

stinatos) vos nisi esse crederem, nullas fortasse vobis literas mitterem. Quanquam & hæreticum quamlibet odiosa superbia tumidū, & per uicacia malæ cōtērionis insanū, sicut vitādum monem⁹, ne infirmos fallat & paruulos, sic nō abnuimus quibuscūq; modis possimus corrigēdū. Vnde factū est vt & ad nōnullos Donatista
 rū primarios literas scriberemus, nō quidē cō-
 municatorias, quas olim iā propter suā peruer-
 sitatē ab vnitrate catholica orbe toto diffusa, nō
 accipiunt, sed priuatas, qualibus & ad paganos
 nobis vti licet, quas etsi legerunt, respōdere ta-
 men noluerūt, vel potius nequiuērunt. Vbi no-
 bis satis vīsum est impleuisse nos officium cha-
 ritatis, quam non solum nostris, sed & omni-
 bus nos debere docet Apostolus, Vos, inquit, faciat Dominus abundare in charitate in inui-
 cem, & in omnes, 1. Thess. 3. Nec prælocutus sū, ne quis me existimet impudētius vobis quā
 prudētius scripsisse, & hoc modo vobiscū de ne-
 gorio animę aliquid agere voluisse, quia nostrę
 cōmunionis nō estis: cū tamē si de negotio fun-
 di, aut pecuniarię litis dirimēdæ vobis scriberē
 nemo fortasse reprehēderet. Vsq; ad eō charus
 est hic mūdus hominibus, vt sibi metipsis vilue-
 rint. Erit ergo mihi ad defēsionē testis hæc epi-
 stola in iudicio Dei, qui nouit quo animo fece-
 rim, quīq; dixit, Beati pacifici, quoniā Dei Filij
 vocabūtur, Matth. 5. O virum verē pacis aman-
 tem atque persequentem! Pelagij autem non
 solū hæretici, sed & hæresiarchæ tū nouissimi,

*Hæretici
 quatenus sic
 ri potest cor-
 rigendi.*

*D. Augusti-
 ni candor.*

nomen non sine laude posuit, quia vita eius à multis prædicaretur, Viri, ait, vt audio, facti, nō paruo profectu Christiani. Et, Sicut eum, qui nouerunt, loquuntur bonum ac prædicandum virum. Et, Credo quòd ita vir tã egregiè Christianus, omnino non sentiat. Et, Attende, obsecro, vt circumspectus vir Pelagius, &c. lib. 2. Re tractat. cap. 33. De peccat. merit. & remiss. lib. 3. cap. 1. 3. 10. cōtra Pelagianos, quos etiam lib. 2. cap. 16. non dubitauit scribere casta vita moribūque laudabiles, & paupertatis Euangelicæ consilium secutos. Quàm alienus à conuitiis, quibus hodie vtrunque scatemus & pugnamus, Fratres, ait, in Psal. 65. si contra Iudæos olim præcisos de radice patriarcharum extollere nos non debemus, sed timere potius & dicere Deo, Quàm timenda sunt opera tua: quantò minus aduersus recentia præcisionum vulnera? Præcisi sunt antea Iudæi, insertæ sunt gentes, ex insertione præcisi sunt hæretici, sed neque contra eos nos extollere debemus, ne fortè præcidi mereamur, quos delectat insultare præcis. Rogamus vos, vt caueatis quicumque in Ecclesia estis, insultare eis qui non sunt intus, sed orate potius vt intus sint, Potens est enim Deus inserere illos. Et alibi, Diligite homines, interficite errores, sine superbia de veritate præsumite, sine sauitia pro veritate certate. Orate pro eis, quos redarguitis & conuincitis, pro qualibus Deum Propheta precatur, Imple

Pelagiani.

*Hæretici nō
insultandum
sed pro eis o-
rādū posuit.*

facies eorum ignominia, & quærant nomen tuum Domine, Psalmo 82. vt norint salubriter erubescere, sic enim nomen Domini quærere poterunt, à quo perniciosissimè auersi sunt, dum pro eo suum nomen extollunt. lib. I. contra literas Petiliani, cap. vlt. Quinetiam fratrum nomine dignatur Donatistas, quo tamen eum illi dedignabantur. Sic præter locos nobis Digress. 26. in 2. Tim. citatos. In Psal. 32. perorans. Ad hanc maximè, vos fratres, charitatem exhortamur, in eos etiam qui foris sunt, siue adhuc Paganos nondum in Christum credentes, siue diuisos à nobis, nobiscum caput confitentes, & à corpore separatos. Doleamus eos tanquam fratres, velint nolint, nostros. Tunc esse desinēt fratres nostri, si deserint dicere, Pater noster. Dicit de quibusdam propheta, His qui dicunt nobis, Non estis fratres nostri, dicite, Fratres nostri estis, Esa. 66. Circumspicite de quibus hoc dicere potuerit, Non de Paganis, nec enim dicimus eos fratres nostros, secundum scripturas, & Ecclesiasticū loquendi morem. Fratres itē & sorores sine aliquo additamento Apostolus nō intelligit nisi Christianos & Christianas. Qui ergo dicunt, Non estis fratres nostri, Paganos nos dicunt, dicentes nos non habere quod dant. Ideò & rebaptizare nos volunt, vnde & consequens est error, vt negent nos fratres esse suos. Sed quare dixit nobis propheta, Vos dicite illis, Fratres nostri estis, nisi quia nos in eis agnoscimus, quod

Fratres nostri sunt etiā hæretici, qui dicūt, Pater noster, &c.

non repetimus? Illi ergo non agnoscendo baptisum nostrum, negant nos esse fratres: nos non repetendo ipsorum, sed agnoscendo nostrum, dicimus eis, Fratres nostri estis. Dicunt ij, Quid nos quæritis, aut vultis? Respondeamus, Fratres nostri estis. Dicunt, Ite à nobis, non habemus vobiscum rationem. Nos prorsus vobiscum rationem habemus, Vnum Christum confitemur, in vno corpore, sub vno capite esse debemus. Quid, ait, me quæris, si perij? Magna absurditas atque vāsanía. Cur quærerem, nisi quia peristi? Si ergo perij, inquit, quomodò sum frater tuus? Vt dicatur mihi de te, Frater tuus mortuus erat, & reuixit: perierat, & inuentus est, Luc. 15. Adiuramus ergo vos, fratres, per viscera charitatis, cuius lacte nutrimur, pane solidamur, per c. d. n. per mansuetudinem eius. Tempus est vt impendamus in eos magnam charitatem, abundantem misericordiam, in deprecādo Deum pro illis, vt aliquando det eis sensum sobrium, vt resipiscant, & videant se, quia non habent omnino quod contra virtutem dicant. Nec in eis remāsit nisi sola infirmitas animositatis, tantò languidior, quantò se maiores vires habere existimat. Pro infirmis, carnaliter sapientibus, animalibus & carnalibus, tamen pro fratribus nostris eadem sacramenta celebrantibus, etsi non nobiscum eadem, tamen vnum Amen respondentibus, etsi non nobiscum vnum Amen. Hortamur medullas charitatis vestræ, fundatis ad Deum

preces pro eis. Hactenus Augustinus, prorsus iuxta Paulum, qui super eo, quem vitandum, & à cuius commercio abstinendum præceperat. Nolite tamen, inquit, ut inimicum habere, existimare, ducere, sed corripite, admonete, castigatè ut fratrem, 2. Thess. 3. Proinde tametsi familiarius versari, aut interiorum cum excommunicatis habere consuetudinem, per Ecclesiasticam disciplinam minimè liceat, debemus tamen quibus modis possumus, eos ad Ecclesiæ unitatem inuitare, inuitatos conuertere, & conuersos recipere.

Cum misero ad te Artemam aut Tychicum, festina venire ad me Nicopolim: ibi enim statui hyemare. Zenam legisperitum, & Apollo sollicitè præmitte, ut nihil illis desit. Discant autem & vestri bonis operibus præesse ad vsus necessarios, ut non sint infructuosi. Salutāt te qui mecum sunt omnes. Saluta eos qui nos amant in fide. Gratia Dei cum omnibus vobis. Amen.

HÆC est huius epistolæ vltima pars, siue conclusio, in qua quædam scribit familiaria, & primò quidem circa se ac discipulum disponenda. Nihil ergo vetat ubi de rebus Ecclesiasticis docuerimus, de priuatis quoq; nonnihil breuiter scriptitare: quanquam Pauli quoque quæ sequun-

tur domestica, è Republica sunt. Postremò salutandis suo more amicis epistolam claudit. In huius autem exordio legimus relictū in Creta Titum, vt quia Cretenses nuper crediderant, recedente Paulo, & ad alias Ecclesias transeunte, non dimitterentur orphani, sed haberent Apostolicum virum, quæ deesse videbantur suppleturum. Quia ergo post fundatas & alias Ecclesias necessarius erat Titus ædificium fundamento superstruaturus, hæc interim, ait, quæ

Artemas. scribo, serua. *Cum misero ad te Artemam.* Hunc Lystris episcopum fuisse testatur in Synopsi Tyrius Dorotheus. Facit huic cognominem alterum, multò alium Eusebius lib. 7. cap. 30. Pauli Samosatensis hæretici patrem, & Theodoretus lib. 1. cap. 4. & *Tychicū*, de quo nos. 2. Tim. 4. ex eodem Dorotheo & Beda. & Act. 20. Eph. 6. Col. 4. Pauli fuisse comitem, charissimum fratrem, comministrum, & conseruum in Domino, diaconum, nuntium, & vtriusque ad Thessalonicenses epistolæ tabellariū, Chalcedone post in Bithynia episcopum, in insula Papho repositum. Iustum ergo erat, vt qui dixerat, Sollicitudo mea omnium Ecclesiarum, 2. Cor. 11. & Euangelium ab Hierosolymis ad Illyricum vsque fundauerat, Rom. 15. non pateretur sui & Titi absentia Cretenses desertos, ad eam, cuius ab eis prima pullulauerant semina, relabi Idololatriam. E duobus itaque qui secum fuerant, vnum aut alterum præmittendum, qui locum eius impleret, populūque in

ipſius abſentia regeret. Ex quo paternum Pauli erga Cretenſes affectum probat Hieronymus, neceſſarium ei fuiſſe Titum in Euangelij miniſterium, noluiſſe tamen cum ad ſe venire, niſi prius ei ſucceſſor adueniret, cuius doctrina & ſolatio illi foueretur, & eis interim dum Titus ad Paulum venerit alteruter prouideat. *Fefſina*, cura, ſtude, da operam, *venire ad me*, vt ad me venias, vt & alibi prædices, poſt epiſtolam datam vult eum videre, vel affectus cauſa, vel plenius eum in Eccleſiaſtica diſciplina confirmaturus, Ambroſio Græci conſentiunt. Eccuius enim alterius rei gratia, cùm tot ei Eccleſias, & tantam inſulam credidiſſet, ruruſ ad ſeipſum vocaret, quaſi ab opere incepto diuellens? Non hoc, inquit, ago, vt à cœpto te ſtudio aut miniſterio ſubmoneam, ſed vt à me inſtructior, doctior, & perfectior diſcedas, vt plus tibi proſim, & magis ad opus ac officium tuum perficiaris, à me num in eo te rectè geſſeris, & in iis quæ tibi credita ſunt, examinatus: ſed & viciffim tui indigeo in adiutorium prædicationis. Nec ei tempus determinat, ſed locum, *Nicopolim*, iifdem Græcis Thraciæ urbem, Iſtro

Nicopolis.

adiacentem, Macedoniæ finitimam, vnde ſcriptam hanc colligunt, quo tempore in Macedonia & Achaia verſabatur. Hieronymus eam putat quæ ab Auguſti victoria, victis ibi Antonio & Cleopatra, id nomen accepit, at eam peractam conſtat apud Actium Epiri promontorium, vnde & Actiaca paſſim vocatur, & idem

planè præfatur de Nicopoli in Actiaco litore
 sita, loqui Paulum ac scribere, post suarū Pau-
 læ & Eustochij possessionis parte maxima.
 Alexander Issum oppidum inter Ciliciam &
 Syriam, ob victū ibi Darium sic vocauit. Aliam
 in Armenia minore, inter Euphratis & Araxis
 initia Pompeius, cum Lucullo cōtra Mithrida-
 tem successisset, extruxit. Est & Bithyniæ & in
 Aegypto alia, non procul ab Alexandria, Iose-
 pho lib. 5. cap. 14. ob victos ibi Antonianos ab
 eodem Cæsare, summè culta. Ex Strabone lib.
 7. 10. 12. 14. 17. Ptolom. lib. 3. cap. 11. 14. lib. 5.
 cap. 7. 8. Plin. lib. 5. cap. ult. Bithynicę meminit,
 & lib. 6. cap. 9. aliū in Armenia maiore. Ho-
 rum primus Apostolo nostro contempora-
 neus Epiroticam Nicopolim suo tēpore testis
 est, egregia incolarū multitudine abundauisse,
 in dies multiplicatam, latos fines habuisse, ho-
 stilibus ornatam spoliis, templo, luco sacro,
 gymnasio, studio, ludis quinquennialibus cele-
 brem, vicinis vicis & locis eius iuri attributis.
 Iosephus lib. 16. Antiquit. cap. 9. Nicopolitanis
 ad Actium maiorem partem publicorum ope-
 rum Herodem suis impendiis perfecisse autor
 est. Meminit & hui⁹ in Europa Pius 11. cap. 14.
 Pompeianæ in Asia, cap. 44. In Actiaca inuen-
 tam ab Origene ex pluribus Bibliorum trās-
 lationibus vnā scripserunt, Eusebius lib. 6. cap.
 17. Nicephor. lib. 5. cap. 11. Nec omittam, quan-
 do semel cœpi, & in Palæstina Nicopolim, à si-
 mili, vt superiores, euentu, post deuictos à Ro-

manis Iudæos, cùm antea vicus esset nomine Emmaus, Luc. 24. de qua ibidem, vita comite, *Emmaus, vicus.* & siquidem Dominus dederit. Ex Hieronymo in epitaphio Paulæ, in Iulio Africano, ad Ezech. 48. Dan. 8. 11. Abd. 1. Sozomen. libr. 5. cap. 21. Nicephor. libr. 10. cap. 31. Tripartit. libr. 6. cap. 42. Beda, de mundi ætatibus, in M. Aurel. Anton. Imp. &c. Redeo ad textum. Eò igitur discipulum magister euocat, & causificatur, *ibi enim statui hyemare*, aliquantū ibi temporis spatium manere proposuerat, non ergo vt illum secum circunduceret, aut vbique comitem haberet, idè ad se vocabat. Ibi igitur quòd Apostolus hyemauit, non leue argumentum est, & in Epyro, & locis iuxta adiacētibus eum Euangelium prædicauisse. Sequitur, *Zenam legisperitum*, νομικόν, legis doctore legit Hieronymus: quis autem fuerit, de alio scripturæ loco dici non posse, nisi hoc tantum, quòd & Apostolicus vir fuerit, & idem operis quod & qui præcedunt & sequuntur, exercuerit, Christi vtique Ecclesias extruendi. Ambrosius, sic appellari, quòd huius in Synagoga professionis fuerit, siue, quod Aquinas, hanc in Iudaismo dignitatē habuerit. Subscribunt & Græci, legis quidem, sed Iudaicæ, peritū hoc loco dici, nō verò quòd nihil aliena eidē instructione foret opus. Sic enim passim vocatur in Euāgeliis Legisperiti, in dubiè Mosaiçe, νομικόν, Mat. 22. Luc. 7. 10. 11. 14. Bruno mauult vel scripturæ diuinæ, vel secularis peritū, Quid enim aliud quàm hīc diuines?

Et hunc Diospoli facit episcopum Dorotheus,
Apollos. vt & Cæsariæ, qui sequitur, *Apollo*, Sedulio,
 Anselmo, Aquinati, post Hieronymum, prius
 Corinthiorum, Luca teste, Act. 18. virum ex Iu-
 dæis Alexandrinum genere, eloquentem val-
 de, ac in scripturis potentem, Domini viam
 edoctum, & quæ sint eius, loquentem ac dili-
 genter docentem, spiritu feruentem: Sed cum
 Ioannis tantum baptisma nosset, & liberè ac
 cum fiducia in Synagoga loqueretur & age-
 ret, hunc Priscilla & Aquila ascuerunt, & dili-
 gentius ei Dei viam exposuerunt, sic vt in
 Achaïam profectus, discipulis vt eum suscipe-
 rent, cõmendatus à fratribus, multum his con-
 ferret qui crediderant, vehementer Iudæos pu-
 blicè reuincens, & per scripturas ostendens
 IESVM esse CHRISTVM. Hunc ergo tan-
 tum talémque virum, Ambrosio in lege perfe-
 ctum, putant iidem qui supra, & Lyrensis, pro-
 pter eas quæ Corinthi erant dissensiones ad-
 uersus eum per pseudapostolos concitatae, ita
 vt dicerent, Ego sum Pauli, Apollo, Cephæ,
 Christi, 1. Cor. 1. 3. 4. ad vicinam insulam Cre-
 tam, & Titum Cretensem episcopum, cum
 Zena socio trās fretasse, & dissensionibus Pau-
 li epistola temperatis ac sedatis, Corinthum
 reuertisse. Aliquandiu certè suis fuisse suboffen-
 sum coniiicere est, ex eo quod eis scribit Apo-
 stolus cap. 16. multum se illum hortatum pre-
 catumq; vt ad eos veniret cum fratribus, tunc
 noluisse: venturum, cum ei vacaret, & commo-
 dum

dum ac opportunum foret. Hos ergo, cum nobiles essent sapientia & operibus, & secundum Græcos & Aquinatem, nondum eis Ecclesiæ fuissent commissæ, aut vlla credita regiminis Ecclesiastici cura, Titi modò erant comites, hos, ait, *solicite præmitte*, imò studiosè deducito, ac sedulò prosequere, quod officium solemus hospitibus exhibere, *sic ut nihil illis desit*, Mandat Tito, ut priusquam ad se veniret, eos decen- ter ac bene procuratos remitti ac deduci, iu- bens eis ab his qui crediderant, sumptus neces- sarios dari, eoque refrigerari: quia dignum erat, ut qui spiritalia tradebant, non eis dees- sent carnalia, Rom. 15. 1. Cor. 9. ut nihil per- dant de fructu tardantes, sed vberiore doctri- na perfruantur. Cura, ut quibus opus habent, ea ipsis subministrantur, ne qua re destituan- tur, abundè illis provide victum ac vestitum. Et de alimèntis enim hîc agi Græcis Latini con- sentiunt, ut quoniam de Creta in Græciam ad- nauigaturi erant, ea quæ ad viaticum sunt ne- cessaria, eos habere faciat, non sitarciis indige- re, ut Hieronymus, aut qui minus eum forsan intellexit, marsupiiis. Est autem, obiter, vtrum- que Græcum, *στραγία*, Polybio lib. 5. Philoso- pho Oeconomic. 2. militaris annona, com- meatus, frumenti diuisio seu frumentatio, *μαρ- σὺπιον*, saccus nummarius, in quo numi recon- duntur. Sequitur, *Discant autem & vestri*, Græ- cis, Hieronymo item & Ambrosio, nostri, sed siue secunda persona, Cretenses vobis sub-

*Necessaria
verbi predi-
catorib⁹ sup
peditabātur
à fidelibus
auditoribus.*

diti, habes, ait, in discipulos potestatem, siue prima, vt suos vocet qui in Christo crediderant, qui quia Christi erant, rectè & Pauli & Titi appellari merebâtur, est occultæ, quæ suboriri poterat, quæstionis & responsionis solutio, vt non tam Titus, quàm quicumque epistola lector hoc diceret: Et vnde Tito, vt viaticum non habentibus largiretur? Soluir, & quasi nihil sibi opponatur, elidit, q. d. Si non habes, vel si quæris vnde hæc accipias, prouideât quos ego ad Christum conuerti, & tibi diuinis instruendos reliqui. Doce, imò doceamus & nostros quoque fideles ex gentibus, sicut ex Iudæis, & alij de Asia cōuersi faciunt, qui suis prædicatoribus, & aliis indigentibus prouident, *bonis operibus præesse*, vel sibiipsis, de die in diem, vt sic cum Brunone loquar, meliorando, vel illos, Iudæos scilicet & Asiaticos excellere, & fratribus aliis rectè factis præire ac præuenire, vt sit eius quod paulò antè dixit, repetitio. Current bonis operibus præesse, qui credunt, q. d. Potuisssem & aliter eis prouidere, ne vlla re indigerent, velim tamen, vt qui apud te sunt, ex iis quæ illis præmittendis deducendisque supeditaueris, & quoddam eos rebus ad iter necessariis instruxeris, addiscant in bonis erga proximos meritis exerceri, & aliis prælucere, *ad usus necessarios*, siue doctrina eis, siue elemosyna & humanitate opus fuerit, rationem indigentium habentes, verbis, pecuniis, & quibusvis modis eis succurrere, eosque fouere, nec in quibus-

cunque tamen causis ministrare, sed in vñsibus necessariis, habentes quippè victum atque vestimentum, his contenti simus, 1. Tim. 6. & qui altari seruiunt, de altari viuant, & qui participes spiritualium nostrorum facti sunt, debent nobis sua communicare temporalia, vbi paulò suprà. *Ut non sint infructuosi*, vel sibi, Dominum sic multimodè demerètes, vel doctoribus suis, eis necessaria modò, non quolibet aut superflua ministrando, Laborantem enim agricolam oportet primum de fructibus accipere, 2. Tim. 2. Et, Quis plantat vineam, & de fructibus eius non edit? & debet qui arat aut triturat, in spe id agere fructus percipiendi, 1. Cor. 9. Conuenit ergo eos quibus diuina docèdi munus creditum est, fructus huiusmodi ferre, de quibus Salomon, citante Hieronymo, fructus verò eleemosyna, Prou. 3. & Paulus primum spiritus fructum charitatem vocat, Gal. 5. quæ in communicatione & ministerio vel maxime comprobatur. Ergo ne forsitan vel Pauli epistolam, vel Titi præceptum contemnerent, infructuosos vocat, quicumque viris Apostolicis, & Christum euangelizantibus non ministrant, quibus necessaria nolle tribuere, sterilitatis est seipsum condemnare. Si enim populus, Dei vinea est, fructum ferre debet, non spiritualement tantum, sed & temporalem, quo qui plantant atque rigant. 1. Cor. 3. sustententur, & qui verbo catechizatur seu docetur, catechista in bonis omnibus cõmunicet. Gal. 6.

*Necessaria
modò pete-
bant verbi
pracones.*

*Charitas,
primus fru-
ctus spiritus.*

*Infructuosi
auditores,
qui sint.*

quia qui parcè seminat, parcè & metet, 2. Cor. 9. & qui libenter ac benignè largitur, copiosè colliget. Aliàs infructuosus futurus, & vt arbor fructum bonum non faciens, excidendus & in ignem mittendus, Matth. 3. 7. Luc. 3. At Græci de fructum hunc dantibus magis quàm accipientibus exponunt, quasi suo more Paulus, hîc vt ybique, illis quàm his potius consultum velit, nec tam vt ministri aut pauperes accipiendo lucrum inde faciant, quàm vt fideles eis dando, ex ea, qua in proximos vsi fuerint, humanitate commodum capiant, ac fructum referant. Poterat Dominus, qui ex paucis panibus & pisciculis tot hominum milia non semel refecerat, & seipsum & discipulos sic semper alere, sed maluit à mulieribus ali & victum capere, Luc. 8. vt & eæ inde proficerent, & fructum consequerentur. Poterat & Apostolus eius, qui manuum suarum ministerio sibi suisque necessaria suppeditabat, idem faciendi & aliis exemplo suo necessitatem imponere, at ab aliis contrà & exigit, & accipit, & suo quoque exemplo idem exigendi accipiendique potestatem posteris fecit, 1. Cor. 9. sed audi, quare ad Phil. 4. qui ei in ratione dati & accepti siue expensorum communicauerant, & quæ illi opus fuerant, bis miserant, Non quia, inquit, quæro datum, donum, munus, sed requiro fructum exuberantem in rationem vestram, hoc est, Euangelij profectum, quæ res vobis sit utilissima. Idem de eleemosyna &

*Christus cur
non se mira-
culo aluit
& suos.*

ben
cipi
affe
piat
12. l
tur
dian
mo
facie
tat T
siue
terti
tum
cant
diur
con
vel
Pau
set,
me
qu
fide
CH
qu
qu
en
ser
rer
tre
du
ter

beneficentia dici potest, non tantam eam accipientibus, quantam & facientibus vtilitatem afferre. Peccatis enim resistit, extinguit, expiat, Ecclesiastici 3. Dan. 4. redimit. Tob. 4. & 12. liberat ab omni peccato & morte, nec patitur in tenebras ire, facit inuenire misericordiam, & vitam æternam, Magna coram summo Deo fiducia, Eleemosyna omnibus eam facientibus. Consequenter & postremò salutatur Titum Paulus, primùm ex parte filiorum, siue sociorum: secundò rogat & alios salutari, tertio salutem suam ponit, *salutant te qui mecum sunt, omnes*, Salutem dicunt, & tibi præcantur comites mei, Omnes propter compendium & breuitatis causa, tacitis nominibus, consalutatores, vel solita consuetudine vsus, vel propriè in Titum, cuius magna laus per Paulum ab omnibus salutari, quòdque talis esset, vt amorem omnium qui cum Paulo erant, mereretur. Illi ergo te, ait, salutant. Tu quoque ex nostra parte *saluta eos qui nos amant ex fide*, vel vniuersaliter apud Cretam fideles, seu Christianos, vel salutatione dignos videri vult, qui fideliter, non fictè, & affectu Christi, fideique causa, non aut carnis, aut sanguinis. Si enim omnis qui amat, in fide amaret, nec essent qui absque fide diligerent, fidem ad amorem non apposuisset. Amant & quædam matres filios, vel pro eis emori paratæ, sed interdum non in fide, Et vxores maritos, frequenter & eis immortalæ, sed amor hic interim

*Eleemosyna
vtilitas.*

*Amor ex fide,
qui fit.*

non est fidei. Sola sanctorum dilectio in fide diligit & charitate, etiam infideles & inimicos, sed ea intentione ut fideles fiant, & sic amici, iuxta illud, Omnia vestra in fide & charitate fiant, quia credit in eum, qui pro eius mandati expletione mercedem retributurum se pollicitus est. Veritatis igitur magister non vult aliter amari, quam ex solo pietatis instituto. *Gratia Dei cum omnibus vobis*, supple, sit, aut adsit. Hieronymus admonet, nec Dei in Græcis codicibus, nec Domini nostri haberi in libris authenticis. Nunc generaliter salutat omnes fratres & Titi domesticos, nec vni scribit propter ipsius tantum utilitatem, sed propter totam Ecclesiam in commune sanctis atque credentibus. Et sicut patriarchæ benedicebant filios, Gene. 27. 49. Deut. 33. Et Apostoli quocunque ingredientes, pacē optabant super dignos requieturam, ab indignis ad illos reuersuram, Matt. Luc. 10. Ita nunc & Paulus in fine Epistolæ, gratiam imprecatur, quæ cum voto effectum habebat, & in credentium erat potestate, si talem se benedictus, qualem benedicens præbere voluisset. Est autem gratia bonorum omnium principium, vitæ beatæ arra, q. d. Velim, aut comprecor & exopto, ut Dei donū, & qua indigemus omnes, Rom. 3. vobiscum semper maneat, animasque vestras & corpora perpetuò tueatur, conseruet, ac custodiat. *Amen*, verè, siue fideliter. Ad Titum quidem primum Ecclesiæ

Gratia, vi-
te beata
arra.

Cretenſium epiſcopum ordinatum, ſcripſiſſe
 Paulum hæc e Nicopoli Macedoniæ oppido
 Græci monent, nobis autem omnibus pro-
 feſtam ex iis vtilitatem præbere. His enim
 theſauris vt communibus fruimur, Vtinam
 & nos ſeruare poſſimus quæ collecta
 ſunt, in Chriſto Domino, cum
 quo Deo Patri vnà cum S.

Spiritu omnis ho-
 nor & glo-
 ria.

Zz iiij



D. ÆGIDIO BURDINO

IN AMPLISSIMO SENATU

Parisiensi procuratori Re-
gio, V.C. S.P.

Cum in hac Urbe ante annos plus minus decem, loco scilicet atque tempore valde alieno, negotium mihi exhibitum esset, quo uti me explicarem, opera mihi tua, id est, autoritate Regia fuit opus. Collegi raptim carptimque, quæ tum mihi super eius negotij argumento in mentem venerunt, nihil minus quam de illis in lucem unquam edendis tunc cogitans. Nunc Verò pro ea quam ad superius argumentum habet, vicinia, quod tum Verè parturij, iam demum pario, edo, tibi que V.C. nuncupo, ut cuius patrocinio collector tunc in tuto fuit, eiusdem quoque nomine collectaneum publice securum obambulet. Erit autem publicum quoque testimonium, quam reculus studioliisque meis propitium semper te senserim, quamque eius, quo in bonis sacrisque literis & diu & senex fruor, ignobilis quidem, sed otij dulcissimi, & sum & ero, dum vivā, reliquator tibi non ingratus. Nā quò votis hoc magis omnibus unum à Domino semper ex-

petiui, *sempérque magis atque magis hoc Inuē*
requiram, tantò plus tibi gratia & debeo &
habeo: In qua, prout atque deberem, habenda
quominus prolixus sim, quod scripsit Flaccus
ad principem, non immeritò apud te, diligen-
tissime principis procurator, excussem,
Cùm tot sustineas & tãta negotia solus,
in publica commoda peccem, Si lon-
go sermone morer. Incolumem ergo
Christianissimo Regi, Regno & Rei-
publica nostra diu te conseruet Al-
riſſimus. Lutetia, ex adibus
Rhemais Calēdis, Maij.

Anno Domini

1567.



*Appendix ad superiorem harescologiam, eodem
Claudio. Espence. collectore.*

DE legēdis hæreticis, quatenus & à qui
bus legi possint aut debeāt, expressus
est Ecclesiæ canon 16. Carthaginen-
sis Concilij 4. Dist. 37. ca. Episcopus
hæreticorum libros pro necessitate & tempore
legat. De quo multò anterior Dionysius Alexā-
drinus episcopus ad Philemonem Rom. Pres-
byterum sic scripsit, Ego hæreticorū tractatus
lego, & traditiones perscrutor, etiā si videar ad
horam verbis eorum pollui: Sed multum mihi
hoc ipsum confert, quando ex ipsorum verbis
eos arguere atque repellere facilius possim, ma-
gis etiam ac magis execrer atque detester. De-
nique cum à quodā fratre sympresbytero pro-
hiberer, verito, ne taliū lectione, tāquam cæni
alicuius fœtore, polluerer, visio mihi diuinitus
oblata est, & vox exhibita, quæ me confirma-
uit, huiusmodi. Disertè enim & clarè mādauit,
dicens, Legito omnia quæcunque in manus ti-
bi venerūt. Disquirere enim & explorare potes
omnia, & hæc tibi fidei ab initio amplectendæ
causa fuit. Hæc visionem accepi vt Apostolicæ
voci congruentem, quæ firmioribus dicit, Esto
te probati spectatq; trapezitæ. Ita Niceph. lib.
6. cap. 8. Vetus Eusebij interpres Ruffinus libr.
7. ca. 6. allusum ad id putauit. Omnia probate,
sive legite, quæ bona sūt, tenete. 1. Thess. 5. Re-
cens cap. 7. ad id. 1. Petr. 4. Sicut probati dispen-
satores. Ambr. initio præfationis in Lucam, de

*Dionysius e-
piscopus Ale-
xandrinus.*

*Visio diuini
tus oblata
super hære-
ticorū libris.*

pseudeuāgeliis heret. legim' aliqua, ne legātur,
 legimus ne ignorem', legimus nō vt teneam',
 sed vt repudiem', & sciamus qualia sunt, in qui-
 bus magnifici isti cor exaltāt suū. Et de fide ad
 Grat. Aug. li. i. ca. 8. Patres nostri suis etiā decre-
 tis sacrilega dogmata ideo īserēda putauere, vt
 Arij perfidia se proderet, ne quasi fucis & colo-
 ribus illita velaretur, fucū enim faciūt, qui non
 audēt explicare, quod sentiunt censorie. Augu- *Matri D.*
 stini matri episcopus quidam in ecclesia nutri- *Augustini*
 tus, & in Dei libris exercitatus, roganti vt filij *pro ipso soli-*
 errores refelleret, mala dedoceret, bona doce- *cita pruden-*
 ret, prudenter respōdit, Sine illū ibi, tantū roga *ter respōsum.*
 pro eo Dominū, ipse legēdo reperiet, quis ille
 sit error, & quanta impietas. Ego quoque, ait,
 paruulus à seducta matre Manichæis datus, om-
 nes pene non tantum legi, sed & scriptitavi
 eorum libros, mibiq; apparuit nullo contrā di-
 sputāte & cōuincēte, quā fugiēda secta esset,
 ideōque fugi. Restituto diacono cuidam epist.
 69. Lege (ait) Tychoniū Donatistā, nō omnia
 quidē probaturus, Nā quæ in eo cauēda sūt be-
 ne nosti, cuius etiā quem regularum is vocauit *Regularum*
 librū, non tantū non dedignatur tantus doctor *liber.*
 sequi, & legendū studiosis cōsulere, quia pluri-
 mū adiuuet ad scripturas intelligēdas, nō vt de
 illo tantū speretur, quātū nō habet, cautē, ait, sa-
 nē legēdus est, non ob quædam solū in quibus
 vt homo errauit, sed ob illa maximè, quæ vt
 hæreticus loquitur, & illic inuenitur absurdissi-
 mi cordis, vbi Donatistas, in quos inuectissimè

*Augustinus
Donatistis li-
teras scribe-
bat.*

scripserat, nō omni ex parte reliquerat. De do-
ctr. Christ. lib. 3. cap. 30. Et quidni hæreticos le-
geret S. August. ad quos etiā priuatī scribebat?
Nam epist. 162. Donatistarum episcopis scri-
bit se ad nonnullos eorum primarios scripsisse
litteras, non quidem cōmunicatorias, quas iam
olim ob suam peruersitatem ab vnitāte catho-
lica toto orbe diffusa non accipiunt, sed tales
priuatas, qualibus etiam ad paganos vti licet,
Et adeo non abhorruit à legendis eorum re-
sponsis, vt queratur literis suis, quas aliquando
illi legerant, Respondere eos vel noluisse, vel
vt magis creditur, nequiuisse, se satis interim
charitatis officium impleuisse visum, quam nō
solum nostris, sed omnibus nos debere docet
Apostolus. Quos etiam vir mitissimus Domi-
nos dilectissimos, & fratres merito prædican-
dos salutat, vt & alibi Madaurenſes Idolola-
tras, quorum epistolam acceperat, Dominos
prædicabiles, & dilectissimos fratres vocat, E-
pistola 42. En super hæreticorum etiam literis
obiter, nedum libris, Latinorum Orthodoxo-
rum iudicium: Quibuscum Græci itidem catho-
lici sentiunt, Ita Basilius Magnus, & Nazianze-
nus Theologus, autore in huius vita Gregorio
Presbytero, Per omnes tam meliores quā de-
teriores (vt dici solet) disciplinarū semitas gra-
diebātur, quo quædam declinare, alia cum pru-
dentia eligere possent, Siquidem laudandum
qui dixit, ignominiosum non esse etiam, quod
minus bonum sit, cognoscere, nimirum ex quo

*Augustini
modestia er-
ga hæreticos.*

remedium iis contingere soleat, qui beneuolè,
 non odiosè, quæ dicuntur excipiunt. Et huc spe-
 ctat eiusdem Basilij, ad Letoium Melitensem e-
 piscopum similitudo, Medicinæ studiosis me-
 dicæ artis magistros venena omnia & noxia
 quæque ac morbifica non ideo discenda propo-
 nere, ut eos uti hortentur, nec ut rerum nocē-
 tium notione ad malitiam instructiores & acu-
 tiores, pro medicis humanæ vitæ corruptores
 euadant, & pro medicinis pestes atque perni-
 cies innotescant, sed toxica naturalis nostræ fa-
 cultatis corruptoria & perēptoria edocti, con-
 trariis medicamentorum compositionibus op-
 positis præcaueant, corpora præseruent, quæq;
 eis accidunt, arte atque disciplina tollant. Sic
 Origenes, Homil. 3. ad id Exod. 4. Domini ad
 Moïsem, Aperiam os tuum, & instruam quæ te
 loqui oporteat, Deus non Moyſi tantum, sed
 & Aarō fratri, & prophetis os, labia, linguam
 aperit, dilatat, ac eloquio suo replet, Dauidi
 Psal. 50. 80. Esaiæ 50. ut sciant tempore suo lo-
 qui verbum, Paulo Eph. 6. Et quotquot Dei ver-
 ba loquuntur. Mepdadium contrā, falsorum te-
 stium, scurrarum, turpiloquorum, susurronum,
 detractorum, otiosa proferentium, multò autē
 magis iniquitatem in excelsa loquentiū, ut Do-
 minum in carne venisse negantiū, aut Spiritum
 sanctum blasphemantium, quis dubitet quod
 talium ora Diabolus aperiat? Nō parua itaque
 gratiæ intelligere os quod Deus, quodvè Dia-

*Venerorum
 natura cur
 medicis per-
 seruanda.*

*Demonstra
 praconū suo-
 rum aperit.*

*Diabolus
 quorum ora
 aperiat.*

*Discretio spi-
rituum.*

*Aurium aper-
tio.*

*Oculorum
apertio.*

*Aures ad
qua clauden-
da.*

*Non audire
& non susci-
pere differens*

os huiusmodi discernere: Ideoque in diuisioni-
bus spiritualium gratiarum additur spirituum
discretio, 1. Cor. 12. De qua 1. Ioan. 4. Probate
spiritus, si ex Deo sint. Vt autem sanctorum o-
ra, sic & aures ad audienda diuina verba Domi-
nus aperit Esaiæ, vbi paulò antè, & oculos quo-
que Agar, Gene. 21. Elisæi puero, 4. Reg. 6. Et
os ergo, & oculos, & aures aperit, vt loqua-
mur, cernamus, audiamus quæ Dei sunt. Sed
non otiosè accipio quod Esaias propheta antè
dicit, Eruditio Domini aperuit mihi aurem, vt
sciam quando oporteat dici, aut etiam audiri
verbum. Quod mihi videtur ad nos, id est, ad
omnem Dei Ecclesiam pertinere, Quæ enim
in Domini disciplina versatur, & per Domini
eruditionem aperitur, non semper aperta est,
sed & aliquando clausa. Audi legislatorem di-
centem, Ne respexeris (fortè receperis) audi-
tum vanum, Exod. 23. Si quando vana, inania,
inepta, turpia, profana, scelestæ dicuntur, qui
nouit Domini eruditionem, claudit aures, a-
uertit auditum, & sicut surdus, & sicut mutus
os suum non aperit, Psalm. 37. Sin ad utilita-
tem animæ quæ proferuntur, pertinent, si de
Deo sermo est, si mores docet, virtutes inuitat,
vitia refecat, huiusmodi eloquiis patère debent
non aures modo, sed & cor, mens, totaque ad
talem auditum animæ ianua pandenda est.

Summa autem præcepti moderatione lex vti-
tur, vt non dicat (non audies) sed non suscipies
auditionem vanam: Nam & vana frequenter

audimus, Quæ Marcion, Valentinus, & quicunque contra creatorem Deum loquuntur, vana sunt, ea tamen nos audimus, vt aduersum ea respõdere possimus, ne fortè subrepant simplicioribus quibusque fratrum per sermonis ornatum, Audimus ergo hæc, sed non recipimus, dicta enim sunt de ore quod Diabolus aperuit, Ideoque orandum, vt dignetur Dominus aperire os nostrum, vt possimus contradicentes reuincere, Tit. 1. & ora quæ Diabolus aperit, obturare. Equè tum prolixa, tum clara allegoria idem ostendit, Homil. 9. In Numer. 16. Apud Deum nihil inutile, vel otiosum intelligi datur, sed quæ hominibus alienanda videntur & abiicienda, aliquid operis necessarij habere inueniuntur, hunc intellectum suggerit lectio, quæ de batillis Chore, reliquorumque qui cum eo peccauerunt, & combusti sunt, commemorat, quod ne hæc quidem iubet abici Deum, sed fieri ex eis laminas ductiles, & inde altare circumdari: Manifestè alicubi dicit Dominus, Non sunt cõsilia mea sicut consilia vestra, nec cogitationes meæ sicut cogitationes vestræ, Esa. 55. Si apud homines hodie hæc causa, & apud Ecclesiarum principes haberetur examen de iis qui V. G. diuersa ab ecclesiis docentes, diuinæ vindiæ pertulerint ultionem, nonne iudicaret si quid locuti sunt, docuerunt, aut scriptum etiam reliquerunt, vniuersa pariter cū ipsorum deperire cineribus? Sed non sunt iudicia Dei sicut iudicia nostra,

*Batillarum
Chore & so
ciorum serua
torum myste
rium.*

*Iudicia Dei
à nostris mul
tùm diuersa.*

Audi enim quomodo de batillis eorū, qui contra Dei prophetam insurrexerant, circuli fieri iubetur, & in altaris affigi circuitu, Chore figuram eorum tenent, qui cōtra ecclesiasticam fidem, & veritatis doctrinam insurgunt, Is ergo cum suo cētu in batillis æreis ignis alieni obtulit incensum, & iubetur quidem ignis alienus dispergi & effundi, ex batillis autem quia sanctificatis, & corā Domino oblati, laminas ductas altari apponi: hæc autem batilla scripturæ diuinæ figuram tenent, cui hæretici sensum & intelligentiam à Deo alienā, atque veritati contrariam introducentes, velut alienum imponētes incensum, Domino execrabile, non suaue offerunt, forma ecclesiarum sacerdotibus data, ut si quādo tale quid fuerit exortum, ea quidem quæ à veritate aliena sunt, ab ecclesia penitus abstrudant, Sed si qua in hæreticorū verbis diuinæ scripturæ sensibus inueniūtur inserta, ne pariter cum his quæ fidei sunt contraria respuantur, Sanctificata enim sunt quæ de diuina scriptura proferuntur, & Domino oblata: Sed alio adhuc modo intelligi potest, quod de peccatorū batillis præcipitur, ut altari iungantur ac socientur, quod enim cetera dicuntur, non videtur otiosum, Nam ubi vera fides est, & integra verbi Dei prædicatio, aut argentea dicuntur, aut aurea, ut auri fulgor fidei declaret puritatem, & aurum igne probatum eloquia examinata significet, Psal. 11. ærea autem in vocis tantum sono consistunt, non in spiritus virtute, & sunt

*Aurea quæ
intelligantur
in sac. scri-
ptura, quæ
item argentea
quæ ærea,*

sunt tanquam ærumentum sonans, aut cymbalum tinniens, 1. Cor. 13. Batilla ergo ærea, id est hæreticorum voces, si adhibeamus ad Dei altare, ubi diuinus ignis est, ubi vera fidei prædicatione, melius veritas ex falsorum comparatione fulgebit. Si enim ponam dicta Marcionis V. G. Basilidis, aut alterius cuiusvis hæretici, eaque veritatis sermonibus, ac diuinarum scripturarum testimoniis, velut diuini altaris igne confutem, nonne euidentior eorum ex cõparatione apparebit impietas? Nam si doctrina Ecclesiastica simplex esset, nec ullis intrinsecus hæreticorum dogmatum assertionibus cingeretur, nõ poterat tam clara & examinata videri fides nostra, sed idcirco doctrinam catholicam contradicentium obsidet oppugnatio, vt fides nostra exercitiis elimetur, non otio torpescat. Oportet (ait Apostolus 1. Cor. 11.) hæreses esse, vt probati quique manifesti fiât inter vos, hoc est dicere, Oportet hæreticorum batillis altare circumdari, vt certa & manifesta omnibus fiat fidelium & infidelium differentia, Cum enim fides Ecclesiastica velut aurum cœperit refulgere, & prædicatione eius vt argentum igne probatum intuentibus resplenduerit, tunc maiore cū turpitudine hæreticorum voces obscuri æris vilitate sordebunt, Quæ enim bona sunt, bona esse ex deteriorum magis comparatione noscuntur. Et quis bonam esse lucem scirer, nisi noctis tenebras sentiret, quis mellis dulcedinem nosceret, nisi amaritudinis gustum acc-

*Hæreses cur
in Ecclesia
necessaria.*

*Bona, dete-
riorum com-
paratione
magis euices-
cunt.*

*Virtus sine
colluctante
non enitescit*

pisset? Diabolum denique & obluētates aduersum nos contrarias potestates si auferas, animi virtutes sine colluctante non poterunt enitescere, Sic & fidelium ergo sacerdotū gloria nō poterit resplendere, nisi eam infidelium reprobatio & pœna commendet. Sed & ex iis quæ legimus, singuli quique iustorum magis ex ceterorum collatione clari apud Deū habitū sunt,

*Iustus per cō
parationem
ut intelligatur
quis.*

ut Noë iustus quidem & perfectus, non ex integro, sed in generatione sua pronuntiatur, Gene. 6. Loth, quanto Sodomitæ quotidie deteriores fiebant, tātō iustior apparebat, Gene. 19. Caleb & Iannes (vel potius Iosue) bona nuntiantibus, & populum in proposito permanere hortātibus immortale à Domino meritum contulit non tam sua cōfessio, quàm sodalium formido, qui meticulosis sermonibus desperationem popularibus incusserant, nec tam magnificè in duobus animi virtus inclaruisset, nisi reliquorum decē turpis ignauia patuisset, Numer. 13. Hæc de batillis eorum qui condemnati sunt, quæ altari iubentur affigi, quod ex inferiorum comparatione iusti clariore appareant, Hæc vnus tam multa Origenes. Qui etiam de se scribit, quod cū ad eum hæretici quoque quamplurimi vel percontandū vel impugnandum ventitarent, visum sibi eorū dogmata diligenter perscrutari, ne ad eos conuincendos, si quæ apud eos essent, ignoraret, imparatior inueniretur, Euseb. lib. 6. ca. 15. Nicephor. li. 5. ca. 13. De cuius tamen libris nō minores quàm de

dogmatibus turbas excitavit antiquitas, ut quo nemo melius ubi bene, nemo peius, ubi malè, scripserit. Sed multa sanè non sana, adeòq; manifestè insana licet effutierit, lectū tamen semper magno cū fructu etiā à catholicis, vel hinc constat, quòd D. Athanasius clara voce hūc virum in Nicenæ fidei testē in libris suis contra Arianos, diu antea mortuum velut excitavit, & uti præterquā quod in eius operibus extat, obiecit Epiphanio sanctissimus vir Theotim⁹ Scythiæ episcopus. Quin & Basil. & Nazianzenus, cū in eius libris se exercuissent, & inde sacrarum literarum sententiam didicissent, multum per id temporis emolumēti Synodi Nicenæ sectatoribus contulerunt, Arianis strenuè restiterunt, eosque Origenis scripta ad dogma suum probandum afferentes refellerunt, non satis illius sententiam assecutos ostēdentes, Socrat. lib. 4. cap. 26. Sozomen. lib. 6. cap. 17. Nicephor. lib. 11. cap. 17. Quem etiā tam multi Latini Orthodoxi Græcè periti transferendo suum fecerūt, Hilarius, Victorinus, Ambrosius, & cæteri catholici (ut omittam Didymum, Eusebium, & alios Origenis assertores) quorum se exemplo Hieronymus eiusdem mirator, laudator, & interpretres defendit, Augustinus quod Græcè minus nosset, translatum cupiebat ita Hieronymo scribens, Epist. 8. Petimus & nobiscū petit omnis Africanarū Ecclesiarum studiosa societas, ut interpretandis eorum libris qui Græcè scripturas nostras quàm optimè tractauerunt,

Origenis elegium.

Augustinus non satis Græcè doctus.

*Augustini
& Hierony-
mi testimo-
nium de Ori-
gene.*

curam & operam impendere non graueris, potes enim efficere vt nos quoque habeamus tales viros, & vnum potissimum quem tu libentius in tuis literis sonas, Origenem indubiè, cuius ingenium immortale, incredibile studium, indefatigabilem legendi scribendique instantiam toties miratur, & commendat Diuus Hieronymus, quem cunctis idem placere prudentibus, quem omnes in cæteris vincere, quæ denique alterū post Apostolos Ecclesiarum magistrum, neminem nisi imperitum, negare, scribere non dubitauit, licet, vt excusare videtur adhuc adulescentulus, & iuxta Didymi sententiam, quem & ipsum præceptorem suum, prophetam videntem, & virum Apostolicum in suis idem literis nominauit. Ob quàm immo-
dicas Origenis laudes (quas cū passim apud Hieronymum, tum ad Tit. 3. cap. Ad Marcellā, Item in epistolis, ad Paulam & Eustochiū, prologo lib. 2. super Micheam, præfationibus in Mosē, Iosue, Paralipomena, Cātica, Ezechielem, & Hebraica nomina, & alibi legere est) cū quidam virum etiam tantum in falsis & impiis dogmatibus *ὀργανίζουσιν* suspicarentur, vel calumniarentur potius, quæ is pro sua Origenicorum voluminum lectione, versione, imitatione, compilatione respondit, in rē valde præsentem sunt, quatenus catholicis hæreticorum mentio, etiam interdum cum laude non tantū librī liceāt. Amicis ergo Pammachio & Oceano extimulantibus, vt se ab hominum suspi-

cionibus & calumniis purgaret, & ab Origenistarum erroribus alienum ostenderet, rescribit Origenis doctrinam se, nō dogmata laudasse, Laudaui (inquiens) interpretem, non dogmatistē, ingenium, nō fidem, philosophum, non Apostolum, eius tamen dogmatibus semper cōtraiui, Quæ enim stultitia est sic alicuius laudare doctrinam, vt sequaris & blasphemiam?

Origenis doctrina non dogmata laudata.

B. Cyprianus Tertulliano magistro vtitur, eruditi ardētisque viri delectatur ingenio, non etiam cum eo Mōtanum sequitur, nec bonis aduersariorum (si honestum quid habuerint) detrahendum, nec amicorum laudanda vitia; sed vnumquodque rerum, non personarum pondere iudicandum. Apollinarium frequenter audiui & colui, & cū me in sanctis scripturis erudiret, nunquam contentiosum illius sensu (dimidiatam scilicet œconomiam introducentis, hoc est, mentē Christo auferētis) dogma suscepi, fortissima & egregia cōtra Porphyriū volumina scripsit, probo laborē viri, licet fatuum in plerisque dogma contēnam. Quod autem opponūt cōgregasse me libros Origenis, super cunctos homines, vtinam omniū tractatorum haberem volumina, vt tarditatē ingenij lectionis diligentia compensarem, Cōgregaui libros eius (fateor) & ideo errores nō lequor, quia scio vniuersa quæ scripsit: Credite experto, venenata sunt eius dogmata, à scripturis sanctis aliena, & vim eis facientia. Legi, inquā, legi Origenem, & si in legendo crimē est, fateor, &

Cyprianus Tertullianum admiratus.

Tertulliani laus & ingenium.

Apollinarij ingenium & fatuum in plerisque dogma.

Origenis dogmata venenata.

nostrum marsupium Alexandrinæ (cuius videlicet fuit Origenes) chartæ euacuauerunt, Sed Origenistes nunquam fui, Origenem nūquam secutus sum, cur ergo in opusculis tuis laudasti? Et hodie laudare, nisi vos (Ruffine, & similes) eius laudaretis errores, non mihi displicet ingenium, nisi quibusdam eius placeret impietas. Et Apostolus præcipit omnia legentes, quæ bona sunt retinere. Quis mihi interdicere potest ne legam Lactantij, quibus contra gentes fortissimè scripsit, institutionū libros, quia eius in Spiritus sancti substantiā Iudaica atque detestanda est sententia? Tū subscriptis præcipuis Origenis erroribus, cū hæc (inquit) reieceritis, & quasi cæsonia virgula separaueritis à fide Ecclesiæ, tutò legam cætera, nec venena tā timebo, cū antidota præbitero, nec mihi nocebit hominem Ecclesiarum doctorem nominasse, nisi fortè accusare debui, cuius rogatus, opuscula transferebam, & in prologo dicere, hic què interpretor, Caue lector, ne legas, fuge viperā: aut si legere volueris, scito à malis hominib⁹ & hæreticis esse corrupta, timere tamen non debes, vitiosa enim omnia correxi, hoc est aliis verbis dicere, Qui interpretor, catholicus sum, què interpretor, hæreticus est. Ego callidus qui emendaui, silens quod volui, silens crimina non feci inuidiam criminoso. Aiunt & medici grandes morbos non esse curandos, sed dimittendos, ne medela languorem exasperet, ante annos prope 150, Origenes mortuus est, Quis Lati-

Legenda omnia, sed bona retinenda. Lactantij error in substantia Spiritus sancti.

norum ausus est transferre (quæ Ruffinus
 scilicet tunc transtulit) & per infame opus
 seipsum voluit infamari ? Si malo in eum a-
 nimo fuisset , hos libros interpretatus es-
 sem , vt mala eius etiam Latinis nota face-
 rem , sed nec multis rogantibus facere ac-
 quieui , non enim consueui eorum insultare
 erroribus , quorum miror ingenia . Si ad-
 huc viueret vester amasius , irasceretur vo-
 bis fautoribus suis , & cùm Iacob diceret ,
 Odiosum me fecistis mundo , Geneseos tri-
 gesimo quarto . Vult aliquis laudare Orige-
 nem ? laudet vt laudo . Magnus vir ab in-
 fantia , verè martyris filius , Alexandria Ec-
 clesiasticam scholam tenuit , voluptates fu-
 git , calcauit avaritiam , scripturas memori-
 ter tenuit , in studio explanationis diebus de-
 sudauit & noctibus , innumerabiles tracta-
 tus quos in Ecclesia locutus est , & Com-
 mentarios edidit . Quis ardentem in scriptu-
 ris animum non miretur ? Quod si quis ze-
 lotes opposuerit nobis errores eius , audiat
 liberè , interdum magnus dormitat Home-
 rus . Verùm operi longo fas est obrepere
 somnum . Non imitemur eius vitia , cuius vir-
 tutes non possumus sequi . Errauerunt in fide
 alij tam Græci quàm Latini , quorum non ne-
 cesse est proferre nomina , ne aliorum eum
 errore , non sui merito videamur defendere ,
 & cæteros accusare , non hunc excusare : Sed
 cùm in fidei prauitate nec saltem Apostolus ,

*Origeni ar-
 dor in scri-
 pturis.*

nec angelus defendendus sit, Gal. I. & Origenis simpliciter fatear errorē, sic legam vt ceteros, quia sic errauit vt ceteri. Sed si multorum cōmunis est error, cur solū persequeris? quia vos solum laudatis vt Apostolum, Tolle amoris, *ἡ ἀγάπη*, & nos tollimus odij magnitudinem. Ceterorum vitia de libris suis ad hoc tantum excerpitis, vt huius defendatis errorem, Origenem sic fertis in cælum, vt nihil eum errare dicatis. Eadem sed breuius Minerio & Alexandro, Si quis cōtrariæ actionis immurmurat, quare eorum explanationes legam, quorū dogmatibus nō acquiesco, sciat me illud Apostoli libenter audire, Omnia probate, quod bonum est, tenete, & Saluatoris verbum, Estote probati nummularij, vt si quis nummus adulter est, & figuram Cæsaris nō habet, nec signatus est moneta publica, reprobetur, Qui autem Christi faciem claro præfert lumine, in cordis nostri marsupium recondatur. Ego & in adolescentia & in extrema ætate profiteor Origenem, Eusebium, Theodorum, Acacium, Apollinarium viros esse doctissimos, sed errasse in dogmatum veritate, & tamen omnes in explanationibus scripturarum sudoris sui memoriam nobis reliquerunt, in terra aurum quæritur, & de fluuiorum alueis splendens proferitur glarea, Pactolúsque cæno ditior est, quàm fluento. Meum propositum est antiquos legere, probare singula, bona retinere, à fide Ecclesiæ catholicæ non recedere, vt Tran-

*Doctissimos
viros errasse
in dogmatū
veritate.*

quillino quærenti propter multos simplices
 Origenis errore deceptos , an iuxta Fausti-
 num penitus respuendus , an secundum quos-
 dam ex parte legendus, Origenem, ait, propter
 eruditionem sic interdum legendum arbitror,
 vt Tertullianum, Nouatum, Arnobium, Apol-
 linarium, & nonnullos Ecclesiasticos scripto-
 res Græcos pariter & Latinos , vt eorum bona
 eligamus, & contraria vitemus, iuxta Aposto-
 lum, Omnia probate, bonum tenete. Qui au-
 tem vel in amorem eius nimium , vel in odiũ
 stomachi sui prauitate ducuntur, Videntur mi-
 hi maledicto prophetico subiaceri, Væ his qui
 dicunt bonum malum, malum bonum, qui fa-
 ciunt amarum dulce, dulce amarum, Nec enim
 propter doctrinam praua suscipiēda sunt dog-
 mata , nec propter dogmatum prauitatem , si
 quos Commentarios in scripturas sanctas vti-
 les edidit, penitus respuendi sunt, Quod si con-
 tentiosum inter se amatores eius & obtrecta-
 tores funem duxerint , vt nihil medium appe-
 rant , nec seruent modum , sed totum aut pro-
 bent, aut improbent, libentius piam rusticita-
 tem, quàm doctam blasphemiam eligam. Sic
 amicis, inquã, Hieronymus de legendis quam-
 libet à fide aberrantibus , nec aduersariis alia
 respondit, Nam Vigilantio eius nomen & ami-
 cos huius rei ergò infamanti scribens, Eadem,
 inquit, absenti significo , quæ præsentī sum lo-
 cutus , me ita Origenem legisse vel legere , vt
 Apollinarium, vel cæteros tractatores , quo-

*Origenes vs
 legendus.*

rum in quibusdam libros non recipit Ecclesia; non quo omnia illorum damnanda dicam, sed quædam reprehendenda confitear, Verû quia operis mei est & studij multos legere, vt ex plurimis diuersos flores carpam, non tam omnia probaturus, quàm bona electurus, assumo multos in manus meas, vt à multis multa cognoscam, iuxta illud, Omnia legentes, bona retinentes. Vnde satis miror Origenis te mihi obiiicere dogmata, qui omnia contra Ecclesiâ dogmata reprehendo, & publica voce condemnno. Origenes hæreticus, Quid ad me, qui hoc in plerisque non nego? Errauit, &c. Si errasse non dicerem, & hæc quotidie non anathematizarem, essem erroris socius, nec enim ita debemus bona recipere, vt mala quoque suscipere cogamur. At idem scripturas in multis bene interpretatus est, Prophetarum obscura diseruit, noui & veteris testamenti maxima reuelauit sacramenta. Si igitur bona transtuli, mala vel amputaui, vel correxi, vel tacui, arguendus sum? Cur per me Latini bona eius habeant, mala ignorent? Si hoc crimen est, arguantur, & in culpa sint aliquot sancti Martyres & confessores, qui hæretici hominis commentarios in nostrum verterunt eloquium, licet hæretica prætermittentes, optima quæque transtulerint. Ad te ipsum veniam, ne non tam me defendere, quàm criminis socios, qui Origenem in scripturarum duntaxat explanatione secuti expresserunt, videar quærere, cur tractatus eius in Iob

*Hæreticorū
commentarij
per martyres
in Latinum
versj.*

descriptos habes, in quibus quædam loquitur, quæ Ecclesia non recipit? Tibi soli licet τῷ ἑαυτοῦ τὰ πρὸς ἑαυτὸν de cunctis & Græcis & Latinis tractatoribus ferre sententiam, & quasi censoria virgula alios eiicere de bibliotheca, alios recipere, & cum tibi placuerit, me vel catholicum vel hæreticum pronunciare, nobis non licet peruersa respicere, & damnare quæ sæpe damnauius. Lege opuscula mea, & liquidò peruidebis me ab adolescentia nunquam alicuius auctoritate perterritum acquieuisse hæreticæ prauitati. Obrectatoribus item suis obiiciētibus, quòd Origenis libros noxios, & Ecclesiasticæ fidei repugnantes in Latinum sermonem vertisset, sic breuiter respōdit priore in Ruffinum Apologia; quod ab alio (eodem scilicet Antimacho suo) fraudulenter translati essent, nonnullis interpolatis, additis, mutatis, & dogmatibus quibusdam quidem impiis, quæ Romanæ aures ferre non poterant. In meliorem partem ab interprete commutatis, quibusdam verò multò deterrimis, vel ita vt in Græco inuenerat, versis, vel aliunde sic firmatis, vt qui in vno catholicum legerat, in aliis hæreticum non cauēret, aut ergo totum fuisse mutandum, quòd mālum est, aut totum prodendum, quod optimum, & propter simplices noxia quæque detruncanda, Sin veritatis fides in translatione conseruanda fuit, non alia fuisse mutanda, alia intacta dimittenda. Sic enim præfantem praua se emendauisse, & optima reliquisse, scriptoris auctoritate,

non interpretis libertate teneri, si quid in his
quæ verterit, hæreticum comprobetur, & ma-
nifesti criminis arguitur, veneni calicē idcirco
circunliuisse, vt simulata dulcedo virus pesti-
mum regeret. Ideoque vt mali operis astipula-
torem, non vt interpretem in Ius Ecclesiæ tra-
hendum. Simpliciter ergo se quod in Græco
habebatur expressisse, non vt crederet lector
his quæ (ait) interpretabar, sed ne crederet illis
quæ Ruffinus antè transtulerat, Quo in opere
duplex fuit utilitas, dū & hæreticus autor pro-
ditur, & nō verus interpret arguitur, Neu quis
me putaret, his quæ verteram consentire, inter-
pretationis necessitatem præfatione muniui,
docens quibus lector non deberet credere.
Prior translatio auctoris laudem continet, & ad
credendum prouocat, Secunda vituperationē,
& ad non credendum mouet, adeo non laudās
quæ transfero, vt laudantem cogar accusare.
Eadem res non eadem mente perfecta est, imo
vnum iter diuersos exit habuit. Absoluit Ruf-
finus quæ erant, ab hæreticis addita & depra-
uata simulans, addidit quæ non erant, asserens
alibi ab eodem disputata, neque loca vnde se
transtulisse dicit, monstrans: mihi studio fuit
nihil mutare de vero, nā interpretabar vt mala
interpretata conuincerem. Putatis me inter-
pretem? proditor fui, hæreticum prodidi, vt Ec-
clesiam ab hæresi vindicarem, hæc interpreta-
tio igitur mea cū pietatis habeat causam, non
debeo impietatis argui, prodēs impium, quod

quasi pium Ecclesiis tradebatur. Cùm tam eius multa per tot annos nunquã scandalo fuissent, nulla de opere meo quæstio, nunquam Roma commota sit, quid necesse erat Latinis auribus tradere, quod detestatur & Græcia? Sic ille suæ Origenicorum non eorum tantùm in quibus mali nihil, sed etiam aliorum in quibus impietatis permultum, & lectionis & versionis causam, & à Ruffiniana differentiam reddit. Cur autem Origenem in quibusdam antè laudauerit, ex eodem antè audiuius: De imitatione verò ita postea, in commētariis sic Origenem, Didymum, Apollinarium, contraria licet inter se habentes dogmata secutus sum, vt fidei non amitterem veritatem. Quid enim operis habēt commentarij? alterius dicta edisserunt, obscure scripta explanant, multorum sententias explicant, & plurium expositiones, sensus, intelligentiam, rationes & testimonia etiam inter se cōtraria ponunt, dicentes, hunc locum quidam sic edisserunt, alij sic interpretantur, illis aliter videtur, vt prudens lector cùm tam diuersa legerit, & multorū vel probanda, vel improbanda didicerit, iudicans quid verum sit, quasi bonus trapezita adulterinæ monetæ pecuniam reprobet. Hac Hieronymi similitudine sanè quàm ad hanc rem appositā vtitur etiam Pamphilus Martyr (si modò is Apologetici, quod pro Origene extat, autor est, nam de hoc quoque magna non tunc tantum, sed hodièque controuersia est) Dolebat autem is (quisquis

*Commenta-
riorū ad sa-
cræ scriptu-
ræ, vtilitas.*

*Apologetici
pro Origene,
ne, autor.*

fuit) quosdam non tanto solum Origenica studio incusare, sed etiam aduersus eos qui hæc legerent, tanta inimicitia & pertinacia agere, vt nec venia dignos putarent, quæ secularium librorum, aut etiam interim hæreticorum percontandi cognoscendique studio decurrentibus impertiri solet, sibi scilicet solis concedendam probandi sermonis peritiã rati, vt si quid ab alio dictum est, retinere sciant, ab omni specie mali abstinere se nouerint, ab Origenicis autem libris ac lectoribus id mandati penitus excludant, quo probabiles iubemur effici trapezitæ, scientes quod bonum est, retinere, & a malo abstinere, vt si quis quidpiam eius legisse visus fuerit, hæreseos statim ab his perfundatur infamia, denique cum multis religiosi propositi viris, in quibus culpæ alioqui nihil inueniunt, ob id solum inimicitias exercent, si quorum studium erga Origenis libros propensius esse perspexerint, inuidiosè fingentes ab eis Origenem & Origenica Sanctorum vel Apostolorum, vel Prophetarum loco haberi, Quod equidem certum non habeo calumniandine voto factitent, an forrè tale quid à simplicioribus, & propensiore affectu virum diligentibus vnquam audierint. Hæc non tam (opinor) Pamphilus scripsit ea paulò ætate superior, quàm Origenis studio Rufinus affinxit, Cuius tempore Theophilus Alexandrinus, sana licet multa & Ecclesiasticæ fidei non repugnãtia Apollinarem, Origenem, & alios hæreticos scripsisse

*Trapezitis
coparati sa-
cratum lite-
rarum stu-
diosi.*

*Theophilus
Alexandri-
nus, episcopus
D. Cyrillus*

lib. 1. Paschali confessus, monachis tamē simpli-
 ciorib⁹, & Anthropomorphitis id seditiosè vr-
 gentib⁹, vt periculū ab eis imminens euaderet,
 primū pollicitus, mox fratrum aliorum doctiorū
 quidem, meli⁹sq; sentientium, & Origenē de-
 fendentium odio percitus, & D. Chrysostomi
 episcopatu pellendi cupidus, D. Epiphanium,
 clarum quidē, sed simplicem virum circumue-
 niens, & in partes suas pertrahens, collecta epi-
 scoporū Cypri Synodō, Origenis ante annos
 penē ducētos defuncti libros, & eorum lectio-
 nem interdixit, reclamantibus tamen vbi resci-
 uerunt, viris tum sanctissimis Theotimo Scy-
 thiæ, Methodio Olympi Lyciæ episcopis, quo-
 rum ille respōdebat nefas esse contumelia pri-
 dem mortuos, & bene requiescētes afficere, &
 veterum scripta temere reprobare & abiicere,
 hic etiam Origenem initio multū insectatus,
 postea pœnitens virum mirabatur, & Athana-
 sij testimonio defendebat. Diuus autem Chry-
 sostomus, & Theophili literis, & Epiphaniij lin-
 gua in Origenis librorum damnationem sub-
 scribere, & ab eiusdem lectione abstinere, &
 coacto concilio idem secum decernere moni-
 tus, alioqui cum eis communionem non habi-
 turus, Id facere recusauit, dicens nihil ante ca-
 tholicam cognitionem temere ac petulanter
 tale faciendum. Obtinuit tamē factio Chryso-
 stomo aduersa, subornato Epiphanio, qui cele-
 brata in Apostolorū Ecclesia Synaxi, prodiens
 corā omni populo Origenis libros dānauit, &

*stomi inimic-
tus.*

*D. Epiphani-
nius vir sim-
plex à Theo-
philo circum-
uentus.*

*D. Chryso-
stomus Ori-
geni aquus.*

*Epiphanius
Origenis li-
bros dānat.*

Dioscorum, Chrysostomumque cum sequacibus velut Origenis defensores abdicauit & proscidit. At verò malignus huius interdicti autor & tumultus incētor Theophilus tanto post odio maiore flagrauit, quòd Origenicis rursus legendis incumbere non vereretur, & interrogatus, cur quæ antè reiecerat, iterum amplecteretur, sic respondit, Origenis libros similes esse prato omnis generis floribus ornato, quicquid ergo boni inuenio, id excerpo, si quid contrà spinosum occurrerit, id quasi aculeatum sit & pungat, omitto. hæc, ait, non considerans Salomonis verbum dicentis, Sapiētum verba esse bonū stimulis similia, Ecclesiastæ 12. nec debere aduersum ea illos recalcitrare, qui theorematibus eorum punguntur. Ob hanc ergo causam meritò ab omnibus reprehendebatur Theophilus. Atque hæc est grandis huius tragædiæ epitome brevis & succincta, ex Ecclesiasticis historiis, Tripartita lib. 10. ca. 10. 11. 12. 14. Socrat. lib. 6. ca. 7. 9. 10. 12. 13. 14. 17. Sozomen. lib. 8. cap. 11. 12. 14. Nicephori lib. 13. ca. 10. 12. 13. Chrysostomi vitæ scriptoribus Georgio Alexandrino, Simeone Metaphrasta, Leone Imp. Addit Zonaras tom. 3. Annalium, Atticum Patriarcham Chrysostomi nomen in Ecclesiæ commentarios retullisse, prius non inscriptum. Nam religiosissimus ille Pater, Origenista & vocabatur & habebatur. Necdum tamen finis, donec Vigilio Papa, & Iustiniano Cæsare Synodus V. œcumenica, supplicatibus idem Hierosolymæ

Mona-

*Origenis libri
similes
prato omnis
generis flori-
bus ornato.*

*Chrysostomus
Origenista
vocabatur.*

monachis & Episcopo, multis anathematismis & vociferationib⁹ impia & absurda Origenis dogmata damnauit, quę extant apud eundem Nicephorum lib. 17. ca. 27. 28. Et in eius concilij actione 4. ca. 11. Liberati quoque Breviario ca. 23. & Martini I. Synodico aduersus Monothelitas decreto 18. Damnatus itaque est & mortuus non semel, ac etiamnum olim viuens, nec eius tamen omnia damnata, vel interdicta. Quin Gelasius I. pōtifex Rom. In ca. S. R. E. Dist. 15. Canonorum & Apocryphorum catalogum texens, Cū hęc (inquit) ad catholicorum manus peruenerint, B. Pauli sentētia præcedat, Omnia probate, quod bonum est, tenete, inter quę nonnulla Origenis opuscula, quę B. Hieronymus non repudiāt, legenda suscipimus, cetera cum autore renuimus. Sed & in eiusdem schismatici licet laudibus & excusatione, librum Eusebius Cæsariensis conscripserit (& hic Hieronymo in Rufinū teste, apertissim⁹ Arianę factionis & impietatis propugnator & signifer) propter singularem tamen rerum quę ad instructionē pertinent, notitiam, vsquequaque non renuimus eius historiam & Chronicon. Sed durior multò fuit de utroque, Origene in quā, & huius interprete Rufino, Anastasii Rom. episcopi: ante Gelasium centum plus minus annis sententia, Sic enim ad Hierosolymorū episcopum scripsit, Qui vrbs nostrę populis Originica transferendo patefecit, quandam menti-

Origenis
opuscula
quandam roman-
sentia.

Anastassi
Rom. episcopi
sententia
de Origene.

bus nebulam iniectam excitans, fidem Apostolicam maiorum traditione firmatam, velut deuiis anfractibus voluit dissoluere, quid enim agat hæc in Romanâ linguam translatio? Approbo si autorem accusat, & execrandum populis prodit, vt iustis tandem odiis teneatur, quem iamdudum fama constrinxerat, Sin interpretes tâtorum malorû erroribus consensum præstat, & legenda impia dogmata in populos prodit, nihil aliud operis sui labore extruxit, nisi vt propriæ mentis arbitrio, hæc solam primamque apud Catholicos Christianos fidem ab Apostolis ad præsens vsque tempus obseruatam, inopinatæ assertionis titulo euerteret. Absit hæc ab ecclesia Rom. disciplina nequam catholica, Nunquam profectò eueniet vt vlla ratione admittamus, quæ iure meritòque damnamus. Accipere nos omnino non possumus quæ Ecclesiam maculât, probatos mores euertunt, circumstantium aures vulnerât, iras, iurgia, dissensionésque disponunt, mihi sanè cura non deerit, ne qua profanæ interpretationis origo subrepens, deuotas mentes immissa sui caligine labefactet, Vnde quod euenisse gaudeo tacere non potui, beatissimorum principum manasse responsa, quibus vnusquisque Deo seruiens ab Origenis lectione reuocatur, quorumque sententia damnandus est, quem profana rerum lectio prodiderit. Omni autê suspitione seposita Ruffinum scito propria mente in Latinum Origenica transtulisse,

*Eccles. Rom.
disciplina.*

probauifféque, ei non diffimilem, qui alienis
vitiis assensum præstat, ac proinde à nostris ita
paribus alienum, vt vbi sit, quid agat, nescire
cupiamus, Viderit à quo absolui possit, & qua-
liter apud diuinam Maiestatem, quam consciē-
tiæ suæ habet arbitram, integræ deuotionis
officio approbare debeat, hæc ille. Inter Hie-
ronymi opera, in tomis sanè Conciliaribus nō
occurrūt nec principum aduersus Origenico-
rum lectionem edicta. Hæc plurima ex parte
D. Hieronymus occasione scriptorū, quæ tunc
multo multis erant in pretio, Origenicorum.
de vsu legendorum, ac etiam vertēdorum hæ-
reticorum, qui etiam libros aliquot à Paulo
concordiensi, commodatō petens, simul, in-
quit, & epistolas Nouatiani, vt dum schismati-
ci hominis venena cognoscimus libentius S.
Martyris Cypriani bibamus antidotum. Tan-
rūs tamen hæreses & hæreticorum mastyx,
vt sanctè se iactet hæreticis numquam peper-
cisse, & omni se egisse studio, vt hostes eccle-
siæ; mei (ait) quoque hostes fierent, in proœ-
mio aduersus Pelagianos, & contra Vigilā-
tium, séque ab adolescētia nunquam alicuius
autoritate deterritum, hæreticæ prauitati ac-
quieuisse, Vir inquam, si quis vnquam alius,
qui iuxta Domini in se credentibus promissa,
Marc. 16. si quid mortiferum bibit, non ei no-
cuit, hōc est Eusebio Emiseno interprete, pa-
ganorum & hæreticorum libros legens, ama-
ra & venenosa conuitia sibi suisque similibus

*D Hierony-
mi laus ab
omni hæresi
alienissimè*

*Hæreticorū
libros qui le-
gere possint
inculpate.*

ecclesiæ sanctæ filius, illata sæpe audiens, surda
aure transiens pro nihilo duxit. Cuius & illud
ad rem facit, quod in Salomone scriptum (si eius
modò sunt in proverbia commentarii, ad cap.
6. Vt hominis in sinu ignem habentis vestes
non ardere, super prunas ambulantis plantæ
non possunt non comburi: sic homo ad mulie-
rem proximi ingressus, eaque tangens, mun-
dus non erit, Soli (ait) ei conceditur hæretico-
rū libros legere, qui adeo in fide catholica so-
lidatus est, ut verborum dulcedine vel astutia
nequeat ab ea segregari. Gloriat in Gētilis
Chrysostomus, de summa fidei & religionis
nostræ securitate, cui adeo nihil ex aduersario-
rum libris immineat periculi, ut etiam quidā
nostrorum cura sint asservati, alioqui perituri.
Sic enim cōcionatur in S. Babylam, de philo-
sophorum & rhetorum libris aduersum nos
scriptis, sicubi saluus aliquis comperiat, hūc
apud Christianos asservari inuenias, tantum
abest, ut ab illorum in nos insidiis detrimen-
tum aliquod suspicemur. Nec enim si adaman-
tina & immortalia nobis inessent corpora,
scorpiones, serpentes, ignem manibus constri-
ngentes timeremus, sic neque ubi animas no-
stras, fidemque in nobis tantam Christus sta-
biliuit, hostium nostrorum venenis impetiti
timemus: Nam si nobis concessum est super
scorpiones & serpentes, & omnem Diabolici ty-
rannidē ambulare Luc. 10. multo magis super
vermes & scarabeos: horum enim librorum

Simile.

ab aduersariis Religionis nostræ conscripto-
rum nocumētum tali interuallo dissidet, si eos
compares cum mali dæmonis in nos insidiis,
Hæc, interprete Brixio, Chrysostomus. Qui
adeo idem de hæreticorū quod de gentiliū
libris sentit, vt exilij multam & causam fuisse
antea audierimus, quod aliquot episcopis li-
bros Origenis damnātibus subscribere nolue-
rit, Quod tamen negotium optimo cuique cū
Chrysostomo displicebat: Nam præter ante
citatum S. Theotimum Scytharū episcopum,
nec Theophilus quidem Alexandrinus eiusdē
dānationis autor Origenis lectione abstinuit,
quasi (quod minimè decet, & lex vetat. Leuit.
Deut. 25) Domi habens pondus & pondus, &
quod aliis licere nolebat, sibi permittens. Vt
ergo nostrum est à damnosis & perniciosis
libris, quasi venenosus simpliciores dehortari
& arcere: sic parum fidei nostræ honorificum
fortè fuerit, sicubi adeo trepidetur, vbi minus
trepidandum fiet, quasi saluis vllis huiusmodi
scriptis salua illa esse omnino nequeat: & ca-
uendū, vt quod de quibusdam præ fidei nostræ
certitudine conseruat, adeoque pro eadē cō-
seruādis, Ecclesiæ gloriosum esse censuit & cō-
sultuit D. Chrysostomus, nos cōtrā immodico
magis zelo quàm sciētia obscurem⁹, & vt apud
exteros & infideles malè audiamus, nobis ipsi
autores simus. Nam cum tā multa minus di-
gna in aliquibus Christianorum non modò
scholis, sed templis quoque legantur, canātur,

*Chrysostomus
in exilium a
deus quod O
rigenis dam-
nationi sub-
scribere no-
luit.*

*Theophilus
episcopus O
rigenis in-
quirit.*

*Apocrypha
leguntur &
canuntur.*

& patienter audiantur. quæ olim iam fuit, ac etiamnum est Ecclesiæ non tantum hostium exprobratio, sed & filiorū querimonia, vt de Apocryphis monuimus, hoc est, à sanctis ante nos patribus actum egimus. Digressionum lib. 1. cap. 11. & rursum Digressione 21. in 2. ad Timoth. cūque nec in pessimos interī impudicissimos, obscœnissimos, maximēque blasphemos libros nec sic sæuiatur. curandum nobis rursus est, vt ne in scrutandis, tollendis & abolēdis aduersariorum scriptis priuati se aliquid odii & affect⁹ immisceat, sed magis fidei zelus à spiritu Christi & Ecclesiæ mente siue intentione profectus, oculis tum suggerentiū, tum iudicantium obuersetur. Iuxta superiorem hanc

*Henrici 11.
Regis chri-
stiani studiū
& edictum.*

ecclesiasticorū canonum & conciliorū Regulam, & pastorum atque Doctorum sententiam, Rex & princeps noster Hēricus II. quātumlibet alioqui de tam multis in hodierno schismate scriptis à ditione sua exterminandis arcendisque sollicitus, disertè tamen eos excepit homines ab interdictis scriptorum huiusmodi, qui prout habet ratio, & iuxta constitutiones canonicas, possunt atque debēt libros de hæresi suspectos habere, nimirum quos videant, impugnent, improbent suis in concionibus, prælectionibus, & vbicunque locorum opus fuerit, Sic enim habet vii. articulus: editi anno 1551. Qui etiam, vt nobis sunt, prout & semper fuerunt, sicut domus quōdam Israël. 3. Reg. 20. sic Francicæ, adeoque Valesiæ

*Hæreticorū
libros habe-
re qui pos-
sint.*

Reges sanequam clementes, nedum æqui at- *Reges Fran-*
 que iusti, edicti eiusdem articulo. XIII. quia *cia vt Israe-*
 frequenter reperire est in auctionariis demor- *lis clemētes.*
 tuorum tabulis codices huiusmodi suspectos,
 & proinde prohibitos, vt vetuit repertos, nisi
 prius à peritis & deputatis visitatos vñum
 exponi, aut distrahi: Ita noluit defunctorum
 memoriã eius rei ergo reã agi aut peragi, siue
 condemnari: Pars porrò huius argumenti al-
 tera nobis tractanda supererat, super hæreticis
 videlicet tum libris, tum hominibus etiam eli-
 minandis, sed præterquam hic iã commenta-
 rius, quàm ab initio sperarẽ auctior est, & ex-
 cludunt instantes operæ. Non omnia, inquit
 ille, possumus omnes, & quãtillum possumus,
 non omni statim tempore possumus: partem
 eius quod reliquum est, alteram cū per otium
 licebit, colligemus, alterum super Legibus &
 pœnis per Christianos principes aduersus læsi
 Christianismi reos latis & sancitis, promptam
 præsentẽque habemus, & quidẽ vernaculã,
 hoc eam anno daturi tibi, lector optime, si
 quidem nobis Deus dederit. Lutetiæ, ex ædi-
 bus Rhæmæis, pridie Pentecostes, XVII. Iun.
 Anno D. 1567.

The first settlement in Boston was made by a group of Puritan ministers and laymen who fled from the Massachusetts Bay Colony in 1630. They were led by John Winthrop, who gave the famous "City upon a Hill" speech. The settlement was initially called "Boston" and was part of the Massachusetts Bay Colony. The city grew rapidly and became a major center of commerce and industry. In 1693, the city was incorporated as a city. The city continued to grow and became a major center of commerce and industry. In 1800, the city was still a major center of commerce and industry.



1257

